



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

LES CRONIQVES ET

ANNALES DE FRANCE,

depuis la destruction de Troye, ius-

ques au Roy Loys unzième: iadis composées par

feu maître Nicole Gilles, en son uiuant

Secretaire, Intéliciaire du Roy,

& Contrerolleur de

son tresor.

Nouuellement imprimées sur la correction de maître Denis Sauuage de Fontenaille en Brie, & additionnées, tant par luy que par autres, selon les modernes historiens, iusques au Roy Charles neufiesme à present regnant.

Premier Volume.



A PARIS,

Par Michel de Roigny, rue S. Iacques, à l'en-
seigne des quatre Elemens.

I 5 6 9.

A Monseigneur Anthoine, premier du nō, Duc de Vēdosmois, Denis Sauuage. S.



Onseigneur, la vertu a de soy telle puissance qu'elle attire, comme par force volontaire, les coeurs des hommes à s'addonner du tout à ceulx qui ont le bruit de l'entretenir & suyure. Ce qui a fait qu'à la seule renommée de celle, qui est à l'entour de vous, & de vostre maison, ie me soys entierement voué à faire chose qui vous puisse apporter honneur & plaisir, & encores quelque profit, comme il en est de diuerses sortes. Pour à quoy commencer, & vous en donner aucun tesmoignage, voyant ces iours passé ce present liure des Annales & Croniques de France, iadis adressé, par quelque autre, à feu de bonne memoire mōseigneur Charles, vostre pere, auoir esté en beaucoup de lieux, & presque par tout, corrompu & gasté, par le commū malheur des autres liures, ie me suys mis à le reueoir & corriger: & tant, que Dieu mercy, ie puis esperer et attēdere que ceulx qui le verrōt par cy apres, le recōgnoistront pour biē remis en son entier, s'apperceuans assez de mes peines, labours, et trauaux. Pour recōpense de quelz ie m'estimeray auoir beaucoup gaigné si vous daigne luy faire tant de faueur, & à moy tant de bien, que de l'aduouer de vostre maison, & le tenir pour meuble de la succession de mondict Seigneur, vostre pere: De quoy Monseigneur, ie vous supplie treshumblēt, me presentant au reste, à tout tel seruice qu'il vous plaira m'employer. A Paris ce premier iour de Iuillet, mil cinq cens quarante neuf.



✚ A tous Lecteurs, dignes de ce nom,
D.Sauuage soubhaitte toute felicité.



ES bons Seigneurs, ce que ie vous escry maintenāt n'est que pour vous aduer tir que combien que i'aye recouuré, pour la correction de ces presentes Annales, plusieurs vieulx Exemplaires, et entre autres vn, qui fait quelque foy d'estre de la main de l'Auth eur, neantmoins ie les ay tous trouuez telz qu'il m'a esté besoing de recourir aux autres bons Auth eurs, desquelz nostre homme se pouuoit estre aydé. Car certainemēt ceulx, à qui estoient ces Exemplaires, ou Copies à la main, curieux d'auoir en vn seul liure tout ce qui pouoit auoir esté fait en tous pays (au mois en beaucoup) par chacune année, auoyent entremeslé, chacun à par soy, sur la marge de leurs liures, plusieurs choses, non accordantes à nostre principal: qui estoit aussi pour la pluspart accoustré de mesme les autres. Et depuis, ceulx qui premierement l'imprimerent, sans discerner ce qui pouoit estre d'ailleurs, merrent tout en vn, et tellement que pour la diuersité de ceulx, qui y auoyēt mis la main, vous n'eussiez sceu trouuer fueillet, ou il n'y eust quelque contrarieté, ou, pour le moins redicte. Ce que i'ay redressé, sans toutesfois auoir rien osté, suyuant ce que

a ij

i'ay peu veoir estre du corps de mon vieil Exemplaire, & selon les autres bons liures qu'il auoit ensuyuis : entre lesquelz la Cronique Latine d'un frere Guillaume de Nangis, non iamais imprimée, m'a grandement aydé, avec Sigisbert. Il est bien vray que vous trouuez quelques fois, cy dedans, aucunes choses qui ne s'accordent pas avec iceulx, n'avecques plusieurs autres: mais quand il ne contredit point à soy mesme, ie luy laisse auoir son oppiniõ. Quant à son stile, & maniere d'escrire, qui à la verité sent vn peu son vieillard, i'ay fait grande conscience d'y rien changer, à fin de laisser veoir aux lecteurs la difference qu'il y a entre les antiques & modernes. Au regard des quotations, qui sont sur la marge, ainsi marquées [†], elles sont de moy, pour quelques fois aduertir le lecteur de la diuersité de leçon, ou pour chose que ie pense ne luy deuoir estre cachée: mais les autres, non marquées, sont les vieilles, que i'ay laissées, pour ceulx qui y sont accoustumez, combien que le plus souuent ne me semblent que trop longues, & aucunes fois superflues. Au reste, quant aux additions, ie n'y ay rien (afin de n'vsurper sur autrui) sinon la correction, là ou elles pouuoient estre depraüées, comme vous pourrez trouuer au second Volume, ou il est question du droit que pretend la maison d'Orleans à la Duché de Milan. Au surplus, voyant qu'aujourdhuy chacun veult auoir son Orthographe à part, les vns voulans renger l'escripture à la prolation, & les autres au contraire, ie ne me suys gueres formalisé plus pour l'une partie que pour l'autre, & en ay usé presque indifferement, excepté que i'ay vn peu plus tiré sur la vieille mode, estant le liure de l'Auteur vieil: aussi qu'elle me semble auoir en quelque chose quelque raison pour soy, cõme vne autrefois i'espere le deduire. Or, quoy que soit, ie vous supplie, Messseigneurs, prendre cestuy nostre travail en gré, pour m'encourager à vous donner de brief la Cronique du Seigneur d'Argenton, rendue aussi sur vn vieil Exẽplaire de l'Auteur, & corrigée d'un nombre infiny de fautes, vous promettant encores d'auantage quelque chose de nostre facon, concernant l'hystoire totale de noz Gaulles, si l'inique calünie d'aucuns (ennemys de vertu) ne me cõtstraint plus tost employer ma plume à cõmencer les gestes des Princes estrangers, que continuer à escrire celles des predecesseurs du Roy Threschrestien, que ie desire tousiours estre mon souuerain Seigneur, apres Dieu, lequel ie prie luy donner bonne & longue vie, & victoire, & sa grace à toutes personnes, me recomãdant à la vostre. A Paris ce premier iour de Iuillet, mil cinq cens quarante neuf.

*Proeme à treshault, magnanime, & illustre Prince, monseigneur
Charles, Duc de Vendosmois, Comte de Marle, de Conuer-
san & de Soissons, Vicomte de Meaux, Gouver-
neur & Lieutenant general pour le Roy
es pays de Picardie, Salut.*

ENtre les anciens, trefillustre & trefinclyt Prince, a esté fort debatue questiō, lequel des deux fait plus à priser, ou celuy qui par victorieuses armes amplifie & dilate l'Empire de la chose publique, ou celuy qui par prudent conseil obuie aux entreprises d'icelle. Ceste question voulut terminer en sa faueur le trefeloquent Ciceron, lequel, apres auoir par clere preuoyance descouuerte & rompue la conspiration Cathilienne, iacoit que Marc Anthoine debella les armes des cōspirateurs, vsurpa neāmoins la totale gloire pour luy, en proferāt sa sentēce, que les armes deuoyent dōner lieu à la robe Consulaire: mais Saluste, voulant à l'vn & à l'autre fauoriser, dit, que ceulx qui cōseillēt, & ceulx qui les cōseilz executēt, tous deux sont à louer. Quāt à moy, Prince inuictissime, i'ensuys l'Edict & Arrest diffinitif du trefiuste Iustinian, qui au commēcemēt de ses Institutes dit estre trefnecessaire q̄ l'Imperiale maiesté non seulemēt soit decorée d'armes, mais aussi armée par bōnes loix, à ce q̄ l'vn & l'autre tēps, de paix & de guerre, soyent bien regis & gouuernez. Certes, Price trefnoble, ie voy cest Arrest executé en ta celsitude: laq̄lle, apres auoir tousiours hardiment resisté aux armes des ennemys, & quelque victoire que fortune leur ait baillée alēcontre des autres, tadiēte celsitude par prudence leur resistē & nous deffend, qui est chose, selon mon iugement, qui n'aduint oncques ou bien peu de fois. Le grand Pompée triompha maintesfois. Les Scipions feirent sentir leurs armes par l'vniuersel monde. Alexandre le grād mit soubz ses piedz le circuit de l'Ocean. Le dictateur Cesar feit voler les Aigles Rōmaines à son profit: mais quand fortune leur à tourné le doz, ilz sont succombez. Le prudent Caton, pour bien conseiller la chose publique entre les Rommains, merita nom de Saint: mais il ne peut porter la Cefarienne violence. Ta seule vertu à concueilly le loz de victoire, non seulement contre les hommes, mais d'habondant contre fortune. Qui pourra doncques, trefauguste Prince, par cōdigne stile assez louer, extoller, celebrer, magnifier, & rememorer tes immortelz & imperissables gestes. A la verité la tube Homerique, le cleron Virgiliā, la fonde Liuiane, & la maiesté Salustiēne y perdrait le pied: & ie, imbecille, & ieune de tout sçavoir, entreray ie en la spacieuse mer de tes louenges: ce seroit trop entrepris, & ne pourroie euitier le vice d'oultrecuydāce de vouloir si hault voler. Parquoy ie lairray ceste entreprise à Paul Emile, ou au condigne de toute science Bude: & croy que leurs forces serōt trop debilles pour y paruenir. Assez me sera de pouoir adorer ta vertu: & si ie ne luy puy offrir encens d'eloquēce & cōdigne louenge de luy, tout treshūble & trefloyal seruice & obeissance. Et d'auātage, puis q̄ ie ne puis, obstant la pauureté de mon esperit, te presenter du miē, i'emprunte les richesses d'autruy à merueilleuse & fort profitable vsure: d'autant que celuy, dont i'emprunteray, y acquerra perpetuel honneur, & i'y pourray acquerir, soubz le renom d'autruy, quelque peu de future memoire, & si ne viendray les mains vuydes deuant ta sublimité. Mais quel condigne present pourray ie trouuer en ce monde qui te puisse estre agreable? De te presenter noble, les Dieux ont extraict ton excellence du trefchrestien, trefnoble & immaculé tige des diuines fleurs de lys, ausquelles autre noblesse ne se peut equiparer. Quant a vertu i'ay desia confessé, & cy dessus preuue, toutes vertus estre en toy concueillies. De richesses, fortune est assez encline & studieuse t'en eslargir. Que me reste il? ce monde ne peut choses contenir qui merite soustenir le pied de ta hauteesse, si du tien mesme ie n'emprunte. Or ay ie recouuré les viues images de tes trefinclytes predecesseurs Roys de France, lesquelles vn vray peintre François, Notaire & secretaire du Roy nostre sire, & Conterolleur de son tresor, feu maistre Nicolle Gilles, a au vispourtraictes par ses trefeloquentes Annales. La tu verras triompher Clovis, imperer Charles le Grand, les Loys & Charles dominer, les Philippes heureusement regner. Brief tu pourras veoir les viues faces de tes trefillustres progeniteurs, te monstrans chacun son immortelle vertu, se resiouyssans aussi d'en veoir en toy les vestiges imprimez & assemblez. Il te plaira doncques, Prince treshumain, benignement les receuoir, & tenir, au nombre de tes treshumbles & trefobeissans seruiteurs, celuy qui autre desir n'a que veoir ta celsitude florir & amplifier en toute prosperité, hault renom & beatitude eternelle: laquelle Dieu tout puissant te vueille de plus en plus octroyer.

LA TABLE DV PREMIER VOLUME

*Briefue recollection des matieres contenues
en ce present volume des Annales
& Croniques de France.*

Et premierement.



E Prologue de l'Autheur. Fucillet. j.
Du premier aage: & combien il dura.
fucillet. ij.
Du second aage: & combien il dura.
fucillet. iiii.
Du tiers aage: & combien il dura. f.iii.
Du quatrieme aage: & combien il dura. f.iii.
Du cinquieme aage: & combien il dura. f.iii.
Du sixieme aage. f.iii.
Dont vindrent ceulx qui premierement fonderēt
& habiterent Troye la grand'. f.vj.
De la naissance des François, & de la fondation
de Paris. f.vii.
De quelques Ducz qui gouuernerent les Sicam-
briens: & pourquoy ilz furent appelez Fran-
çois. f.viii.
Incident de la donation de Constantin: & com-
ment il transporta l'Empire de Romme à Con-
stantinoble. f.viii.
De l'inuention de la sainte Croix nostre seigneur
Iesus Christ. f.viii.
De Marchomires, successeur d'Imbros, Duc des
François: & de la mutation du nom de Gaule
en France, & de Lutece à Paris. f.ix.
De Pharamond, premier que les François esleu-
rent pour leur Roy. f.ix.
Du Roy Clodio, second Roy, Payen. f.xj.
Description & diuision des Gaules. f.xj.
De Meronée, tiers Roy, Payen. f.xii.
De Childeric, quatrieme Roy, Payen, qui fut de-
chacé du royaume, puis rappelé. f.xii.
De Gillon le Rommain, qui regna durant l'absen-
ce dudit Childeric. f.xii.
De la vision du Roy Childeric, le iour qu'il espou-
sa la Royne Basine. f.xii.
De Clouis, cinquieme Roy de France, & premier
Chrestien. f.xiii.
Du premier filz de Clouis, qui fut baptisé, & puis
mourut. f.xiii.
Comment & pourquoy Clouis se fait baptiser: &
de la sainte Ampoule qui fut apportée du ciel, &
de la mission des fleurs de lyz. f.xiii.
De la guerre q̄ fait Clouis à Alaric, Roy des Vvifi-
gothz: & du merueilleux iugement q̄ fait le Roy
d'Italie contre Alaric. f.xv.
Comment Clouis occist Alaric deuant Poitiers:
& des murs d'Angoulesme qui tomberent de-
uant luy miraculeusement. f.xv.
Comment Clouis fut retenu Senateur à Romme,
& appelé Auguste. f.xv.
Comment Clouis rachepta son cheual qu'il auoit

donné à saint Martin de Tours. f.xvj.
Du Concile d'Orleans que Clouis fait assembler.
f.xvi.
Du trespas du Roy Clouis. f.xvi.
Des quatre filz Clouis qui partirent le royaume
apres sa mort. f.xvi.
De la guerre que feirent les enfans de Clouis au
Roy de Bourgongne, a l'appetit de leur mere.
f.xvi.
De la mort de Clodomire, Roy d'Orleans.
f.xvi.
De la guerre que Clotaire & Theodoric feirent
Bourgongne: & de Childebert qui apporta de
Espagne la coste saint Vincent. f.xvii.
Comment Theodoric, Roy de Metz, print la ci-
té de Clermont sur Childebert, Roy de Paris,
ce pendant qu'il estoit allé faire la guerre en Es-
paigne. f.xvii.
Comment Theodoric voulut par trahyson fai-
re mourir son frere Clotaire, Roy de Soissons.
f.xvii.
Comment les deux Roys Childebert & Clotai-
re tuerent deux de leurs nepueux, enfans de
Clodomires, Roy d'Orleans, & comment le
tiers, nommé Cloud, eschapa; & se fait moyne.
f.xviii.
Comment Theodebert, filz de Theodoric, espou-
sa la fille au Roy de Lombardie, puis fait guer-
re aux Gothz: & de la mort dudit Theodoric.
f.xviii.
Comment la Royne Deuthere fait noyer sa fille
dedans vn char, parquoy le Roy la repudia.
f.xviii.
De l'appoinctement des Roys de France, par mi-
racle. f.xix.
Du voyage des Roys de France en Espagne: &
de la fondation de l'Abbaye de saint Vincent,
dicté à present S. Germain des prez, lez Paris.
f.xix.
Comment Theodebert, Roy de Metz, conquesta
partie d'Italie, puis mourut. f.xix.
De Thibault, Roy de Metz, filz de feu Theode-
bert: & comment luy & Childebert, Roy de Pa-
ris, moururent sans hoirs. f.xix.
Du Roy Clotaire, qui espousa sainte Radegon-
de. f.xx.
De la guerre que fait le Roy Clotaire aux Sefnes
& aux Lorrains. f.xx.
De Crainus, filz de Clotaire, qui se felleua contre
son pere: & comment il mourut miserablemēt.
f.xx.
De la mort de Clotaire. f.xx.
Comment Sigisbert, Roy de Metz, print à fem-
me Brunehault, fille du Roy d'Espagne. f.xx.
Du Roy Chilperic, premier de ce nom. f.xxj.
Comment le Roy Chilperic laissa la Royne Sor-
dorée, & espousa Fredegonde. f.xxi.
Des guerres qui furent entre les freres, Roys de
France:

DES ANNALES ET CRONIQVES DE FRANCE.

France: & comment Fredegonde fait tuer Sigisbert, Roy de Metz. f.xxi.
 Comment Brunehault fut enuoyée en exil à Rouē: & comment Merouée, filz de Chilperic, l'espouſa. f.xxii.
 Comment Merouée laiffa l'habit de religion, & comment il ſe fait tuer par vn ſien valler. fucillet.xxiii.
 Comment Gontran, Roy d'Orleans, adopta ſon nepueu Childebert, Roy de Metz. fucillet.xxiii.
 Comment les enfans de Chilperic & de Fredegonde moururent: & comment Fredegonde fait tuer Clodouée, ou Clouis, filz dudit Chilperic, & Sordorée, ſa ſeconde femme. f.xxiii.
 De la beſte qui fut veue entrer & iſſir en la bouche du Roy Gontran. f.xxiii.
 De la malice de la Royne Fredegonde. fucillet.xxiii.
 Comment la Royne Fredegonde fait tuer le Roy Chilperic, ſon mary, en reuenant de la chace. f.xxiii.
 Du Roy Clotaire.ij. & de ſa mere Fredegonde. fucillet.xxiii.
 De la Royne Fredegonde, qui portoit en guerre ſon filz en maillot: & comment elle obuia aux entrepriſes que l'on vouloit faire ſur ſon royaume. f.xxv.
 De la mort du Roy Gontran d'Orleans. fucillet.xxv.
 De la mort de Childebert, Roy de Metz, & de ſa femme, qui moururent en vn meſme iour. fucillet.xxv.
 De la guerre que Fredegonde fait aux enfans de Theodebert: & de la mort de ladiſte Fredegonde. f.xxv.
 Des inhumanitez que faiſoit faire la Royne Brunehault. f.xxvi.
 De l'appoinctement faiſt entre le Roy Theodebert & Theodoric. f.xxvi.
 De la guerre que Theodoric, Roy d'Orleans, fait de rechef à Theodebert, Roy de Metz, ſon frere, qui fut deſconfit, & ſ'en fuit à Metz, ou ceulx de la cité luy copperent la teſte. fucillet.xxvi.
 Comment Theodoric, Roy d'Orleans, voulut prendre à femme la fille de feu Theodebert, ſon frere: & comment Brunehault le fait mourir par venin en vn baing. f.xxvii.
 Comment Brunehault voulut faire regner aucuns baſtardz de feu Theodoric, Roy d'Orleans & de Metz. f.xxvii.
 De la bataille qu'eut le Roy Clotaire contre les baſtardz du Roy Theodoric de Metz, que Brunehault vouloit faire regner: & comment ladiſte Brunehault fut priſe, & amenée au Roy Clotaire. f.xxvii.
 Comment Clotaire recita à Brunehault, preſens

ſes Barons, les crudelitez qu'elle auoit commiſes, & leur demanda conſeil de quelle mort elle deuoit mourir. f.xxviii.
 Comment la Royne Brunehault mourut, attachée à la queue d'un ieune cheual. f.xxviii.
 Comment toute la monarchie du Royaume de France vint à Clotaire: & comment il quitta le tribut que luy deuoyent les Lombardz. fucillet.xxviii.
 Du cerf que chace Dagobert, qui ſe ſaulua en la chapelle des martyrs ſainct Denis, ſainct Ruſtic, & ſainct Eluthere. f.xxix.
 Comment Dagobert, ayant coppé la barbe à ſon gouuerneur, courut à refuge aux trois Martyrs, pour euitier la fureur de ſon pere. fucillet.xxix.
 De la viſion qui aduint à Dagobert. fucillet.xxix.
 Comment Clotaire donna à Dagobert le royaume d'Auſtraſie. f.xxix.
 Comment Clotaire deſconfit les Saxons: & comment il fait tuer tous ceulx qui eſtoient plus grâds que ſon eſpée. f.xxix.
 Des bonnes mœurs du Roy Dagobert: & comment il fait ſon frere Roy d'Aquitaine. fucillet.xxx.
 Comment Dagobert fonda l'Abbaye de S. Denis en France. f.xxx.
 De la dedicace de l'eglife ſainct Denis, faiſte par noſtre ſeigneur Ieſus Chriſt. f.xxxi.
 De Sigisbert, filz Dagobert, qui reſpondit, en le baptizant, Amen. f.xxxi.
 De la vengeance que fait Dagobert contre les Eſclauons, qui auoyent deſrobé aucuns marchans de ſon royaume. fucillet.xxxi.
 Comment & pourquoy le Roy Dagobert deſtruiſit Poitiers, & fait apporter le corps ſainct Hylaire à ſainct Denis en France. fucillet xxxi.
 De la grâd' bataille qui fut à Lyhoms en Sangters contre les Huns. f.xxxi.
 Bretaigne du temps Dagobert eſt tenue en fief de la couronne de France. f.xxxii.
 De la mort du Roy Dagobert. f.xxxii.
 De la viſion qui aduint à l'heure du trespas de Dagobert. f.xxxii.
 De ſainct Pharon, ſaincte Phare, & ſainct Fiacre. f.xxxiii.
 Du Roy Clouis, deuxieme, qui eſpouſa ſaincte Bauldour: & comment il fait deſcourir l'argent que Dagobert ſon pere auoit mis ſur l'eglife ſainct Denis. f.xxxiii.
 Comment les deux premiers enfans dudit Clouis chacerent leur mere la Royne Bauldour du gouuernement du royaume: & de la mort dudit Clouis. f.xxxiii.
 Du Roy Clotaire, troiſieme de ce nom. fucillet xxxiii.

LA TABLE DV PREMIER VOLVME

Du Roy Theodoric, premier de ce nom, qui fut
faict moyne, & depuis Roy. f. xxxiiii.
Comment le Roy Childeric fut tué : & com-
ment les François rappellerēt Theodoric. fucil-
let. xxxiiii.
Comment Ebroin, Maistre du Palays, feit marty-
rizer saint Ligier & son frere, & feit plusieurs
autres grands maulx. f. xxxiiii.
Du Roy Clouis, troisieme du nom. fucil. xxxv.
Du Roy Childebert, deuxieme du nom. fucil-
let. xxxv.
Du Roy Dagobert, deuxieme du nom. fucillet
xxxvi.
Comment Charles Martel eschapa de prison : &
comment il feit couronner Clotaire, oncle du-
dict Dagobert. f. xxxvi.
De la guerre qu'eut Charles Martel cōtre le Roy
Chilperic, & Rainfroy, Maire du Palais : & com-
ment il les desconfit. f. xxxvi.
Du Roy Clotaire, quatrieme du nom. fucil-
let. xxxvi.
Du Roy Chilperic, deuxieme du nom, parauant
nommé Daniel. f. xxxvi.
Du Roy Theodoric, ou Thierry, deuxieme du
nom. f. xxxvii.
De la grand' occision que feit Charles Martel des
Sarrazins, venans d'Espagne es pays de Frâce.
f. xxxvij.
Du Roy Childeric, troisieme, qui fut moyne : &
de la mort de Charles Martel. f. xxxviii.
Comment Karloman, frere de Pepin, se feit moy-
ne. fucil. xxxviii.

Fin de la premiere lignée des Roys
de France.

*Cy apres sensuyt la seconde lignée, à
Pepin, filz de Charles Martel.*

Du Roy Pepin, filz de Charles Martel : & com-
ment il feut esleu Roy sur les François. fucil-
let. xxxix.
De l'ayde que Pepin feit au Pape contre le Roy
des Lombardz : & comment ledict Pape cou-
ronna Roys les deux filz dudit Pepin. fucil-
let. xl.
Cōment Pepin retourna pour la seconde fois con-
tre le Roy des Lombardz, qui faisoit guerre au
Pape : & de l'hommage que le Duc de Bauiere
feit au Roy Pepin. f. xl.
De la guerre que feit le Roy Pepin à Gayfier, Duc
d'Aquitaine. f. xl.
De la mort du Roy Pepin. f. xli.
De Robert le Diable. fucil. xli.
Du grand Roy Charlemagne. fucil. xli.
Des moeurs, stature & maniere de viure du grand
Roy & Empereur Charlemagne. fucil. xli.
Comment Charlemagne fut appelé par le Pape

en l'ayde de l'Eglise contre le Roy des Lom-
bardz. fucillet. xli.
Du priuilege donné à Rōme à l'Empereur Char-
lemagne d'esslire & ordonner les Papes, Ar-
cheuesques & Euesques : & comment il abo-
lit du tout le royaume de Lombardie. fucil-
let. xli.
De la guerre que feit l'Empereur Charlemagne
contre les Sefnes : & comment il retourna en
Lombardie, où il feit decapiter vn Capitaine
Lombard, qui auoit conspiré contre luy. fucil-
let. xli.
De la grand' guerre que feit Charlemagne en Es-
paigne. fucillet. xliii.
Comment l'Empereur Charlemagne alla à Rō-
me : & comment le Pape couronna ses deux
filz Roys de Lombardie & d'Aquitaine. fucil-
let. xliii.
De la desconfiture que les Sefnes feirent sur les
gens de Charlemagne, & comment Charlema-
gne feit copper la teste à quatre mil hommes, sur
vn fleue. f. xliiii.
De la mort de la Royne Hildegarde, & de la
Royne Berthe, mere dudit Empereur Char-
lemagne, & d'aucuns Bretons rebelles subiuguez.
f. xliiii.
Comment Charlemagne alla de rechef à Rom-
me. fucil. xliiii.
Comment l'Emperiere de Constantinoble feit
guerre à Charlemagne : & comment le Duc de
Bauiere fut condamnée à estre decapité. fucil-
let. xliiii.
Des guerres que feit Charlemagne contre les
Esclauons : & de la condamnation de l'heresie
Felicienne. fucillet. xlv.
Comment Aldagise, filz de feu Disier, Roy des
Lombardz, s'esleua contre l'Empereur Charle-
magne. fucillet. xlv.
Comment l'Empereur Charlemagne enuoya
son filz Loys prendre possession de Barcelonne :
& des maulx que les Rommains feirent au pape
Leon. fucillet. xlv.
Comment de rechef plusieurs Bretons furent re-
duitz à la subiection du Roy Charlemagne :
& comment Dieu luy pardonna vn peché qu'il
n'osoit confesser, à la requeste de saint Gilles.
fucillet. xlvj.
De l'Empereur Leon, qui feit brusler les images :
& commēt, apres, la veneration d'iceulx fut ap-
prouuée. fucillet. xlvj.
Comment Charlemagne fut par le Pape & les
Rommains esleu & sacré Empereur de Rōme.
fucillet. xlvj.
Des Legatz que l'Empereur Charlemagne en-
uoya par toute l'Empire, pour administrer iusti-
ce : & dont sont descendus les Flamens. fucil-
let. xlvj.
Comment Charlemagne feit mettre par ordre la
Legende

DES ANNALES ET CRONIQVES DE FRANCE.

- Legende des Sainctz : & de la disputation de la progression du saint Esprit. f.lxvii.
- Les noms des prouinces que Charlemagne teint, ou conquiert deuant & apres qu'il fut Empereur. fucil. xlvii.
- Commēt Charlemagne alla secourir l'Empereur de Constantinoble contre les Sarrazins : & du petit oyseau qui monstra le chemin à Charlemagne & à ses gens, qui estoient esgaréz. fucillet xlvii.
- Des saintes reliques que Charlemagne apporta de Constantinoble en retournant en Hierusalē. f.xlviii.
- Des loix qu'ordonna l'Empereur Charlemagne, & singulierement touchant les benefices ecclesiastiz. f.lxviii.
- Comment les moynes de saint Martin de Tours furent tuez par vn Ange, pour les grandes dissolutions qu'ilz faisoient. f.xviii.
- Des deux moynes qui croyent par tout qu'ilz auoyent science à vendre : & cōment l'Vniuersité de Paris fut par ledict Charlemagne premiere-ment erigée. f.xlix.
- Comment S. Iaques apparut à Charlemagne, & luy requist qu'il deliurast des mains des Sarrazins le royaume de Galice, ou estoit son corps. fucillet. xlix.
- Comment les murs de la cité de Pampelune & de Luferne tōberent miraculeusemēt deuant Charlemagne. f.xlix.
- Comment Charlemagne alla visiter le Sepulchre de monseigneur S. Iaques en la cité de Cōpostelle : & d'un grand idole qui est en la mer. fucillet. xlix.
- Des eglises & Abbayes que Charlemagne fait edifier. f.xlix.
- De la bataille qui fut entre les ostz de Charlemagne & Aygoland, & des lances de ceulx qui deuoient mourir, qui florirent miraculeusement. f.xlix.
- De la grand' armée que fait Aygoland pour venir en France : & comment Charlemagne l'alla veoir en Agen, en habit dissimulé. fucillet. f.li.
- Comment Charlemagne assiegea Aygoland en la cité d'Agen, lequel eschappa, & s'en fuyt à Xaintes, ou Charlemagne le suyuit, assiegea & desconfit, & des lances qui florirent. fucillet. l.
- De la grand' armée que fait Charlemagne pour aller en Espagne. fucil. l.
- Du parlement que Charlemagne & le Roy Aygoland eurent ensemble, touchant leurs loix. fucillet. li.
- Commēt Aygoland promet qu'il seroit baptizé : & comment il laissa à l'estre, par ce qu'il veit les pauvres de Iesus Christ estre mal & pauvrement traictez en la Court de l'Empereur Charlemagne. fucillet. li.
- De la bataille & mort du Roy Aygoland : & de ceulx que Charlemagne auoit gardé d'aller en la bataille, qui furent trouuez mors. fucillet. lj.
- Du grand Geant, nommé Ferragut. f.li.
- Comment Roland, nepueu de Charlemagne, tua & occist le Geant. f.li.
- De la bataille d'entre le Roy Charlemagne & le Roy de Seville & l'Aumatour de Corde, Sarrazins, qui firent porter à leurs gens des habitz de Diabes, pour espouenter les cheualx des Chrestiens. f.lii.
- De la grand' trahyson que fait Gannes, nepueu de Charlemagne. f.lii.
- De la desconfiture que firent les Sarrazins sur les Chrestiens, par la trahyson de Gannes, à Rōceuaux. f.lii.
- Des regretz que fait Roland, auant mourir. fucillet. liii.
- De la mort de Rolād : & comment Charlemagne & son ost retournerent. f.liii.
- De regretz que fait Charlemagne de la mort de Roland, son nepueu : & comment le soleil se tint l'espace de trois iours à l'endroit du Midy, sans bouger, durant que les Chrestiens chacerent les Sarrazins. f.liii.
- Comment Charlemagne fait amener les corps de Roland & Oliuier, ses nepueux, & enterrer en l'Abbaye de saint Romain de Blaye, pres Bordeaux. f.liii.
- Des prieres q̄ le Roy Charlemagne fait faire pour les ames des trespassez, puis s'en retourna en France, & fait mettre en accord le seruice de l'Eglise. fucil. liiii.
- De la vision qui aduint à l'Archeuesque Turpin, des Diabes qui alloient au trespas de Charlemagne. f.liiiij.
- Les nsō des Archeueschez estans soubz l'Empire de Charlemagne. f.lv.
- Du Roy Loys Debonnaire, filz de Charlemagne. f.lv.
- Comment & pourquoy Loys Debonnaire fait creuer les yeux, & apres decapiter son nepueu Bernard, Roy de Lombardie. f.lv.
- De lexcès qui fut fait par les Rommains à aucuns des bien vucillans de l'Empereur, dont on donnoit charge au pape Pascale. fucillet lvi.
- Comment le Roy Loys Debonnaire fait rapporter à Soissons le corps S. Sebastien : & de la guerre qu'il fait contre les Sarrazins en Espagne. fucil. lvi.
- De la cōspiration qui fut faite cōtre le Roy Loys le Debonnaire. f.lvii.
- De la captiuité ou le Roy Loys Debonnaire fut tenu par ses enfans : & comment il fut destitué de son Empire. fucillet lvii.

LA TABLE DV PREMIER VOLVME

- Comment Loys le Debonnaire fut par les François deliuré, & restitué en son royaume & Empire. f.lvii.
- Comment le Roy Loys Debonnaire contraignit ses filz venir à luy à mercy. f.lviii.
- De la mort du Roy Loys Debonnaire. fucillet.lviii.
- Du Roy Lotaire, Loys & Charles le Chauue, freres. f.lix.
- Comment Charles le Chauue fut crée Empereur de Romme. f.lx.
- Comment Charles le Chauue alla à Romme, & comment en retournant fut empoisonné, dont il mourut. f.lxi.
- Comment le corps S.Martin de Tours, fut porté à Auxerre, pour la doubte de Normans: & du grand miracle qu'il feit en ladiete ville d'Auxerre. f.lx.
- Comment le pays de Flandres fut erigé en Comté: & des saintes reliques que Charles le Chauue feit apporter à saint Denis en France. fucillet.lxi.
- D'une femme qui par inconuenient fut esleue Pape. f.lxi.
- Du Roy Loys le Balbe, auquel le pape Iehan vint à refuge: & comment la femme dudit Loys demoura grosse, apres son trespas, d'un filz. fucillet.lxii.
- Comment, apres le trespas de Loys le Balbe, aucuns François feirent couronner Loys & Karloman, ses bastardz, & aucuns autres Barons feirent couronner le Comte Boson. fucillet.lxii.
- Comment le Roy de Germanie vint en France, cuidant estre Roy: & de la mort de Loys & Karloman, bastardz. f.lxii.
- De Loys Fayneant, & de Charles, Empereur de Romme, qui fut fait Roy en son lieu, & regna cinq ans. f.lxiii.
- Comment ledict Roy Charles, Empereur, fut porté en esprit en Paradis, & en Enfer. f.lxiii.
- De Eude, Comte de Paris, qui teint le royaume de France. f.lxiii.
- Incident, qui parle de la constitution des Electeurs de l'Empire: & d'un miracle de saint S.Martin. fucillet.lxiiij.
- Du Roy Charles le Simple. f.lxiiiij.
- Des maux que feirent les Normans en France: & de la mort d'Eude, Comte de Paris, qui auoit esté couronné Roy, apres lequel Robert, son frere se feit couronner: & de ce qui en aduint. fucillet.lxiiij.
- Comment le Roy Charles le Simple feit appoinctement à Roul, & luy donna le pays de Neustrie. f.lxv.
- Comment Charles le Simple deffit en bataille Robert, frere d'Eude: & commet le Comte Hebert de Vermandois retint ledict Roy Charles prisonnier à Perône, ou il mourut: & de Roul de Bourgogne couronné Roy apres luy. f.lxv.
- Du Roy Loys, qui feit pendre le Comte Hebert, qui auoit fait mourir Charles le Simple son pere. f.lxvi.
- Des Hongres qui vindrent en France: & commet plusieurs des Princes de France s'esleuerent contre le Roy. f.lxvi.
- Comment Arnoul, Comte de Flandres, feit en trahison tuer le Duc de Normandie. fucillet.lxvii.
- Comment le Roy voulut saisir Normandie apres le trespas du Duc Guillaume: & commet le Comte de Flâdres s'excusa de la mort du Duc Guillaume. f.lxvii.
- Des rigoureux termes que le Roy teint au ieune Duc Richard, parquoy son maistre l'en emporta secrettement en Normandie. fucillet.lxvii.
- De la promesse que feit le Roy à Hue le Grand de quelques villes la Duché de Normandie. fucillet.lxvii.
- Comment le Roy Loys fut arresté par les Normans à Rouen, & apres mis es mains de Hue le Grand, Comte de Paris. f.lxviii.
- Comment Hue le Grand maria sa fille au Duc Richard de Normâdie, dont le Roy ne fut point content. f.lxviii.
- Comment Hue le Grand courut la terre du Roy iusques à Poitiers: & de la mort du Roy Loys troisieme. f.lxix.
- Du Roy Lotaire, enuers lequel Thibault, Comte de Chartres, accusa faulxement Richard Duc de Normandie. f.lxix.
- De la guerre q̄ feit le Roy Lotaire au Duc Richard de Normandie. f.lxx.
- De l'appoinctement d'entre le Roy & ledict Richard. f.lxx.
- De la guerre d'entre le Roy Lotaire & Othon Empereur, lequel vint deuant Paris, & brussa les faulx bourgs. f.lxx.
- Du Roy Loys, quatrieme, auquel faillit la lignée de saint Charlemagne. f.lxx.
- De l'apparition de S. Riquier & S. Valery à Hue le Grand, Comte de Paris, pere de Hue Capet. fucillet.lxxi.
- Comment Hue Capet estoit aucunement du lignage du grand Roy Charlemagne de par sa mere. fucillet.lxxi.
- Du Roy Hue Capet, auquel commence la tierce lignée des Roys de France. f.lxxi.
- Du Roy Robert, qui fut grand clerc, & de bonnes mœurs. f.lxxiiij.
- Du Roy Henry, auquel Constance, sa mere, contraria, voulant faire Roy un sien autre filz. fucillet.lxxiiij.
- De Philippe, premier du nom, qui gist à saint Benoist sur Loire. f.lxxv.
- Du voyage

DES ANNALES ET CRONIQVES DE FRANCE.

Du voyage, & de la prinſe de la ſaincte cité de Hieruſalem, par Godeffroy de Buillon. fueil. lxxvi.

Du Côte de Maſcon, qui fut perſecuteur des eglieſes, lequel le diable emporta viſiblement. fueil. lxxvii.

Du Roy Loys le Gros. f.lxxvii.

Comment les Princes & Seigneurs de France ſeſleuerent contre le Roy Loys le Gros. fueillet lxxviii.

De la guerre q̄ les Côtes de Corbeil & de Môtlehery, & autres, feirent au Roy Loys: fueillet lxxviiij.

De la guerre que Loys le Gros feit au Seigneur de Pomponne, pour les exactions qu'il faiſoit aux marchans. f.lxxviii.

Incident du pape Gelafius. f.lxxviii.

Du ieune Roy Philippe, filz de Loys le Gros, que vn pourceau tua en cheuauchant par la ville de Paris. f.lxxix.

Du Roy Loys ſeptieme: de la belle lignée du Côte Thibault de Champaigne, & autres matieres fueil. lxxx.

Commēt le Roy conquiſt Normâdie, & la bailla à Henry, filz du Comte d'Angiers, qui auoit eſpouſe Mathilde l'Emperiere, fille du feu Roy d'Angleterre. f.lxxxi.

De la ſeparation du mariage du Roy Loys, diēt le Piteux, & d'Alienor Duchefſe de Guyenne: & commēt Henry, Duc de Normandie, l'eſpouſa. f.lxxxi.

Commēt le Roy Loys le Piteux eſpouſa Aeliz, fille du Comte de Champaigne, & en elle engendra Philippe Dieudonné, autrement diēt le Cōquerant. f.lxxxii.

Du Roy Philippe Dieudonné, qui eſt appelé le Cōquerant. f.lxxxiiij.

Cōment le Roy Philippe feit chacer les Iuiſz hors du royaume. f.lxxxiii.

Comment le Roy Philippe Dieudonné fut marié à la fille du Comte de Henault. f.lxxxiii.

Commēt le Roy Philippe puniſſoit ceulx qui perſecutoyent les eglieſes. f.lxxxiiij.

De pluſieurs choſes, dignes de memoire, que feit le Roy Philippe Auguſte. f.lxxxiii.

Des inhumanitez que faiſoyent les Cotereaux en Berry: & des heretiques qui furent brullez en Flâdres. f.lxxxv.

De la guerre que feit le Roy au Côte de Flandres, pour ce qu'il detenoit la Comté de Vermandois fueil. lxxxv.

Des meſſagers de Hieruſalem, qui apportèrent au Roy Philippe les cleſz du S. Sepulchre. fueillet lxxxv.

Commēt le Roy ordonna que la cité de Paris fuſt pauée: & de la guerre qu'il feit au Duc de Bourgogne, qui opprimoit le Seigneur de Vergy, ſon vaſſal. f.lxxxv.

De l'eſmotion de guerre que feit le Roy Philippe contre le Roy Richard d'Angleterre; & du miracle noſtre Dame du Bourg dieux en Berry. f.lxxxv.

De la prinſe de Hieruſalem. f.lxxxvi.

De l'appoinctement du Roy de France & d'Angleterre: & comment ilz ſe croiſerent pour aller au voyage d'outremer. f.lxxxvi.

Cōment le voyage fut rōpū par la mauuaifſié du Roy d'Angleterre: & d'vne ſourſe d'eau qui aduint en l'oſt du Roy. f.lxxxvi.

Commēt Richard, Comte de Poitiers, filz du Roy Henry d'Angleterre, ſalla au Roy de France, & luy feit hommage. f.lxxxvii.

Comment le Roy Philippe Auguſte paſſa à gué la riuere de Loyre deuant Tours, miraculeuſement, avec ſon armée: & de la mort du Roy Henry d'Angleterre. f.lxxxvii.

De l'appoinctement fait entre le Roy Philippe Auguſte & le nouveau Roy Richard d'Angleterre: & comment leſdiētz deux Roys entreprirent le voyage de Hieruſalem: fueillet lxxxvii.

Du voyage de Hieruſalem que feit Philippe le Cōquerant: & de belles ordonnâces qu'il feit auant ſon partement: & comment il ordonna faire clorre Paris du coſtē de ſaincte Geneuiefue. fueillet lxxxviiij.

De la queſtion qui fut en l'ile de Cecille entre les Roys de France & d'Angleterre, touchât le paſſage d'outremer. f.lxxxviii.

Comment le Roy Philippe print d'aſſault la cité d'Aſcalō, ſans l'ayde du Roy d'Angleterre. fueil. lxxxviiij.

De la mort de l'Empereur Federic, & de ſon filz, & de pluſieurs Princes d'outremer. f.lxxxviii.

Comment le Roy partit d'outre mer pour retourner en France, & paſſa par Romme pour veoir le Pape: & comment les Iuiſz furent de rechef bapniz de France. f.lxxxix.

Cōment le Roy d'Angleterre fut prins priſonnier en retournât d'outre mer: & du Comte de Champaigne qui fut fait Roy de Hieruſalem. fueillet lxxxix.

De la guerre q̄ feit le Roy de France au Roy d'Angleterre. f.lxxxix.

D'aucunes exactions que feit le Roy Philippe Auguſte. f.xc.

Guerre entre François & Anglois. f.xc.

Commēt le Roy d'Angleterre meit ius les armes; & feit hommage au Roy de France. f.xc.

Commēt le Roy ſe feit ſeparer de madame Iſamberge, ſœur du Roy de Hongrie, dont le royaume fut interdiēt. f.xc.

Comment le Roy d'Angleterre rompit l'appoinctement qu'il auoit iurē au Roy de France. fueil. xci.

De l'Eueſque de Paris, nommé Maurice, du temps

LA TABLE DV PREMIER VOLUME

- duquel fut edifiée l'eglise nostre Dame de Paris. f. xc.
- Comment les Comtes de Flandres, de Boulou-
gne, & autres, s'esleuerent contre le Roy. f. xc.
- Guerre entre François & Anglois. f. xc.
- Du grand thresor trouué en Lymosin: & de la
mort du Roy Richard d'Angleterre. f. xcii.
- Comment Iehan sans terre fut Roy d'Angleter-
re. f. xcii.
- Cōment le royaume de France fut interdict pour
le faict du mariage du Roy Philippe. f. xcii.
- D'un appoinctemēt final, faict entre le Roy Phi-
lippe Auguste & Iehan d'Angleterre. f. xcii.
- Comment le Roy Philippe reprint Isamberge sa
seconde femme, qu'il auoit repudiée. f. xciii.
- De la venue du Roy d'Angleterre à Paris: & com-
ment tantost apres il refusa à faire hommage au
Roy des Duches d'Aquitaine & Comtez de
Poitiers & Angiers. f. xciii.
- D'un Legat qui vint en France pour faire paix: &
comment le Comte de Bretagne fit homma-
ge au Roy. f. xciii.
- Comment le Roy d'Angleterre fit tuer son ne-
pueu Artus, Côte de Bretagne: & commēt son
successeur fit hommage au Roy dudit Duchē.
f. xciii.
- De la prinse de Constantinoble par les François:
& comment Baudouin, Comte de Flandres, en
fut faict Empereur. f. xciii.
- De la prinse & destruction de Tours: & comment
les Barons d'Aquitaine vindrent à plaincte au
Roy de France. f. xciii.
- De la sentence de priuation, qui fut donnée cōtre
le Roy Iehan d'Angleterre: par l'assemblée des
Pers en l'an mil deux cens & trois. f. xciii.
- De la conspiration faicte contre le Roy par plu-
sieurs Princes de France. f. xciii.
- Des remonstrances que feit le Roy à Regnault,
Comte de Boulougne. f. xc.
- De la reception du Roy Philippe le Conquerant,
apres la victoire qu'il eut en Flandres: & des de-
risions que l'on disoit p les chemis à Baudouyn,
Comte de Flandres. f. xcvi.
- Declaration des pays & seigneuries que le Roy
Philippe Auguste conquist, & ioignit à la courō-
ne de France. f. xcvi.
- Comment le Roy Iehan d'Angleterre feit son
royaume & la seigneurie d'Ibernie tributaires
au Pape en mil marcz d'argent chacun an. f. xcvi.
- Comment les Nobles d'Angleterre appellerent
en leur ayde mōseigneur Loys, filz de Philippe,
contre leur Roy Iehā: & de la mort dudit Roy
Iehan. f. xcvi.
- Comment monseigneur Loys se partit d'Angle-
terre pour retourner en France. f. xcvi.
- Comment le Roy Philippe exhereda le Comte
d'Auuergne, pour le maulx qu'il faisoit. f. xcvi.
- De la guerre que feit ledict Roy Philippe contre
les heretiques d'Albigois. f. xcvi.
- Comment le Pape enuoya excommunier le Cō-
te de Toulouse, par vn Legat, que ledict Comte
feit tuer. f. xcvi.
- De la croysée qui fut preschée cōtre les heretiques
d'Albigois, & le Comte de Toulouse. f. xcvi.
- De la mort de messire Simon de Montfort deuant
Toulouse. f. xcvi.
- D'aucuns heretiques qui s'esleuerent à Paris, les-
quelz furent bruslez, & leur autheur deterré &
bruslé. f. xcvi.
- De la mort messire Symon de Montfort deuant
Toulouse. f. xcvi.
- Du trespas du Roy Philippe Auguste, & des bel-
les ordonnances & testament qu'il feit. f. xcix.
- Incident de la prinse & destruction de Hierusa-
lem. f. xcix.
- Du Roy Loys, huytieme du nom, dict de Mont-
pensier. f. xcix.
- D'un homme qui se faignoit & disoit estre Bau-
douyn, Comte de Flandres, lequel la Comtesse
feit pendre & estrangler. f. c.
- De la guerre que feit le Roy aux heretiques: &
comment il print la cité d'Auignon par force.
f. c.
- Letrespas du Roy Loys à Montpensier. Du bon
Roy S. Loys: & comment il fut sacré à xiiii. ans.
f. c.
- Comment plusieurs Princes de France s'esleuerēt
contre le ieune Roy S. Loys incontinent apres
son Sacre. f. ci.
- De la guerre que les Comtes de Bretagne & de
la Marche firent au Comte de Champagne.
f. cii.
- Cōment Pierre Mauclerc feit venir le Roy d'An-
gleterre en France. f. cii.
- Comment & pourquoy le Pape excommunia
l'Empereur Federic. f. cii.
- Comment ceulx de l'Vniuersité voulurent aban-
donner Paris: & du blason des armes de France.
f. cii.
- De l'eglise de saint Denis en France, qui fut de
nouuel reedifiée. f. ciii.
- Du mariage saint Loys avec madame Margue-
rite, fille du Comte de Prouence. f. ciii.
- Comment aucuns Arsacides vindrent en France,
pour tuer le Roy Loys. f. ciii.
- D'un voyage que firent aucuns Princes de Fran-
ce oultre mer. f. ciii.
- Comment le Roy S. Loys feit edifier la sainte
Chapelle du Palais à Paris, & y aporta la sainte
couronne d'espines de nostre Seigneur Iesus
Christ. f. ciii.
- Comment le Roy saint Loys racheta des mains

DES ANNALES ET CRONIQVES DE FRANCE.

- des Venitiés la vraye Croix, l'Esponge, le fer de Lance de nostre Seigneur Iesus Christ, que l'Empereur de Constantinoble auoit engagées, & les fait apporter en ladicte sainte Chapelle. fucillet. ciiii.
- Comment les heretiques d'Albigois, s'esleuerēt, ou le Roy enuoya grosse armée qui les fait reduire. f. ciiii.
- De la disputatiō qui fut faicte à Paris contre ceulx qui tiennent plusieurs benefices. f. ciiii.
- De l'acquisition faicte par le Roy de la Comté de Mascon: & comment l'Empereur tint long tēps prisonniers plusieurs des Prelatz de France. fucillet. ciiii.
- Comment saint Loys bailla à son frere Alphons la Comté de Poitou, & le maria à la fille du Côte de Toulouze: & comment le Côte de la Marche refusa à faire hommage audiēt Alphons, dōe s'esmeut grand' guerre. f. cv.
- De la guerre que fait l'Empereur au Pape Innocēt lequel s'en vint en France, & l'excommunia, & priua de l'Empire: & comment saint Loys voua le voyage de Hierusalem. f. cv.
- Comment saint Loys se meit à chemin pour aller oultremer, & arriua en Cypre. f. cvi.
- Comment le Roy de Tharse fait sçauoir à saint Loys qu'il festoit fait Chrestien: & comment saint Loys arriua oultremer, & print d'arriuée la cité de Damiette. f. cvi.
- Comment le Roy saint Loys & ses deux freres furent prins deuant la cité de Massere: & de la natiuité de Iehan Tristā, filz dudiēt saint Loys. fucillet. cvii.
- Comment saint Loys & ses gens furent mis à rāçon. f. cvii.
- De maistre Vngarie, qui donnoit à entendre que Dieu & nostre Dame festoyent apparuz à luy, pour la deliurance du Roy saint Loys, & de la mort de la Royne Blāche, mere de saint Loys. fucillet. cvii.
- Des enfans de la Comtesse de Flandres, qui s'esleuerent contre leur mere, laquelle appela monseigneur Charles, Comte d'Angiers, à son ayde, & luy donna la Comté de Henault. f. cviii.
- Du retour de saint Loys en France. f. cviii.
- De la prinse du Caliphe de Baudas. f. cviii.
- De la bōne iustice & belles ordonnances que fait saint Loys apres son retour du voyage d'oultremer. f. cviii.
- De trois ieunes enfans Flamens, que messire Enguerrād, seigneur de Coucy, fait pendre: & de l'amēde en quoy il fut condamné, dont fut edifié l'hostel Dieu de Pontoise. f. cix.
- D'une remission que S. Loys auoit accordée à vn malfaieteur, laquelle il reuouqua: & des bonnes vertus qui estoient en luy touchant la iustice. fucillet. cix.
- Des belles fondations que fait S. Loys. f. cix.
- Du signe de la croix que S. Loys adioignit à faire la guerison de la maladie des Escrouelles. fucillet. cx.
- De l'ordonnance que fait S. Loys, touchāt les electeurs des benefices, & exactions qui se faisoient sur l'Eglise. f. cx.
- Comment le Roy Henry d'Angleterre renonça au droit qu'il pretendoit au royaume de France: & comment il fait hommage de la Duché d'Aquitaine au Roy S. Loys. f. cx.
- D'une motion d'Anglois contre leur Roy. fucillet. cx.
- Comment messire Charles, Comte d'Angiers, frere de S. Loys, fut fait Senateur de Romme: & comment le Pape luy donna le royaume de Cecille. f. cx.
- Du pardon que donna le Pape, à la requeste de S. Loys: & de la confederation des Suysses. fucillet. cx.
- Comment saint Loys fait son filz, monseigneur Philippe Cheualier: & comment il fait mettre par ordre les sepultures des Roys en l'Eglise de S. Denis en France. f. cx.
- De la grand' guerre qu'esmeut Henry d'Espagne contre monseigneur Charles, Roy de Cecille. fucillet. cx.
- Comment saint Loys alla pour la seconde fois oultre mer. f. cx.
- De l'armée de saint Loys, deuant Thunes, ou il mourut: & de la mort de Iehan Tristan son filz. fucillet. cxii.
- Les beaulx enseignemens que le Roy S. Loys fait à son filz auant sa mort. f. cxii.
- Comment monseigneur Charles, frere de saint Loys, arriua à Thunes à l'heure du trespas saint Loys. f. cxiii.
- De plusieurs miracles que fait S. Loys. f. cxiii.
- Du Roy Philippe, filz de saint Loys. f. cxiii.
- De la desconfiture que firent Chrestiens sur Sarrazins, apres la mort saint Loys: & comment le Roy de Thunes fut fait tributaire. f. cxiii.
- De la guerre que fait le Prince de Galles, oultremer. f. cxiii.
- Du retour du Roy Philippe, apres le trespas de son pere: & de la mort de monseigneur Alphons Côte de Poitiers, & de sa femme. f. cxv.
- Du Sacre du Roy Philippe, filz de saint Loys: & de la guerre qu'il fait au Comte de Foix. fucillet. cxv.
- Du secōd mariage du Roy Philippe: & de la mort du Roy de Nauarre, Comte de Champagne. fucillet. cxv.
- De la trahyson de Pierre la Breche. f. cxvi.
- De la question qui fut entre les Roys de France & d'Espagne. f. cxvi.
- Comment ceulx du royaume de Cecille tuerent tous les François, & firent plusieurs inhumanitez. f. cxvi.

LA TABLE DV PREMIER VOLUME

Du Roy Philippe le Bel.	fueil .cxvii.	Pourquoy & comment Enguerrand de Marigny fut pendu au gibet de Paris.	f.cxxvj.
Du Comte de Henault qui s'esleua cõtre le Roy.	fueillet cxix.	Du Roy Loys Hutin, dixieme du nom : & de son trespas.	f.cxxvii.
De la descente que feirent les Anglois en France: & d'une grand' desconfiture q̃ fait sur eulx monseigneur Charles de Valloys.	f.cxix.	Du Roy Philippe le Long.	f.cxxviii.
Comment les Comtes de Flandres & Bar s'esleuerent contre le Roy, qui leur fait guerre.	f.cxx.	De l'appoinctement fait entre le Roy & les Flamens.	f.cxxviii.
Du discord qui fut entre le pape Boniface huytieme, & le Roy Philippe le Bel.	f.cxxi.	D'un Preuost de Paris qui fut pendu & estranglé.	fueil.cxxviii.
De la mort du pape Boniface.	f.cxxi.	De l'esmeute des pastoureux.	f.cxxviii.
Commēt le Roy fait mettre prisonniers le Comte de Flandres & ses deux filz.	f.cxxii.	Comment par mauuais conseilliers le Roy voulut faire de grandes exactions au royaume de France.	fueillet.cxxix.
De la bataille de Courtray.	f.cxxii.	De plusieurs Seigneurs d'Angleterre, qui furent decapitez par le moyen de Hue le Despensier.	fueil. cxxix.
D'une grand' desconfiture de Flamens, pres l'auille de saint Omer, & ailleurs.	f.cxxii.	Du Roy Charles, filz de Philippe le Bel.	f.cxxix.
Comment le Roy Philippe le Bel retourna contre les Flamens: & de la grand' desconfiture qu'il en fait à Montz en Pouille.	f.cxxiii.	Comment la Comté de Flandres fut adiugée au Comte de Neuers.	f.cxxix.
De la mort du Comte de Flandres, & du mariage de la fille du Roy au ieune Edouard d'Angleterre.	f.cxxiii.	De Iourdain de l'Isle, qui fut pendu au gibet de Paris : lequel auoit espousé la mere du pape Iehan.	fueil.cxxxix.
D'une assemblée d'Euesques & Prelatz, touchant un dixieme octroyé au Roy par le Pape.	f.cxxiii.	Comment le Roy Charles, esmeut guerre contre le Roy d'Angleterre.	f.cxxx.
De l'appoinctement fait avec les Flamens: & de l'election du pape Clemēt, qui fut sacré à Lyon, present le Roy: & y mourut par accidēt le Duc de Bretagne.	f.cxxiiii.	Comment la Royne d'Angleterre, sœur du Roy, qui estoit venue en France, y fut long temps, & ne s'en osoit retourner en Angleterre.	f.cxxx.
De l'abbus que faisoient aucuns Iacobins, qui estoient vers Toulouse, touchant le fait des heresies.	f.cxxiiii.	De la guerre d'entre le Comte de Flandres & les Flamens: & de la mort de monseigneur Charles de Valloys.	f.cxxxj.
D'une grād' commotiõ du peuple de Paris, pour la mutation des monnoyes.	f.cxxiiii.	Du retour de la Royne d'Angleterre: & commēt elle print prisonnier son mary, & fait couronner son filz Roy.	f.cxxxj.
Comment Loys Hutin, filz de Philippe le Bel, fut couronné Roy de Nauarre: & des Templiers.	f.cxxv.	De la mort du Roy Charles le Bel, & comment sa femme demoura grosse.	f.cxxxj.
Commēt le Roy Philippe le Bel, deux de ses filz, plusieurs grands Seigneurs, & autres, se croysent pour aller oultre mer.	f.cxxvj.	De la mort de Pierre Remy, Gouverneur des finances de France, qui fut pendu & estranglé.	fueillet.cxxxij.
D'une grand' taille, qui fut mise au royaume par l'enhortement d'Enguerrand de Marigny: & du trespas du Roy Philippe le Bel.	f.cxxvj.		

Fin de la table du premier Volume des
Annales de France.





PROLOGVE SVR LES CRONIQVES
 & Annales de France, par feu noble homme & sage maistre Nicole
 Gilles, en son viuant Notaire & Secretaire du Roy nostre sire,
 & contrerolleur de son Thresor.

DOurce que tous nobles, honnestes, & bons courages desirent sçauoir & ouyr reciter des choses passées, qui sont dignes de memoire, & du temps d'icelles (dont la recordation est honneste & profitable) combien que par cy deuant par plusieurs grands clerks & hystoriographes ayent esté redigez & mis en escript les faitz & gestes des trefhaults, glorieux, & victorieux Princes, les Roys de France, qui ont esté par cy deuant : toutesfoys leur haultesse, resplendissant par dessus tous mortelz en clarté & noblesse d'estrace de lignée, merite bien que ceulx qui le peuuent, s'estudient à la conseruation de leur renommée. Principalemēt à cause que de leur pouuoir ilz ont tousiours esté vrayz protekteurs & deffenseurs de la Foy Catholique: tellement q pour les haultz magnanimes, vertueux, louables, & honorables faitz, & seruices grands, qu'ilz ont tousiours faitz, à l'augmentation & accroissement d'icelle Foy, & du saint siege Apostolique, toutes & quantesfoys que le besoing est venu, & que requis en ont esté, sont aucunement par gloire de louenge veus viure apres leur mort: comme ceulx qui se trouuent auoir extirpé & estainct vingt & troys scismes en l'Eglise de Romme. Ce qu'Empereurs, Roys, & autres Princes, ou nations Chrestiennes, oncques ne feirent. A cause dequoy ilz sont aussi singuliere preeminence, dictz, nommez, & appelez Treschrestiens, & le bras dextre de l'Eglise Catholique & militante. Quoy considerant, i'estime, que si leurs faitz & gestes eussent esté mis par escript, & en langage eloquent, ainsi qu'ont esté les faitz des Rommains & d'autres, on trouueroit que leur vertu, vaillance, & prouesse precederoit & surmonteroit les faitz des Atheniens, Grecz, Troyens, & autres nations, & mesmes ceulx des Rommains, qui plus ont fait de langue que d'espée. Mais ilz ont eu ce malheur que leurs hystoriogra-

Les Roys
de France
sur tous au-
tres Princes
ont esté des-
fenseurs de
la Foy Ca-
tholique,
& propul-
seurs des he-
resies.

PROLOGVE SVR LES CRONIQVES ET ANNALES

phes n'ont peu attaindre à ceste eloquēce des Rommains: & encōres ce qui est escript d'eulx, mesmement es grandes Croniques de France, est si fort mellé parmy les faictz & gestes de plusieurs autres Princes & Seigneurs estrangiers, & avec tel nombre d'incidens, qui sont aduenus durant leurs temps & regnes, tant en ce royaume qu'ailleurs, que la multitude & confusiō des matieres qui y sont recitēes, garde les lisans de cōcevoir & mieulx retenir les lignēes. A ceste cause ie nagueres en lisant lesdictes Croniques & autres traittez de ce faisant mētion, pour eiter oyssiēté, mē suis deliberé d'extraire & rediger en bref d'ou sont venues & procedēes les lignēes desdictz tresnobles Roys de France, mettāt leurs noms par ordre, & cottāt le temps de leurs regnes. Avec aussi reciter aucun peu de leurs principaulx faictz, gestes, & autres choses qui sont bien à recorder & sçauoir, & dignes de memoire, tant pour mouuoir les courages à bien faire à l'exemple des bons, que pour escheuer & soy garder des inconueniēs ou plusieurs par cy deuant sont trebuchez, par leurs deffaultes & inaduertāces (*nam, ut ait quidam sapiens, uita aliena nobis est magistra: & qui ignarus est prateritorum, quasi cecus in futurorum prorumpit euentus*) & aussi pour aucunement mieulx sçauoir raisonner honnestement, & parler des choses qui ont esté faictes & aduenues en ce royaume Treschrestien, depuis que le nom de France a cōmençé à fleurir, & de la creation d'iceluy nom: & semblablement de la cité de Paris, ou monseigneur saint Denys, Apostre de France, apporta premierement la foy de nostre seigneur Iesus Christ, des l'an de son incarnation iij xx. xvj. protestant qu'en ceste matiere n'a chose qui procede de mon entendement, & suppliant à ceulx qui liront ce petit abregé (plusieurs desquelz l'eussent trop mieulx sceu faire que moy, silz y eussent prins leur plaisir & occupation) que sil y a aucune faulte, erreur, ou omission, il leur plaist benignement l'excuser. Et pour entendre le commencement de ceste matiere, est bien conuenable de sçauoir que depuys la creation du monde, iusques au deluge, y eut d'espace de temps deux mil deux cens quarante deux ans: & du deluge iusques à la fondation de la tresnoble cité de Troye la grād', iadis fondée en Frigie, en la partie d'Asie (qui est la principale partie du monde) il y eut mil six cēs ans: & ladicte cité dura en son estre neuf cens septante deux ans, auant qu'elle fust dernièrement destruicte: & depuis ladicte destruction de Troye iusques à l'incarnation de Iesus Christ, eut de temps enuiron neuf cens ans: cōbien que plusieurs hystoriens, qui en ont escript, sont de differente oppinion de la date desdictz temps. Puis qu'ainsi est qu'il est à present question de parler des faictz & gestes des Roys, & que ie vien à coter le temps de l'incarnation de Iesus Christ, qui est le souuerain Roy des Roys, il est bien conuenable de dire & reciter aucune des choses qui aduindrent duranr les cinq premiers aages qui precederent sa sainte Natiuité, pour puis apres parler d'icelle, & des choses aduenues depuis iusques au temps de Phara-
mond, Roy des François, auquel nous continuerons noz Annales iusques à nostre temps.

Le tēps que
saint Denys
apporta la
foy en Frāce.

Fin du Prologue.

Le premier iour.



Le second iour.



Le tiers iour.



Le quart iour.



Le cinquieme iour.



Le sixieme iour.



LES CRONIQVES ET ANNALES

Du premier aage: & combien il dura.

Le premier
aage fut de-
puis Adam,
iusques à
Noë.



La ruyne de
Lucifer, &
des mauuais
Angeſ i pro-
fundu abyſſi

Adā uſcut
neuf cens
trente ans.

Le premier deſdictz aages commença a Adam, & a la creation du monde, & dura iusques a Noë, qui fut au temps du déluge: auant laquelle creation du monde, ainſi que dit Innocent, & que les ſainctes Eſcriptures teſmoignent, il eſt vray que Dieu eſtoit en luy meſmes vray Dieu pardurable, ſans meſure; non muable, tout puiſſant, Pere, Filz, & ſainct Eſperit, trois perſonnes en vne eſſence, en vne ſubſtance, & en vne nature. Le Pere n'eſt de nul, le Filz eſt du Pere tout ſeu, le ſainct Eſperit procede du Pere & du Filz, ſans diuiſion, ſans cōmencement, & ſans fin. Ces trois perſonnes eſtoient, ſont, & ſeront enſemble ſubſtātiales, pardurables & eſgales l'vne a l'autre: & chacune eſt toute puiſſante, & vng commencement de toutes choſes: vng Dieu createur de toutes creatures viſibles & inuiſibles, ſpirituellen & corporelles. Ouide Naſo dit en ſon p̄mier liure de la Metamorphoſe, qu'au parauant la creation du monde, tous les elemēs eſtoient meſlez enſemble en vne maſſe conſuſe, que Dieu feit & nomma Chaos: & en creant les cieulx, la terre, & la mer, Dieu feit ſeparations diuerſes deſdictz elemens. Au premier iour il feit & ſepara la lumiere, & avec celle lumiere, le p̄mier iour il crea les Angeſ. Le ſecond iour il feit le firmament au meilleur lieu des eaues: & dient aucūs qu'en ce iour l'Ange Lucifer, *qui per ſuperbiam par eſſe Deo uoluit, & les mauuais Angeſ, qui ſuo neſando conſilio conſenſerunt, a calorū ſedibus iunt eiecti.* Autres dient le iour meſmes de leur creation, *iuxta illud Eſa'æ 13. cap. Quomodo cecidiſti Lucifer de calo, qui mane oriebariſ? Le troiſieme iour il diuiſa les elemens l'vng de l'autre: & terra apparuit arida, & produxit herbam uirentem.* Le quatrieme iour il aorna le ciel d'eſtoilles, & y meit le ſoleil, la lune, & autres planettes, les douze ſignes, & autres eſtoilles, pour rendre lumiere. Le cinquieme iour il forma les oyſeaux & poiſſons, & leur dōna nature: aux oyſeaux de voller en l'air, & aux poiſſons de nager en l'eaue. Le ſixieme iour il crea de toutes eſpeces qui ſont ſur terre: & en ce meſme iour forma & crea l'hōme a ſa ſemblance & image, *de limo terra:* & luy dōna entendement & raiſon participant a la nature angelique: & appela le premier homme Adā, & le forma *in loco qui Damascenus uocatur, cui omnia animantia terra, aeris & aqua ſubiecit, & adiecit ut eis nomen imponeret.* Et luy donna ſeigneurie & puiſſance ſur toutes choſes, pour bien en uſer. Apres ce, Dieu transporta Adam en Paradis terreſtre: *& cōſtituit eum dominū domus ſuæ, & principē omnis poſſeſſionis ſuæ:* & à fin qu'il euſt plus grād' felicité, luy voulut bailler cōpaignie. *Et fecit Eua Dominus de coſta Adæ dormientis, ut eſſet ei adiutoriū.* Il defendit a Adā de non manger du fruit de l'arbre de ſciēce de bien & de mal: mais a la perſuaſion d'Eue, qui auoit eſté ſeduite d'vng Diable, qui eſtoit entré au corps d'un ſerpent, & a laquelle le Diable auoit donné a entendre, que ſi Adam mangeoit dudit fruit de l'arbre de ſcience de bien & de mal, il ſeroit pareil a Dieu, il en māgea. Et tātōſt apres la ſixieme heure dudit ſixieme iour, Dieu veint en Paradis terreſtre: & quand Adam & Eue l'apperceurent, ilz ſ'allèrent cacher: & lors Dieu increpa Adam, qui ſ'excusa ſur la perſuaſion du ſerpēt, & de ſa femme: parquoy Dieu maudit le ſerpent, & dit a Adam, *In ſudore uultus tui, uſceris pane tuo:* & a Eue, *In dolore paries:* & les feit par ſon Ange deiecter & mettre hors Paradis terreſtre: & deſlors conueint a Adam & Eue viure du labeur de leurs mains. On dit qu'Adam engēdra a ſa femme trente filz, & autant de filles: deſquelz il veint moult de generations, dont Cain fut le premier, qui tua ſon ſecond frere, nommé Abel, par enuie qu'il auoit conceue contre luy, dont Dieu luy donna malediction: depuis laquelle tous les mēbres de ſon corps ne ceſſerent de trembler, & ſ'en alloit par les champs, bois & buiſſons, comme vne beſte ſauuage. Puis mourut Adam, apres qu'il eut veſcu neuf cens trente ans: & dient aucūs qu'il fut enterré & inhumé avec ſa femme, en la vallée d'Ebron. Les autres dient qu'il fut enterré au mont de Caluaire, au lieu ou Abraham ſacrifia, & ou Ieſus Chriſt fut crucifié: & qu'a ce propos dit l'Apoſtre, *ſurgē qui dormis, & illuminabit te Chriſtus.* Durant ce premier aage, il ne fut point d'hiuer, & ne pleut point ſur terre: *Et erat omni tempore temperies, & abundantia rerum.* Quād veint a approcher a la fin de ceſt aage les hōmes deueindrēt ſi mauuais, *quod (præter dictum Noë) nullus inuentus eſt domino placuiſſe. Omnis quippe caro corrumperat uiam ſuam ſuper terram. Nam primo filij Cain uxoribus fratrum ſuorum mutuis fornicationibus abuſi fuerant, & mulieres in ueſaniam uerſæ, ſupergreſſæ uiros, turpiter egerunt: tandem exardeſcentes homines in alterutrū coierunt: unde omnis illa generatio per aquam diluuij poſtmodum eſt deleta.* Et pource qu'a la fin du monde abondera couuoitiſe, qui eſt or & argent, elle ſera purgée par feu.

Du ſecond

Du second aage, qui commencea à Noe: & combien il dura.



LE second aage du monde commēcea à Noe (qui fut hōme iuste, & craignant Dieu) & dura iusques à Abraham. Noe vesquit neuf cens cinquante ans: & par le commādement de Dieu il edifia l'arche, & meit cent ans à la faire. Icele parfaite Dieu luy commanda qu'il entraist dedans, luy, sa femme, & ses enfans, & leurs femmes, & de chacune espee de bestes, masle & femelle. Il eut trois filz: Sem, Cham, & Iaphet, desquelz yssirent plusieurs generations. Et pource que ceulx qui descendirent d'eulx, doubtoient que le deluge deust encores retourner, *Domnus pepigit securitatis fœdus, in cuius signum posuit arcum pluuialem*, qui fut le signe de paix entre Dieu & le peuple. Noe fut celuy qui p̄mier planta la vigne: & apres qu'il eut beu du vin,

Noe edifia l'arche par le commandemēt de Dieu.

il s'endormit, sa nature secrette à descouuert, dont Cham son filz se mocqua, & par derision se print à rire: mais ses autres filz, Sem & Iaphet, par honnesteté le couurirent: & quand Noe fut refueillé *pro impudētī irrisione maledixit Cham: & Sem & Iaphet, pro honesta uerecundia, quā de ipso habuerunt, benedixit.* Et sur ce pas dit saint Augustin, que deslors commēcea noblese & seruitude. Sem vesquit six cens ans, & engendra Arphaxat: & dit on que ce fut Melchisedech, lequel apres le deluge commēcea la cité de Salem, qui de present est appelée Hierusalem: & en cest aage fut Nēbroth, qui fait commēcer la tour de Babylonne, dont s'ensuyuit la confusion & diuersité des langages: car parauant n'auoit que langue Hebraïque. Iceiluy Nembroth trouua, & escriuit premierement, les sciences d'Astrologie & Geometrie.

Melchisedech edifia la cité de Hierusalē, qu'il appella Salem.

Du tiers aage, qui commencea à Abraham: & combien il dura.



LE tiers aage commēcea à Abraham (qui fut especial amy de Dieu) & dura iusques à Dauid, qui furent neuf cens xl. ans. En cest aage commēcea premierement idolatrie, par Ninus, fitz de Belus, Roy des Assyriens, & des Babylonniens: lequel apres la mort de son pere fait faire vng image à sa semblance, & donna frāchise & liberté à tous ceulx qui l'adoreroyent: & à l'exēple de luy plusieurs feirent le semblable de leurs parēs: en quoy

la maiesté diuine fut offensée grandement. Iceiluy Ninus trouua premier les harnoys & habillemens de guerre, & fait construire la cité de Ninie, qui contenoit trois iournees de circuyt, & la nomma de son nom: & fut la royne Semiramis femme d'iceiluy, laquelle apres la mort de son mary conquist les Indes, & repara la grand' cité de Babylonne: & à la fin fut tuée par le second Ninus, son filz, qu'elle prouoquoit à lord peché de luxure, comme raconte saint Augustin, en son liure de la cité de Dieu: toutesfois le Maistre des hystoires dit, qu'elle en eut vn enfant, qui fut roy de Babylonne. Au tēps d'Abraham estoit Melchisedech, qui estoit prestre du tres hault Dieu, & faisoit son sacrifice de pain & de vin, & non pas de bestes, *Genesis 14.* Abraham luy donna premieremēt, la decime des despouilles qu'il auoit conquestées sur ses aduersaires: & de la vindrent premierement les decimes, que les prestres ont tousiours depuis leuées, & leuent sur les gens chacun an. Ledit Abraham *accepit praeceptum à domino, ut se, cum sua sobole, circumcideret:* & à ladicte circumcision furent les noms d'Abraham & de sa femme muēz: car parauāt il estoit appelé Abram, & il fut depuis appelé Abraham: & sa femme, qui auoit nom Sarray, fut appelée Sarra. Et note que selon saint Augustin, en ceste aage *non erat peccatū habitare cum pluribus uxoribus, causa prolis: sed hoc facere causa libidinis semper fuit peccatū:* car la loy naturelle ne permet point *uoluptatem carnis relaxari, nisi ad propagationem uel conseruationē generis humani.* Des ce temps fut edifiée la cité de Rhodes. Vers la fin de ce tiers aage fut le saint prophete Moysē, iusques auquel dura la loy de nature, & luy bailla Dieu la loy escripte, & ses commandemens, en deux tables de pierre: *Et locutus est ei facie ad faciem in humana effigie.* Les Hebreux, que nous appellōs les enfans d'Israel, se plainquirent à Dieu, de la persécution que leur faisoient les Egyptiens, desquelz Pharaon estoit Roy: Dieu enuoya deuers ledit Pharaon, Moysē & Aaron, pour le mettre hors de son idolatrie, & luy commander de par luy qu'il cessast de le p̄secuter: & feirent deuant luy plusieurs signes merueilleus,

Ninus edifia la grand' cité de Ninie, qu'il nomma par son nom.

Comencement des decimes que les prestres leuēt de present

Le saint prophete moysē estoit en ce tēps.

LES CRONIQVES ET ANNALES

de par Dieu tout puissant: *sed induratum est cor Pharaonis*, & ne voulut croire à chose qu'ilz diissent, & ne cessa point de persecuter les enfans d'Israel: & les chacea avec cinq cens chariotz, & cinquante mil hommes à cheual, & deux cens mil hommes à pied armez, iusques à l'extremité des aspres montaignes, & au riuage de la mer rouge: & ce voyât Moÿse, vfa de la puissance à luy donnée de Dieu, & *factu uirga* feit diuifer & arrester la mer, en telle maniere que lesditz enfans d'Israel la passerent *siccis uestigiis*. Ledit Pharaon, avec ses gens & chariotz, voulant passer & aller apres eulx, entra dedās les limites de la mer, iusques au myllieu: & *subito excreuerunt aquae*, & furent luy & ses gens tous noyez. Apres la mort de Moÿse, les enfans d'Israel furent gouuernez par iuges: & fut Iosué le premier: & durerent iusques à Saul, qui fut le premier roy d'Israel: & fut ledit Iosué l'un, & le premier, des neuf, qui entre les hommes ont esté ditz preux & vaillans hommes, & gouerna moult bien le peuple de Dieu. En cest aage les citez de Sodome & Gomorre perirēt en abyssme, pour l'horribilité des pechiez des habitans, qui ne sont à descripre: & ne fut trouué esdictes citez quelque hōme iuste, q̄ Loth & ses enfans, ausquelz Dieu manda par l'Ange qu'ilz s'en allassent, & ne regardassent derriere eulx: & pource que la femme dudit Loth y regarda, contre le commandement de Dieu, elle fut muée en vne statue de pierre de sel, que les bestes lechent. En ce mesme aage fut la cité de Treues en Allemagne fondée, sur la riuere de Meuse, mil trois cens ans deuant la fondation de Romme: & quelque temps apres la noble cité de Troye fut destruiete, ainsi qu'il a esté dit cy deuant.

Fondation de la cité de Treues sur la riuere de Meuse.

Du quatrieme aage, qui commença à Dauid: & combien il dura.



LE quatrieme aage commença à Dauid: & dura iusques à la transmigracion de Babylonne. Iceluy Dauid fut moult grand enuers Dieu: & dist Dieu de luy, *Inueni hominem secundum cor meum*. Luy estant ieune enfant, tua d'une fonde le grand geant Goliath. Depuis il fut esleu Roy, & p̄ Samuel le prophete, oingt & sacré sur le peuple d'Israel. *Hic autē Dauid, qui fuit pius & iustus rex, etiam hostibus fidem seruans, eorum necem iniustam vindicauit: fuitque uir bellicosus, & contra hostes nunquam bellum intulit, nisi prius consulto domino. prudentiam in praelio comitem habuit: ideo in omnibus uictor exiit. Hic dicitur eximius prophetarum: quia non solum futura de christo praedixit, sed etiam ipsum sibi de semine suo nasci promissum annunciauit.* Iceluy Dauid commit adul-

tere en Bersabée, femme d'Vrie, vn de ses cheualiers, & commit trahyson: car il fut cause de faire occire ledit Vrie: *sed postea, se humilians, diuinam misericordiam obtinuit*: & à ceste heure la feit le Pseume de *Miserere mei Deus secundum, &c.* Apres la mort d'Vrie Dauid espousa ladiete Bersabée, laquelle de luy enfanta Salomon, qui fut Roy apres luy: auquel Salomon Dieu donna l'esprit de Sapience. Il feit edifier le temple de Dieu en Hierusalem, du plus riche, sumptueux & magnifique ouurage, que iamais n'auoit esté fait, ne edifié: *sed maculam habuit in gloria sua*. Car on lit qu'il eut sept cens femmes, & trois cens concubines: *tamen poenituit ante mortem, sicut dicunt Hebraei: & propter hoc librum, qui ecclesiastes dicitur, composuit.* Apres luy regna Roboam son filz, lequel par vser du conseil des ieunes, qui estoient autour de luy, qui luy donnoient entendre choses plaisantes à sa volonté, il perdit son regne & sceptre, & mourut paouüre & miserable. Enuiron ce temps furent les prophetes Helye, Ionas, Helysée, & autres, comme on lit en la Bible. En cest aage Nabugodonosor, Roy de Babylonne, print la cité de Hierusalem, apres ce qu'il l'eut tenue assiegée par quatorze moys, tellement que par faulte de viures les meres magerent leurs enfans, & print Sedechie, qui estoit Roy, & luy feit creuer les yeux, & mourir prisonnier: & lors faillit le royaume des Iuifz, qui auoit duré, depuis le tēps de Saul, cinq cens quatorze ans, selon Iosephe. Vn Prince de la cheualerie de Babylonne, nommé Nabusardam, print & pillā les trefors & vaisseaux d'or, d'argent, & de pierres precieuses, & autres richesses qui estoient aut temple de Dieu, qu'auoit fait faire Salomon, & pillā & brussa toute la cité, & abbatit les murs & maisons: & à ceste captiuité finit le quart aage.

Salomō eut sept cēs femmes espousees, & trois cens concubines.

Nabusardā pillā les trefors du temp'le de salomon.

Du cinquieme

Du cinquieme aage, qui cōmencea à la captiuité de Hierusalem: & cōbien il dura.



LE cinquieme aage du monde commencea à ceste captiuité de Hierusalē, ou à la transmigration du peuple de Dieu en Babylōne, qui fut en l'an de la creation du monde trois mil. cccclxxvij. Tantost apres, le prophete Hieremie, qui estoit encores demeuré en Hierusalē apres ladiſte captiuité, fut lapidé par le peuple de Iudée, par ce qu'il les reprenoit de leur idolatrie. Ledit Hieremie, en prophetizant de l'aduenement de Iesus Christ, bailla aux Egyptiens vn signe, disant que leurs

Hieremie fut le premier qui prophetiza l'aduenement de Iesus Christ.

Daniel prophete.

idoles trefbucheroyent quand vne Vierge enfanteroit: & à ceste cause les prestres de leur loy faisoient faire en vn lieu secret, en leur temple, vn image d'vne Vierge tenant vn enfant, & l'adoroyent secretemēt. En ce tēps fut en Babylonne Daniel le prophete. leq̃l estant ieune, deliura Susanne de mort, & fait brusler les deux vieillars, ses faulx accusateurs. Nabugodonosor l'honora fort, & bailla le gouuernement de ses prouinſes à luy, & à trois de ses cōpaignons: c'est à sçauoir, Sydrac, Misaac & Abdenago, lesquels, p l'enuie des princes, & pource qu'ilz ne voulurēt aorer l'image d'or, q̃ Nabugodonosor auoit fait faire, il les fait getter en vne grand' fournaise toute ardāte, & eulx diuinemēt deliurez, il les restitua en leur dignité & gouuernement. Ledit Nabugodonosor par son orgueil, fut par la puissance de Dieu, p sept moys trāsformé en beste, & mangeoit de l'herbe cōme vn beuf: *sed oratione Danielis ad Deum fusu pro eo, sanatus est, & pœnitentiā egit, Deique mirabilia in se facta pradicauit.*

La cité de Babylonne auoit tren redoux lieues de circuyt.

Cyrus roy de Perse, qui auoit vaicu Astiages roy de Mede, & trāslaté la monarchie d'Orient en Perse, veint assieger Babylonne la grād, dont estoit lors roy Balthasar: laquelle cité estoit la plus grāde, & la plus large q̃ iamais fut au monde. Sainct Hierosme dit qu'elle estoit assise en pleine terre, & pny passoit vn grād fleuve, nōmé Eufates, lequel emplissoit tous les fossez, & qu'elle estoit carrée, & auoit d'vn bout à l'autre seize mils de long, qui sōt aualuez à deux mils pour lieue: & ainsi les quatre murs auoyēt. lxxij. mils de circuyt, qui sont. xxxij. lieues: Il y auoit cēt portes, & y auoit plusieurs des murs & maisons qui resplēdissoient d'or & d'argent, & de pierres p̃cieuses & autres richesses. Au mylieu estoit vne haulte tour, qui estoit celle q̃ Nēbroth & les enfans de la generation de Noe, apres le deluge auoyent edifiée, dont veint la confusion des langages, comme dit a esté: laquelle tour auoit de haulteur cinq mil pas, & cent. lx. & xiiij. de large. De celle cité sont dictes choses merueilleuses, mais en vne nuyt elle fut prinſe & mise en cēdre par le dit roy Cyrus: qui est pour monſtrer q̃ deuāt l'ire & la puissance de Dieu, puissance terrienne n'est & ne peult riens: & lors faillit le grand royaume de Babylonne. Les Iuifz, qui estoient venuz demourer en Babylonne du temps de la subuersion de Hierusalem, dirent à Cyrus que Hieremie auoit prophetizé qu'il deuoit refaire le temple de Dieu, & la cité de Hierusalem: & pource il les deliura de la captiuité ou ilz estoient, & les renuoya en Hierusalem, ou ilz réedifierēt la cité & le tēple. Ledit Cyrus aucū temps depuis, fut, apres plusieurs batailles, prins par la royne Thamiris, avec son ost, qui estoient bien deux cens mil hommes: & luy fit ladiſte royne Thamiris copper la teste, & mettre en vn vaisseau plain de sang humain, en disant: Saoulle toy du sang des hōmes, que tāt as desiré respādre. Peu de tēps apres

als Tomiris.

D'un iuge qui fut tout uif escorché, pour auoir donné faulx iugement.

Cāmbises, roy de Perse, fait escorcher vif vn iuge de sa terre, qui auoit fait faulx iugement, & donna l'office de iuge a son filz: & à fin qu'il doubtaſt à faire comme son pere, fait couvrir la chaire ou il seoit de la peau de son pere, *ne simile iudicium pateretur.* Aussi en cest aage aduint que le filz Tarquin l'orgueilleux, roy des Rommains, forçā vne noble damoyſelle de Romme, nommée Lucreſſe, laquelle en la presente de son mary, de son pere, & de ses parés, se tua de dueil: & quand Tarquin retourna de la guerre ou il estoit allé, les Rommains luy fermerēt les portes, & le chacerēt, luy, sa femme, & ses enfans: & ordonnerent qu'ilz n'auoyent plus de roys, & créerēt deux Consulz, pour gouuerner leur chose publiq̃, & lors faillit le royaume des Rōmains. Enuiroin. cccc. ans auāt l'incarnatiō Iesus Christ, trois cens mil † François se partirent de Frāce, de la puinſe de Sens, soubz vn nōmé Brennus, *ad nouas sedes quarendas*, par ce qu'audit pays auoit tant de peuple qu'il n'y pouoit plus viure n'y habiter: & allerēt en Italie, & prindrent d'assault la cité de Rōme, & tuerēt plusieurs Rōmains. Et apres mirēt le ſiegē deuāt le Capitole, ou festoyēt retraits les p̃cipaux de la seigneurie des Rōmains, avec tous leurs trefors, & y demourerēt longuemēt, tellement q̃ lēsditz Rōmains assiegez perissoyēt de faim:

† Il print François pour Gaullois, & François pour Gaulle.

LES CRONIQVES ET ANNALES

Alexandre le
grād eut en sa
subiectiō tou-
te la monarchie
du monde.

† il entend au
premier an de
sa monarchie
paixible.

lesquelz, à fin q̄ lesdictz François se departissent & leuassent leur siege, leur donnerent mil besans d'or. Puis se departirent lesdictz François, & s'en allerent les aucuns en Trace, & les autres en Grece, les autres en Asie, & conquirent plusieurs terres qu'ilz habitent: tellement que la vaillante audace & felicité des François fut lors si publiée par toutes terres, q̄ toutes nations estranges n'osoyent faire guerre, l'ilz n'auoyēt des François avec eulx, de sorte qu'un Roy de Bithinie les appella en son ayde: & pource qu'ilz luy ayderēt à recouurer son royaume, il leur en donna la moytié, dont leur portion est encorē à cause d'eulx appelée Gallogrecia. Enuiron ce temps fut Alexandre le grand, filz de Philippes Roy de Macedoine (lequel comme on dit) par le conseil d'Aristote son maistre & principal cōseiller meit en sa subiectiō toute la monarchie du monde: mais il ne dura gueres, car il fut empoisonné par un sic medecin, nommé Thessalus à la persuaſiō d'Antipater, qu'Alexandre auoit fait gouuerneur pour luy en Macedoine, & mourut au trentequatrieme an de son aage, & au t̄ p̄mier de son regne Enuiron .xlviij. ans auāt l'incarnation Iesus Christ, pource que les Rōmains, par le conseil de Pompée, refuserent à Iules Cesar le triumphe qu'il demādoit à son retour de la victoire des Gaulles, ou il auoit esté enuoyé, ledit Cesar assiegea & print Rōme, & en chacea ledit Pompée, & les autres Consulz qui estoient au gouuernement de la seigneurie: & departit à sa volenté les tresors publiques, qui estoient au Capitolle, à ses cheualiers qui l'auoyent seruy à ladicte conquēte. Puis alla apres Pōpée, & le vainquit en bataille. Pompée trouua facon d'eschaper par fuyte, & passa la mer, & s'en alla à refuge vers Ptolomæus roy d'Egypte, cuydant estre à seureté avec luy, par ce qu'il l'auoit au parauant restitué en son royaume, apres ce qu'il l'auoit vaincu: mais icelluy Ptolomæus, qui sceut la victoire que Iules Cesar auoit eue contre ledit Pompée, *fortunā magis q̄ amicitiam est secutus.* Car pour prēdre la beniuolēce de Cesar, il feit coper la teste à Pōpée, sur le bout de son bateau, auant qu'il arriuaſt à luy, & enuoya la teste & l'anneau d'iceluy à Cesar: *Quo cōspecto Iulius Cesar lachrymas fuisse dicitur, rati uiri, & generi quondā sui, intus caput.* Apres plusieurs batailles Iules Cesar retourna à Rōme, & commença à ordonner de l'estat de la chose publique, & departir les hōneurs & offices à sa volenté, *contra: consuetudinem Romanorum;* & print le premier le nom & tiltre d'Empereur, dont les Senateurs, & ceulx de Rōme, furent mal contens. Et apres ce qu'il eut regné cinq ans, ilz feirent conspiration contre luy de le tuer, de laquelle furent principaux autheurs Brutus & Cassius: & un iour ainsi que Cesar partit de son Palais, pour aller au Senat, luy furent baillées vnes lettres, par lesquelles on l'aduertissoit qu'il se donnast garde, & qu'on le vouloit ce iour tuer. Il ne print pas loysir de lire lesdictes lettres, & les tint en sa main, & entra dedans le Senat: & tantost il fut par ses conspirateurs assailly, & luy baillerent de poinſons, & de couteaux, plusieurs coups, dont y auoit xxiiij. playes mortelles. Apres qu'il fut mort, lesdictes lettres luy furent trouuées en sa main, toutes closes, & mourut au .lvj. an de son aage, & v. de son Empire. Le peuple des Rōmains emporterent le corps à grād honneur, & le meirent en cēdres *super columnam, seu lapidem, marmoreā, quā Iuliam uocant.* Apres sa mort. Octauian son nepueu, qu'il auoit adopté filz, fut Empereur, & tint l'Empire .lvj. ans, Au .xliij. an de l'Empire dudit Octauian, nasquit Iesus Christ: & lors finit le cinquieme aage du monde.

Du sixieme aage, qui est depuis la natiuité de nostre seigneur Iesus Christ, iusques à la fin du monde: & des choses qui aduindrent le iour d'icelle natiuité.

Le cōmencemēt
du sixieme aage
du monde.



Le sixieme aage est celuy auquel sommes de present, & dont nul ne congnoist le terme, fors Dieu seul: & le septieme aage sera la vie eternelle, apres la generale resurrection, & le grand iugemēt de dieu: & lors *qui bona egerint, ibunt in uitam æternā: qui uero mala, in ignem æternum.* Ainsi donc le sixieme aage du monde commença au temps de celle sainte natiuité de nostre seigneur Iesus Christ, filz de Dieu le pere, nostre naturel & souuerain Roy & Seigneur, qui pour la redemption de l'humain lignage, apres l'annōciation de l'Ange Gabriel, descendit au ventre virginal de la glorieuse vierge Marie (laquelle, & Ioseph son espoux, estoit descendue de Royale lignée, ainsi qu'est à plain recité en

l'Euangile saint Matthieu) regnant lors à Romme l'Empereur Octauian Cesar, premier de ce nom, nepueu & filz adoptif de Iules Cesar (qui fut le premier Empereur de Rôme, & duquel tous les Empereurs ont esté dictz Cefars Augustes) & estât ledict Octauia, au quarante-deuxieme an du regne de son empire. Et dit on qu'au dimëche xxiiij.iour, de la douzieme calende du moys de Decembre, à heure de minuyt, cinq mil deux cens ans, vn moins, apres la creation du monde, selon Bede,

Vnde uersus,

*Vnum tolle, datis ad millia quinque, ducentis
Nascenti domino tot Beda dat à prothoplausto;*

& selon Metheodore cinq mil ans iustement: & selon saint Ierosme, & la verité Hebraïque quatre mil neuf cens soixante troys: selon Isidore & Pierre le mengeur, six mil six cens six ans: & selon Orose cinq mil cent quatre vings dixneuf ans, ledict seigneur Iesus Christ, nostre Sauueur, en la cité de Bethleë en Iudée, naquit & yfit, sans fraction, ne polution, du ventre Virginal de sa glorieuse Mere, auquel il auoit esté cõceue par l'infusion du S.Esprit, sans semence d'homme: *quia qui in celis patrem habuit sine matre, in terris habuit matrem sine patre.* Quand l'enfant Iesus fut né, *maria cum pannis inuolutū reclinauit in praesepio: quia non erat ei locus in diuersorio:* & à l'heure ou iour d'icelle sainte Natiuité, ou commence le sixieme aage du monde, aduindrent & apparurent en diuers lieux plusieurs grâds signes & merueilles, dignes de memoire, qui sont bien à reciter. Car premieremēt (ainli que recite Innocētius tertius) pour la paix & tranquillité qui auoit esté au monde, & estoit au temps que Iesus Christ naquit (lequel, pource qu'il venoit faire la paix de l'humain lignage enuers Dieu son pere, voulut qu'à son aduenemēt fust paix vniuerselle par tout le monde) les Rommains, qui long temps parauant auoyent fait edifier vn moult beau temple, de merueilleux edifice, & en iceluy mis l'image de Romulus, premier fondateur de la cité de Romme, & auoyent eu respon-

La natiuité
nostre Sei-
gneur Iesus
Christ.

ce de l'ydole Apolin, à qui ilz auoyent demandé conseil combien leur temple deuoit durer; qu'iceluy temple dureroit iusques à ce qu'une Vierge enfanteroit, par ce qu'il leur sembloit estre chose impossible que Vierge enfantast, auoyēt conclud que ledict temple seroit eternal: ayans fait escrire sur le portail d'iceluy temple en grosse lettre d'or *Templum pacis æternum:* mais

à l'heure que Iesus Christ naquit, iceluy temple trebuscha: & au lieu ou il estoit, est de present fondée vne moult belle Eglise de nostre Dame, qui s'appelle nostre Dame la noue. Secondement, l'image ou statue d'or, que ledict Romulus auoit premieremēt fait mettre en son Palais, & fait attacher p merueilleux art, disant qu'elle ne trebucheroit iusques à ce q Vierge enfanteroit, à l'heure de la sainte Natiuité de Iesus Christ trebucha. Tiercemēt, toutes les idoles de la terre d'Egypte trebucherent, ainli que Hieremie l'auoit prophetizé: & comme apres la mort de Godolye auoit dit & baillé aux Roys & prestres d'Egypte signe, que leurs idoles trebucheroient, lors qu'une Vierge enfanteroit. Quartement, l'eau d'une belle & grâde fontaine, qui estoit à Rôme, tout le long du iour de ladicte sainte Natiuité Iesus Christ fut conuertie, & transmuée en liqueur d'huyle, & couroit en si grand'abondance que l'eau de la riuere du Tybre en estoit toute couuerte: *ut Eusebius, alijque multi testantur:* & ainli l'auoit vaticiné, la sage Sibille Tyburtine.

De plusieurs
beaux mira-
cles qui ad-
uindrēt au
temps de la
Natiuité de
nostre Sei-
gneur Iesus
Christ.

Quintement, les vignes d'Angady, en ce mesme iour florirent, & produisirent liqueur de Baulme en grâd'abondance. Sextement, vne moult belle, claire & resplendissant estoille, s'apparut à trois Roys d'Arrabie, les noms desquelz estoient Gaspar, Balthasar, & Melchior, qui estoient les plus grands Astrologiens du monde: & par l'apparition d'icelle estoille, iugerent & congneurēt que le souuerain Roy des Roys, qui deuoit naistre pour la redēption de l'humain lignage, estoit nay: & par ce, non sachās rien l'un de l'autre, se meirent en chemin, & en allant se rencontrerent: & par la conduïte de ladicte estoille veindrent tout droit en Bethleem, visiter l'enfant Iesus, qu'ilz trouuerēt avec sa mere & Ioseph, en lieu public, vile, & pauvre, nud & pauvement atourné, sans liēt, sans couche, & sans drapeaux: à quoy ilz n'eurent pas regard, mais de coeur parfaict l'adorerent, & luy presenterent de moult riches dons: c'est à sçauoir, or, myrrhe, & encens en grand'abondance.

Des troys
Roys qui cõ-
gneurēt par
l'estoille
que nostre
seigneur Ie-
sus Christ
estoit nay.

Septiememēt, ainli que racompte Orosius, les Rommains, qui lors estoient payēs & idolatres, & n'auoyēt pas vraye congnoissance de Dieu, voyans la grand'paix & tranquillité ou ilz viuoyent lors, & auoyent ia vesçu des .xlj.ans, soubz l'Empereur Octauian lors regnant, penserent & creurent en eulx que ledict Octauian fust deifié, & que ladicte paix procedast de sa vertu & puissance, & le voulurent adorer: mais ledict Octauian, qui estoit sage, congnoissant qu'il estoit homme mortel comme les autres, demanda conseil à la sage Sibille Tyburtine, pour sçauoir si au monde deuoit naistre plus grand que luy: laquelle Sibille, estant en la chambre d'iceluy Empereur, vaticina, predict, & feit de moult beaux mettres, parlās de Iesus Christ, & de son aduenement & iugement, lesquelz se commencent ainli: *iudicii signum tellus sudore madescet. Ex celo rex adueniet per secula futurus, &c.* ainli que recité est plus à plain, par saint Augustin au .xxiiij.chapitre du .xviij.liure de la cité de Dieu. Et monstra ladicte Sibille à l'Empe-

La sibille
Tyburtine
vaticina à
l'empereur
Octauian la
Natiuité de
Iesus Christ

LES CRONIQVES ET ANNALES

reur en l'air, vne moult belle Vierge sur vn autel, laquelle tenoit vn enfant enuironné & enluminé d'un soleil d'or, ayant vne lune soubz les piedz, & en sa teste vne couronne de douze estoilles: disant ladicte Sibille audit Empereur, que celle Vierge deuoit enfanter vn enfant qui seroit Roy, & seigneur du ciel & de la terre: & lors ledict Empereur l'adora, & depuis ne voulut souffrir q'les Rômainz luy feissent quelque chose d'adoration, quelq' requeste qu'ilz luy en feissent: & au lieu, ou fut faicte ladicte apparitiô, est de present edifiée à Romme vne belle Eglise, qui encores est appelée nostre Dame d'Ara cœli. Huytiememêt, vn asne & vn bœuf, qui sont bestes brutes, & irraisonnables, qui auoyent esté amenez par Ioseph, au lieu ou Iesus Christ nasquit en Bethleem (c'est à sçauoir, l'asne pour porter la vierge Marie, sa femme, & le bœuf pour le vendre à payer leur tribut, & auoir leurs menues necessitez) miraculeusement s'agenoillerent, & adorerent l'enfant Iesus, & luy feirent le seruice qu'ilz peurent: car de leur alaine ilz luy donnerent chaleur (par ce qu'il faisoit froid) ainsi que l'Euangile fait mention, *Cognouit bos possessorem suum, & asinus praesepe domini sui.* Neufiemement, ainsi que recite saint Hierosme, le iour de ladicte Natiuité, il aduint que miraculeusement tous ceulx qui estoient au monde, entachez du peché de Sodome, furent tous mors & estainctz subitemêt: & ce fait nostre Seigneur *ne natura humana, quam assumpsérat, tanta de cetero immunditia fœdaretur.* Car c'est vn vice si execrable, & si abominable à Dieu, que saint Augustin dit que nostre seigneur Iesus Christ, voyant vn si detestable peché, contre nature, estre faict en nature, *ferè desit incarnari.* Aussi ledict iour furent veuz sur Romme trois soleils au ciel, lesquels tantost apres s'assemblerent en vn. Semblablement, à la denunciation de l'Ange, les pastoureux, qui celle nuyt veilloient sur leurs troupeaux, l'allerent adorer. Et plusieurs autres choses merueilleuses & miraculeuses aduindrent au monde en ce iour, qui sont laissées pour cause de briefueté. Au .viij. iour de la natiuité de l'enfant Iesus, il fut par Simeon le iuste circôciz, selon la loy ancienne: laquelle circoncision estoit la figure du sacrement de baptesme: & combien qu'il ne fust point subgect à loy, toutesfois il luy pleut ainsi le faire: car il n'estoit pas descendu pour destruire la loy, mais pour l'accomplir & amplier. Octauian, qui lors estoit Empereur de Romme, auoit donné à Herode le royaume de Iudée: & pource que par les signes qui estoient apparuz le iour de ladicte Natiuité, courut tantost par toute Iudée vn bruit, qu'il estoit nay vn enfant, qui seroit le plus grand & souuerain Roy des autres, ledict Herode, doubtrât qu'apres que ledict enfant seroit parceu, ne le deietast de son royaume, cuydant le faire mourir, commanda que tous les enfans innocens fussent tuez: & par son commandement en fut bien faict mourir. .xliij. mil, dont mal luy print. Car tantost apres, par punition diuine, iceluy Herode deuint si mesel & si pouacre & pourry, que les os luy tomberent des piedz & des mains. Le bon saint Ioseph, qui auoit espousé la vierge Marie, *non ut maritus, sed ut esset testis fidelis,* & pour conurir à l'enemy le secret de l'incarnation du filz de Dieu, par l'enhortement & admonition de l'Ange, & pour la doubte d'Herode, print la mere & l'enfant Iesus, & les emmena en la terre d'Egypte, ou ilz se tindrent par .vij. ans: & lors qu'ilz y arriuerent, trebucherent les idoles des tēples, ainsi que ladicte Sibille l'auoit parauāt vaticiné & predict: & illec l'enfant Iesus, quand il sceut aller, seruit sa mere & Ioseph en toutes choses: & la furent durant son enfance par luy faictz plusieurs miracles (*prout fertur*) lesquels sont contenuz ou liure, *qui de infantia saluatoris intitularur,* iaçoit ce q' l'Euāgile n'en face aucune mētion: & aussi *ille liber iadiu apochripia deputatus est, & nil auctoritatis offert.* Apres la mort dudit roy Herode, Ioseph & Marie ramenerent l'enfant Iesus en Iudée: & n'est point faicte mention en l'Euangile, que trespēu, de ce que fait Iesus Christ durant l'aage de son enfance (sinon de la disputation qu'il fait au temple contre les docteurs de la loy des Iuifz) iusques à ce qu'il fust paruenue en l'aage de xxx. ans, auquel tēps regnoit Empereur à Romme Tibere, qui ia estoit au .xvj. an de son empire: lequel, comme recite Iosephus en son liure *Antiquitatum, morosus erat. Et cum statueret procuratores & officarios in prouinciis, nix, aut nunquam, mutabat eos:* qui est vne grand' louenge & recommandation à vn Prince. Aucuns de ses conseillers le voulurent induire & inciter à leuer sur ses subgectz plus grands tributz qu'il n'auoit accoustumé, disans qu'ilz le pourroyent bien porter: mais il respondit qu'à bon pasteur appartenoit de tondre ses brebis, & non pas de les escorcher. Au xxx. an de l'aage de Iesus Christ, vint saint Iehan Baptiste, son cousin, des desers, & commença à prescher & baptizer *in regione Iordanis fluminis,* ou Iesus alla, & par luy fut baptizé audit fleuve: & en y allant (comme on dit) les montaignes & boys par ou il passoit trepidoyent, comme si elle dāssent par ioye, selon qu'il estoit prophetizé par Dauid, ou il dit: *Tunc exultabunt montes, & omnia ligna siluarum, in conspectu domini:* & ainsi que saint Iehan le baptisoit, le saint Esprit descendit visiblement sur luy, en espee d'une columbe, & fut ouye vne voix disant: *Hic est filius meus dilectus, in quo mihi bene complacui, ipsum audire.* Et audit baptesme fut la premiere apparition de la benoiste Trinité: c'est à sçauoir *Pater in uoce, Filius in carne, Spiritus sanctus in specie colūbae:* & lors saint Iehan Baptiste, en le montrant

Du peché de Sodome moult abominable, & execrable enuers dieu.

Le nombre des Innocens qui furent mis à mort apres la natiuité de nostre seigneur Iesus Christ.

Saint Iehan baptiste vint des desers, ou il estoit, à nostre seigneur Iesus Christ.

strant du doigt dist, *Ecce agnus dei: ecce qui tollit peccata mundi.* Apres ce que Iesus Christ fut baptisé, il s'en alla au desert, & ieusna xl. iours & xl. nuyetz. Ce faict, il eut faim: *Et ductus est à spiritu, ut tentaretur à diabolo.* Tantost apres ceste ieusne, il appela ses disciples, qui furent en tout lxxij. autant qu'il y eut de langages: & entre iceulx en eueut xij. qu'il appela Apostres, dont il en y eut aucuns qu'il apela de son lignage. Et l'année ensuyuant, pource que saint Iehan repro- noit Herode de ce qu'il maintenoit Herodiade, la femme de Philippes, son frere, il le feit em- prisonner, *Et circa dies azymorum* le feit decoler, & en donna la teste à la fille de ladiete Hero- diade, qui dançoit deuant luy, & deuant les Princes de Galilée, à vne grāde feste & assemblée que faisoit ledict Herode: à laquelle fille il promit donner ce qu'elle demanderoit, & à la per- suasion de sa mere, elle demanda la teste de saint Iehan. Toutesfois Iosephus y appose autres raisons. Aucuns dient, qu'icy cōmence le sixieme miliare du monde, & est terminée la cir- concision. Tantost apres que saint Iehan fut decolē, Iesus appela ses disciples, & alla pres- chāt par le pays (car parauant il n'auoit point presché) & faisoit plusieurs beaux miracles: cō- me de resusciter les mors, guerir les malades, enluminer les aueugles, & autres beaulx mira- cles (comme plus à plain est contenu es euangiles) dont les scribes, pharisiens, & maistres de la loy des Iuifz conceuoient grand' hayne contre luy, & machinoient de le faire mourir: & conuindrent avec Iudas, vn de ses disciples, qu'ilz luy donneroyent trente deniers, & qu'il leur liurast. ce qu'il feit traystreusement, dont mal luy en print: car tantost apres qu'il l'eut tra- hy & liuré, congnoissant le grand mal qu'il auoit faict, retourna aux Iuifz, en leur disant qu'il auoit peché, & leur rēdit & restitua les trente deniers, qu'ilz luy auoyent baillez, desquelz ilz achepterēt *agrum figuli, in sepulturam peregrinorum.* Et apres ladiete restitution, iceluy Iudas, non a- yant regard à la misericorde de Dieu, qui luy pouoit pardonner, s'il se fust retourné à luy, & cryé mercy, se desespéra & precipita, & luy mesmes *laqueo se suspendit.* Quand les Iuifz & les prestres de la loy eurent Iesus Christ en leurs mains, ilz le menerent premier à Anne, frere de la femme de Cayphe, qui estoit euesque de leur loy en ceste année: & apres le menerent à Pō- ce Pilate (qui estoit iuge, & commis de par l'Empereur Tibere Cesar à gouuerner les Iuifz au royaume de Hierusalem, & lequel Ponce Pilate, comme recite le maistre des sentences, estoit natif de Gaule, de la prouince de Lyon sur le Rosne, laquelle cité de Lyon fut enuiron ce temps la fondée par vn nommé Munacius grand orateur, qui fut disciple de Ciceron) & contre luy par faulx tesmoings feirēt proposer plusieurs faulces accusations: & en la maison du- dict Pilate fut moqué, batu de verges, couronné d'espines, deturpé, craché, & colaphizé. Et combien qu'icelluy Pilate sceust & congneust veritablement que Iesus Christ fut bon, vray, iuste, pur, & innocent, ainsi que luy mesmes dist & profera aux Iuifz, qui poursuyuoient sa mort, par diuerses fois, & qu'ilz ne trouuoit en luy cause pour laquelle il le deust faire mourir, & qu'il n'auoit faict aucun mal, ce neantmoins à la parfin par sa lascheré & pusillanimité, craignant perdre son office, le condamna à mourir en croix. Et recite Eusebius dudiēt Pila- te, qu'apres la mort de Iesus Christ il congneur bien qu'il auoit failly, & meit peine de soy ex- cuser enuers l'Empereur Tibere, vers lequel il fut accusé par les Iuifz: & tellement que le- dict Tibere le deschargea & desappoincta de son office, & l'enuoya en exil à Lyon, au lieu de sa natiuité, en opprobre de luy & des siens, & la receut plusieurs grādes iniures: & apres plu- sieurs calamitez, cōme on dit, se tua luy mesmes: cōbien qu'aucuns dient qu'il eut repentēce de son peché, & requist pardon à Dieu, qui le luy oētroya. Apres la sentēce dudiēt Pilate pro- férée contre Iesus Christ, & plusieurs grands maux, tourmens & batemens que les Iuifz luy eurent fait souffrir: ilz le menerēt au mont de Caluaire, hors la cité de Hierusalē, & illec igno- minieusement & violement à l'heure de sixte le crucifierent, & feirēt mourir en croix, en- tre deux larrons: & luy estant en la croix dist, entre autres, sept belles parolles de grand' effica- ce à nostre introduction, comme recite le venerable Bede. Et apres que tout ce qui auoit esté prediēt de luy par les saintz peres & prophetes fut accomply, il rendit son esprit à Dieu le pe- re: & à celle heure *sol defecit, terramotus factus est, petra scissa sunt, monumenta aperta sunt: & multa corpora sanctorum surrexerunt, & apparuerunt multis, uelut templi, quo regebantur sancta sanctorum, diuisum est.* De- puis qu'il fut mort les Iuifz meirent es mains d'un viel cheualier, nommé Longis, natif de Forest pres Lyon, vne lance qui luy afficherent contre le costé dextre du corps Iesus Christ, & le feirent bouter, tellemēt qu'il luy feit vne grand' playe: de laquelle degouta par grād' ef- fusion sang & eaue, dont tous les sacremēs de nostre salut ont prins leur cōmencement. Tan- tost apres, à l'heure de vespres, il fut descendu de la croix, & mis au monument, & son esprit descendit es enfers, pour deliurer les ames des saintz peres anciens, qui estoient en voye de saluation aux limbes des peres. Et au troisieme iour, *superata morte,* il resuscita, comme il auoit promis à ses Apostres: & s'apparut premieremēt à sa mere, apres à la Magdalene, à saint Pi- erre, & à ses autres Apostres & disciples. Depuis sa resurrection fut quarante iours sur terre,

Nostre sei-
gneur appc-
la avec luy
lxxij. disci-
ples.

Nostre sei-
gneur Iesu-
Christ cōmē-
cea à pres-
cher tantost
apres que
saint Iehan
baptiste fut
decolē.

Pilate estoit
natif de
Gaule, en la
prouince
Lyon sur le
rosne.

Le mystere
de la passio
de nostre
seigneur Ie-
sus Christ.

Longis estoit
natif du pa-
ys de Forest
pres Lyon.

L'ascension de
nostre sei-
gneur Iesus
Christ.

durant leſquelz il ſapparut ſouuent, & par pluſieurs & diuerſes fois à eulx: beut & mangea avecques eulx, & ſeit tous actes d'homme viſ, affin qu'ilz n'euffent imagination que ce fuſt illuſion. Et apres leſdictz quarante iours paffeſ, il aſſembla ſes Apoſtres & diſciples, & les reprint de leur incredulité: & apres les inſtruiſt & enſeigna, & leur commāda qu'ilz aymaſſent l'un l'autre, & allaſſent preſcher ſon Euangile *per uniuersam terram*. Et, ce dict, *nubes ſuſcepit eum, & glori ſe in celum aſcendit cum poteſtate magna*, le voyant ſa mere, ſes Apoſtres, & ſes diſciples, leſq̃lz l'vnieme iour apres il viſita, par l'infuſion du ſainct Eſprit, qui leur enſeigna parler tous langages. Et, ce faiſt, ilz ſe diſperſerent par toutes terres, preſchāt; baptizant, & enſeignāt le peuple en la ſaincte loy de Ieſus Chriſt. *Et hæc, quæ de vita Ieſu Chriſti regis & pontificis noſtri ex ſacra Euangelij hystoria, quàm breuiſſimè perſcribenda duximus, noſtræ ſalutis æternæ ſunt ſacramenta. Beatus qui uerſatur in his, quia fructum percipiet ſempiternū. Ieſephus, qui fuit Iudæorum uernaculus ſcriptor, in libro ſuo antiquitatum eſcrit de Ieſus Chriſt entre autres choſes vn article tel qui ſ'enſuyt: His autem temporibus fuit Ieſus ſapiens uir: ſi tamen eum uirum nominare fuſ eſt. Erat enim mirabilium operum effectus, & doctor eorum hominum, qui libenter ea quæ uera ſunt audiunt. Et multos quidem Iudæorum, multos etiam ex Gætibus ſibi adiunxit. Chriſtus hic erat. Hunc, accuſatione primorum noſtræ gentis uirorum, cum Pilatus in crucem agendum eſſe decreuiſſet, tamen non deſeruerunt hi qui ab initio eum dilexerant. Apparuit enim eis iterum uiuens, ſecundum quod diuinitus inſpirati propheta, uel hæc, uel alia de eo innumera mirabilia futura eſſe prædixerāt, ſed & in hodiernum diem Chriſtianorum, qui ab ipſo nuncupati ſunt, & nomen perſeuerat & genus.*

D'ou vindrent ceulx qui premierement fonderent & habiterent Troye la grand'.

Des Troyens
ſont deſcen-
dux les fran-
cois.



DU voyage
de Iason &
Hercules en
l'isle de Col-
cos, pour con-
querre la
royſon d'or.

La cité de
Troye la grand'
fut premiere-
ment deſtrui-
te: par Iason
& Hercules.

Pour venir à noſtre propos, & prédre fondemēt en ceſte matiere, eſt à ſçauoir que Iupiter, anciē chef de nobleſſe, entre les autres eut deux filz principaulx: l'un nommé Danus, & l'autre Dardanus. De Danus vindrent les Grecz, dōt la lignée, quād à la nobleſſe, eſt faillie: quoy que ſoit, grandement diminuée. De Dardanus, qui fut Roy du pays de Frigie, vindrent les Troyens: dont ſont deſcendus François, Veniciēs, Rōmains, Angloys, Normās, Tucz, & ceulx d'Auſtriche, dont la noble lignée dure encōres. Cil Dardanus eut vn filz, nōmé E-richtonius, le quel engendra Tros, qui premier fonda la cité de Troye la grand', au pays d'Aſie, & la nōma, de ſon nom, Troye. Son peuple l'ayma tāt, & luy fut ſi obeiffant, que pour l'amour de luy ſe nommerent Troyens, mil ſix cens ans apres le deluge: & dura ladiſte cité ains qu'elle fuſt deſtruiſte (ainſi q̃ mettent aucuns hystoriens) neuf cens lxxij. ans. & ſelon aucuns autres hystoriens, ne dura que ccxlij. ans: & à ceſte oppinion adhere Vincent de Beauuais, en ſon miroer hystorial, au xvi. chapitre du ſecond liure: & ceſte ſemble la meilleure oppinion: car Troye ne dura que depuis le tēps de Tros, qui premier la fonda, iuſques à Priam (au tēps duquel fut la derniere deſtruction) entre leſquelz eut deux Roys ſeulement: c'eſt à ſçauoir, Il-lus, qui fonda, & ferma de murs Illyon la belle fortereffe, & fut Ganimedes ſon frere. Lediſt Illus engēdra Laomedon, qui fut pere du noble Roy Priam. Autemps de ce Laomedon, Roy de Troye, Iason & Hercules, deux Ducz de Grece, ſe meirent ſur mer, avec aſſemblée de nefz & de gens, pour aller en l'isle de Colcos, dont eſtoit roy Oetes, pere de Medée, pour aller conquerir la Toyſon d'or. Et en y allant voulurent prédre terre, pour eulx r'aſreſchir & auitailler, audiſt pays d'Aſie, à vn port pres ladiſte cité de Troye. Ce q̃ leur reſſuſa le roy Lao-medon, ſoy cōfiāt en ſa force & puiſſance, & les en ſeit chacer, tellemēt qu'ilz furēt cōtrainctz eulx en departir haſtiuement, dont ilz furēt moult courroucez, & delibererent leur en véger au retour de leur voyage. Et apres qu'ilz eurent accompli leur conquēſte, par le moyen de ladiſte Medée (qui trahit ſon pere, par ce qu'elle ſ'eſtoit enamourée dudiſt Iason, qui la print & l'eſpouſa, & en eut deux filz, & apres l'abandonna, & la laiſſa ſeulle en vne iſle de mer, ou elle tua ſes deux enfans) ainſi que lediſt Iason & Hercules ſ'en retournoyent, ilz deſcendirēt audiſt pays d'Aſie, en terre dudiſt Laomedon, & aſſiegerent ladiſte cité de Troye, & la prin-drent, ardirent, & du tout deſtruiſirent: & tuerent lediſt roy Laomedon & tous les ſiens: & entre leurs autres proyes, ilz prindrent & emmenerent avec eulx en Grece priſonniere, vne ſienne fille, nommée Heſionne, qui eſtoit de moult grand' beauté: de laquelle le roy Thela-mon de Grece ſ'enamoura, & la tint longuement ſans loy de mariage. Au temps de ceſte deſtruction le noble Priam, filz de Laomedon, maintenoit & conduiſoit guerre ailleurs, pour la querelle de ſon pere: & à ſon retour trouua ladiſte cité de Troye deſtruiſte, ſon pere, ſes pa-rens, & tous les habitās mors, & ſa ſeur Heſionne emmenée en ſeruage, dont il fut moult deſ-plaiſant,

plaisant, & delibera de s'en venger, si tost qu'il auroit puissance & faculté de ce faire. Il s'enfai-
 sina du royaume de son pere, & en bref tēps fait réedifier & refaire ladicte cité de Troye, & le
 chastel d'Illion de trop plus bel, grand, fort & sumptueux ouurage, & edifice, qu'ilz n'auoyent
 iamais esté: & regnoit en l'an de la creatiō du mōde trois mil neuf cens. iiii. xx. Il eut à femme
 vne moult belle & noble dame, qui eut nō Hecuba: de laquelle il engēdra plusieurs enfans, &
 entre autres cinq enfans masles, qui tous furent moult beaux, nobles, preux, sages & vaillans
 cheualiers, dont l'aîné eut nom Hector, qui est mis au nombre, & le premier de tous les neuf
 preux. Paris fut le second: Deyphebus, le tiers: Helenus, le quart: & Troylus, le quint. Et si en-
 gendra trois filles, dont la premiere eut nom Creusa, qui fut femme d'Enée: la seconde cassan-
 dra, & la tierce eut nom Polixene. Il eut aussi de ses concubines trente filz bastardz, qui tous
 furent cheualiers moult preux, & vaillans hōmes. Quand ledict Roy Priam se veit ainsi hault
 tement esleué, & enlignagé, & sa cité de Troye réedifiée, & son royaume remis sus & en na-
 ture, il delibera soy venger de la honte & dommage qui luy auoyent esté faitz par les Grecz,
 & enuoya sommer les Grecz, mesmemēt ledict Roy Thelamon, de luy rendre sa sœur Hesiō-
 ne, qu'il tenoit par concubinage, & luy reparer la mort de son pere & de ses parens, & les au-
 tres griefz & dommages qu'ilz auoyent faitz en sa terre, dont ilz furēt refusans: & par ce en-
 uoya Paris, son second filz, avec grand' armée de nauires & de gens, en Grece, pour les gre-
 uer, & leur faire guerre: & arriuerent ledict Paris & sa compagnie en l'isle Citherée, dont e-
 stoit Roy Menelaus, frere dudit Roy Agamenō: en laq̃lle ille ilz trouuerēt Helene, fēme du-
 dict Menelaus, qui la estoit venue, pour solennizer la feste de la deesse Venus: de laquelle He-
 lene, si tost que Paris l'eut veue, il fut esprins de son amour: & soubz vmbre de dire qu'en la pré-
 nant prisonniere on luy rendroit pour elle sa tante Hesiōne, il la print, & l'emmena à Troye,
 & la print à femme: dont Menelaus fut moult courroucé: & pour la r'auoir, & soy venger, de-
 māda ayde & secours à tous les Roys, Ducz, & Princes de Grece, ses alliez & bienvueillās: &
 à son secours vindrēt xlvij. que Roys q̃ Ducz, qui amenerēt douze cēs nauires, & grād nōbre
 de gens, qui tous passerent la mer d'Asie, & meirent le siege deuant Troye: & à l'ayde & deffen-
 ce du Roy Priam vindrent xxxij. que Roys que Ducz, & Panthasilée, Roynne des Amazo-
 nes, qui suruint durāt ledict siege: laquelle fait de moult beaux faitz d'armes, & estoit femme
 de moult grand & magnanime courage: Le siege dura deuant ladicte cité de Troye dix ans
 huyt moys douze iours, pendant lequel temps y eut treue par vnze fois. A la parfin fut le no-
 ble Roy Priam faulsemēt trahy par Anchises, Anthenor, Enée & Polydamas: & ladicte cité
 de Troye par eulx baillée & liurée es mains desdictz Grecz, qui toute la destruisirent, ardirēt,
 & demolirēt. Durant ledict siege furent occis du party desdictz Grecz huyt cens. iiii. xx. mil
 hōmes: & du party des Troyēs tous les enfans masles legitimes dudit Priā (reserué Helenus)
 & tous ses bastardz: & iusques au iour de ladicte trahison d'icelle cité cinq cens. lxxvj. mil hom-
 mes: & apres ladicte trahison furēt tuez ledict Roy Priam, la Roynne Hecuba, sa femme, Cas-
 sandra sa fille, & cc. lxxvj. mil hommes, ainsi que le relate Dares Phrygius, cheualier, grand hi-
 storiographe, qui estoit lors en ladicte cité de Troye, lequel à escrit la verité de l'hystoire, &
 comme recite Vincent de Beauuais au lxxij. chapitre de son troisieme liure. La renommée du
 dict Roy Priam est si congñue, & si publiée par toutes terres, qu'il ne se trouue pas que nul au-
 tre homme mortel, qui ayt esté par cy deuant, soit si congñu par escript, es anciennēs hystoi-
 res, que luy. Apres ladicte subuersion de Troye, les Grecz, à l'augmentation de leur gloire,
tempunt computare annos à captiuitate Troia: & ainsi le compterent iusques à l'Olimpiade.

Le regne
de Priā, roy
de Troye la
grand.

De la prinse
& ransse-
ment de la
belle Hele-
ne, fait par
Paris.

Seconde de
structiō de
Troye la
grand, par
les Grecz.

*De la naissance des Francois: & de la fondation de la ville
de Paris, selon aucuns.*



Aistre Hugues de sainct Victor en sa Cronique, & celuy qui fait les Croniques de
 France, & la diuisiō du monde, en son liure qui se commence *In exordius, &c.* ra-
 comptēt de la naissance des François, & dient en ceste maniere, qu'apres la sub-
 uersion & totale destruction de la tresnoble cité de Troye (qui fut enuiron trois
 mil neuf cens. lxxvij. ou. iiii. xx. ans apres la creation du monde, & vnze cens
 iiii. xx. & x. ans auant l'incarnation Iesus Christ, enuiron deux ans auant le trespas de Sanson
 le fort, iuge d'Israel) vn nommé Francio & ses freres, enfans d'Hector aîné filz du Roy Priā,
 & Turcus qui estoit filz de Troylus, qui semblablement fut filz de Priam, & en leur compai-
 gnie Helenus leur oncle (lequel Helenus estoit aussi filz du Roy Priam, & estoit grand deu-
 neur & Astrologien) s'en fuyrent & eschaperent cātelement & subitement avec grand' multi-
 tude de gens: & semblablement aussi s'en partirent Enée, filz d'Anchises, Anthenor le ieune,
 Priā, nepueu d'Enée, & plusieurs autres qui peurēt euader. Ledit Helenus s'en alla avec mil

La totale
destruction
de Troye.

b

Les douze
Pers de Frâ
ce s'ouloyent
gouverner
le royaume.

La ville
de Tours fai-
te par Tur-
nus.

Fondation
de la ville
de Venise.

Nul homme
ne doit es-
tre dict che-
ualier, s'il
n'est Turc,
ou François
tâls Ta-
nais.

tâls Y-
bor.
Constructio
de la ville et
cité de Pa-
ris, capitale
du royaume
de France.
tâls sept
cés qua-
trevingtz
dixhuiet

& deux cés homes en la regiõ & pais de Caonie, & y feit plusieurs chasteaulx, villes & citez, & y demeura luy & sa posterité. Enée & Ascanius son filz, Anthenor, & le ieune Priâ, s'en vindrēt en Italie. Lediēt Enée espousa la fille du Roy Latin, qui tenoit le pays ou est de present la cité de Romme, & desconfit & chacea Brutus, qui estoit Roy des Rutuliens, & se feit Roy. Apres ce que lediēt Brutus fut chacé, & desconfit, d'Italie, il monta sur mer, & en sa cõpagnie estoit Turnus son nepueu, & vindrent arriuer avec leurs gens à Nâtes en Bretaigne, & entra en la terre de Poictou, & desconfit Grofarius, Roy de Poictou. Quand Grofarius fut desconfit de Brutus, il s'en vint en France pour querir secours: & dit on que lors en France y auoit douze, qui se nommoient Pers, qui gouvernoient le pays, & estoient pareilz en dignitez, cõme Monumetensis dit. Ce qui fut du temps d'Hely. Puis monta lediēt Brutus contremont la riuere de Loyre, iusques au lieu ou est de present la cité de Tours, ou estoit vne petite ville: & la eut bataille contre lesdiēt Pers, qui gouvernoient France, & les vainquit, & feit edifier & clorre la cité de Tours & le chastel: toutesfois à la pfin fut tué lediēt Turnus son nepueu, & la ensep- uely: & dudiēt Turnus tient ladiēt cité de Tours, le nom de Tours. Apres ce, lediēt Brutus passa la mer Occeane, en l'isle qui lors estoit appelée Albion, & la conquist. De son temps, & de son nom Brutus, fut appelée Bretaigne, de present Angleterre: & fonda la cité de Lõdres, qu'il nōma pour lors Troye neufue. Sēblablemēt en Italie descēdirent dudiēt Enée, p diuer les generatiõs, Remus & Romulus, qui fonderēt la cité de Rõme. cccc. xxxiiij. ans apres l'euer sion & destruction de Troye. Lesdiēt Anthenor & Priam, avec deux mil cinq cens homes, allerent en la marche de Venise, & là fonderent la cité de Venise, en la mer d'entrē Padoue & le pays de Tuscane, ou est la cité de Florence. Lesdiēt Francion & Turcus se diuiserent en deux pties. Vne partie de leurs gēs suyuit Frâcion, & l'autre Turcus: & feirēt chascune p- tie leur Duc, les vns de Frâcion, & les autres de Turcus. Turcus alla en Seitie, & y demeura & habita: & pource de son nom sont les gēs audiet pays encores appelez Turez, & le pays, Turquie. Lesdiēt Turcz, qui se representēt de la lignée des François, dient qu'à nul n'appar- tient estre cheualier, s'il n'est Turc, ou François. Francion & sa gent s'en vindrent en vne cõ- trée, qui lors estoit appelée Pannonie, & au iourd'huy est appelée Hongrie, où ilz edifierent vne cité qu'ilz nommerēt Sicambre, laquelle long temps apres fut destruite, & apres du lieu ou elle estoit, est vne belle cité, qui de present est appelée Bude, du costé des paluz ou maretz Mentides, entre les fleues du t Rin & la Dunce: & s'appellerēt lesdiēt Sicambriens, Frâçois, à cause dudiēt Francion, qui premier les auoit là menez, & fut au temps que David regnoit en Iudée. Et quand ilz eurent là demeuré enuiron. cc. xxx. ans, leur peuple creut & multiplia par telle maniere qu'il n'y auoit pas assez pays ne terre pour leur habiter: si s'en partirent de la enuiron. xxij. mille hommes soubz vn duc, nommé t Ybros, pour querir lieu cõuenable pour habiter, & passerēt le pays de Germanie, qui de present est appelé Allemagne, & iusques oul- tre les fleues du Rin & de Marne, & vindrent iusques sur la riuere de Seine, dont le pays es- toit appelé Gaule, & aduiserent le lieu ou est de present assise la cité de Paris, qui estoit vne isle, dedans la riuere de Seine, inhabité: & pource que le lieu & pays d'enuiron leur sembla- bel & delectable pour habiter, fertile & plantureux de biens, plus que nul autre qu'ilz eussent veu, ilz enterent en ladiēt isle, & y fonderent vne cité, laquelle ilz appellerēt Lutece, à luto: c'est à dire, pour la gresse de la terre: & fut edifiée celle cité au temps d'Amasias, Roy de Iuda, & de Hieroboam Roy d'Iraël, thuiēt cens trente ans auant l'incarnation Iesus Christ: & di- sent aucuns que deslors s'appellerent Parisiens, ou pour l'amour & memoite de Paris le filz du noble Roy Priam de Troye, ou de *parresia* en Grec, qui vault autant à dire, comme hardiesse, ou ferocité en latin. Et portoient en leurs enseignes, de gueulles à vn pal d'or au meilleu, qui auoit esté le blason des armes dudiēt Paris, filz du Roy Priam. Et à ceste oppiniõ de la pmiere venue desdiēt Sicambriens en Gaule, s'accorde Guillermus Armoritanus en sa cronique qu'il feit du Roy Philippes, le hardy, autrement dict Dieudonné, ou le conquerant, ou il dit ainsi: *Et se Parisios dixerunt nomine Franci, Quod sonat audaces:* & par trait de temps à l'enuiron de ladiēt ville de Paris edifierent semblablement plusieurs petites villes pour habiter, qu'ilz appellerent de ce nom Parisi: comme Rueil en Parisi (qui deslors fut chastel royal & chef de chastellenie) Cormeilles, Louures, Gõnesse, Roissy en Parisi, & autres qui toutes sont nommées en Parisi, & ville Parisi, & en retiennent encores de present le nom. Et quand leurs villes furent par- faictes & accomplies, ilz vesquirent franchement, faisant leurs labours, mestiers & marchan- dises plus de huyēt cens ans, faisans & elisans tous les ans sages hommes leurs Conseilliers, Ducz & gouverneurs de leur chose publique: & au regard de leurs Ducz & gouverneurs, ilz n'auoyent seulemēt qu'obeissance & nom de Ducz: mais apres aucun temps, que Romme fut fondée & esleuee en puissance, ilz furent subgeetz aux Rommains à payer chacun an certain tribut: & ainsi demeurèrent par long temps.

De quelques

De quelques Ducz, qui gouvernerent les Sicambriens: & comment ilz chacerent les Alains, dont furent appelez Francois, selon aucuns.



Pres le trespas dudi& Francion ; lesdictz Sicambriens ne voulurent plus auoir de Roy, & voulurent auoir Duc, qu'ilz appelerent Priam, pour l'amour du feu noble Roy Priam de Troye, dont ilz estoient descenduz: & apres ledi& Priam regna sur eulx, cōme Duc de Sicābre, vn nōmé Torchot, qui fut moult bon cheualier: & apres ledi& Torchot regna vn autre nōmé duc Priā. Lesdictz Sicābriēs se multiplierēt grādemēt, & eūrēt plusieurs batailles, tāt contre les Rōmains qu'autres, tellement que par leurs prouesses & vaillances ilz se dilaterent & eslargirent en diuerses contrées, & mesmes iusques au pays de Gaule, qui pour lors estoit subiect & tributaire aux Rōmains: & faisoient, lesdictz Sicambriēs chacun an nouueaulx Conseilliers de ceulx qu'ilz sçauoient estre des plus sages, pour mieulx cōduyre & gouverner la chose publique de leur seigneurie: & leur Duc ne auoit qu'obeyssance, & nō de Duc. Depuis le temps dudi& Francion, ceste maniere de gēs habiterent en ladi&te citē de Sicambre, & par succession de temps deuindrent subge&tz & tributaires aux Rommains, & eurent plusieurs Ducz, iusques au temps de Valentinian, Empereur de Romme (qui imperoit & regnoit l'an apres l'incarnation Iesus Christ, trois cens soixantesept) qu'une autre maniere de gens appelez Allains, se rebellerent contre la seigneurie Rommaine, qui estoit moult foible. Et pource que ledi& Valētinian, Empereur de Romme, n'en pouoit venir à chef, ne les subiuguer, & que lesdictz François par le commandement du di& Empereur Valentinian remeirent & subiuguerent à la subge&tiō de l'Empire lesdictz Allais, ledi& Empereur leur quitta le tribut qu'ilz deuoyēt à l'Empire de Rōme, iusques à x. ans lors ensuyuans. Et quand vint au bout des dix ans, l'Empereur enuoya sommer lesdictz François de payer leur tribut, comme deuāt. Ce qu'ilz luy denyerēt, disans qu'ilz en deuoyēt estre quictes perpetuellement, & qu'ilz l'auoyent acqui&te & achepté au traual de leurs corps, & par le pris de leur sang, & que plus n'en payeroyent, & ne seroyent iamais subiectz à luy n'a autres. Parquoy ledi& Empereur assembla grād ost, & vint contre eulx: & pource que les François veirent q̄ lors n'estoyent qu'environ .xxiiij. mil hommes, & n'estoyent pas puissans pour resister à si grand' puissance, cōme celle de l'Empereur, ilz aymerent mieulx habandoner leur citē & leurs biens qu'estre tributaires aux Rommains, n'a autres, & s'en allerent demourer le lōg de la riuere du Rin: parquoy deslors fut publiée & exaltée par toutes terttes la magnanimité, noblesse, & franchise de courage des François. Sur ledi& fleuve du Rin es parties de Germanie, lesdictz François demeurerent environ .xlv. ans, & eūrēt trois Ducz sur eulx pour les gouverner. L'un eut nom Sunnō, l'autre Genebault, & l'autre Marchomires. Illec multiplierent tant qu'ilz conquerent plusieurs citez, villes, & chasteaux es Allemaignes, & es environs. Lors regnoit empereur à Rōme vn nōmé Theodosius, lequel par diuerses fois enuoya sur lesdictz François, qui habitoient sur le fleuve du Rin, grand' cheualerie de Rommains, desquelz estoient gouverneurs, & Ducs vn nōmé Quintin, & vn autre appelé Heracle, pour les cōtraindre à payer leur tribut: & à la derniere bataille lesdicts François feirēt si grād' occision desdictz Rommains, qu'onques puis nul ne s'osa entremettre de leur demander tribut. Apres celle descōfiture les François ne demourerēt pas tous en iceluy pays, pour la grād' multitude de peuple qu'ilz estoient ia, ains se dilaterent ça & là en diuers lieux: & vne partie d'entre eulx esleut vn Duc nōmé t̄ Imbros, & s'en vindrent en Gaule, ou le pays leur pleut moult, & y trouuerent bonnes gens, qui mesmes estoient venuz de leur generation, & embellirent moult la citē de Lutece: & onques puis qu'iceulx François furent retournez, l'Empereur ne leur osa demander tribut.

*François anciensmēt e-
stoyent gou-
uernes par
les plus sages
n'on esli-
soit
chascun an
pour ce faire.*

*ccc. lxxvii. ans
apres l'incar-
tion de Iesus
Christ.*

*François ne
voulurent
plus payer
de tribut aux
Rommains.*

*François
vainquirent
l'empereur
Theodosius,
qui les vou-
loit rēdre tri-
butaires aux
Rommains.
t̄ als Y-
bros.*

Incident, qui parle de la donation que feit Constantin le grand à l'eglise de Romme: & comment il transporta l'Empire en Constantinoble, par auant nommée Bizantium.



Environ quatre vingtz ans deuāt q̄ ledi& Theodosius teint l'Empire, estoit Empereur de Romme Constātin, surnommé le grād, qui commença son Empire en l'an troys cens & huit: au commencement duquel il estoit Payen, & grand persecuteur de la Chrestienté: & aduint qu'il fut griefuement espris de la maladie de lepre, dont il ne pouoit trouuer guerison. Les prestres du temple de ses idoles luy dirent, qu'il conuenoit qu'il fust baigné en vne cuue pleine de sang de petis enfans innocens. Si en feit assembler & amener à Romme grād' quātité: & au iour qu'on les deuoit decoler pour faire le baig,

b ij

ledict Constantin ouyt de son liēt la grand' clameur que faisoit la grand' multitude des meres des petis enfans, qu'on auoit amenez pour auoir leur sang. Il demanda que c'estoit, & on luy dist. Lors fut esprins de si tresgrand' pitié en courage, qu'il dist, que pour la guerison d'un seul homme, si grand peuple ne deuoit perir, ne mourir: mesmement par celuy qui les deuoit garder & deffendre des autres: & commāda qu'on deliurast & renuoyast les meres & les enfans, & qu'on leur liurast argent & nourriture pour les faire retourner. La nuyt ensuyuant ledict Constantin, par diuine admonition, & par l'apparition des Apostres saint Pierre & saint Paul, qui visiblement s'apparurent à luy, se conuertit à la foy de Iesus Christ: & feit r'appeler Pape Siluestre, qu'il auoit enuoyé en exil: lequel Siluestre, & ses prestres, estoit mussé entre les pierres sur le mōt de Soracte, pour la doubte dudit Empereur, & par luy se fait baptiser: & incontinent par la vertu de Iesus Christ il receut guerison de sa maladie, qui estoit incurable, ainsi qu'on lit plus au long en ce qu'ont escrit de ses faitz & gestes Eusebius, Orosius, & autres. En recognoissance duquel benefice ledict Constantin donna à l'eglise S. Pierre, & saint Paul, & audit Siluestre Pape de Romme, & à ses successeurs, qui tiendroyent la chaire saint Pierre, la temporalité & Empire de Rōme: & luy mesmes luy en bailla la possession actuelle, en le menant honorablement atourné en procession par toute la cité. Par son commandemēt les tēples des idoles furent aboliz, & les sacrifices prohibez par toute sa terre, cōme auoit esté prophetizé par Esaie, que les dieux qui n'ont fait le ciel, soyēt effacez de la terre. C'estoit vne chose incredible que le nom de ces faulx dieux, qui auoit duré depuis Ninus, premier Roy des Assiriens, iusques à celuy tēps, peult estre effacé. Iceluy Constantin feit edifier l'eglise saint Iehan à Romme, au palais de Latran, & par grand' deuotion porta sur ses espaules douze hotées de terre en l'honneur des douze Apostres, & asseit la premiere pierre des fondemens, & ordonna icelle eglise estre le chef de toutes autres eglises de Chrestienté: & pour celle cause fait escrire ces vers sur la principale porte: *Dignitate & Papali, & simul Imperiali, vt sim cunctarum mater, & caput ecclesiarum.* Il fait aussi semblablement edifier l'eglise saint Pierre & saint Paul, au tēple Apolin: & fait mettre les corps desdictz Apostres en chasses, & leurs cheffz en reliquaires, qu'il aorna moult richement d'or, d'argent, & de pierres precieuses. Puis s'en alla ledict Constantin en Grece, en vne cité, qui pour lors auoit nom Bisance, laquelle il fait clorre & accroistre de haux murs, & beaux edifices, & la nomma par son nom Constantinoble: & par ainsi fut translaté l'Empire des Rōmains aux Gregeois. Il fait aussi construire à Constantinoble, au lieu ou estoit le temple de Venus, l'eglise sainte Sophie, & plusieurs autres: toutesfois il se lit *in historia tripetita*, que ledict Constantin se fait depuis baptizer sur la fin de sa vie, par Eusebe, Euesque de Nicodeme, par ce que parauant il auoit delaisé la Chrestienté: mais on tient que ce fut mal dict, & controuué par aucuns aduersaires de la foy. Quoy qu'il en soit, pour les bonnes œures & grands biens qu'il fait en son temps aux eglises, les Grecz le mettent au catalogue des Saintz, & en font feste & solennité le xxj. iour de May. En ce temps les Prelatz & gens d'Eglise commencerent à auoir & posseder terres & possessions temporelles, dōt par plusieurs & diuerses fois se sont meues grandes altercations entre les Docteurs: par ce que les vns disoyent *quod iustum & utile esset ut Ecclesia in temporalibus abundaret, & honorem terrenum haberet. Alii contra quod non: nec mirum. Quicquid enim Ecclesia facit, uel dicit, aut habet, signū est, cui contradicunt. Elegit diu in paupertate & penuria uiuere, &c.*

L'Empereur Constantin, donna au Pape Siluestre la temporalité de Romme.

L'eglise saint Iehan de Latran est le chef de toutes les eglises de la Chrestienté.

La cité de Bisance à present est nommée Constantinoble.

Gens d'Eglise se commencerent à auoir temporalité, terres, & possessions.

De l'inuention de la sainte Croix nostre seigneur Iesus Christ.

† aſs Co
hel.



† al. Hieroso
lymorum.

A Vcun temps apres, Helene, mere dudit Constantin le grād, laquelle fut fille de Coil, † Roy des Bretons, comme est recité en la legende de l'inuētion sainte Croix, *mulier sancta, & admiranda deuotionis, diuinis uisionibus admonita*, alla en Hierusalem, & s'enquit ou estoit l'endroit du lieu de Caluaire, *ubi sacrum Christi corpus pependerit affixum.* Lequel lieu fut moult difficile à trouuer, par ce que les Sarrazins l'auoyent du tout aboly, & y auoit l'Empereur Adrian fait cōstruire vn temple en l'honneur de la deesse Venus, affin que les Chreitiēs, qui la iroyēt pour adorer Iesus Christ, fussent veüs adorer l'ido le de Venus, & aussi fussent frustrez & deceus de leur intention. Toutesfois ladiete Helene fait tant que par le moyen d'un Iuif, nommé Iudas, *qui postea nominatus Quiriacus episcopus Ielunorū † fuit*, elle trouua le lieu ou la croix de Iesus Christ auoit esté affichée: & illec fait tant fouyr qu'elle y trouua trois eroix, c'est sçauoir celle de Iesus Christ, & celle des deux larrons qui furent crucifiez avec luy: & lors yſſit de la fosse vne meueilleusement bonne & souefue odeur. Et pource que lon ne congnoissoit la

foit la croix de Iesus Christ d'entre celles des deux larrōs, qui furent crucifiez avec luy, on prit toutes les trois croix, & les fait porter ladiète Helene *ad quandam mulierem, qua in urbe laborabat gravi incommodo:* & illec, present Machaire, Euesque de Hierusalem, & grand' multitude de peuple, fait fur icelle femme toucher deux desdictes croix, mais riens ne luy profiterent. Puis luy fait toucher la tierce, qui estoit celle de Iesus Christ, & tout incōtinent *sana ē hylaris surrexit:* & par ce fut congneu que celle estoit la croix ou nostre seigneur Iesus Christ auoit esté crucifié: & ce voyāt grand' multitudine tant de Iuifz que de Payens, qui presens estoient, se conuertirent à la foy Chrestienne (toutesfois saint Ambroise dit, que ladiète croix fut congneue au tiltre que Pilate auoit escrit, qui auoit esté ataché & mis dessus) & ce fait ladiète Helene fait incontīnēt abatre & demolir ledict temple de Venus, & y fait faire & consacrer vn beau temple en l'honneur de Iesus Christ. Puis fait faire de la croix de Iesus Christ deux parties: l'vne elle fait aorner & decorer richement, & la laissa & mit audict temple de Hierusalem, & l'autre partie elle apporta en Constantinoble: laquelle y à depuis tousiours esté iusques au temps de saint Loys, qui l'apporta en France. Semblablement ladiète Helene apporta en Constantinoble les cloux de quoy Iesus Christ fut crucifié (*Nonnulli tēdō asserunt quatuor clauos in diuino corpore fuisse*) desquelz cloux ladiète Helene fait faire audict Empereur Constantin, son filz, vn frein à son cheual, & vn heaume pour mettre en sa teste quand il iroit en guerre. Ce qu'elle ne fait pas pour les prophaner n'y contemner: mais elle auoit si grand' fiance en la vertu de Iesus Christ qu'il luy sembloit que quand sondict filz les porteroit sur luy qu'il ne seroit iamais vaincu de ses ennemis.

Environ ce temps florirent en sainteté plusieurs saintz & deuotz hōmes: & mesmement En l'an trois cens vingt & vn estoit S. Nicolas, Euesque de Myrre, *nir sanctus per omnia, & uenerabilis:* lequel est par singularité dict & nommé *honor sacerdotum: & cum dominus innumerabilibus decorauit miraculis.* En l'an trois cens trente & sept, viuoit en vn hermitaige, moult saintemēt & religieusement, le glorieux amy de Dieu, monseigneur saint Anthoine. En l'an trois cens quarante & vn, saint Athanase souffrit moult de persecutions & tribulations pour la foy de Iesus Christ, pour combattre cōtre l'erreur Arrian: & luy estant detenu prisonnier en vn puy, en la cité de Treues, fait plusieurs beaux volumes de liures: & entre autres choses composa le Symbole, qui se commence: *Quicumque uult saluus esse, &c.* En l'an trois cens septante & quatre, estoit cardinal à Romme saint Hierosme: lequel translata la Bible d'Hebreu en Latin, & fait plusieurs autres beaux traictez & liures, tant en Grec, en Hebreu, qu'en Latin: & trespassa en Bethléem, en l'an septante & huyt de son aage. Et aussi estoit lors saint Hylaire Euesque de Poitiers: lequel fut appelé en assemblée d'un Cōcile de l'Eglise, & cōfondit par argumēs vne heresie que tenoit Leon, lors Pape de Romme: lequel Leon, quand il le veit entrer au Cōcile, par ce que ledict Hylaire estoit des parties de Gaulle, luy dist par derision: *Tu es Gallus, sed non gallina.* & ledict Hylaire luy respondit: *Tu es Leo, sed non de tribu Iuda.* Et pource que tous les sieges du consistoire estoient pleins, lors que saint Hylaire entra dedans, & que nul ne luy presentoit lieu ou il se peust seoir, il se voulut seoir à terre: mais la terre s'esleua deuant tous miraculeusement soubz luy, & luy fait siege pour soy seoir: & ledict Pape, qui fort menassoit saint Hylaire, se leua de son siege pour aller à son retraict: auquel lieu sans retourner il mourut subitement & miserablement: car comme l'on dit, luy tomberent les boyaux hors du ventre par le fondement. En l'an trois cens septante & quatre saint Martin, qui estoit filz du Roy de Hongrie, fut fait Archeuesque de Tours, *non sponte, sed coactus:* & *nir fide catholicus, charitate ineffabili, populū Gallie ab errore gentilitatis, & heretica prauitate liberauit:* & saint Seuerin estoit aussi lors Archeuesque de Coulongne: lequel Seuerin, à l'heure du trespas de saint Martin, estant à Coulongne, veit par reuelation les Anges qui emportoient son ame en Paradis.

En l'an trois cens quatre vingtz & deux, estoit saint Ambroise Archeuesque de Milan: lequel vn iour que l'Empereur Theodosius, qui lors estoit, voulut entrer en la maistresse eglise de Milan, ledict saint Ambroise luy fait fermer les portes au visaige, par ce qu'il auoit fait faire plusieurs oppressions & iniures aux Prelatz & ministres de l'Eglise: & lors iceluy Theodosius, congnoissant son peché, se confessa, & print penitence telle que ledict saint Ambroise luy voulut bailler. Tantost apres ledict Empereur alla en Constantinoble: & pource que les processions, & gens d'eglise, alloient audeuāt de luy, il dist, que c'estoit flaterie, & qu'il n'auoit veu ne trouué vray Euesque qu' Ambroise de Milan. *Hac in historia triperitita.* En l'an trois cens quatre vingtz & trois fut saint Augustin cōuertī à la loy Iesus Christ, & baptisé par ledict saint Ambroise, & trespassa l'an quatre cens xli. ayant fait & composé à l'introduction des Chrestiens si grand' quatité de liures, qu'a peine se pourroit faire qu'un homme en toute sa vie les peust seulement lire: & dit on, qu'il en composa mil & trente volumes: & fut Euesque d'Hippone en Aphrique, ou il publia premier la loy de Iesus Christ: & sont lesdictz saints Hierosme, Ambroise, & Augustin, trois des docteurs de sainte eglise. Et combien que ce ne touche

LES CRONIQVES ET ANNALES DE FRANCE.

aucunement la matiere, dont cy est traité, toutesfois pour l'excellence de leurs saintes vies, & des grands faitz, & belles escriptures qu'ilz ont faites à nostre introduction, est bien honnesté, puis qu'il vient à memoire que de leurs temps soit cy faite aucune mention, & de quelques autres qui les ont suyuis aussi peu apres: comme de S. Brice, qui en l'an quatre cens & deux fut fait Archeuesque de Tours: enuiron le quel temps S. Iehā Chrysostome estoit Euesque de Constantinoble, qui pour l'excellence des belles & saintes escriptures qu'il fait, est apelé S. Iehā à bouche d'or: mais pource qu'il reprenoit Arcadius, lors Empereur de Rōme, & de Cōstantinoble, & sa femme, de leur vices, & pechez, fut par eulx enuoyé en exil. Pour laquelle cause Innocēt, lors Pape, premier de ce nom, excōmunia lediēt Empereur. Lediēt Pape Innocēt teint le siege Papal quinze ans deux moys & vîgt iours. *Hic decreuit ad missā pacis osculū dari: & ordonna la sainte vñction des malades. Il condamna Pelagius Britannus, qui auoit semé vne grand' heresie en la grand Bretaigne, diēte Angleterre, & ceulx de sa secte aussi, qui tenoyent que les hommes pouuoient estre sauuez par leurs merites, sans la grace de Dieu, & que les enfans ne naissoyēt point en peché originel: & par consequent que par baptesme ilz n'estoyent purgez de coulpe originelle. Iceluy Pelagius corumpit plusieurs psonnes, tāt par raison d'apparence de sainteté, en conuersation, & en habit religieux, que par sa litterature, si que plusieurs en sont dampnez. *Hec de Lyra super illud Apocalipsis: Et tertius Angelus tuba cecinit, & cecidit de cælo.**

Heresie de Pelagius. Pour laquelle heresie extirper de ladiēt isle d'Angleterre, saint Germaī, Euesque d'Auxerre, & saint Loup, Euesque de Troyes, y allerent: & pendāt le temps qu'ilz y furent, lediēt saint Germain chacea & priua du royaume & pays d'Angleterre le Roy qui lors estoit corrompu de ladiēt heresie, & fit son hoste, par permissiō diuine, Roy d'Angleterre: duquel la lignée dura iusques au temps de Guillaume le bastard, Duc de Normandie. En l'an quatre cens & cinq estoit saint Alexis, ieune damoyseau, filz d'Eufemius, Senateur, & homme de grand renom à Romme: lequel Alexis ses parens marierent à vne belle & noble damoysele de Rōme: mais le iour de ses nopces il s'absenta, & mussa secretement, & abādonna pere, mere, femme, & tous biens, pour mener vne chaste, & contemplatiue vie: & vescu saintement en grande austerité, cōme on lit en sa legēde. En ce mesme temps estoit Orose, grand historiographe.

De Marchomires, successeur d'Imbros, Duc des Francois: & de la mutation du nom de Gaulle en France, & de Lutece à Paris.

L'an trois
cens iii. xx.
& neuf.



Le Duc Imbros, duquel nous auons dernièrement parlé, commēça à seigneurier sur ses gēs l'an de grace troys cens quatre vîgt & neuf, & gouerna la seigneurie, cōme Duc, dix ans. Apres sa mort, qu'il fut en l'an trois cēs quatre vîgt dixneuf, Marchomires, qui estoit venu de la lignée des Troyens, & estoit lors Duc sur les Sicambriens, entra en Gaulle: & pource qu'il estoit vaillant & hardy Cheualier, & qui moult sçauoit du fait des Armes, les Frāçoys, qui pour lors n'auoyēt poit de seigneur, le retindrent pour Duc, & gouerna la seigneurie sur eulx, cōme Duc, enuiron xx ans, ayant ia seigneurie sur les Sycambriens, enuiron quatorze ans. Lediēt Marchomires, Duc des Frāçoys, les gouerna moult bien & sagement durant son temps, & leur fait de grands biens: car il leur fait clorre leurs citez & chasteaux, de fortes murailles, pour obuier aux assaux des larrōs, leur enseignant l'vsage des armes. Ce fut il qui premier mua le nom du royaume de Gaulle en France, pour l'amour de Francion, dont il estoit descendu: & mua le nom de Lutece au nom de Paris, pour l'amour du beau Paris, filz du Roy Priam de Troye. Il y auoit ia treize cēs ans & plus, que ladiēt cité de Lutece estoit encommencée, & y auoit eu plusieurs Ducz qui de Gaulle auoyent tenu la seigneurie: mais à cause de ceste mutation & trāslation de noms de Gaulle & Lutece, qui furent trāsmuez en France & Paris, on dit communement que c'est le commencement desdiēt France & Paris.

Marchomires enseigna
aux Frācoys,
l'usage des
armes.

Comment les Francois voulurent auoir Roy, & comment ilz esleurent & couronnerent Pharamond.

Pharamond
fut esleu premier Roy de
France.



Eluy Marchomires, Duc des François, auoit vn filz, nōmé Pharamōd, qui fut vn hardy Cheualier & preux aux armes. Les François, qui encores habitoient es parties de Germanie, le long des riuages de la riuere du Rin, & encores ne s'estoyēt espanduz iusques es Gaulles, voyant les autres nations estre gouernées soubz peminēce de dignité Royale, voulurent auoir Roy: & d'un commun assentemēt esleurent Pharamond, filz dudiēt Marchomires, pour leur Roy, ainsi que recite Vincent de Beauuais en son liure Historial.

L'an de gra
ce. cccc. xix.



Pharāmond, qui fut filz du Duc Marchomires, fut le premier Roy de France, & fut Payen : commença à regner, l'an de grace quatre cens. xix. & deceda le. xj. an de son regne, l'an de grace quatre cens trente, & fut moult vaillant cheualier en ses affaires, selon la loy Payenne qu'il tenoit: car en ce tēps le peuple de France communement ne croyoit point en Iesus Christ, & adoroyent les Idoles.

Les François
iugeoyent
anciennē
leurs causes
& querel-
les par qua-
tre barons, sa-
ges & pru-
dens.
t als au-
theurs.

Soubz luy commencerent les François à vser de loix, & iugerent leurs causes par quatre Barons, sages, & esleuz de leur gent, selon & en ensuyuant la loy Salique, qu'ilz accepterent. Les quatre premiers auditeurs t de ceste loy Salique, furent nommez Visogast, Bosogast, Salagast, & Vuidagast. Apres la mort de Sunnon, Marchomires, & Genebault, qui estoient trois Ducz, qui regentoient sur les François, lesdictz François voulurent auoir vn Roy, ainsi que les autres nations leurs voysines : & esleurēt pour leur Roy, contre le vouloir de l'Empereur, ledict Pharamōd, qui estoit filz de Marchomires, l'un desdictz Ducz. Cedit Pharamōd, ne voulut à nul Prince estre subiect, & constitua loix à ses subiectz, & les gouerna tresbien, tant qu'il vesquit. Aucunes croniques dient que lesdictz François habitoient enuiron oultre le fleue du Rin, en Allemagne, & qu'encores n'estoyent point descenduz en Gaule, de present appelée Frāce. Et ce est assez croyable: car par le liure mesme d'icelle loy Salique, il apert qu'elle fut faicte en Allemagne: & inde, secundum aliquos, elle est dicte. salica, à ciuitate Salicham,

La loy Salique fut faicte en Allemagne, en la uille & citée de Salicham.

quæ est ultra Rhenum, eo quod in dicta ciuitate primi auctores eam initiauerunt. Tamen uera interpretatio quæ uiget, à sale, quod interpretatur condimentum, & licita deriuatur, quasi licitum condimentum, uel lex licite condita. Icelle loy Salique fut la premiere dont les François vserent onques, & est conforme à vne autre loy, qui s'appelle Vaconia, à cause de celuy qui la feit, qui s'appelloit Vaconius: par laquelle, entre autres constitutions, est expressement dict que nulle fille ne viendra à succession de pere ne de mere, supposé ores qu'il n'y eust autres enfans. Et en ensuyuant icelle loy, ordonnerent deslors lesdictz François, que iamais femme ne succederait au royaume, n'y a la courōne de France.

Vn royaume n'est pas heritage, mais est une dignité & administration de la chose publique.

Mais-
tre Raoul de Praelles, qui translata de Latin en François le liure de saint Augustin, de la cité de Dieu, sur l'exposition des vingt & vnieme chapitre du troisieme liure, & vingtcinquieme chapitre du cinquieme liure, parlant de ceste matiere, dit que monseigneur saint Augustin dit qu'il n'estoit nulle autre loy plus inique, qu'icelle loy qui priuoit les filles de la succession de leurs peres & meres: mais il dit que depuis, & apres, mondict seigneur saint Augustin s'excusa, en disant que quand il le disoit, il entendoit, à proprement parler, des successions des menues & priuées personnes plebeiques, & non pas des successions des royaumes, principautez, & grands seigneuries, qui ont le regard, gouuernement, & administration de la chose publique, sic comme dit Thomas Valencis. A quoy s'accorde Franciscus de Maronis: & soult l'objection qu'on pourroit faire des filles de Salphard (dont la Bible parle au vingtfixieme chapitre du liure des Nombres) & dit que royaume n'est pas proprement heredité, mais est dignité regardant l'administration de toute la chose publique. Or est il certain que les femmes ne sont pas capables de dignité, ne de telle administration, comme est le gouuernement d'un tel royaume, & par consequent, ne doyuent pas succeder à royaume. Et le preuue en l'ancien testament, par la dignité de prestrie: car combien que la dignité de prestrie se descendist par succession de l'homme, toutesfois n'y succedoit, n'y succeda onques femme. Et semblablement ne se treuve point en tout le vieil testament qu'onques femme succedast au royaume de Iudée, qui fut le premier royaume, estably de Dieu sur le peuple d'Israel. Et supposé qu'on trouue escript qu'Athalie l'vsurpast aucun peu de temps contre raison, & tuaist tout le sang royal (excepté celuy qui y deuoit succeder, qui fut muced) toutesfois ne l'eut elle pas de raison, mais par vsurpation: aussi n'y demeura elle pas longuement, mais ainsi comme elle y estoit entrée mauuaiselement, aussi en fut elle deboutée honteusement, & mise hors du temple, & tuée, sic comme est faicte mention en l'vnzieme chapitre du quart liure des Roys. Monseigneur saint Gregoire, au vingtcinquieme liure de ses Morales, dit que l'vsage de la vie ancienne n'estoit point que femmes hereditassent avecques les masles: pource que, sic comme il dit, la seuerité de la loy, qui à tousiours accoustumé d'essire les fortes choses, festudia plus à mettre auant, & à sentir les plus aigres choses que les benignes: c'est à dire, les hommes qui sont plus habiles, plus aigres & robustes à deffendre, que les femmes qui sont molles, & fresles, de leur propre nature. Et se doit tenir ceste conclusion es personnes de telle dignité comme ceulx qui sont oingtz & sacrez, comme les Roys, mesme-ment ceulx de ce noble royaume de France. Ladiete loy Salique à depuis esté tenue & confirmée par le grād Clouis, premier Roy Chrestie, & par le grand Roy & Empereur S. Charlemagne, & par plusieurs autres Roys, ainsi qu'il est contenu es anciens liures qui sont en l'abbaye de saint Denis en France, & ailleurs. Et encores le voit on tenir, tant par la loy, que par coustume, entre moindres princes & personnes que les Roys & Princes en plusieurs parties,

ties, tant du royaume de France, que d'ailleurs. Car entre les nobles, les filles ne succèdent point, mais ont tant seulement mariage d'argent. En Bretagne, l'aîné prend tout. En Vermandois, les maisneux tous ensemble ne prennent que le tiers. Et encores de raison escripte, nulle femme ne succede en chose feodale, si comme il se trouue en la dixieme Collation, au commencement, & au tiltre de *feudafimonia*, & ailleurs en plusieurs lieux. *confirmatur etiā & probatur per ea quæ Baldus de Perusio, utriusque iuris doctor illustris, decidit in propriis terminis, in lege primā. ff. de senatoribus.* Et la raison y est bone: car tousiours la loy a voulu eslire les plus fors & les plus puiffans, à tenir les grands choses, qui ont besoing de garde & de deffence.

Les femmes
ne succèdent
pointes cho-
ses feodales

En l'an. cccc. xxij. les Bretons de la grand' Bretagne, à present nommée Angleterre, furent fort infestez des Escossoys & Poyteuins: & pour ce qu'ilz ne pouoyēt plus resister à leur puissance, ilz enuoyerent deuers les Rommains, demander ayde, & se remeirent en leur subiection. L'empereur Honorius leur enuoya grand' puissance de gens, qui les deliurerent de leurs ennemys, & baillerēt le royaume à gouuerner à vn moyne, Duc de Cornouaille: mais apres le departemēt desdictz Rommains, leurs ennemys se remeirent sus, & les persecuterēt plus que deuant, & tuerent ledict moyne. Et ce voyant Ambrosius & Vter ses freres, s'en fuyrent deuers Budic, Roy de la petite Bretagne, qui estoit leur parēt: lequel les feit cheualiers, & les nourrit par long temps: & estoit lors son pays appelé Armorique.

L'an de gra-
ce quatre
cens. xxij.
les Anglois
se mirēt en
la subiection
de s Rom-
mains, pour
subiuguer
les Escossois

De Clodio, second Roy de France, Payen, surnommé le Cheuelu.



CLodio, filz de Pharamond, second Roy de France, fut Payen, premier de ce nom, & surnommé Cheuelu: & cōmença à regner l'an. cccc. xxxj. Cestuy fut appelé le Cheuelu, par ce qu'il portoit longue cheuelure en la teste, & aussi qu'il estoit fort velu par toutes les parties de son corps: & fut moult hardy & vaillant. Luy & ses François commēcerent à enuahir les terres, qui à eulx marchissoient, & destruyrēt & soubzmeirent la terre des Turingiens, qui est vne partie d'Allemaigne, & là en vn chasteau, nommé Dispargun, ledict

L'an qua-
tre cēs tren-
te & un.

Clodio establit par aucun temps, le siege de son royaume. Puis vint à grand' armée deuant Cambray; & la print à force, ayant eu bataillé contre les Rommains, sur la riuere du Rin, ou il les desconfit. Apres auoir passé ladicte riuere, & la forest de la Charbonniere, print la cité de Tournay, & y seiourna par aucun temps: & illec ceulx de Paris vindrent deuers luy, & y fut avec leur alliance, & à leur ayde, desconfit grand nombre desdictz Rommains, qui là estoient venuz pour le pays deffendre: & les chacea de toutes les forteresses qu'ilz tenoyent es marches d'environ: & deslors l'Empire de Romme commença fort à s'abbaïsser. Car les Bourguignons auoyent ia pris sur eulx la prouince de Lyon, insques à Marseilles: & les Gotz celle d'Aquitaine, laquelle est encores de present appelée Gascoigne, à cause desdictz Gotz.

Clodio se-
cond Roy
de France,
conquit Ca-
bray, &
Tournay.

Apres celle victoire, qui fut deuant ladicte cité de Tournay, ledict Clodio ordonna que les François portassent longue cheuelure, en signe de plaine liberté & frāchise, contre le decret de l'Empereur: & dura ceste differēce des cheueleurs des François & des Gaullois, iusques au temps de Pierre Lombard, Euesque de Paris, à l'instance duquel elle fut delaissée.

En l'an quatre cens trente trois Supthard, Roy des Huns, opprimoit fort par guerre ceulx du pays de Bourgongne: & eulx estans comme au desespoir, sans esperance d'ayde, meirent leur fiance au dieu qu'adoroyent les Chrestiens, & requirent estre baptizez, & le furent: & tantost paruindrent au dessus desdictz Huns, leurs ennemys, & en tuerent plusieurs milliers.

L'an quatre
cens. xxxiiij

Item en l'an quatre cens quarante, saint Germain, Euesque d'Auxerre, & saint Seuer, Euesque de Treues, furent par le Pape enuoyez en Angleterre, lots appelée la grand' Bretagne, pour confuter & abbatre l'erreur Pelagien: & eulx estans illec s'assemblerent plusieurs incredulés, qui tenoyēt ladicte heresie, pour courir sus ausdictz Euesques, & aux vrayz Chrestiens: mais saint Germain anima tant lesdictz Chrestiens, qu'ilz coururent sus ausdictz heretiques, faisans leur conducteur dudit saint Germain, lequel quād il approcha de ses ennemys, commença à chanter à haulte voix *Alleluia*, & semblablement tous ceulx de sa cōpaignie: & de ce chant lesdictz heretiques furent si espouventez qu'ilz s'enfuyrent, & furent tous deconfitz, & ainsi en fut le pays deliuré.

L'an quatre
cens. xl.

En l'an quatre cens quarante & vn, mourut saint Augustin, Euesque d'Hippone, au quatre vingt troysiesme an de son aage, & quarantieme de son pontificat. Mais puis qu'il est nagueres venu à propos de nommer deux des principales prouinces de Gaulle, mainte-

L'an. cccc.
xli.

LES CRONIQVES ET ANNALES DE FRANCE.

nant nommée France, il ne sera point mauvais, deuant que passer plus oultre, de mettre la description & diuision d'icelle, à ce que les lisans puissent mieulx entendre ce qui sera dict & escript cy apres desdictes prouinces.

Description & diuision des Gaules.

Description
des prouin-
ces du royaume de
France.



Vles Cesar, qui conquist tous les pays de Gaulle, la descriit & diuisé en ses Commentaires, en troys parties, & prouinces principales : & à luy s'accorde Pline, & maintz autres hystoriographes. La premiere prouince de France est nommée Celtique, ou Lyonnoise: la seconde est nommée Belgique : & la tierce, est nommée Aquitanique. La premiere prouince doncques, est celle de Lyon, qui commence à la riuere du Rofne, & finit à celle de Garumne, ou Gironde, & à la mer Occéane: & contiét maintes nobles citez, desquelles sont cy nommées aucunes des principales (car par icelles seront mieulx entendues) c'est à sçauoir Lyon, Macon, Othun, Sens, Troyes, Auxerre, Meaulx, Paris, Orleans, Chartres, Rouen, Eureux, Lisieux, Auranches, le Mans, Nantes, Rennes, Angers, Neuers, Tours & Bourges: desquelles, Sens & Othun furent anciennemēt les plus renommées, pource que du temps que les Rōmains tenoyent le pays de Gaulle, ilz obeïssoyent voluntiers aux Empereurs. Toutesfois Orose, qui fait description desdictes Prouinces de Gaulle, dit q̄ Tours & Bourges ne sont pas en la Prouince de Lyon, mais sont de celle d'Aquitaine: & est ladiète cité de Bourges dictē Metropolitaine, *et primas Galliarum*.

Description
des citez
q̄ sont subz
la prouince
de Belges.

La seconde prouince de Gaulle, ou France, est celle qui est dictē Belgique: & cōmence es dernieres parties de Frāce, deuers le Rin, & dure iusques à la cité de Paris, & y sont cōprinſes toutes les citez de Coulongne, Tôgres, Arenes, Merz, Tou, Verdun, Reims, Soissons, Amyès, Noyon, Beauuats, Vermadois, Arras, Tournay, Cambray, & autres. Par icelle courent maintz beaux fleuues: dont le Rin, Marne, & Meuze, sont les principaux: & y a maintes riches forestz, dōt Ardenne est la principale, laquelle (comme l'on dit) dure bien cinq cens lieues, de circuyt.

Description
des citez
qui sont subz
la prouince
d'Aquitaine.

La tierce prouince de France, est Aquitaine, qui commence au fleuue de Gironde, d'une part, iusques au mont de Montieu, & d'autre part iusques à l'entrée d'Espagne: & y a maintes belles citez, dont les principales sont, Toulouze, Rodés, Lymoges, Perigort, Poitiers, Bordeaux, Xainctes, Angoulême: & entre les autres y a deux principaux fleuues: c'est à sçauoir, Gironde, & Dordonne. Et est celle prouince, nommée Aquitaine *ab aquis*, car elle est plus abondante de fleuues & de fontaines, que nulle des autres.

Meronée se
feire eslire
Roy des Frā
ce, apres la
mort de Clodio.

Or maintenant, pour retourner au propos principal, cestuy Clodio, duquel nous auons parlé, eut à femme la fille du Roy d'Austrasie, & de Turinge, dōt il eut quatre filz. Il feit deux pars de son royaume, l'une qui est oultre le Rin, encontre Austrasie, l'autre deçà nommée Neustrie. Quand il fut vieil, il feit maistre de sa cheualerie Meronée, noble cheualier, descēdu des Troyens. Vn iour tenant siege deuant Soissons, mourut son filz aîné, dont de dueil luy print vne fieure, dont il mourut, & fut enterré à Cambray. Il laissa sa femme, & trois autres enfans, au gouuernemēt dudiēt Meronée, qui en la presence des Princes, leur iura loyauté: mais tost apres le trespas dudiēt Clodio, il les dechacea, & se feit eslire Roy, par aucuns des François. Quand lesdictz enfans furent grāds, ilz luy feirent guerre, & reprindrent sur luy tout le royaume d'Austrasie. Lesdictz trois enfans, qui estoient nommez Auberon, Regnault, & Ranchaire, furent tous trois Roys, chacun en sa terre, dont sont descenduz ceulx de Henault, Lorraine, Braban, & Namur.

1.^{er} an de grace.
cccc. xlvj.
tant six.

En l'an. cccc. xlvj. Aurelius Ambrosius, & Vterpandragon, qui apres la mort de leur frere, Roy de la grand' Bretaigne, dictē Angleterre, nommé le Moyne, des l'an. cccc. xxij. s'en estoient fuyz & retirez en la petite Bretaigne, lors appelée Armorique, se meirent sus à grād'armée, & passerent en Angleterre, & assiegerent le Roy Vortiger dedans sa touz, & le bruslerent, luy & ceulx qui estoient dedans, ainſi que parauāt luy auoit esté dict par Merlin, & getterent hors du pays tous les Saxons: & apres lesdictz Bretons establirent lediēt Aurelius, leur Roy, lequel regna quatre ans: & apres luy regna son diēt frere Vterpandragon, qui engendra le Roy Artus, en vne dame nommée Ygerne, par le moyen & enchantement dudiēt Merlin, comme on lit es faitz qui d'eulx sont escriptz, *quammis fabulose*, comme il semble.

Artus de Bre
tagne fut
engēdrē par
l'enchantement
de Merlin.

Enuiron ce temps mourut saint Brice, Archeuesque de Tours. En ce tēps estoit saint Patrice, qui lors resuscita. xl. mors, comme on dit, & conuertit ceulx d'Irlande à la foy Chrestienne. Dieu luy reuela vn purgatoire, pour la conuersion de ceulx du pays. En ce purgatoire avec le saint homme entrerent plusieurs gens, qui en reuindrent, & racompterent les grands & merueilleux tourmens qu'ilz auoyent veus, dont les ames estoient trauaillées.

Du purgatoire
saint Patrice.

De Meronée

De Meronée, tiers Roy, Payen.



Meronée fut troisieme Roy de Frâce, Paye: & ne fut pas filz de Clodio, mais bien estoit de sa parenté & lignage, combien qu'aucunes croniques dient qu'il fut son filz. Cestuy fut par les anciens François esleu, & fait Roy de France, l'an de grace quatre cens. xlvij. & deceda au dixieme an de son regne. A cestuy commēce la generation des Roys de France, qui dura en droite ligne, iusques au Roy Pepin, filz de Charles Martel. En l'an. cccc. xlix. descendit en France vne grāde multitude de gens, qui estoient appelez Huns; à present nommez Hongres, desquelz estoit chef & conducteur, vn nommé Attila, frere du Roy Bleda, & gasterent & ardirent les citez de Coulongne, Treues, & grand' partie des citez & forteresses, & pays d'enuiron le Rhin. Ledit Meronée alla au deuant, mais ilz le chacerent iusques à Orleans, ou ilz meirēt le siege, & par les prieres & merites de saint Aignen, qui lors estoit Euesque de ladicte cité, ledit Meronée, à l'ayde d'aucuns Rommains de son alliance, les desconfit, & en fut bien tué cent quatrevingtz mil hommes: le demourāt se mit en fuyte & desarroy, & ne sceut on qu'ilz deuindrēt, ne ou ilz allerent: & depuis ne se rassemblērēt ceulx de ceste cōpagnie. Ledit Meronée fut victorieux, sage, & bon iusticier. Les croniques de la grād' Bretagne diēt qu'il feist mourir & getter en vn feu, vn sien filz, qui auoit tué le Roy de Cornouaille, qui venoit d'une feste: & Cornouaille estoit deslors tributaire à Frâce.

L'an quatre
cens quar-
te huyt.
L'an. cccc.
xlix.

Meronée
desconfit At-
tila, pres Or-
leās, par les
merites de
s. Aignen.

En ce temps eut en Bourgongne quatre freres, c'est à sçauoir, Gondebault, Godegisille, Childeric, ou Chilperic, & Gondemar, enfans de feu Gundioch, Roy dudit pays, & parent d'Alaric, en son viuant Roy des Gotz, lesquelz apres le trespas de leur pere, partirent ledit pays de Bourgongne, & en firent quatre royaumes. Ledit Gondebault tua ledit Chilperic, ou Childeric, son frere, pour auoir son royaume, & fait lyer vne pierre au col de sa femme, & la fait noyer en vn fleue, & retint, & fait nourrir vne fille qu'ilz auoyent, nommée Clotilde, laquelle fut depuis femme du grand Roy Clouis, comme sera dict cy apres. Et en ce tēps, le pays de Bourgongne (qui estoit ainsi appelé, à cause des Bourguignons, qui y estoient venuz habiter) comprenoit depuis le fleue d'Arare, qui est à present nommé la Saosne, iusques le long du fleue du Rosne, & iusques à Marseille, Tholouze, & Arle en Prouence.

Bourgui-
gnō, pour-
quoy ilz sōt
ainsi nommez

En ce temps fut fait Roy d'Angleterre, lors appelée Bretagne, Artus, filz d'Vterpādragon, des faitz duquel on racompte merueilles, *sicut plura fabulosa uideantur*. Il auoit plusieurs bons cheualiers en sa compagnie, lesquelz aux iours des festes solennelles il faisoit seoyr en vne table ronde, à ce qu'aucune enuie ne se meust entre eulx, pour la priorité ou posteriorité: & de là furent appelez les cheualiers de la table ronde. Ledit Attila dessus nommé, Roy des Huns, fait lors martyriser les vnze mil' vierges, en la cité de Coulongne, comme est contenu en leur legende.

De Childeric, quatrieme Roy de France, Payen, qui fut dechacé du regne, & puis rapelé.



Childeric, quatrieme Roy de France, Paye, premier de ce nom, filz de Meronée, commença à regner, l'an. cccc. lvij. & trespāssa au. xxvj. an de son regne, l'an. cccc. liij. xx. & liij. Cestuy Childeric en l'an. cccc. lxj. pour son insolence, & pour la lubricité effrénée, luxurieuse & mauuaise vie qu'il menoit au cōmencement de son regne, en quoy il employoit tout son temps, & prenoit les femmes & les filles des nobles, bourgeois, marchans, & autres du royaume qui luy plaisoyent, pour en faire sa volūté, en quoy il employoit & consommoit tout son temps & sa cheuance, & pout y fournir leuoit grādes tailles, empruntz, & exactions indeues, sur son peuple,

L'an quatre
cēs cinquan-
te huyt.
Childeric,
pour sa lu-
bricité,
cheut en la
hayne du
peuple de
France.

& ne prenoit point garde aux affaires de son royaume, cheut en la hayne, & malvueillance des François, qui sont gens d'austere courage, lesquelz delibererent ensemble de le prendre, & le mettre en tutelle, & punir, & chacer aucuns ieunes & mauuais Conseillers qu'il auoit autour de luy. Et quād il apperceut qu'ilz luy vouloyēt courir sus, il demāda conseil à vn sien baron & amy familier, nommé Guynemault, qui luy conseilla qu'il se uadast, & donnast lieu à l'ire des François. A ceste cause, ledit Childeric s'en alla à Metz, & se retira deuers Basin, Roy de Thoringe, à present nommée Lorraine, qui le receut hōnestemēt, & entretint amy-

Lorraine an-
ciennement
estoit nom-
mée Tho-
ringe.

blement. Auant le partement dudi^t Childeric, ledi^t Guynemault luy promit que fil pouuoit il appaiseroit l'ire des François, & le feroit rappeler: & partit vn anneau d'or en deux parties, & en bailla la moytié audi^t Childeric: & luy dist, que quand il luy enuoyeroit l'autre moytié d'anneau, qu'il retournaist hardyment, & que ce feroit signe de sa reconciliation.

De Gillon le Rommain, qui regna durant l'absence dudi^t Roy Childeric.



L'an quatre
cens.lxx.

Childeric,
qui s'estoit
absenté du
royaume, fut
rappelé des
François.

L'an quatre
cens septan-
te cinq.
L'an quatre
cens septan-
tesix.

L'an quatre
cens septan-
te sept.
L'an quatre
cens. iij.xx.
C. un.
Childeric cō-
quist Anjou,
C. acceut
grādemēt le
royaume de
France.

Vand ledi^t Childeric s'en fut party de France, les François feirent, & esleuerent Roy sur eulx, vn Duc Rommain, nommé Gillon, que l'Empereur, & les Rommains enuoyèrent en Gaule, pour deffendre le pays, & se tenoit à Soissons, & auoit la charge d'aucun nōbre de Rommains, & la garde de plusieurs citez & places qu'ilz tenoyent encores en France: lequel Gillon appela, & entretint autour de luy, ledi^t Guynemault, & tint le royaume de France, durant l'absence dudi^t Childeric, neuf ans. Et pource que les François faisoient beaucoup, par le conseil dudi^t Guynemault, en l'an. cccc.lxx. iceluy Guynemault (qui desiroit singulierement faire retourner ledi^t Roy Childeric, son maistre) à fin que les François se peussent ennuyer dudi^t Gillon, luy donna à entendre que les François se vouloyent traicter en grand' subiection, & ne les laisser trop enrichir, & disoit qu'ilz valloyent mieulx pauvres que riches. Et à icelle cause, iceluy Gillon, le croyant, comme fol, feit de grandes exactions sur eulx: & feit occire plusieurs des grands hōmes de France, par lesquelz ledi^t Roy Childeric auoit esté exilé: dont lesditz François (qui sont gens d'austere courage, quand ilz sont animez) furent tantost ennuyez: & secrettement, par le conseil dudi^t Guynemault, qui conduysoit toute la besongne, rendoyent querir ledi^t Childeric (auquel iceluy Guynemault enuoya la moytié de l'anneau, pour enseigne) & le rappelerent, & reistablirent au royaume: & allerent au deuāt de luy, iusques à Bar, ou il fut receu moult honorablement: & pour recongnissance, il les affranchit du grand tribut qu'ilz luy deuoyent tous les ans. Iceluy Childeric, depuis qu'il fut rappelé, se gouerna bien & sagement, & fut vaillant & cheualeureux: car tantost apres son retour, il alla avec grand' compagnie de François, apres ledi^t Gillon, son ennemy, qui auoit vsurpé, & encores s'efforçoit tenir le royaume par force, & le suyuit iusques à la cité de Coulongne, & l'assiegea: & en l'an cccc. lxxv. print ladi^{te} cité à force, & occist grand nombre de ses gens: mais ledi^t Gillon eschapa, & s'en fuyt iusqs à Treues, ou ledi^t Childeric en l'an. cccc. lxxvj. l'alla de rechef assieger, & print ladi^{te} cité, & gasta le pays, & ledi^t Gillon eschapa, & s'en vint retirer en la cité de Soissons, ou il se tint iusques à son trespas, qui fut l'an. ccct. iijj. xx. Apres la mort duquel, aucuns François voulurent esleuer Roy sur eulx, en son lieu, Siagre, son filz: lequel Siagre, les Rommains auoyent substitué, au lieu dudi^t Gillon, son pere, à gouuerner les pays de France. En l'an de grace. cccc. lxxvij. le Roy Childeric eut vne bataille, pres Orleans, contre Audoachre, Duc des Saxons, & le desconfit, print & gasta la cité d'Orleans. Ledi^t Audoachre eschapa, & s'en alla à Angers, vers le comte Paul, lequel estoit Romain, & en estoit Seigneur: & en l'an. cccc. iijj. xx. & vn, ledi^t Childeric print & brussa ladi^{te} cité d'Angers, & tua ledi^t Paul: & eslargit ledi^t Childeric fort le royaume: car il cōquist Orleans, & tout le pays, le long de Loyre, iusques à Angers. Apres il feit alliance audi^t Audoachre, Duc des Saxons: & à son ayde, il conquist les Allemans, & print la cité du Tret, & tout le pays le long de la riuere du Rin, qui festoyent rebellez contre luy. Iceluy Childeric eut vn filz nommé Clouis, qui fut Roy apres luy: & deux filles, l'une nommée Albostede, ou Andestede, & l'autre Andechilde, ou Lanthielde.

De la vision du Roy Childeric, le iour qu'il espousa la Royne Basine.



Les François
durant la loy
Payēne pou-
uoient auoir
plusieurs fem-
mes.

Durant le temps que ledi^t Childeric fut deiecté du royaume de France, & qu'il estoit avec Basin, Roy de Thorige, qui l'auoit recueilly, il s'amoura de sa femme, nommée Basine: & apres que ledi^t Childeric fut rappelé à son regne, ladi^{te} royne Basine, qui moult estoit assortée de luy, abādōna ledi^t Basin, Roy de Thoringe, son seigneur & mary, & s'en vint deuers ledi^t Childeric, qui luy demanda pourquoy elle l'auoit suyuy, & abandonné son mary: & elle luy respondit: Pour ta proesse & vertu. Iceluy, qui fut *immemor beneficiorum*, la receut, l'espousa, & print à femme (car par la loy Payēne, qu'ilz tenoyent, les hōmes pouoyent auoir plusieurs femmes) & en elle engēdra Clouis, qui fut le premier Roy Chrestien de France: & aduint q la pmiere nuyt de leurs nopces, quād ilz furent couchez, ladi^{te} Basine pria ledi^t Childeric, qu'il s'abstint celle nuyt d'auoir sa compagnie, & qu'il se leuaist & allast à la porte du Palais, & luy rapportast ce qu'il verroit. Illy alla

Il y alla, & veit en la court de grands bestes, comme Licornes, Liepardz, & Lyons: & ce faiët, il s'en retourna en sa chambre, tout esmeu & espouenté, & raçôpta à la Roync sa vision. Elle luy pria qu'il retournaist la seconde seconde fois: & luy dist, qu'il fust assure, & n'eust point de paour de ce qu'il verroit. Il y retourna, & veit de grands Ours, Loups, & autres bestes rauiffantes, courans sus, les vnes aux autres. Il reuint cōpter la seconde vision à la Roync, laquelle le feit retourner la tierce fois, ou il veit petites figures de chiens, chatz, & vne grand' turbe d'autres petites bestes legieres, qui s'entre despecoyent, batoyent, & se deschiroyent toutes. Il s'en retourna vers la Roync, & se coucha, & fut toute celle nuyt tout pensif, sans auoir sa cōpaignie. Quand vint au point du iour, il luy pria qu'elle luy exposast la signification de son aduision, & elle luy dist, que la premiere vision signifioit que l'hoir, qui d'eulx viēdroit, seroit hōme de treshaute puissance & proesse. Les Loups & les Ours, qui sont bestes rauiffantes, signifioient que ceulx qui viēdroient, & descendroyent de la lignée, seroyent rapineurs, & s'entrecourroyent sus, les vns aux autres. Les chiens, chatz, & autres petites bestes legieres & sans vertu, signifioient la mauuaistiē, enuie, & auarice de ceulx qui vers la fin du regne tien-droyent le sceptre de la couronne de France: & la turbe des petites bestes signifioit le menu peuple qui s'entr'occiroit, pource qu'il seroit sans cremeur de Prince.

*L'expesitiō
& inter-
pretation
d'aucunes
visions mer-
ueilleuses
au roy Chil-
deric, par
Basine sa
femme.*

De Clouis, cinquieme Roy de France, & premier Roy Chrestien.



Clouis, cinquieme Roy de France, premier Roy Chrestie, & pre-mier de ce nom, filz de Childeric, commença à regner l'an de grace. cccc. iij. xx. & iij. & regna trente ans, c'est à sçauoir quinze ans payen, & quinze ans Chrestien: & trespassa l'an cinq cens treize. Cestuy au cōmencement (combien qu'il fust payen) estoit beau, vaillant, noble de coeur, & sage cheualier, fort, hardy, & cheuale-reux, de toutes gens aymé, crainët & redoubtē, plus que nul de ses predecesseurs n'auoit esté. Quand il fut venu au regne, il eut tou-siours en son coeur ceulx qui auoyent deicté son pere hors de son regne: & pource, la premiere chose qu'il feir, il alla à Soissons, &

*L'an. cccc.
iij. xx. &
iij.
Clouis pre-
mier Roy
Chrestien,
regna quin-
ze ans payē
& quinze
ans Chre-
stien.*

par force le print, & en chacea hors Siagre, qui estoit filz de Gillon le Rommain, qui auoit oc-cupé le regne cōtre lediët feu Childeric son pere: & à son retour print Meleum, & en cha- cea les Rommains.

Audiët an. cccc. iij. xx. & iij. volunté print audiët Clouis d'estre marié: parquoy il enuoya Aurelien, qui estoit son chambellan, & seel conseiller, par deuers Gondemar, l'un des Roys de Bourgongne, luy dire, qu'il luy enuoyast sa niepce Clotilde, fille de feu Childeric, son fre-re, parauāt Roy de Bourgognē, en partie, pource qu'il auoit ouy reciter icelle estre de grand beauté, & plusieurs grands biens & vertuz estre en elle, & luy enuoya vn anneau, & autres bagues, ioyaux, & aornemens d'espousée. Et est à sçauoir que lediët Gondemar auoit tué lediët Childeric, pere de ladiët Clotilde, pour le debat qui estoit entr'eulx, à cause du royau-me de Bourgongne. Aussi auoit esté noyée sa femme, & gettée en la riuierē, vne pierre au col, cōme dessus a esté diët. Iceluy Gondemar feit aucunes difficultez d'enuoyer ladiët Clo-tilde, sa niepce, & s'excusoit, disant, qu'elle estoit Chrestienne, & q'lediët Clouis estoit payen, & qu'il n'appartenoit pas qu'un homme payen espousast vne femme Chrestienne: toutesfois il ne le faisoit pas pour celle cause, mais pour la craincte qu'il auoit q'lediët Clouis, qui estoit grand & puissant Roy, ne le degettast de son royaume, quand il auroit espousé sa niepce, à la- quelle il deuoit appartenir, & qu'il vouldist venger la mort de ses pere & mere. Parquoy lediët Clouis, qui ne fut pas content de celle responce, y enuoya de rechef lediët Aurelien, & luy chargea dire audiët Gondemar, que s'il ne luy enuoyoit ladiët Clotilde, qu'il yroit cōtre luy en bataille. Lequel Aurelien à son arriuée en Bourgongne, trouua que lediët Gondemar vou-loit marier ladiët Clotilde, sa niepce, à vn autre, affin q'lediët Clouis ne la peust plus auoir. Quoy voyant lediët Aurelien, & qu'il ne pouuoit auoir acces de parler à ladiët Clotilde, par vn dimenche qu'elle alloit à la messe, se meit en estat & habillement d'un pauvre hom-me mendiāt, & se meit à la porte du moustier, entre les autres pauvres, demādans l'aumosne: & ainsi que ladiët Clotilde luy donnoit l'aumosne (comme aux autres) il luy print la main, & la luy baïsa, & luy meit vn anneau d'or au doigt, & luy tira son manteau, dont elle fut vn peu honteuse, *pudore puella*. Quād elle fut à l'hostel, elle feit appeler lediët Aurelien, ainsi ha-billé qu'il estoit, & luy demāda qu'il estoit, & qu'il queroit, & pourquoy il luy auoit fait telz signes: & lors lediët Aurelien, qui parauāt n'auoit sceu trouuer façon de parler à elle, luy dist q' Clouis, le puiffāt Roy de Frāce, l'auoit enuoyé deuers elle, & la vouloit auoir en mariage,

*L'an. cccc.
iij. uingtz
& iij.
Clouis en-
uoya Aure-
lien vers le
roy de Bour-
gongne,
pour auoir
sa niepce
femme.*

Clotilde, & luy monstra l'anneau & les ioyaux nuptiaux qu'il luy enuoyoit, lesquelz elle receut: & ce sachant lediēt Gondemar, pour doubte dudiēt Clouis, & par le conseil des Bourguignons, il changea sa volonté, & en muant le mariage qu'il auoit encommencé, bailla Clotilde sa niece audiēt Aurelien, qui l'emmena en France à son seigneur le Roy Clouis: lequel, quād elle fut venue, l'espousa en grand' ioye & solennité: & depuis ce que ladiēte Clotilde eut espousé lediēt Clouis, par tous les moyēs & façons qu'elle peut, elle l'incitoit & l'enhortoit à foy faire Chrestien: mais il n'y vouloit entendre, disant que pour riens ne laisseroit la loy que ses predecesseurs auoyent tenue, & en laquelle il auoit esté nourry.

Du premier filz de Clouis, qui fut baptisé, & puis mourut.

L'an. cccc.
iii. xx. &
six.
Les efus du
roy Clouis
furent ba-
ptisez, nō-
obstat qu'il
fust payen.

EN l'an de grace quatre cens quatrevingtz & six, ladiēte Clotilde eut vn filz, lequel du consentement dudiēt Clouis, qui encores estoit payen, elle feit baptizer, & nommer Yngomire, mais tantost il mourut: & dist lediēt Clouis que ses dieux estoient courroucez, & que son diēt filz estoit mort, par ce que ladiēte Clotilde l'auoit fait baptiser, & qu'il congnoissoit que Iesus Christ, auquel elle croyoit, estoit vil & nō puissant, puis qu'il n'auoit sceu garder celuy par qui sa loy pouuoit estre exaulcée en France. A quoy la Royne respondit sagement, qu'elle estoit bien heureuse de ce que la volonté de son Dieu auoit esté de prendre le premier fruit de son ventre. Aucun temps apres elle eut vn autre filz, lequel elle feit semblablement baptizer, y consentant son mary à tresgrand' difficulté, & fut nommé Clodomires: & tantost apres qu'il fut baptizé, il deuint malade, & cuyda mourir: & par ce dist lediēt Clouis qu'il en aduiendroit comme de l'autre, & qu'autant qu'elle en auroit qui fussent baptizez, que tous mourroyent, & que ses dieux en estoient courroucez. Toutesfois par les prieres de ladiēte Clotilde, Dieu permit que lediēt enfant vint à cōualefcēce, & ne mourut pas. *Nec tamē propter hęc rex ab infidelitate recedit.*

En l'an quatre cens quatre vingtz & neuf, lediēt Clouis alla en bataille contre Siagre, filz dudiēt Gillon, qui s'estoit esleué pendant qu'il faisoit guerre ailleurs, & l'assiegea dedans la cité de Soissons, & le vainquit, & destruyfit ladiēte cité: mais lediēt Siagre s'eschapa, & s'en alla à Thoulouze, par deuers Alaric Roy des Vvisigotz, lequel le feit tuer, pour la doubte qu'il auoit dudiēt Roy Clouis. En l'an quatre cens quatre vingtz seize, lediēt Clouis submit à luy toutes les citez & villes que les Rommains tenoyent entre le fleue du Rin, & Seyne: & en l'année ensuyuant, quatre cens quatre vingtz & dixsept, il submit toutes celles qui estoient entre la riuere de Seyne & de Loyre. En l'an quatre cēs quatre vingtz & dixhuyt, il print par force tout le chastel de Melun sur Seyne, dont le Seigneur s'estoit esleué contre luy, & le donna, avec toute la terre & seigneurie, à Aurelien son conseiller, qui luy auoit amené la Royne Clotilde, en faueur des seruices qu'il luy auoit faitz.

Comment, & pourquoy le Roy Clouis se feit baptiser: & de la sainte Ampolle qui fut apportée du ciel, & de la mission des fleurs de LiZ.



L Adicte Roïne Clotilde, qui estoit vne bonne catholique, vaillante & sainte dame, mettoit toute son estude, & la peine qu'elle pouuoit, à induyre ledict Roy Clouis, à soy faire chrestienner, mais riens n'y profitoit: toutesfois aduint qu'en l'an cccc.iiij. vingtz dixneuf, iceluy Clouis, estant en vne bataille contre les Allemans, se trouua fort pressé entre ses ennemys: Lors luy souuint des admonitions que luy auoit faictes la Roïne Clotilde, sa femme, & leua les yeulx au ciel, & dist ainsi: Sire Dieu Iesus Christ, que la Roïne Clotilde, ma femme, croit & adore, deliurez moy de ce peril ou ie suis, & me donnez victoire contre mes ennemys, & ie croiray en vostre nom, & seray doreſenauant vostre seruiteur: & tous ceulx de mon royaume, qui n'y voudront croire, seront exilez, ou occis. Et incontinent aduint que par la grace de Dieu, il fut deliuré de ce peril, & eut victoire de ses ennemys, & ſ'en retourna triũphant: & en ſ'en retournãt il passa par la cité de Thou, ou il trouua saint Vvast prestre, qui apres fut Euesque d'Arras, lequel l'introduisit & enseigna en la

L'an.cccc.
iiij.xx.xix.
la belle vi-
ctoire que
Dieu en-
uoya au roy
Clouis, con-
tre les Alle-
mans.

C'ouïs, & grand nombre de ses gens, furent baptisés par s. Remy de Reims.

La sainte Ampolle, qui fut enuoyée diuinement du ciel, pour oindre le Roy Clouis & ses successeurs Roys de France.

Des trois fleurs de liz, qui furent diuinement apportées par l'Ange, au lieu dict Ioye en val

L'exposition & interpretation des fleurs de liz, & armoirie de France.

L'an cinq cens & un le Roy de Bourgogne aduona tenit sa terre du Roy de France.

foy Chrestienne, & s'en vint avec luy iusques à Reims, ou il trouua la Roïne Clotilde, sa femme (qui estoit allée au deuant de luy, par ce qu'elle auoit ouy reciter la belle victoire qu'il auoit eue) à laquelle il compta ce qui luy estoit aduenue, dont elle fut moult ioyeuse. Et apres ce, à sa tresgrand' requeste, saint Remy, lors Archeuesque de ladicte cité de Reims, qui estoit filz du Duc de Laon, & de Soissons, le baptisa audict an. cccc. iij. xx. xix. l'an. xvj. de son regne. Avec ledict Clouis furent baptisées ses deux sœurs, Albofede, & Andechilde, & plus de trois mil de ses gens des plus nobles François, sans les femmes & enfans: & en les baptisant, ainsi que l'un des Prestres de l'Eglise, qui apportoit le cressme pour l'oindre, ne pouuoit passer pour la multitude du peuple qui la estoit, & demouroit le Roy tout nud dedans les fons trop longuement, dont il estoit aucunement vergongneux, de se veoir nud entre tant de peuple, aduint, ainsi qu'on trouue es hystoires de France, qu'un coulomb blanc descédit, & apporta visiblement deuant tous, en son bec, vne Ampolle, pleine de liqueur celestielle, de laquelle luy & ses successeurs Roys de France, ont depuis esté oingtz & sacrez: qui est vne digne & sacrée decoration celestielle au tresnoble diademé & couronne de France: & est ladicte sainte Ampolle honorablement gardée, en l'Eglise & abbaye saint Remy de Reims..

Quand ledict Clouis fut esté baptisé, il donna plusieurs grands dons, terres, seigneuries, & rentes, à l'Eglise de Reims. A l'exemple & commandement dudit Clouis, se firent apres baptiser tous les nobles & populaires de France. Depuis ce temps, ledict saint Remy, Archeuesque de Reims, eut grand' auctorité, & fut principal conseiller dudit Roy Clouis. Il fit edifier l'Eglise de Laon, & eriger en Euesché, qui parauant estoit de l'Archeuesché de Reims: & y donna sa duché de Laon, que les Euesques tiennent encores. Il eut un frere nommé Principe, qui estoit Comte de Soissons, lequel abandonna le siecle, & fut esleu Euesque de Soissons, & donna à l'Eglise sa comté, que les Euesques tiennent encores de present. On lit aussi en aucunes escriptures qu'en ce temps auoit un hermite, preud'homme & de sainte vie, qui habitoit en un boys, pres d'une fontaine, au lieu qui de present est appelé Ioye en val, en la chastellenie de Poissi, pres Paris: auquel hermite ladicte Clotilde, femme dudit Roy Clouis, auoit grande fiance, & pour sa sainteté le visitoit souuent, & luy administroit ses necessitez. Et aduint un iour que ledict hermite estant en oraison, un Ange s'apparut à luy, en luy disant qu'il feist raser les armes des trois croissans, que ledict Clouis portoit en son escu (combien qu'aucuns dient que c'estoyent trois crapaux) & au lieu d'iceulx portast un escu dont le champ fust d'azur, semé tout de fleurs de liz d'or: & luy dist que Dieu auoit ordonné que les Roys de France portassent doresenauant telles armes. Ledit hermite reuela à la femme dudit Clouis son apparition: laquelle incontinct fit effacer lesdictz trois croissans ou crapaux, & y fit mettre lesdictes fleurs de liz, & les enuoya audict Clouis son mary, qui pour lors estoit en guerre contre le Roy Andoc sarrazin, qui estoit venu d'Allemagne à grand' multitude de gens es parties de France, & auoit son siege deuant la place de Conflans sainte Honorine, pres Pontoise. Clouis se combatit, & eut victoire: & combien que la bataille commençast en la ville, toutesfois fut elle acheuée en la montaigne, en laquelle est à present la tour de Montioye: & la fut prins premierement & nommé le cry des François & les armes, c'est à sçauoir, Montioye: & depuis y a esté adiousté saint Denis. Et en la reuerence de la mission desdictes fleurs de liz, fut illec en la vallée fondé un monastere de religieux, qui fut & encores est appelée l'abbaye de Ioye en Val, pour la mission de la sainte Ampolle, & desdictes fleurs de liz, qui furent enuoyées à ce grand Roy Clouis, premier Roy Chrestien: en quoy appert euidentement que Dieu nostre pere & sauueur a singulierement aimé les Roys de France, & les a voulu decorer & garnir de singulieres graces & préeminences par dessus tous autres Roys & Princes terriens, & d'iceulx faire les deffenseurs de la sainte foy & loy de Iesus Christ. Ce qui appert par l'interpretation desdictes fleurs de liz qu'il leur transmit: car par icelles bien entendues peult on veoir qu'en vne fleur de liz y a trois fleurons, un grand hault au meillieu, & deux moyens d'une pareille haulteur aux deux costez. Le hault fleur au meillieu, signifie la sainte foy & loy de Iesus Christ: & les deux de moyenne haulteur, qui sont l'une à dextre, & l'autre à senestre, signifient sapience & noblesse: lesquels sont ordonnez pour soustenir, garder, & deffendre le hault fleuron, qui est entre eulx deux, qui signifie la foy. L'un, c'est à sçauoir, sapience, par argumens & raisons (ce sont les docteurs & clerchez des vniuersitez, dont le royaume est plus decoré que nul autre royaume) & l'autre par force & puissance d'armes: ce sont les Princes, barons, cheualiers, & autres plusieurs nobles, dont y a grand' multitude en cedit royaume de France. En l'an de grace cinq cens & un, apres ce que ledict Roy Clouis fut baptisé, à la requeste de ladicte Clotilde sa femme, il fit grand' guerre à Gondemar, Roy de Bourgogne, oncle d'icelle Clotilde: lequel auoit tué son pere, & faict noyer sa femme, mere de ladicte Clotilde, & tât le fatiga qu'il se redit à luy, & se

fait tributaire, & aduoua tenir de luy sa terre de Bourgongne. Mais apres ce que Clouis fut retourné, & qu'il eut laissé Godegisille, pour gouverner ledict pays de Bourgogne, avec six mil François, ledict Gondemar alliegea ledict Godegisille en la cité de Vienne, & le print & le tua, & tous lesdictz François, & se refaisit de sa terre.

De la guerre que feit Clouis à Alaric Roy des Vvisigotz, & du merueilleux iugement que feit le Roy d'Italie contre Alaric.

EN l'an de grace cinq cens & six, ledict Clouis, voyant que les Vvisigotz, qui tenoyent l'heresie Arrienne, occupoyent grand' partie des pays de Gaulle, c'est à sçauoir, tous les pays du long de la riuere de Loyre, depuis Orleans iusqs aux montz Pyrenés (qui font la separation de France & des Espaignes) & les pays de Berry, Auuergne, Lymosin, Quercy, Perigort, Angoulmoys, Agenoys, Languedoc, Prouence, & autres circonuoyfins, lesquelz pays ilz auoyent conquis, & enchainé d'iceulx les Rommains, qui parauant les possedoyent, enuoya vn sien conseiller, nommé Paterne, deuers Alaric, Roy desdictz Vvisigotz, pour auoir avec luy alliance de paix: lequel Alaric fainctement feit alliance avec luy, & par l'attouchemēt de sa barbe, selon la coustume ancienne, l'adoptā son filz, & l'institua son heritier, par ce qu'il n'auoit nul enfant. Mais tantost apres ledict Alaric rompit les alliances, & eurent aucunes guerres & questions l'un contre l'autre: pour lesquelles appaiser fut deliberé qu'ilz auroyent parlement ensemble, à petite compaignie de gens: & l'année cinq cens & huyt ledict Clouis alla en Guyenne, pour parler audiēt Alaric: mais iceluy Alaric, qui auoit dict & promis qu'il n'y viendrait qu'à petite compaignie, & sans armeures, feit secrettement apporter à ses gens, grands bastons de fer. Le messager q̄ Clouis auoit enuoyé deuers luy, qui ce veit, en aduertit son Seigneur: parquoy il n'y alla point: & de ce sourdit entr'eulx grand' contumelie, & grand' guerre, qui longuemēt dura. A la parfin de leur debat se submirent à Thierry, Roy des Ostrogotz, en Italie, qui auoit espousé la sœur de Clouis, & estoit pere de la femme dudiēt Alaric, leq̄l apres ce qu'il eut ouy les raisons que les Orateurs & Legatz desdictz deux Roys alleguerēt, appoincta par sa sentence & iugement qu'un des cheualiers du Roy Clouis ficherait vne lance deuant le Palais d'Alaric, & qu'iceluy Alaric & ses Vvisigotz getteroyent tant de deniers d'argent sur ladicte lance, qu'elle en seroit toute couuerte, tellement qu'on n'en verroit plus de poincte: lesquelz deniers seroyent audiēt Clouis, Roy de France: lequel iugemēt (qui fut merueilleux) despleur moult audiēt Alaric & ses Vvisigotz, & n'en voulurent riens faire, disans qu'ilz ne le sçauoyent accomplir, & feirent moult d'iniures aux messagiers dudiēt Clouis, lesquelz à grand' peine peurent eschaper viz. Toutesfois ilz s'en retournerent sans riens faire, & feirent leur rapport audiēt Clouis, lequel fut de ce moult courroucé: parquoy il assembla grāde puissance de gens, & en l'an cinq cens & neuf, il meut son ost pour aller contre ledict Alaric, & passa la riuere de Loyre: & quand il vint pres de Tours, il enuoya messagiers faire ses offrandes à Dieu, & au glorieux corps monseigneur saint Martin, requerant luy ayder contre lesdictz Vvisigotz, qui estoient infideles, comme dict est: & aduint ainsi q̄ les messagiers de Clouis entrerent en l'eglise saint Martin de Tours, ilz ouyrent q̄ les prestres chantoient ce verset du Psaultier: *Præcinxisti me domine uirtute ad bellum, & supplantasti insurgentes me subtus me, & inimicorū meorum dedisti mihi dorsum, & odientes me disperdidisti.* Quand les messagiers eurent ce ouy, ilz furent moult ioyeux: & apres qu'ilz eurent accomplies leurs oraisons, deuant le corps saint Martin, & faites leurs offrandes, ilz s'en retournerent deuers leur Seigneur, luy signifiant par ce, qu'ilz auoyent ouy signe de victoire: dont il se mit en voye, & vint iusques au fleuve de Vienne, lez Chinon: & pource que les eues estoient si grandes qu'elles estoient toutes desfriées hors bort, il ne peut passer: si s'y arresta, & se logea la: & de l'autre part de la riuere estoit ledict Alaric. Lediēt Clouis se meit en oraison, & ainsi que les François regardoyent à trouuer passage, se va illec pres leuer vn cerf, qui sortit hors de la forest de Chinon, & se meirent les François à le chacer: & tant le poursuyrirent que ledict cerf fut si mal mené qu'il fut contrainct se mettre en la riuere, & la trauersa par vn endroit tout à pied, sans nager, & à celle heure les François conclurent que c'estoit *quid diuini auxilij*, & que Dieu leur auoit miraculeusement enuoyé ledict cerf, pour leur monstrier le chemin & passage. Si le laisserent aller, & tous passerent ladicte riuere de Vienne, à l'endroit ou ledict cerf l'auoit trauersée. Parquoy ledict Alaric, qui en fut aduert, se retira à Poitiers.

L'an cinq cens & six. Des Vvisigotz, qui tenoyent l'heresie Arrienne.

L'an cinq cens & huyt.

Du iugemēt que feit le Roy d'Italie, entre le Roy Clouis & Alaric, Roy des Vvisigotz.

Le Roy Clouis pria S. Martin qu'il luy donnast ayde contre les Gotz.

Du miracle que Dieu feit par le moyen d'un cerf, qui sortit de la forest de Chinon.

Comment Clouis combatit, & tua de sa main Alaric, Roy des Visigoths, deuant Poitiers: & comment les murs d'Angoulesme tomberent deuant luy miraculeusement.



Ant cheuaucha le Roy Clouis, & ceulx de sa compaignie, qu'ilz vindrent deuant la cité de Poitiers, ou estoit ledict Alaric, & feit le roy tendre ses pauillōs pres de l'eglise saint Hylaire: & aduint q̄ la nuyt, entour minuyt, fut veu par plusieurs vn estourbillon de feu, qui fortit de l'eglise saint Hylaire, & vint descēdre droit sur la tente ou le Roy dormoit. Aucū qui ce signe veirēt, le tindrent à grand' signification. Si feit le Roy faire deffence à ses gens, que nul ne print aucune chose sans payer. Le lendemain ledict Clouis ordonna ses batailles noblement, contre ledict Alaric & ses Gotz, qui vindrent à l'encontre, & s'assemblerent à bataille en vn champ nommé Nagladiense, ou Vogladiense, pres la riuere du Clin. Quand ledict Alaric & ses Gotz approcherent, & ilz veirent les estandars & bannieres des François desployées, semées de fleurs de liz, ilz furent tous esbahis que ce pouuoit estre: car ilz sçauoyent bien que les armes que les François portoyent parauant, estoient de trois croissans ou crapaux. La bataille commença, & fut aspre & cruelle: mais par la grace de Dieu tous les Gotz furent desconfitz, mors, ou en fuyte. Ledit Clouis en icelle bataille se porta moult vaillamment, & se meit si auant, qu'il trouua facon de récontrer ledict roy Alaric, au meillieu de ses gens, & se combatit à luy corps à corps. Finablement de son espée le rua mort par terre. Almaury filz dudit Alaric s'eschapa d'icelle bataille, & s'en alla en Espagne, ou il fut seize ans. Apres ladicte victoire ledict Clouis enuoya son filz bastard, nommé Theodoric, en Guyenne, avec grand' armée: lequel luy soumit en sa seigneurie ceulx de Rouergue, Rhodes, Albic, Auvergne & Lymosin, Quercy, Agenois, & tous les pays iusqu'en Bourgogne, par ce que les habitans dudit pays estoient venuz à l'ayde dudit Alaric, souz Apolinaire leur Duc, qui estoit mort en ladicte bataille. Le Roy passa oultre les riuieres de Gironne, & de Dordonne, & s'en alla yuerner en la cité de Bordeaux: & l'année ensuyuant retourna deuers luy ledict Theodoric, son filz bastard. Puis alla le Roy à Thoulouze: la cité prit, & y trouua les thresors dudit feu roy Alaric, qui moult estoient grands, & print & subiugua à luy tous les pays circonuoyzins. A son retour il passa par Angoulesme, que lesdictz Gotz tenoyent: & quand il fut deuant, & eut assiz son siege, *miraculo* les murs de la cité tomberent deuant luy. Si fut prinse la cité, & tous les Gotiens tuez: & semblablement tous ceulx qui estoient es citez voyzines, toutes lesquelles ledict Clouis submit à sa seigneurie, depuis ladicte riuere de Loyre, iusques audictz montz Pirenés, qui separent France des Espagnes: & deslors commença fort le royaume des François à accroistre, esleuer & fleurir, & celuy des Rommains à abaisser.

Clouis descō
fit le roy A-
laric, & les
Gotz deuant
Poitiers.

Le roy Clo-
uis occist A-
laric roy des
Gotz.

Le Roy Clo-
uis print la
cité de Thou-
louze.

Comment Clouis fut retenu Sénateur à Romme, & appelé Auguste.



An de grace cinq cens & dix, apres ce q̄ ledict grand Roy Clouis eut degecté & chacé tous lesdictz Gotz arriere de tous les pays dessusdictz, il s'en retourna en France, & vint à Tours, pour rendre graces à Dieu, & à monseigneur saint Martin, de la victoire qu'il auoit eue. Et luy estant en la cité de Tours, luy vindrent messagiers de par Anastasie, qui estoit Empereur de Romme, & de par les Rommains, qui luy apporterent lettres, par lesquelles estoit cōtenu que ledict Empereur, & les Rommains, pour la grand' cheualerie, sens & vaillance qu'ilz auoyent ouy raconter du dict Clouis, ilz le retenoyent leur amy, alié, Conseiller & Sénateur de Romme, & luy feirent de moult beaux, riches, & grands presens: & entre autres choses luy apporterent des robbes, telles que les Sénateurs les portoyent lors à Romme, lesquelles il vestit: & aussi luy apporterent vne couronne d'or, garnie de moult riches pierres precieuses, laquelle il meit sur son chef, & monta sur son cheual, en son Palais, qui estoit entre la cité & l'Eglise saint Martin de Tours: & donna de grands dons d'or & d'argent, qu'il feit gecter au peuple, qui cria largesse au grand Roy Clouis de France, Auguste, & Consul des Rommains. Puis renuoya ledict Clouis offrir ladicte couronne en l'Eglise saint Pierre de Rōme, par l'admonestement de saint Remy: & feit de grands presens aux ambassadeurs dudit Empereur. Ces choses faictes, ledict Clouis feit ses offrandes, & de grands dons à saint Martin de Tours. Puis s'en retourna à Paris, & constitua que la feroit le principal siege de son royaume: & à la poursuyte de Clotilde sa femme, pour recongnissance de la victoire qu'il auoit eue, feit faire hors les murs de Paris, à l'honneur de saint Pierre & saint Paul, vne eglise, qui de p̄sent est appelée sainte Geneuiefue, au mont de Paris, qui parauant estoit appelée, le mont saint Pierre: & lors commença la ville de Paris à croistre de ce costé là.

La cinq cēs
& dix.

Clouis feit
gecter force
or & argēt
au peuple.

La fondatiō
de sainte Ge-
neuiefue, au
mont de Pa-
ris.

Comment

Comment Clouis rachepta son cheual qu'il auoit donné à S. Martin.

ENtre autres dons que feit ledi^t Clouis à l'eglise saint Martin de Tours, il y offrit & donna son palfrey, sur quoy il estoit môté en faisant ses victoires, & depuis le voulut r'achepter, & r'auoir, en donnant le pris qu'il luy sembloit qu'il pouoit valoir : & enuoya deuant la chasle du corps dudi^t saint Martin, cent solz d'or de la monnoye lors courât. Puy^s voulut môté dessus, mais pourtât ledi^t cheual ne se voulut mouuoir, & sembloit qu'il eust les piedz atachez en terre : & alors ledi^t Clouis augmenta d'autres cent solz, vne fois, deux fois, trois fois, & iusques à la cinquiesme fois, & alors ledi^t cheual se meut : & ce voyant ledi^t Clouis dist, que saint Martin estoit bon en ayde, mais il estoit cher en pris. *Bonus in adiutorio Martinus, sed charus precio.* Tâtoist apres ledi^t roy Clouis fut si griefuement malade qu'on cuydoit qu'il deust mourir, parquoy il manda saint Seuerin, qui lors estoit abbé de l'abbaye de Chabliz, en Bourgongne : lequel vint deuers luy, & se meit en oraison, & tantost par ses prieres fut le Roy guery, & depuis ledi^t saint Seuerin ne partit plus de Frâce, & v^sa le demourant de ses iours au pays de Gastinois, en vn lieu appelé Chasteaulandon. En l'an v. c. & xj. ledi^t Theodore Roy des Ostrogotz, qui regnoit en Italie, estât courroucé de la mort d'Alaric son gendre, que Clouis auoit tué deuant Poitiers, enuoya vn de ses comtes, nommé Ibba, avec grand nombre de gens en Aquitaine, pour faire guerre aux François, que le roy Clouis y auoit laissez, pour la garde du pays, & en tuerēt bien trēte mil. En ce tēps florissoit en bonnes oeuvres saint Arnoul, lequel auoit esté baptizé par saint Remy : & en preschant la foy de Iesus Christ en vne forest pres Paris, nommée Yueline, fut martirizé, & là enseuely par Stasiberge sa femme : & est de present appelé le lieu saint Arnoul en Yueline.

Saint Seuerin v^sa sa vie au Chasteaulandon en Gastinois. L'an cinq cens & dix-sept. Saint Arnoul.

Du concile que Clouis feit assembler à Orleans, auquel furent ordonnées les elections des benefices.

EN l'an de grace cinq cens & douze, par l'ordonnance & cōmandement du Roy Clouis, fut en la cité d'Orleans assemblé le premier concile, qui fut tenu de l'Eglise Gallicane, auquel auoit trente deux Euesques, & plusieurs autres prelatz en grand nombre : entre lesquelz estoit saint Melone Euesque de Redon, qui estoit grand conseil-
ler dudi^t Clouis. Auquel concile furent statuez & ordonnez plusieurs beaux decretz, & entre autres que les elections & confirmations des dignitez, & autres benefices electifs, seroyēt faitz en ce royaume selon les anciens Canons, *ut narrat Vincentius, in speculo historiali libro xxii.* En ceste année mourut à Paris sainte Geneuiefue, pleine de vertuz & merites, aagée de quatre vingtz ans : & fut enterrée en l'eglise saint Pierre & saint Paul, que Clouis auoit fondée : & depuis, à cause de ladi^{te} sainte, icelle eglise a esté & est appelée sainte Geneuiefue.

L'an cinq cens & douze.

Sainte Geneuiefue mourut à Paris l'an de grace. v. c. xii. & de soⁿ aage iiii. xx. ans.

De la mort du Roy Clouis.

EN l'an de grace cinq cens & treize, ledi^t Clouis, aduertty qu'un mauuais & tyrannique duc de Cambray, nommé Raniere, qui estoit de sa lignée, & vn sien frere, pour la mauuaise tyrannique & luxurieuse vie qu'ilz menoyent, estoient en la hayne de leurs subiectz, esleut guerre contre eulx. Ilz vindrent au deuant de luy, pour le combattre, mais ilz furent tuez & decōfitz par leurs gens mesmes, qui les liurerēt : & s'enfaisina ledi^t Clouis, de leurs terres & thresors. En l'année ensuyuant cinq cēs quatorze print vne maladie audi^t Clouis, de laquelle il trespassa, & fut enterré en ladi^{te} eglise saint Pierre & saint Paul, qu'il auoit fondée au mont pres Paris, à present appelée sainte Geneuiefue.

L'an de grace. v. c. xiii.

L'an cinq cens xiiii.

Des quatre filz de Clouis, qui partirent le Royaume.

Ledi^t Clouis eut de Clotilde sa femme trois filz & deux filles : & semblablement il eut vn autre filz, nommé Theodoric, d'une femme qu'il ayma par amours, auāt qu'il espousast ladi^{te} Clotilde, lequel herita avec ses autres freres, pource qu'il estoit vaillant cheualier, & si auoit fait partie des grands conquestz du temps de feu son pere. Lesquelz filz, apres son trespas, partirent le royaulme, & fut chacun d'eulx appelé Roy en sa portio, ainsi qu'il s'enfuyt. Clotaire eut Vermandois, Picardie, Flāndres, & Normandie, & mit le siege de son royaume à Soissons. Clodomire eut les pays de Bourgogne, Dauphiné, & toute Prouence, iusques à la mer, & meit son

*vn ba-
stard nom-
mé Theo-
doric succe-
da en par-
tie à la cou-
ronne de
France.*

siege à Orleans : & Childebert regna, & eut Paris, Poitou, Touraine, le Maine & Aquitaine. Theodoric, qui estoit bastard, eut Lorraine, & les pays de ça & de la riuere du Rin, iusques à Reims, & mit son siege à Metz. L'une desdictes filles, nommée Clotilde, fut mariée à Almayr Roy des Visigotz : & l'autre nommée Thichilde, vescu en virginité, en l'abbaye de saint Pierre de Sens, qu'elle fonda : & Clotilde leur mere vescu depuis solitairement, & se tint par deuotion au sepulchre de saint Martin de Tours, ou auoit moynes de saint Benoist. Icelle Clotilde fonda premierement vne eglise au lieu ou est de present l'abbaye de Chelles, pres Paris, en l'honneur de nostre Dame : & cōbien q̄ lors, & depuis, ayt eu plusieurs Roys qui ayent regné en Frāce en diuers lieux : toutesfois ne met la Cronique au rang ny au nōbre des Roys de Frāce, que ceulx qui ont regné & tenu leur siege à Paris : & ce qu'est escript des autres n'est que par incidence, ou pour seruir à propos & r'amener à memoire, & donner entendre les faictz & gestes de ceulx qui regnoient à Paris : & par ce est cy cōmencé le regne de Childebert.

*L'an cinq
cēs & seize*

En l'an de grace cinq cens & seize, vne maniere de gens, qu'on appelloit Danois, s'esleuerent, & vindrent par la haulte mer, & enuahyrent du costé d'Allemaigne la terre de Theodoric, Roy de Metz, & la depopulerēt par feu & par glaiue. Parquoy il enuoya vn sien filz, nomme Theodebert, avec grand ost au deuant d'iceulx Danoys, & les chacea & desconfit, & leur osta toutes les richesses & prisonniers qu'ilz auoyent amassez, & tua leur Roy nommé Clotilaic. Puis s'en retourna ledict Theodebert triumpht & victorieux vers ledict Theodoric son pere, à Metz. En l'an de grace cinq cēs dixhuyt ledict Theodoric Roy de Metz, fut appelé en ayde par Ermenfroy, Roy de Thoringe à present nommée Lorraine, qui auoit guerre cōtre son frere Bertaire : & luy promit ledict Ermefroy la moytie de son royaume : lequel Theodoric y alla, & tua ledict Bertaire, & aīsi cōquit la moytie dudit royaume de Thoringe. Iceluy Ermefroy auoit à fēme Mauberge, fille du Roy Thierry d'Italie, & de la soeur du feu Roy Clouis, laquelle estoit moult orgueilleuse, pour son hault lignage : & par son cōseil ledict Roy Ermenfroy feit occire deux freres qu'il auoit, pource qu'elle les hayoit.

De la guerre que les trois filz Clouis feirent au Roy de Bourgongne, à la requeste de leur mere Clotilde.

*L'an cinq
cens &
vingt.*



N l'an de grace cinq cēs & vingt la Roynne Clotilde, veufue du feu Roy Clouis, manda ses autres trois filz, Childebert, Clodomire, & Clotaire, & les pria & admonnesta qu'ilz vengeassent sus les Bourguignons la mort de ses pere & mere, que Gōdebault son oncle auoit fait mourir, & recourassent la terre qui luy deuoit appartenir, combien que ledict Gōdebault son oncle fust ia mort, laissez deux filz, vn nomme Sigismond, & l'autre Gondemar, qui tenoyent ledict royaume de Bourgongne, qui luy deuoit appartenir. Les trois Roys, à la requeste de leur mere, assemblerēt leur ost, en Bourgongne entrerent, & se combatirent contre Sigismond l'un desdictz filz de Gōdebault, ou les François eurent victoire, & ledict Sigismond s'enfuyt, pour soy cuider sauuer en l'abbaye de Chabliz, qu'il auoit fondée & fait edifier. Clodomire, Roy d'Orleans, le suyuit & le print, luy, sa femme & enfans, & les mena à Orleans prisonniers. Saint Auit, qui lors estoit abbé d'une abbaye pres Orleans, feit plusieurs fois requeste audit Clodomire qu'il leur voulsist sauuer la vie, mais il n'en voulut rien faire, & les feit tous getter & aggrauanter dedans vn puy.

*Saint Auit
d'Orleans.*

De la mort de Clodomire Roy d'Orleans, qui fut tué en champ de bataille.

*L'an cinq
cens vingt
& un.*



N l'année ensuyuant, qui fut l'an de grace cinq cens. xxj. ledict Roy Clodomire, à la requeste de sa mere, retourna de rechef avec sa grand' armée en Bourgongne pour gaster la terre. Le Roy Gondemar de Bourgongne, frere de feu Sigismōd, qui auoit esté tué l'année precedente, vint au deuant de luy à grand ost, iusques & aupres de Vienne en Dauphine, & la se cōbatirēt moult cruellement en vn lieu appelé Murofance, ou Viserote. Mais les Bourguignōs ne peurēt endurer l'impetuosité des Frāçois, & se meirēt en fuyte. Ledit Clodomire, Roy d'Orleans, voyant que ses ennemys s'en fuyoyent, comme hōme de hault & fier courage, se meit en la chace apres eulx, tāt que le dextrier le peut porter, frappant à dextre & à senestre, & abbatant ce qu'il rencontroit : mais il fut plus vaillant que sage. Car il cheuaucha si indiscrettement sans prendre garde à ses gens, qu'il passa tous ceulx de sa cōpagnie : & ce voyant les Bourguignōs ses ennemys, au meillieu desquelz il se trouua seul, & qu'il ny auoit nul de ceulx de sa compagnie avec, ne pres de luy, se retournerent, & le recommencerēt à assaillir, en gettāt dardz sur luy, qui se deffendit vaillamment, & moult en tua, mais à lafin il fut tué. Quand ses gēs sceurēt qu'il fut mort ilz furēt moult troublez, mais ce neant-

*Le Roy
Clodomire
par son im-
prudence
fut tué de
ses enne-
mys en
champ de
bataille.*

moins

moins ne laisserent pas à pourfuyure leurs ennemys, & tellement qu'ilz les tuerent, & descōfirent presque tous. Puis s'en retournerent en France: & en leur retournant, coururent toute la terre de Bourgogne, & tuerent hommes, femmes, & petis enfans, de quelque aage ou sexe qu'ilz fussent, & bruslerēt villes, citez, & chasteaux. Iceluy feu Clodomire laissa de la Royne Goldeacque sa femme trois enfans, l'un nommé Theodoal, l'autre Gontrā, & le tiers Cloud. Ladiēte Royne Clotilde veufue de Clouis, qui estoit leur ayeulle, print la garde desdictz trois filz, & les fait nourrir moult souefuemēt: & le Roy Clotaire de Soissons s'enfaisina dudiēt royaume d'Orleans, & print à femme ladiēte Goldeacque leur mere, qui femme auoit esté de son frere.

*Les François
tuerent en
Bourgogne
hommes, fem-
mes, & en-
fans.*

*De la guerre que Clotaire & Theodoric firent en Bourgogne: & de Chil-
debert, qui apporta d'Espagne la coste saint Vincent.*



Vād le Roy Clodomire fut ainsi tué, ses deux freres, Clotaire & Childebert, assem-
blerent de rechef leur oist en Bourgogne, & y entrerent, & chacerent lediēt Roy
Gondemar, & prirent sa femme prisonniere. La terre destruisirent, & meirent
à leur subgection. Lediēt Gondemar auoit vn serourge de par sa femme, nommé
Amaury, qui estot filz de feu Alaric, Roy de Vvisigots, que le Roy Clouis auoit
tué deuant Poitiers, lequel Amaury s'en estoit allé en Espagne apres la mort de son pere,
comme a esté dict cy deuant, & tenoit encore vne partie du regne de son pere, es parties de Lā-
guedoc, & ne f'estoit point les années precedentes voulu entremettre de la guerre de ses freres,
contre les François. Celuy Amaury en l'an cinq cens.xxiiij.enuoya ses messagers & am-
bassadeurs, pour faire alliāce audiētz Childebert & Clotaire, Roys de France, & leur demā-
da Clotilde, vne de leurs sœurs, en mariage, qu'ilz luy octroyerēt. Mais quād il l'eut espousée,
il luy mena moult layde vie, & luy faisoit plusieurs rudesses: & souuentefois la battoit, tel-
lement qu'elle vomissoit le sang: & quand elle alloit à l'eglise, & qu'elle estoit en oraison, il
luy faisoit getter sur elle plusieurs ordures & infections: par ce qu'elle estoit bonne chrestienne,
& il estoit corrompu de l'heresie Arrienne.

*L'an cinq
cens xxiii.*

En l'an cinq cens.xxiiij. Theodoric, Roy de Metz, enuoya sommer Ermenfroy, Roy de
Thoringe, qu'il luy baillast & deliurast la moytiē dudiēt royaume de Thoringe, ou Lorraine,
qu'il luy auoit promis, comme dict a esté dessus: & pour ce qu'il delayoit de ce faire, luy & le-
diēt Clotaire, Roy de Soissons, son frere, luy firent guerre, & le desconfirent luy & ses gens,
& meirent toute sa terre à leur subgection. Tant mourut de Thoringiens sur le riuage d'une
riuiere, qu'on passoit par dessus les corps mors, comme sur vn pont: toutesfois iceluy Ermen-
froy eschapa de la bataille, & se retrahit en vn fort chastel, ou lediēt Theodoric luy manda
qu'il vint parler à luy à seureté, en vne ville, qui estoit pres dudiēt chastel: lequel Ermenfroy
y alla, & vn iour iceluy Theodoric, faignāt de le vouloir entretenir par belles parolles, le me-
na sur les murs de ladiēte ville, qui estoient haults & larges, & se pourmenoyent ensemble
l'un aupres de l'autre: & subitement lediēt Theodoric bouta lediēt Ermenfroy, tellemēt qu'il
le fait cheoir du hault des murs a bas, & se rompit & froissa le corps, & mourut. Et apres ce le-
diēt Theodoric fait estrangler ses enfans, & s'enfaisina de tout lediēt Royaume de Thoringe.
Et entre autre proye que lediēt Clotaire emmena de ladiēte guerre de Thoringe, diēte Lorrain-
ne, il emmena vne ieune fille, nommée Radegonde, qui fille auoit esté du feu Roy Bertaire,
frere dudiēt Ermenfroy, laquelle il espousa & print à femme, comme dict sera cy apres.

*L'an cinq
cens xxiiii.*

*Theodoric
fait mourir
Ermenfroy,
Roy de Lor-
raine.*

*Sainte Ra-
degonde.*

*L'an cinq
cens xing
& cinq.*

En l'année cinq cens xxv. Childebert, le Roy de Paris, se delibera d'aller faire guerre aux
Sarrazins en Espagne. Il se mit en voye, & alla en la cité de Cleremont en Auvergne, pour
assembler son oist. Luy estāt en ladiēte cité, Clotilde sa sœur, qui fēme estoit d'Amaury, Roy
des Vvisigotz, luy fait a sçauoir qu'a l'occasiō de ce qu'elle estoit Chrestienne, lediēt Amaury,
son mary, luy tenoit moult rudes termes, & luy faisoit de tant grandes rudesses, qu'elle ne po-
uoit plus endurer, luy suppliant qu'il la voulsist deliuer de la peine ou elle estoit, & venger sa
honte: parquoy lediēt Childebert fut moult courroucé, & quand son armée fut assemblée au
pays d'Auvergne, il se mit en chemin, & entra en la terre dudiēt Amaury, son serourge: leq-
l quād il sceut sa venue, alla contre luy, & se combattirent cruellement: mais a la fin lediēt Chil-
debert eut victoire contre lediēt Amaury, lequel pour soy cuyder garantir, en s'en fuyant, se
voulut mettre dedans vne eglise, mais en y voulant entrer vn François luy bailla d'une lance
au trauers du corps, & le tua. Apres ladiēte bataille iceluy Childebert passa oultre, & s'en alla
en Espagne, ou il prit la cité de Tholote, & plusieurs autres citez, & passa tout le pays, & ap-
porta de ladiēte conqueste, entre les autres choses singulieres, vne des costes saint Vincent
martyr, q̄ ceulx de Sarraçoce luy donnerent, a fin qu'il leuast son siege qu'il auoit mis deuant

*Childebert
apporta du
pays d'Espai-
gne une des
costes s. Vin-
cent.*

LES CRONIQVES ET ANNALES DE FRANCE.

ladiſte cité, & pluſieurs autres beaux reliquaires, calices d'or, liures d'eglise, chafſes de corps ſainctz, moult aornez d'or, d'argent, & de pierres precieufes. Toutes leſquelles choſes il donna, & feit departir aux eglises de France, ſans rien en retenir, & principalement à l'eglise ſainct Pierre, diſte à preſent ſaincte Geneuiefue à Paris.

*Comment Theodoric, Roy de Metz, print la cité de Clermont ſur Childebert,
Roy de Paris, ſon frere, ce pendant qu'il eſtoit allé faire guerre en Eſpaigne,
dont apres ſon retour ſe meut grand guerre entre eulx.*

L'an cinq
cens uingt
& ſept.



N l'an cinq cens. xxvij. pendant que lediſt Childebert eſtoit occupé à faire guerre en Eſpaigne, ſon frere Theodoric, Roy de Metz, reprit ſur luy la cité de Clermont, & pluſieurs autres qui eſtoyent des limites du royaume, leſquelles auoyent eſté baillees par trahyſon, audiſt Childebert, d'un nommé Archades, Senateur d'icelle ville, pendant que Theodoric faiſoit la guerre en Thoringe: & diſoit iceluy Theodoric, qu'elles luy deuoyent appartenir, & qu'il les auoit premierement eſquifes ſur les Gotz, des le uiuant du Roy Clouis leur pere. De ladiſte prinſe fut lediſt Childebert fort indigné contre ſon frere. Si ſ'en partit d'Eſpaigne, & ſe mit à chemin pour retourner: & en ſ'en retournant print & ſe ſaiſit des terres & theſors de feu Amaulry, Roy des Gotz, ſon ſerourge, qu'il auoit tué & deſcōſit, & voulut amener Clotilde ſa ſœur, veufue dudiſt Amaulry, mais elle mourut en chemin: dōt ſe fit apporter le corps d'elle, & le ſe fit enterrer en l'eglise ſaincte Geneuiefue, à Paris, pres ſon pere. Pendant qu'il eſtoit là, comme nous auons dit, eſtant la ville reprise, & Theodoric empesché aux autres villes prochaines, vn nommé Munderic ou Merich, qui ſe diſoit leur parent, ſeſleua contre luy: mais en fin fut contraint ſ'en fuyr, & ſe retira en vn fort chaſtel, nommé Vitry, ou lediſt Theodoric le ſe fit aſſieger. Mais quād il veit qu'il ne le pourroit auoir de long temps, il le ſe fit mander à ſeureté malicieuſement par vn de ſes cheualiers, nommé Argeſille, lequel ſe fit tant par belles parolles qu'il yſſit hors du chaſtel: & quand il fut hors lediſt Argeſille du commandement dudiſt Theodoric ſon ſeigneur, ſe fit ſigne à ſes gens qu'ilz le tuaſſent: & ce voyant lediſt Merich tira l'eſpée, en diſant audiſt Argeſille, Trahiſtre tu m'as ta foy faulſſée: mais iamais ne la faulſeras à autre. Si le ſe fier de ſadiſte eſpée, & le tua: & apres ce, luy & ceulx qui eſtoyent ſailliz dudiſt chaſtel, avecques luy, tuerent moult de gens du diſt Argeſille: mais en la fin ilz furent tous tuez, & lediſt Archades, qui eſtoit vn des traditeurs de Clermont, eſchapa & ſ'en vint en la cité de Bourges: qui eſtoit au Roy Childebert, & furent ſa femme & ſes filles ſaictes priſonnieres en la cité de Cahors, & enuoyées en exil. Et tantost apres leſdiſtz deux freres, Roys ſ'appointerent, & ſ'en alla lediſt Theodoric en Lorraine, & pour ſeureté dudiſt appointement furent baillez, d'une part & d'autre, les enfans d'aucuns grands ſeigneurs en oſtage.

Clotilde ſe
me de A-
maulry.

Trahyſo cō
miſe par
Childebert
en la per-
ſonne de
Merich.

*Comment Theodoric voulut par trahyſon faire mourir ſon frere
Clotaire, Roy de Soiffons.*

L'an cinq
cens. xxxij.



N l'an cinq censvingt & neuf, lediſt Theodoric, Roy de Metz, qui ſ'en eſtoit allé en Lorraine, qu'il auoit nouuellement conquiſe, comme diſt a eſté: combien qu'ilz euſſent luy & ſon frere Clotaire fait paix & appointement enſemble, ſur leurs differēs, neantmoins *ſuaſionibus quorundam hominum neſcandorum, qui aſſiduis gaudent mutationibus rerum,* hayoit mortellemēt ſondiſt frere Clotaire le Roy de Soiffons, & cherchoit tous les moyens qu'il pouoit de le faire mourir. Vn iour aduint qu'il luy manda qu'il vint parler à luy: mais auant qu'il fuſt venu, il auoit fait tendre vne courtine en la ſalle ou il eſtoit, & derriere icelle courtine ſe fit cacher grand nombre de cheualiers armez, auſquelz il auoit commandé que ſi toſt que lediſt Clotaire ſon frere ſeroit entré, qu'ilz le tuaſſent. Si vint lediſt Clotaire, qui ne ſe doubtoit de ſa machination, deuers lediſt Theodoric: & quād il entra en la chambre, par deſſoubz la courtine, il veit les piedz des cheualiers armez: ſi eut doubte & ſe recula, & ſ'en retourna en ſon logis, & ſe fit armer vn nombre de ſes gens, & leur commāda qu'ilz allaſſent deuant luy pour plus ſeurement parler à ſon frere. Quand lediſt Theodoric veit qu'il eſtoit deſcouuert, & que ſon frere auoit apperceu ſon barat, il luy ſe fit beau ſemblant, & le mercia du ſecours & ayde qu'il luy auoit fait à la conquēſte dudiſt pays de Thoringe, cōtre lediſt Ermenfroy: & en ſigne d'amytié luy donna vn beau plat d'argent.

De la trahy
ſon de Theo-
doric envers
ſon frere.

Commenc

Comment les deux Roys, Childebert & Clotaire, tuerent deux de leurs nepueux, enfans de leur feu frere, le Roy Clodomires, Roy d'Orleans: & comment le tiers desdictz enfans, qui fut saint Cloud, s'eschapa de leur presence, & se fit moine.

EN l'an de grace cinq cens. xxxj. la bone dame Clotilde, veufue dudiect Roy Clouis, mere desdictz Roys demouroit lors à Paris, & nourrissoit tendrement & en grand amour ses petis filz Theodoald, Gontran, & Cloud, lesquelz estoient enfans de feu Clodomires son filz, Roy d'Orleans, qui auoit esté tué en Bourgogne à la chace de ses ennemis. Lediect Childebert, Roy de Paris, qui estoit homme moult cruel, lequel auoit plus son entendement & affection aux choses terrienes, qu'aux celestielles, eut enuie de l'amour que ladiect Clotilde, sa mere, portoit aux enfans de son diect feu frere Clodomires, Roy d'Orleans, & auoit grand doute, que ladiect mere les voulist faire regner en France. Si manda Clotaire, Roy de Soissons son frere, venir à luy: & quand il fut venu ilz machinerent ensemble comment ilz pourroyent faire mourir lesdictz trois enfans, leurs nepueux. Si manderent à ladiect Clotilde qu'elle leur enuoyast lesdictz enfans: & disoient qu'ilz les vouloyent veoir, & leur bailler la portio du royaume qui leur deuoit appartenir. Soubz ceste couleur ladiect Clotilde, qui de ceste nouuelle fut bien ioyeuse, les leur enuoya: & quand ilz furent venuz deuers eulx, ilz enuoyerent par un messager vnes forces & vne espée à ladiect Clotilde, & luy feirent demander lequel elle vouloit mieulx ou que lesdictz enfans fussent touduz desdictes forces, & mis en religion, ou qu'ilz fussent tuez de ladiect espée. Ladiect Clotilde, qui moult tendrement aymoit lesdictz enfans, fut merueilleusement troublée de ceste nouuelle, & disoit. He Dieu se mes petis enfans ne regnent au royaume qui leur doit appartenir, j'ay bien perdu mon temps & ma peine, de les auoir nourris, & esleuez iusques à present: & il me semble que leur meilleur seroit mourir, que d'estre touduz. Et ce disoit elle, cuydant que lesdictz Childebert & Clotaire, ses enfans, & oncles desdictz ieunes enfans, n'eussent point la cruauté en eulx de les vouloir faire mourir. Le messager retourna & rapporta que ladiect Clotilde disoit & auoit fait response, qu'elle auoit plus cher que lesdictz enfans fussent mors, qu'ilz fussent touduz, ne faictz moynes en abbaye: & ce la ouy, lediect Clotaire, en la presence de plusieurs, prend vne espée, & tue le plus grand desdictz enfans. De la grande cruauté & en humanité de Clotaire contre ses nepueux. Quoy voyant le second, & qu'iceluy Clotaire, son oncle, auoit tué son frere aîné, il se retira deuers lediect Childebert son oncle, & se getta à ses piedz en pleurant & cryant: Mon oncle & mon pere, mon amy, sauuez moy la vie. Lequel Childebert, meu de pitié, supplia audit Clotaire qu'il amollist son courage, & que pour l'amour de luy il respitast la vie dudiect enfant leur nepueu. Et en ce disant il le tenoit embrassé, & lediect enfant luy auoit aussi embrassé les iambes, tellement qu'il ne les pouoit lascher: mais iceluy Clotaire, meu de felon & cruel courage, dist audit Childebert: Toymesmes as conspiré & consenty leur mort, comme moy, & maintenant tu fains de n'en estre pas content: Laisse l'aller & le reculle de toy, ou soyes certain que ie te tueray toy mesmes. Et ce voyant lediect Childebert, craignant la chaleur & fureur de son diect frere, reculla de luy lediect enfant, lequel lediect Clotaire tua incontinent de ladiect espée, comme il auoit fait le premier. Le tiers desdictz enfans, qui estoit le plus ieune, & auoit nom Cloud, par le moyen d'aucuns qui la estoient presens, lesquelz luy feirent passage entre eulx, pendant la question du second frere, s'en fuyt, & euada de la presence dudiect Clotaire: & aucuns temps apres luy mesmes se tondit, & rendit religieux, & vescu tres saintement, tellement qu'apres sa mort il fut canonisé, & fut son corps enterré en vne ville sur la riuere de Seyne, appelée Nogent, à deux lieues pres Paris: laquelle à cause de luy est à present appelée saint Cloud. saint Cloud pres Paris souloit estre nomme Nogent. Quand les deux enfans furent mors, ce ne suffist pas audit Clotaire, car il tua leurs nourrices & seruiteurs, qui la estoient presens. Et ce faict, il monta à cheual, & s'en alla hors Paris. Ladiect Clotilde, leur mere, quand elle sceut le cas ainsi aduenue, fut moult troublée de telle cruauté & felonnie, commise par ses propres enfans à ses petis enfans leurs nepueux: si fait recueillir leurs corps, & les fait enterrer en l'eglise sainte Geneuieue, à Paris, aupres du feu Roy Clouis, leur grand pere: & apres ce, retourna à Tours, pour visiter le corps saint Martin.

En l'an de grace cinq cens. xxxiiij. aduint que lediect Clotaire, Roy de Soissons, auoit en sa maison un cheualier du pays de Neustrie, à present appelé Normandie, du pays de Caulex, nommé Gaultier d'Iuetot, lequel estoit son chabellan: vaillant & hardy en armes, L'an cinq cents trente trois. & maximé contra aduersarios christianitatis, & l'aymoit moult le Roy pour sa preud'homme: toutesfoies aucuns par enuie, qui tousiours regne en la court des princes, & par faulx rapportz, le meirerent en l'indignation dudiect Clotaire, tellement qu'il iura sa mort: parquoy lediect Gaultier, congnoissant la fureur dudiect Clotaire, pour sa seureté fut contraint soy absenter, & s'enfuyt, & s'enalla par mer

hors le royaume, ou il fut l'espace de dix ans ou enuiron: pendant lequel temps il feit moult grand' guerre aux Sarrazins, par mer & par terre, & sur eulx eut plusieurs victoires *in incrementum & honorem christiana fidei*. Apres il s'en alla à Romme, ou le Pape le receut ioyeusement, & à grād' honneur, pour la bōne renommée qu'il auoit ouye de luy: & pource que ledict Gaultier desiroit moult naturellement s'en retourner au pays de sa nation, a sa requeste le pape escriuit au Roy lettres en sa faueur, qu'attendu qu'il auoit esté exilé par faulx rapportz, & cōsideré la fidelité & preud'hōmie qui estoit en sa personne, & les seruices qu'il auoit faitz en la Chrestienté, qu'il le voulsist r'appeler en sa grace, & le vouloir souffrir demourer en son royaume. Ledit Gaultier apporta lesdictes lettres, & s'en vint vers ledict Roy Clotaire, q' estoit à Soissons, ou il arriua le iour du vendredy Sainct: & ainsi que le Roy estoit en sa chapelle, oyant le seruice, voulant adorer la croix, *sicut moris est illo die apud fideles*, iceluy Gaultier entra en ladiete chapelle, & presenta au Roy les lettres du Pape. Le Roy de prime face ne congnut point iceluy Gaultier, *propter moram quam fecerat*, si print, & leut les lettres: & apres ce qu'il les eut leues, *absque deliberatione, quasi furibundus accepit gladium cuiusdam militis assistentis*, & frappa ledict Gaultier à mort. Et ce venu à la congnoissance dudit Pape & des Cardinaux, *indigne tulerunt duram tanti militis necem in die sancta veneris factam*: & escripirent au Roy, qu'il amendaist le forfait enuers Dieu, l'Eglise, & les hoirs dudit Gaultier, *alias poneretur interdictum in regno suo*: parquoy ledict Roy Clotaire, par la deliberation de son conseil, statua & ordonna, que deslors en auant les feigneurs d'Iuetot, & leurs hoirs, seroyēt quictes *de homagio, seruitio, & seruitute ratione terra totalis* d'Iuetot, *regi debitis: maxime cum ius ciuile & commune habeant, & concordent ad hoc*. Et de ce furent par ledict Roy Clotaire faictes & sellées lettres liberantes d'iceluy d'Iuetot, *succesorésque suos*.

Pourquoy fut
erige le roy-
aume d'Iue-
tot.

*Comment Theodebert, le filz Theodoric, espousa la fille au Roy de Lombardie,
puis fait guerre aux Gotz: & de la mort dudit Theodoric.*



Theodebert, filz de Theodoric, Roy de Metz, par l'ordonnance de son pere espousa la Vvisgarde, la fille de Vvaton, Roy des Lombars: & pource que les Gotz des le temps du feu Roy Clouis auoyent perdu plusieurs terres qu'ilz tenoyent en France, & depuis estoient venuz plusieurs voyages pour les cuyder recouurer, & en auoyent aucunes cōquises sur ledict Theodoric, Roy de Metz, iceluy Theodoric enuoya contre eulx ledict Theodebert son filz, avec grand ost, lequel alla iusques à Besiers. Quand il fut la, il manda aux bourgeois d'un chasteil, appelé Caprarie, qu'ilz luy rendissent le chasteil. Lors vne dame nommée Deuthere, qui estoit du lignage de Romme, & estoit dame de Besiers, laquelle s'estoit retraiète dedās ledict chasteil avec son mary, luy manda qu'il allast seurement audict chasteil, & qu'il seroit receu en paix. Quand il approcha dudit chasteil, elle sortit au deuant hors de la place: mais si tost qu'il la veit, pour la grand' beaulté qui estoit en elle, il fut espris de son amour: si l'emmena, & aucun temps apres l'espousa, & print à femme, & habandonna ladiete Vvisgarde, fille dudit Vvaton, Roy des Lombars, qu'il auoit premiere ment espousée. Ceste Deuthere auoit vne moult belle ieune fille de son premier mary, qu'elle emmena avec elle. Pendant que ledict Theodebert estoit en guerre, ledict Theodoric, Roy de Metz, son pere, feit tuer Siginault son parent, qu'il auoit pieça laissé à la garde du pays d'Auuergne, & manda audict Theodebert son filz, qu'il feist mourir Ginault, filz dudit Siginault, qui avec luy estoit allé en la guerre: mais Theodebert n'en feit riens, par ce que ledict filz estoit son filleul, & il en eut pitié, & luy dist qu'il se uadaist iusques apres la mort de son pere, qui entreueint tantost apres: c'est à sçauoir l'an cinq cens xxxvij. & apres luy regna à Metz ledict Theodebert, qui fut en son temps sage, attempé, debōnaire, & grand iusticier. Lesdictz Childebert Roy de Paris, & Clotaire Roy de Soissons, oncles dudit Theodebert, luy voulurent tollir son royaume de Metz: mais par discretion il les supplia, en soy humiliant vers eulx, & par belles parolles amollit leur felon courage, en telle maniere qu'ilz le laisserent paisible en son royaume. En ce temps aduint le miracle de Theophile. En l'an de grace cinq cens trente & huyet trespassa le glorieux amy de Dieu mōseigneur sainct Benoist: & fut son corps ensepuely en l'abbaye du mont de Cassin, en Lombardie, la veille de Pasques, douzieme Calende d'Auril.

Theodebert
repudia sa fe-
me, & espou-
sa Deuthere,
dame de Be-
siers, qui es-
toit mariée.

L'an cinq cēs
trente & sept

L'an cinq cēs
trente &
huyet mou-
rut sainct Be-
noist.

*Comme la Roynne Deuthere fait noyer sa fille à un char à beufz, par-
quoy le Roy la repudia.*



En l'an de grace cinq cens xxxviij. Childebert Roy de Paris, qui tousiours mal pēsoit, veit bien qu'il ne pourroit venir a bout, nēmal faire à Theodebert, Roy de Metz, son nepueu, lequel estoit sage, & moult aymé de ses subgectz: si meit peine, par faulx sem- blant,

L'an cinq cēs
trente &
huyet.

blant, de l'entretenir en amour, & le manda venir vers luy, & luy feit de grands dons & presents. Iceluy Theodebert, Roy de Metz, estant à Paris avec son oncle, manda à Deuthere, sa derniere femme espousée, qu'il estoit à Verdun, & qu'elle vît vers luy: laquelle voyant la grād' beauté qui estoit en sa fille, qu'elle auoit eue de son premier mary, eut crainte que lediēt Theodebert, son mary, ne la couuoitast: si la feit mettre en vn chariot, ou auoit deux beufz, qui iamais n'auoyent esté domptez, n'acoustumez au labeur, lesquelz du hault du pont de la ville de Verdun la feirent tomber dedans le fleue de Meuze, & fut noyée. Quād lediēt Roy Theodebert, son mary, qui estoit sage & de bōnes meurs, sceut les nouuelles de ceste cruauté, abandonna ladiēt Deuthere, & ne la voulut depuis veoir, & reprint ladiēt Visegarde sa femme, fille dudiēt Vvatō, Roy de Lombardie. En ceste année apparurent en Frāce, en diuers lieux, plusieurs signes & prodiges: car le iour de Pasques apparut vne estoille cheuelue, & sembloit que le ciel ardist, & plut vne vndée de sang. En ce temps florissoyēt en France saint Medard & saint Gildard freres, lesquelz nasquirent tous deux en vn mesme iour, & à vn mesme iour furent sacrez: c'est à sçauoir saint Medard, Euesque de Noyon, & saint Gildard, Archeuesque de Rouen. Et quand ilz eurent longuement vescu ilz trespasserent en vn mesme iour, & feit le Roy Clotaire honnorablemēt enterrer lediēt saint Medard à Soissons, & en l'hōneur de luy feit edifier vne moult belle abbaye de grand' edifice, nommée saint Marc, & la doua & enrichist de grands dons, ioyaulx, thresors & rentes.

Deuthere femme de Theodebert feit cruellement noyer sa fille.

Saint Medard & saint Gildard freres.

De l'apoinctement des Roys de France par vn miracle diuin.

EN l'an de grace. v. c. xli. Childebert, Roy de Paris, cōmanda audiēt Theodebert, Roy de Metz, son nepueu, qu'il meist sus son ost, pour luy ayder cōtre Clotaire, son frere, auquel il auoit discord pour les limites de leur royaume, & le feit lediēt Theodebert, cōme par force. Et voyāt lediēt Clotaire qu'il n'estoit pas puissant pour leur resister, recōmanda son fait à Dieu & à nostre dame, & s'en alla à Orleās, & assembla tāt de gēs qu'il peut, & furent les deux ostz prestz à eulx mesler & combattre: & la bonne dame Clotilde leur mere, qui encores viuoit, en fut aduertie, & estoit desplaisante du discord de ses enfās, & estoit cōtinuellemēt en prieres & oraisons. Elle alla en pelerinaige en l'eglise saint Martin de Tours deuant son sepulchre, & par ses prieres aduint qu'au iour & lieu ou ilz estoient assemblez, & deuoient combattre, s'esleua subitement sur l'ost desdiēt Childebert & Theodebert vn si grād orage de temps, de fouldre, tempeste, ventz, pluye & gresles, qui tomberent du ciel, qu'ilz cuydoient tous mourir & fondre en abisme, & furent leurs tentes & leurs pauillons arrachez, & emportez loing: qui leur feit telle frayeur, qu'ilz retournerēt leurs cœurs à Dieu, & pēserent q ce leur estoit adueni miraculeusement, & par punition de Dieu, *eo quod contra fratrem sanguineum talia agere voluissent.* Mais sus lost & les gens dudiēt Clotaire ne cheūt vne seule goutte d'eau, ny ne fut ouy ne vent, ne fouldre, ne tonnoirre: Si requirēt lesdiēt Childebert, & Theodebert auoir paix avec lediēt Clotaire: laquelle par le moyen de ladiēt Clotilde leur mere, ilz feirent & appoincterent sans combattre, & s'en retournerent chacun en son pays. Il aduint lors à saint Germain de Paris vne aduision qui luy sembloit qu'un vieil homme luy tendist les clefz de la cité de Paris, & assez tost apres il fut esleu Euesque de Paris.

L'an cinq cēs quarante.

Miracle qui aduint par le moyē de saint Martin de Tours.

Saint Germain, euesque de Paris.

Du voyage des Roys de France en Espagne: & de la fondation de l'abbaye saint Vincent, diēte à present saint Germain des prez, lez Paris.

EN cinq cens xliij. apres l'apoinctement fait desdiēt deux Roys, freres, Childebert & Clotaire, d'un commun accord assemblerent leurs ostz, & allerent en Espagne contre les Sarrazins: ou ilz conquerēt, ardirent, & brullerent maintes villes & grands pays sur lesdiēt Sarrazins, & meirēt le siege deuant la cité de Cesar Auguste (laquelle fut ainsi nommée, par ce que Cesar la feit edifier, quand il conquirit les Espaignes, mais de present par corruptelle de langage est appelée Saragoce) & en apporta lediēt Childebert l'estolle & la tunique de saint Vincent martyr, que les habitās de ladiēt ville luy donnerent, affin qu'il feist leuer lediēt siege: duquel saint Vincēt il auoit parauant en vn autre voyage apporté la coste. Et quand il fut retourné à Paris, par le conseil saint Germain, qui fut Euesque de Paris, il fonda en l'hōneur dudiēt S. Vincent l'abbaye des prez, hors les murs de Paris, laquelle est de present appelée saint Germain des prez, à cause dudiēt saint Germain qui y fut enterré: & y donna lesdiēt coste, estolle & tunique saint Vincent, avec plusieurs beaux reliquaires, calices d'or, textes d'euangiles, liures, & autres choses qu'il apporta desdiēt pays d'Espagne, & aussi plusieurs rentes, reuenus, & dōmaines qu'ilz

L'an. v. c. xliij.

Childebert Roy de Paris.

possèdent encores de present. Iceluy Childebert fonda semblablement l'eglise & abbaye de mont saint Michel, qui est *in periculo maris*, & aussi l'eglise saint Germain de Lauxerroys à Paris, & plusieurs autres.

L'abbaye du mont saint Michel fondée par Childebert

Comment Theodebert, Roy de Metz, conquesta partie d'Italie, & peu apres alla de vie à trespas.



E pendant que lesdictz deux Roys estoient en Espagne, ledict Theodebert, leur nepueu, Roy de Metz, avec grand nombre de gens d'armes alla en Italie, pendant que les Ostrogots la deffendoient contre l'Empereur Iustinian: ou il en conquesta grande partie, & feit à luy tributaire, depuis les montz des Alpes, autremēt dictz de Montieu, iusques à la mer. Et pource que plusieurs de ses gens furent malades de fieures, il s'en retourna & laissa vn duc nommé Bucelin, son lieutenant, & grand nombre de ses gens, qui passerent & conquerirent Sicile & autres terres: & enuoya ledict Bucelin l'année ensuyuant les tribuz desdictz pays, & grands richesses qu'il y auoit cōquises. Et celle meisme année mourut saint Remy Archeuesque de Reims. En ce temps saint Mor, disciple de saint Benoist, qui lors viuoit en France, & florissoit en bonnes oeures, en vne terre qui est en Aniou, lors appelée en latin *Gannasolum*, que luy donna le Roy Theodebert, fonda vne moult belle abbaye, qui est appelée saint Mor des fossiez, à laquelle le Roy donna de grands rentes & domaines, & y alloit souuent visiter ledict saint Mor.

Fondation de l'abbaye de s. Mor des fossiez L'an v. c. x. v.

En l'an cinq cens. xlv. aduint audiect Roy Theodebert, qui lors estoit en la ville, ou village de Celles sur Seyne, pres du lieu ou la riuier d'lonne chet en Seyne, vne griefue maladie: parquoy il manda saint Germain, lors Euesque de Paris, qu'il allast deuers luy: & combien que le Roy fust si griefuement malade qu'il fust abandonné des medecins, & hors d'esperance de guerison, toutesfois ledict saint Germain fut toute la nuyt en oraison: & le lendemain par l'attouchement de ses mains, sur ledict Roy, il receut guerison: & pour recognoissance de ce, ledict Roy donna à l'eglise de Paris ladiete ville & seigneurie de Celles & ses appendâces. Apres ce q le Roy fut guery, ledict saint Germain print cōgé de luy, & luy dist qu'il trespasse roit, en l'admonestant qu'il pourueust au salut de son ame: & tantost apres, c'est asçauoir l'an cinq cens. xlix. alla iceluy Theodebert de vie à trespasement, & luy succeda vn sien filz nommé Thibault, qui fut moult debonnaire & bon catholique. Iceluy Theodebert à la requeste de saint Ligier, euesque de Verdun, quitta à ceulx de ladiete cité de Verdū huyt mille frācz d'or, qu'ilz luy deuoyent chascū an, de rēte, ou tribut. Lors fut lapidé de pierres en la cité de Treues, vn nommé Porcheres, qui auoit esté gouuerneur dudiect Theodebert, pource qu'il auoit fait moult greuer le peuple d'exactions, empruntz & tailles. Semblablement mourut lors la bonne & vaillante Royne Clotilde, qui femme auoit esté du feu Roy Clouis, & estoit mere desdictz Roys regnans en France, & trespassa en la ville de Tours. Ses enfans, Childebert & Clotaire, feirent reueremment apporter le corps d'elle à Paris, & enterrer en ladiete eglise saint Pierre, à present dicte sainte Geneuiefue, pres son feu mary Clouis,

L'an cinq cens quarante neuf.

Porcheres gouuerneur du Roy Theodebert

De Thibault, Roy de Metz, filz de feu Theodebert: & comme luy, & Childebert, Roy de Paris, son oncle, moururent sans hoirs.

L'an cinq cēs cinquante six.

A Clotaire Roy de Soissons reuint la totalité du royaume de France.



Antost apres q ledict Thibault, filz dudiect feu Theodebert Roy de Metz, fut venu au regne de son pere, il espousa Vualderarde, fille du Roy Vvaton de Lombardie, laquelle estoit sœur de Guysegarde sa marastre. Sō royaume gouerna sagement par huyt ans, puis de ce siecle trespassa l'an cinq cens. lvj. A son oncle Clotaire, Roy de Soissons, laissa ses thresors & son royaume, par ce qu'il n'auoit nulz enfāz. Et semblablement mourut ledict Childebert, Roy de Paris, sans enfāz: & fut son corps enterré en l'eglise saint Germain des prez, qu'il auoit fondée en l'honneur de saint Vincent. Et par ainsi toutes les portions du royaume de Frāce, qui apres le trespas de Clouis auoit esté party & diuisé en quatre royaumes, reuindrent audiect Clotaire, lequel au commencement n'estoit Roy que de Soissons.

D'un enfāt Iuif, qui receut le saint sacrement, de l'autel avec les autres chrestiens, & du miracle qui en aduint.

En ce temps demouroient & conuersoyent au royaume de France plusieurs Iuifz, avec les Chrestiens: & aduint en la cité de Bourges, qu'vn ieune enfant, filz d'un Iuif, le iour de pasques entra en vne eglise de nostre Dame, avec les autres enfans des Chrestiens, de son aage, & avec eulx vīt à la table du Sacremēt de l'autel, & le prebstre qui cuydoit qu'il fust Chrestien luy bailla l'hostie sacrée. Son pere le Iuif sceut qu'il l'auoit prinse & mangée, & feit incōtinēt allumer vn grād feu dedās vn four, & y meit & getta dedās son dict filz. Aucūs Chrestiens le sceurēt, & entrèrent en la maison dudiect Iuif, & trouuerent ledict enfant tout vif, qui se iouoit dedās le dict four: si le tirerēt & luy demāderent s'il auoit poīt senty de mal: & il dist que la femme qui estoit

estoit paincte en l'eglise des Chrestiens, qui tenoit vn enfant en ses bras, l'auoit gardé, & que elle euentoit de son mâteau les flammes & le feu, qu'ilz ne luy feissēt mal. Et au lieu, ou ce fut, est de present edifiée vne eglise nostre Dame, qui en memoire de ce est de present encores appelée nostre Dame du Fourchauld.



C Hildebert, filz de Clouis, qui apres le trespas de son pere eut en sa portion le royaume de Paris, regna avec Clotaire son frere. xlv. ans, & trespassa l'an cinq cens lix. & gist à saint Germain des prez, pres Paris, qu'il auoit fondée en l'honneur de saint Vincent, comme dict a esté. Les faitz & gestes aduenues durant son regne sont cy deuant bien au long recitées, & par son trespas reuint son royaume à Clotaire son frere, Roy de Soissōs, par ce qu'il mourut sans hoir de sa chair, comme dict est.

L'an cinq cens lix.

Du Roy Clotaire, quatrieme filz de Clouis, qui espousa sainte Radegonde.



C lotaire, premier de ce nom, aussi filz de Clouis, regna à Soissōs, durāt la vie desdictz feux Childebert & Theodoric, ses freres, xlv. ans: & depuis le trespas dudiēt Childebert regna à Paris cinq ans. Ainsi il regna en tout cinquāte ans, & trespalla l'an cinq cens. lxiiij. A cestuy Clotaire, auā tson trespas, aduint & escheut toute la monarchie du royaume de France (qui apres le trespas de Clouis auoit esté diuisé en quatre royaumes) par ce que tous les freres moururent sans hoirs. Il eut premierement à femme sainte Radegōde, fille de Bertaire, Roy de Thoringe, comme dict a esté cy dessus: la quelle du consentement de sondict mary abandonna le siecle, pour

sainte Radegōde, femme du Roy Clotaire.

viure solitairement, & s'en alla à l'abbaye de sainte croix, à Poitiers, ou y a nonnains: & là vesquit saintement, & fonda vne eglise pres ladiēt abbaye de sainte croix, à Poitiers, nommée sainte Radegonde, ou elle meit chanoynes, & là est enterrée. On lit d'elle, qu'elle estant vne fois en oraison, à genoulx, sur vne grand pierre en oratoire, nostre Seigneur s'apparut à elle visiblement: & quand il s'esuanouyt de ses yeulx, la longueur & largeur de son pied demoura imprimée & enfoncée en ladiēt pierre: & la peult lon encores veoir par chascun iour en ladiēt abbaye sainte croix: & en signe de ce audict lieu ya vne petite chapelle, qui s'appelle le pas Dieu. Apres ce que ladiēt Radegōde eut abandonné le siecle, lediēt Clotaire eut deux autres femmes, desquelles il eut sept filz & vne fille. Les sept filz eurent nom Gontier, Childeric, Aribert, Gontrā, Sigisbert, Chilperic, & Crainus (lequel Crainus fut filz d'une concubine) & la fille eut nom Vlcite †, qui fut mariée à vn seneateur, nommé Aubert, de laquelle descendit le Roy Pepin, filz de Charles Martel, comme sera dict cy apres. Lediēt Clotaire apres ce qu'il fut demouré seul Roy de France, commāda que les Eglises luy rendissent la tierce partie des fruietz de leurs reuenuz: mais les Euesques vertueusement le cōtredirent & empescherent, & n'en voulurent riens faire, doubtrant encores les fulminations qui sont declairées, tant contre ceulx qui les leuent, que contre ceulx qui les payent.

† als Bliilde. Clotaire voulut leuer des eglises la tierce partie de leurs reuenuz.

De la guerre que feit le Roy Clotaire aux Sefnes, & aux Lorrains.



E N l'an de grace cinq cens cinquante six, pource que les Sefnes se rebellerent, & enuahirent le royaume dudiēt Clotaire, il y alla à grand ost, & eut bataille cōtre eulx, & les descōfit sur vn fleue, que l'on appelle Lysaire †, & depopula la terre. Puis apres alla contre les Thoringiens, qu'on appelle de present Lorrains, pource qu'ilz auoyent fauorizé & aydé ausdictz Sefnes, ses ennemys, à l'encontre de luy. Avec lesquelz Lorrains se ioignirent & esleuerent de rechef lesdictz Sefnes, autrement dictz Saxons, qui estoient eschapez de la bataille, que lediēt Clotaire auoit eue contre eulx: mais quand ilz sceurent la grand' puissance dudiēt Clotaire, ilz demanderent pardon & misericorde, par appoinctement, & ne demandoient auoir que leurs corps sauues. Ce que les François par orgueil leur refuserent: & par ce ilz prindrent en eulx courage de batailler, & se deffendirent tellement & si vertueusement qu'ilz desconfirent les François, en forte qu'il n'en demoura que petit nombre qui s'en fuyrent avec le Roy: lequel à bien grand' peine & difficulté peult eschaper de la bataille.

L'an cinq cens cinquante six. † als Visaire.

Les Lorrains & les sefnes debellerent le Roy Clotaire & toutes ses gens.

De Crainus, filz de Clotaire, qui se sleua contre son pere: & comme il mourut miserablement.

L'an cinq cēs
cī quatre sept.



An cinq cens cinquante sept, lediēt Roy Clotaire enuoya Crainus, l'un de ses filz bastardz, qu'il auoit engendré en vne concubine qu'il maintenoit, en luy bail lant grād' armée, & le faisant son lieutenant, es marches d'Aquitaine, pour aller contre V vlcaire, duc d'Aquitaine, lequel opprimoit moult les subiectz dudiēt pays: mais iceluy Crainus, quand il fut sur les champs, commença luy & ses gens à faire moult de maulx. Quand le Roy Clotaire, qui faisoit la guerre contre les Saxons, en fut aduertty, il manda audiēt Crainus, qu'il s'en retournast, & qu'il veinist vers luy: mais il n'en voulut rien faire, & feit pis que parauant. Et à ceste cause le Roy enuoya contre luy deux de ses enfans legitimes, c'est à sçauoir Aribert & Gontran, avec grand' armée, & allerent par Au uergne. Puis allerent assieger lediēt Crainus en vn chastel en Lymosin, appelé le Mont noyr: mais iceluy Crainus feit par interposées personnes dire contre verité à sesdiēt freres, que le diēt Roy Clotaire, leur pere, auoit perdu la bataille contre lesdiēt Saxons, & auoit esté tué. Parquoy lesdiēt Aribert & Gontran se leuerent de leur siege, pour aller contre lesdiēt Saxons: & lediēt Crainus les suyuit vers Bourgongne, & print la cité de Chalons, & assiegea le chastel de Dyio: & pource qu'il sceut q' lediēt Clotaire, son pere, venoit cōtre luy, il leua lediēt siege, & s'en alla en Aquitaine, & fallia audiēt duc d'Aquitaine V vlcaire, & espousa sa fille.

L'an cinq cēs
cī quatre neuf

En l'an cinq cens cinquante neuf, lesdiēt Crainus & V vlcaire veindrent enuahir la terre dudiēt Roy Clotaire, & marcherent iusques à Tours: lequel Clotaire hastiuement alla contre eulx: mais quand lediēt V vlcaire, duc d'Aquitaine, pere de la femme dudiēt Crainus, sceut sa venue, il eut grand' paour, & se retira dedans le monstier de saint Martin de Tours, ou lediēt Clotaire l'assiegea. Et pource qu'il veit qu'il ne le pouoit auoir de long temps, il feit tost lediēt monstier enuironner de boys, & mettre le feu dedans: & par ainsi brula tout iceluy monstier, & semblablement lediēt duc d'Aquitaine, & grande partie de ses gens dedans. Puis apres le diēt Clotaire suyuit lediēt Crainus son filz, qui se retira en Bretagne deuers Conoure, Roy de Bretagne, qui le recueillit, & deffendit par l'espace de quatre ans: mais lediēt Clotaire les guerroya tellement qu'il desconfit, & tua lediēt Conoure, & print lediēt Crainus son filz, sa femme, & ses filles, ainsi qu'ilz vouloyent monter en vne nauire, pour eulx enfuyr par la mer, & les feit attacher de cordes sus vne selle dedans vne maison, & feit mettre le feu dedans, & ainsi furent bruslez. *Sic ergo exoluit penas ultionis insidiator patris.* Apres ces choses lediēt Clotaire feit refaire lediēt mōstier saint Martī de Tours, plus beau q' deuāt, & le feit tout couurir d'estaing.

Clotaire brus
la l'eglise
saint Martī
de Tours, &
le duc d'A-
quitaine qu
estoit dedās.

D'une mon-
tagne sur le
Rosne, qui
feit grād cla-
meur & ge-
missement.

En l'an cinq cens soixante & deux vne montaigne, estant sur la riuere du Rosne, rendit grands clameurs & mugissemens, & puis se rompit & separa de l'autre montaigne: & avec plusieurs eglises, maisons, hommes, femmes & bestes, se precipita & tomba.

De la mort de Clotaire, lequel gist à saint Marc de Soissons.

L'an cinq cēs
lxiiii.



N l'an de grace cinq cens soixante & quatre, apres que lediēt Clotaire fut retour- né en Frāce de faire guerre, luy estant à Compiègne, ou est la belle forest, cōbien qu'il fust vieil & plain d'ans, il luy print volunté d'aller à la chace, & vn iour y alla, & tant courut & trauailla oultre la possibilité de son aage, que quand fut re- tourné il luy print vne maladie de fieures, de laquelle il fut longuement malade en ladiēt ville de Cōpiègne. Et luy estāt ainsi detenu de maladie, voyant qu'il s'approchoit de sa mort, reduysant à sa memoire les grands maulx qu'il auoit faitz & esté cause de faire, fai- soit de moult grands soupirs & cris, & souuentefois disoit ses parolles: Vvah, Vvah, cōment est grād ce Roy du ciel, qui aīsi tue & fait mourir les plus grāds Roys & pīces terriēs? Finable mēt tāt fut trauaillé de maladie qu'il luy cōuint mourir: & laissa quatre filz, qui feirēt sō corps porter & enterrer honorablemēt en l'eglise saint Marc de Soissōs, qu'il auoit fondée, & là esse ut sa sepulture. Ledit Clotaire laissa quatre filz, nōmez Chilperic, Aribert, Gōtrā, & Sigisbert.

Des parolles
que profēra
le Roy Clo-
taire, luy e-
stant au lit
mortel, en
parlant de
Dieu.

Apres les obseques dudiēt Clotaire parfaites, lediēt Chilperic, qui estoit plus prompt & plus subtil que ses autres freres, print le thresors de leurdiēt pere, & en donna à plusieurs Frā- çois, pour les attirer à luy, pour soy enfaīnser seul de tout le royaume: parquoy sesdiēt freres s'assemblerēt & esmeurent contre luy, & luy conrurent sus, tellement qu'il fut cōtrainct venir à appoinctemēt, par le conseil & ordōnance des gēs des trois estatx de Frāce, pour ce assēblez: & partirent le royaume en quatre parties, & tous regnerent & s'appelerent Roys chascun en la portion qui luy estoit escheue. C'est a sçauoir, Chilperic à Soissons, Aribert à Paris, Gōtran à Orleās, & Sigisbert à Metz. En l'an cinq cens soixante & cinq, lediēt Aribert, Roy de Paris, espousa vne femme qui auoit nom Ingobergue, laquelle auoit avec elle, pour l'accōpaigner & seruir, deux ieunes pucelles de moult grand' beauté, lesquelles estoient filles d'un pauvre hom- me laboureur. Iceluy Aribert en deuint si amoureux qu'il en cuyda laisser ladiēt Ingobergue sa femme:

L'an cinq cēs
xv.

sa femme: dōt sainct Germain, lors Euesque de Paris, le blasma & reprint fort: mais neātmoīs il ne s'en voulut abstenir: & aduint comme par punition diuine, que lesdictes deux filles, & vn filz qu'il auoit de l'vne d'elles, moururent de mort soubdaine, dont lediēt Aribert fut moult desconforté & dolent: & de desplaisir qu'il eut s'en alla en Aquitaine, ou il mourut au chastel de Blaye sur Gironde, sans laisser aucuns enfans, en l'an cinq cens soixēte & cinq:† & fut enterré en l'eglise & abbaye de sainct Rommain, pres lediēt chastel de Blaye. Lediēt Gōtran, Roy d'Orleans, eut quatre filz de diuerses femmes, qui tous moururent tantost apres qu'elles eurent enfanté, comme par punition diuine. Car combien qu'il fust sage & vaillant cheualier, en autre chose aymant paix & iustice, toutesfois il estoit trop lubrique.

De l'impudicé du Roy Aribert, & de Gōtran son frere, Roy d'Orleans. † aīss 573

En l'an cinq cens soixante & sept Sigisbert, le Roy de Metz, alla à tout grand ost cōtre les Huns, qui gastoyent son royaume, du costé de Thoringe, ou Lorraine, & les desconfit, & donna leurs teyrres à habiter aux Sefnes ou Saxons: & ce pendant qu'il estoit en celle guerre, Chilperic son frere Roy de Soissons, entreprint sur luy la cité de Reims: & courut & gasta toute la terre de Champagne.

L'an cinq cens lxxvii.

Comment Sigisbert, Roy de Metz, print à femme Brunehault, fille du Roy d'Espagne.



An de grace cinq cēs soixāte & neuf, apres ce que lediēt Sigisbert, Roy de Metz, fut retourné de la victoire qu'il auoit eue contre les Huns, voyant que ses freres estoient en reproche & opprobre de Dieu & du monde, pour les concubines qu'ilz entretenoyent, & n'estoyent point mariez, par le conseil de † Godonne, maire de son palais, qui preud'homme estoit, se delibera d'estre marié. Si enuoya deuers † Achatilde, Roy d'Espagne, dont il estoit lors moult grād' renōmée, pource qu'il auoit chacé les Rommains, & eu de belles victoires sur eulx, & luy fait de mādier par mariage vne sienne fille, nōmée Brunehault, ou Brunchilde, laquelle estoit moult belle: mais trop subtile, ingenieuse & malicieuse estoit. Lediēt Achatilde tresuoluntiers la luy enuoya, honnestement accompagnée, & luy donna de grands richesses & ioyaux. Quand elle fut venue lediēt Sigisbert, pource qu'elle estoit de la loy Arriēne (car Espaignolz n'estoyēt pas lors Chrestiens) il la fait introduire à la foy Chrestienne, & la fait baptiser, puis l'espousa. Ceste Brunehault, quād elle se vit ainsi esleuée en si hault honneur, cōme estre Roynne de Frāce, elle deuint moult orgueilleuse & cruelle, & print en indignation lediēt Godonne, maire du palais, qui l'auoit amenée d'Espagne, & luy auoit fait tout l'hōneur qu'il auoit peu, & tāt fait avec son mary qu'il fut estranglé & meurtury inhumainement.

L'an cinq cens lxxx. Priees & Roys concubinaires sōt en l'opprobre de dieu & du monde.

† aīss Godon. † aīss Athanagilde.

Du Roy Chilperic, premier de ce nom.



Chilperic, filz de Clotaire, & Roy de Soissons, commēça à regner l'an de grace cinq cens soixante & quatre: & trespassa au vingt & deuxieme an de son regne, cinq cens quatre vingtz & sept, & gist à sainct Germain des prez. Cestuy fut si addōné à luxure & lasciuie, qu'il menoit tousiours avec luy grand'turbe de femmes concubines, & en espousa plusieurs cōtre l'honesteté de son estat. Aucun temps apres luy print volunté d'estre marié, & print à femme la fille d'Achatilde, Roy d'Espagne, nommée Galsonde, laquelle estoit sœur de ladiēt Brunehault, fēme de son frere Sigisbert, Roy de Metz: & son pere la luy enuoya, moyēnment qu'il iurast qu'il ne l'abandonneroit point, dont il se pariura tost apres. Il la fait baptizer: car elle estoit nourrie en la loy Arienne. Tantost apres qu'il l'eut espousée il s'amoura d'vne ieune damoyse, appelée Fredegode, qui estoit femme de chambre, & en la compaignie de la Roynne Galsonde sa femme, laquelle Fredegode estoit de grand'beauté, & bien enlangagée & emparlée. Tant en fut le Roy amoureux & forcené, par lasciuement & luxure, qu'elle fut cause qu'il commença à hair ladiēt femme: & fectur ipsam noctu iugulasse: & pīe creditur quod sit sancta, comme recite Fasciculus temporum: qui fut grand' cruauté & inhumanité faicte d'vn Roy. Aussi luy en print il mal: car ladiēt Fredegonde le fait mourir, comme sera veu cy apres. Les freres dudiēt Chilperic, qui sceurent la grand' inhumanité & felonnie qu'il auoit commise en la mort de sa femme Galsonde, dirent & conclurent que si selon & tyran, reproué de si villain cas, comme il estoit, ne seroit ia leur compaignon à succeder au royaume de leur pere, & n'estoit pas digne de porter couronne.

L'an cinq cens lxxiiii.

Chilperic eut plusieurs concubines.

Chilperic estrangla & occist sa femme, nommée Galsonde.

LES CRONIQVES ET ANNALES DE FRANCE.

Si esmeurent guerre contre luy, & moult luy feirent de dommage & vitupere: mais à la fin il leur crya mercy, & les pacifia tellement qu'ilz n'eurent point de bataille pour ceste fois. Au cū tēps apres ledict Chilperic espousa vne autre femme, qui eut nom † Sordorée, & d'elle eut trois filz, Theodebert, Merouée, & Clouis. En l'an cinq cens septante trespassa saint Vast, Euesque d'Arras.

† als An-
douete.
L'an cinq
cens.lxx.

Comment le Roy Chilperic laissa la Royne Sordorée, & espousa Fredegonde.

L'an cinq
cens lxxi.
† als Ca-
canus.

Le Roy
des Huns
fut pris des
Francois en
bataille.

La Royne
Sordorée
par la ma-
lice de Fre-
degonde le
ua sur les
fons sō pro-
pre enfant.

† als
Childe-
sinde.

Chilperic
espousa Fre-
degonde, fil-
le d'un pau-
vre homme
de labour.

EN l'an cinq cens septante & vn, le Roy Chilperic de Soissons, & Sigisbert Roy de Metz son frere, qui festoyent appoinctez ensemble, assemblerent leur ost, & allerent cōtre † Cathenus, Roy des Huns, qui auoit rompu l'alliance & cōfederation qu'ilz auoyent avec les François, & auoit ia enuahy la terre de France, du costé de la part dudiect Sigisbert, & assemblerent leurs batailles, mais lesdictz Huns, *magis-
cis artibus pene victoriam adepti sunt,* & par aucuns fantosmes qu'ilz feirent, les François se meirēt en fuyte, mais ilz se r'allierēt, & prindrent le Roy des Huns, nommé Cathenus, en ladiete bataille: lequel tantoist apres fut deliuré par appoinctement, & soubz cōdition qu'il promist non iamais faire guerre aux François. Et est vray que ledict Chilperic, Roy de Soissons, à son parremēt auoit laissé la Royne Sordorée, sa femme, grosse d'enfant: laquelle au temps de son terme enfanta d'une fille: & ladiete Fredegonde, que ledict Chilperic aymoît par amours, estoit demourée avec la Royne Sordorée, ainsi qu'une damoyelle seruante: laquelle Fredegonde estoit subtile & malicieuse, & auoit grand hayne contre ladiete Sordorée sa maistresse. parquoy, quād la Royne fut acouchée, elle s'aduisa d'une grand malice, en luy disant: Ma dame ie suis d'opinion que diligemment vous faciez baptizer vostre fille, car quand le Roy sera ve nu il en aura double ioye. Ladiete Royne Sordorée, qui estoit simple & debonnaire, dist à ladiete Fredegonde, qu'elle disoit bien. Si la chargea qu'elle pourueust d'une marraine, pour la leuer sur les fons. Lors ladiete Fredegonde luy dist: Ma dame on ne pourroit trouuer plus noble dame que vous, pour celle chose faire, & tant incita & admonesta, que ladiete Royne sy consentit, & leua ladiete fille dessus les fons, & ainsi fut sa mere corporelle & spirituelle, dont ladiete Fredegonde, qui tendoit à ses fins, fut bien ioyeuse. Quand le Roy Chilperic retourna, & ladiete Fredegonde sentit qu'il approchoit, elle alla au deuant de luy, & luy dist: Comme est le Roy Chilperic heureux, qui retourne de la victoire de ses ennemys, & qui à vne nouuelle fille, qui Childerade † est appelée: mais ce sera grād' douleur si ma dame la Royne Sordorée couche encores avec le Roy Chilperic: & le Roy lors luy demanda pour quelle cause elle disoit telles parolles: & la faulce & malicieuse Fredegode, qui faisoit semblāt d'estre courroucée, luy dist qu'elle estoit sa cōmere, & qu'elle auoit leuée sa fille de dessus les fons. Le Roy luy dist & promist que si ladiete Sordorée estoit de luy séparée pour celle cause, il la prendroit par mariage: dont elle fut fort ioyeuse, car c'estoit la fin ou elle tendoit. Lors entra le Roy en son palais, & la bōne dame Sordorée luy vint au deuant, portāt sa fille entre ses bras, pour luy en cūyder faire feste, & luy cōplaire: mais quād le Roy la veit approcher de luy, il luy mōstra faulx semblant, & luy dist telles parolles: Or ça Sordorée tu as fait chose dont tu te repentiras, qui as leuē ta propre fille sur les fons de baptisme, & pour ceste cause que tu es ma cōmere, ie ne te puis plus tenir en mariage. Le Roy, faignāt d'en estre courroucé, enuoya l'Euesque de Paris, qui auoit baptisé l'enfant, en exil, & meit ladiete Sordorée & sa fille en vn monastere, en la cité du Mans, puis espousa ladiete Fredegonde, qui estoit fille d'un pauvre laboureur, née d'un village nommé Brabācourt en Artoys: lequel village est du domaine de l'abbaye saint Vast d'Arras, comme recite en sa Cronique Gregoire, Archeuesque de Tours.

Des guerres que lesdictz Roys de France, eurent les vngs contre les autres: & comment Fredegonde feit tuer Sigisbert Roy de Metz.

AV cun temps deuāt ceste aliance desdictz deux Roys, freres, se meurent aucuns debartz entre eulx, pour les limites de leurs royaumes: car ce pendāt que ledict Sigisbert de Metz, auoit esté occupé en sa premiere guerre, cōtre les Huns, le roy Chilperic auoit prins sur luy la cité de Reims, & autres de ses villes: mais quand ledict Sigisbert fut retourné il s'en vègea bien: car il print semblablement sur luy la cité de Soissons, qui estoit le chef de son royaume, & dedans icele print son filz, nommé Theodebert, lequel il feit mettre en prison, & l'enuoya en exil. Puis feit guerre audiect Chilperic, leq̃l il vainquit, mais il eschapa par fuyte: & quād il eut recouuré de son royaume ce que son frere luy auoit osté, il deliura, & enuoya à sōdict frere ledict Theodebert, sō filz, & luy dōna de grās dons

dos, accepto prius ab ipso Theodeberto iuramento, ne quid in posterū cōtra se moliretur. mais ne tarda gueres qu'il se pariura, & eurent plus grād' guerre que deuant. La cause de ceste guerre fut, cōme on peult veoir par l'hystoire de Gregoire, archeuesque de Tours, qu'apres la mort de Cherebert ou Aribert, Roy de Paris, ayāt Chilperic enuahy Tours & Poitiers, qui estoient escheues, entre autres villes, à Sigisbert pour sa part, apres q' ledict Sigisbert eut enchacé, par ses capitaines, Clovis ou Clodouée, filz de Chilperic, qui usurpoit sur luy Tours, ledict Clovis s'en alla assieger Bordeaux, qui appartenoit audict Sigisbert, son oncle: mais vn des capitaines d'iceluy Sigisbert, nommé Sigilphe, veint contre luy, & le rechacea honteusement, en le suyuant iusqu'à Paris, & tuant grande quantité de ses gens. Quoy sçachant Chilperic, y renuoya son autre filz, nommé Theodebert (qui parauant auoit iuré audict Sigisbert, son oncle, de ne luy faire iamais guerre) avec grand' armée: & alla au pays de Neustrie, qui est de present appelé Normandie, ou il prit le pays qui pouuoit appartenir au Roy Sigisbert, & les citez de Tours, Poitiers, Cahors, Lymoges, & grande partie d'Aquitaine, & Prouence, gastant le pays par feu & par glayue, *monasteria, seruorum & ancillarum Dei deuastans, monachos, siue clericos tormentis, sanctimonialis uero turpibus de honestamentis efficiens, ut talis usus sit Aquitanicis, qualis quondam Diocletianus fuit catholicis,* & se gouernāt comme tyran, nompas comme filz de Roy, pendant que son pere d'autre costé poursuyuoit fort le Roy Sigisbert, iusques à luy courir & gaster toute la campagne de Reims. A cause de quoy Sigisbert amassa grand nombre de François Austrasiens, pour le venir rencontrer: & d'autre part, vn nommé Gondebault, capitaine pour iceluy Sigisbert, fait tant par ruses & finesses de guerre, qu'il deffait la compagnie de Theodebert: & fut ledict Theodebert tué, cuydant eschaper, & depuis ensepuely en la ville d'Angoulesme. Ce qui fut cause que Chilperic fit paix & accord avec Sigisbert, son frere: & puis eulx deux (de cōmun consentemēt se meurent contre leur frere Gontran, Roy d'Orleans, pour quelques causes, non assez bien declarées par les auteurs. Toutesfois on peult bien presumer qu'elles estoient legeres, pource que legerement la guerre fut rompue, & la paix accordée & iurée en l'oratoire de S. Loup de Troyes. Neantmoins, incontinent apres, lesdictz deux Roys, Chilperic & Sigisbert, *quorundam suggestionibus & persuasionibus,* eurent de rechef grandes guerres ensemble. Car lesdictz François Austrasiens presserent ledict Sigisbert de faire la guerre à Chilperic, son frere, luy remonstrāt qu'ilz n'auoyent rien gaigné en son seruice, auquel il les auoit fait venir, soubz promesse de proye & de pillage, & qu'il les recōpensast de ce qu'ilz eussent peu gagner cōtre l'enemy, ou biē qu'il les meist en besongne contre iceluy. Ainsi fut cōtrainct de poursuyure son frere, qui desia s'estoit deseparé, ayant donné cōgé à ses gens d'aller yuerner: & tellement le poursuyuit, que ledict Chilperic se retira en sauueté à Tournay. Et aduindrent ces choses l'an cinq cens septante sept, & septante huit: auquel an dernier Sigisbert cheuaucha par la pluspart des villes de son frere Chilperic, les prenant & mettant soubz sa main, & en son obeissance. Puis tira vers Tournay, ou ledict Chilperic, son frere, & Fredegonde, sa femme, s'en estoient fuys, voyans que leurs gens les auoyent abandonnez, & illec les assiegea: dont ledict Chilperic se trouua moult esbahy & perplex, voyāt la grand' puissance qu'auoit ledict Sigisbert son frere: sachant aussi la grand' cruauté qui estoit en luy, eut moult grand paour: & pensa comme il pourroit eschaper du peril de mort, luy, sa femme, & ses enfans, & estoit au bout de son sens, & ne sçauoit plus que faire, quand ladiete Fredegonde, voyant la perplexité en laquelle estoit son mary, & elle & ses enfans, elle, qui estoit moult subtile & malicieuse (en ensuyuant la nature feminine, qui tousiours est plus prompte à faire & trouuer quelque cautelle & malice que n'est celle de l'homme) print deux hommes ses seruiuers, ausquelz elle fit de grands remonstrāces: & par belles parolles, ainsi qu'elle sçauoit bien faire, les suborna tellement qu'il luy promirent qu'ilz feroient sa volonté. Si leur dist qu'ilz sortissent hors ladiete cité de Tournay, & allassent à la tente du Roy Sigisbert, & soubz vmbre de dire qu'ilz le vouloyēt seruir & estre de son party, le tuassent. Et leur dist qu'en ce faisant ilz feroient chose meritoire, & à Dieu agreable, en leur demonstrent la cruauté dont il estoit plain, & comment il ne taschoit qu'à destruire le Roy Chilperic, son frere, & espandre son sang humain. Et leur dist oultre, que filz retournoient, elle leur feroit de moult grāds biens: & fil aduenoit qu'ilz fussent tuez, elle feroit tant prier pour leurs ames, & dōneroit tant d'aumosnes à Dieu & aux saintz, qu'ilz auroient remission de leurs pechez. Les messagiers entreprirent à faire le voyage, & yssirēt hors la cité, & tant feirēt qu'ilz vindrēt iusques à la tête dudit Sigisbert: & quand ilz veirent leurs pointz, le frapperēt de leurs espées parmy le corps, si qu'il cheut mort subitement à terre: laquelle mort sembloit auoir esté prophetizée par saint Germain, Euesque de Paris, lequel vn iour, ainsi q' ledict Sigisbert estoit à Paris, & qu'il deliberoit de faire la guerre à Chilperic, luy dist telles parolles: O tu Sigisbert, tu desires à espandre le sang de ton frere Chilperic, & luy preparer sa fosse, mais ie te di, que tu trouueras que tu l'auras appareil-

La tyrannie de Theodebert, filz de Chilperic.

L'an cinq cens septante sept, & septante huit.

malice de Fredegonde contre Sigisbert.

Mort de Sigisbert.

Prophetie de s. Germain, Euesque de Paris.

lée pour toy, & que tu trebucheras dedans: toutesfois iceluy Sigisbert n'en auoir tenu compte, pensant que ledict saint Germain fauorist audict Chilperic. Quand lesdictz deux fatalites eurent tué ledict Sigisbert, l'on leur courut incontinent sus, & en peu d'heure furent tuez, & tous vifz destranchez, mēbres l'un apres l'autre. Tantost apres ladicte mort, se leua grād cry & grand' tuimulte, en l'ost des gens Sigisbert, dont ledict Chilperic, qui en ladicte cité de Tournay estoit enclos, quand il ouyt le bruyt fefmerueilla moult que ce pouuoit estre (car il ne sçauoit riē de l'entreprinse qu'auoit fait ladicte Fredegonde, sa femme) & eut imagination que ses ennemys eussent assailly, & prins la ville par aucun endroict, & vouloit tāscher à s'en fuir & soy sauuer par dessus les murs: mais ladicte Fredegonde, sa femme, veint à luy, & luy compta tout le cas; & comme il estoit adueni de la besongne. Le lendemain ledict Chilperic yssit de la cité, & à luy veindrent les barons & cheualiers de son royaume, qui deuant l'auoyent laissé & abandonné, & il les reprint & receut en sa grace. Le corps dudiēt Sigisbert, son frere, fut enterré en vne ville qui a nom Lēbrus, & depuis le fait apporter à saint Marc t de Soissons, & enterrer moult honnorablement, aupres de Clotaire, leur pere. En celle année mourut ledict saint Germain, Euesque de Paris, qu'on dict maintenant saint Medard.

La mort de
s. Germain
Euesque de
Paris.

Comment Brunehault fut enuoyée en exil à Rouen: & comment Merouée, filz de Chilperic, l'espousa.

Auant le partement dudiēt Sigisbert, Roy de Metz, pour aller contre ledict Chilperic, il auoit mandé à Brunehault, sa femme, qu'elle veint à Paris, & que la il la trouuaſt à son retour: laquelle y veint, avec vn petit filz qu'elle auoit de luy, nommé Chil debert, & tantost apres qu'elle y fut arriuée, luy vindrent les nouuelles de la mort dudiēt Sigisbert, son mary, dont elle fut moult courroucée, & paoureuxse, doubtant la cruauté dudiēt Chilperic. Si commença à penser cōment elle pourroit eschaper le peril de la mort, d'elle, & de son filz: & en vne nuit, vn de ses gens, qui auoit nom Gondebault, print l'enfant, & par vne fenestre en vne corbeille, le meit hors du Palais, & de la ville de Paris, & par aucuns de les gens le fait transporter à Metz, ou les barons le receurent cōme leur Seigneur, à grand' ioye. Puis par le conseil dudiēt Gondebault, le couronnerent au royaume de son Pere: & ladicte Brunehault demoura à Paris, en grand' crainte de sa personne. Quand le Roy Chilperic fut retourné à Paris, il trouua encores ladicte Brunehault, laquelle ne s'en estoit peu aller, n'eschaper, par ce qu'on s'estoit donné garde d'elle: & sans autre mal luy faire, l'enuoya en exil à Rouen, & fait prendre & saisir ses ioyaux & richesses, & enuoya ses filles pour estre gardées à Meaulx.

L'an cinq
cens quatre
vingtz.

sordorée,
femme de
Chilperic,
fut religieu
se au Mās.

En l'an cinq cens quatre vingtz, ledict Chilperic enuoya Merouée, qui estoit son filz, de Sordorée sa seconde femme, qu'il auoit laissée pour prendre ladicte Fredegonde, pour saisir aucunes villes, qui estoient au pays de Berry, & le long de la riuere de Loyre: mais quād ledict Merouée fut party de son pere, il ne tint pas grand compte d'accomplir son commandement, ains s'en alla au Mans, pour veoir sa mere Sordorée, que sondict pere y auoit enuoyée en exil, & fait religieuse. Quand il eut visité ladicte mere, il s'en alla à Rouen, ou estoit aussi Brunehault, semblablement enuoyée en exil, laquelle auoit esté femme de son oncle Sigisbert, Roy de Metz, & la print iceluy Merouée à femme, & les espousa Pretexte, Archeuesque de Rouen. Quand son pere le sceut, il en fut moult dolent & courroucé, & conceut grand' hayne cōtre ledict Pretexte, Archeuesque de Rouen: car on luy rapporta qu'il auoit esté cause de faire ledict mariage. Incontinēt ledict Chilperic alla à Rouen, pour empescher s'il eust peu, le mariage dudiēt Merouée, son filz, & de ladicte Brunehault. Les babitās luy fermerēt la porte, & deffendirent la cité. Merouée & ladicte Brunehault furent si presse, qu'ilz se meirent dedans le monstier saint Martin, qui estoit fort, & assez pres des murs de la ville. Quand ledict Chilperic veit qu'il ne les auroit point de long temps, que par famine, il leur fait dire qu'ilz veinssent à luy, à seureté: mais auant qu'ilz voulussent sortir, il faillut qu'il promist & iurast, qu'il ne les destruiroit, & n'empescheroit point leur mariage. Quand il eut esté dix iours avec eulx, il s'en retourna, & emmena ledict Merouée, son filz, avec luy. Ainsi qu'il s'en retournoit, luy vindrent nouuelles que les barons de Champaigne auoyent, pour Childébert, le ieune Roy de Metz, prins la cité de Reims & de Soissons: parquoy alla contre eulx, & les vainquit, & en fait mourir grand nombre des plus grands des citez, lesquelles il restablit à sa seigneurie. Quand il eut ce fait, il eut suspicion que ledict Merouée, son filz, tint le party dudiēt ieune Roy Childébert, filz de ladicte Brunehault, sa femme, si le fait faire (cōtre le sermēt qu'il auoit fait) tōdre & faire prestre en religion, par la persuasou & instigation de ladicte Fredegonde, sa femme,

Merouée
fut fait prestre,
& mis
en religion.

sa femme. Enuiron ce temps estoit mort Achatilde, Roy d'Espaigne, pere de ladiète Brunehault: & apres luy tenoit le regne vn nommé Leuigilde, qui espousa la veufue dudiêt Achatilde, nommée Gasine, ou Gadsanide, mere de ladiète Brunehault.

*Comment Merouée laissa l'habit de religion, & comment il se
fit tuer par un sien uallet.*



Endant que Merouée estoit ainsi moyne, vn nommé Gontran Boso, qui s'estoit retiré en franchise à l'eglise S. Martin de Tours, craignât la fureur de Chilperic, qui le souſpeçonnoit d'auoir tué Theodebert, son filz (car il estoit vn des capitaines de Sigisbert, au temps de la defaite d'iceluy Theodebert) feit tant qu'il persuada audiêt Merouée de laisser l'habit de religion, & se venir ioindre à luy, pour apres tascher à leuer quelques gens, & rétrier en leur premier estat. Ce que feit Merouée, s'habillant de l'habit d'un sien uallet: & s'en alla de son abbaye où il estoit pres du Mans, iusq's a S. Martin de Tours, ou il trouua lediêt Gontrâ Boso, & se feit absouldre, à force, par Gregoire, lor Archeuesque de Tours, comme luy mesme dit. Quoy sçachant Chilperic, par le recit du mary d'une niepce dudiêt Gregoire, & par vn sien diacre (lesquelz il enuoya en exil, à la suasion de Fredegonde, sa femme, disant qu'ilz estoient espies de Merouée) manda audiêt Archeuesque Gregoire qu'il ietast hors de l'eglise S. Martin, cest apostat Merouée (le nommât ainsi) ou bien qu'il enuoyeroit brusler toute la contrée. A quoy ne voulât obeir, & s'excusant lediêt Archeuesque, le Roy Chilperic se resolute faire selō qu'il auoit mādē: & de fait se fit assembler gens pour enuoyer là: dont Merouée se trouuant estonné, delibera plustost d'en partir, q̄ d'estre cause que l'eglise, ou la contrée fust destruite. Mais ce pendant il fut en grand danger d'estre tué, par la trahison de Gontrâ, auquel il se fioit. Car Fredegōde auoit trouué moyē de le pratiquer, luy promettāt de grands dons, s'il vouloit faire sortir lediêt Merouée, à certain iour hors de l'eglise, & le mener en lieu ou elle enuoyeroit gēs attiltrez pour le tuer. Ce q̄ feit lediêt Gontrâ: mais ceulx qui se debuoyēt trouuer là, ne s'y trouuerēt pas pour l'heure. Neâtmoins il ne vescu pas long temps apres, pource qu'estāt sorty de S. Martin, selon sa deliberation, avec Gontran, & ce peu de gens qu'ilz pouoyent auoir, & se voulant retirer par deuers Brunehault, que Chilperic (comme disent aucuns) auoit rendue à son filz Childebert, Roy de Metz, voyant que les Austrasiens ne le voulurēt receuoir, s'en reuint cacher en Champaigne, es enuirs de Reims, ou il fut trahi, & assiégé en quelque bourgade, par ceulx d'une ville, qui se disoyēt le vouloir recepuoir pour leur Seigneur, & illec se feit tuer, par vn sien uallet, nommé Gailde, ou Gailene, de paour de tomber vif entre les mains de son pere. Puis fut pris son uallet, qui pour punition eut les pieds, les mains, le nez, & les oreilles coppées: & aduindrent ces choses, en l'an cinq cens quatre vingtz & deux, & quatre vingtz & trois.

L'an cinq
cens. iiii. xx.
¶ ij. ¶
iii. xx. ¶
trois.

Enuiron ce temps, lediêt Roy Chilperic, par l'enhortemēt de Fredegonde, sa femme, feit exiller Pretexte, Archeuesque de Rouen, par ce qu'elle disoit que la Roïne Brunehault vsoit de son conseil, & aussi qu'il auoit fait le mariage d'elle & dudiêt feu Merouée, son filz: & aussi auoit esté cause que lediêt Merouée s'en estoit yssu hors de la religion, & plusieurs autres choses, qu'elle luy imposoit, combien que les Prelatz de Frâce, qui pour ceste cause furent assemblez en la cité de Paris, ne consentissent en riens audiêt bannissement, mais le contredisoyent, & empeschoyent de toute leur puissance.

Comment Gontran, Roy d'Orleans, adopta son nepueu Childebert, Roy de Metz.



Gontran, Roy d'Orleans, ayant fait tuer deux filz de Macaire, ou Magnachar, son serourge, ou pere de sa femme, comme disent aucuns, par ce qu'ilz auoyent mal parlé de la Roïne Austrigile, & apres leur mort confisqué leurs biens à soy, se voyāt sans enfans aucuns (car les siens luy estoient morts, peu apres les deux autres tuez) mādā à son nepueu Childebert, le ieune Roy de Metz, filz de feu son frere Sigisbert, & de Brunehault, qu'il vint deuers luy, & qu'il le feroit son heritier. Les barons du royaume de Metz, dont le Roy estoit encores ieune, comme diêt est, sçachāt la cause pour laquelle on mandoit leur Seigneur, l'amenerent deuers lediêt Gontran, Roy d'Orleans: lequel l'adoptā pour filz, & l'ordonna heritier de son royaume, & de ses tresors. Et en l'an cinq cens quatre vingtz & trois, lesdiētz deux Roys, Gontran d'Orleans, & Childebert de Metz, oncle & nepueu, maderent audiêt Chilperic, Roy de Soissons, qu'il leur restituast tout ce qu'il auoit prins de leurs terres, ou qu'ilz yroyent en bataille contre luy: lequel Roy Chilperic, eut de ce mādement grād despit: toutesfois, doubāt leur puissance, feit appoinctemēt avec eulx.

L'an cinq
cens. iiii. xx.
¶ ij.

LES CRONIQVES ET ANNALES DE FRANCE.

Et en ceste année, Ermiuigilde, filz de Leuigilde, Roy des Vvisigotz, prit à femme l'une des filles de feu Sigisbert, Roy de Metz, & de ladicte Brunehault: dont il encourut l'indignation de sondict pere, par ce qu'elle estoit Chrestienne, & il estoit de la loy Arrienne.

Comment les enfans de Chilperic & de Fredegonde moururent: & comment ladicte Fredegonde feit tuer Clodouée, ou Clouis, filz dudit Chilperic, & pareillement Sordorée, sa seconde femme, mere dudit Clodouée.

L'an cinq cens quatre uingtz & quatre.

Chilperic à l'instigatiō de Fredegonde, sa femme, feit plusieurs exactions sur son peuple.

EN l'an cinq cens quatre vingtz & quatre, moururent trois filz, que ledict Chilperic auoit euz de ladicte Fredegonde: & disoit on que c'estoit aduenue par punition diuine, & pour les grandes charges, & exactions de tailles & empruntz, q' ledict Chilperic, à la persuation de ladicte Fredegonde, sa femme, faisoit leuer sur les François, ses subgectz. car à cause d'icelle, plusieurs habitans abandonnerēt leurs maisons, & heritages, qu'ilz auoyent au lieu de leur nation, & allerēt demourer ailleurs: & deuint iceluy Roy tout aliéné, & troublé de son entendement. Si ne luy demoura enfans qu'un, nommé Clodouée, qui estoit filz de Sordorée, sa seconde femme, laquelle il auoit enuoyée en exil: lequel Clodouée ladicte Fredegonde faisoit tenir prisonnier: mais pour s'en deffaire, l'enuoya au chasteau de Brayne, en Champagne, ou regnoit & couroit vne maladie pestilencieuse, tendant à fin qu'il mourust de ladicte peste: toutesfois il en eschapa, & ne mourut point. Et quand il congneut la cause pour laquelle ladicte marastre Fredegonde l'auoit la enuoyé, & soy voyant estre la demouré seul, pour succéder au royaume de son pere, il conceut grand hayne contre ladicte marastre, & commença à la despriser & menacer: & fut rapporté à ladicte Fredegonde, que ledict Clodouée auoit dit d'elle plusieurs malles parolles, & oultre luy fut dict qu'on auoit sceu par vne ieune meschine ou chamberiere, qui couchoit avec luy, & par la mere de ladicte mechine, que ledict Clodouée auoit esté cause de la mort des enfans de ladicte Fredegonde, dont toutesfois n'estoit riens. Parquoy ladicte mechine fut par le commandement d'icelle Fredegonde, prinse, batue, & tourmentée, tant que (fust à droict, fust à tort) on luy feit cōfesser ce qu'on luy mettoit à fus. Et par ce elle fut percée d'un pal par le fondement, tout le long du corps, & puis fut dressé le pal tout droict, & ainsi mourut: & la mere de ladicte mechine fut arse & brulée. Apres ce ladicte Fredegonde demanda audit Chilperic, son mary, vengeance contre ledict Clodouée, son filz, de la mort de ses enfans: & par ce ledict Chilperic manda audit Clodouée, son filz, aller deuers luy, en un boys ou il estoit allé chacer, & la le feit prendre & lyer, puis l'enuoya & meit es mains de ladicte Fredegonde, sa femme: laquelle le tempta & interroga dudit cas, par plusieurs manieres, mais riens n'en confessa (& aussi disoit on qu'il n'en estoit riens) & par ce l'enuoya prisonnier en un chastel. Et apres mada à ceulx à qui elle en auoit baillé la garde, qu'ilz le perceassent d'un cousteau au trauers du corps, & des entrailles, & le luy laissassent sans retirer. Ce que lesdictes gardes firent, comme mandé leur auoit esté, & ainsi mourut: & puis icelle Fredegonde, donna à entendre audit Chilperic, son mary, qu'iceluy Clodouée, son filz, festoit precipité, & luy mesmes tué dudit couteau. Et apres ce ladicte Fredegonde, feit tuer ladicte Sordorée, premiere femme de son mary, laquelle par sa malice, auoit esté séparée, & mise en religion. Et semblablement, la fille d'icelle Sordorée, q' le Roy auoit engendrée en elle, fut par les sergens d'icelle Fredegonde, honnye & corrompue, & puis mise en reclusage, en un monstier.

De la beste qui fut veue entrer & yssir en la bouche du Roy Gontran.

L'an cinq cens quatre uingtz & cinq.

Du tresor que le Roy Gontran trouua, par le moyen d'une petite beste.

EN l'an cinq cens .iiiiij. xx. & .v. le Roy Gontran d'Orleās (lequel, cōme on dit, estoit moult piteux aux pauvres) un iour estāt allé à la chace, fut trauaillé de courir apres la beste: tellement q' volunté luy prit de dormir. Si se descēdit de dessus son cheual, & se coucha à terre, au giron de l'un de ses cheualiers, & s'endormit au pres d'un petit ruyseau: & luy dormant, le cheualier apperceut vne petite bestelette, qui sortit de la bouche du Roy, & s'approcha dudit ruyseau, faisant semblant de le vouloir passer, mais elle ne pouoit ne n'osoit. Et ce voyant ledict cheualier tira son espée, & la meit au trauers du ruyseau, & incōtinent ladicte bestelette passa par dessus, & entra en un petit pertuys, qui estoit au pied d'une montaigne, & tantost apres ladicte beste retourna par dessus l'espée, & entra de rechef en la bouche dudit Gontran: lequel tantost s'esueilla tout effrayé, & dist qu'il auoit songé qu'il auoit passé vne grand' riuere, par dessus un pont de fer, & estoit entré en vne caue, au pied d'une montaigne, ou il y auoit veu de grands tresors. Et pour experimenter son songe, alla en ladicte montaigne, ou il auoit veu merueilleusement de grands tresors. Lors le cheualier luy dist ce qu'il auoit veu: parquoy il feit cauer ladicte montaigne, & y trouua de moult grāds tresors.

fors d'or & d'argēt, lesquelz il print & apporta, & tous les departit aux pauures & eglises: & entre autres choses, il en feit couvrir d'or, toute la chaise de sainct Martial, dont il auoit fondé vn prieuré en Bourgongne, pres Chalon sur la Soſne.

De la malice de la Royne Fredegonde.

Moult estoit belle femme & attrayante, par blandiement de langage, ceste Royne Fredegode: mais cauteleuse & subtile en tricherie, & en malice, estoit plus qu'autre qui fust viuante apres Brunchault. Le Roy mesmes, son mary, Chilperic elle auoit si aueuglé, par la lasciuete de sa luxure (ainsi q̄ telles femmes scauent bien faire, à ceulx à qui elles s'abandonnent) que luy mesmes la seruoit comme vn vallet, tant en estoit abusé ou assotté. Par le moyen d'elle, ledict Chilperic feit & exigea de grandes tailles, & exactions de mallerostes, sur les François: parquoy aucuns sainctz hommes luy donnerent à entēdre que ce pouuoit auoir esté cause de courroucer Dieu, & que par ce luy auoit osté ses enfās. Et ainsi ledict Chilperic abbatit lesdictes mallerostes & tailles: car toutes manieres de gēs, qui tenoyēt heritages, estoient contrainctz à payer, pour arpent de vigne, chacun an, *amphoram vini*, & à l'equipolant de leurs autres terres & biens. Et tantost apres qu'il les eut abbatues, c'est à scauoir, l'an cinq cēs quatre vingtz & sept, Dieu luy enuoya vn filz, lequel eut nom Clotaire: & pour la ioye qu'il eut de la naissance dudit filz, il feit deliurer tous les prisonniers, estās en toutes les prisons de son royaume.

Le roy Chilperic seruoit Fredegonde, comme un uallet.

l'als. 86

Comment la Royne Fredegonde feit tuer le Roy Chilperic, son mary, en retournant de la chace.

Vdict an, cinq cēs quatre vingtz & sept, aduint qu'un iour ledict Roy Chilperic s'appareilla pour aller à la chace: si alla avec luy ladicte Fredegonde, sa femme, & Landry, qui estoit maire & gouuerneur de son Palais, en vn lieu qui est sur la riuere de Marne, à quatre lieues pres de Paris, à present appelé Chelle sainte Bauldour. Quand le Roy eut la disné avec sa femme, assez matin, il descendit de sa chambre, en l'estable ou estoient les cheualx, cuydant les trouuer prestz, pour monter à cheual, & aller à la chace. Et quand il fut descendu, ladicte Fredegonde s'en entra en vne arriere chambre, pour soy coiffer & peigner ses cheueulx, qui moult estoient beaulx & longs. Le Roy qui ne trouua pas ses cheualx prestz, les attendit deuant l'huis de son logis, aucune espace de temps, tellemēt qu'il luy ennuyoit de la longue demeure de ses gens, & par ennuy s'en remonta en la salle, ou il auoit disné, & laissē la Royne Fredegonde. Et quād il veit qu'elle n'estoit pas en icelle salle, il entra en ladicte arriere chābre, ou elle estoit entrée, & la trouua qu'elle estoit adentée, & assise sur vn banc, sur oreillers & sur carreaux, & qu'elle pignoit ses cheueulx, qui luy couuroient tous les yeux & le visage. Quād le Roy la veit en c'est estat, en soy iouant à elle, luy bailla vn petit coup par derriere, sur le dos, d'une petite verge blanche qu'il tenoit en sa main: mais elle ne se retourna poit pour le regarder, car elle cuydoit que ce fust Landry, maire du Palais, *cum quo adulterabatur*. Si dist la Royne: Tenez vous coy, Landry, cōmēt osez vous ce faire? car le Roy ne s'en est pas ecores allē. Quād le Roy, qui parauāt auoit eu aucune suspicion de ladicte Fredegonde, & dudit Lādry, eut ouy ceste parolle, il fut courroucé, & deuint comme forecé, & s'en saillit de sa chābre, moult iré & courroucé, sans mor dire: & fut si angoisseux, & si serré de son coeur, que plus ne pouuoit, & ne scauoit que dire: toutesfois pour cuyder oublier son ennuy & son courroux, descendit, & monta à cheual, & s'en alla au boys à la chace. Ladicte Fredegonde, congnoissant la ialousie & forcerie, en laquelle son mary estoit entrē, à cause des parolles qu'elle auoit proferées, fut moult troublée & courroucée. Quand le Roy fut montē à cheual, elle enuoya incontinent querir ledict Landry: & quand il fut venu, elle luy compta la cause de son meschef, en disant, que luy & elle estoient perduz, filz ne trouuoient aucun expediēt. Quand ledict Landry eut ce ouy, il fut esbahy & courroucé, & cōmença à soy dolorer, deliberant de s'en fuyr & absenter. Lors luy dist ladicte Fredegonde: Escoute Landry, se tu veulx faire ce que ie te diray, nous serons toy & moy hors du dāger: & il luy dist, qu'il n'estoit riens qu'il ne vouldist faire pour soy sauuer. Il fault, dist elle, quand le Roy reuiendra de chacer, sur le soir, cōme il a de coustume, qu'il vient de nuit le plus souuent, que tu t'appareilles & attrayes gens, ausquelz tu feras grands dons & promesses, en sorte q̄ pour les dons q̄ tu leur feras, ilz mettent leurs corps & biens en danger, & que si tost que le Roy sera descendu de cheual, ilz le tuent: & quand ainsi le feras, nous serons hors du danger, & regnerons avec Clotaire, nostre petit filz. Landry lōna

l'an cinq cēs. iiii. xx. & sept.

Chilperic fut ialous de sa femme Fredegode, & nō sans cause.

Fredegode & Landry cōspirerent la mort du Roy Chilperic.

moult ce conseil: toutesfois en son courage s'esmerueillit il moult de la cruaulté de la Roïne. Il se pourueut de son cas, pour mettre le conseil de la Roïne Fredegonde à execution. Bien tard fut quand le Roy retourna. Quand il fut arriué deuant son logis, ses seruiteurs, qui avec luy retournoient de la chace, n'entendirent pas à leur maistre: si s'en alla l'un ça, l'autre là, ainsi qu'est la coustume des chaceurs, & aussi pource qu'il leur sembla bien, qu'il y auoit assez gens pour recepuoir & descendre le Roy, mais ilz ne sçauoyent, & ne voyoyent pas quelles gens y estoient, car il estoit tard. Quand le Roy fut descendu, incontinent les meurtriers, qui entour luy furent appareillez, le ferirēt de cousteaux, & de poinçons plusieurs coups par la gorge, & parmy le corps, tellement qu'il cheut mort à terre. Lors comencerent ceulx mesmes qui l'auoyent occis, à eulx reculer loing du corps, & à faire grand' clameur & bruyt, & à crier, hay, hay, le Roy est mort, son nepueu Childebert, le Roy de Metz, l'a fait tuer par ses espies, qui incontinent se sont mis en fuyte. Lors s'assemblerēt tous autour du corps du Roy. Aucuns en y eut qui monterent sur leurs cheuaulx, faignans d'aller apres les meurtriers: mais ilz n'allerent pas loing, ains s'en retournerent, car ilz sçeuient bien que la chose alloit autrement.

Chilperic fut enterré à s. Germain des prez.

Chilperic, en son uuant auoit esté grand exacteur sur le peuple de France. En ce tēps estoit s. Marie l'Egyptienne.

Le corps dudit Chilperic, fut par Mandulphe, Euesque de Senlis, qui lors estoit audit lieu de Chelles, aorné d'habillemēs royaux, & mis en vn bateau, sur la riuere de Marne, & amené à Paris: puis enterré en l'eglise saint Vincent, à present nommée saint Germain des prez: & en memoire de ce, sur sa fosse, à la difference des autres Roys qui y sont enterrez, est mis & posé sur sa representatiō ou sepulture, vn Roy qui tient sa main à sa gorge, en démontrant qu'il fut tué, comme on peut veoir à l'oeil. Et est à noter qu'iceluy Chilperic, apres sa mort, ne fut gueres plainct: & disoit on, que ce estoit aduenü par vray iugement de Dieu, car il auoit esté homme de mauuaise vie, & du tout adonné à luxure. Il auoit estranglé Galfonde, sa premiere femme, qui fille estoit du Roy d'Espagne: & puis apres repudia & abandonna Sor dorée, sa seconde femme, qui estoit vne moult bonne dame, de laquelle il auoit eu trois filz, & vne fille, & la fait mettre en religion, & elle viuāt, espousa ladiēte Fredegonde, sa concubine: & toute sa vie, durant son regne, auoit prins & leué plusieurs grandes tailles, & exactions indeues, & non accoustumées, sur les François, dont il auoit encouru leur indignation. Et aussi dit on, que peu de gens clerz furent mis de son temps es dignitez & prelatures de France: car il les faisoit donner à sa plaissance, à gens indignes, & si auoit les gens d'eglise en hayne & derision: & dit on de luy, qu'il n'ayma oncques homme, fust priué ou estrange: parquoy il n'estoit point digne d'estre aymé.

En ce temps fut Marie l'Egyptienne, qui fut grand' pecheresse: puis vesquit en grand' auerité & penitence, comme on lit en sa legende.

Du Roy Clotaire, & de la Roïne Fredegonde sa mere.

L'an cinq cēs quatre uingtz & septs.



Du debat qui fut pour auoir le gouuernement du petit enfāt Clotaire, entre ses oncles.

Clotaire, deuxieme de ce nom, filz de Chilperic, commēça à regner l'an cinq cens. iij. xx. & vij. & regna. xliij. ans, & trespassa l'an six cens. xxxj. & gist à saint Germain des prez. Iceluy Clotaire, au temps que son pere fut tué (comme a esté dict dessus) il estoit au berceau, & n'auoit d'aage que quatre moys. Aucuns, qui auoyēt la garde des thresors & ioyaux dudit Chilperic, son pere, prindrēt ce qu'ilz trouuerent audit lieu de Chelles, & s'en allerent deuers Childebert, Roy de Metz, & ladiēte Fredegonde s'en vint à Paris, & se meit, elle, son filz, & ses thresors, en l'eglise & hostel de l'Euesque de Paris, pour estre à sauueté, elle, & son filz. Cela fait *prudēt* *usq' au conseil*, manda à Gontran, Roy d'Orleans, oncle dudit Clotaire, son filz, quelle vouloit mettre en sa garde, elle, son filz, & son royaume. Si vint tantost & legeremēt ledit Gontran à Paris, ou il fut receu, & print & receut, comme ayant la garde de son nepueu, les sermens & hommages des barons du royaume: & commit ledit Landry, maire du Palais, tuteur dudit Clotaire. Et ce fait, feirent par aucuns des Princes de France, porter ledit ieune Roy Clotaire, par plusieurs des citez & villes, qui le receurent, & d'eulx prindrent les sermens. En l'an cinq cens. iij. xx. & vij. voulut venir à Paris, ledit Childebert, Roy de Metz, pour auoir le gouuernement du royaume dudit petit Clotaire: mais ladiēte Roïne Fredegonde, sa mere, & les bourgeois de Paris luy fermerent les portes, & luy refuserent l'entrée: & ce voyant iceluy Childebert, qui en fut courroucé, par le conseil de Brunehault, sa mere, manda audit Gontran, son oncle, qu'il luy deliurast le royaume de Paris, qu'auoit tenu feu Aribert, son oncle, & aussi qu'il luy enuoyast ladiēte Roïne Fredegonde, laquelle auoit fait mourir son pere, & son oncle, pour la tourmēter & punir, selon ses demerites:

rites: mais il n'en voulut riens faire, & luy manda que de ceste matiere, & autres, ilz parleroyent vne autre fois ensemble: & fut audiēt Landry, Maire du palais, baillée la charge & le gouuernement, comme tuteur, dudiēt petit Roy Clotaire, & de son royaume, avec ladiēt Fredegode:

En l'an cinq cens quatre vingt & huit lediēt Roy de Metz, Childebert, receut grand' fināce de Maurice l'Empereur de Rōme, à ce qu'il chaceast les Lombars hors d'Italie, ou ilz festoyēt embatus. Si alla contre eulx à grand' armée: mais ilz se deffendirent fermemēt. Parquoy feit appointement avec eulx, moyennant grand tribut qu'ilz luy promirent payer chacun an.

De la Royne Fredegonde, qui portoit en guerre entre ses bras son filz en maillot: & comme elle obuia aux entreprinſes que l'on vouloit faire sur le royaume d'iceluy.



An cinq cens.iiij.xx.ix. lediēt Childebert, Roy de Metz & d'Austrasie, par le conseil de ladiēt Brunehault sa mere, vint en Frāce à grand ost, contre la Royne Fredegonde, pour venger la mort de son pere & de son oncle, lesquelz elle auoit fait mourir: & print & se saisit de la cité de Soissons. Mais ladiēt Fredegonde, comme femme de grand & austere courage, assembla tous ceulx des François, qu'elle pensoit qui estoient de son party, en les persuadant & exhortant par parolles, & par dons, qu'ilz veinssent garder leur petit Roy & seigneur Clotaire son filz, & sa terre: & alla lediēt Landry, Maire du palais, & tuteur dudiēt Clotaire, avec grand' armée au deuant dudiēt Childebert: & ladiēt Fredegode elle mesmes estoit en l'ost, en propre personne. Et quād vint a cōbatre, elle portoit son filz entre ses bras, affin d'animer & dōner courage à ses gēs de soustenir & garder la querelle de son filz, en leur disant: Mes amys voicy vostre ieune Roy & seigneur, qui ne se peult deffendre, si vueillez le garder, ainsi qu'estes tenuz, & faire le deuez. En ladiēt bataille lediēt Childebert, Roy de Metz, fut desconfit & mis en fuyte. Puis alla ladiēt Fredegode reprendre la cité de Soissons, & mettre le siege à Reims, & courut & gasta par feu & par glaiue tout le pays de Champagne: & apres s'en retourna avec grands proyes en la cité de Soissons.

En l'an cinq cens quatre vingt & treze, aduint en France qu'un hōme qui coppoit du boys en vne forest, fut tellement infesté de mouches, qu'il deuint fol par deux ans: & apres il print un habit de religion, & se disoit Prophete, & deuint magicien & inuocateur, & guerissoit aucuns malades. A la fin il se voulut nommer Christus, & pour tel se faire adorer, & ceulx qui refusoient à l'adorer, il les persecutoit, & faisoit persecuter par grād' multitude de peuple qui le suyuoient & adoroient avec luy. A la parfin *à quodam fideli occisus est: & ita se quaces eius dispersi sunt.*

L'an cinq
cens iii. xx
ix.

L'an cinq
cens quatre
vingt &
treze.

De la mort de Gontran, Roy d'Orleans.



N l'an de grace cinq cens.iiij.xx. & xvj. ou xvij. mourut Gontran, Roy d'Orleans, seigneur de Bourgogne & de Prouēce. Il fut en son viuant hōme qui ayma l'Eglise, loyauté, droicture, paix & cōcorde: mais trop estoit abādōné à lubricité. Il eut quatre filz de quatre femmes: mais cōme par diuine punition tous moururēt: & escheut son royaume audiēt Childebert, roy de Metz, sō nepueu, qu'il auoit adopté pour filz. Iceluy Gōtrā entre les choses qu'il chargea audiēt Childebert, luy pria qu'il se gardast de la malice & des aguets de Brunehault sa mere, & de Gillō, l'Archeueſq de Reīs. Le corps dudiēt Gōtrā fut ensepulturé en l'Abbaye de S. Marc delez Chaalons, qu'il auoit grādēmēt fondée & fait edifier.

En l'an cinq cens quatre vingt & dixneuf, saint Augustin fut par saint Gregoire, lors Pape de Rōme, enuoyé en Angleterre, pour prescher & publier la foy de Iesus Christ: & à sa predicatiō se feirēt baptiser Eldret, ou Edilbert, Roy d'Angleterre, & sa gent: & aduint que lediēt S. Augustin alla pour prescher en un territoire, qu'on appelle Dorocestre, auquel lieu les gens d'iceluy territoire, par moquerie & derision, luy attacherent à ses habillemens des reines, ou grenoilles: & depuis ce temps, par punition diuine, ceulx qui naissent audiēt territoire, ont des queues par derriere, comme bestes brutes, & les appelle on Anglois quouez.

L'an cinq
cēs. iiii. xx.
& seize ou
dixsept.

S. Augustin
fut par S.
Gregoire en
uoyé en An
gleterre.
Nota des
Anglois
quouez.

De la mort de Childebert, Roy de Metz, & de sa femme, qui moururent en un mesme iour.



An de grace six cēs, lediēt Childebert, Roy de Metz, auquel lediēt Contrā auoit laissé son royaume d'Orleās, mourut luy & sa femme en un mesme iour: & disoit on qu'ilz auoyēt esté empoisonnez en un bain, par la Royne Brunehault sa mere, affin qu'elle eust le gouuernemēt de ses royaumes: & laissa iceluy Childebert deux enfans, l'un nommé Theodebert, & l'autre Theodoric. Theodebert eut le royaume d'Austrasie, duquel le principal siege estoit à Metz, & festendoit iceluy royaume

L'an de gra
ce six cens.

par tous les pays de Champagne, Lorraine, & bien auant es Allemaignes: & Theodoric le ieune eut le regne que tenoit feu Gontrá, lequel cōprenoit Orleans, & toute la Bourgongne, Dauphiné, & Prouence: & demourerent soubz la tutelle de ladicte Brunchault, leur ayeulle.

De la guerre que Fredegonde feit aux enfans de Theodebert: & de la mort de ladicte Fredegonde.

L'an six cēs

EN l'an premier du regne desdictz deux ieunes Roys, freres, ladicte Fredegonde, qui estoit moult fiere & orgueilleuse de la victoire qu'elle auoit eue es années precedentes, sur le feu Roy Childebert leur pere, quand elle sceut qu'il estoit trespas-

L'an six cēs

et un.

alias

Quin-

trius.

Brunchault

pour sa

grāde cruau

te fut dege

stee &

chacée du

royaume,

par le Roy

Theode-

bert son filz.

alias Ka

tinus.

alias Ar-

uenne.

alias E-

gila.

De la mer-

ueilleuse ba

taille &

occision de

gens sur la

riuiere de

Aisne.

alias Isa-

ra, mai-

tenant

Oyse.

alias Ge-

nial.

alias Pro-

tadie.

vn Löbard

ou Romain

Maire du

palais de

Theodoric,

par Brunc-

hault.

te victoire, icelle Fredegōde trespasla en l'an six cēs & vn: & fut son corps enterre en l'eglise saint Vincent, à present appelé saint Germain des prez, lez Paris. En celle mesme année, vn grand prince, nommé Gemorties, fut occis par le commandement de Brunchault: laquelle, cōme femme trescruelle, feit faire plusieurs autres meurtres: & voyant ledict Theodebert, Roy de Metz, son arriere filz, l'insolence, malice & grand' cruauté d'icelle Brunchault, la feit par le cōseil, & à la grand' priere & requeste de ces Nobles, deiecter & bannyr hors de son roy aume, & de toute sa terre, pour les desloyaultez & homicides qu'elle auoit faitz faire. Icelle Brunchault, ainsi abandonnée & deiectée fut trouuée toute seule & esgarée par les champs, par vn pauvre homme, auquel elle pria tāt qu'il la mena iusques à son autre, arriere filz Theodoric, Roy d'Orleans: lequel, pource qu'elle estoit son ayeulle, la receut & l'entretint, dont mieulx luy vauflist qu'il n'en eust riens fait. Quand elle fut deuers ledict Theodoric, elle feit dōner au pauvre hōme qui l'auoit amenée, pour le recompenser de son seruice, l'Euesché d'Auxerre, combiē qu'il ne fut homme lettré, ne capable pour le tenir. Le Duc Ratinus, & vn autre nommé Gilles, furent aussi occis par le commandement de ladicte Brunchault.

En l'an de grace six cēs & cinq, par l'enhortement de ladicte Brunchault, ledict Theodoric, Roy d'Orleās, courut sus au Roy Clotaire son cousin: lequel vint cōtre luy à grāde armée, & assemblerent leur bataille au diocèse de Sens, aupres d'une grosse riuiere, nommée Aisne: & y eut si grand' occision de gens, tāt d'un costé que d'autre, que la multitude des corps mors empeschoit le cours de ladicte riuiere d'Aisne, si que elle regorgeoit & s'espandoit par dessus les bors: & durant ladicte bataille, fut veu au dessus vn Ange, tenant vn glauiue nud: & y mourut plus de trente mil hommes. Et quand ledict Roy Clotaire veit la grand' occision & descōfiture de ses gens, il s'en retira à Melun, & de là à Paris. Sondiēt cousin le poursuyuit, & gasta grand' partie des terres de son regne, & en r'apporta grands proyes & richesses. parquoy fut contrainct pacifier avec luy: & par l'appoinctement fait entre eulx, ledict Clotaire luy delassa de sa terre tout le pays qui est entre Seine & Loyre, & aussi celuy qui est entre le fleuue de Lifaire, & la mer.

En l'an de grace six cēs & sept, lesdictz Theodebert, Roy de Metz, & Theodoric, Roy de Orleans, assemblerent grand' armée, & allerent contre les Gascons, qui s'estoyent rebellez, & les subiuguerēt, & establirent & instituerēt sur eulx vn nōmé Gemaulx. En ceste année vn nommé Adoaldus, fut esleué Roy sur les Löbars, en la presēce d'Agilulphe son pere, en la cité de Milan: deuers lequell ledict Childebert enuoya ses Ambassadeurs, qui traicterent le mariage de sa fille avec ledict ieune Roy des Lombars: & par ainsi fut traictée la paix entre François & Löbars. Lors estoit Maire du palais dudiēt Theodoric, Roy d'Orleās, vn moult loyal Cheualier, nommé Berthouault: & y auoit vn nommé Proclaide, qui estoit Rōmain de nation, qui comme on disoit maintenoit ladicte Brunchault, & par ce luy auoit elle fait donner vne Duché. Et ainsi que l'accoustumance du peché croissoit entre Brunchault & Proclaide, tant plus croissoit à ladicte Brunchault la volonté de l'aduancer: & affin qu'elle le peust faire Maire du palais, trouua facon de faire tuer ledict Berthouault en la battaille, qui fut contre le Roy Theodoric, d'Orleās, & Clotaire, Roy de Paris, sur la riuiere d'Estāpes. Quand ce Proclaide eut esté fait Maire du palais du Roy Theodoric, d'Orleans, il deuint moult fier & orgueilleux: & entre les autres vices qui estoyent en luy, il fut plus auaricieux que nul autre, selon la nature des Löbars, & trauailloit moult les Princes & subiectz du royaume dudiēt Theodoric, si qu'il entra en la hayne de tous. En l'an de grace six cēs & neuf, le soixante cinq ou soixante neufiesme Pape de Rōme, nommé Boniface quatrieme, obtint don de l'Empereur Phocas, lors regnāt, d'un temple qui estoit cōsacré au nō de tous les dieux ydoles, nōmé Pātheon, en la cité de Rōme: & le cōsacra en l'hōneur de tous les Sainctz, ordonnāt la feste de Toussainctz estre celebrée es calēdes de Nouembre, cōme on lit en la legende de ladicte feste.

En l'an

En l'an de grace six cens & dix, la desloyalle Brunchault, qui pas n'auoit oublié la hôte & la vergo ngne que luy auoit fait son filz Theodebert, Roy de Metz, qui l'auoit, par ce qu'elle estoit desloyalle chacée, & bannie de son royaume, se pourpensa commēt elle s'en pourroit venger. Si conseilla audiēt Theodoric, Roy d'Orleans, qu'il mandast audiēt Theodebert, Roy de Metz, son frere, qu'il luy enuoyast sa portion des thresors de son pere, qu'il auoit prins seul. Si donna à entēdre audiēt Theodoric, que lediēt Theodebert son frere, estoit bastart, & filz d'une concubine, & qu'il n'auoit oncques esté engendré du Roy Childebert, son pere, mais d'un cordelier, & que par ce ne deuoit estre son heritier. Proclaide, Maire du palais, conseilloit pareillement audiēt Theodoric qu'il vlast du conseil d'icelle Brunchault son ayeule, & tellemēt le persuaderent qu'il se consentit à leur malice. Si assembla grand armée pour aller contre lediēt Theodebert son frere. Lesdiētz deux Roys, Theodoric d'Orleās, & Theodebert de Metz, qui se preparoyent à bataille l'un contre l'autre, enuoyerent chacun leurs Ambassadeurs deuers Clotaire, Roy de Paris, leur cousin, pour auoir de luy ayde: mais iceluy Clotaire par le cōseil de saint Columbain, qui estoit son conseiller, ne se voulut entremettre de leur questiō: & luy dist lediēt saint Columbain, que dedās deux ans les Royaumes de sesdiētz cousins viendroyent en ses mains. Lediēt Theodebert, Roy de Metz, semblablement pour soy deffendre assembla les Nobles & subiectz de son royaume, & vint contre son frere, iusques à vn lieu qui à nom Carisi. Là se logerent lesdiētz ostz, & delibererent de batailler au lendemain: mais les bons Cheualiers, haulx hōmes, & Barons du royaume Theodoric, voyans que la guerre qui estoit entre les deux Roys, freres, n'estoit pas honneste, & qu'il n'y auoit point d'occasion; conseil lerent à leur seigneur, qu'il pacifiast à son frere, & qu'il ne brisast pas l'honneur & l'amour fraternelle, qui deuoit estre entre eulx, par conuoitise & mauuais conseil: mais lediēt Proclaide, Maire du palais, qui la estoit, fut d'oppinion contraire. Tous les Barons veirēt bien que le diēt Proclaide leur estoit contraire à faire la paix, & au profit du royaume. Si commencerent à dire entre eulx que mieulx seroit que lediēt Proclaide mourust, que tāt de haulx hommes & gens de bien, qui estoient es deux ostz, fussent en peril de mort. Le Roy Theodoric, qui estoit fort de sa tente, pour visiter son ost, congnt bien par aucunes parolles qu'il ouyt, la volonté desdiētz Barons, & qu'ilz vouloyent occire lediēt Proclaide, & que ia s'assembloyent autour sa tēte, en laquelle estoit iceluy Proclaide. Si voulut retourner vers sadiēt tēte, & mettre peine de les empescher: mais ses gens le retindrent comme à force. Si appela vn Cheualier nommé t Vtile, & luy commāda qu'il allast deffendre de par luy ausdiētz Barons, qu'ilz ne messissent audiēt Proclaide, en aucune maniere. Lediēt Vtile, qui hayoit lediēt Proclaide, alla deuers les Barons, & tourna la parolle du Roy tout au contraire: & leur dist que le Roy leur mandoit & commandoit, que lediēt Proclaide fust incontinent mis à mort. Lors entrerent les Barons en la tente du Roy, ou Proclaide iouoit aux tables, avec vn Phisiciē, qui Pierre auoit nom, & le tuerent, comme ennemy de paix & de concorde. Puis s'en retournerent deuers le Roy, & le r'appaierent le plus beau qu'ilz peurent, & firent tant vers luy, qu'il se consentit à faire paix avec son frere: & quand l'appoinctement fut conclud, chacun s'en retourna en sa terre.

L'an six cēs
& dix.

La malice
de Brune-
hault.

t als Vn
celen.

Des inhumanitez que faisoit faire la Royne Brunchault.



V lieu dudiēt Proclaide fut fait Maire du palais de Theodoric vn autre, nommé Clodie, semblablement Rōmain de natiō, qui estoit moult ioyeux, sage, & loyal Cheualier, & vsoit de moult belles parolles & amyables à tous: mais moult il estoit gras & pesant. Vtile, le Cheualier qui auoit esté cause de la mort de Proclaide, par le rapport qu'il auoit fait, ne se garda pas bien de la malice, ne des aguetz de Brunchault: car elle luy feit copper vn des piedz, & oster tous ses biēs, si qu'il demoura en peine & grand' pauureté. Semblablement en l'an six cens & douze feit elle occire en vn isle, vn autre riche Cheualier, nommé t Bolsus, qui auoit cōseillé & consenty la mort dudiēt Proclaide. Icelle Brunchault feit tant de maulx & inhumanitez, & fut de si peruerfes & mauuais meurs, *ut merito crederetur Sibillam de ea naticinatam esse:* laquelle Sibille dit ainsi: *Vener Brunia de partibus Hispanie, ante cuius conspectum gentes, uel gentium reges peribunt: ipsa uero calcibus equorum dirupta peribit.*

L'an six cēs
& douze.
t als Vol
sus.

Vne sibille
naticina &
propheta
de la peruer
sité de Brune-
hault, &
sa mort.
t als E-
broin.

En l'an que dessus six cēs & douze, lediēt Theodoric, par les persuasiōs de Brunchault, son ayeule, & d'Aride, Archeuesque de Lyon, r'enuoya querir S. Disier, Archeuesque de Vienne, de l'exil ou il l'auoit enuoyé l'an six cens & huit: & quād il fut retourné Brunchault le feit lapider: *ad cuius tumulū miracula creberrime facta sunt.* En ce mēme tēps lediēt Theodoric enuoya Aride, Archeuesq de Lyō, & vn nommé t Thorin, qui estoient deux de ses grāds cōseilliers en son palais deuers Bertrich, roy des Vvisigotz en Espagne, luy demāder en mariage vnne siēne fille, nommée Hermēberge. Lediēt Bertrich en fut moult ioyeux, & luy ppara & donna ioyaux & thresors:

† alias
point.
Theodoric
par les per-
suasions de
Brunchault
delaiſſa ſa
femme, la
ſille du roy
d'Espaigne

S. Colöbain
fut enuoyé
en exil, par
le roman-
dement de
Brunchault

Puis la bailla aux meſſagers de Theodoric, & d'iceulx print ſerment, que lediſt Theodoric la tiendroir comme ſa femme, & qu'elle ſeroit Roynne tous les iours de ſa vie. Les meſſagers l'amenerēt deuers Theodoric, qui la receut honorablement, puis l'eſpouſa, & moult l'ayma par aucun temps: mais la deſloyalle Brunchault en fut enuieufe & deſplaiſante, & tāt ſeit enuers lediſt Roy par ſes perſuaſions & mauuais rapportz, qu'il ne la cōgnot plus, & la print en ſi grand' hayne qu'il la rēuoya en Eſpaigne audict Roy Bertrich, ſon pere, *theſauris expoliatus*: lequel Bertrich en fut moult deſplaiſant: & par ce enuoya incontinent meſſagers deuers Clotaire, Roy de Paris, couſin dudiſt Theodoric, luy mandant que ſ'il ſe uoluit venger des dōmages & deſhonneurs que lediſt Theodoric, ſon couſin, luy auoit faiſtz, de luy tollir ſa terre, que voluntiers ſ'allieroit avec luy, pour ſemblablement venger la hōte de ſa fille. Le Roy Clotaire à ce ſ'accorda. Puis r'enuoya lediſt Bertrich, Roy d'Eſpaigne, ſes meſmes meſſagers deuers Theodebert, Roy de Metz, pour ſçauoir ſ'il ſeroit de leur alliance cōtre lediſt Theodoric, ſon frere: lequel ſ'y accorda. Auſſi ſeit le Roy Agon de Lombardie. Lediſt ſainſt Colöbain, qui eſtoit conſeiller dudiſt Theodoric, reprint par moult de ſoys iceluy Theodoric, de ce qu'il auoit ainſi laiſſée & abandonnée ladiſte Hermemberge, ſon eſpouſe, & par le conſeil de Brunchault vſoit ſa vie mauuiſemēt en luxure & diſſolution, avec mechines & meſchantes femmes: & ſemblablement blaſma moult ladiſte Brunchault, des grands maulx & inhumanitez qu'elle auoit eſté cauſe de faire en France, & ailleurs. Icelle Brunchault voulut que lediſt ſainſt Colombain donnaſt ſa benediſtion à deux enfans baſtardz, qu'auoit lediſt Theodoric euz de ſes mechines, mais il n'en voulut riens faire: & luy diſt que iamais leſdiſtz enfans ne tiendroyēt ſceptre royal, & que ce n'eſtoit pas raiſon, pource qu'ilz eſtoyent de cōcubinage & baſtardz. Et pour ceſte cauſe, auſſi affin que par ſon admonneſtenent lediſt Theodoric n'abandonnaſt les mechines qu'il tenoit, elle le ſeit enuoyer en exil, ou il mourut tantōſt apres.

De l'appoinctement qui fut faiſt entre les Roys, Theodebert & Theodoric.

† aſs Sa
loiiſie,
ou Sa-
leſe.

Theo-
bert occiſt
& tua ſa
femme, nō-
mée Belchi-
de.

† aſ. Bile
childe.

† alias
Teude-
childe.



Theodebert, Roy de Metz, auquel Theodoric, Roy d'Orleans, ſon frere, auoit fait pluſieurs griefz & dommages, par l'enhortement de Brunchault, cuydant aucune choſe recouurer de ce qui luy auoit eſté tollu, ſeit guerre audict Theodoric: & ſ'aſſemblerent les deux oſtz, mais il ne bataillèrent point: car aucuns furent qui ſ'entremyrent de faire la paix. Et pour icelle conclure, ſ'aſſemblerent en vn lieu, qui a nom † Falaiſe, & fut diſt que les Roys ſe trouueroyēt à peu de cōpagnie des plus grands de leur party. Le Roy Theodoric y amena dix mil hōmes: mais lediſt Theodebert trop plus grand nombre, en propos de troubler la paix. Quand Theodoric ſceut la volunté, & veit la puiſſance de ſon frere Theodebert, il fut contrainſt à conſentir tel appoinctement qu'il voulut demander, mais non pas de bonne volunté. L'accord fut tel, que lediſt Theodebert auroit les comtez de Touraine & de Champaigne, qui eſtoyent du royaume de Theodoric: & à tant ſe departirent. En celle meſme année iceluy Theodebert occiſt Belchide, ſa femme, qu'il auoit pieça eſpouſée, par l'enhortement de Brunchault, laquelle l'auoit achetée des marchans, par ce qu'elle eſtoit moult belle, puis l'auoit fait eſpouſer audict Theodebert. Vne autre en eſpouſa apres ſa mort, qui eut nom † Cheutilde, dont il eut vn filz, qui eut nom Aubert: & ſi eut ſept baſtardz de pluſieurs concubines.

De la guerre que Theodoric, Roy d'Orleans, ſeit de rechef à Theodebert, Roy de Metz, ſon frere, qui fut deſconfit, & ſ'en fuyt à Coulongne, ou ceulx de la cité luy copperent la teſte, & l'enuoyerent audict Theodoric.

L'an ſix cēs
& dixſept



Nl'an de grace ſix cēs & dixſept, Theodoric, Roy d'Orleans, penſa moult comment il pourroit prendre vengeance de l'iniure que ſon frere Theodebert, Roy de Metz, luy auoit faiſte, de luy tollir ſa terre: & avec ce ladiſte Brunchault, *peiora prioribus conſilia dans*, diſt audict Theodoric (en le blaſmant qu'il eſtoit laſche & negligēt qu'il ne requeroit auoir les theſors de ſon pere, que luy detenoit lediſt Theodebert ſon frere) qu'elle ſçauoit certainement qu'il eſtoit filz d'vne ribaulde, concubine, & nay en adultere. Pour leſquelles cauſes lediſt Theodoric māda à Clotaire, Roy de Paris, que ſ'il luy uoluit promettre qu'il n'ayderoit point audict Theodebert contre luy, il ſeroit guerre audict Theodebert: & ſ'il aduenoit qu'il euſt victoire, il luy rendroit les terres, qu'il luy auoit baillées par l'appoinctement qu'ilz auoyent par auant faiſt enſemble. A quoy le Roy Clotaire ſe conſentit: & par ce lediſt Theodoric aſſembla grans nombre de Barons & Cheualiers, &

& gens d'armes, & alla cōtre son frere le Roy de Metz: & eurent bataille pres la ville de Toul, ou ledict Theodoric eut victoire, & fut ledict Theodebert desconfit, & l'enfuyt iusqs à Metz: mais ledict Theodoric son frere le suyuit, & le chaça tellemēt & de si pres qu'il s'en alla à Coulongne, ou iceluy Theodoric le suyuit & l'assiegea dedans. Ceulx de la cité vindrent à l'encōtre dudit Theodoric, pource qu'il gastoit leur pays: lequel Theodoric leur dist qu'il n'estoit pas la venu pour leur mal faire, ne gaster leur pays, mais pour poursuyuir son frere, & que filz vouloyent sa grace qu'ilz luy rendissent en ses mains, ou qu'ilz luy apportassent son chef. Les messagers retournerent en la cité, & dirent au Roy Theodebert: Ton frere te mande que se tu luy veux rendre sa partie des thresors de son pere, que tu as saiziz, il s'en retournera en son pays, & te laissera ceste contrée: si te prions qu'ainsi le faces, & que tu ne seuffres pas que nostre pays soit gasté & destruit. A ceste occasion ledict Theodebert cuyda qu'ilz luy dissent verité, & les mena au lieu ou estoient ses thresors & richesses: & ce pendāt qu'il pēsoit qu'il pourroit à son frere bailler, en maniere qu'il ne fust trop dōmagé, l'un d'eulx, qui aupres luy estoit, tira son espée, & le tua, & luy coppa la teste. Apres le gesta hors de la cité par dessus les murs. Tantost apres que ce fut diēt audit Theodoric, il entra dedans la cité, & print tous les thresors dudit Theodebert, & de son pere, qui de lōg tēps y estoient, & māda les Nobles du pays, en l'eglise de Sainct Gereon, qui tous luy feirent hommage. Et ainsi qu'il receuoit les sermēs d'eulx, il luy fut aduis qu'aucun luy bailla vn grand coup au costé, si qu'il cuyda estre blecé. Si fait fermer les portes, affin que nul ne peust sortir, & fut despouillé par ses chambellans: mais on n'y trouua point de coup de couteau, fors seulement que la chair estoit vn peu rouge à l'endroit du lieu ou il luy sembloit auoir esté frappé: & ce fut seulement demōstrance que de bref deuoit mourir. Apres ladicte victoire & les sermens des Nobles du pays ainsi receuz, par ledict Theodoric, il s'en retourna, & emmena avec luy trois des filz bastardz, & vne fille legitime, qu'auoit ledict Theodebert: laquelle fille estoit à merueilles de grand' & excellēte beauté. Ladicte Brunehault print lesdictz enfans, & en tua les deux, & le tiers, qui estoit en aulbe, elle le print par le pied, & le frappa la teste contre la muraille, tellement qu'elle en fait voller la ceruelle: & retint ladicte fille. Et apres ces choses rēdit ledict Theodoric audit Roy Clotaire, les terres que ledict feu Theodebert, Roy de Metz, luy auoit tollues, cōme promis luy auoit: mais ce neantmoins tantost apres, par le conseil de Brunehault, il luy manda qu'il les luy rebaillassent, ou qu'il auroit guerre à luy, & le greueroit par tous les moyens qu'il pourroit.

Theodebert fut tué & occis par ses subgetz mesmes.

La peruerse Brunehault tua trois des enfans de Theodebert.

Comment Theodoric, Roy d'Orleans, voulut prendre à femme la fille de feu Theodebert son frere: & comment ladicte Brunehault fait mourir ledict Theodoric, par venin en vn baing.



Pres ces choses ainsi faictes iceluy Theodoric, Roy d'Orleāns, & de Metz, pour la grande & excellente beauté, qui estoit en sa niepce, fille dudit feu Theodebert, Roy de Metz, laquelle il auoit amenée avec luy de Coulongne, la voulut prendre à femme & l'espouser: mais ladicte Brunehault luy deffendit & desconseilla. Et quand il luy demanda quel mal, & quelle offence il feroit s'il la prenoit en mariage, elle luy respondit qu'il ne deuoit pas espouser sa niepce, la fille de son frere. Quād ledict Theodoric ouyt ces parolles il fut merueilleusement courroucé contre elle, & luy dist telles parolles: O toy trescruelle & desloyalle femme, enuieuse, ennemye de Dieu, & du monde, cōtrouerresse de tous maulx, contraire à tous biens, ne m'as tu pas autresfois dit & dōné à entendre, que Theodebert Roy de Metz, n'estoit pas mon frere, & qu'il estoit bastard, filz d'une concubine, & d'un cordelier? et pourquoy m'as tu mis en voye de commettre tel peché, que ie l'ay occis, & suis homicide de mon frere, & de mon sang. Quand eut ce dit, il tyra son espée, & luy courut sus, pour la vouloir occire: mais ceulx qui la estoient presens, se meirent au deuant, & la destournerent de sa presence, & ainsi eschapa de mort celle fois. Apres ceste chose aduenue ladicte Brunehault, qui moult en fut courroucé, se pourpensa comment elle se pourroit venger dudit Theodoric, son filz. Elle regarda son poinct qu'un iour que ledict Theodoric se baignoit, elle deceut ceulx qui le seruoient par promesses & par dons qu'elle leur fait, & leur bailla vn breuuage enuenimé, qu'ilz luy feirēt boire au sortir du baig. Quād il eut beu le venin tantost cheut mort à terre, sans confession & sans repentance des grands maulx & pechez qu'il auoit faictz tout le temps de sa vie, & fut son corps enterre à sainct Martin d'Autū. Iceluy Theodoric laissa seulement quatre filz bastardz, qu'il auoit euz de pauures mechines: dōt les noms estoient Sigisbert, Corbes, Childebert & Merouée, lesquelz ne luy succederent aucunement: & par ainsi reuint toute la monarchie du Royaume à Clotaire, Roy de Paris.

Des reproches que fait le Roy Theodoric à la peruerse Brunehault son ayeulle.

Comment Brunehault voulut faire regner aucuns bastardz de feu Theodoric, Roy d'Orleans & de Metz.

Brunehault
voulut e-
stre gouver-
nante du
royaume de
Metz.



Vand les Roys, & ceulx qui de la lignée du feu Roy Clouis estoient descenduz, en directe lignée, eurent ainsi esté mors & occis, & qu'ilz eurent regné depuis le temps dudit Clouis leur ayeul, ou eut de temps enuiron cent sept ans, & que n'y auoit plus de droit heritier, fors & excepté ledict Clotaire, Roy de Paris, toute la monarchie des quatre royaumes reuît en sa main. Toutesfois ladicte Brunehault, qui toute sa vie ne songea que mal faire, tendit & se perforça moult comment Sigisbert, aîné filz bastard du Roy Theodoric, peust auoir le royaume de Metz. Et ce faisoit elle affin qu'elle fust par dessus au royaume gouuernante: mais les Nobles & Barons du royaume, qui la congnoissoient, ne voulurent pas estre gouuerner par les mains d'une telle femme, n'auoir seigneur qui ne fust de droicte ligne, & legitime. Si manderent audict Roy Clotaire qu'il allast au royaume de Metz, & qu'ilz luy liureroient le pays. Si assembla son ost & se meit en voye. Quand ladicte Brunehault sceut que ledict Clotaire estoit entré au pays, elle luy mada & cōiura qu'il y fust hors du royaume de Metz, qui auoit esté audict feu Roy Theodoric, lequel l'auoit laissé à son filz Sigisbert. Lors ledict Clotaire luy manda que ledict Sigisbert estoit bastard, & ne pouoit succeder audict Theodoric, & que de ceste matiere elle se cōseillast aux Princes & aux Barons du pays, & qu'il estoit content d'en ester & accepter iugement à leur dict & ordonnance. Brunehault apperceut bien lors qu'elle n'auoit pas bonne cause, felle s'en rapportoit ausdictz Barons (car elle scauoit bien qu'ilz la hayoyent) si enuoya outre le Rin ledict Sigisbert, filz bastard dudit Theodoric, & Garnier, Maistre du Palais d'Austrasie, & vn autre nommé Albon, pour prendre alliance à ceulx du pays contre ledict Roy Clotaire: mais tã tost apres elle eut soupçon contre ledict Garnier, qu'il ne fust fauorable audict Clotaire: & par ce enuoya audict Albon lettres, & luy manda qu'incontinent feist occire ledict Garnier. Ledit Albon, quand il eut receu & leu les lettres de ladicte Royne Brunehault, les deschira en pieces. Là fut quelcun des amys dudit Garnier, lequel d'auenture en amassa les pieces & les assembla, & par icelles sceut le contenu: & quand il les eut veues il en aduertit ledict Garnier: lequel pour soy sauuer commença à penser commēt ledict Sigisbert, filz bastard dudit feu Theodoric, pourroit estre occis, & comment il se pourroit sauement retyrer deuers ledict Roy Clotaire. Quand lesdictz Sigisbert, Garnier, & Albon furent deuers ceulx ou ilz alloient pour prendre ladicte alliance, iceluy Garnier feit tout le contraire de ce que ladicte Brunehault luy auoit chargé, & les destourna qu'ilz ne prissent alliance avec ladicte Brunehault, ny à ses nepueux. Apres que ledict Garnier fut retourné au pays de Bourgongne, qui estoit des appartenances dudit royaume de Metz, il conuertit secretement ceulx du pays, tellement qu'ilz furent du party dudit Clotaire, contre ladicte Brunehault: laquelle il hayoyent forment pour sa cruauté, & pour son orgueil. Quand ledict Garnier eut ainsi appointé la chose, il manda audict Clotaire qu'il vint hardiement, & qu'il luy rendroit entierement ledict royaume de Metz & pays de Bourgogne, & toute la Baronie à luy subgecte. Lors ledict Clotaire, avec grand' compagnie de gens d'armes, alla iusques aupres d'Auxerre, & ia auoit en sa compagnie plusieurs des Princes du royaume de Metz, qui s'estoyent réduz à luy: & les Bourguignons & Austrasiens vindrent au deuant de luy, pour luy ayder, à grand' compagnie: & ladicte Brunehault assembla tout ce qu'elle peut de gens de guerre, pour le venir combattre, & tant errerent & cheuaucherent qu'ilz furent pres les vns des autres.

De la bataille qu'eut le Roy Clotaire contre les bastardz du Roy Theodoric de Metz, que Brunehault vouloit faire regner: & comment ladicte Brunehault fut prinse, & amenée au Roy Clotaire.

Brunehault
fut prise a-
vec trois
filz ba-
stardz de
Theodoric.
t als A-
xone, vn
& ainsi al-
lerent ius-
ques aup-
res d'une
eue, qui
est nom-
mée t Se-
gone: &
fut lors
prinse la
mainte-
nât Sof-
ne.



Vand les batailles furent approchées, ledict Garnier, & la plus part des Princes du royaume de Metz, d'Austrasie & de Bourgongne, qui estoient de leur entreprinse, se retirerēt tout bellemēt en arriere. Aussi feirent leurs gens qui les veirēt reculer. Ledit Clotaire & ses gens, qui entendoient bien leurs fainctes, les suyurent tout bellement sans mal leur faire (car il s'attendoit qu'ilz seroyent tous à vn) & ainsi allerent iusques aupres d'une eue, qui est nommée t Segone: & fut lors prinse la dicte Brunehault, & trois des filz bastardz dudit feu Theodoric, Roy de Metz: c'est à scauoir Sigisbert, Corbes, & Merouée: mais Childebert le maine, qui estoit mōté sur vn bon cheual, feschapa,

ſeſchapa, & ſenſuyt, & onc puis ne ſceut on qu'il deuint. Tātost apres furent amenez deuers le-
diſt Clotaire ladiſte Brunehault † & Endeliue, qui eſtoit ſœur dudiſt feu Theodoric, que Gar † aſs
nier, & ceulx de ſon accord auoyēt prinſes. Lors ſeit lediſt Clotaire occire en ſa preſence, Si- Theude
giſbert & Corbes, deux deſdiſtz enfans baſtardz: & pource que Merouée eſtoit ſon filleul, il line.
le reſpita de mort, & commanda qu'il fuſt nourry cherement.

*Comment Clotaire recita à Brunehault, preſent ſes Barons, les crudelitez qu'elle a-
uoit commiſes: & leur demanda conſeil de quelle mort elle deuoit mourir.*



LE Roy Clotaire commāda lors que ladiſte Brunehault fuſt amenée deuāt luy,
en la preſence de toute la baronnie de France, de Bourgongne, de Normādie,
d'Auſtraſie, & autres pays, qui la eſtoit aſſemblée. Lors eut il opportunité de
deſcouvrir le maltalent, que pour pluſieurs iuſtes cauſes, il auoit conceu contre
elle. Par quatre fois la ſeit battre & tourmenter de verges. Apres la ſeit monter
ſur vn vieil cheual, & la ſeit mener en vn ſpectacle, & villenner par tout l'oſt: &
quand elle fut ramenée, il luy reprocha, voyant & oyant toute la baronnie, les grands maleſi-
ces, cruautéz, & inhumanitez qu'elle auoit faiſtes & cōmiſes, & eſté cauſe de faire, en diſant:
O tu femme mauidiſte entre toutes les autres femmes, ſubtile enginerelle à trouuer art & en-
gin pour le monde deceuoir, comment peut oncques entrer en ton courage ſi grand' deſloy-
auté, ne ſi grand' & deſmeſurée cruauté, que tu n'aſ eu honte ne doubtañce d'occir, d'empoi-
ſonner, ne de meurtrir ſi noble generation qu'eſt celle des Roys de France, que tu aſ fait mou-
rir iuſques à dix Roys: dont les vns ſont mors par ton conſeil, par glaiue: & les autres par tes
mains, & les autres par poiſons, ſans les autres Ducz, Comtes, Barōs, Prelatz, & grands hō-
mes que tu aſ fait mourir par ta malice. C'eſt bien raiſon que tu doyues mourir, pour donner
exemple au monde, toy qui es bien coupable de ſi grandes felonnies. Nous ſcauons bien que
le Roy Sigisbert (qui fut mon oncle, & ton Seigneur & mary) par ton conſeil ſeſleua contre
ſon frere, dont il ſouffrit mort. Merouée, mon frere, par ton conſeil fut en la hayne de noſtre
pere, dont il mourut de cruelle mort. Le Roy Chilperic, mon pere, ſeis tu meurtrir en trahiſon,
par tes meurtriers: laquelle mort ie ne puis cōpter ſans larmoyer, car p ſa mort ie ſuis demeuré
orphelin, & ſans gouuernement. Moult ſeroient longues à raconter les guerres que tu aſ
ſuſcitées entre les freres charnelz, Roys & Princes de France, & les batailles mortelles des
prochains amys, les mortelles haynes que tu aſ ſemées & ſuſcitées es coeurs des Princes, &
des Barons. Ne meus tu pas la guerre, entré tés enfans & nepueux, ſi que l'vn en fut occis: car
Theodoric, qui tes parolles croyoit, occiſt le Roy Theodebert, pource que tu luy ſeis enten-
dre, qu'il ne luy appartenoit en riens, & qu'il eſtoit baſtard. Son propre filz Merouée occiſt il
de ſes propres mains, par toy. Biē ſçait l'on que les aiſnez des filz Theodebert, ton nepueu, fu-
rent par toy occis: & le maiſné, qui nouuellement eſtoit nay & baptizé, frappas de tes propres
mains, ſi durement la teſte contre vn pillier, en le tenant par vn pied, que tu luy ſeis la ceruelle
voller par terre. Puis encores Theodoric, qui eſtoit filz de ton filz, empoisonnas tu nouuelle-
ment. Ses filz, qui baſtardz ſont, & ne doyuent heriter à ſon royaume, aſ tu eſmeus cōtre moy
à bataille: deſquelz les trois ſont ia prins, & les deux mors, ſans en te comprēdre les autres ho-
micides des haultz & grands hommes, qui ſont mors par toy, & à ton occaſin & pourſuyte.

*Brunehault
ſeit mourir
dix Roys
en France,
ſans les au-
tres Ducz,
Comtes, Ba-
rōs & grāds
Seigneurs.*

*Comment la Royne Brunehault fut faiſte mourir, attachée à la queue
d'un ieune cheual.*



ET quand le Roy Clotaire eut ces choſes recitées, en la préſence des haultz hommes
& Barons qui la eſtoient, il ſe tourna deuers eulx, & leur diſt: Seigneurs, Nobles,
Princes, & Barons de France, mes compaignōs & mes Cheualiers, freres & amys,
iugez de quelle mort, & par quel tourmēt doit perir femme ſi cruelle, & ſi deſloyal-
le comme elle eſt. Ilz ſeſcrierent tous qu'elle deuoit mourir de la plus cruelle mort que l'on
ſçauoit pour penſer. Lors commanda le Roy Clotaire qu'elle fuſt lyée par les bras, & par les
cheueulx, à la queue d'un ieune cheual (qui oncques n'auoit eſté cheuauché ne dōpté) & traî-
née parmy l'oſt. Ainſi que le Roy le commanda, il fut faiſt: & au premier coup que celui qui
ſur le cheual eſtoit monté heurta des eſperons, il lancea les piedz de derriere ſi rudement con-
tre la teſte d'icelle Brunehault, qu'il luy rōpit le teſt, & ſeit voller la ceruelle p terre. Le corps
fut traîné par hayes & buyſſons, par eſpines, montaignes & vallées, tant qu'elle fut toute de-
rompue & diſſipée de membres, & ce qui en demoura ſeit le Roy bruſſer, & la cendre getter
& mettre au vent: & ainſi fina miſerablement ſes iours.

*De la cruel
le mort de
Brunehault
qui de tāt
de maulx
auoit eſté
cauſe.*

LES CRONIQVES ET ANNALES DE FRANCE.

Fondations
faictes par
Brunchault

Combien que ladiète Brunchault eust esté en son viuant cause de plusieurs grands maulx & inhumanitez, toutesfois ne fut elle pas du tout si effrenée, qu'elle n'eust aucune reuerence à Dieu, & aux Saintz & Sainctes, & à leurs eglises, que les preud'hommes auoyent parauant fondées, & elle mesmes en fonda plusieurs. Elle fonda l'Abbaye d'Aynay, qui est hors les murs de la ville de Lyon, à la poincte de la riuere de Soſne, en l'honneur de saint Pierre. Vne autre en la cité d'Autun, en l'honneur de saint Martin, auquel elle auoit plus singulière conſiance qu'en nul des autres Saintz: & dient aucuns que son corps est là enterré, & qu'il ne fut pas brulé: & ne croyroit on pas legieremēt qu'une ſeule ſême eust fondé & edifié ſi grād nombre d'eglises comme elle en fonda, tant en France, en Bourgongne, en Auſtraſie, qu'ailleurs: lesquelles elle fonda & doua, & aorna moult richement.

Comment toute la monarchie du royaume de France vint à Clotaire: & comment il quitta le tribut que deuoyent les Lombardz.

Le Roy Clotaire regna Roy de France quarante quatre ans.

L'an ſix cēs dixneuf.

A Pres le trespas deſdictz Roys, qui auoyent regné en France, & de leurs enfans, qui moururent (ainſi que deſſus a eſté recité) toute la monarchie du royaume de France eſcheut audit Roy Clotaire, apres ce qu'il eut regné à Paris trente ans, & depuis regna quatorze ans: ainſi il regna en tout quarante quatre ans, ayant vn nommē Karloman, pour Maire de ſon Palais, en Auſtraſie. Ceſtuy Clotaire eut d'une noble Dame, nommée Bertrude, ſa femme eſpouſée, vn beau filz, qui fut Roy apres luy, & fut nommē Dagobert. Iceluy Clotaire fut gracieux, ſage, & bien moriginé, doubtant Dieu, & enrichit moult les eglises: noble combatteur, & hardy aux armes. Il prenoit tout ſon deduit au boys & à la chace. En l'an de grace ſix cēs dixneuf, il quitta aux Lombardz douze mil liures, qu'ilz payoyent chacun an de truage aux François, par cōpoſition qu'ilz auoyent pieça faicte, pour auoir l'alliance du feu Roy Gontran d'Orleans.

Du cerf que chaceo Dagobert, qui ſe ſauua en la chapelle des martyrs ſaint Denis, ſaint Ruſtic, & ſaint Eleuthere.

L'an ſix cēs dixneuf.

D'un cerf, qui miraculeuſement apparut à Dagobert, pres S. Denis, en France.

S. Denis et ſes compaignōs furent enuoyez pour preſcher en France.

Q Vand Dagobert, filz dudit Roy Clotaire, fut parcreu en l'age de puerilité, ſon pere le bailla pour introduire en bonnes meurs, & aprendre lettres, à ſaint Arnoul, lors Eueſque de Metz: & puis le ſeit venir en ſa court, en l'an de grace ſix cēs .xix. Vn iour aduint, ainſi que l'enfant deuint grand, il alla chacer en vn boys, pres Paris, ainſi que voluntiers les François ont de couſtume d'eulx deporter en tel deduyt. Vn cerf eſmeut, qui aſſez legierement fut trouué, lequel fut ſi longuement ſuyuy par Dagobert, & par ſes veneurs & chiens, que le pauvre cerf fut ſi laſſé, & mal mené, qu'il ne pouuoit plus aller auant. Il print ſon erre, & ſe print à courir le long d'une grand' rue, qui lors eſtoit appelée la rue Catulliēne, à cauſe d'une bonne Dame qui auoit nom Catulle, qui la auoit demouré long temps parauant: & fut celle qui recueillit les corps des glorieux ſainctz martyrs Denis Ariopagite, Ruſtic, & Eleuthere: lesquelz tantost apres l'Aſcenſion noſtre Seigneur, furent par les Apoſtres enuoyez en France, lors nommée Gaulle, pour y preſcher la foy de Ieſus Chriſt: & y ſouffrirent martire ſoubz l'Empeur Domitian, premier de ce nom, l'an de grace quatre vingtz, apres l'incarnation Ieſus Chriſt, en la montaigne de Montmartre, pres Paris: ainſi qu'on lit en la legende deſdictz ſainctz. Au lieu ou ladiète Catulle auoit enſepuely leſdictz corps ſainctz, auoit vne petite chapelle, laquelle ſainte Geneuiefue (elle viuante) y auoit fait edifier par deuotion, & eſt le lieu ou eſt de preſent l'eglise que l'on appelle ſaint Denis de l'Eſtrée. Le cerf, qui longuement auoit couru le long de la rue Catullienne, quand il ſe veit ſi malmené & preſſé des chiens, il vint à l'endroit de ladiète chapelle, ou il trouua l'entrée ouuerte, & ſe meit dedans: & comme celuy qui tant eſtoit las & malmené, que plus ne pouuoit, ſe coucha ſur vne rambe de pierre plate, qui eſtoit ſur leſdictz corps ſainctz, pour ſoy repoſer & rafreſchir. Tantost vindrent les veneurs, & la route des chiens, qui l'auoyent longuement chacé & pourſuyuy, huyans & glatiſſans: & combien que l'entrée de ladiète chapelle fuſt ouuerte, & tout ainſi comme le cerf l'auoit trouuée, ſi n'entrèrent point les chiens dedans, ains alloient & venoient tout autour de ladiète chapelle, ſans y pe uoir ne ſcauoir entrer, par les merites des benoiſtz martyrs, qui voulurēt garder le pauvre cerf, qui ſeſtoit voulu rendre à eulx à garād. Lors arriua Dagobert, ſuyuant la route deſdictz chiens, qui veit la contenance du cerf & des chiens, dont il fut moult eſmerueillé: & commanda qu'on laiſſaſt eſter le cerf, & qu'on oſtaſt les chiens d'entour, & ainſi eſchapa le cerf.

En l'an

En l'an de grace six cens.xxij. ledict Clotaire, *consilio prauorum deceptus*, enuoya en exil S. Loup, Archeuesque de Sés:mais depuis le r'appela, & aduint qu'un iour, ainsi qu'il celebrait, vne belle marguerite, ou pierre precieuse, tomba du ciel au calice: laquelle fut apportée audict Clotaire, & la feit enchasser en vn beau reliquaire. En l'an six cens.xxij. mourut la Royne Bertrude, femme dudit Clotaire, & mere de Dagobert: si en espousa vne autre, qui eut nom t Sigilde, & en eut vn filz, nommé t Aubert. En l'an de grace six cens.xxv. fut Pepin, filz de Karloman, fait Maire du Palais, au royaume d'Austrasie, & saint Arnoul, arriere filz d'Arifber t senateur, & de Blitilde, fille du premier Roy Clotaire, fut Maire du Palais en France. En celle année mourut saint Claude, en l'abbaye ou gist de présent son corps, au diocèse de Lyon, en chair & en os, *quod alias uenerando uidi*: & estoit de la lignée des Princes & seigneurs de Salins, en Bourgongne.

L'an six cēs
xxij.
L'an six cēs
xxij.
L'an six cēs
vingt cinq.
t als Si-
childe.
t als Ari-
bert.
t als Aul-
bert, &
Ansel-
bert.

Comment Dagobert, ayant coppé la barbe de son gouverneur, courut à refuge sur la tombe des martyrs S. Denis, Rustic, & Eleuthere, pour euiter la fureur du Roy son pere.

EN l'an de grace six cens. xxvj. voyant le Roy Clotaire que l'enfant Dagobert, qui moult estoit bel & aduenant iouuencel, croissoit tous les iours en bonnes meurs, luy bailla vn maistre ou gouverneur, nommé Sadregeville, pour l'enseigner & endoctriner, selon la coustume des haults Princes: auquel Sadregeville, il feit merueilleusement de grands biens, & entre autres luy donna la duché d'Aquitaine. Quand Sadregeville se veit ainsi esleué en si grands biens & honneurs, il deuint orgueilleux, & commença à soy desconnoistre, & à contemner & gourmander de parolles, & de fait, l'enfant Dagobert: lequel, combien qu'il fust ieune d'age, si estoit il meur d'entendement, & consideroit & aperceuoit bien les rudes termes que luy tenoit Sadregeville, & l'outrecuidance ou il estoit entré, & ne les prenoit pas bien en gré. Et pour l'experimenter, vn iour, ainsi que l'enfant Dagobert estoit assis seul à sa table (comme il est de coustume aux enfans des Roys) au Palais de son pere, qui ce iour estoit allé esbatre au deduit de la chace, il dist audict Sadregeville, pour esprouer sa contenance, qu'il se scist & mangeast avec luy à sa table. Lequel Sadregeville, qui estoit plein d'outrecuidance, ne pensant pas moins q de trouuer moyen de paruenir à soy faire Roy de France, incontinent s'assit en la table, tout à l'endroict dudit Dagobert: lequel Dagobert par trois fois luy bailla & presenta la couppe pour boire, & ledict Sadregeville la print, ainsi qu'on la prédroit d'un sien compaignon ou seruiteur, & ne luy portoit pas l'honneur qu'il deuait. Lors congnut Dagobert appertement l'outrecuidance dudit Sadregeville: si le print Dagobert par la barbe, & de son cousteau, qu'il tenoit en sa main, la luy treucha si pres qu'il coppa avec aucun peu du méton: car en ce temps c'estoit le plus grand despit & deshonneur, que l'on peust faire à vn homme, que de luy copper la barbe. Lors peut bien Sadregeville entendre, comment il estoit loing de ce qu'il auoit demandé & pensé. Au soir retourna le Roy Clotaire, pere de Dagobert, & incontinent Sadregeville vint deuant luy, soy complaignant de ce que luy auoit fait Dagobert, son filz. Moult en fut le Roy Clotaire courroucé contre son filz, & le print à menasser, & commanda & ordonna qu'on le luy amenast: mais l'enfant, aduertý des grands menaces que luy faisoit son pere, feuada: & lors luy souuint en son coeur que le cerf, qui estoit allé à refuge en la chapelle saint Denis, & ses compaignons, auoit par leurs merites esté sauué. Si s'en alla droit en ladicte chapelle, en la rue Catullienne. Le Roy Clotaire, son pere, sceut qu'il y estoit allé: si y enuoya incontinent ses sergens & ses seruiteurs, & leur commanda qu'ilz le luy amenassent. Ceulx y allerent, mais quand ilz furent à demye lieue pres, ilz ne peurent plus auant aller. Si s'en retournerent, & compterent au Roy ce qui leur estoit aduenu: dont il ne les creut pas, & se courrouça à eulx, & y en enuoya d'autres, ausquelz il aduint comme aux premiers. Si reuindrent & le compterent au Roy, qui fut plus que deuât courroucé contre eulx, mais pourtant ne refrena point l'ire de son coeur, qu'il auoit contre son filz Dagobert.

Le Roy Clo-
taire donna
au gouver-
neur de son
filz Dago-
bert, la du-
ché d'Aqui-
taine.

Dagobert
coppa à son
gouverneur
la barbe
pres le mé-
ton.

De la vision ou apparition qu'il aduint à Dagobert.

E pendant que ces choses aduindrēt, l'enfant Dagobert, qui estoit en oraison sur la tombe des Martyrs, s'endormit: & en s'endormant s'apparurent à luy trois hommes de moult belles & venerables statues, & tresplédisans, dont l'un auoit blās cheueulx, & sembloit de plus grād' auctorité que les autres. Cestuy l'atraisonna, & dist: O toy iouuēcel, qui cy gis, saches que nous sommes ceulx de qui tu as ouy parler, Denis, Rustic, & Eleuthere, qui souffrismes martyre, en preschant la foy de Iesus Christ.

s. Denis &
ses compa-
gnons s'ap-
parurent à
Dagobert:
& des pa-
rolles que
luy dist s.
Denis.

Cy gisent dessoubz toy noz corps en sepulture: mais la vilité & pauvreté de ceste maisonnette a abaissé & estainct nostre memoire. Se tu voulois vouer q tu releueroys & aorneroyz noz sepultures, nous te deliurerions de la mesaise q tu seuffres, pour la paour de ton pere: & si t'ayderions en toutes tes besongnes, par la volunté de nostre seigneur Iesus Christ. Et affin que tu ne cuydes pas que ce soit illusion, ou fantosme, qui aduiet souuent aux gens, en dormant, nous te donnerons certains signes de verité: car se tu fais cy endroit fouyr en terre, tu trouueras noz fercueilz, & lettres escriptes dessoubz chacun, qui deuissent qui sont ceulx qui dedans gisent. Atant s'esueilla l'enfant Dagobert, & retint bien en son coeur les noms de ceulx qu'il auoit ouy nommer. Moulz fut ioyeux Dagobert de la parolle & du confort de celle aduision: si feit deslors veu à Dieu, & aux martyrs, de faire releuer leurs corps, & decorer leurs sepultures: lequel veu, comme sera dict cy apres, il accôplit moulz bien & noblement. Le Roy Clotaire, qui moulz estoit irrité contre son filz Dagobert, luy mesmes alla au lieu ou estoit la chapelle, & avec luy plusieurs de ses gens, & en voulut chacer & faire mettre hors ledict Dagobert, son filz: mais il ne fut en la puissance de luy, ne de ses gens, de sçauoir approcher ne le mettre hors, non plus qu'auoyent fait les messagers qu'il y auoit enuoyez parauant: dont il fut moulz esmerueillé, & pensa bien que ce venoit de la puissance diuine, qui aussi bien fait sa volunté des Roys comme des autres hômes: & entendoit bien par ce faict, que iagoit ce qu'il fust puissant, il luy conuenoit obeyr à plus puissant que luy. Si appaisa son coeur, & meit hors sa grand' ire: & apres approcha son filz, & le r'appela & attrahit en amour de pere, & son malalent luy pardonna. Lors l'enfant Dagobert yllit hors, & s'en vint avec son pere.

Comment Clotaire donna à Dagobert le royaume d'Austrasie.

L'an six ccs
vingthuit.

Pepin, filz
de Karloin
fut fait
mair du
Palais, &
gouuerneur
de Dago-
bert, Roy
d'Austrasie



An de grace six cens.xxviii. le Roy Clotaire, voyant que son filz Dagobert croissoit en perfection de vertu, beauté, & bones meurs, luy donna le royaume d'Austrasie: & pour le conseiller & conduyre en ses affaires, luy bailla saint Arnoul, lors Eueque de Metz, & Pepin dessusdict, qu'il feit Maire de son Palais, & l'enuoya à moulz belle compagnie, en Austrasie, pour prendre & receuoir les sermés & hommages des barons & vassaux. La fut le nouueau Roy Dagobert, iusques en l'an six cens & trente. Son pere le manda, & il vint deuers luy, bien accompagné des Barons de sa terre: & par le commandement de son pere, espousa à Clicy la Garenne, pres Paris, Gomatrude soeur de la Roine Sigilde, sa marastre. Enuiron trois iours apres les nopces sourdit aucun content entre ledict Dagobert & son pere: par ce que ledict Dagobert requeroit que son pere le laissast iouyr entierement des appartenances du royaume d'Austrasie, & luy baillast aucunes terres qu'il en auoit reseruees deça la forest d'Ardenne.

Comment Clotaire, pere de Dagobert, desconfit les Saxons: & comment il feit tuer tous ceulx qui estoient plus grands que son espée, pour venger l'outrage qu'ilz auoyent faicte à Dagobert son filz.

L'an six ccs
trente.

D'un mer-
ueilleux
coup d'es-
pée que Da-
gobert re-
ceut d'un
saxon.
† als A-
tila.



V dict an six cens trente, les Saxons, du pays desquelz furent les Angloys, qui conquirent l'ile de Berraigne, s'assemblerent en moulz grand nombre de gens de diuerses nations, desquelz estoit chief, vn nommé Berthouault, & vindrent courir sus en Austrasie, au royaume de Dagobert. Iceluy Dagobert assembla ses gens, & vertueusement alla contre eulx, passant le Rin. Si s'assemblerent les deux ostz à bataille, qui fut moulz cruelle. Dagobert se meit si auant entre ses ennemys qu'il receut vn tel coup d'espée, qu'il luy pourfendit son heulme, & luy abbatit & coppa vne piece de la teste toute ius avec les cheueulx, en telle maniere que du grad coup qu'il eut cheut à terre. Vn sien escuyer, nommé t Acilla, le releua, & retira de la presse, & ses gens furent moulz domagez. Tost apres ledict Dagobert enuoya ledict Acilla, son seruiteur, deuers le Roy Clotaire, sô pere, qui pour lors estoit en la forest d'Ardenne, & luy porta la piece qui auoit esté abbatue de la teste de son filz Dagobert, en laquelle les cheueulx tenoyent encores, & luy compta commet il estoit allé de la bataille. Incontinent Clotaire assembla ses gens en grand diligence, pour aller secourir son filz Dagobert: & à son arriuee firent leurs gens moulz grand ioye, & firent sonner trôpettes & clérons. Quand Berthouault, qui estoit de l'autre part de la riuere, ouyt le bruyt qu'on faisoit en l'ost des François, il demada que c'estoit: & ses gens luy dirent que c'estoit Clotaire, pere de Dagobert, qui la estoit arriué, pour le venir secourir. Berthouault leur dist qu'ilz auoyent menty, & qu'il auoit sceu que ledict Clotaire estoit mort, mais ce disoyent ilz de paour qu'ilz auoyent. Clotaire, qui sceut que Berthouault auoit dit ces parolles, osta son

son heaulme, & s'approcha du riuage de la riuere, à l'endroit de la tente de Berthouault, ayāt la teste nue, affin qu'il le peust congnoistre, & choisir entre les autres. Quand Berthouault l'eut apperceu, il se commença à soubzrire, & à luy dire: Et es tu la, vieille iumēt chauce? Clotaire, qui eut ouyes ces parolles, en fut despit & courroucé: si fiert son cheual des esperōs, tout au trauers de la riuere, qu'il passa, & aucuns de sēs gens le suyuerent: mais quand ledict Berthouault le veit passé, il se mit à la fuyte: & lors ledict Dagobert, voyant que son pere estoit passé oultre la riuere, passa, & alla apres semblablement, luy & ses gens. Clotaire suyuit tellement Berthouault, qu'il vint iusques à luy: & tant le combatit, main à main (combien qu'il fust vieil & anciē, & que ses armes fussent appesanties & remplies de l'eau de la riuere qu'il auoit passée à guē) qu'il feist tant qu'il abbatit ledict Berthouault de son cheual, & luy coppa la teste, & l'apporta, & s'en retourna deuers sēs gens: & furēt tous les Saxons descōfitz, mors, & en fuyte. Apres ladiēte bataille, ledict Clotaire passa oultre, & alla en Saxongne, ou toute la terre gasta par feu, & par occision, & n'y laissa hoir masle viuant, qui fust plus long que son espée: laquelle en signe de memoire perpetuelle, il laissa en celle region, affin que ceulx, qui viendroyent apres luy, sceussent par ce faiēt la desloyauté desdictz Angloys, ou Saxons, leurs predecesseurs, & la hardiesse, & magnanimité du courage des François, quant à prendre vengeance de leurs ennemys. Et comme recite *Facisculus temporum*, ceste crudelité fut cause premiere de la hayne & discension que les Angloys eurent contre les François, qui a duré iusques aujourdhuy. Dieu vueille enuoyer bonne paix entre eulx, par sa pitié. Tantost apres deuint le Roy Clotaire malade d'une maladie de fieure: de laquelle, par la volonté de nostre Seigneur, & l'intercession de saint Sulpice, qui lors estoit Archediacre de Bourges, il fut guery: mais auant il luy cōuint ieusner, & estre en oraison p trois iours.

En l'an six cens.xxxj. reprint audiēt Clotaire vne autre griefue maladie, de laquelle il luy conuint mourir. Si fut enterré à grand' honneur en l'eglise S. Vincent, à present dicte saint Germain des prez, lez Paris. Deux filz laissa de deux meres, c'est à sçauoir, Dagobert & t Aubert. En ce temps fut saint Austregesile, Archeuesque de Bourges: & soubz luy estoit Archedyacre saint Sulpice, qui fut Archeuesque apres luy. En ce temps regnoit sur les Arabes le faulx prophete Mahomet, *qui ex orphano & inope ad regnū prouectus est.* Il s'accointa d'une sienne parente, qui estoit riche, & de la lignée d'Ismael. Au commencement il fut son seruiteur: apres elle le print à mary, & puis il se dist estre Messias, que les Iuifz attendent encores en leur loy. La renommée de luy courut par plusieurs pays, & grand nombre, tant de Sarrazins, que de Iuifz, en furent deceuz. Il commença a leur faire vne nouuelle loy, meslée de l'ancien, & nouuel testament, & promettoit à ceulx qui la tiendroyent, qu'en Paradis ilz auroyent toutes viandes de chairs, poissons, & autres choses qu'ilz sçauoyent souhaitter: & auroyent fleues de vin, de lait, & de miel: & auroyent belles filles & femmes, & toutes autres charnalitez, qui leur seroyent administrez par les Anges. Sa femme, qui le congnoissoit, estoit toute esbahye de l'abus du peuple qui le suyuoit, & sçauoit, & voyoit souuentefois, que ledict Mahomet tomboit de maladie d'Epilepsie, qu'on appelle hault mal, si se repētoit de l'auoir espousé: mais luy desirant l'appaiser, par doulces parolles, luy disoit que souuent l'Ange Gabriel parloit à luy de par Dieu: & pource que l'oeil charnel ne pouuoit endurer sa grand' lumiere, tous les membres de son corps luy deffailloyent, & tomboit. Il establit au royaume desdictz Sarrazins quatre Admiraux: lesquelz commencerent à enuahir le royaume de Perse, à l'ayde des Arabes, qui se ioignirent avec eulx. Et mourut ledict Mahomet, l'an de grace, six cens trente deux: & apres luy vn nommé t Hester, tint la principauté desdictz Sarrazins & Arabes.

Des bonnes meurs du Roy Dagobert: & comme il feist son frere Roy d'Aquitaine.



Dagobert, premier de ce nom, filz de Clotaire, commēça à regner l'an six cens trentedix, & trespassa le.xiiij. an de son regne, l'an six cens.xlv. Cestuy Dagobert fut remply de bonnes & vertueuses meurs, ayant & craignant Dieu, honnorāt l'Eglise, & les ministres d'icelle: & sur toutes choses, il croyoit le conseil des Sages. De sa personne, il estoit moult preux, hardy, courageux, cheualeureux, & puissant nourrisseur, garde, & deffenseur des femmes veufues, orphelins, & des eglises, droiturier en iugement, tresdebonnaire aux François ses subgeētz, crainēt & doubte par toutes les regions voyfines de France. Au temps du trespas du Roy Clotaire, pere de Dagobert, iceluy Dagobert estoit en son royaume d'Austrasie. Quand il sceut les nouuelles de la mort de son pere, il enuoya aucuns de

Icy sōt descriptes les meurs & cōditions du Roy Dagobert, filz du Roy clotaire.

Mahomet mourut l'ā six cens trete deux. t al. Ebu beher.

ses gens à grand' compagnie deuant, pour saisir les villes du regne de son pere, par ce qu'on luy r'apporta qu'un nommé Brunulphes, qui frere estoit de la Roïne Sigilde, sa marastre, vouloit mettre en possession du royaume Aubert, filz dudit Clotaire & d'icelle Sigilde, & frere de Dagobert, de par son pere. Pour occasiō de laquelle chose ledit Dagobert feit mourir par iustice ledit Brunulphes. Puis vint ledit Dagobert en la cité de Reims. La vindrent deuers luy les Princes & Prelatz, qui le receurent & feirent sacrer Roy: & apres par leur conseil il feit fonder frere Aubert Roy en Aquitaine: & luy donna les pays de Toulouze, Agenoys, Perigort, Poitou, Xaintonge, Thouars, & les autres pays adiacens, qui sont iusques aux montz Pirenés, & luy establit son siege à Toulouze, par telle condition qu'il renonçast à tout le demourant du royaume: & le Roy Dagobert tint toute France & Neustrie (qui est maintenant appelée Normâdie) Bourgongne & Austrasie (qui contient Lorraine) † Ancleterre (que l'on uâterre. appelle de present Lâguedoc, & Prouêce) & la premiere partie d'Allemaigne iusques au Rin.

Comment Dagobett fonda l'Abbaye saint Denis en France.

L'an six cēs
trente deux

s. Denis fut
le premier
Euesque de
Paris.

† al. dix.
s. Eloy, orfe
ure fait les
chasses de
monseigneur
s. Denis &
de ses com-
pagnons.

s. Denis fut
disciple de
s. Paul.

NL'an six cens. xxxij. apres que Dagobert eut receu le regne de Frâce, il ne meit pas en oubly le veu & la promesse qu'il auoit faicte aux saintz martyrs, Denis l'Ariopagite, premier Euesque de Paris, Rustic, & Eleuthere ses compagnons, qui l'auoyent preserué de la fureur de son pere. Si alla au lieu là ou estoient leurs sepultures, qui s'appeloit l'Estrée, en la rue Catullienne: & en grand' deuotion feit fouyr si auant qu'on trouua les sercueilz, ou gisoyēt les saintz corps, avecques les lettres qui deuifoyent leurs noms, le temps, comment, & par qui ilz auoyent la esté mis, & reposé l'espace de cinq cens trente six ans, des le temps que regnoit l'Empereur Domician, *sub quo passi sunt martyrium.* Et en grand' reuerence & assemblée de processions, prieres, oraisons, & ieunes, le † sixieme iour des Calendes de May, les feit leuer du lieu ou ilz estoient, & feit faire par saint Eloy, qui lors viuoit, & estoit orfeure, de moult belles & riches chasses, toutes couuertes d'or fin, & enrichies de pierres precieuses, & les feit mettre dedans: & illec aupres du lieu ou ilz auoyent esté longuement, feit construire & edifier moult noblement & de sumptueux & riche ouurage, l'eglise & Abbaye de saint Denis, en France: en laquelle il meit moyennes de l'ordre saint Benoist, & feit couvrir ladicte eglise de fin argent, à l'endroit ou estoient lesdictz corps saintz. Et n'est pas legere chose à croire du grand nombre de richesses d'or, d'argent, pierres precieuses, & aussi des villes, chasteaulx, places, terres, prez, boys, riuieres, rentes, possessions, & autres biens qu'il donna à ladicte eglise, lesquelles ilz tiennent & possèdent encores de present. Saint Denis fut nay d'Athenes, & nasquit le sixieme an du sixieme aage du monde. Il fut grand clerc, & mesmes en l'art d'Astrologie. Il auoit. xxvj. ans lors que nostre seigneur Iesus Christ souffrit mort & passion, en l'arbre de la croix, pour la redemption de l'humain lignaige. Il fut conuertty par saint Paul, pour le miracle q̄ Dieu feit quand il enlumina vn aueugle, par les parolles que ledit saint Denis proféra, luy estant encores Payen, telles que ledit saint Paul luy nommoit. Il fut disciple dudit saint Paul par trois ans, & puis Euesque d'Athenes. Puis alla à Romme, pour visiter saint Pierre & saint Paul, lesquels il trouua prisonniers soubz Neron, sixieme Empereur. Apres fut enuoyé en France, avec saint Rustic, & saint Eleuthere ses compagnons, par le Pape Clement, premier de ce nom, pour prescher premierement la foy catholique: & par ce est appelé l'Apostre de France. Il fut decolé au pied de la montaigne de Montmartre, pres Paris, en l'aage de quatre vingtz ans, le xiiij. an de l'Empire Domician: & le feit decoler vn tyran, nommé Sisinus, Preuost de la prouince, l'an de la natiuité nostre Seigneur. iiij. xx. xvj. & de sa passion soixante & trois.

De la dedicace de l'eglise saint Denis, faicte par nostre seigneur Iesus Christ.

QVand l'eglise fut paracheuée d'edifier, & qu'on auoit preparé tout ce qui estoit besoing pour la dedier & consacrer, & que la estoit venue grand' multitude de peuple, pour veoir le mystere de la dedicatiō, qui le lendemain se deuoit faire, par l'Euesque de Paris, & autres Euesques en sa compagnie, qui pource estoient assemblez, il aduint qu'un pauvre Ladre, si malade & deffaict de sa face que plus ne pouuoit, qui auoit singuliere deuotion & desir de veoir le mystere de la dedicace d'icelle eglise, sachant que le lendemain quand il seroit iour, on ne le laisseroit point entrer avec les autres, pour cause de sa maladie, des le soir precedant se mussa derriere vne des portes d'icelle eglise, tellement qu'on ne l'apperceut point, & fut enfermé dedans: & en icelle nuyt ledit Ladre *propriis oculis* veit

veit venir nostre seigneur Iesus Christ, tout habillé de blancs vestemens, accôpagné de ses Apostres, & de grand' multitude de Martyrs, d'Anges & Archanges, qui luy mesmes consacra & dedia ladicte Eglise, & contre les parois d'icelle eglise, il imprima le signe euidet de ladicte dedication & cōsecratiō. Et ce faict dist nostre Seigneur audict Ladre qu'il r'apportast & denōçast le lendemain ce qu'il auoit veu, & qu'il dist aux Euesqs & Prelatz qu'il n'estoit plus de befoing de la consacrer. Lors ledict Ladre luy dist: Sire ie suis vne pauvre, simple, & miserable personne, malade & deffaict de membres & de face, ilz ne m'en voudront point croire: & adonc nostre seigneur Iesus Christ, affin qu'ilz l'en voulsissent croire, s'approcha de luy, & luy passa la main par dessus le visage, & luy osta vne raphe de la maladie de lepre qu'il auoit au visage, si que la face luy demoura belle, clere & nette, & le restitua en sante: laquelle raphe est encores gardée en vn reliquaire, en ladicte eglise saint Denis. Ledit Dagobert fonda aussi l'Abbaye de saint Amad en Pouille, pres Tournay, & y donna moult de rentes & reuenus: & fut le premier des Roys de France qui departist & donnaist aux eglises des terres qui estoient du domaine de la couronne. Il eut au commencement espousé vne dame, qui auoit nom Gomatrude: laquelle par le cōseil de ses Barons il delaiissa, par ce qu'elle estoit brehaigne. Vne autre espousa, nommée Nāthilde, qui estoit de moult grand' beaulté & grand' noblesse. Des le cōmencement de son regne il se gouerna tousiours par le conseil de saint Arnoul, Euesque de Metz, & de Pepin, Maire du Palais, que son pere luy auoit baillé. Apres le trespas dudit saint Arnoul, il appela en son conseil Combert, Archeuesque de Coulongne. Par leur conseil furent les royaumes de Dagobert gouvernez en grand' prosperité & iustice, si que pour la bonne iustice qui se faisoit au temps de Dagobert, tous ses subiectz l'auoyent en singuliere amour & obeissance, plus que Roy qui iamais eust esté parauāt.

La dedication de l'Eglise s. Denis en France, faicte par nostre seigneur Iesus christ.

Dagobert, fut le premier qui donna du patrimoine de la couronne de France aux eglises.

De Sigisbert, filz de Dagobert, qui respondit, en le baptisant, Amen:

Moul estoit dolent le Roy Dagobert, de ce qu'il ne pouuoit auoir lignée de ses femmes espousées: parquoy en l'an six cens trente troys il feit coucher avec luy vne ieune noble pucelle, qui auoit nom Rantrude, en esperance d'auoir lignée. La dame conceut, & enfanta vn filz, lequel saint Amand, quarante iours apres sa natiuité, baptiza, & eut nom Sigisbert: & ainsi que ledict saint Amand le baptisoit, & qu'il eut proferé les parolles, disant: Enfant ie te baptise au nom du Pere, & du Filz, & du saint Esprit, iceluy enfant à haulte voix, oyans tous ceulx qui la estoient presents en grand nombre, respondit Amen.

L'an six cens trente troys:

De la vengeance que Dagobert feit contre les Esclauons, qui auoyent desrobé aucuns marchans de son royaume.

En l'an six cens. xxxiiij. aucuns marchans de France allerent en Esclauonie, pour le faict de leurs marchandises, mais ilz furent desrobez par aucuns Esclauons Sarrazins. Quand Dagobert le sceut, il enuoya messagers par deuers Samon, Roy d'Esclauonie, luy dire qu'il en feist faire la reparation. Ledit Samon dist q si Dagobert vouloit, il fermeroit amytié & alliāce avec luy. Les messagers respondirēt que ce n'estoit pas chose conuenable que les Chrestiens, qui sont seruās & enfans de Dieu, eussent alliāce avecques chiens Sarrazins: & par ce ledict Samon dist, que puis qu'ilz estoient chiens, ilz penseroient d'eulx reuancher. Ceste responce fut r'apportée à Dagobert, qui en fut moult courroucé. Si assembla ses ostz au royaume d'Austrasie, & les enuoya contre les Esclauons, à l'ayde desquelz vindrēt les Lombardz, & Robert vn Duc d'Allemaigne, avec plusieurs Allemans. Ilz se combattirent, & eurent les Esclauons victoire: Enuiron cinq milles hommes François, des Austrasiens, se retirerent en vn chastel, ou les Esclauons les assiegerent. Vn iour les François veirent que leurs aduersaires estoient en aucun desarroy, faillirent sur eulx, & les desconfirent & meirent en fuyte. Apres la victoire qu'auoyent eue lesdictz Esclauons, il sen respandit grand' nombre par le pays de Thoringe, qui est maintenant appelé Lorraine, & en aucunes autres terres voyśines qui marchiffoient aux François. Le Roy Dagobert les suyuit, & cerchea toutes les citez d'Esclauonie, & des Esclauons fait toute telle & semblable vengeance qu'auoit fait son pere Clotaire sur les Anglois, lors appelez Saxōs: car il tua tous ceulx qui estoient plus grāds q son espēc. Les Hūs & les † Vulgues habitoyēt lors soubz vn mesme Roy. Ilz se discorderēt, p ce q les Huns vouloyent eslire Roy de leur natiō à leur appetit, & les Vvlgues semblablement. Ilz eurent bataille, & furēt les Vvlgues desconfitz. Ceulx qui eschaperēt vindrēt deuers Dagobert luy demāder

L'an six cens trente quatre

† a. Bulgares.

f

terre pour habiter soubz luy. Il leur dist qu'ilz allassent au pays de Bauiere, qui estoit du royaume d'Austrasie, & que la ilz demourassent cest yuer, iusques à ce qu'il eust aduisé qu'il feroit d'eulx: si y allerét. Le Roy en eut conseil à ses Barons: & pource qu'ilz estoient heretiques, & gens qui ne gardoyent foy ne loy de chose qu'ilz promissent, commanda à ceulx de Bauiere qu'ilz tuassent hommes, femmes & enfans desdictz Vlgues, qui estoient avec eulx: & ainsi fut fait tout en vne nuyt. † En ce temps mourut Sadregeville, qui auoit esté gouverneur dudiect Dagobert en sa ieunesse, & auquel il auoit coppé la barbe, comme dict a esté dessus. Le Roy Clotaire, pere de Dagobert, luy auoit par auant donné la Duché d'Aquitaine, dont il iouyt du consentement de Dagobert, iusques à sa mort. Deux filz laissa: mais pource qu'ilz estoient mauuais, & qu'il fut trouué qu'ilz auoyent deliberé, & festoyent vantez de prendre vengeance contre le Roy Dagobert, de l'iniure qu'il auoit faicte à leurdict feu pere, il fut iugé selon les loix qu'ilz n'auoyent riens en l'heritage de leurdict pere: & par ce ledict Dagobert reprint la Duché d'Aquitaine en ses mains.

† Bouchet
dit six cens
quarante
quatre.

La Duché
d'Aquitai-
ne, reuintes
mains de
Dagobert.

Comment & pourquoy le Roy Dagobert destruisit Poitiers, & fit apporter le corps saint Hylaire à saint Denis en France.

L'an six cés
trente cinq.



Dagobert
fit appor-
ter à S. De-
nis en Fran-
ce le corps
S. Hylaire.

EN l'an de grace six cens trente cinq les Gascons s'esleuerent & rebellerent contre Dagobert: parquoy il alla contre eulx à grand nombre de gensdarmes, qui prirent & pillerent tout le pays par ou ilz passoyent, & le destruisirent par feu & par glaue. Quand les Gascons veirent la vaillance des François, ilz vindrent à mercy, & se meirent en la subgection de Dagobert, & mercy luy crierent. Et pource que les Poiteuins, qui estoient de la subgection de Dagobert, auoyent donné secours & ayde de gens & d'argent ausdictz Gascons, contre ledict Dagobert, leur Seigneur, en sen retournant de Gascongne il passa par Poitiers, & print & destruisit par feu & par glaue la cité, & fit abbatre & raser les murs & eglises, & mesmement l'eglise saint Hylaire: & fit apporter le corps dudiect saint Hylaire, & plusieurs autres beaux reliquaires qui estoient en ladicte cité: c'est à sauoir, vn moult belle image de cuyure d'un Ange qui estoit sur l'eglise, les fons de marbre, les portes de cuyure de ladicte eglise saint Hylaire, qui moult estoient belles & riches, & le tout donna & fit mettre en l'Abbaye saint Denis: mesmemet ledict corps S. Hylaire. Toutesfois, ainsi qu'on amenoit lesdictes portes p la mer, iusques à la gueulle de Seine, & qu'on les mōtoit le long de ladicte riuere de Seine, il en tomba les vnes dedans icelle riuere, qui oncques puis ne peurent estre peschées, pour la pesanteur d'icelles. Et fut ladicte cité de Poitiers tellemet rasée & demolie que ledict Dagobert auāt qu'il en partist la fit arer & labourer à bœufz, & y semer du sel, en ligne de malediction & perpetuelle memoire. Et qu'il soit vray, *athuc uestigia restant*, par aucunes vieilles murailles qui encores apparent au lieu, qui encores de present est appelé le vieil Poitiers: car la cité n'estoit pas droitement assise au lieu ou elle est de present.

En ce temps Eracle, Empereur de Constantinoble, enuoya audict Dagobert vn des os de l'espaule saint Iehan Baptiste, à demy brulé: lequel il receut à grand ioye & reuerence, & l'enrichit & fit mettre en vn beau reliquaire qu'il donna à l'Abbaye de saint Denis.

Dagobert
fit deietter
de Fran-
ce tous les
Iuifz.
L'an six cés
quarante.

Iceluy Eracle, qui estoit à merueille grand astrologien, congnot par son astrologie que son Empire luy deuoit estre gasté & tollu *à circumcisa gente*, c'est à dire par les Iuifz: & pource que lors y auoit grand quantité de Iuifz qui habitoient en France, iceluy Empereur enuoya audict Dagobert ses messagers, luy prier qu'il les voulsist dechacer, & n'en souffrir plus nulz en son royaume: & en obtemperant à sa requeste, iceluy Dagobert fit getter & bannir de son royaume tous ceulx desdictz Iuifz, qui ne se voulurent baptizer. En l'an de grace six cens quarante, ledict Roy Dagobert donna à Sigisbert, filz de luy & de Râtrude, qui pas n'estoit sa femme espousée, le royaume de Metz, & l'y enuoya pour en prendre possession, luy baillant pour le gouverner & conduyre, Pepia, & Gombert, Euesque de Coulongne, qui moult estoient sages hommes. En ce temps mourut saint Arnoul, Euesque de Metz, lequel par auant auoit esté Maire du Palais de France, & apres d'Austrasie: & apres luy fut sigis ou Euesque de Metz son filz Clodulphes, *qui sanctitatem patris imitatur*. Lediect saint Arnoul eut vn autre filz, nommé † Ancegist, lequel fut Maire du Palais, & gouverneur dudiect royaume d'Austrasie. Dode, mere dudiect Clodulphes, *Treueris inclusa, Christo ancillatur*.

† al. An-
sigis ou
Anchi-
ses.

De la grand' bataille qui fut à Lyhoms en Sangters, au pays de Picardie.

En l'an

EN l'an de grace six cēs quarāte & vn, vne maniere de gēs, qu'on appelloit Hūs, pour eulx cuyder vēger de l'iniure & dommage que leur auoit fait Dagobert, par le conseil & ayde des bourgeois & habitans d'Amyens, qui leur donnerent passage, entrerent en France, à merueilleuse puissance & assemblée de gens, & gasterent & destruyfrent tout le pays ou ilz passerent. Si tost que Dagobert le sceut, il alla contre eulx, & eurent bataille au pays de Picardie, ou ledict Dagobert en feit si grand' occision, qu'au lieu ou fut la bataille sembloit que ce fust vn estang de sang, & y estoient les cheuaulx au sang iusques aux vētres en aucūs endroiētz: & ce lieu, qui estoit appelé Lyon, fut lors nommé Lyhoms en Sangters. Apres celle desconfiture le Roy Dagobert tira vers ceulx d'Amyens, qui Hūnorum tyrannidi consentiant. Quand ceulx de la cité sceurēt sa venue & sa grand' puissance, ilz se retrahyrent, & porterent le corps de saint Fremin, & leurs autres reliquaires & tresors, en vn fort chastel, nommé Picqueny, enuiron t cinq ou six lieues pres de la cité d'Amyens. Quand le Roy vint deuant Amyens, ceulx de la ville ne feirent pas grande resistance: parquoy il entra dedans, & en feit mourir aucuns des coupables: les autres furent prins prisonniers. Puis alla deuant ledict Chastel de Picqueny. Ceulx de la place se rendirent à sa volonté: & entra ledict Roy dedās, & print ledict corps saint Fremin, & les autres reliquaires & tresors qu'il apporta, & les donna à l'Abbaye saint Denis, ou ilz sont encores de present. Par tous les lieux ou ledict Dagobert pouuoit auoir & recouurer aucunes reliques, & corps saintētz, il les prenoit & faisoit prédre, pour les mettre en l'eglise saint Denis, pour la decorer & enrichir, tellement que pour ceste cause on l'appelloit le rauisseur, & larron des saintes reliques & des corps saintētz. Audict an six cēs t quarante & vn, mourut le Roy Aribert, frere de Dagobert, auquel il auoit baillé le royaume d'Aquitaine, es marches de Toulouze. Vn ieune filz laissa, nommé Chilperic, lequel tātost mourut: & par ce ledict royaume reuint es mains de Dagobert: lequel enuoya vn sien Duc, nommé Barūce, pour reprēdre les pays en ses mains, & luy apporter les tresors: ce qu'il feit: & entre autres choses apporta de Toulouze le corps saint Saturnin, martyr, que ledict Dagobert donna à saint Denis: mais apres, ceulx de Toulouze, qui auoyent leur singuliere deuotion audict saint Saturnin, par ce que ce auoit esté le premier qui auoit apporté la foy Chrestienne en leur prouince, & disoyent que depuis qu'il auoit esté emporté de ladicte cité, plusieurs accidens leur estoient aduenuz, & entre autres choses, que leurs femmes ne pouuoient enfanter leurs enfans, & fruiētz cōiētre ne venir à maturité, impetrerent que ledict corps saint Saturnin leur fust rendu, moyennant qu'ilz bailleroient en recompense les corps saint Patrocle, Euesque de Grenoble, saint Rommain, moyne de Blaye, & saint Hylaire de Grenoble: lesquelz du consentement dudiēt Dagobert furent mis en ladicte eglise saint Denis. Iceluy Dagobert auoit en si grand' reuerence le corps saint Hylaire, de Poitiers, que quand il alloit en bataille, il le faisoit porter avec luy, esperant que par ses merites il auroit victoire de ses ennemys, mais tousiours le faisoit r'apporter en ladicte eglise saint Denis, ou il est encores de present. En l'an six cēs quarante & deux, le Roy Dagobert octroya à ceulx de Saxonie cinq cēs vaches de tribut chacun an, pource qu'ilz luy auoyent ayde en la guerre contre les t Vvandes.

Icy appert pourquoy Lyhoms en sangters est ainsi appelé t als troys:

Dagobert estoit appelé le larron des saintes reliques. t al. 40.

Dagobert faisoit porter avec luy en bataille le corps s. Hylaire. t al. Vv. nides.

Comment des le temps de Dagobert Bretaigne est tenue en fief de la couronne de France.

EN six cēs quarantetroys le Roy Dagobert sen retourna en France, & se tenoit & habitoit en son Palais de Clichy la Garenne, pres Paris: & pource qu'on luy r'apporta que les Bretons de la petite Bretaigne auoyent fait & cōmis vn grand excès contre luy & les Frāçoys, combien que l'histoire raist quel fut ledict excès (toutesfois aucuns dient que c'estoit pource qu'ilz auoyent fait ayde aux Gascons & Poiteuins, cōtre luy) il enuoya deuers Iudicael, lors Roy de la petite Bretaigne: auquel il manda qu'il feist reparer ledict excès, autremēt il en prédroit vengeance contre luy. Quand ledict Iudicael eut ouy les messagers du Roy Dagobert, il doubta moult le Roy & les Frāçoys, sachant que naguères il auoit seruy & secouru lesdictz Gascons & Poiteuins. Si vint incontinct deuers ledict Roy Dagobert, audict lieu de Clichy, en grād' humilité, & l'amolia & adoulcist par dons & presens qu'il luy feit, & amēda les tors faitz à la volūtē du Roy, tellement qu'il mitiga son ire: & feit iceluy Iudicael hommage lige audict Dagobert, dudiēt pays de Bretaigne, & promit pour luy & ses successeurs le tenir en fief des Roys de France: & par ce fut aboly le nom de Roy de Bretaigne. Fuit autem dictus Iudicael, Britannia rex virtutibus plenus, & religionis Christianae zelator feruentissimus, cōme recite l'histoire: &

L'an six cēs quarante & troys. A Clichy la Garenne, pres Paris, estoit le Palais de Dagobert.

Hommage de Bretaigne fait au Roy Dagobert.

† als sei- fut pere de saint Iosse & saint Vvinoth, qui sont canonisez & saintz en Paradis. Ledit Iu-
ze filz & dicael fut filz d'Inhael, lequel estoit Roy de Bretagne, & engendra † quinze filz, & xv. filles.
six filles. En l'an de grace six cens quarante quatre, pource que Sentille, Roy des Vvisigotz en Es-
paigne, faisoit plusieurs tors & tyrannies à ses subgeitz, vn Prince dudit pays, nommé Sise-
nandus vint deuers Dagobert, luy requerir ayde contre ledit Sentille. Dagobert luy bail-
la deux de ses Cheualiers, l'un nommé † Yuon & l'autre Veneand, *cum suo exercitu*, de Tou-
louze & de Bourgongne seulement, qui le menerent iusques à Sarragoce: & quand ceulx
d'Espaigne, qui hayoyent leur Roy, sceurent que l'ost des François estoit en l'ayde dudit
Sisenand, ilz se meirent en ses mains, & le feirent Roy, & chacerent ledit Sentille: & ce
faiet les François s'en retournerent, & enuoya ledit Sisenand à Dagobert grand som-
me d'argent, qu'il donna à l'eglise saint Denis: & ordonna ledit Dagobert en ladicte an-
née, que quiconque criminel se retireroit dedans l'eglise saint Denis, il seroit à sauueté de
sa personne, comme ayant pardon & remission de quelque cas qu'il eust commis. Et veult on
dire que les Abbé & couuent d'icelle eglise, par priuilege dudit Dagobert, auoyent puissan-
ce de donner graces & remissions de tous crimes commis en leur terre.

tal. Abū
dant, &
venerād

Priuilege or
troyé par le
Roy Dago-
bert aux Re-
ligieux, Ab-
bé & con-
uent de s.
Denis en
France.

Du trespas du Roy Dagobert.

L'an six cēs
quarāte cīq.
† al. Ega



An six cens quarante & cinq vne grefue maladie print à Dagobert: & pour-
ce qu'il congnt que la fin de ses iours approchoit, il appela † Egna, qui estoit
son principal Cōseiller, & Maire du Palais, natif du pays de Neutrie, à present
appelé Normâdie, & luy bailla en garde, sa femme Nanthilde, & son filz Clo-
uis: car il congnoissoit ledit Egna preud'homme. Puis manda aucuns Princes
& Seigneurs du royaume, & leur feit faire serment qu'ilz garderoient la Roy-
ne Nanthilde, sa femme, & seruiroyent & obeyroyent à son filz Clouis. Et apres ce, luy ayāt
Dieu deuant ses yeulx, congnoissant la fragilité d'humaine nature, & que tous conuient
mourir, feit & ordonna son testament & derniere volūté. Et combien qu'en son viuant
il eust fait moult grands dons, tant de rentes, terres & thresors d'or & d'argent, que de pier-
res precieuses, encores par son testament donna il plusieurs villes, terres & rentes à plusieurs
eglises, & principalement à ladicte eglise saint Denis, qu'il auoit fondée, & en icelle esleue
sa sepulture. Puis il mourut au lieu d'Espinau, sur Seine, pres ladicte eglise saint Denis,
la † quatrieme Calende de Feurier, audict an six cens quarante & cinq, au quatorzieme an
de son regne: en laquelle eglise il fut honnorablement enterré, comme à luy appartenoit, à
la dextre du grand hostel d'icelle eglise. Il ayroit tant ladicte eglise saint Denis, qu'il l'eust
voluntiers faicte son heritier, s'il l'eust peu faire. Quatre ans vesquit ladicte Royne Nan-
thilde apres ledit Dagobert, puis trespassa, & fut enterrée & mise au mesme sercueil dudit
Dagobert, en ladicte eglise saint Denis.

al. xliij
Le Roy Da-
gobert mou-
rut à Espi-
nau, pres s.
Denis, l'an
de grace six
cens quarā-
te cīq.

De la vision qui aduint à l'heure du trespas du Roy Dagobert.



Nlit qu'à l'heure de la mort dudit Dagobert, aduint vne vision à vn saint
homme, auquel fut reuelée l'heure de ladicte mort: & luy sembla qu'il veit
envne nef sur la mer l'ame dudit Dagobert dedans, & y auoit plusieurs
saintz, comme saint Hilaire, saint Fremin, & autres qui se plaignoyent
& demandoient vengeance contre luy, de l'expoliation qu'il auoit faicte de
leurs corps, & de leurs eglises & reliquaires: & ainsi qu'une grand' turbe & multitude
de Diabes voulurent prendre ladicte ame de Dagobert, pour l'emporter en la chau-
diere de Vvltan, vindrent saint Denis Ariopagite, premier Euesque de Paris, saint Ru-
stic, & saint Eleuthere ses compaignons, saint Martin & saint Morice, & autres saintz
qu'il appela à son ayde, en l'honneur & reuerence desquelz il auoit fondé & enrichy moult
d'eglises en son royaume, & auoit enuers eulx singuliere confiance: & tant debatirent
iceulx saintz contre les autres, qui demandoient vengeance, qu'ilz deliurerent l'ame du-
dit Dagobert des mains des Diabes, & l'en emporterent les Anges es cieulx: & lors la
multitude desdictz Diabes s'esuanouyt.

L'an six cēs
quarāte et
six.
† al. Au-
doen.

En l'an six cens quarante & six Rodoald, frere d'Ite, femme de Pepin, filz de Karlo-
man, Maire du Palais d'Austrasie, & oncle de sainte Getruz, estoit Archeuesque de Tre-
ues, & sainte Seure, son autre soeur, estoit Abbessse d'une Abbaye en ladicte cité. En ce
temps estoit saint † Ouan, Archeuesque de Rouen.

De saint

De saint Pharon, sainte Phare, & saint Fiacre.

V temps dudit Dagobert mourut vn vaillât Prince, nommé Agarich, qui estoit Comte de Meaulx, laissant vn filz & vne fille, ses héritiers. Le filz eut nom Pharon, & la fille Phare. Ladicte Phare se feit religieuse, & vesquit saintement, & fonda l'Abbaye de Champeaulx, & vne autre, laquelle à cause d'elle est appelée Pharesmonstier. Ledit Pharon fut Comte de Meaulx, apres son pere Agarich: & lors venu du pays d'Escoffe, vn saint & deuot homme, nommé Fiacre: lequel s'adressa en la terre dudit Pharon, Comte de Meaulx, qui luy donna vn lieu en sa terre, qui est en Brie, lequel estoit lors appelé le Breux: auquel lieu ledit Fiacre vesquit solitairement & saintement le cours de sa vie: puis mourut & fut enterré la: & en iceluy lieu nostre Seigneur a fait, & fait chacun iour plusieurs grands & euidens miracles. Tantost apres saint Pharon, Comte de Meaulx, abandonna le siecle, & se feit clerc: & depuis fut par sa sainteté esleu *per clerum & populum*, Euesque de Meaulx: & est canonisé, & nommé saint Pharon. En ce temps aussi viuoit au diocèse de Beauuais vne sainte vierge, nommée Agadieme: à la priere de laquelle nostre Seigneur a fait plusieurs grands & euidens miracles: & la tiennent & reputent ceulx de ladicte cité, pour leur garde & protrectrice, apres Dieu & nostre Dame.

s. Pharon, comte de Meaulx, fut esleu Euesque dudit Meaulx.

Du Roy Clouis, deuxieme de ce nom, qui espousa sainte Bauldour: & comment il feit descouvrir l'argent que Dagobert, son pere, auoit mis sur l'eglise saint Denis en France.



C Louis, deuxieme de ce nom, legitime filz de Dagobert, commença à regner l'an six cens. xlv. & deceda le dix-septieme an de son regne, l'an six cens soixante & deux, & gist à saint Denis en France. Cestuy, au temps du trespas de son pere, demoura ieune enfant, & le laissa Dagobert en la garde d'Egna, Maire du Palais, qui estoit de grand lignage, & l'un des plus nobles Princes de Neustrie, sage en parole, & en responce, & droicturier en iustice, mais trop estoit auaricieux. Tantost apres Sigisbert, le Roy d'Austrasie, filz dudit Dagobert, enuoya Pepin, Maire de son Palais, & Gombert, Archeuesque de Coulongne, ses principaux Conseillers, deuers ledit Clouis, son frere, pour auoir sa portion des tresors de Dagobert, leur pere: lequel Clouis luy enuoya sa legitime portion, telle qu'elle luy deuoit appartenir. En l'an de grace six cens quarante & sept, ledit Pepin, Maire du palais d'Austrasie, mourut: & en son lieu fut fait Maire du palais d'Austrasie Grimoald, qui gueres ne vescu. Tantost apres mourut semblablement Egna, Maire du palais de France, au lieu duquel Egna fut fait Maire son filz, nommé Berthinaux, qui cousin auoit esté de Dagobert, de par sa mere: lequel estoit moult bon & vaillant Cheualier: & au lieu dudit Berthinaux, apres son trespas fut fait Maire du palais de France vn nommé Ebroyn, *qui tyrannus fuit*. Au temps dudit Clouis aduint en France vne merueilleuse & grand' famine: à l'occasion de laquelle iceluy Clouis feit descouvrir & prendre l'argent que son pere auoit fait mettre sus l'eglise saint Denis, à l'endroit des corps saintz, & le fait departir aux pauvres, qui en auoyent necessité: toutesfoi s' dient aucuns qu'il le fait par volunté desordonnée, & qu'il descouurit aussi, & fait prendre l'or & richesses qui estoient sur les chasses ou estoient les corps saint Denis, & ses compagnons: & si arracha & fait rompre l'os de l'un des bras de monseigneur saint Denis: & que pour ceste cause, comme l'on dit, il deuint aucunement aliené de son entendement: mais apres fut l'os dudit bras saint Denis richement enchassé en or, & garny de pierres precieuses, & r'apporté en ladicte eglise S. Denis, & lors fut le Roy aucunement restitué en son entendement. Il aduint que ledit Berthinaux, Maire de son palais, alla en guerre contre les Saxons, & en amena come esclaue, vne ieune fille, nommée Bauldour, laquelle on disoit estre de royale lignée. Il la fait nourrir en sa maison, & le seruoit: & voyât les bones meurs & vertus dont elle estoit réplie, apres le trespas de sa femme la voulut espouser, mais elle se mucea: parquoy il se maria à vne autre femme: & aucun temps apres la fait prendre à femme audit Roy Clouis, qui comme dict est, estoit de simple entendement: & fut icelle Bauldour femme de bonne & sainte vie. Elle fonda les Abbayes de Chelles sainte Bauldour, pres Paris, ou elle gist, & saint Pierre de Corbie, pres Amyens, & meit à Chelles nonnains, & à Corbie moynes de saint Benoist. Toutesfoi s' ladicte Abbaye de Chelles auoit esté premierement

L'an six cēs quarante cinq.

L'an six cēs quarante-sept.

+ als Erchi-noald, & Ercē-bauld. Famine en France.

sainte Bauldour fonda les Abbayes de Chelles, & Corbie.

fondée en l'honneur de nostre Dame, par Clotilde, femme de Clouis, premier Roy Chrestien.

S. Bauldour
eut cinq filz
de Clouis.

L'an six cēs
cinquante.
C. un.

Du corps S.
Benoist, qui
fut apporté
par un re-
ligieux à
l'Abbaye de
S. Benoist
sur Loyre.

Ladiete Bauldour eut dudit Clouis cinq filz, dont la Cronique ne fait nulle mention: des deux premiers toutesfois est parlé cy apres. Les trois derniers furent apres luy subsecutiuellement Roys de France: c'est asçauoir, Clotaire, Theodoric, & Childeric. En l'an six cēs cinquante & vn, ledit Sigisbert, Roy d'Austrasie, frere de Dagobert, voyant qu'il n'auoit nulz enfans, n'esperance d'en auoir, feit edifier & fonder douze Abbayes, ou monasteres. En l'année ensuyuant, adopta pour son filz, & heritier de son royaume, Childeberr, filz de Grimoald, Maire de son Palais.

Audit an Leodebault, Abbé de saint Aignan, hors les murs d'Orleans, edifia l'Abbaye de Fleury, à present appelée saint Benoist sur Loyre, & y meit moynes, & aucun temps apres, vn des moynes de ladiete Abbaye, qui estoit allé à Romme, trouua façon d'apporter du mont de Cassin en Italie, audit lieu de Fleury, le corps saint Benoist, & sainte Scolastique, & fut mis ledit corps saint Benoist audit lieu de Fleury, & le corps de ladiete sainte Scolastique porté au Mans, ou ilz sont encores de present. En ce temps fut martyrisé saint Foillan, & en gist le corps en l'Abbaye saint Mor des fosses, pres Paris.

Comment les deux premiers enfans dudit Clouis, deuxieme, chacerent la Roynne Bauldour, leur mere, du gouvernement du royaume, pendant que ledit Clouis estoit oultre mer: & de la mort dudit Clouis.

Le Roy Clo-
uis, cōquit
la sainte ci-
té de Hieru-
salem.
† al. des
nōs des-
quelz.



Eudit Clouis, du conseil de la Roynne Bauldour, alla oultre mer, pour cōquerir la sainte terre de Hierusalē, & la conquist, & y fut sept ans: & ce pendāt auoit laissé au gouvernement du royaume ladiete Roynne Bauldour, la femme, & deux ieunes enfans, ses premiers nays († desquelz la Cronique ne parle point) lesquelz quand ilz furent parcreuz, par l'enhortement d'aucuns qui estoient autour d'eulx, qui leur donnoyēt à entēdre choses plaisantes à leur volonté, en

La Roynne
Bauldour,
donna sen-
tence cōtre
se: propres
enfans.

disant q̄ les François estoient ennuyez & courroucez d'estre gouuernez par vne femme, entreprendrent le gouuernement du royaume, & des François, & en meirent hors ladiete Bauldour, leur mere: laquelle fut de ce fort irritée contre eulx, & le feit sçauoir audit Clouis, son mary, qui estoit oultre mer: lequel, si tost qu'il en sceut la nouuelle, se meit à chemin, pour retourner, & s'en vint en France. Quand ses deux filz sceurent qu'il venoit, doubtrāt qu'il les punist, voulurent empescher qu'il n'entraist au royaume, & assemblerent grand' armée, & allerent contre, & au deuāt de leur pere, & eurent bataille: mais leurdiēt pere, à l'ayde d'aucuns du royaume, ses amys, & des diligēces que feit ladiete Bauldour, d'assembler gens, les desconfit, & print prisonniers. Et pource que les gens des estatz de France ne les voulurēt condamner rigoreusement à mort, ladiete Bauldour, leur mere (laquelle ayma mieulx que seldictz enfans portassent penitēce corporelle en ce siecle, qu'en l'autre ilz eussent la mort & peine eternalle) comme femme vertueuse & de hault courage, par la sentence qu'elle profera, en la presence des gens desdictz trois estatz de France, les priua du droit du royaume, & de toute la succession de leur pere, & d'elle, & les feit eneruer, & bouillir les iambes, si qu'ilz ne se peurent plus ayder. Puis les feit garder aucun temps, & iusques à ce que ledit Clouis, qui estoit ennuyé de veoir ses enfans en cest estat, luy dist qu'elle les feit mettre ailleurs, hors de sa presence, & qu'il luy greuoit moult de les veoir en cest estat. A ceste cause, elle les feit mettre en vn bastéau, & vn homme seulement avec des viures, sans auiron ne gouuernail, sur la riuere de Seine, & les laissa aller à l'aduenture, & deffendit qu'on n'y touchast. Tant alla le bateau, qu'il arriua en Normandie, & d'aduenture sarresta en vn riuage pres d'un lieu ou habitoit vn hermite, lequel en se pourmenant sur le riuage, disant ses heures, les apperceut, & avec vne longue perche les retira au riuage, & leur demanda qu'ilz estoient, & ilz luy compterent leur aduenture. Quand il les eut interrogez, & qu'il sceut quelz ilz estoient, il manda à ladiete Roynne Bauldour, leur mere, que seldictz enfans estoient la arriuez: laquelle y enuoya, & les feit faire moynes en l'Abbaye de Iumieges, en Normandie, qu'elle fonda pour eulx: & à cause d'eulx est appelée l'Abbaye des Eneruez, & la vescurent ile demourant de leurs iours, & apres moururent. Et combien que (comme diēt est) la Cronique ne face point de mention de ce que diēt est, ne des noms desdictz enfans, toutesfois ce peut estre veu & sceu par la legende de ladiete Bauldour, qui se trouuē esdictes Abbayes de Chelles & Corbie.

Fondation
del'Abbaye
de Iumie-
ges, en Nor-
mandie, ap-
pelée l'Ab-
baye des
Eneruez.

En ce temps fut fondée l'Abbaye de Laigny, par saint Fourcy, qui estoit d'Ybernie, & estoit venu en France comme pelérin: & tantost apres, S. Selonnes, & saint Foltain, ses freres, qui vindrent aussi en France, cōme pelerins, fonderent le monastere de saint Mor des fosses, pres

pres Paris : ou parauant auoit esté vne eglise fondée en l'honneur de saint Pierre l'Apostre, Fondatiō de
 pat le don & admonnestement d'une noble sainte vierge, qui auoit nom Gertrus, a laquelle l'Abbaye s.
 la propriété dudit lieu appartenoit de son patrimoyne : & y furent lesdictz Selonnes & Fol- Morides fos-
 tain martyrisez & enterrez. Aussi estoit lors saint Landry Euesque de Paris. Semblable- sez, pres Pa-
 ment sanctus Iodocus, filz de Iudicael Roy de Bretagne, abandonna lors le regne de son pe- ris.,
 re, & le monde, pour viure solitairement : & alla en vn hermitage, ou est de present l'Abbaye L'Abbaye de
 saint Esme de Pontigny. s. Esme de

L'an six cens lvj. Sigisbert Roy d'Austrasie, mourut : & laissa vn ieune filz, nommé Dagobert, L'an cinq cēs
 lequel il auoit eu depuis qu'il auoit adopté & fait son heritier Childebert, le filz de Grimoald. cinquante &
 Il luy recommanda ledit ieune Dagobert, & luy chargea qu'il le feist regner apres luy : mais six.
 ce nonobstant iceluy Grimoald le feist tondre moyne, par Dodon Euesque de Poitiers, & l'en-
 uoya en exil en Escosse, pour faire regner audit royaume ledit Childebert son filz, que Sigis-
 bert auoit parauant adopté, & fait son heritier, auant la natiuité dudit Dagobert : dont les Frā-
 çois Austrasiens ne furent pas contens, & en vindrent à plainte au Roy Clouis : lequel à ce-
 ste cause, en l'an six cēs cinquante & huyt, feist guerre audit Grimoald & son filz, & les prit En l'ā six cēs
 & feist prisonniers à Paris, au Chasteau du Loure : & feist Roy d'Austrasie son filz Childeric. lxii. trespas-
 En l'an six cens soixante & deux mourut ledit Clouis : & laissa trois filz de luy & de ladicte le roy Clouis
 Royne Bauldour : c'est à sçauoir Clotaire, Theodoric, & Childeric le ieune, qu'il auoit fait deuxieme.
 Roy d'Austrasie.

Du Roy Clotaire, troisieme de ce nom.



Clotaire, troisieme de ce nom, filz de Clouis deuxieme, cō-
 mença à regner l'an six cens soixante & deux, & regna
 quatre ans incluz, & trespasla l'an six cens soixante & six, &
 gist en l'Abbaye de Chelles pres Paris, que sa mere sainte
 Bauldour auoit fondée. Celuy Clotaire, avec ladicte Baul-
 dour sa mere, gouerna le royaume trois ans : & pour lors es-
 toit mort Berthinaulx, ou Ercembault, qui auoit esté Maire
 du Palais de France, du temps dudit feu Clouis son pere : au
 lieu duquel fut fait Maire dudit Palais vn nommé Ebroyn,
 duquel sera pl^r amplement parlé cy apres. En ce tēps les Roys
 de France deuindrent paresseuz, lasches, pusillanimes, & pleins de lasciueté : pquoy n'auoyēt
 pas si grād' auctorité q̄ leurs predecesseurs auoyent eu, & que leurs succeffeurs ont de present,
 & n'auoyent seulement que le nom & tiltre de Roy : mais les Maires du Palais, qui estoient
 comme Connestables & gouuerneurs, auoyent administratiō de tous les faitz du royaume,
 tant de finances comme de la guerre, & ce faisoit tout par leur cōmandement & ordonnāce :
 & vne fois l'an, es calendes de May, les Roys, qui continuellement se tenoyent en aucun lieu
 sans eulx de riens entremettre, venoyēt en vne assemblée qui se faisoit chacun an à Paris, des
 gens des trois estatz du royaume, pour conseiller & ordonner des faitz de la chose publique
 du royaume : & se faisoient lesdictz Roys mener en grans chariotz, pour eulx monstrier au
 peuple, & aux gens desdictz estatz, qui estoient assemblez : & estoient assis en vne haül-
 te chaire, la barbe lōgue sur la poiētrine, les cheveux espars sur les espaules : & ainsi presido-
 yēt & saluoient ceulx qui venoyent à l'assemblée, & estoient saluez de leurs subiectz, & les nour-
 rissoit le peuple, & leur faisoient de grans dons & seruices. Et quand il venoit aucū Amba-
 sades deuers eulx, ilz faisoient telle responce qu'on leur enseignoit, & nō autrement : puis s'en
 retournoient au lieu de leur demourance iusques à l'année ensuyuant. Et en ceste façon les
 gouuernoient lesdictz Maires & gouuerneurs, affin qu'ilz n'eussent n'entreprinsent con-
 gnoissance des affaires de leur royaume.

*L'an de gra-
ce six cens
lxii.*

*Les Roys de
France deuin-
drent pusilla-
nimes, las-
ches & plis
de lasciuirē.*

*Les Roys de
France anciē
nemēt ne se
mesloient de
riens, tou-
chant les af-
faires du roy-
aume.*

Du Roy Theodoric, premier de ce nom, lequel fut fait moyne, & depuis Roy.



Theodoric ou Thierry, p̄mier de ce nom, filz de Clouis, frere dudit feu Clotaire,
 Roy de France, & de Childeric Roy d'Austrasie, commença à regner l'an six cēs.
 lxxvj. & trespasla au xxvj. an de son regne, en l'an de grace six cēs. liij. xx. & xij. Ap-
 pres son aduenement à la couronne, par l'insolence & importunité d'Ebroyn,
 Duc & Maire du Palais, qui gouuernoit les faitz du royaume, & faisoit de gran-
 des exactions sur le peuple, au nom dudit Roy, & soubz vmbre de ce qu'on disoit que ledit
 Theodoric estoit homme lubrique & de petite efficace, & n'estoit pas capable de gouuerner
 le royaume, fut iceluy Theodoric par les François repudié, & mis hors du regne : & fut fait

*Theodoric
fait moy-
ne, pour sa
lubricité.*

† als Vvl
foald.

† autres
70. & au
tres 71.

moÿne en l'Abbaye de sainct Denis en France, & ledi& Ebroyne aussi fai& moÿne en l'Abbaye de Luçon en Bourgongne. Et, ce fai&, les François appelerent ledi& Childeric, Roy d'Austrasie, frere dudi& Theodoric: & le couronnerent Roy, & regna sur eulx douze ans. Puis au lieu dudi& Ebroyne, feirent Maire du Palais de France vn Duc d'Austrasie, nommé † Vvalfroy: lequel fonda sainct Michel de Verdun, sur la riuere de Meuse. Iceluy Childeric, pour la legiereté de ses meurs, entra en la hayne des François, pourtant qu'il faisoit toutes choses sans prudence, & opprimoit trop le peuple François: & en l'an six cens lxxvj. feit deie&ter sainct Ligier Euesque d'Autun, & le feit cōfesser & enfermer au monastere de Luçon, pource qu'il luy contrarioit & remonstroit ses fautes. En l'an six cens † lxxvj. fut fai& mourir par iustice Hector, Patrice de Marseille, pour les iniustices & griefs qu'il faisoit aux eglises, mesmement à l'eglise de Clermont: en hayne dequoy les habitans de ladi&te cité de Clermont martyriserēt sainct Prier leur Euesque, par ce qu'ilz disoyent qu'il en auoit fait la poursuyte.

Comment le Roy Childeric fut tué: & comment les François r'appelerent Theodoric.

Le Roy Childeric, & sa femme, qui estoit grosse d'enfant, furent tuez & occis.



L'an six cens
qua reuingt.

EN l'an de grace six cens lxxix. vn François, nommé Bodile, que ledi& Childeric auoit fait battre de verges sans iugement, espia le Roy & la Royne sa femme, qui estoient allez à la chace en la forest de Bondiz, pres Paris, en vn lieu pres Chelles saincte Bauldour: & quād ilz vindrent sur le soir qu'il estoit ia tard, luy & ses complices leur coururent sus, & tuerent ledi& Roy & la Royne sa femme, qui estoit grosse d'enfant. Et ce voyant ledi& Valfroy, Maire du Palais, de paour seuada, & s'en retourna en Austrasie, dont il estoit venu. Apres que ledi& Childeric & sa femme furent tuez, comme di& est, les François r'appelerent Theodoric, qu'ilz auoyent fait moÿne à sainct Denis, & le resirēt Roy: & par le conseil de sainct Ligier, Euesque d'Autun, que ledi& Ebroyne (lors qu'il estoit Maire du Palais, auant que ledi& Theodoric eust esté repudié) auoit fait deie&ter hors de son di& Euesché, feirent Maire du Palais Landesie, filz de Bertinaux. En l'an six cens. iiii. xx. apres que ledi& Ebroyne sceut que ledi& Theodoric estoit restitué, & r'appelé au royaume, & que l'on auoit fait Landesie Maire du Palais, il abandōna ladi&te Abbaye: & par l'ayde d'aucuns des Nobles de Frāce, qui adhererent à luy, se meit sus en grand' armée cōtre ledi& Theodoric, Roy, & Landesie Maire du Palais, & leur courut sus: mais quād ilz sceurent sa venue il s'en fuyrent. parquoy ledi& Ebroyne print les thresors du Roy: & pource qu'il voyoit qu'il ne pouoit auoir ledi& Landesie, il le manda à seureté venir deuers luy, lequel y vint: mais si tost qu'il fut venu ledi& Ebroyne le tua, & par ainsi reprint la Maire du Palais, & gouuernement du royaume.

Comment Ebroyne, Maire du Palais, feit martyriser saint Ligier & son frere, & feit faire plusieurs autres grands maulx en France à toutes manieres de gens.

L'an six cens
quatre uingt
& cinq.



Ebroyne, Maire du Palais, feit creuer les yeulx à saint Ligier
L'an six cens
quatre uingt
& sept.

EN l'an de grace six cēs quatre vingtz & cinq ledi& Ebroyne se reconcilia avec ledi& Roy Theodoric: parquoy fut remis en la Mairie: & si tost qu'il y fut, feit prendre ledi& sainct Ligier, Euesque d'Autun, & Guerin son frere, & feit lapider iceluy Guerin. Il feit mettre & detenir ledi& sainct Ligier en moult estroicte prison, sans riens luy dōner à māger: & quand il eut esté si longuement qu'il cuidoit bien qu'il deust estre mort de faim, il enuoya veoir en la prison, ou il fut trouué tout sain. Lors le feit prendre & luy peler la plāte des piedz, creuer les yeulx, copper la lāgue & les leures, qui luy reuindrēt miraculeusement: & ce voyant ledi& Ebroyne luy feit copper la teste. Audi& an six cens. iiii. xx. v. le Roy Theodoric, par le cōseil d'Ebroyn, feit assembler vn cōseil de tous les Euesques du royaume: & par la sentence dudi& Ebroyne en furent dege&tez & exillez plusieurs: & entre autres sainct Lambert Euesque du Tret, & sainct Amand, Archeuesque de Sens.

En l'an six cens. iiii. xx. & sept, apres la mort de Valfroy, qui estoit Maire du Palais en Austrasie, fut fai& Maire en Austrasie Pepin Heristel, filz du Duc Ancigis, filz de sainct Arnoul: lequel Pepin gouuerna en Austrasie avec le Duc Martin, qui lors estoit: mais iceluy Ebroyne alla contre eulx à grand ost, & les desconfit, & feit vne moult grand' occision de leurs gens, & gasta la pluspart des pays, par feu & par glaiue. Toutesfois ledi& Pepin & Martin eschaperēt, & s'en vint ledi& Martin à Laō, ou il se feit religieux, pour la doubte dudi& Ebroyne: & ledi& Pepin se sauua en vn autre part: & ledi& Ebroyne en s'en retournant manda audi& Martin (qui cōme di& est, s'estoit fai& religieux à Laon) qu'il vint à seureté deuers ledi& Roy Theodoric & luy: & il y vint comme simple: car tantost qu'il y fut venu ledi& Ebroyne le feit tuer.

par

par ses gens. Iceluy Ebroy n opprima & feit moult de griefz en France, à toutes manieres de gens, tant d'Eglise, Nobles, qu'autres: parquoy Dieu, qui fait à chacū selon sa desserte, ne voulut plus eudurer sa crudelité: & aduint qu'en l'an six cēs. iij. xx. & viij vn François, nommé Hermentroy, qui estoit du lignage de saint Ligier, tant pour se venger de la mort dudit saint Ligier, son parer, que pour autres griefz qu'il luy auoit faitz, trouua façō d'entrer en la maison ou estoit couché ledit Ebroy n, & le trouua en son liēt, ou il luy coppa la gorge: & ce fait ledit Hermēfroy s'en fuyt deuers Pepin en Austrasie. Iceluy Ebroy n, cōbiē qu'il fust mauuais, toutesfois feiten ce royaume beaucoup de biēs, & fonda plusieurs eglises & abbayes de grād magnificēce: & entre autres fonda l'abbaye nostre Dame de Soissons, ou il meit nōnains, auxquelles il donna grands rentes du domaine de la couronne de Frāce: & (peult estre) trop largement: car on voit souuent que la trop grand' abondance de biens rend gēs de religion à irregularité: & mesmement es religions de femme. A ma volonté qu'il n'en fust nulles qui ne fussent enclofes, & viuant obseruamment. Il faudra bien que les Prelatz respondent de celles qui sont en leurs dioceses, tant d'hommes que de femmes:

L'an six cēs
quatre uingt
& huyt
Ebroy n fut
tué en son
liēt par Her
mentroy.

Que fait
trop grād
abondance
de biēs aux
gens de re-
ligion.

Audit an six cens quatre vingtz & huyt, apres la mort dudit Ebroy n, les Frāçois feirēt Maire du palais de Frāce, soubz ledit Theodoric, vn nommé Vvarato: lequel enuoya deuers Pepin, en Austrasie, & feit paix avec luy: mais tantost apres s'esleua, cōtre ledit Vvarato, Gislemaire son filz, & luy feit guerre, & le desconfit deuant Namur, & destitua son pere de l'honneur de la Mairie du palais: mais tantost apres, comme par punition diuine, mourut ledit Gislemaire, & refut Maire dudit palais ledit Vvarato son pere: qui mourut l'année ensuyuant, six cens quatre vingtz & neuf. Apres la mort duquel fut fait Maire Berthaire son gēdre: à l'encontre duquel ledit Pepin, Maire d'Austrasie, à la suggestion d'aucuns François feit guerre, & print iceluy Pepin ledit Roy Theodoric, avec lequel il feit appoinctement: & par ce moyē fut fait Maire du palais de Frāce, & ameliōra moult l'estat du Roy, & de la chose publique du royaume, & y mit bō ordre, & restablyt ledit S. Lambert en l'Euesché du Tret, dont ledit feu Ebroy n l'auoit deietté. Iceluy Pepin Heristel eut deux filz: vn nommé t Drogues, qui estoit aisné, lequel fut Comte de Champagne, & Maire du palais d'Austrasie, & l'autre estoit nommé Grimoald. Quand ledit Pepin eut receu les thresors du palais, il repaire en Austrasie, ou Ebroy n auoit exillé le pays.

L'an six cēs
quatre uingt
& neuf.

t alias
Druon.

En l'an six cens quatre vingt & douze, mourut le Roy Theodoric, au vingtsixeme an de son regne: & laissa t deux filz, l'un nommé Clouis, & l'autre Childebert. Clouis fut couronné Roy de France, & Childebert fut Roy d'Austrasie. Soubz ledit Childebert Drogues Duc de Chāpagne, filz dudit Pepin, fut Maire d'Austrasie. Le corps dudit feu Theodoric fut porté & inhumé honnorablement en l'abbaye de saint Vvast d'Arras, qu'il auoit en son viuant fondée, & en icelle mis moynes de l'ordre de saint Benoist: & y auoit esleu sa sepulture, & donné de grands biens & domaines.

t aucūs
disent
troys,
& luy
mesme
cy apres
y accorde.

Du Roy Clouis, troisieme de ce nom.



CLouis, troisieme de ce nom, premier filz de Theodoric, commēça à regner l'an six cens quatre vingtz & douze, & regna quatre ans incluz, & trespassa sans hoir, l'an six cens quatre vingtz & dixsept. Au temps de la mort dudit feu Theodoric estoit, comme dessus est dict, ledit Pepin Heristel Maire du Palais: & tātost apres qu'il eut fait couronner ledit Clouis, c'est à sçauoir l'an de grace six cens quatre vingt & treze, il feit guerre à Radbod, Duc de Frise, qui estoit Sarrazin, & le desconfit en bataille luy & sa gent: & à sa poursuite Pape Clement enuoya Vvilbroth, vn souuerain clerc & homme de bien, bon Chrestien, audit pays de Frise, pour prescher,

L'an six cēs
quatre uingt
& douze.

& publier la foy de Iesus Christ, & par luy furent faitz ceulx de Frise Chrestiens, & fut ledit Vvilbroth premier Euesque du pays: & gouerna ledit Pepin, durant qu'il fut Maire du palais, moult sagemēt, & meliōra grādemēt le fait de la chose publique du royaume. Toutesfois pource que saint Lambert, que ledit Pepin auoit restitué en l'Euesché du Tret, reprīt iceluy Pepin de ce qu'il maintenoit vne dame, nommée Alpayde, en delaissant Pletrude sa loyalle es-pouse, pour icelle cause Dodon, frere de ladicte Alpayde, en l'an six cens quatre vingtz & dix huyt, occist ledit saint Lambert: & fut son corps enterré en la cité du Tret, mais depuis il fut, comme l'on dit, par saint Hubert, son successeur Euesque du Liege, apporté au Liege, ou il feit moult de miracles. Et l'année ensuyuant, six cens quatre vingtz & dixneuf, ledit Dodon (qui auoit tué ledit saint Lambert) fut malade d'une griefue maladie, dont il deuint

puât & plain de vers, que pour la grand' infection & puantise qui yffoit de luy (laquelle estoit intollerable à ceulx qui estoient pres de luy) furent contrainctz de le submerger & noyer en la riuere de Meuze: & tous ses complices moururent auant qu'il fust le bout de l'an. Lediect Pepin eut de ladiete Pletrude sa femme deux filz, dont l'un fut nommé Drogues ou Droun, & l'autre Grimoald, & d'Alpayde, sa concubine, Charles Martel, qui engendra Pepin le Bref, pere de Charlemaigne, & de Carloman qui se fait moyne, comme sera dict cy apres.

Incident.



s. Gilles.

Du uenerable docteur Bede, natif d'Angleterre.

En ce temps à la requeste dudiect Pepin Heristel, Maire du palais, fut translaté le chef de monseigneur saint Iehan baptiste, & apporté en Aquitaine: & pour l'honneur dudiect chef, lediect Pepin fait edifier & fonder l'Abbaye de saint Iehan d'Angely. Saint Vvandrille fut nepueu dudiect Pepin: lequel apres qu'il eut esté longuement nourry au palais Royal, abandonna le siecle pour mener vie solitaire: & fut natif de Verdun, & fonda premierement les Abbayes de Fescamp & Fontenelles, en Normandie. Enuiron celle saison saint Gilles vint de Grece en Prouëce, ou il vescu moult saintement iusques au tēps de Charles le grand. Lors estoit saint Aubin, Euesque d'Angiers. En ce temps mesmes estoit le venerable prebistre & Docteur du pays d'Angleterre, Bede: lequel fut le plus grand exposeur des saintes escriptures, qui eut iamais esté, apres monseigneur saint Gregoire: & est lediect Bede nommé venerable pour deux raisons. La premiere, car comme il fust auëgle de sa natiuité, & son clerc le conduisist es lieux ou il alloit prescher, aduint vne fois que perderisiō lediect clerc le mena prescher en vn lieu ou il n'y auoit fors vn tas de pierres, & la prescha longuement cuydant estre entre les gens: & quād il eut finy sa predicatiō, les pierres miraculeusement respondirent, en luy disant, *Bene dixisti uenerabilis Beda*: & la deuxieme fut, qu'apres son trespas fut escript par les Anges de paradis sur la tombe ce vers. *Continet hæc fossa Bedæ uenerabilis ossa*. Et mourut le iour de l'Ascension nostre Seigneur, en disant ceste anthienne: *O rex gloriæ domine, &c.*

Du Roy Childebert, deuxieme de ce nom.

L'an six cēs quatre uingt & dixneuf.



† als Raignar. † alias Theodoald. Mort de Pepin Heristel.

Hildebert, frere puisné dudiect Thierry, ou Theodoric, commença à regner l'an six cēs quatre vingtz & dixsept: & regna dixhuyt ans, & trespassa l'an sept cēs & quinze, & gist à saint Estienne de Nancy. En l'an six cēs quatre vingtz & dixneuf mourut Drogues, laisné filz de Pepin, qui estoit Duc de Champagne, & Maire du palais d'Austrasie: & en son lieu fut Maire Grimoald, l'autre filz dudiect Pepin: qui en celle année fut maryé à la fille de Radbod, Duc de Frise. En l'an sept cēs & treze lediect Pepin Heristel, Maire du palais, estāt en la cité du Liege, deuint malade d'une grieve maladie: parquoy Grimoald, son filz Duc de Champagne, & Maire d'Austrasie (qui estoit homme de bone vie, & auoit espousée la fille de Radbod, Duc de Frise, que son pere auoit desconfit en bataillē) alla en ladiete cité du Liege visiter lediect Pepin, son pere, qui estoit malade: & aduint qu'un iour il alla faire ses oraisons deuāt le corps saint Lambert: & luy estant à genoulx deuant le grand autel, vn nomme † Racagoire Sarrazin, qui estoit des gens dudiect feu Radbod son beau pere, vint par derriere, & le tua en trahyson: parquoy lediect Pepin ordonna que † Thibault, qui estoit filz d'iceluy Grimoald d'une autre femme, apres luy fust Maire du palais d'Austrasie. En l'an de grace sept cēs xiiij. lediect Pepin Heristel fut si grieveuement malade qu'il luy conuint mourir: & ordonna par son testament que Charles, qui apres fut furnōmé Martel (lequel estoit son filz, de ladiete Alpayde sa concubine) fust son heritier, & Maire du palais de Frāce & Austrasie: dōt ladiete Pletrude, qui estoit sa femme espousée, & de luy auoit eu deux filz, les desusdicts, c'est à sçauoir Drogues & Grimoald, pere de Thibault, fut courroucée. Et pour empescher q' lediect Charles Martel, qu'elle hayoit moult, ne recueillist la succession dudiect Pepin, elle le fait prendre & mettre prisonnier en la cité de Coulongne sur le Rin: & gouerna ladiete Pletrude le royaume par aucun temps, avec Dagobert, filz de Childebert, & lediect Thibault Maire du palais. Car tantost apres, c'est à sçauoir l'an sept cēs & quinze, mourut lediect Roy Childebert, au dixhuytieme an de son regne: le corps duquel fut enterré en l'eglise de Nancy.

Fondation du mont s. Michel.

Au temps que cestuy Childebert tenoit le regne de France, saint Michel Archange apparut par deux fois à Aubert, Euesque d'Aurāches, en l'admonnestant que sur vn grand roc, que soit appelé peril de mer, au riuage de la mer de Normandie pres Tombellaine, à deux lieues d'Auranches, il fondaist en l'honneur de luy vne eglise: & pource que lediect Euesque doubtoit du lieu

du lieu ou il deuoit edifier ladicte eglise, ledict saint Michel apparut à luy la tierce fois, & luy dist qu'il l'edifiast au lieu ou il trouueroit vn thoreau, & feist les fondemens du tour de l'eglise; à l'endroit ou il verroit que ledict thoreau auroit houé & fossoyé des piedz. Ce que feist faire ledict Euesque en grād' diligence: & depuis ya tousiours eu, & à, continuellement audict lieu vn moult grād' apport de pelerins, en l'honneur de mondiēt seigneur saint Michel Archāge.

Du Roy † Dagobert, deuxieme de ce nom..

† Sigif b:
le nōme



Dagobert, deuxieme de ce nom, filz de Childebert, commença à regner l'an sept cens xv. & regna quatre ans incluz, & trespassa l'an sept cens dixneuf. Cestuy cy eut à femme vne noble dame, nommée Clotilde, de laquelle il eut quatre filz. Durant quelque temps du regne dudit Dagobert, Charles Martel estoit par sa marastre detenu prisonnier à Coulōgne, comme diēt a esté: & gouuernoyēt le royaume ladicte Pletrude & ledict Thibault, Maire du Palais. Audict an sept cēs & xv. s'esleuerent aucuns des nobles de France, soubz couleur & occasion de ce qu'ilz disoyent qu'ilz ne vouloyent point estre gouuerner soubz la conduicte d'une femme: & partie d'eulx constituerēt à Roy Chilperic, autrement nōmé Daniel, frere de Dagobert selon aucuns, & feirēt grād' guerre, & y eut vne bataille en laquelle eut moult de gēs tuez d'une part & d'autre: mais ledict Thibault, Maire du Palais, se sauua p fuyte, & au lieu de luy les Frācoys esleurent Maire du palais vn nommé Rainfroy: & aussi destituerent ledict Dagobert Roy, & au lieu de luy feirent Roy son frere Daniel, & le nommerent Chilperic, Roy, & Rainfroy Maire. Tantost apres assemblerēt grand' armée, & passerent la forest de la Charboniere, iusques au fleue de Meuze, gastant & destruisant tout le pays: & feist ledict Chilperic alliance avec Radbod, Duc de Frise, qui encores estoit Payen.

Francōys
n'ont uolu
souffrir estre
gouuerner
par la cōdui
cte d'une fē
me.

*Comment Charles Martel eschapa de prison: & comment il feist couronner
Clotaire, oncle dudit Dagobert.*



EN l'an de grace sept cens seize ledict Charles Martel eschapé, cōme par miracle, de la prison ou sa marastre Pletrude le faisoit de tenir à Coulōgne, peu de temps apres pourchaça taut qu'il peult, pour rauoir la seigneurie & Mairie du Palais, & la succession que son pere Pepin Heristel luy auoit laissée, & pensa comment il en pourroit mettre hors ledict Rainfroy, qui en auoit esté fait Maire, & assembla grand' armée pour venir en France: mais le Roy Chilperic, & ledict Rainfroy, Maire du palais, allerent cōtre luy à bataille, iusques au fleue de Meuze, & en leur ayde vint Radbod, Duc de Frise, à grand' compagnie, & la eurent bataille: en laquelle ledict

L'an sept
cens. seize.

Charles Martel perdit moult de ses gens, mais il eschapa par fuyte. En l'an ensuyuant, sept cens. xvij. lesdictz Roy Chilperic & Rainfroy, assemblerent de rechef leur ost, pour aller contre ledict Charles Martel. La Forest d'Ardēne passerent, & allerent iusques à Coulōgne: mais ladicte Pletrude, qui auoit esté femme dudit Pepin Heristel, affin qu'ilz n'exillassent la terre les fait retourner par grands dons qu'elle leur feit. En l'an sept cens dixhuyt, ledict Charles Martel sceut que lesdictz Chilperic, & Rainfroy, retournoyent cōtre luy. Si vint au deuant d'eulx avec grand' armée qu'il auoit assemblée, & à vn estroit passage tua moult de leurs gēs. Apres ilz se r'assemblerent, & vindrent contre luy à bataille. Il les requit de paix, mais ilz n'y voulurēt entēdre: parquoy il reprint courage, & les receut & combatit vigoureušemēt, & les desconfit en vn lieu qui à nom Vinciac, pres Cambray. Lesdictz Chilperic Roy, & Rainfroy Maire, eschaperent par fuyte, mais il les suyuit iusques à Paris. Ledit Charles Martel gaigna moult de biens & despoilles, à celle desconfiture, & contraignit ladicte Pletrude, sa marastre, à luy rendre les thresors de feu Pepin Heristel, son pere. Ledit Charles Martel se fust volontiers fait Roy, s'il eust peu: mais il sçauoit bien que les François ne l'eussent pas souffert, & ce qu'il n'estoit pas de la lignée des Roys: & à ceste cause, apres la mort dudit Dagobert, qui fut en l'an sept cens dixneuf, il feist couronner Roy par dessus luy, Clotaire, filz de Theodoric premier, & oncle dudit Dagobert, & l'emmena à Coulōgne, & print la cité.

L'an sept
cens dixsept

L'an sept
cēs dixhuyt

Charles Mar
tel desconfit
Chilperic
& Rainfroy

Charles Mar
tel feist cou
ronner Clo
taire Roy de
France.

En l'an de grace sept cens xvij. Radbod Duc de Frise, dont dessus a esté parlé, par la predication de † Vvalesfroy Archeuesque de Sens, delibera de soy faire baptizer: & quand les fons furent preparez, & luy despoillé tout nud, & que ia il auoit vn pied dedans l'eau des fons, il

† a l's Vvj
an.

faduifa, & demanda ou il y auoit plus de ses parens & amys, ou en paradis, ou en enfer: & on luy dist que c'estoit enfer, par ce qu'ilz n'auoyent point esté baptizez: & lors il retira son pied, & dist qu'il vouloit aller la ou il auoit plus d'amys, & ainsi il ne fut point baptizé: mais par diuine punition, au troisieme iour ensuyuant, il mourut subitement.

De la guerre qu'eut Charles Martel, contre le Roy Chilperic, & lediſt Rainfroy, Maire du Palais: & comment il les desconfit.

Charles Martel desconfit Chilperic, & le Duc d'Aquitaine.



E pendant que lediſt Charles Martel demouroit ainsi en Austrasie, lediſt Roy Chilperic, & lediſt Rainfroy, Maire de son palais, assemblerent grand ost, & appelerent en leur ayde Eude, Duc d'Aquitaine, qui amena grand nombre de Gascons, & vindrent contre lediſt Charles Martel, lequel semblablement vint cõtre eulx roidemēt. Puis se cõbatirent, & y eut moult cruelle bataille, & y en mourut grand nombre d'une part & d'autre: & demoura victeur lediſt Charles Martel. Iceluy Roy Chilperic & lediſt Eude, Duc d'Aquitaine, s'enfuyrent iusques à Paris. Seine passerent, & alerent à Orleans. La n'osa demourer lediſt Eude, & par ce print lediſt Roy Chilperic, & l'emmena avec luy en sa terre d'Aquitaine, tout ioyeux de ce qu'il estoit peu eschaper. Charles Martel les suyuit longuement, pour les cuyder prendre, mais il ne les peut racõsuyure ne rattaindre, & se meit à la chace apres Rainfroy, Maire du palais, & le suyuit iusques à Angiers, & print la cité, & lediſt Rainfroy qui estoit dedans: mais lediſt Charles Martel, qui estoit debonnaire, par pitié le laissa, & luy donna ladiſte cité d'Angiers, pour viure. Apres celle victoire Charles Martel s'en retourna en France, & entra au gouuernement du royaume sans contredit: & fut fait & crée grand Maistre & gouuerneur de France.

Du Roy Clotaire, quatrieme de ce nom.

Charles Martel prit entieremēt le gouuernemēt du royaume de France.



Clotaire, quatrieme de ce nom, dont cy deuant est parlé, filz de Theodoric, & frere des feux Roys Clouis & Childebert, & oncle dudiſt feu Dagobert, commença à regner l'an sept cens xix. & regna deux ans, & trespassa l'an sept cens xxi. Cestuy fut fait Roy par Charles Martel, comme diſt a esté cy deuant: & ne feit pas de grands choses, par ce qu'il ne regna gueres: & aussi que durant son regne le royaume estoit en grand diuision, à l'occasion de ceulx qui pretendoyent le gouuernemēt de la Mairie du palais, cõme il est declairé cy deuant: & aussi que durāt son regne lediſt Charles Martel eut & entreprint tout le gouuernement du royaume, & n'en auoit lediſt Clotaire, que le nom de Roy.

Du Roy Chilperic, deuxieme de ce nom, parauant nommé Daniel.

L'an sept cens xxii.
L'an sept cens xxiii.

L'an sept cens xiiij.
quatre.

† als So nichilde

Hilperic, deuxieme de ce nom, qui parauant estoit nommé Daniel, qui estoit frere de Dagobert, regna apres Clotaire son oncle, cinq ans: & trespassa l'an sept cēs xxvj. Cestuy Chilperic, comme dessus a esté diſt, viuant lediſt feu Clotaire auoit esté chacé par lediſt Charles Martel, tellement qu'Eude, Duc de Guyenne, l'en auoit emmené en Guyēne: mais apres la mort dudiſt Clotaire, lediſt Charles Martel (qui bonnement ne pouoit entretenir ue garder son auctorité, ne le gouuernemēt du royaume de France, sans ce qu'il y eust aucun qui soubz luy portast le nom de Roy) enuoya deuers lediſt Eude, Duc de Guyenne, qui auoit en ses mains lediſt Chilperic, & le contraignit à le luy rendre, & tous ses thresors. Et quand lediſt Chilperic fut retourné, il le feit couronner Roy de Frāce, & soubz luy gouuerna le royaume. En l'an sept cens xxij. lediſt Charles Martel combatit & vainquit & subiugua par armes les Saxons, qui festoyent rebellez à la courõne de France. En l'an sept cens xxij. il vainquit & subiugua semblablement ceulx de Bauiere. En celle année lediſt Charles Martel deicta l'Archeuesque de Reims, qui estoit son parrai, par ce qu'il ne luy auoit pas voulu ouurir les portes de la cité, pour la craite dudiſt Rainfroy: & pour semblable cause exilla Euthere, Euesque d'Orleās, & l'enuoya en Espagne. En l'an sept cēs xxiiij. il alla contre Lanfroy, Duc des Allemans, & le cõbatit & subiuga. Puis en l'an sept cens xxv. il passa la riuere du Rin, & submeit à sa dition tout le pays d'Allemagne iusques au fleue Danube, & finalement feit toute l'Allemagne tributaire à la courõne de France: & en s'en retournant emmena avec luy Pleſtrude, sa marastre, veufue de feu Pepin Heristel & † Genichilde sa niepce: lesquelles s'en estoient fuyes audiſt pays pour la paour qu'elles auoyent de luy.

Enuiron

Enuiron ce tēps l'Empereur Leon fait deffendre la ueneration des images: & pource que plusieurs ne cessoyent point, il les fait battre & trauailler, & en fait aucuns mourir & martyriser en la cité de Constantinoble, & fait deietter & bannir S. Germain, Euesque de ladiete cité, & y fait mettre vn clerc, nommé Anastase, qui estoit *heretica prauitate infectus*. Mais depuis, en l'an sept cens xxxij. pape Gregoire, troisieme, assemblea vn Concile à Romme, ou auoit quatre vingtz & xij. Euesques, & conferma la ueneration desdictes images, & anathematiza ceulx qui iroyent au contraire. Apres la mort dudit Leon Empereur, regna Constantin, qui fut mauuais homme & grand tyran, & persecuta moult l'Eglise.

*L'empereur
Leon deffen
dit la uene
ration des
images.*

Du Roy Theodoric, ou Thierry, deuxième de ce nom.

EN l'an de grace sept cēs xxvj. mourut ledict Chilperic: & apres luy, Charles Martel fait couronner Roy de Frāce Theodoric, ou Thierry, deuxième de ce nom, filz de Dagobert le ieune, & regna apres Chilperic second, son oncle enuiron quinze ans, & trespassa l'an sept cens xli. De cestuy Theodoric, ne de ses faitz, n'est fait es Croniques que bien peu de mention: par ce qu'il estoit de petit entendement, & aussi que durāt son regne, Charles Martel, cōme Maire du palais, gouuerna tous les faitz & affaires du royaume: & mesmes des l'an sept cēs xxvij, prenant aussi sur le xxvij. ledict Charles Martel cōbatit & subiugua les Saxons, & ceulx de Bauiere, qui festoyēt de rechef cōtre luy rebellez. Et l'an sept cens vingt & neuf, ledict Eude, Duc d'Aquitaine, qui auoit esté ainsi villainement oultragé par ledict Charles Martel, lequel l'auoit contrainct à rendre & mettre hors de ses mains ledict Chilperic Roy, & ses thresors, fut moult courroucé: & pour s'en venger & auoir ayde à faire guerre audict Charles Martel, fallia aux Sarrazins & infideles, qui estoient en Espaigne, dont estoit guide & Duc vn nommé Abidirame: & par son moyen en vint en Frāce grand nombre, deliberez d'y demourer & habiter: & pour ce faire y amenoyent femmes, enfans, & mefnage, en si grand nombre que nul ne les pouoit nombrer:

*L'an sept
cēs uingstix*

Des Sarrazins qui uenoyent d'Espaigne pour habiter en France: & de la grande occision qu'en fait Charles Martel.

EN l'an de grace sept cens trente, à Bordeaux vindrent lesdictz Sarrazins: ou ilz prindrent & destruisirent la cité, prindrent, pillerent & bruslerent l'eglise saint Andry, & les autres eglises. Puis passerēt la riuere de Gironde, & vindrent à Poitiers qu'ilz prindrent semblablement, & destruisirent la cité & l'eglise saint Hilaire, pillerent & bruslerent tous les pays ou ilz passerent. Puis vindrēt vers la cité de Tours, en intention de piller & brusler le monstier saint Martin. Ceulx de la ville & du pays s'assemblerent, & allerent à l'encontre: & quand ledict Charles Martel sceut que lesdictz Sarrazins estoient en si grand nombre, & auoyent ia si auant marché dedans la terre de France, il amassa premierement ses gens, & alla de vertueux courage, en l'ayde de ceulx de Tours. Et quand les Sarrazins veirent qu'ilz ne pouuoient auoir ladiete cité de Tours, & qu'ilz sceurent la venue dudit Charles Martel, & de sa puissance, ilz abandonnerent ladiete cité, & se meirent à chemin pour vouloir aller vers la cité de Bourges. Mais le victorieux prince Charles Martel, qui sceut leur entreprinse & volonté, leur trencha chemin, & alla au deuant d'eulx, à costé, pour les combattre: & les trouua en vn lieu, qui est appelé en Latin *sanctus Martinus de bello*, & en François, *lingua corrupta*, saint Martin le bel, à cause de la bataille qui lors y aduint. Ledit Charles Martel les assaillit & combatit vertueusement, & si puissamment qu'en la fin de la bataille fut trouué, par compte fait, qu'il y estoit mort trois cens quatre vingtz & cinq mil Sarrazins, sans les femmes & enfans: & n'y fut tué qu'enuiron mil cinq cens des gens dudit Charles Martel. Apres ladiete bataille ledict Eude, Duc de Guyenne, par le moyen d'aucuns ses amys, trouua façon de soy reconcilier & pacifier audict Charles Martel: & apres, luy mesmes print toutes les places que les Sarrazins tenoyent, & les fait demolir & abbatre, & fait mourir tous ceulx qui estoient dedās. Pour fournir aux fraiz & despenses qu'il conuenoit faire pour lesdictes guerres, que ledict Charles Martel auoit contre les Sarrazins, ennemys de la Chrestienté, ledict Charles Martel, par le conseil des Princes, donna & bailla aucunes des dismes que tenoyent les eglises, à ses gens d'armes, moyennant qu'il promit que si Dieu luy donnoit vie, & grace de venir au desdictz est à dire Sarrazins, il les restitueroit, & plus grands biens y donneroit.

*L'an sept
cēs trente.*

*Grand nom
bre de sar
razins vin
drent inf
ques à la ci
té de Tours*

*Ruz, ce
face ver*

Audit an sept cens trente mourut Daniel † Diurais, qui se disoit Roy de Bretagne: & apres sa mort les Princes du pays de Bretagne se diuiserent en sept parties, & se nommerent cro. bre

chacun Roy en sa portion : & ainsi demourerent estriuant entre eulx par plusieurs bataillès ciuiles, iusques au regne de Charlemagne, qui les assaillit, & dura la guerre entre luy & les Bretons trente ans. Mais comme dit Sigisbert en sa Cronique, l'an huyt cens vingt, ilz furent vaincus par le Duc † Gourdon, Connestable dudit Charlemagne : lequel luy porta à don. Aiz la chapelle, les noms des Ducz & Princes desdictz Bretons, qui a luy feisoient renduz : & lors fut du tout aboly le nom des Roys dudit pays de Bretagne.

*Abolitiō du
nom des
Roys de
Bretaigne.*

En l'année sept cens trente & vn, pource que Girard de Roussillon, Comte de Bourgonne, estoit desobeyssant à la couronne de France, iceluy Charles Martel enuoya grād ost contre luy, & print Roussillon, & toute la terre de Bourgogne : parquoy ledict Girard de Roussillon s'enfuyt iusques à Lyon, & de la à Marseille & en Arle : & à ceste cause ledict Charles Martel enuoya ses gens vers Languedoc, qui y conquirent toutes les terres & les citez, c'est à sçauoir Marseille, Arle & toute Prouence, Nismes, Besiers & Montpellier, qui estoient de la Comté dudit Girard de Roussillon. Puis s'en retournerent les gens avec grands richesses.

*L'an sept
cens trente
deux.
† al. Hu
uald.
L'an sept
cens trente
trois.*

En l'année sept cens trentedeux, ledict Charles Martel eut nouuelles que ledict Eude, Duc de Guyenne, festoit de rechef esleué contre luy : parquoy il alla en Guyenne, & le tua & desconfit, puis s'en retourna. Iceluy Eude laissa deux filz, c'est à sçauoir Gayfier & † Vvalde. Ledit Gayfier fut Duc de Guyenne, & assembla grād nombre de gens, & l'année ensuyuant, sept cens trente trois reprit plusieurs des places que ledict Charles Martel auoit prises sur son pere : parquoy ledict Charles Martel, par le conseil des Barons du royaume, assembla son ost, & alla en Guyenne. La cité de Bordeaux print, le chastel de Blaye sur Gironde, & toutes les autres villes & chasteaulx de Guyenne, & les submit à la couronne de France, & en chacea lesdictz Gayfier & Vvalde, freres. En ladicte année sept cens xxxiiij. ledict Charles Martel alla en Frise, & desconfit Popon, Duc de Frise, & toute sa gent, & submit sa terre à la couronne de Frâce. Les Sefnes comencerēt lors à eulx esleuer du costé du fleuue du Rin. Charles Martel le sceut, le Rin passa, & vne partie du pays degasta, & l'autre meit en sa subiection, & en print bons hostages, puis retourna en Frâce. En l'an sept cens xxxiiij. à la poursuyte & instigation de Marunce, Duc de Prouence, vne maniere de gens, qu'on appelle

*L'an sept
cens trente
quatre.*

Gotz, qui estoient Sarrazins, vindrent des parties d'Espaigne vers Languedoc, & gasterēt tout le pays d'entour Auignon, & leur fut ladicte cité d'Auignon liurée par trahison, p ledict Marunce. Charles Martel le sceut : son ost esmeut : droict la enuoya : & feit chef de l'armée le Duc Childebrant, son oncle, qui assaillit la cité d'Auignon. Tātost alla en personne au siege ledict Charles Martel. A son arriuee eussiez ouy trōpettes & cleçons sonner & faire grand tumult, dont ceulx de dedās furent si espouëtez qu'à celle heure fut la cité prinse d'assault, & tous les Sarrazins qui estoient dedās furent tuez. Apres tyra ledict Charles Martel & sa cōpagnie

*Charles
Martel des-
cōfit grand
nombre de
sarrazins,
uers le pays
de Narbonne
† al.
Birse.*

vers Narbonne (ou estoit vn Roy Sarrazin, nommé Anthimes, avec grād planté de gens) & la cité assiegea & enuironna. Quand les autres Roys & Princes Sarrazins d'Espaigne le sceurēt, ilz assemblerent grād ost, & vindrent par mer pour secourir ledict Anthimes. Quand Charles Martel sceut leur venue, il alla au deuant, & vaillamment les combatit, en vne plaine place pres le fleuue de † Brise : & furent tuez deux des plus grands des Roys desdictz Sarrazins. Les autres se meirent en fuyte, & furent tous leurs gens mors, desconfitz & prins. Ceulx qui peurent eschaper s'enfuyrent vers le riuage du fleuue & de la mer, pour eulx cuyder sauuer en leurs galées : mais les François les suyirent, & en fuyāt les tuerent, & grand nombre en feirent noyer es estāgs, & en la mer. La gaignerent François moult de biens : & toutes les citez qui estoient habitées des Sarrazins, comme Narbonne, Nismes, Agastz, Haultmur, Substancion, qui est de present appelé Montpellier, Arle le blanc, Besiers, & autres bruslerent & raserent iusques aux fondemens. Puis s'en retourna en grād triumphe & honneur ledict vaillant prince Charles Martel, glorieux & victorieux en Frâce : mais l'année ensuyuāt sept cēs xxxviij. pource qu'il sceut q ledict Marunce, Côte de Prouence, estoit retourné avec autres nouueaux Sarrazins, appela en son ayde Liuthprād, Roy des Lōbardz, pour courir sus aux Sarrazins qui gastoyēt le pays d'entour Auignon, & auoyēt reprins la cité d'Arle. Il y retourna & les chacea iusqs au riuage de la grād mer, & cerchea toutes villes, chasteaulx & places, mōtagnes & vallées, & destruisit & feit mourir tous les Sarrazins qui y estoient. Et aīsi ledict Charles Martel tresglorieux & victorieux Prince, p l'ayde de Dieu, de son industrie, & par la force des François, chacea tous les Sarrazins qui y estoient, & leur osta toute l'esperāce de iamais habiter au royaume de Frâce. Apres ces victoires ledict vaillant prince Charles Martel s'en retourna en Frâce : & de la en auāt, pour les grāds trauaux qu'il auoit prins, comença à affoiblir & deuenir malade. En l'an sept cens .xl. Gregoire, pape de Rōme, enuoya Legatz en Frâce : & par eulx il trāsmit audict Charles Martel les clefz du sainct Sepulchre, les lycens sainct Pierre, & plusieurs autres beaux reliquaires, en luy requérant qu'il voulsist secourir & ayder à l'eglise

*L'an sept
cens trente
huyt.*

*L'an sept
cens .xl.*

l'eglise de Romme; que les Lombardz opprimoyent. Ce qu'il promet faire en l'année ensuyuant: mais il ne peut sa promesse accomplir à l'occasion de sa maladie. Il feit departir les reliquaires, dōs, & presens que le Pape luy auoit enuoyez, aux eglises du royaume. En l'an sept cens quarante & vn, les Sarrazins gasterent & destruisirent la cité d'Aiz, en Prouence: parquoy Girard de Roussillon, Comte de Bourgongne & de Prouence, feit trāsllater le corps de la benoiste Marie Magdaleine, qui pieça auoit esté mis par saint Maximian l'un des lxxij. disciples de Iesus Christ en la cité d'Aiz en Prouence, & le feit apporter ledict de Roussillon, en l'eglise de Vezelay qu'il auoit fondée, & fait edifier: & toutesfois ceulx de saint Maximian en Prouence voulurent dire, & tesmoignerent qu'ilz ont encores ledict corps. Le m'en r'apporte à ce qui en est. En ce mesme an trespassa le Roy Theodoric, ou Thierry, & luy succeda Childeric, troysieme de ce nom.

L'an sept cens. xli.

La translation du corps de Marie Magdaleine à Vezelay.

Du Roy Childeric, troysieme, qui fut fait moyne: & de la mort de Charles Martel.



Childeric, troysieme de ce nom, frere dudit Theodoric, commença à regner l'an de grace sept cens quarante & vn, & regna neuf ans, & trespassa l'an sept cens cinquante. Cestuy, du viuāt dudit Theodoric, auoit esté fait moyne: & pour ce que sondict frere estoit mort sans hoirs, ledict Charles Martel & les François le retirerent de là religion, & le firent Roy: mais aucun temps apres, quand ilz eurent congny qu'il estoit de petite efficace, & abandonné à oyssiueté, luxure & lasciuité, de l'auctorité du pape Zacharie ilz le deposerent, & le resirent moyne, & le nommerent Childeric l'insensé, comme disent les auteurs. A cestuy Childeric deffaillit la premiere generation des Roys de France, comme sera veu cy apres. Audiēt an sept cens quarante & vn, tantost apres le trespas dudit Theodoric, & que ledict Childeric, moyne, eust esté fait Roy, ledict vaillant Prince Charles Martel, Maire du palais, & gouverneur de France, alla de vie à trespassement: & fut son corps enterré en l'eglise saint Denis en France. Et pour ce qu'il n'auoit point encores restitué les dismes qu'il auoit prises des eglises, pour departir à ses Cheualiers, qui combatoyent pour le zele de la foy Chrestienne, & pour la deffence du royaume, aucuns ont voulu dire qu'il fut reuelé à Eutheries, Euesque d'Orleans, qu'il auoit enuoyé en exil, que son ame estoit en enfer tourmentée: mais qu'il en est, *nescio: Deus scit.* Cōbien que ledict Charles Martel ne fust point couronné, ny ne print iamais de son viuāt le nom, ne tiltre de Roy de France, ce neantmoins est il enteré en l'Abbaye de saint Denis, qui est le cymetiere des Roys, & est couronné en habit royal, au renc & avec les Roys, comme on peut encores veoir à l'oeil. Iceluy Charles Martel laissa trois filz, c'est à sçauoir, Griffon, Karloman & Pepin. Il departit sa seigneurie ausdictz Karloman & Pepin seulement, & audiēt Griffon n'ordonna point de terre, dont se meut grād' discention apres sa mort. Car ledict Griffon, qui estoit puissant, par la persuasion de sa mere, laquelle estoit niepce d'Odille, Duc de Bauiere, voulut entreprendre sur le gouvernement & saisine de tout le royaume que tenoyent ses freres: parquoy lesdictz freres le guerroyerent, & le prindrēt en la cité de Laon, qu'il auoit ia prise par prise par force, & le firent prisonnier en bonne garde, en vn chastel qui est pres la forest d'Ardenne, ou il fut iusques à ce que ledict Karloman alla à Romme: & gouvernerent ce pendāt lesdictz Pepin & Karloman le royaume ensemble. L'an sept cens quarante deux lesdictz Karloman & Pepin, voulans recouurer Aquitaine, contre Vvalde, filz d'Eude, qui l'auoit reprins, assemblerent leurs ostz, & allerent contre luy, & en reprindrent partie: puis s'en retournerent, & receurent chacun sa part du royaume pour iceluy deffendre, c'est à sçauoir Pepin en France, & Karloman en Austrasie. Apres cela Karloman alla contre les Saxons, & print le chastel d'Hoscoburch, destruisant toutes les contrées d'Allemagne, qui s'estoyent rebellées contre le royaume de France. Et en ceste mesme année sept cens quarante trois, lesdictz Pepin & Karloman, joinctz ensemble, assemblerent grād' armée, & allerent cōtre Odille, Duc de Bauiere, qui auoit rauy leur sœur, & le suppediterēt, & le firent venir à mercy: mais apres ilz luy laisserent leurdict sœur à femme, & firent alliance ensemble.

L'an sept cens. xli.

Les François deposerēt le Roy Childeric, & le resirent moyne.

Charles Martel fut enterré, au nombre des Roys à s. Denis, combien qu'il ne fust point Roy.

L'an sept. xliij.

L'an sept. xliij.

Comment Carloman, frere de Pepin, se fait moyne.



EN l'an de grace sept cens quarante six ledict Karloman, en delaissant la gloire seculiere de ce monde, se delibera de viure solitairement: & à ceste cause s'en alla à Romme deuers le pape Zacharie, qui le feit moyne: & pour vser solitairement ses iours, fonda en l'honneur de saint Siluestre, vn monstier, en vn lieu nommé Soraete (qui

L'an de grace sept cens quarante six.


est le lieu ou lediſt ſainſt Silueſtre ſ'alla muer au tēps de la perſecution de l'Empereur Conſtantin) & illec demoura par aucun temps. Mais pource que lediſt lieu eſtoit pres du grand chemin de Romme, & que les François qui alloient à Romme le viſitoient trop ſouuent à ſon gré, & qu'il ne vouloit plus auoir congnoiſſance des choſes terriennes, mais vouloit vaquer à contemplation, il laiſſa iceluy monſtier, & ſ'en alla en l'Abbaye du mont de Caſſin viure avecques les autres moynes: & en ceſte diſte année Pepin ſe faiſit du gouuernement du royaume d'Auſtraſie.

*L'an ſept
cens quarā
teſept.* En l'an de grace ſept cens quarāteſept lediſt Pepin mit hors de priſon lediſt Griffon, ſon frere: & combien qu'il luy entretint ſon eſtat grandement & honnorablement, toutesſois il luy ennuyoit d'eſtre en la ſubiection dudiſt Pepin: & pour taſcher à auoir le gouuernemēt du royaume ſe departit de luy, & ſ'en alla ſecretement en Saxonne, & aſſembla grand oſt de gens, & entra en France. Lediſt Pepin alla contre luy à grand nombre de François, & paſſa Thoringe. Quand lediſt Griffon ſceut ſa venue à ſi grand' puiſſance il ſ'en fuyt, & ſ'en alla

*L'an ſept
cens quarā
te huyſ.* en Bauiere: & en l'année enſuyuant, ſept cens quarante huyt, lediſt Griffon ſe fit guerre au Duc Thaſille, qui eſtoit filz de la ſoeur de Pepin, & luy oſta ladiſte Duché de Bauiere. Quād Pepin le ſceut il y alla avec grand' armée, & print lediſt Griffon, ſon frere, & ſes gens, & reſtitua ladiſte Duché de Bauiere audiſt Thaſille, ſon nepueu. A ſondiſt frere Griffon ſe fit appointement, & luy donna douze Comtez au royaume: mais ce ne luy ſuffiſt pas, & ne fut point content, ains en celle meſme année ſ'en alla vers Gayfier & Vvalde, enfans de feu Eude, Duc d'Aquitaine, prendre alliance avec eulx contre lediſt Pepin, ſon frere, en intention de luy nuire.

Cy deſſault & finit la premiere generation des Roys de France: qui dura trois cens trente & vn an, & deſquelz les noms cy deuant ſont mis en la figure du ſucillet dixieme.

DE PEPIN, FILZ DE CHAR-
*les Martel, auquel commence la ſeconde generation
deſdiſt Roys de France.*



L'an sept
cens cin-
quante.

† No^{re}x
qu'Heracle
fut fait Em-
pereur l'an
612. &
mourut

642. selon
Sigisbert.

Berthe au
grand pied,
femme de
Pepin.



† al. Ful-
rad ou
vvolrad
son cha-
pelain.

Pepin fut
estably Roy
de France, et
le Roy
Childeric
debouté par
l'auctorité
du Pape Za-
charie.

Icy est de-
scripte la ge-
nealogie du
Roy Pepin,
filz de Char-
les Martel.
† al. Bli-
tilde.
† al. An-
selbert.

Pepin, filz de Charles Martel, en son viuant Maire du pa-
lais, fut issu de la lignée du Roy Clotaire, deuxieme de ce
nom : mais non pas en ligne masculine : & fut fait Roy par
les François l'an sept cens cinquante, & trespassa l'an vij. cés
lxvij. & regna Roy de France xvij. ans. Il eut à femme
Berthe, fille t d'Eracle, Empereur de Constantinoble, laquel-
le estoit grde & de belle stature : mais elle auoit vn pied plus
grad que l'autre, & par ce la nommoit l'on Berthe au grand
pied. En l'an de grace sept cens. l. les Frâçoys, voyans que
cestuy Pepin, comme dict est cy deuant, auoit le gouuernement & la charge de faitz & af-
faires de la chose publique du royaume de France, comme Maire du palais, & considerans
que ledict Childeric, lors Roy de France, estoit homme adonné à luxure & lasciuité, imbe-
cille, de nul effect & efficace, & qu'il ne donnoit ordre ne prouision aux faitz & affaires du
royaume, ne de ses subiectz, mais luy suffisoit de viure en sa voluptuosité & plaifance, & que
pour ce faire luy conuenoit fournir plusieurs grands deniers, à la charge & foulle de ses sub-
iectz, dont il estoit encouru en l'indignation des Frâçoys, & aussi qu'aucuns de ses predeces-
seurs Roys auoyent esté gés putiers, lasches, & pusillanimes, sans faire ne porter fruit au roy-
aume : consideras aussi la peine & le trauail q Pepin Heristel, & Charles Martel, ses ayeul &
pere, auoyent euz pour la garde & deffense du royaume, & que ledict Pepin en prenoit lors
grand' peine, charge & sollicitude, & qu'ennuyeuse chose estoit qu'il eust le trauail & peine,
& que ledict Childeric, qui riens ne scauoit faire, eust la dignité & nom de Roy, par le
conseil & aduis de plusieurs des haultx Princes, Seigneurs, Barons, Prelatz, & autres du roy-
me de France, enuoyèrent à Romme Bouchard, Archeuesque d'Vviscebourg, & Foulques,
Abbé de saint Denis en France, & autres solennelz messagers, deuers le Pape Zacharie, qui
lors estoit, pour luy remonstrer les choses dessusdictes, afin de scauoir & auoir conseil à luy
lequel de raison deuoit mieulx estre dict & appelé Roy, & porter le sceptre & la couronne,
ou celuy qui n'auoit pas la sciéce & entendemēt de scauoir garder & deffendre la chose pu-
blique du royaume, & n'en portoit fors seulement que le nom, ou celuy qui auoit l'entende-
ment, sens & vaillance de le scauoir gouuerner, conduyre, garder, deffendre & augmenter,
& des faitz & affaires d'iceluy auoir la charge & sollicitude. Lequel pape Zacharie manda,
& feit respōce, que celuy deuoit estre Roy, qui auoit le pouuoir & scauoir de gouuerner, gar-
der & deffendre le royaume : & deslors iceluy Pape, du vouloir des Frâçoys, donna sa senten-
ce, que ledict Pepin fust couronné Roy de France : & pour ceste cause, incontinent ladiete re-
spōce ouye, fut ledict Childeric, qui lors auoit seulement le nom de Roy, destitué, & fut de re-
chef tondu & fait moyne : & ledict Pepin fut par les Frâçoys esleu & ordonné Roy de Fran-
ce & fut sacré en l'eglise de Soissons, par les mains de saint Boniface, lors Euesque de May-
ence, à ce commis & delegué du Pape. Tantost apres trespassa ledict Pape Zacharie, & fut
fait pape Estienne, deuxieme de ce nom. On se pourroit aucunement esmerueiller qui
meut ce Roy Pepin, qui estoit homme de pauvre & petite corpulence, c'est à scauoir, de qua-
tre piedz & demy de hault seulement, & comme vn monstre entre les hommes, osa entre-
prendre soy faire Roy de France, luy qui n'estoit heritier de la couronne de France, mais vas-
sal & seruiteur, comme Maire du palais. A cela respōdre ie ne say, sinon que la magnanimité
de son courage excedoit la grandeur de son corps, pour laquelle il ne pouuoit veoir la ruyne
de la tresnoble Monarchie de France (dont il estoit l'un des Princes & des Piliers) laquelle il
voyoit aneâtir par la negligence du Roy inutile, lubrique & non sachant : & en ce l'excuse,
quant au monde, l'election du peuple, & quant à Dieu, l'auctorité, translation, & con-
firmation du Pape Zacharie : ioinct aussi qu'il estoit descendu par diuerfes generations de
la lignée des Roys. Par ladiete translation il appert comme la puissance de l'Eglise est
grande, & comme elle estoit lors bien obeye : veu que par elle le regne d'un si grand royau-
me fut translaté, & mis hors de la lignée des vrayx & droictz heritiers de la generation des
Roys. Ce qui fut fait pour cause legitime, comme il appert xv. q. iiii. c. Alius. Et pour
monstrer que ledict Pepin estoit descendu de royale lignée, il est vray que Clotaire, Roy
de France, premier de ce nom, eut vne fille, nommée t Vlcede : laquelle fut mariée à
t Aubert, Duc & Senateur d'Austrasie : qui d'elle eut vn filz, nommé Arnoul, & cestuy eut
vn filz aussi nommé Arnoul, qui fut saint & Euesque de Metz. Ledit saint Arnoul en-
gendra Ancigise : ledict Ancigise engendra Pepin Heristel, qui fut Duc de Brabā, & Maire du
palais. Ledit Pepin engendra Charles Martel, qui fut pere de cedit Roy Pepin, surnom-
mé le Bref. Toutesfois Pierre Damian, docteur, dit que ledict Pepin fut filz de saint Arnoul,
Euesque de Metz, & qu'iceluy saint Arnoul auoit esté marié, & tenoit vne Duché en Lor-
raine,

raïne, laquelle il abandonna apres le trespas de sa femme, pour viure solitairement: & pour la sainte vie qu'il menoit fut esleu Euesque de Metz, & ainsi le lit on sa legende.

En l'anné ensuyuant, sept cens cinquante & vn ledict Pepin sceut que les Sefnes festoyent rebellez, si alla contre eulx en Saxoigne à grand ost, & les desconfit, combien qu'ilz se defendissent par aigre bataille: & en s'en retournant luy vindrent nouuelles que son frere Griffon, lequel s'en estoit allé deuers Gayfier en Aquitaine, estoit mort, & auoit esté tué.

L'an sept cens li.
La mort de Griffon, frere du Roy Pepin.

*De l'ayde que ledict Pepin feit au Pape contre Astulphe, Roy des Lombardz:
& comment ledict Pape couronna Roys les deux filz d'iceluy Pepin.*



EN l'an sept cens liij. ledict pape Estienne vint en Frâce deuers ledict Roy Pepin, qui estoit à Paris: lequel Pepin quand il sceut sa venue, & qu'il approchoit, alla au deuant de luy, & Berthe sa femme, & ses deux filz, & le receurēt en grand reuerence & honneur, puis l'amenerent loger au palais à Paris: & là ledict Pape luy remonstra, en pleurs & larmes, les grands maulx, inconueniens, & don-mages qu'Astulphe Roy des Lombardz faisoit à l'Eglise, & à la chose publique de Romme, qu'il vouloit assubiectir à luy par tribut, luy requerāt qu'il la vouldist garder & deffendre. Ce que ledict Pepin luy promit faire: puis alla ledict Pape visiter les corps de saint Denis & ses compagnons en leur eglise: & en icelle fut malade par aucun temps. Apres sa guerison ledict pape Estienne oignit & sacra de rechef ledict Roy Pepin: & semblablement ses deux filz Charles, & Karloman furent sacrez Roys: & donna ledict Pape benediction perpetuelle ausdictz Roys, & à leurs successeurs yssans de leurs lignées qui regneroyent en France, & maledictio à ceulx qui les vouldroyent contrarier. Audiēt an sept cens liij. ledict Astulphe, Roys des Lombardz, sachant la cause de la venue dudit Pape en France, enuoya Karloman frere dudit Roy Pepin, lequel estoit moyne de l'ordre saint Benoist à Montcassin, par deuers ledict Roy Pepin son frere, pour cuyder empescher que ledict Pepin ne feist l'ayde que ledict Pape Estienne demandoit contre luy: mais quand ledict Karloman fut en France, & qu'il veit la dispositio en quoy estoient lors les matieres, il veit bien qu'il ne pourroit riēs faire de la charge pour laquelle il estoit venu: si pria au Pape & au Roy son frere que le corps saint Benoist, lequel auoit esté prins, cōme on disoit, par vn religieux furtiuement en ladicte Abbaye de Montcassin, & apporté en l'Abbaye de Fleury sur Loÿre, pres Orleans, luy fust baillé & restitué pour reporter audiēt Montcassin. Ce que luy fut oſtroÿé tant par lettres du Pape que du Roy: mais quand on le voulut emporter aduindrent aucuns miracles, par lesquelz apparut que le plaisir de Dieu & dudit saint Benoist n'estoit pas qu'il fust trāsporté du lieu ou il estoit: & par ce les moynes de ladicte Abbaye de Fleury, & plusieurs François, l'empescherent.

L'an sept cens liij. Pape Estienne vint à Paris

Pape Estienne donna maledictio contre ceulx qui vouldroyent nuÿre aux roys de Frāce.

Du corps S. Benoist qu'on vouloit transporter de Fleury a Montcassin

En l'an de grace sept cens liij. ledict pape Estienne, & le Roy Pepin, avec grand armée partirent de France: & se meirent en voye pout aller à Romme: & ledict Karloman, moyne, frere dudit Roy Pepin, demoura malade de sieures à Vienne au Dauphiné, avec la Royne Berthe, femme de Pepin. Quand Astulphe, Roy des Lombardz, sceut la venue du Pape & du Roy Pepin, il vint à grād ost contre eulx, pour leur garder les passages des montaignes de Sa-uoye. Tant feirent qu'ilz passerent, mais nō pas sans grand dōmage & perte de leurs gens & biens: & quand ilz furent passez, ledict Astulphe n'osa attendre l'atmée des François, & s'enfuyt à Paÿe. Le Pape & le Roy passerent la plaine de Lōbardie, & s'en alla le Pape à Rōme, & le Roy le feit conduire en seureté, par l'Abbe de saint Denis en France, & par grand cōpagnie de François. Quād le Pape fut party d'avec le Roy, il alla assieger ledict Astulphe à Paÿe, & l'assaillit & tint si à d'estroit que ledict Astulphe fut contrainct à faire paix au Pape, & les Barons de sa terre iurerent & promirent restituer tout ce qu'ilz auoyent prins de l'Eglise de Romme: & bailla ledict Astulphe, pour seureté ostages iusques au nombre de xl. des grāds hommes de sa terre: & ce fait ledict Pepin s'en retourna en France, & à son retour trouua q ledict Karloman son frere, moyne, estoit mort à Vienne, ou il estoit demouré malade, & feit emmener son corps honnorablement en ladicte Abbaye de Montcassin, ou il auoit esleu sa sepulture.

Pepin assiegea Paÿe, la ou s'estoit retiré Astulphe Roy des Lombardz.

Veneration des images deffendues à Constantinoble.

En l'an sept cens liij. Constantin assembla à Constantinoble vn Concile de troiscens trente Euesques: auquel par edict la veneration des images fut deffendue, & declairé qu'ilz seroyent ostēz des eglises.

Comment Pepin retourna la seconde fois contre Astulphe Roy des Lombardz, qui faisoit guerre au Pape: & de l'hommage que le Duc de Bauiere fit au Roy Pepin.

L'an sept cēs
cinquātescinq.



An de grace sept cēs lv. apres ce que le Roy Pepin fut retourné de Lombardie en Frâce, lediēt Astulphe Roy des Lombards, n'acomplit poit la promesse que luy & les Barons de sa terre auoyēt faicte & iurée de restituer au Pape & à l'Eglise de Romme ce qu'ilz luy auoyēt tollu (combiē que de ce faire il eust baillé hostages) mais feit plus grand' guerre au Pape que deuant. Il assiegea Romme, & gasta la terre d'enuiron. A ceste cause lediēt Pepin, à la requeste du Pape, retourna de rechef en Lombardie, & assiegea lediēt Astulphe, à Pauye, ou il estoit, & le contraingnit par effect à rendre audiēt Pape Panthapole & Rauenne, & leurs appartenances: & promit & iura lediēt Astulphe audiēt Pepin, qu'il restituerait le demourant. puis s'en retourna lediēt Pepin en France: mais quand il fut retourné, lediēt Astulphe de rechef ne tint compte de tout ce qu'il auoit promis: & en l'année ensuyuant aduint, comme par diuin iugement, qu'en allant à la chace, iceluy Astulphe tomba de dessus son cheual, & se rompit le col, & ainsi mourut miserablement. Le royaume de Lombardie print apres vn Prince de son palais, nommé Didier, qui estoit Duc en Tuscane.

Astulphe par
diuin iuge-
ment se rom-
pit le col.

L'an sept
cens cinquā-
se six.
Le chef saint
Iehan Bapti-
ste fut appor-
te en France
de Constanti-
noble.

L'an sept
cens cinquā-
tesept.

En l'an vij. cens lvj. apres le retour dudiēt Pepin, il assembla parlement des gens des trois estatz de son royaume, luy estant en la ville de Compiengne. La vindrent deuers luy les messagers de l'Empereur de Cōstātinoble: qui luy apporterent de moult beaux & riches presens: & entre autres choses luy enuoya lediēt Empereur le chef de monseigneur saint Iehan Baptiste, lequel le receut moult honnorablement. La vint aussi deuers luy son nepueu Thassille, Duc de Bauiere, qui deuint son homme, & luy fit hommage en la presence de plusieurs des seigneurs de sa terre, iurant loyauté à luy & à ses enfans, & à leurs successeurs Roys de France: puis alla iurer ladicte fidelité sur le corps S. Denis & S. Germai, à Paris, & apres sur le corps saint Martin à Tours. En l'an sept cens cinquante & sept, lediēt Roy Pepin alla faire guerre aux Saxonniens, qui s'estoyent rebellez contre luy, lesquelz se deffendirent meult vertueusement: mais à la parfin il les subiugua, & furent contrainctz de venir vers luy à mercy. Il leur pardōna, moyennant qu'ilz seroyēt subiectz & tributaires enuers luy, & ses successeurs Roys de France, en troys cens coursiers ou cheualx de paremēt qu'ilz luy ameneroyent chacun an, & viendroyēt deuers luy en France pour l'hōnorer & faire reuerence. Audiēt an mourut Pape Estienne, & luy succeda en la papauté son frere, qui fut nommé zaul.

De la guerre que feit le Roy Pepin à Gayfier, Duc d'Aquitaine.

L'an sept
cens cinquā-
te huyet.
tals Chil-
doac.

Theodo-
ad.

L'an sept
cēs cinquā-
te neuf.

L'an sept cēs
soixante.

Le quatrie-
me voyage
de Pepin en
Aquitaine.
L'an sept cēs
soixante &
vii.



N l'an sept cēs lvij. pource que le Duc Gayfier d'Aquitaine, qui ennemy estoit de Pepin, prenoit & faisoit recevoir les deniers des terres des eglises, & couroit les terres de France, il esmeut le maltalent dudiēt Roy Pepin. Apres ce que le Roy l'eut fait sommer de les rēdre & reparer, & qu'il n'en voulut riēs faire, le Roy Pepin assembla son ost, à Thouars, cōtre luy, & le cōtraignit à rendre tout ce qu'il en auoit prins, dont il fut moult courroucé: toutesfois il feit & iura appointement & obeysance audiēt Roy Pepin sainctemēt, pour le faire retourner en France: mais en son courage il delibera de s'en venger. Et en l'année ensuyuant sept cēs cinquāte & neuf, iceluy Gayfier s'esleua contre lediēt Roy Pepin: lequel retourna contre luy, & print & destruyisit la cité d'Auuergne, qui de presēt est appelée Clermōt: & en icelle prit vn des Ducz dudiēt Gayfier, nommé Blandin, & plusieurs autres qu'il emmena prisonniers. Et l'année ensuyuant, sept cēs lx. lediēt Pepin retourna en Aquitaine pour la tierce fois, & print sur lediēt Gayfier la cité de Bourges, le chastel de Thouars, & autres fortes places: puis s'en retourna à Neuers, & la tint son parlement. Quand le Roy fut retourné dudiēt voyage, deliberant d'aller contre les Sefnes, qui de rechef s'estoyēt rebellez, lediēt Gayfier, Duc d'Aquitaine, enuoya ses gēs courir & gaster les pays du Roy iusques à Chaalōs: & quand le Roy en fut aduert, il s'en retourna de son voyage, & alla en Aquitaine pour la quatrieme fois, & passa par Auuergne & Bourbonnois, ou il print d'assault les villes de Bourbon, Chantelle, & plusieurs autres iusques à Lymoges, en gastant le pays par feu & par glaue: puis s'en retourna pour yuerner. En l'an de grace sept cens soixāte & vn, de l'ordonance dudiēt Roy Pepin, le chef saint Iehan Baptiste fut porté es parties d'Aquitaine, deuant luy en bataille: & à son arriuée resusciterent plusieurs des amys dudiēt Pepin, qui auoyent esté tuez en ladicte bataille, dont il fut moult ioyeux, & en signe

signe de ce il feist construire vne moult belle eglise, au lieu de present nommé S. Iehan d'Angely, & en icelle feist honnorablement mettre ledict chef, & y mit moynes pour Dieu prier. En l'année sept cens soixante & deux, ledict Gayfier, Duc d'Aquitaine, soy deffiant de ses subiectz feist abatre les murs de toutes les citez & villes de sondict Duché d'Aquitaine: parquoy ledict Pepin y retourna, la cité de Bourges reprint, & plusieurs autres en Berry & en Poitou, & iusques à la cité de Cahors, & les mit en son obeysance, & les feist reparer. De celle armée Thasille Duc de Bauiere, qui estoit allé avec le Roy en Aquitaine, se partit, faignât qu'il estoit malade, & s'en retourna en son pays. Au Roy Pepin mada tantost apres qu'il se departoit de l'hommage de fidelité & alliance qu'il luy auoit fait & iurées & delibera de iamaiz ne venir à sa court. L'année ensuyuant, qui fut sept cens lxiiij. ledict Pepin retourna de rechef, pour le cinquieme voyage, en Aquitaine, es parties de Lymosin. Limoges & plusieurs autres villes & citez print d'assault, & les destruisit & desola par feu & par glaiue. En l'année sept cens lxx. ledict Roy Pepin alla pour le sixieme voyage contre ledict Duc Gayfier, & print sur luy Agen, Perigort, Angoulesme: & gasta & meit en sa subiection tout le pays deça la riuere de Garonne. Et en l'année sept cens lxxj. il y retourna pour le septieme voyage, & print plusieurs places. En ladiete année sept cens lxxj. fut grand question entre l'eglise d'Oriēt & celle d'Occident: c'est à sçauoir des Grecz & des Latins, touchant la Trinité & la veneration des images des sainctz, & estoit la question de la Trinité *utrum spiritus sanctus, sicut procedit à patre, ita procedat à filio*: & celle des images des sainctz, *utrum igne comburenda, aut pingenda essent in ecclesiis*. Et pour icelle question vuyder, feist ledict Roy Pepin assembler vn grand conseil de clercz & prelatz, vne fois en la ville de Gentilly, & vne autre fois à Aiz la chapelle: & celle année on n'ostoya point pour celle cause. Et l'année ensuyuant, sept cens lxxvij. ledict Pepin se delibera de mettre fin en la guerre d'Aquitaine, qu'il auoit cōtre le Duc Gayfier. Son ost tira vers la cité de Toulouze, & la print puis vint à Xainctes, & l'assiegea. En icelle furent princes la mere, la sœur, & les nieces dudit Gayfier, lesquelles furent amenées deuers le Roy Pepin, qui les receut debonnairement: & commanda qu'elles fussent bien traitées, honorées & pensées. Puis vn des Cheualiers dudit Gayfier, nommé Eronique, se vint rendre au Roy Pepin, & luy amena vne autre sœur dudit Gayfier. Le Roy mena Berthe sa femme, & ses enfans, en ladiete cité de Xainctes, & la les laissa, se delibérant de ne retourner dudit voyage, iusques il fust venu au dessus dudit Gayfier (car c'estoit la ix. fois qu'il y estoit allé ou enuoyé) & tellement le pourchacea qu'il eut bataillé contre luy en Perigort, vers la cité d'Angoulesme, ou ledict Gayfier fut tué, combien qu'aucuns dient que ce fut par ses gens mesmes, cuidans par ce moyen captiuer la beneuolence dudit Roy Pepin. En ladiete bataille fut aussi prins Remistan, frere de feu Eude, Duc d'Aquitaine, & oncle dudit Gayfier: vers lequel iceluy Gayfier s'estoit plusieurs fois retiré, & luy auoit tousiours aydé à conduyre & entretenir sa guerre. Si le feist ledict Pepin pendre & estrangler: & ainsi la longue guerre & cōtention, qui auoit esté entre ledict Pepin & Gayfier fut finée en l'an sept cens soixante huyt. Toutesfois aucuns disent que ledict Remistan fut prins deux ans plustost, en vne autre bataille: & comptent les voyages dudit Pepin vn peu d'autre sorte.

Le chef S.
Iehan Ba-
ptiste fut
mis à saint
Iehan d'An-
gely, par le
Roy Pepin.

L'an sept
cens lxiiij.
L'an sept
cens soixan-
te cinq.

L'an sept
cens soixan-
te six.

L'an sept
cens soixan-
te sept.

Gayfier duc
d'Aquitai-
ne occis.

De la mort du Roy Pepin le Bref.



Pres celle victoire, & en signe d'icelle, ledict Pepin fonda & feist edifier l'eglise cathedrale de S. Pierre de Xainctes, & y meit chanoynes, ausquelz il dōna grands rentes & reuenus: & apres s'en retourna en Frâce, & feist amener mere, sœurs & nieces dudit Gayfier, lesquelles il feist tousiours bien & honnestement traicter, & entretenir. A son retour il donna à l'eglise de saint Denis vn aornement de pierres precieuses, que ledict Gayfier portoit en ses bras aux festes solennelles: & les feist pendre derriere le grand autel, & les appelē l'on les dons Gayfier. Audiēt an de l'incarnation Iesus Christ sept cēs lxxvij. print vne maladie audiēt Roy Pepin, de laquelle il alla de vie à trespas, au xvij. an de son regne: & fut enterré honnorablement en l'eglise S. Denis en France, ou il gist: & ordōna qu'on meit en son sercueil dessus sa face vne croix, & le chef deuers Oriēt. Ledit Pepin auoit eu de sa femme Berthe, qu'on dit au grand pied, deux filz: c'est à sçauoir Charles, lequel pour sa grāde felicité fut nommé Charles le Grand, & Karloman son frere: lesquelz par le cōseil, & assentement des François, apres le trespas dudit Pepin, furent tous deux courōnez Roys.

L'eglise de
Xainctes cō-
struite par
le Roy Pe-
pin.

Le Roy Pe-
pin mourut
l'an de gra-
ce sept cens
soixante
& huyt.

De Robert le Diable.



En ce mesme temps auoit vn Duc en Normandie (lors appelée Neustrie) qui auoit nom Aubert, & eut vn filz, nommé Robert, lequel estoit mal conditionné: & à l'occasion de sa diuersité & mauuaise vie on l'appeloit Robert le Diable. Pour les plainctes que ledict Duc son pere en auoit chacun iour, il feist crier que qui le pour-

Robert le
Diable.

roit tuer, le luy pardonnoit & l'abandonnoit: & ce sachant ledi& Robert, feit pis que par deuant, & tua le filz du Vicomte de Constâces, qu'il trouua à la chace. Pourquoy ledi& Vicomte, qui sçauoit que le Duc son pere l'auoit abandonné à mort, assembla gens pour le tuer. Robert, qui fut fort nauré, pour se sauuer se tira à vn hermitage, qui estoit en vne forest, & se confessa à l'hermite qui la demouroit. L'hermite luy conseilla soy retourner à Dieu par penitence. Quand il fut guery il sen alla à Romme, & ce confessa au Pape, qui luy bailla en penitence de ne parler de sept ans. Ce qu'il feit, & le tenoit on à Romme pour fol. Il couchoit soubz vn degré en la maison de l'Empereur, auec vn leurier, & ne mangeoit autre chose que ce qu'il pouoit oster audi& leurier. Puis se mit en religion, ou il vescu moult sau&tement, tellement qu'on dit qu'il est sanctifié.

En ce temps *corpus sancti Viti martyris* fut par Subeart, Abbé de saint Denis, apporté de Rome en France. Enuiron ce temps, apres la mort du pape Paul, vn nommé Constantin, qui estoit homme lay, fut soudainement fait prestre, & par ambition & simonie Pape par force, au grand scandale de l'Eglise: & contre luy aucuns Rommains constituerent Pape vn autre, nommé Philippes, qui tost apres fut deposé, & ne sont poit mis au cathalogue des Papes, & fut fait pape Estienne troisieme.

Estienne Pape troisieme de ce nom.

Du grand Roy Charlemagne, Empereur.

L'an sept cens soixante & huit
Le Roy Charlemagne regna quarante six ans, & mourut en l'age de septante deux ans.



Charles le grand, di& Charlemagne, Roy de France, & apres Empereur de Romme, commença à regner l'an de grace sept cens lx viij. & regna Roy de France, auant qu'il fust fait Empereur de Romme, xxxij. ans: & depuis qu'il fut couronné & sacré Empereur, il regna xiiij. ans. Ainsi regna en tout xlii. ans: & trespassa l'an de grace huy& c& xiiij. ans, en l'age de lxxij. ans. Cestuy Charles, que nous croyons estre saint, pour la grand' felicité de luy, eut en luy toutes les graces & vertuz qui rendent vn Prince louable: & à peine est homme qui les peust suffisamm&, de bouche, ne par escript reciter ne declairer: car depuis le commencement de son regne, iusques à la fin, fur& moult gr&ds guerres & tempestes en son royaume, esquelles il se gouerna si louablement, vertueusement, & magnifiquem&, qu'à peine est il qui le sceust reprendre d'aucun vice: & la diuine vertu l'à tousiours

Des mœurs, stature, & maniere de viure du grand Roy Charlemagne.

† als Eginhart.



Erpin, l'Archeuesque de Reims, qui fut son principal Conseiller, & qui plus à cōgnu de ses faitz, vertuz, & merites, & aussi † Eginoux, qui fut son chapelain, & tousiours fut nourry en son palais, redigea & mit par escript les faitz & gestes dudi& Charlemagne: & dient iceulx au&teurs qu'il estoit de belle & grande stature, bien formé de corps, & auoit huy& piedz de hault, la face d'un espan & demy de long, & le fr&c vn pied de large, le chef gros, le nez petit & plat, les yeulx gros, vers & estincelans, c&me escharboucles, terrible & cruel en increpati& à ceulx qu'il regardoit de felon courage qu&d il estoit courroucé, & aux autres bening, large & liberal en donner à ses cheualiers & seruiteurs, & aussi aux estr&giers. Il m&geoit petit de pain, & v&oit vol&tiers de chair de venaison. Il m&geoit bien à son disner vn quartier de mouton, ou vn paon, ou vne grue, ou deux poullailles, ou vne oye, ou vn lieure, sans les autres seruices d'entr&e & yssue de table. Il beu&oit peu de vin, & y mettoit beaucoup d'eau, & le plus souuent ne beu&oit que trois fois à son repas. Quand il disnoit ou soupoit, il faisoit lire deuant luy aucunes hystoires, & le plus souuent du liure de S. Augustin de la cit& de Dieu, ou il prenoit singuliere delectati&. Il s'abbilloit tousiours à la mode François&, & tousiours portoit vn couteau ou esp&e p&du à sa ceinture. Il auoit la voix claire & deliée, plus ce sembloit, qu'il n'asseroit à son corsage: la barbe large, & d'un pied de long. Il auoit vne fa&on que le plus souuent il interrompoit son somme & se leuoit par nuy&, & faisoit ses memoires pour besongner es grands affaires de son royaume, & tousiours entre deux sommes disoit vne di&te ou nocturne du psaultier. Quand il estoit couché

ché par nuyt & dormoit, tousiours veilloient autour de luy iiii. xx. Cheualiers tous armez: c'est à sçauoir. xl. deuant minuyt, & xl. apres: & y en auoit dix à son cheuet, dix à ses piedz, dix à dextre, & dix à senestre: & tenoyent chacun vne espée nue en leur dextre main, & vn cierge ardent à la senestre. Il portoit hōneur & reuerence aux gens d'Eglise, & estoit liberal pour donner aux pauures à l'honneur de Dieu. Il estoit zelateur & deffenseur de la foy catholique, des droictz des eglises, & des femmes veufues & orphelins. Il chantoit voluntiers en cheuauchant par les champs à la coustume des François, & chantoit tresbien. Il se baignoit voluntiers es bains chaulx, & nageoit mieulx qu'autre. Il sçauoit tresbien & eloquemment parler Latin, Hebreu, Arabe, François, Escossois, Allemand, Flamant, & plusieurs autres langages: & estoit instruit es sept arts liberaux. Il estoit de si grand' force qu'il leuoit facilement de sa main vn Cheualier tout armé, de terre, aussi hault que sa teste. Il eslongeoit & estendoit facilement à ses mains quatre fers de chenal ensemble, & tous neufz. Il pourfendoit de son espée vn Cheualier tout armé & son cheual. S'il n'estoit en la guerre, il estudioit & vaquoit voluntiers à bonnes œures, & iamais n'estoit oysif. Si tost que ses filz estoient en aage il les faisoit apprendre aux armes, & aller à cheual: & ses filles faisoit apprendre à ouurer de foye & de layne, & autres ouurages honnestes, pour euitier oysiuerté. Si grande estoit la stature de son corps & de sa face corporelle, trop plus grande estoit la force, haultesse & magnanimité de son courage, comme ses faitz le demōstrent bien: lesquelz ouyr reciter toutes nations se delectēt: & par iceulx apert qu'il ne mōta pas les haults degrez de la chaire de l'Empire, ne par fortune, ne par richesse, ne puissance de ses amys, n'autrement, fors par la sente de vertu & magnanimité de son courage, avec la grace de Dieu.

*De la garde
du roy Char
lemagne, luy
estât couché.*



Pres le trespas dudit Roy Pepin, lesditz Charlemagne & Karlomā, freres, ses enfans furēt courōnez Roys: c'est à sçauoir ledit Charles à Noyon, & ledit Karloman à Soissons: puis partirēt le royaume par le conseil de Berthe leur mere, & des Barons: & eut ledit Charlemagne à sa portion France & Aquitaine: mais il ne pouoit bonement iouyr d'Aquitaine: car Hunault, Côte de Prouence, † filz du feu Duc Gayfier d'Aquitaine, que le feu Roy Pepin auoit descōfit & tué en l'an sept cens soixante & neuf, esmeut guerre contre ledit Charlemagne, & print aucunes places en Aquitaine. Et tantost apres Charlemagne assembla grād ost & alla iusques en Angoulesme: mais quand ledit Hunault sceut la venue & la puissance d'iceluy Charlemagne, il s'en fuyt deuers le Duc de Gascogne, nommé Loup, cuydant estre en seureté, lequel le receut. Quand ledit Charlemagne sceut qu'il festoit la retraict, il manda audit Loup qu'il luy enuoyast, ou qu'il iroit à bataille cōtre luy. Ce qu'il feit par crainte, avec sa femme & enfans: lesquelz ledit Charlemagne feit amener en France, & les feit tenir prisonniers: & par ainsi fut cessée la guerre d'Aquitaine. En celle année feit ledit Charlemagne edifier vne moult forte place sur le fleuve de Dordogne, pres Liborne en Bourdelois, pour tenir frontiere contre les Sarrazins, qui lors habitoyēt oultre le fleuve de Gironde, & Dordonne: & la nomma Fronssac, qui vault autant à dire, comme *FRONS SARACENORUM*. En l'an sept cens septante ladiete Berthe, mere de Charlemagne, feit l'appoinctemēt d'entre ses filz & Thassille, Duc de Bauiere: puis s'en alla à Rōme, tāt pour deuotiō, que pour requerir en mariage vne des filles de Disier, Roy des Lōbards, qu'elle amena pour ledit Charlemagne son filz, lequel l'espousa. En l'an de grace sept cens septante & vn ledit Karloman, frere de Charlemagne, qui auoit eu en sa portion le royaume de Soissons, mourut: & par ainsi reuint toute la Monarchie du royaume à Charlemagne: & fut ledit Karloman enterré aupres de Pepin son pere, à saint Denis. Apres son trespas vn François, nommé † Anthoine, emmena sa veufue & ses enfans deuers Disier, Roy des Lōbards, duquel Charlemagne auoit espousé la fille, qui les receut, dont ledit Charlemagne fut courroucé: & pour ceste cause & autres raisonnables, laissa ladiete femme, fille dudit Disier, Roy des Lōbards, & en print vne autre, nommée Hildeberge, qui estoit de la lignée des † Sefnes. En l'an de grace sept cens septante & deux, pource que ceulx de Saxonne se rebellerent contre Charlemagne, il alla cōtre eulx, & à grād' puissance print & destruyt Herefbourg, & plusieurs villes: & aduint qu'un iour les gens & cheualx de l'ost de Charlemagne auoyent grand' deffaulte d'eau, pour la seicheresse. Si feit fouyr en vn ruyseau pres d'une roche, & tantost par miracle en sortit grand'abondance d'eau, pour suffire aux gens dudit ost. Apres ce ledit Charlemagne feit appoinctement ausditz Saxons, qui se meirent en sa subiectiō, & print d'eulx ostages, & s'en retourna en France.

*Karlomā &
Charlema-
gne partirēt
le royaume
de France.
† als fre-
re.*

*L'an sept cēs
lxx.*

*L'an sept cēs
lxxi.*

*† als. An-
thar.*

*† als Sue-
ues.*

Comment

Comment Charlemagne fut appelé par le Pape, en l'ayde de l'Eglise de Romme, contre les Lombards.

L'an sept
cens lxxiii.



N l'an sept cens septante & trois iceluy Charlemagne fut appelé en ayde, par Adrian, Pape de Romme, à l'encôtre dudiect Disier, Roy des Lombards, qui persécutoit l'Eglise de Rôme, & la Chrestienté: & à ceste cause Charlemagne se partit de France, & s'en alla à grand ost, les mons des Alpes passant, & entra en la plaine de Lombardie. Lediect Disier vint au deuant de luy à grand' puissance, & eurent baraille, ou lediect Disier fut desconfit: mais il eschapa, & s'en alla retraire à Pauye, ou le diect Charlemagne alla mettre le siege deuant. Et pource que lediect Charlemagne ne pouoit assez tost à son gré prendre ladiect cité, à la persuation du Pape il laissa illec son siege & ses gens: *Et orationis causa*, s'en alla à Romme: & quand il fut à vn m^{ll} pres de la cité, il se descendit de cheual, & alla iusques à la cité tout à pied. Il feit la feste de la Resurrection: & durât la sepmaine sainte visita les eglises & saintz lieux, ou sont les pardons & stations, en baissant toutes les portes des eglises, & y donna de moult beaux & riches dons. Il cōferma tout ce que Pepin son pere auoit donné à l'eglise saint Pierre, & y employa & donna de nouveau les Comtez de Spolette & de Beneuent. Il aduint en ce temps que Hunault, filz de feu Gayfier, Duc d'Aquitaine, que Charlemagne tenoit prisonnier en France, trouua moyen de soy escha per de prison, & s'en alla à refuge deuers lediect Disier, Roy des Lombardz: & là deuit apostat, & renya la foy Chrestienne, & peu de temps apres fut lapidé & accrauanté de pierres.

Le filz de
Gayfier d'A
quitaine re-
nya la foy
Chrestienne

Comment au Concile, tenu à Romme, fut donné puissance au grand Roy Charlemagne d'eslire & ordonner les Papes, Archeuesques & Euesques, & non pas à autre: & comment il abbolit du tout le royaume de Lombardie.

La grād pre
rogative qui
fut donnée au
Roy Charle
magne.



Pres la feste de Pasques de l'an commençât sept cens lxxiiij. lediect Charlemagne estant encores à Romme, fut tenu vn Concile par lediect Pape Adrian: auquel Concile iceluy Charlemagne fut present: & y auoit cent cinquante & trois, tant Archeuesques, qu'Euesques & Abbez. Et par l'assentement de tout le Concile le Pape dōna audiect Charlemagne, & à ses successeurs Roys de France, tel priuilege & dignité qu'il eust pouoir luy seul d'eslire le Pape, & ordonner du siege de Romme, toutes & quantesfois qu'il seroit vacquant: & le feit Prince & deffenseur de tous les royaumes & terres de l'eglise de Romme: & ordonna que les Archeuesques, Euesques, Abbez, & Prelatz de toute Chrestienté fussent par luy, & non par autres, instituez en leurs benefices: & que si aucuns y vouloyent entrer sans son congé & cōsentemēt, qu'ilz ne fussent de nully sacrez: & que lediect Charlemagne peust saisir leurs biens: & excommunia le Pape, de l'auctorité saint Pierre & saint Paul, ceulx qui viendroyent au contraire de ce decret & priuilege. *sed inde Ludouicus imperator, eius filius, huiusmodi priuilegio gratis renunciauit Ca. Ego Ludouicus, & c. lxxiii. distictione.* Au retour de Rôme lediect Charlemagne reuint deuant Pauye, ou il auoit laissé ses gens, qui auoyēt tenu lediect siege par six moys, & print la cité: & fut pris lediect Disier, Roy des Lombards, & sa fême, & ses enfans, dedās vne eglise ou ilz s'estoyēt retraitz: car ilz estoyēt excōmuniez du Pape. Aussi y furēt print la veufue & enfans du feu Roy Karlomā, frere de Charlemagne, qui là s'estoyēt fuyz. Mais vn des filz dudiect Disier, nommé Adalgisus, auq̄l estoit l'esperance desdictz Lombards, eschapa, & s'en alla à Constantinoble deuers l'Empereur, qui le receut, & le feit Patrice. Puis lediect Charlemagne restitua à l'eglise de Romme tout ce q̄ lediect Disier en auoit v-surpé: & apres print Verōne, & tout le pays de Lōbardie, & le mit à sa seigneurie & subiectiō, & abolit du tout le royaume des Lōbards, qui auoit duré deux cens quatre ans: & dōna lediect royaume à Pepin son filz. Puis quād il y eut mis gēs & officiers de par luy, il s'en retourna en Frâce. Entre autres il feit gouuerneur & Patrice dudiect pays de Lōbardie, vn nommé Rotgād, Lombard, & amena avecques luy en France lediect Disier, sa femme & ses enfans, & tous les grands Princes de Lombardie, & apres les enuoya en exil au pays de Lombardie, & ailleurs.

Le roy Char
lemagne abo
lit du tout le
royaume des
Lombards.

Des guerres que feit Charlemagne contre les Sefnes sarrazins: & comment il retourna en Lombardie, & feit decapiter Rotgand Lombard, qui auoit conspiré contre luy.

L'an sept
cēs septante
quatre.



V diect an sept cēs septante & quatre, pendant que le Roy Charlemagne faisoit guerre en Lōbardie, pour l'eglise de Rôme, les Sefnes rompirēt l'alliance qu'ilz auoyēt iurée avecques luy, & entrērēt en France, & y feirent moult de maulx. Et ainsi que lesdictz

lesdictz Sefnes tenoyent le siege deuât vn chastel, nommé Buriaburg, & vouloyent mettre le feu & brusler vne eglise qui estoit pres & hors la porte dudit chastel (laquelle saint Boniface martyr, & Euesque de Mayence, auoit parauant dediée) subitemēt s'apparurent deux ieunes enfans, *mira claritatis*, qui deffendirent ladicte eglise du feu. *Igitur aspectu iuuenum terribili Saxones perterriti, in fugam uersi sunt*, & par ainsi fut deliurée la ville. Si tost que Charlemagne fut retourné il alla contre lesdictz Sefnes: & assaillit leurs gens par trois diuers lieux, si qu'il gasta leurs terres: & s'en retourna avec grands thresors luy & ses gens. En l'année ensuyuant, sept cens lxxv. ledict Charlemagne retourna contre lesdictz Sefnes, qui secondement s'estoyent rebellez cōtre luy. Vn des grands Princes dudit pays de Soissonge, nommé t Helstis, vint au deuant de luy, & se meit luy, ses gens, & sa terre, & vne autre maniere de gens qu'on appelloit Ostphalois, en la subiection de Charlemagne, & luy iurerent loyauté, & de ce baillerēt ostages: & aussi feirent plusieurs autres Seigneurs & communitiez dudit pays. En t celle année Constantin l'Empereur, qui auoit deffendu la veneration des images, fut diuinemēt espris d'une maladie de feu inextinguible: & en grand' clameur mourut miserablement, & luy succeda audit Empire Leon, son filz, qui regna cinq ans.

L'an sept
cens septan
te & cinq.
t al. Hel
sis.
t als.
776.

En l'année ensuyuant, sept cens lxxvj. quand le printemps fut reuenue, Charlemagne retourna en Saxonne, par ce qu'il congnoissoit la desloyauté des Sefnes, & qu'il n'y auoit point de seureté en leurs promesses. A celle fois il en trouua plusieurs humbles, par fiction. Il quist tout le pays de Saxogne iusques à la fontaine, dont sourd le fleuve de t Lipre. Tous les Princes vindrent deuers luy, reserué t Clechin de Saxongne, qui estoit vn des Princes des Vvestphalois, qui n'osa venir, pource qu'il estoit coupable, & s'enfuyt à Sigefroy, Roy de Danne-marche. Vne partie en feit le Roy baptizer, qui requirēt baptisme, plus pour cōplaire au Roy, q̄ pour le salut de leurs ames: mais nōobstāt ce, & plusieurs grāds promesses & sermēs faictz, & ostages baillez, de non eulx departir de la foy des Chrestiens, & de la fidelité des Frāçoys, sur peine de perdre tout ce qu'ilz auoyent, lesdictz Sefnes tousiours se rebellerent contre ledict Charlemagne: pourquoy il leur feit longuement guerre, & tousiours les desconfit. Audit an sept cens lxxvj. ainsi que ledict Charlemagne s'en retournoit de faire la guerre aux Saxons, luy vindrent nouuelles que Rotgand, qu'il auoit laissé pour gouverner en Lombardie, & auquel il auoit dōné la Duché de Foriules ou Friol, faisoit aucunes noualitez & monopoles cōtre luy, audit pays de Lombardie, & se vouloit faire Roy, & que ia auoit attrait de son party aucunes citez, qui s'estoyent departies de la fidelité de Charlemagne: & pour à ce donner prouision ledict Charlemagne assembla promptement ses gens d'armes, & alla en Lombardie, & chacea & tua ledict Rotgand, & reprint lesdictes citez, & y commit Ducz & gardes de la nation de France: puis se meit en chemin pour s'en retourner en France. En s'en tournāt, & estant es montaignes des Alpes, luy vindrent nouuelles que les Sefnes s'estoyent de rechef rebellez, & ia auoyēt prins les villes d'Herfembourg & autres, & assiegé Sigiburg. Si alla contre eulx, & les combatit, & desconfit lesdictz Sefnes. Tenant le siege deuât ladicte place de Sigiburg, s'apparut sur la couuerture de l'eglise deux escuz de couleur rouge, flamboyās en semblāce de feu, dont iceulx Sefnes furent si espouentez qu'ilz s'en fuyrent, & en eulx enfuyant tuoyent l'un l'autre. En l'an de grace sept cens lxxvij. pendant que ledict Charlemagne faisoit la guerre ausdictz Sefnes, vindrent deuers luy les Ambassadeurs d'un nōmé t Ybereau l'Arabic, & d'autres Princes & communitiez Sarrazines des parties d'Espaigne: lesquelz se donnerēt, eulx, leurs citez, & pays audit Charlemagne: parquoy en diligēce il alla droict t en Espaigne, & en passant par Nauarre, print la cité de Pāpelune, & le pays. Apres passa les mons Pirenés, & print la cité de Sarragocce: & pour empescher le passage des gēs de Charlemagne, ceulx de Nauarre & de Gascongne auoyent mis espies sur son auantgarde: mais les Frāçoys qui en furent aduertis, les cōbatirent, desconfirent, & prindrent sur eulx les citez de Toulouze, Bordeaux, Narbonne, & toute Prouence, que les Sarrazins occupoyēt lors. En celle mesme année lesdictz Sefnes, sachās que ledict Charlemagne estoit loing d'eulx, faisant guerre en Espaigne, à la persuation d'un nommé Vvitchind s'ellerent & coururent sur ses pays: parquoy il enuoya grand nombre de gens d'armes, qui les combatirent & chacerēt, & à la chace les tuerent presque tous. En l'an de grace sept cens lxxviii. ledict Charlemagne alla de rechef contre les Sefnes, & subiugua ceulx de la region d'V vestfalle, & passa le fleuve de t Musare, & submit à luy les Hongres & les Esclauons: puis repassa le fleuve du Rin, pour y uerner en la terre de Vvormes. En ce temps vn Gascon Sarrazin, nōmé Tersinus, qui estoit seigneur de Toulouze, vint deuers Charlemagne, & se feit baptizer: & par ainsi ledict Charlemagne luy restitua les citez & seigneuries de Toulouze, Bordeaux, Narbonne & Prouēce, que ses predecesseurs (qui estoient Sarrazins) auoyent possédées, & lesquelles ses gens auoyēt prinſes sur luy: & erigea ladicte seigneurie de Toulouze en Comté: & fut ledict Tersinus le

L'an sept
cens septan
te six.
t al. Lip
pie.
t al. Vv
itchind.

L'an sept
cens septan
te six.

L'an sept
cens septan
te sept.
t al. Ib
en Espaigne,
& Ibna
bala.

L'an sept
cens septan
te huit.
t al. Vv
visure.

Les armes
des Roys de
Nauarre,
apportées
par un An-
ge.

premier Comte Chrestien: lequel Terminus alla mettre le siege deuât Bayonne: & vne nuyt vn Ange s'apparut à luy, & luy dist qu'il changeast les armes qu'il portoit parauant qu'il fust Chrestien (lesquelles estoient de trois moutons, que ses predecesseurs auoyent portées par idolatrie) & portast deslors en auât douze pomes d'or en croix. Ce qu'il feit: & sont les armes que portent à present les Roys de Nauarre, qui sont descenduz desdictz Côtes de Toulouze.

De la grand guerre que feit Charlemagne en Espaigne.

Charlema-
gne en re-
tourne de
Espaigne
sur guerre
& assailly
par les Gas-
cons qui tue-
rent grand
nombre de
Francoys.
L'an sept-
cens septan-
te neuf.
† al. Bur-
holt.



En ce temps la Roynne Hildegarde, femme de Charlemagne, accoucha en vn chastel qui est en Aquitaine, en la marche de Poitou, d'un filz qui eut nō Loys: & tantost apres, le Roy, par l'enhortement d'Ybereau l'Arabic, assembla son ost, pour retourner en Espaigne. En Gascongne entra, le fleuve de Gironde passa, & les montz Pirenés: puis alla en Espaigne, & y print plusieurs villes & citez, & feit raser les murs d'icelles villes. Puis se mit à chemin pour retourner en France: mais les Gascons de rechef auoyent fait vne embusche es destroitiz desdictz montz Pirenés, ou il conuenoit que l'armée de Charlemagne passast pour retourner en France: & quand les François, qui rien n'en sçauoyent, furent à demy passez, ilz frapperent sur la queue de l'arrieregarde, & moult en tuerent: puis se retirerent les Gascons es forteresses qui sont es montaignes. Quand les Sefnes sceurent la nouuelle de celle desconfiture, ilz cuyderent bien que l'ost de Charlemagne eust receu plus grand dommage qu'il n'auoit: dont s'esmeurent de rechef contre luy: mais ilz ne peurent passer le Rin. Si gastoyent & destruisoyent tout le pays, par feu & par glaïue, & tuoient hommes, femmes, & petitiz enfans, de quelque aage ou sexe qu'ilz fussent, sans y faire difference. Charlemagne en sceut les nouuelles, & vint iusques en la cité d'Auxerre: & de là enuoya sur les Sefnes les François Austrasiens & les Allemans, qui les poufuyirent iusques au fleuve de † Hermez. Là les acconsuyirent & combattirent si roidement qu'il en demoura peu qui ne fussent tuez ou noyez. Les autres solita fictions se feirent baptizer. En l'an septcens septante neuf apres celle victoire le Roy Charlemagne yuerna à Compiègne, & y assembla les estatiz de son royaume, & tint parlement de ses Barons. Puis mena son ost en Saxongne: le Rin passa, les Sefnes vindrent contre luy à vn lieu nommé † Brunelot: mais ilz furent desconfitz, & depuis encores par diuerses fois & en diuers lieux. Celle mesme année eut ledict Charlemagne contre eulx de grâ des victoires, si que la pluspart des Princes fut par necessité cōtraincte à venir vers luy à mercy, & eulx faire baptizer. ce qu'ilz feirent plus par crainte qu'autrement. Et apres ces choses faittes le Roy donna ordre aux affaires du pays, & sen retourna en France. En celle année Childerant, Duc de Spolette, se submit & recōcilia audiēt Roy Charlemagne, & tant fait par grands dons & presens qu'il recouura sa grace. En l'an de grace sept cens quatre vingtz Thassile, Duc de Bauiere, par l'enhortement de sa femme, qui estoit fille de feu Disier, Roy de Lōbardie, s'esleua cōtre ledict Charlemagne, & luy feit guerre: & ce pourchaceoit la-dicte fême, pour cuyder estre vengée dudit Charlemagne, qui auoit defait & tué son pere. En celle année l'Empereur Leon, qui estoit moult auaricieux, & curieux de pierres precieuses, print la grand' couronne, qui estoit en l'eglise de Romme, & la porta sur son chef: & tantost luy vindrent & faillirent de gros charbons & apostumes en la teste, puis fut prins d'une fièvre, dont il mourut. Apres luy tint & gouerna l'Empire † Hyrienne, sa femme, dix ans, avec Constantin, son filz, qui estoit ieune.

L'an sept-
cens quatre
vingtz.

† al. Hy-
rene.

Comment Charlemagne alla à Romme: & comment le Pape couronna ses deux filz Roys de Lombardie & d'Aquitaine.

Hildegarde
femme de
Charlema-
gne.



An de grace sept cens iiij. & vn, ledict Roy Charlemagne par deuotiō se meut pour aller à Romme, & mena avec luy la Roynne Hildegarde, sa femme, & ses filz Pepin & Loys. Il seiourna aucun temps à Pauye, puis alla à Romme: ou le pape Adrian le receut moult honnorablement, & couronna seldictz deux filz Roys: c'est à sçauoir Pepin, Roy de Lōbardie, & Loys, Roy d'Aquitaine: puis sen retourna Charlemagne à Milā, & la Roynne Hildegarde eut vne fille que l'Euesque dudit lieu baptiza, & eut nō Gille: puis sen retourna ledict Charlemagne en France, & vint à Cōpiègne. Auât son partemēt de Rōme le Pape & luy deuiserent cōment ilz feroient de la besoigne de Thassile, Duc de Bauiere, qui auoit pmis au feu Roy Pepin son pere, & à luy, foy & loyauté, & ce neātmoins il s'estoit p diuerses fois departy de sa fidelité, & l'année precedēte s'estoit esleue cōtre luy, par l'enhortemēt de sa femme, qui estoit fille de Disier, Roy de

Roy de Lombardie. Si ordonnerent qu'ilz l'enuoyeroyent admonester qu'il tint sa promesse. Si fut Thassile admonesté, & vint deuers ledict Roy Charlemagne, à t Compiègne, ou t al. V. il tenoit son Parlement en l'an sept cens t iij. xx. iij. & luy fait pareilles promesses & sermēt vörmes de fidelité qu'il auoit fait parauant au feu Roy Pepin, son pere, & à luy: & pour seureté de la t al. iij. tenir, bailla ostages douze Barons de Bauiere: mais quand il fut retourné en sa maison, il ne xx. & vii garda gueres la foy qu'il auoit promise.

De la desconfiture que les Sefnes firent des gens de Charlemagne: & comme Charlemagne fait coper la teste à quatre mil hommes, sur vn fleue.



Vand Vvitichind, qui estoit estoit vn des Princes de Saxonne, lequel n'estoit ose venir deuers le Roy Charlemagne, sceut qu'il estoit allé vers Rôme, il reuint de Dannemarche, ou il s'estoit retiré, & s'en alla à son pays: & tāt fait que les Sefnes rompirent l'appoinctement qu'ilz auoyent fait au Roy Charlemagne, & s'esleuerent contre luy. Entre ces choses, nouuelles vindrēt à Charlemagne que les t Albiens & Esclauons, qui habitoient entre les fleuues d'Albe & Salen, estoient entrez en la terre des Thoringiens. Le Roy y enuoya aucuns Princes, qui premieremēt rencontrerent les Saxons, & les combattirent si indiscrettement par enuye, qui se meit entre les Princes de l'ost, pour l'affection d'auoir l'honneur & la gloire de la bataille, que les gens Fräcoys furent desconfitz, & moult en mourut. Puis apres le Roy y alla en personne, entra en Saxongne, & interroqua par quel moyen lesdictz Sefnes festoyent esleuez. Si luy fut dit q c'estoit par Vvitichind: mais ilz ne le peurēt liurer: car il s'en estoit fuy. Si luy baillerent quatre mil cinq cens hommes, qui de la trahyson estoient consentans avec luy: lesquelz il fait mener sur vn fleue, nommé Alara, en vn lieu qui à nom Fridi, & la les fait tous decapiter.

t al. Sorabes Esclauōs: L'enuee & dissension des Capitañes d'un ost tourne souuent à confusion.

De la mort de la Roynie Hildegarde, & de la Roynie Berthe, mere de Charlemagne: de Vvitichind, le Saxon, baprisé: & d'aucuns Bretons, rebelles, subinguez.



EN l'an sept cēs iij. xx. iij. mourut la Roynie Hildegarde, fēme de Charlemagne, de laquelle iceluy Charlemagne auoit eu trois filz: c'est à sçauoir Pepin, qui fut Roy de Lōbardie, Loys Roy d'Aquitaine, & vn autre nommé Charles, & trois filles t Bertrude, Berthe, & Gisle. Et pource qu'il eut nouuelles q les Sefnes festoyent de rechef rebellez contre luy, plus fierement q deuāt, il alla contre eulx, & les cōbatit en vn lieu qui auoit nom t Charmel, si q peu en demoura: puis se partit du chāp de la bataille, & alla à vn autre lieu, qui à nom Pedérammy, & de rechef les combatit & desconfit. Puis s'en retourna en France: & espousa vne autre femme, nommée Fastrade, qui Fräcoyse estoit de nation: & en eut deux filles. En l'an sept cens iij. xx. iij. trespassa la Roynie Berthe, qui estoit diēte au grand pied, mere de Charlemagne, qui femme auoit esté du feu Roy Pepin: & fut ensepulturée à sainct Denis, apres dudiēt Pepin. On lit d'elle que pour euitier oyfueté elle s'occupa moult de temps à filler & à tixtre de ses propres mains grandes quantitez de linges, dont elle faisoit faire des aornemens pour seruir aux eglises.

t Cy apres les nomme Theodore, Hiltrude, & Richard.

t als Thietmel ou Theothi mel.

t al. Padrabium ou Paderbrumen.

t al. Adbion.

t al. Bardengos.

L'an sept cēs quatre uingz & six.

Après ces choses Charlemagne meit sus son ost, pour de rechef aller en Saxongne, & cheuaucha p tout le pays, puis ça puis la, si q peu en demoura qui ne fust gasté, destruyt, & mis à confusion. Le Roy sceut q Vvitichind & t Albiens, deux des Ducz & Princes de Saxongne, qui moult de dōmages luy auoyent faitz, estoient en vn lieu nommé t Hardougrāt il les fait admonester qu'ilz delaisassent leur desloyauté, & vinsent à luy à mercy. Ilz n'osērēt venir deuers luy iusques à ce qu'ilz eürēt ostages pour la seureté de leurs psones. Si les leur enuoya: & quād ilz furent venuz deuers luy, ilz se reconcilierēt, & il leur pardonna, moyennāt qu'ilz se feirent baptizer, & iurerēt seaulté: & par ce moyen l'esmeute desdictz Saxons cessa p long tēps. En l'an de grace sept cens iij. xx. vi. Charlemagne enuoya Adulphe, son Seneschal, avec ses ostz, en la petite Bretaigne, ainsi appelée à cause d'aucūs Barons & peuples de la grād' Bretaigne, qui iadis passerēt la mer, & s'en vindrent habiter au pays, nommé Armorique, en la derniere partie de Fräce, du costé de la grād' mer d'Occident: & combien q Iudicael, Roy des Bretons de la petite Bretaigne, eust des le tēps de Dagobert fait hommage, & aduoué tenir sa seigneurie de la couronne de France, toutesfois pource q lors ilz estoient rogues & rebelles, & ne vouloyent plus obeyr à ses mandemens, Charlemagne y enuoya Adulphe avec son armée: lequel refraignit & abbaissa leur presumption & orgueil, tellement qu'ilz furent cōtrainctz de venir à mercy & à subiection. Si print Adulphe deux ostages, & amena deuers Charlemagne plusieurs des Barons & Nobles du pays, qui tous luy feirent hommage.

Bretons subinguez.

Comment Charlemagne alla de rechef à Romme.

L'an sept
cens quatre
vingtz &
sept.
Charlema-
gne submist
à son obeys-
sance toutes
les nations
voysines du
royaume de
France.



Les Hōgres
furent des-
confitz, &
mis en fuy-
te par le roy
Charlema-
gne.

An de grace sept cens quatre vingtz & sept, voyant Charlemagne qu'il auoit à luy submis toutes les nations de luy voysines & prochaines, qui luy auoyent esté rebelles, & mis son royaume en paix, se delibera & appareilla pour aller à Romme, tāt par deuotion, pour visiter les Apostres & saintz lieux, que pour acheuer de remettre à sa subiection ce qui restoit du royaume de Lombardie, mesmement la Duché de Beneuent. Quand il fut à Romme, il demanda conseil au Pape & aux Barons de Romme, de ce qu'il auoit à besongner : & quand Aragise, Duc de Beneuent, sceut qu'il vouloit entrer en sa terre, il s'en alla vers Salerne, & enuoya deux de ses filz vers Charlemagne, pour ostages, avec grands dons : & luy manda qu'il estoit prest de faire ses commandemens. Et à ceste cause le Roy différa de luy faire guerre. Il enuoya l'aîné desdictz enfans, nommé Rumold deuers son pere, & retint le moindre, avec douze Barons en ostage : & laissa vn sien Prince, nommé Theodore, pour gouuerner le pays. En celle année les Auares, à present dictz Hongres, p l'enhortement de Thassille, Duc de Bauiere, s'esleuerent contre Charlemagne, & par deux lieux enuahirent sa terre : mais en tous lesdictz deux lieux furent vaincus, & mis en fuyte. Ledit Thassille, Duc de Bauiere, voyant qu'ilz n'estoyēt pas puissans pour resister à Charlemagne, enuoya lors deuers le Pape luy supplier qu'il feist la paix vers Charlemagne, offrant tenir ladicte Duché en foy & hommage dudit Charlemagne. Le Pape l'admōnesta de faire paix : & il sy accorda, pourueu que ledit Thassille (qui l'auoit plusieurs fois trompé) luy baillast ostages, & seureté de tenir ladicte paix. Le Pape demanda aux messagers de Thassille quelz ostages ilz bailleroient : mais ilz feirent responce qu'ilz n'auoyent point charge de ce faire, ains seulement d'ouyr la responce dudit Charlemagne. De celle responce fut le Pape moult courroucé : si les excommunia, & s'en retournerent sans riens faire.

Comment l'Emperiere de Constantinoble feist guerre à Charlemagne, pource qu'il luy refusa sa fille pour son filz : & cōment Thassille, Duc de Bauiere, fut condamné à estre decapité.

L'an sept
cens quatre
vingtz &
huyt.



Thassille,
Duc de Ba-
uiere, &
ses filz faictz
moynes.

tal. Vuil-
tzes ou
Vvilces
† al. Dra-
gamuti-
ne.

An sept cens quatre vingtz & huyt, Charlemagne estant à Romme, vindrent deuers luy les messagers d'Hyrienne, Emperiere de Constantinoble, requerrans vne de ses filles en mariage, pour Constantin, son filz, Empereur de Constantinoble : mais le Roy sachant que ladicte Hyrienne & son filz sentoyent mal de la foy, la leur refusa, dont ladicte Hyrienne fut moult courroucée. Et pource assemblea les ostz, & les feit passer à guerroyer es Comtez de Beneuent & de Spolite, dont les Ducz s'estoyent mis en la subiection de Charlemagne, qui y auoyt laissé Theodore pour garder le pays : mais les gens de ladicte Hyrienne furent tuez & desconfitz en la Calabre, par les gēs dudit Charlemagne. puis apres Charlemagne se meit à chemin pour retourner en Frāce, & passa par la cité d'Vvormes, ou il auoit laissé sa fēme & ses filz : la tint Parlemēt pour sçauoir qu'il auoit à faire du faict de Thassille, Duc de Bauiere, gēdre du Roy Disier de Lombardie : & enuoya sçauoir s'il vouloit entendre à tenir les offres qu'il auoit faictes. Et pource qu'il ne faisoit q faindre & dissimuler, il assemblea ses ostz, & l'assaillit par trois costez : & lors ledit Thassille vint à mercy deuers le Roy, & luy feit hōmage : lequel Roy de sa clemence luy pardonna, & bailla ledit Thassille son filz Theodoric, & douze autres Barōs en ostage : mais ce neātmoins l'année mesme, iceluy Thassille cōspira & s'esleua contre ledit Charlemagne : & fut accusé à son Parlement de plusieurs grāds cas, crimes, & pariuremēs qu'il confessa : & par les Pers & Barons de Frāce, fut condāné, luy & Theodoric son filz, à auoir les chefs trēchez : mais le Roy de sa bonté & clemēce, ne voulut pas qu'ilz mourussent, & les feit seulement tondre, & mettre en religion : & ceulx de son pays, qui estoyēt de sa machination, furent enuoyez en exil. Ce faict, ledit Charlemagne alla en Bauiere, & print tout ledit pays à sa subiection, & y meit gardes de par luy. Tantost apres, vne maniere de gent, qui habitent sur la mer, qui sont appelez † Vvalaches ou Esclauons, pres Bauiere (lesquelz sont grands belliqueux) entrèrent par diuers lieux audit pays de Bauiere, & par deux fois la gasterent. Charlemagne se sceut, & ne voulut pas endurer leur orgueil. Il alla contre eulx iusques au fleue d'Albe, & entra en la cōtrée d'Esclauonie, iusques à vne cité qui à nom † Dyagētre : mais le gouuerneur & les habitans d'icelle cité vindrent vers luy paisiblement, & se meirent en sa subiection : & apres, à l'exemple d'eulx, les autres Princes du pays luy vindrent tous faire hommage. Puis donna ordre au faict de ce pays, & s'en retourna en France. En celle mesme année fut faicte vne

De vne grande conspiration contre Charlemagne, par les François Austrasiens: de laquelle estoit principal autheur vn Comte, nommé Ardric: & quād elle fut descouuverte, ledict Ardric fut detréché par les membres: & semblablement tous ses cōplices detrenchez ou exilez.

*D'une grand
conspiratiō
que les Frā
coys Austrā
siens firent
contre Char
lemagne.*

Des guerres que feit Charlemagne contre les Esclauons: & de la condamnation de l'heresie Felicienne.



N ladicte année sept cens quatre vingtz & huyt, Charlemagne assembla ses ostz, & les mit en deux parties; pour aller sur les Esclauons, residās sur le riuage de la mer, oultre le fleue d'Albe (qui est vne gent mauldiēte) & par diuerses fois, & en diuers lieux, les combatit & desconfit par mer & par terre. Quād il eut mis le pays en sa subiection, il s'en retourna. Lors luy vindrent nouuelles que les Sefnes festoyent du tout releuez contre luy, & aussi que les Sarrazins estoient entrez en sa terre, du costé d'Espaigne, & auoyent tué moult de ses gens, & s'en estoient retournez avec grands richesses: mais pour celle année il ne peut aller contre eulx, à l'occasion de l'yuer & du mal temps: & ce pendāt il assembla vn Parlemēt de ses Barons & du peuple: & apres ledict Parlemēt il assembla à Mayence vn Concile de tous les Euesques de France, pour les erreurs Feliciennes, ainsi appelez à cause de leur autheur qui auoit nom Felix, qui disoit que Iesus Christ estoit seulement filz adoptif de Dieu le pere: & y auoit audict Concile deux Legatz de par le pape Adrian, & fut ladicte heresie condamnée. En ladicte année sept cens quatre vingtz & huyt, à l'instigation de Thiriasse, Archeuesq de Constantinoble, fut assemblé à Nice vn Concile de ccc.l. Euesques, auquel en la presence de Hyrienne, Emperiere de Constantinoble, & de Constantin, son filz, la foy catholique fut confirmée, & la veneration des images approuuée. Quand la nouuelle saison fut venue, le Roy Charlemagne assembla ses ostz, & les mit en deux parties: l'une pour aller contre les Sefnes, qui festoyent assemblez en moult grand nombre, es marches de Germanie, le long du riuage de la mer Occeane, & l'attendoient pour le veoir partir en vn chāp, en moult grand esperance de victoire: mais quand ilz sceurent la grand' puissance de Charlemagne, qui venoit les assaillir de deux costez, le courage leur faillit, & vindrent à luy à mercy, & il leur pardonna, & print d'eulx ostages, & s'en retournerent en leurs contrées: mais ce neātmoins lesdictz Sefnes ne tindrent riens de chose qu'ilz eussent promis: parquoy le Roy alla de rechef contre eulx, & gasta tout le pays. L'autre partie de l'ost de Charlemagne alla contre les Esclauons, ou ses gens eurent de moult cruelles batailles: mais à la fin ilz desconfirent les Esclauons, & s'en retournerent en grand' triumphe en France.

*L'an sept
cens quatre
vingtz &
huyt.*

*l'as Frā
cofurd.*

*Concile cō
tre l'heresie
Felicienne.*

*Concile de
Nicene, au
quel la ue
neratiō des
images fut
approuuée,
& la foy
Catholique
confirmée.*

Comment Aldagise, filz de feu Disier Roy des Lombardz, se leua contre Charlemagne.



An sept cens quatre vingtz & neuf Aldagise, filz de feu Disier Roy des Lombardz, lequel apres la desconfiture de son pere, l'an sept cens lxxiiij. s'en estoit allé en Constantinoble vers l'Empereur, qui l'auoit fait Patrice, veint avec grand nombre de gens en Lōbardie, pour venger la mort, & recouurer le royaume dudit Disier son pere: mais il fut par les François, que le Roy Charlemagne auoit la laitié, incontinent desconfit & tué. En l'an sept cens quatre vingtz & douze, Pepin le filz de Charlemagne, qu'il auoit engendré en vne concubine, par la persuation d'aucuns François, se leua & feit conspiration contre ledict Charlemagne, son pere: parquoy il le feit tondre & rēdre moyne, & y fut iusques à la fin de sa vie: & de ceulx qui estoient de ladicte cōspiration il en feit aucuns decapiter, & les autres exiler. En ce temps, & l'année sept cens quatre vingtz & treize, les Saxons denierent la foy qu'ilz auoyent promise à Charlemagne: & coururent sus à ses gēs qui retournoient de guerroyer de Pānonie, & en tuerēt plusieurs. Quād Charlemagne le sceur, pource qu'il auoit d'autres grāds affaires, il dissimula ceste grāde perte iusques à vne autre fois. En l'année sept cens quatre vingtz quatorze, Fastrade, Roynē, femme de Charlemagne, trespassa: & fut son corps enterré en l'eglise S. Albin de Mayence.

*L'an sept
cens quatre
vingtz &
neuf.*

*L'an sept
cens iij. xx.
& xij. Pe
pin, bastard
de Charle
magne,
moyne.*

*L'an sept
cens iij. xx.
& xiiij. Sa
xons rebel
les de re
chef.*

*L'an sept
cens iij. xx.
& xiiii. Fa
strade, roynē,
mourut.
Saxōs sub
inguez.*

En l'an sept cens quatre vingtz & xv. vn nommé Vvithan, Roy des Abrodites, qui s'en venoit à Charlemagne, fut tué par lesdictz Saxons: & pour ceste cause, & aussi pour estre vengé de ce qu'ilz luy auoyent tué ses gens, qui reuenoyent de Pānonie l'an sept cens quatre vingtz & treize, ledict Charlemagne leur feit guerre, & les assaillit par deux costez: & combien que lesdictz Saxons fussent grand nombre de gens, toutesfoys leur esperance fut perdue: & à ceste cause ilz veindrent deuers Charlemagne, & tous se rendirent en sa subiection, &

baillerent ostages: & ce fait, Charlemagne s'en retourna en Frâce. En l'an sept cens quatre vingt & seize mourut pape Adrian, qui auoit esté Pape t vingt quatre ans & dix iours: & apres luy teint le siege vn autre, nommé Leon: lequel, incontinent qu'il fut sacré, enuoya audict Charlemagne les clefz de l'eglise saint Pierre, avec la banniere de la cité de Romme: & luy manda qu'il enuoyast aucuns pour receuoir les sermens & obeysance du peuple. Ce qu'il feit: puis en l'an sept cens quatre vingt dixsept, manda ledict Charlemagne à Pepin son filz, Roy de Lombardie, qu'il assemblast son ost, & allast contre les Huns en Pannonie: lequel y alla avecques Henry, Duc de Foriules, ou de Friol, & courut & gasta tout le pays du long du fleuve de Danube, & les desconfit: leurs champs gasta, leurs thresors prit, & puis s'en reuint en France deuers son pere, amenât prisonnier vn de leurs Princes, nommé Yrango, lequel il presenta au Roy son pere, avec les thresors qu'il auoit conquis: dont le Roy en enuoya partie à l'eglise de Romme, & l'autre partie departit en grand liberalité à ses Barons & Cheualiers. Puis l'année ensuyuant vn des Princes desdictz Huns, nommé Tudon, veint deuers le Roy, & se feit baptiser: puis luy feit hommage: & par ce le Roy l'honora moult: mais il ne se tint pas longuement en sa foy, n'en sa loyauté.

L'an sept cens quatre vingt & dixsept.

L'an sept cens quatre vingt & dixsept.

Comment Charlemagne enuoya son filz Loys prendre possession de Barcelonne: & comment ledict Charlemagne alla venger le Pape Leon, auquel les Romains auoyent fait quelque iniure.

Barcelonne mise en la possession de Charlemagne.

Barcelonne est vne cité es marches d'Espaigne, qui quelquefoys estoit entre les mains des Chrestiens, & l'autrefoys entre les mains des Sarrazins, à qui prendre la pouuoit. Lors la tenoit vn Prince Sarrazin, qui auoit nom Zaton, lequel alla deuers le Roy Charlemagne, à Aiz la chapelle, & de sa propre volonté la luy bailla, & meit en sa subiection ladicte ville. Le Roy à ceste cause y enuoya Loys, son filz, Roy d'Aquitaine, avec vne partie de ses gens: lequel en print possession: & son pere retourna en Saxongne, pour refraindre la mauuaistié d'icelle peruerse gent: & moult en tua. Tantost apres le retour dudit Loys, ledict Zaton se retourna: & tua lesdictz François qui y estoient demourez: parquoy Charlemagne y enuoya de rechef ses gens, qui y tindrent deux ans le siege. A la fin la prindrent, & amenerent ledict Zaton, prisonnier, deuers Charlemagne, qui l'enuoya en exil. Ce pendant vindrent Ambassades de diuerfes & estranges nations, pour auoir la bienveillance & amytie du Roy Charlemagne, & luy apporterent de moult beaux presens, & aussi leur dóna il de ses richesses: & principalement à Hildefons, ou Adelphons, Roy de Galice, qui en l'an sept cens quatre vingt dixhuyt luy en enuoya de tres beaux: lesquelz il auoit gaignez à la prinse de Lisbonne, en Espaigne.

L'an sept cens quatre vingt & dixneuf.

Miracle fait sur le pape Leon.

Charlemagne restablit le pape en son siege t alias Tharsatique.

En l'an sept cens quatre vingt dixneuf aduint vn moult laid cas à Romme: car vn iour ainsi que le pape Leon alloit de l'eglise saint Iehan de Latran en l'eglise saint Laurens, en procession, chantant la Letanie, aucuns Rommains, par malice & enuie, l'espierent & le prindrent, luy copperent la langue, luy creuerent les yeulx, le despouillerent tout nud, & le laisserent là comme mort. Il fut emporté par aucuns de ses amys (entre lesquelz fut le Duc Vvinigis de Spolette) & dient aucunes Croniques que Dieu miraculeusement luy rendit la langue & les yeulx. Quand le Roy Charlemagne sceut l'exces qui auoit esté fait au Pape, il en fut moult courroucé, & delibera d'en faire faire la reparation: & aucun temps apres, quand il eut donné ordre à ses affaires, il se meit à chemin pour aller à Romme. Quand il fut es plaines de Lombardie, il bailla son ost à Pepin son filz, & s'en alla à Romme. Le pape Leon de paour des Rommains, vint aucunes iournées secrettement au deuant de Charlemagne, qui le receut à grand ioye: & quand ilz eurent mangé, & parlé ensemble, le Pape s'en retourna deuant à Romme: & le lendemain le Roy entra en la cité, & le Pape & les Cardinaulx luy veindrent au deuant iusques sur les degrez de l'eglise, ou le Roy descendit de son cheual. Aucuns iours apres le Roy Charlemagne feit assembler le Pape, les Cardinaulx, & les autres Prelatz, & leur dist la cause de sa venue. Entre autres choses qu'il estoit là venu pour aucuns cas & crimes, dont on auoit voulu charger le Pape: mais il n'y eut nul qui s'aduenceast de l'accuser: parquoy le Pape se purgea par serment sur les saintes escriptures. Ce fait ledict Charlemagne le restablit en son siege: puis feit faire le Roy enqueste de ceulx qui auoyent le Pape outragé, & furent condampnez, selon les loix, à mourir: mais le Pape pria pour eulx, tant qu'il leur respita la vie, & furent seulement enuoyez en exil: & ce fait, ledict Charlemagne s'en retourna en France. En celle année les Auares s'esleuerent de rechef contre Charlemagne: & tuerent Henry, Duc du Friol, qui estoit en la cité de t Césaire

faicte au pays de Liburnie, pource qu'il tenoit le party dudit Charlemagne: dont iceluy Charlemagne fut moult courroucé: & mesmes en icelle année, ou l'année suyuant, comme disent aucuns, tuerent aussi Girard, Duc de Bauier: auquel Charlemagne auoir baillé la charge de la guerre, es marches de Pannonie, & dit on qu'il est au nōbre & Cathalogue des S. Martyrs:

Comment de rechef plusieurs villes & Princes de Bretaine furent reduictz à la subiection de Charlemagne: & d'un peché que Dieu luy pardonna, à la requeste de S. Gilles.

EN l'an de grace huit cens, vn des Comtes de Charlemagne, nommé Guy †, qui † als V-
gardoit pour luy les marches de la petite Bretaine, print toutes les villes, citez uidon.
& places dudit pays, auquel pour ce temps là auoit plusieurs Roys: & par ainsi L'an huit
fut tout le pays mis en la dition, subiection, & puissance des François. Ce que cens.
n'auoit iamais esté fait: & furent audit Charlemagne portez les noms & armes de ceulx qui festoyent rédus à luy. En celle année ceulx des isles Baleares, qui auoyent esté prises & pillées par les Maures & Sarrazins, demanderent ayde à Charlemagne: laquelle il leur feit, & au moyen de ce les chacerent: & pour ceste cause se donnerent audit Charlemagne. Au renouvellement de la saison le Roy se partit d'Aix, ou il auoit yuerné, & illec auoir fait edifier vne moult belle eglise: pour laquelle faire & decorer fait amener de Rome des pilliers & des coulōnes de marbre & de porphyre: & cheuaucha, ainsi comme à demy son armée, le lōg du riuage de la mer de Flandres, tirant vers Neustrie, à present nommée Normandie, & feit la solennité de Pasques à S. Riquier en Ponthieu: puis alla à Rouen. En la mer meit garnison contre les Normans Sarrazins, qui luy faisoient souuent de griefs assaulx. Puis tira droit à Tours, pour faire ses offrandes à S. Martin, & là demoura pour vne maladie qu'il eut. Apres le Roy s'en vint à Orleans, & à Paris. puis alla visiter les Martyrs S. Denis & ses cōpagnons, & leur rendre grāces de sa guerison: & trouua S. Gilles, qu'il auoit mādē venir deuers luy, pour la grād' renommée qui couroit de sa sainteté, & luy requist qu'il priaist Dieu pour luy (car on dit qu'il auoit commis vn si grief & enorme peché qu'onques il ne l'osa cōfesser à homme, & luy sembloit que iamais Dieu ne luy pardonneroit) & le dymenche ensuyuant que ledit S. Gilles celebroit messe au grand autel de S. Denis, & qu'il prioit Dieu pour le Roy, luy present, vn Ange apporta vne cedulle sur l'autel: en laquelle estoit escript le peché du Roy, qui par les prieres de S. Gilles luy estoit de par Dieu pardonné: laquelle cedulle S. Gilles bailla au Roy, qui confessa son peché, & demanda pardon: & apres s'en retourna ledit S. Gilles en son monastere: & le Roy s'en retourna à Aix la chapelle, & teint son Parlement à Mayence.

Pardon de Dieu, à Charlemagne pour la priere de S. Gilles.

De l'Empereur Leon, qui feit brusler les images: & comment, apres, la veneration d'iceulx fut approuuée par le Concile: & comment Hyrienne, mere de l'Empereur Constantin, feit creuer les yeulx audit Constantin, & à son enfant.

EN ce temps auoit ia régné Charlemagne xxxij. ans Roy de France: & fault icy noter que des l'an sept cens xvij. ou enuiron, estoit Empereur de Rome & de Constantinoble vn, nommé Leon: lequel auoit mis hors de l'Empire vn, nommé Theodose. Cestuy Leon fut seduyt par vn apostat, & osta & feit brusler tous les images: parquoy le Pape l'excommunia, & luy osta le regne ou Empire qu'il tenoit en Occident, c'est à dire, à Rome, & es parties de par deçà, & manda en Grece qu'on ne luy obēyst point: & à ceste occasion, & aussi que les saintz hommes luy contredisoient à son heresie, il en feit mourir plusieurs: parquoy le Pape assembla lors vn Concile, auquel fut approuuée la veneration desdictz images: puis enuiron sept ans apres ledit Leon mourut, & fut Empereur apres luy Constantin, son filz: qui fut du tout peruers & heretique, sacrifiant aux Diables, & persecutant les Chrestiens: & ne pourroit on dire de luy que tout mal: & sembloit que ce fust vn autre Neron. Il feit iurer tous ses subiectz, qu'ilz n'honoreroient n'adoreroient plus nulz images, fust de Dieu, de la vierge Marie, ne de ses Saintz: & ceulx qui estoient Chrestiens, & faisoient au contraire, les condemnoit & prenoit leurs biens, & les tourmentoit: & aux gens honnestes & venerables les faisoit mettre en de la poix & de la cire, & mettre le feu dedans. Mais vn iour aduint qu'il se print subitement à crier, disant qu'il estoit en vn feu merueilleux & inextinguible, & ainsi mourut miserablement: & apres luy fut Empereur, son filz, nommé Leon, comme son ayeul, qui tint l'Empire de Constantinoble cinq ans: & luy mort l'Empire vint à Constantin, son filz, qui estoit ieune, & le tint & gouerna avec Hyrienne, sa mere,

Leon heretique.

h iij

dix ans. Apres les dix ans passez, c'est à sçauoir l'an sept cens quatre vingtz & douze, iceluy Constantin recula sa mere du gouuernement de l'Empire, afin qu'elle vauquast seulement aux besongnes qui appartiennent aux femmes: dont ladiète Hyrienne fut moult courroucée, & conceut grand hayne contre lediè Constantin son filz. Neantmoins elle fut cōtraincte de dissimuler. Il tint seul l'Empire six ans. Il fut aduertý qu'aucuns Princes ses subiectz auoyent fait conspiration contre luy, & vouloyent faire Empereur Christoffe son frere. Il les feit prendre, & à plusieurs feit creuer les yeulx, & copper les langues: & contraignit sa femme, nommée Marie, à soy faire religieuse, & print & espousa vne de ses femmes de chambre, nommée Theodete. Mais quelque temps apres, c'est à sçauoir l'an sept cens quatre vingtz & dixhuiè, ladiète mere trouua son point. Si feit prendre iceluy Constantin son filz, & vn filz qu'il auoit, & leur feit creuer les yeulx, & tantost apres mourut de dueil: & ladiète Hyrienne gouerna trois ans seule, apres la mort de son diè filz, l'Empire de Constantinoble.

*Comment le grand Roy Charlemagne fut par le Pape & par les Rommains
esleu, & sacré Empereur de Romme.*

*L'an huyè
cens & un
Charlema-
gne sacré Em-
pereur, &
appelle Cesar
Auguste.*



AN de grace huyè cēs & vn, lediè Roy Charlemagne par deuotion alla à Rōme, ou le Pape & les Rōmains le receurent honnorablemēt. Et ce pendant qu'il fut là, le Pape & les Rommains, qui ne vouloyēt plus endurer d'estre en la subiection d'une fēme, c'est à sçauoir de ladiète Hyriēne (laq̃lle auoit fait creuer les yeulx de son filz l'Empereur, & de sō petit filz, dōt ilz estoýēt mors, & elle seule tenoit & gouernoit l'Empire) prièrent Charlemagne, qu'il voulsist accepter la seigneurie de l'Empire de Romme, & tāt feirent qu'il si accorda: & le iour de la natiuité nostre seigneur, lediè Charlemagne fut par le Pape Leon sacré & couronné Empereur de Rōme, & nommé & appelé Cesar Auguste: & lors commença le peuple des Rommains à crier en telle maniere: Au grand Charlemagne Cesar Auguste, couronné de Dieu, grand & paissible Empereur des Rommains soit vie & victoire: & d'illec en auāt laissa lediè Charlemagne le nom & tiltre de Roy, & fut appelé Cesar Auguste, & Empereur. Auec lediè Charlemagne fut sacré, & couronné Roy d'Italie, Pepī son filz. Tout celuy yuer demoura l'Empereur Charlemagne en la cité de Romme, pour ordonner des besongnes qui appartenoyent à la ville, & de celles qui appartenoyent au Pape, & à toute la terre d'Italie: & depuis ce temps Charlemagne fut diè & appelé Roy de France, & Empereur des Rommains: & fut distinct & separé, du tout l'Empire de Romme, & celuy de Constantintoble: lequel Empire de Constantintoble auoit esté esleué par Constantin le grand, & par luy de nouuel edificée la cité de Constantintoble, au pays de Thrace, & nommée de ce nom (car parauant estoit nommée Bisance) & fut lediè Charlemagne depuis lediè temps, le premier Roy des Rommains de la nation de France. En ce mesme an Amimurlin, Roy de Perse, enuoya deuers luy pour auoir allicie, luy faisant present d'un elephant, & d'autres dons & richesses.

*Constantino-
ble ancienne-
ment estoit
nomme Bi-
sance.*

*Des Legatz que l'Empereur Charlemagne enuoya par tout l'Empire, pour ad-
ministrer iustice: & de plusieurs autres faitz dudiè Charlemagne: & dont
vindrent les Flamens & Brabancons.*

*L'an huyè
cēs & deux.*



EN l'an de grace huyè cēs & deux, tost apres que Charlemagne eut esté fait Empereur, il enuoya plusieurs Legatz & messagers, gēs notables & seaulx, par toutes les prouinces de son Empire, pour faire & administrer à chacun iustice, & reparer les abuz & tors faitz, & institua xxij. chapitre de loix. En ce temps Aaron, Admiral des Sarrazins, enuoya ses Ambassades & lettres d'amytie audie Empereur Charlemagne, & luy enuoya de beaulx, riches, & estranges presens: & entre les autres choses luy enuoya le corps saint Cyprian, & saint Separat, & le chef de saint Panthaleon: lesquelz il feit apporter en France. En ladiète année vn nommé Niceforus deieeta Hyrienne l'Emperiere de Constantintoble, & l'enuoya en exil, en l'isle de Lesbos, & tint & se saisit de l'Empire, viij. ans. En l'an de grace huyè cens & trois, lediè Empereur Charlemagne feit de rechef guerre aux Sefnes, oultre le fleue d'Albe: & tellemēt les chacea qu'il contraignit tous ceulx qui estoýēt demourez oultre le fleue d'Albe, & leurs femmes & enfans, à venir en France: & leur donna pour habiter le pays qu'on appelle de present Flandres & Braban: ou les habitans parlent encores le langage de Saxoigne à peu apres: & quant au pays qu'ilz auoyent laissé, Charlemagne le donna aux Abroditiēs, ses allies. En l'an de grace huyè cens & trois lediè Aaron, † Admiral de perse, avec trois cens mille hommes, feit guerre à Niceforus, Em-
pereur

*Aucuns sif-
nes transpor-
tez au pays
de Flandres,
& Braban.
tats Roy*

pereur de Constantinoble : lequel Empereur feit paſſion , & promet audiſt Aaron de luy donner chacun an, pour ſon chef, troys pieces de certaine monnoye en tribut, & autant pour ſon filz: ſans trois cens mille pieces qu'il luy donna pour les frais de la guerre. Quelque temps apres lediſt Niceforus, Empereur de Constantinoble, feit couronner Empereur ſon diſt filz, nommé Stauratius (*quoniam eſſet inutilis & ineptus*) lequel feit alliãce aux Sarrazins, dõt ſ'enſuyuit grãd. dõmage aux Chreſtiens. En l'an de grace huyt cens & quatre le Pape Leon veint deuers l'Empereur en France, iuſques en la ville de Reims: & feirent la ſolennitẽ de la feſte de la Natiuitẽ noſtre Seigneur, en la ville de Cariſi, puis le Pape ſ'en retourna à Romme: & à la requeſte de l'Empereur paſſa par la citẽ d'Aix, & p. Bauiere, ou l'Empereur le feit cõuoyer, & luy feit pluſieurs grands dons. En celle annẽe l'Empereur Charlemagne derechef feit guerre aux Auares (qui ſont autremẽt nommez Hongres) & les vainquit, & illec fut perdue toute leur gloire & nobleſſe: & n'eſt pas memoire que les François gaignaſſent iamais tant de threſors & de richelſſes qu'ilz feirent contre eulx à celle deſconfiture: mais peu apres vn de leurs Princes, nommé Theodore, ſ'eſtant fait Chreſtien, obtint de Charlemagne paix, & lieu pour habiter ſeulement luy & ſes gens. En l'an de grace huyt cens & cinq, leſdiſt Empereurs de Cõſtantinoble, pere & filz, eurent grand' enuye contre Charlemagne, qui auoit eſtẽ fait Empereur de Rõme, & leur eſtoit bien grief à porter de veoir que François euſſent le nom d'Empereur, & qu'ilz euſſent ſeparẽ l'Empire: mais lediſt Charlemagne en diſſimula, & le porta patiẽmẽt: ſi feit confederation & alliãce à eulx. En celle meſme annẽe de huyt cẽs & cinq Charles, filz de l'Empereur Charlemagne, deſconfit les Boeſmes, qu'on appelloit Eſclauons, qui ſ'eſtoient rebellez cõtre l'Empereur ſon pere, & tua leur Duc, nommé Lethon † & en l'an huyt cens & ſix de rechef les deſconfit du tout. En celle annẽe lediſt bon Roy & Empereur Charlemagne, qui ſe ſentoit affoiblir de ſa perſonne, pour les grands trauaulx qu'il auoit prins, feit ſon teſtament, & partit & diuiſa ſes ſeigneuries à ſes enfans, & feit auſtorifer ſon diſt teſtamẽt & ordõnance par le Pape Leon. En l'an de grace huyt cens & ſept, le Roy de Perſe enuoya ſes Ambaſſadeurs deuers Charlemagne, & luy enuoya de moult beaulx dons & preſens: & entre autres choſes luy enuoya des tentes & pauillons tous faitz de ſoye artiſciellement, grand' quantitiẽ de draps de ſoye de diuerſes couleurs, & vaiſſeaulx plains de baulme, onguemens precieus, & bonnes odeurs, & vn horologe-moult ſubtilement fait, & n'auoit lon iamais veu le pareil en France.

En l'an huyt cens & huyt Eardulphus Roy d'vne des parties d'Angleterre, qui auoit eſtẽ deiectẽ de ſon regne, vint à refuge vers Charlemagne, qui le receut benignemẽt: & peu apres le reſtitua en ſa ſeigneurie. En l'an de grace huyt cens & huyt †, les Sarrazins deſcẽdirent en grand' multitude au pays de Sardaigne: mais Pepin, Roy d'Italie, filz de Charlemagne, alla contre eulx, & les deſconfit, puis allerent en l'isle de Corſegue, ou il alla apres, & les deſconfit, & print toutes leurs nefz & galẽes. En l'an de grace huyt cens & neuf, lediſt Pepin alla ſur les Venitiens, qui ne luy vouloyent obeyr, & la print & ſubiuga leur ville par puisſance d'armes: mais aucun temps apres lediſt Charlemagne la bailla à Niceforus, Empereur de Constantinoble, par certain appoinctement de paix qu'ilz feirent enſemble. Tantõſt apres la prinſe de ladiſte citẽ de Veniſe, lediſt Roy Pepin, filz de Charlemagne, mourut en la citẽ de Milan. En celle meſme annẽe Godefroy, Roy des Danoys, fut tuẽ par vn ſien fatalite: & luy ſucceda † Eumugius, ſon filz, qui requit auoir paix & alliãce à Charlemagne laquelle il luy octroya. En ce tẽps fut vn nomẽ Vvltan, Eueſque du Liege, lequel fonda le monaſtere ou eſt de preſent le corps S. Hubert en Ardenne. En l'an de grace huyt cens & dix, lediſt Charlemagne, qui deſiroit moult à mettre fin à ſes guerres, aſſembla moult grãd' armẽe, & la mit en trois parties: l'vne enuoya oultrẽ le fleuve d'Albe, contre vne maniere de gent qui Heliones vocantur: l'autre en Pannonie, contre les Hongres & les Eſclauons: & la tierce contre les Bretõs & Angloys, & par tout eut victoire. En celle annẽe mourut Charles, aĩnẽ filz dudiſt Charlemagne.

En ce meſme an lediſt Niceforus, Empereur de Constantinoble, eut bataille cõtre † Crimin, Roy des Bulgres: & fut lediſt Niceforus deſconfit: & luy coppa l'on la teſte, qui fut miſe au bout d'vne lance pour la monſtrer au peuple. Son filz fut fort blecẽ au col: mais il eſchapa, & ſ'en alla à Constantinoble, & depuis tint l'Empire vn an ſeulement: puis mourut, & apres luy fut Empereur vn nommẽ Michel, lequel eſtoit gendre, & auoit eſpouſẽ la fille dudiſt Niceforus: † Il enuoya Ambaſſadeurs deuers Charlemagne, pour confermer alliances qu'ilz obtindrent. Puis ſ'en retournerent ſes meſſages, & paſſerent par le Pape, qui conferma leſdiſtes alliances. Paix & alliances furẽt ſemblablement faitẽ entre Charlemagne & † Zabulon, vn Roy des Sarrazins, & Grimoald, Duc de Beneuent, par tel conuenant qu'ilz payeroyent chacun an de truage xxv. mil ſolz d'or audiſt Charlemagne.

† als Be
chon.

L'an huyt
cens &
huyt
† als ſept

L'an huyt
cens & ix.
La ville de
Venise fut
prinſe par
Pepin, filz
de Charle-
magne.

† al. He
mingus
† al. V-
yachad.

† alias
Chrũnº

Alliance en-
tre Charle-
magne &
autres Prin-
ces.
† als A-
bulaz.

Comment Charlemagne feit mettre par ordre les legendes des saintz & de la disputation de la proceſſion du ſainct Eſprit.

† al. ſept



N l'an de l'incarnatiō noſtre Seigneur huyt cēs & t douze, l'Empereur Charlemagne, qui moult eſtoit curieux d'accroître l'hōneſteté de ſaincte eglise, feit chercher les eſcriptures des ſainctz peres anciēs, & feit accomplir les leçons & legendes qui affierent & ſe chantent à chacune feſte de l'an, par vn nommé Paul, ſon diacre. Puis feit aſſembler vn general parlement à Aiz la chapelle, & feit diſputer de la proceſſion du ſainct Eſprit: le quel, ainſi que la reigle de Chreſtienté le teſmoigne, procede du Pere & du Filz egalement, ſans creation, & ſans generation, d'une conſubſtantialité, & d'une eternalité..

Les noms des provinces que Charlemagne teint ou conquist deuant & apres qu'il fut ſainct Empereur.

† als Iber, ou Ebro.
† als Naruarre.



Charlemagne à fait plus grāds ſainctz d'armes que ne feirent iamais les Rommains

Edict Charlemagne, auāt qu'il fuſt ſainct Empereur de Romme, tenoit les prouinces d'Aquitaine, de Gaſcogne, tout le pays des Gaulles, tous les montz Pirenēs, iuſques au fleue de t Stibye, qui commence au mont de t Montieu. puis conquist Germanie, qui eſt dictē Allemagne, Angleterre, Bretaigne, toutes les Eſpagnes iuſques à la terre de Galice: Lōbardie, Italie, depuis la citē d'Aſt iuſques aux tours de Calabre: Frſie, Saxōgne, Bauiere, Eſclauōnie, Veniſe, & les terres q ſont entre leur mer, & la Dunoē, & toutes les illes, qui ſont depuis la mer de Germanie, iuſq's aux bornes d'Eſpagne, & les pais qui ſont depuis la mer de Bretagne iuſques aux bortz de Hōgrie: & cōtraignit tous les habitans d'iceulx pays à eulx faire chreſtienner. En faiſant leſdictes conquēſtes il eut de moult grandes & merueilleuſes batailles, & principalemēt contre les Seſnes: mais touſiours par la vertu de Dieu, en qui il auoit toute ſa confiance, il eut victoie de ſes ennemys: ſi que par ſon moyen le nom des François triompha ſur toutes natiōs deçā & dela les montz & les mer. Et ſy ſes ſainctz & geſtes euſſent bien eſté deduiçts & redigez par eſcript, on trouueroit qu'il à fait de plus grāds choſes que ne feirent onques les Rommains: car leurs ſainctz ont eſté plus magnifiez par parolles eſcriptes eloquemment, que par leurs vaillances, ou prouēſſes.

Comment Charlemagne alla ſecourir l'Empereur de Conſtantinoble contre les Sarrazins: & du petit oyſeau qui monſtra le chemin à Charlemagne & à ſes gens, qui eſtoient eſgarēz.



Charlemagne conquiſt la ſaincte citē de Hieruſalem.

Vrant le temps de Conſtantin, Empereur de Conſtantinoble, qui par ſept fois auoit deboutē les Sarrazins hors de la terre de Sirie, & de la citē de Hieruſalem (leſquelz ce neantmoins l'auoyent de rechef prinſe, & la détenoyent) iceluy Cōſtantin, admonēſté par diuine viſion, enuoya le Patriarche de Hieruſalem, & autres ſes Legatz deuers Charlemagne, lors eſtant à Paris, pour luy demander ſecours & ayde pour la recourance de ladicte ſaincte citē: & luy eſcripuit vne moult piteuſes lettres des maulx que leſdictz Sarrazins faiſoyēt aulx Chreſtiens, & à la terre ſaincte. Et quād ledict Charlemagne les eut leues ſe print à plorer, & les feit par l'Archeueſque Turpin expoſer deuant le peuple. Apres feit mettre ſus la plus grand' armēe qu'il euſt iamais faiçte: & quād il eut fait ſes appareilz il paſſa la mer: & aduint que quand il fut à deux iournēes pres de Hieruſalem, ou il y auoit vn grand boys, au pays de deſert, auquel lors habitoyent Griffons, Lyōs Ours, Tigres, & autres furieuſes beſtes ſauuages, ledict Charlemagne, pour euitter le danger deſdictes beſtes, voulut & cuyda paſſer ledict boys en vn iour: mais luy & ſes gens ſ'eſgaterēt, & furent ſurpris de la nuyt. parquoy ilz ne peurent oultre paſſer, & leur conuint demourer & coucher audict boys. Et en ladicte nuyt ledict Charlemagne ſe leua, cōme il auoit de couſtume chacune nuyt: & apres qu'il eut beſōgnē, & fait aucuns memoires de ſes affaires, ſe meit à dire ſes heures & ſon pſaultier, ainſi qu'il auoit de bonne couſtume d'en dire chacun iour vn nocturne: & ainſi qu'il eſtoit à dire ce verſet *Deduc me domine in ſemitam mandatorum tuorum, quia ipſam volui*, fut par luy, & par ceulx qui eſtoient en ſa compagnie en ſa tête, veu & ouy vn petit oyſelet, qui diſt & profera telle parolles: François ta voix eſt ouye, dont ilz furent moult eſmerueillez. Et apres, ledict oyſeau ſ'eſuanouyt de leurs yeulx: & ledict Charlemagne continua de dire ſon pſaultier iuſques à vn autre vers, qui dit ainſi: *Educ de cuſtodia animam meam*, &c. Et ainſi qu'il le diſoit le petit oyſeau retourna de rechef, & diſt par deux fois: François que diſ tu, François que diſ tu? Et à celle heure, qui eſtoit enuiron le point du iour, ledict Charlemagne & ceulx de ſa compagnie, cuydans prendre ledict oyſeau, ſe leuerent & le ſuyirent, & en le pour

poursuyuant il les adressa par vne petite sente qui les amena à leur grand chemin. Et dient aucuns pelerins qui ont esté en Hierusalem, que depuis ce temps la on à accoustumé ouyr en cest endroi& au boys de petis oyseaulx de semblable espee, qui en chantant dient, Fuyez payens. fuyez Payés. Quand ledi& Charlemagne fut arriué en Hierusalem, il print parforce d'armes la cité, & en bouta hors les Sarrazins, & de tout le pays aussi.

Des saintes reliques que Charlemagne apporta de Constantinoble, en retournant de Hierusalem.

EN retournant de Hierusalem ledi& Charlemagne passa par Constantinoble, & luy feit ledi& Constantin, Empereur, offrir de grands presens, & thresors d'or, d'argê&, & pierres precieuses: mais ledi& Charlemagne, qui auoit entrepris ledi& voyage pour l'honneur de nostre seigneur Iesuschrist, ne voulut auoir de son travail & labeur nulle remuneration temporelle, & n'en voulut riens prendre, ains demanda seulement audi& Empereur, & requist qu'il luy donnast aucunes reliques de la passion de Iesuschrist, & des sain&tz. A ceste cause ledi& Empereur de Constantinoble luy donna vn des cloux dequoy nostre seigneur Iesuschrist fut crucifié, des espines de la couronne, laquelle en la presence florist miraculeusemēt, & grand' partie du fust de la vraye croix. Le Roy de Perse luy donna semblablement le suaire de Iesuschrist, la chemise nostre Dame, le bras S. Simeon, & plusieurs autres belles reliques, lesquelles il receut deuotemēt & à grand' ioye, & reuerēce: & auant que les recevoir il se cōfessa, & furent luy & ses gens par trois iours en ieunes, & prieres & oraisons: & apres les fait apporter en Frāce en grand' reuerence, & les mit en la chapelle d'Aix & furent veuz en chemin, par ou passoyent lesdictes reliques, plusieurs beaulx grands & euidens miracles, qui seroyent longz à reciter, & entre autres fut resuscité vn mort. Ledi& Charlemagne fut tousiours moult accoin&té des plus grāds seigneurs du mō&de, & mesmement des Payens & Sarrazins, affin que pour l'amour de luy ilz fussent plus fauorables aux Chrestiens, qui viuoient en leur subie&tion & seigneurie, & leur enuoyoit souuent de beaulx & grands dons, & presens.

Des saintes reliques que Charlemagne apporta de Constantinoble.

Des loix qu'ordonna l'Empereur Charlemagne, & singulierement touchant les benefices electifz.

Edi& Charlemagne feit & ordonna en son temps plusieurs chapitres de loix: & entre autres sur la prouisiō des Eueschez, dignitez, & benefices de son royaume. Il feit l'ordonance qui s'ensuyt: *Sancrorū Canonum non ignari, ut in Dei nomine sancta Ecclesia suo liberius potiarur honore, accessum ordini ecclesiastico præbemus: ut scilicet Episcopi, per electionem cleri & populi secundum statuta Canonum, de propria diocesi, remota omni munerum & personarū acceptione, debite ob uita meritum, & sapientiæ donum eligantur, ut exemplo & uerbo sibi subiectis usquequaque prodesse ualeant.* Laquelle ordonnance les sain&tz Peres ont de mot à mot approuuée & canonizée, & en ont fait decret. incorporé *in uolumine aucto Decretorū, capitulo sacrorū sexagesimaterria distinclione.* Iceluy Charlemagne enuoyoit souuent Legatz & cōmissaires, prudens gens, par les prouinces de son royaume, pour faire & administrer iustice à ses subie&tz, & reformer & punir les fautes & abus. Si le Seneschal de son pays auoit deuant luy aucune matiere de grand' consequence, ou entre grands parties qu'il ne peust vuyder, luy mesmes faisoit venir les parties en sa presence, & prenoit congnoissance de la cause, & les appoin&toit, ou donnoit la sentence. Il fut moult charitable aux pauvres, amyable & courtois en parolles, en iugement certain, & en luy estoient toutes les vertus & graces que Prince louable peult, & doit auoir.

Charlemagne souuent exerceoit luy mesmes les actes de iustice.

De deux moynes qui cryoyent par tout qu'ilz auoyent science à vendre: & comment l'vniuersité de Paris fut par ledi& Charlemagne premiere-ment erigée.

EN son temps vindrent d'Irlande, en France, deux moynes qui estoient d'Ecosse, moult grands clercs & de sainte vie: lesquels par les citez & pays preschoyent & cryoyent qu'ilz auoyent science à vendre, & qui en vouldroit achapter vint à eulx. Ce qui vint à la congnoissance de l'Empereur Charlemagne, qui les fait venir deuers luy, & leur demanda s'il estoit vray qu'ilz eussent science à

vendre:lesquelz respondirent que voyremēt ilz l'auoyent par don de grace de Dieu, & qu'ilz
 estoient venuz en France pour la prescher & enseigner, à qui la voudroit apprendre. L'Em-
 pereur leur demanda quel loyer ilz voudroyent auoir pour la monstrier, & ilz respondirent
 qu'ilz ne vouloyēt riens fors lieux cōuenables à ce faire, & la substāce de leurs corps tant seu-
 lement, & qu'on leur administrast gens & enfans ingenieux pour la receuoir. Quand l'Em-
 pereur les eut ouyz, il fut bien ioyeux, & les tint avecques luy iusques à ce qu'il luy conuint
 aller en guerre: & lors commanda à l'un d'eulx, nommé Clement, qu'il demourast à Paris, &
 luy feist bailler des enfans de gēs de tous estarz, les plus ingenieux qu'on sceust trouuer: & feist
 faire lieux & escoles cōuenables pour apprendre, & commanda qu'on leur administrast tout
 ce qu'il leur seroit besoing, & leur donna de grands priuileges, franchises, & libertez: & de la
 vint la premiere institutiō du corps de l'vniuersité de Paris. L'autre moyne fut par luy enuoyé
 en Lombardie, & luy donna vne Abbaye de saint Augustin, pres la cité de Pauye, afin que
 ceulx du pays qui voudroyent auoir sapience, allassent apprendre à luy. Lors auoit en An-
 gleterre vn moult grand clerc, Theologien & Philosophe, nommé Alcuinus, lequel estoit
 † Alain de natiō, & auoit esté disciple du venerable Bede, & estoit remply de toutes sciences,
 tant en Grec qu'en Latin. Quand il sceut que ledit Empereur Charlemagne recueilloit les
 sages hommes & grands clercs, qui auoyent vouloir de monstrier & enseigner sciences, il pas-
 sa en France, & vint deuers ledit Empereur, qui le receut honnorablement, & le tint avecqs
 luy tant qu'il vesquit, & l'appeloit son maistre. Toutesfois quand il alloit en guerre il le lais-
 soit, & ne le menoit pas avec luy, & ordonna qu'il demourast en l'Abbaye de saint Martin
 de Tours: & par le moyen desdictz maistres fut multipliée science à Paris & en France: & par
 ce, à la requeste dudit Alcuinus, translata (comme dict est) ledit Charlemagne l'vniuersité,
 qui estoit à Romme, & laquelle parauant y auoit esté translātée d'Athenes, & la feist venir à
 Paris: & furent fondateurs dudit estude & vniuersité quatre grands clercs, qui auoyent esté di-
 sciples de Bede, c'est à sçauoir ledit Alcuinus, Rabanus, Claudius, & Iohannes, tellement q
 la vraye source & fontaine de science ya tousiours depuis esté: & quand ya aucun erreur ou
 doute touchant la foy catholique, ou autrement, procedant de ce royaume & d'autres de la
 Chrestienté, elle à esté vuidée par les sages clercs de l'vniuersité de Paris & de France. Iceuluy
 Alcuinus à la requeste de Boniface, Euesque de Mayence, refit les oraisons de la messe, & plu-
 sieurs belles homelies sur les Euāgiles, & autres sermons qui se chātent es eglises: car lors tous
 les liures auoyent esté perduz & bruslez par les grands guerres que Gothz & Sarrazins a-
 uoyent faictes à la Chrestienté.

Premiere in-
 stitution du
 corps de l'u-
 niuersité de Pa-
 ris.

† Al. An-
 glois.

Les erreurs
 touchant la
 foy ont ac-
 coustumé de
 estre uidez
 par l'univer-
 sité de Paris.

*Comment les moynes de saint Martin de Tours furent tuez par vn Ange,
 pour les grands dissolutions qu'ilz faisoient.*



En ce temps auoit moynes de saint Benoist en l'eglise saint Martin de Tours:
 & veult on dire que pour la grand'abondance & superfluité de biens mōdains,
 que lesdictz moynes auoyent, ilz viuoyent trop lubriquement & desordonné-
 ment, & portoyent habillemēs de soye, & leurs souliers dorez, & autres habitz
 dissoluz, & irreguliers à leur religion: & comme recite Eude, Abbé de Clugny:
 pour les execrables vices dōt lesdictz religieux estoient pleins, nostre Seigneur, & le benoist
 saint Martin, en l'honneur duquel ladiēte eglise & Abbaye estoit construite, se courrouce-
 rent: & vne nuyt mondict seigneur saint Martin s'apparut au dortouer de ladiēte Abbaye,
 & monstroit à vn Ange, qui le suyuoit, ceulx desdictz moynes qu'il deuoit ferir, leq^l Ange les
 ruoit: & aisi furent lesdictz moynes tuez, reserué vn nōmé Yther, qui fut trouué estudiant es epi-
 stres S. Paul: & disoit ledit S. Martin audict Ange: Sauue moy le filz S. Paul. Le lendemain
 furent trouuez mors tous lesdictz moynes, reserué ledit Yther, qui fut sauué, & s'en alla à vn
 desert pres Tours, en vn lieu ou ledit Charlemagne, pour l'amour de luy, fonda tātost apres
 vne moult belle Abbaye, en l'honneur de saint Paul, qui l'auoit sauué: laquelle Abbaye, est
 de present appelée Cormery: & leur ordonna partie des rentes q tenoyent les moynes dudit
 saint Martin de Tours, & en fut ledit Yther le premier Abbé. Apres, ledit Charlemagne
 impetra que les prebstres de ladiēte eglise saint Martin de Tours desormais seroyent chanoy-
 nes, & n'y auroit plus de moynes: & donna icelle eglise de saint Martin audict Alcuin, qu'il
 appeloit son maistre, par ce qu'il estoit vieil, afin qu'il se reposast & enseignast là ceulx qui de
 luy voudroyent apprendre.

S. Martin de
 Tours, qui e-
 stoit eglise re-
 guliere, à esté
 conuertie en
 eglise seculie-
 re.

Comment

Comment saint Iaques s'apparut à Charlemagne, & luy requist qu'il deliurast des mains des Sarrazins le royaume de Galice, ou estoit son corps.



An de grace huyt cens & t treize, apres que ledict Charlemagne eut conquis & mis en sa subiection toutes les Gaulles, Italie, Allemagne, Germanie, Angleterre, Bretaigne, Frise, Hongrie, Saxongne, Bauiere, Esclauonnie, Venise, Dannemarche, & plusieurs autres grands royaumes, prouinces, terres & seigneuries estranges & voy fines, comme il est assez donné à congnoistre par ce qui est dict cy deuant, delibera de soy reposer des lors en auant, pour seruir à Dieu, & viure paisiblement. Il auoit de coustume de soy leuer par nuyt quand il ne dormoit pas, & par plusieurs fois, en soy pourmenant la nuyt, & regardant au ciel, pensa moult de fois que pouuoit signifier vne grand' voye blanche qui apparroit au ciel entre les estoilles, tirant des marches de France vers Eespaigne, & le pays de Galice, ou lors estoit incongnu & en nulle reuerence le corps du glorieux Baron monseigneur saint Iaques, cousin germain & Apostre de Iesus Christ. Or aduint vne fois que ledict Charlemagne regardât, & contemplant sur ladiete voye blanche, s'apparut à luy en l'air vn homme de moult belle & venerable stature: auquel ledict Charlemagne demanda qui il estoit, & il luy dist qu'il estoit Iaques, cousin germain & Apostre de Iesus Christ, & estoit filz Zebedée & frere de saint Iehan l'Euangeliste. outre ce qu'il estoit moult esmerueillé que luy, qui auoit tant prins de peine & de sollicitude à conquerir tant de terres & citez en estranges nations qu'il auoit conquises, mettoit si longuement à conquerir la terre de Galice, ou gisoit son corps incongnu, & sans estre reueré. La voye (dist il) que tu voys au ciel, demonstre que Dieu t'a esleu pour deietter la gent Sarrazine, qui occupe ledict pays de Galice, & deliurer la voye en maniere que les Chrestiens puissent deormais aller visiter mon corps & mon sepulchre: & en signe de ce, ladiete voye apparoitra à toy & à tous autres ppetuellement, iusques en la fin du siecle: & pource aduance toy, & ie seray en ton ayde en toutes ces choses: & pour les labours de toy, & de ceulx qui t'ayderont, pour retribution ie vous ay impetré la courōne celestielle: & par trois fois aduint audict Charlemagne ladiete vision.

t autres dix: toutes fois le uiel exēp. ne quote poir le tēps: aussi ne fait Turpin, du quel ont pris tous ceulx qui ont escript ce qui s'en suyt de Charlemagne.

Le chemin de S. Iaques en Galice fut monstré au ciel à Charlemagne par ledict saint Iaques.

Comment les murs des citez de Pampelune & de Lusferne tomberent miraculeusement deuant Charlemagne.



En tost apres ladiete vision ainsi vëue, & parolles ouyes par ledict Charlemagne, il delibera d'aller conquerir ledict pays de Galice: & assambla grand ost en grand' diligence, & tira droit en Espaigne, ou il print plusieurs villes & citez, & assiegea la cité de Pampelune, ou il fut longuement. Apres ce qu'il eut par l'espace de trois moys tenu siege deuant ladiete cité de Pampelune, & qu'il nela pouuoit auoir pour la force des murs, qui estoient comme inexpugnables, il pria saint Iaques, & luy requist qu'il luy aydast: & tantost apres lesdictz murs tomberent miraculeusement iusques aux fondemens, & fut prinse ladiete cité: & les Sarrazins qui estoient dedas, qui se vouloyent baptizer, furent sauuez de mort, & les autres furent tous tuez. Veues & ouyes lesquelles choses ainsi miraculeusement aduenues, toutes les autres citez de la terre de Galice, d'une mer iusques à l'autre, se rendirent tributaires, & en la subiection dudit Roy Charlemagne, fors la cité de Lusferne, qui est assise au val t Berte, laquelle il ne peut prendre, par ce qu'elle estoit moult forte & bien garnie. A la fin quād il eut tenu le siege quatre moys deuant ladiete cité de Lusferne, & qu'il veit qu'il nela pouuoit auoir par force, il feit sa priere à S. Iaques, & tantost les murs, & toute la cité & habitans fondirent en abyssme: & y soudit vn grād lac d'eau obscure & noire, & dedans on voyoit nager grāds poissons noirs & horribles, & les voit encores de p'sent. Quatre autres citez y eut qu'il mauldist semblablement: lesquelles demouterent, & sont encores sans habitans.

Pampelune fut prinse p l'Empereur Charlemagne.

t als Verd. La cité de Lusferne & les habitans d'icelle tomberent en abyssme.

Comment Charlemagne alla visiter le sepulchre de monseigneur saint Iaques, en la cité de Compostelle: & d'un grand idole qui est en la mer.



Pres ces choses faictes ledict Charlemagne alla visiter le sepulchre de monsieur S. Iaques, en la cité de Compostelle: & apres alla iusques au port de mer, qui est oultre, & là ficha sa lance dedans la mer, en rendant graces & louenges à Dieu, & à saint Iaques, qui l'auoyent amené iusques la. Puis cheuaucha toute la terre d'Espaigne, laquelle submist à luy, & toutes les citez du pays, les aucunes

par puissance d'armes, & les autres sans batailler : & destruisit tous les idoles du pays, refer-
 ué vn qui est en la terre de Landaluf, qui à nom Sallancadis, qui vault autant à dire comme le
 Dieu de Cadis. Car ce mot Cadis est mis pour le propre nom du lieu, & Salan en l'ague Ara-
 bique vault autant à dire comme sire Dieu. Et disoyent les Sarrazins que leur prophete Ma-
 hommet feit celle image par art magique quand il viuoit, & encloyt & scella dedans vne le-
 gion de Diabes, par art de nigromâce, qui celle image tiennent en si grand force que nul ne
 la peult briser. Ledit idole est sur le riuage de la mer, assis sur vne haulte pierre, bien ouurée
 d'aucū ouurage Sarrazinois, large & carrée par dessus, & par dessoubz estroicte, haulte autāt
 qu'un corbeau peult voler hault. Sur ceste haulte coulomme est celle idole droict sur les pieds
 en forme d'homme, la face tournée deuers midy, & en sa dextre main tient vne clef. Si auoyēt
 les Sarrazins tel sort que celle clef luy deuoit cheoir de la main en celle année qu'un Roy se-
 roit nay en France, es derniers iours de ce siecle, qui toute la terre d'Espagne couuertiroit en
 la foy Chrestienne: & quand aucuns Chrestiens s'en approchoyent incontinent perissoyēt,
 & non pas les Sarrazins qui y alloient pour l'aorer: car ilz n'auoyēt nul mal. Ainsi alla Char-
 lemagne iusques aux derniers limites d'Espagne, & ficha sa lance en la mer.

Des eglises & Abbayes que Charlemagne feit edifier.

Charlema-
 gne fonda
 l'eglise S. Ia-
 ques en Ga-
 lice.



Es thresors q' ledict Charlemagne auoit euz des Roys & Princes d'iceulx pays,
 il decora & enrichit moult l'eglise S. Iaques : & en ladiete eglise fonda & meit
 chanoyens de la reigle saint Ysidore : & ce fait, il s'en retourna en France : &
 du reste des thresors, qu'il auoit gaignez en Espagne, il edifia plusieurs eglises,
 en l'honneur & reuerence de mondict seigneur saint Iaques, auquel il eut de-
 puis toute sa vie singuliere deuotion & reuerēce. Et entre autres il edifia la chapelle de nostre
 dame d'Aiz, en Allemagne, ou il est enterré: & saint Iaques à Bourges, saint Iaques à Tou-
 louze, saint Iaques qui est entre Agde, & saint Iehan de Sorde, saint Iaques entre Paris &
 Montmartre (lequel est de present encloz dedans Paris, & nōmé saint Iaques de l'Hospital)
 saint Philebert, saint Iosse, pres Montereul sur la mer, saint Florent pres Saumur, S. Mai-
 xant, & Charroitz en Poitou, Cōches, Menat Mainlieu en Auvergne, Moissac, saint Sauin
 en Poitou, Noillac, saint Tiensoy, saint Paizant, sainte Croix à Poitiers, saint Aignen
 d'Orleans, & plusieurs autres Abbayes, colleges, & autres eglises, comme en nombre non
 croyable: & toutes les decora & enrichit moult, tant en edifices, en rentes & reuenuz, que
 d'or, argent, pierres precieuses, aornemens & reliquaires, & leur donna de grands & beaulx
 priuileges: & meit en chacune eglise vne lettre d'or vallant cent liures, en laquelle estoit
 escripte l'année de la fondatiō d'icelle, en memoire perpetuelle, & s'en treuve encores en au-
 cunes desdictes eglises & Abbayes.

S. Iaques de
 l'Hospital,
 à Paris.

*De la bataille qui fut entre les ostz Charlemagne & Aygoland: & des lances de
 ceulx qui deuoyent mourir, qui florirent miraculeusement.*



Les gens
 d'Aygoland
 furent tous
 tuez, ou mis
 en fuite, par
 les gens de
 Charlema-
 gne.

Antost apres que ledict Charlemagne fut retourné en Frāce vn Roy Payen des
 marches d'Afrique, nommé Aygoland, assembla grand armée, & entra en Es-
 paigne: & à luy submit le pays q' Charlemagne y auoit cōquesté, & tua toutes
 les gardes & gouuerneurs que Charlemagne auoit laissez au pays l'année prece-
 dente, & recouura la plus grand' partie des Espaignes. Si tost que ce vint à la
 congnoissance d'iceluy Charlemagne, il retourna en Espagne à grand ost: & y estoit Miles,
 le Duc d'Angiers, pere de Roland, lequel auoit espousé Berthe, soeur d'iceluy Charlemagne,
 dūcteur & conduyseur de l'armée Charlemagne. Quand iceluy Charlemagne approcha,
 ledict Aygoland luy manda q'(s'il vouloit) pour leur question, ilz feroient combatre de leurs
 Cheualiers de chacun costé vingt contre vingt, quarante contre quarante, ou cent contre
 cent: & fut accordé que de chacun costé seroyent enuoyez cent Cheualiers, & furent les
 cent du party d'iceluy Aygoland tous tuez. Apres en fut enuoyé de chacun costé deux cens,
 & furent ceulx d'iceluy Aygoland semblablement tuez: & apres mil, & apres deux mil, dont la
 pluspart de ceulx d'iceluy Aygoland furent tuez, & les autres s'en fuyrent. Quoy voyant ice-
 luy Aygoland demāda audict Charlemagne pleine bataille au lendemain, laquelle Charle-
 magne luy accorda: & ainsi que les gens d'iceluy Charlemagne preparoyent leurs harnoyz &
 habillemēs, en vne prayrie qui est pres d'un fleuve, pour le lendemain cōbatre, il y en eut plu-
 sieurs qui fichoyent leurs lāces en terre, pour les tenir debout, affin qu'elles n'empeschassent
 à passer culx & leurs cheuaux: & aduint q' le lendemain matin, ainsi qu'ilz cuydoient prédre
 leursdictes

leursdictes lances, ilz trouuerent qu'elles auoyent toutes prins racines en terre, & escorce sur le boys, & par hault estoient branchues & vertes de fueilles: dont ilz furent moult esmerueil lez, & les coperent pres te terre: mais les racines qui demourerēt engendrerent grāds boys, qui encores apparēt. Le lendemain les ostz s'assemblerent, & y eut moult cruelle bataille, en laquelle mourut bien quarante mil Chrestiens: & y fut tué le Duc Miles, pere de Roland, & le cheual dudiēt Charlemagne tué entre ses iābes: & lors quand il se veit à terre, & autour de luy biē deux mil Chrestiens seulement qui estoient à pied, de grand' ire il tira son espée, qu'il appelloit Ioyeuse, & en pourfendit moult de Sarrazins. Tantoit apres la nuyt vint, & se retirerent les deux ostz. Le lendemain de ladiēt bataille vindrēt en l'ayde de Charlemagne quatre Marquis d'Italie: lesquelz amenerent en leur compagnie bien quātre mil combatans: & ce venu a la cognoissance dudiēt Aygoland, il se retira, & s'en fuyt: parquoy lediēt Charlemagne avec son ost s'en retourna en France pour yuerner.

Des lances
des gens de
Charlema-
gne qui pri-
rent raci-
nes & fueil-
les en terre

De la bataille
qu'eut
Charlema-
gne contre
Aygoland:

*De la grand' armée que feit Aygoland, pour venir en France: & comment
Charlemagne l'alla veoir à Agen, en habit dissimulé.*



E pendant que Charlemagne demoura en France, Aygolād assembla grād ost; & gens de toutes pars, & de diuerses nations: cōme Sarrazins, Turcz, Arabiens, Ethiopiens, Afriquans, Persans: & vindrent à son ayde en personnes Therefin, Roy d'Arabie, Burrabel, Roy d'Alexandrie, Auyt, Roy de Bugie. Hopin, Roy d'Agabe, Facin, Roy de Barbarie: les t Marquis de Maroch, de Mecque, de Se-bille, l'Aumatour de t Corde, & autres grāds Roys, Ducz, Comtes, Princes & Seigneurs: tellement qu'il auoit ost de gens comme innombrable: & vint, & trauerfa les Espaignes, & entra en Frāce par le pays d'Aquitaine, & vint iusques en la cité d'Agen, & par force la print. De là māda à Charlemagne, qui estoit venu au deuant de luy à grand' armée, qu'il vint à luy parler à petite compagnie, & qu'il iroit semblablement au deuant de luy, & qu'il luy don-neroit quarante cheualx chargez d'or & de richesses, s'il vouloit estre subiect à luy. Pource le mādoit il affin de le veoir, & qu'il eust de luy congnoissance, pour l'occire en trahyson, ou en bataille quand il le trouueroit à point: mais Charlemagne, qui semblablement auoit grād desir de le veoir & congnoistre, entendit bien sa malice: & print secrettement deux mil hommes de ses gens, qu'il mena avec luy iusques à vn boys, ou il les laissa en embusche, en prenant seulement soixante, qu'il mena iusques aupres de ladiēt cité d'Agen sur vne montaigne, dont il pouuoit veoir plainement toute la cité. Là les laissa, & chāgea son habit, & se meit en guyse de messager. son bouclier bouta sur son dos, ainsi que messagers auoyēt en ce temps accoustu- mé de faire: & s'en alla avec vn de ses gens, qu'il print comme son cōpagnon, & tirerent vers ladiēt cité. Aucuns des Sarrazins issirent contre eulx, & leur demāderent qu'ilz queroyent: & ilz dirent qu'ilz estoient messagers du grand Roy Charlemagne, qui les enuoyoit deuers Aygoland, parler à luy. Si furent menez deuāt Aygoland, & luy dirent ainsi: Charlemagne te mande qu'il vient parler à toy, avec soixante Cheualiers seulement, pour faire ton cōman- dement, & veult cheuaucher avec toy & deuenir ton homme, se tu veulx accomplir ce que tu luy as promis. Pource te mande que tu viennes au deuant de luy, à tout soixante de tes hom- mes, si parlerez ensemble paisiblement. Lors leur dist Aygoland qu'ilz retournassent à Char- lemagne, luy dire qu'il l'attendist: & par ceste maniere lediēt Charlemagne veit & congnt lediēt Aygoland, & les Roys qui estoient avec luy: & en s'en retournant regarda l'assiete de la cité, & le lieu par ou elle seroit plus aysee à assieger & à prendre.

t als
Roys.
t al. Cor-
dube.

Aygoland
vint en Frā-
ce iusques à
Agen, lequel
il print.

Charlema-
gne alla par-
ler à Aygo-
land en ha-
bit dissimu-
lé en la cité
d'Agen.

*Comment Charlemagne assiegea Aygoland en la cité d'Agen, lequel eschapa
& s'enfuyt à Xaintes, ou Charlemagne le suyuit, assiegea & desconfit: &
des lances qui florirent.*

Harlemagne retourna aux lx. Cheualiers qu'il auoit laissez en la montaigne, & puis hastiement s'en alla aux deux mil qu'il auoit laissez plus loing: & Aygo-land le suyuit à tout sept mil Sarrazins, pour l'occire, s'il l'eust peu acconsuyuir: mais ilz s'aduancerent si tost de cheuaucher qu'Aygoland ne les peut atteindre. Adonc Charlemagne, qui eut congntue la trahyson d'Aygoland, assembla ses ostz & s'en retourna & vint iusques deuant ladiēt cité d'Agen, ou Aygoland estoit. Le sie-ge y meit, & y fut six ou sept moys. A la parfin il donna si dur assault qu'Aygoland ne peut plus soustenir le faix: & pourtāt luy, & autres des Roys & Princes qui estoeyēt avec luy, voyās qu'ilz ne pouuoeyēt plus resister, par nuyt saillirent par aucuns pertuys de latrines, & autres

Charlema-
gne recon-
questa la ci-
té d'Agén.

eschapatoires qu'ilz trouuerét descloz: & par la riuere de Gironde, qui passe pres ladicte cité, descendirent & s'en allerrent iusques en la cité de Xainctes, qui estoit lors es mains des Sarrazins: parquoy le lendemain Chrestiens entrerent dedans Agen, & y furent tuez plus de dix mil Sarrazins: & les autres s'en fuyrent par ladicte riuere, & allerent après ledict Aygoland. Charlemagne les suyuit, & manda à Aygoland qu'il luy rendist la cité de Xainctes. Ce qu'il ne voulut faire. Parquoy fut prins iournée pour combattre entre les deux ostz, par tel conuenant q̄ ladicte cité de Xainctes, ou ledict Charlemagne auoit mis le siege, demourroit au vainqueur. Le iour precedent la bataille, ainsi que Chrestiens preparoyent leurs habillemens de guerre, en vne prayrie, qui est entre ladicte cité de Xainctes & vn chastel appelé Taillebourg, assis sus la riuere de Charente, les aucuns d'eulx ficherét leurs lances en terre: mais il aduint pareil miracle qu'il estoit aduenu l'année precedente en Espagne: car lesdictes lances prindrent racines, escorces, & par hault rendirét branches & fucilles. ce qui fut signification que ceulx, à qui estoient lesdictes lances, deuoyent florir le lendemain par martyre, pour la foy de Iesus Christ. Le lendemain y en mourut plusieurs en la bataille: & fut ledict Roy Charlemagne bien empresse, & en danger de sa personne, & luy fut son cheual tué. A la parfin Chrestiens se r'allierent, tellemēt que les Sarrazins ne peurent porter les durs assaulx des Chrestiens: parquoy s'en fuyrent & se retirerent dedās la cité de Xainctes: & le lendemain ledict Aygoland & ses gens sortirent secrettement hors la cité, du costé de la riuere. Les Chrestiens, qui les apperceurent, les chacerent, & à ladicte chace furent tuez les Roys d'Agabe & de Bugie, & bien quatre mil Sarrazins. Lors delaiissa Aygoland la terre de Gasconne, & en Espagne s'en alla iusques à Pampelune, qu'il feit refaire: & assembla si grand' armée qu'il auoit bien cent trente mil hommes: & de la māda à Charlemagne que s'il le vouloit attendre qu'il auroit à luy pleine bataille: mais Charlemagne voyant sa gent moult lassée & appetissée, & que la saison de l'année estoit rabaissée pour ostoyer, s'en retourna en France, & feit assembler plus grand' armée que deuant.

Deux Roys
et quatre
mil Sarra-
zins, furent
tuez par les
francoys au
siege de
Xainctes.

De la grand' armée que feit Charlemagne, pour aller en Espagne contre le Roy Aygoland.

Charlema-
gne affran-
chit de tou-
tes exactions
ceulx qui
luy tindrēt
compaignie
contre les
sarraxins.
† al. Gai-
fer.
† al. Ge-
ler.
† al. Ge-
lin.
† al. Esta-
lius.
† al. fre-
res.
† al. guil-
laulme
Guerin.
† al. Re-
né, Aul-
bery,
† als.
portz de
Ciferée
ou Ci-
seriens.



Vand les gens Charlemagne furent assemblez, l'ost de sa propre terre fut nombré à cent trente mil hommes armez, sans la gent à pied, qui estoit innombrable, & se meit à voye pour aller en Espagne: mais auant son partement il donna ordre aux affaires de son royaume, & feit moult de biens. Il affranchit & quicta tous ceulx qui allerent avec luy, & leurs heritiers, de toutes exactions & seruitutes capitaulx. Il donna grands finances aux pauures: il vestit les nudz: il meit d'accord & pacifia ceulx qui auoyent debat, proces, & question en son royaume. Avec ledict Charlemagne vindrent les haux Princes & Seigneurs qui s'ensuyuent: c'est à sçauoir Roland, Comte du Mans & Seigneur de Blaye, nepueu dudit Charlemagne, filz de Berthe sa soeur, & de Miles d'Angers, avec quatre mil hommes (toutesfois aucuns dient qu'il y auoit vn autre Roland, que ledict Charlemagne auoit engendré en vne sienne soeur, & estoit Comte de Gastinois, & que c'est celuy qui donna à saint Denis la seigneurie de Beaulne en Gastinois) Oliuier, Cōte de Genes, aussi nepueu de Charlemagne, & filz de René, avec trois mil hommes: Arastanus, Roy de Bretagne, avecques six mil hommes, lequel Arastanus mourut à Roncevaux (toutesfois y auoit lors vn autre Roy en Bretagne) Angelier, Duc d'Aquitaine, avec quatre mil hommes † Gadifer, Roy de Bordeaux, avec quatre mil hommes: † Genenus, Salomon, † Gillemer, † Lescot & Baudouyn † freres de Roland. Tous ceulx cy y amenerent dix mil hommes. Gondebeuf, Roy de Frise, avec quatre mil hommes: Brielles, Comte de Nantes, avec deux mil hommes: Naymes, Duc de Bauiere, avec deux mil hommes: Constantin le Preuost de Romme, avec vingt mil hommes: Oliuier, Roy de Dannemarche, avec dix mil hommes: Oger, Duc de Dace: Lambert, Prince de Bourges, avec deux mil hommes: Sanson, Duc de Bourgongne, avec dix mil hommes: Regnault d'Aubespın, Gaultiér de Termes: † Guillin guerın, Duc de Lorraine, avec quatre mil hommes: † René aubery, & plusieurs autres y amenerēt grands ostz. L'Arceuesque de Reims Turpin, & Ganes le trahystre, qui estoit nepueu dudit Charlemagne (lequel trahit & liura les douze Pers au Roy Marfillon) y amenerent aussi grand ost: tellement & en si grand' multitude que toute la terre estoit couuerte de gens, tant à pied qu'à cheual. La Gironde passerēt à Bordeaux: puis passerent les Landes & les † portz de Cesarée, & vindrent deuant la cité de Pampelune, ou estoit Aygoland: & lors Charlemagne luy manda qu'il luy rendist la cité, ou qu'il yroit à luy en bataille.

Du parlement

Du parlement que Charlemagne & le Roy Aygoland eurent ensemble, touchant leurs loix.

Quand Aygoland sceut la grand' armée qu'auoit ledi& Charlemagne, il requist trefues pour parlemeter avec luy: lesquelles Charlemagne luy o&troya. Le lendemain Aygoland veint avec quar&te Cheualiers deuers Charlemagne, qui estoit hors la cité. Les ostz des deux parties tenoyent bien six lieues de pays en long, & en estoit la terre couuerte de gens. La parlerent ensemble, & dist ledi& Charlemagne audi& Aygol& en langage Arabe, lequel il auoit apprins de ieunesse en la cité de Tholotte: Es tu Aygoland, qui en mon absence as tollu par tricherie, & par malice, la terre q' i'auoye conquise à l'ayde de Iesus Christ, & de saint Iaques l'Apostre: c'est à s&auoir Gascongne & Espaigne, que i'auoys cōuertyes à la foy Chrestienne, & les Princes submis à mon Empire. As tu mes Chrestiens occis, & mes citez, chasteaux & places prins, pendant que i'estoye retourné en France? Quand Aygoland entendit que Charlemagne entendoit & parloit Arabe, il en fut moult esmerueillé & ioyeux, affin de le pouuoir mieulx entendre, & parler à luy: & lors dist à Charlemagne: Ie te prie que tu me dies pourquoy tu as premierement tollu la terre à noz gens de nostre loy? laquelle ne t'appartient point par droi&t d'hoirie, & n'y eurent onc rien tes predecesseurs. Charlemagne luy dist que nostre seigneur Iesus Christ, Roy du ciel & de la terre, à esleu la gent Chrestienne pour dominer sur tous autres: & Aygoland luy dist: Et nous auons Mahomet, messager de Dieu, qui nous a esté enuoyé, duquel nous tenons les cōmandemens, & si adorons les tous puissans Dieux, qui nous manifestent & dient les choses qui sont à aduenir. A quoy Charlemagne respōdit: Aygol&, tu erres, car nous autres Chrestiens tenons les cōmandemens de Dieu, & vous tenez ceulx d'un hōme: nous adorons Dieu, Pere, & Filz, & S. Esprit: & vous adorez & croyez aux Diables, en voz simulachres & idoles: & pource ie te prie, Aygoland, q' toy & ta gent receuez baptême, affin q' vous viuez & soyez sauuez, ou soys certain que ie te combattray & occiray, & apres tu auras la mort eternelle. Aygoland luy dist: Ia ne m'adiendra que ie reçoie baptême, & que ie renonce mon Dieu omnipotent Mahomet: & te dy que ie te combattray toy & ta gent, par tel conuen&t qu'il sera di&t q' celuy qui aura victoire, aura la meilleure loy. Ainsi par appoin&temēt fait entre eulx furent enuoyez vingt Chrestiens pour cōbatre contre vingt Sarrazins. Les xx. Chrestiens eurent victoire. Apres furēt enuoyez cent Chrestiens contre cent Sarrazins: mais Chrestiens à celle fois furent lâches, & s'en fuyrent. Apres en furēt enuoyez deux cens cōtre deux cens, & puis mil contre mil: & depuis tousiours les Chrestiens eurent victoire.

*Disputatio
qui fut entre
l'Empereur
Charlemagne et
Aygoland.*

Comment Aygoland promit qu'il seroit baptizé: & comment il refusa de l'estre, par ce qu'il veit les pauvres de Iesus Christ estre mal & pauurement traictez en la court de Charlemagne.

Lors requist Aygoland à Charlemagne trefues: & confessa q' la loy Chrestienne valloit mieulx que la loy Sarrazine, declarant qu'il vouloit estre baptizé: & commanda à tous ses gens qu'ilz se preparassent de recevoir baptême. ce que les aucuns refuserent. Au lendemain vint Aygoland vers Charlemagne, pour recevoir baptême: & le trouua à table assis au disner: & veit qu'e la salle auoit diuerses tablées de gens de diuers estatz: es vnes auoit Barons & Cheualiers, es autres Euesqs, Prelatz, & autres gens ses seruiteurs, qui estoient pl&turement seruis de viandes & de vins. puis veit qu'au bout de sa chambre auoit treize pauvres mal habillez, qui mangeoyent à terre sans nappe, & n'estoyent pas seruis de mesme comme les autres gens. Il demanda que signifioient ces treize pauvres si mal accoustrez. Charlemagne luy dist que c'estoyent les gens & messagers de nostre seigneur Iesus Christ, lesquels tons les iours il repaissoit en l'honneur de ses treize Apostres. Lors luy respondit Aygol& q' ce luy sembloit bien estrange que ses gens & seruiteurs, qui estoient autour de luy, estoient si precieusement habillez, & mangeoyent si pl&turement, & ceulx, que tu dis estre messagers de ton Dieu, sont si pauurement vestuz & repeuz, & assis loing de toy à terre, & sans nappe. Grand' honte (dist il) fait à son seigneur qui ses messagers reçoit & traicte si laidement. Ta loy (dist il) que tu disoys estre si bonne, monstre bien, par ce que fais, qu'elle est faulse: & soubz celle couleur & occasion Aygol& refusa, & ne voulut estre baptizé, & s'en retourna: dont Charlemagne fut desplaisant, & luy sembla qu'il y auoit en cela faulte, & estoit cause de la perte d'Aygol& & de ses gens: & de la en auant eut les pauvres en recommandation, & en plus grand' reuerence qu'il n'auoit eu parauant.

*De la reproche que
feist Aygol&
à Charlemagne.*

LES CRONIQVES ET ANNALES DE FRANCE.

De la bataille & mort du Roy Aygoland: & de ceulx que Charlemagne auoit gardez d'aller en la bataille, qui furent trouuez mors.

† al. Ar-
nauld de
Bellade
Charlema-
gne de son
espée ioyeu
se tua le roy
Aygoland.



† Turpin
dit oultre
les portz de
Arges, sans
parier de la
ville S. Ia-
ques.

† al. For-
re ou
Furre.
† al. Ga-
zin, Jar-
din, &
dorigni
† Turpin,
et autres
disent qu'il
fut tué.

Le lendemain Aygoland manda la bataille à Charlemagne, & s'assemblerent les deux ostz. † Erualt de Beaulande, qui conduysoit vne partie des gens de la bataille, & Charlemagne en ferirent tant à dextre & à senestre, & se feirent tellement faire place qu'ilz vindrent iusques la ou estoit Aygoland, au meillieu de ses batailles: & Charlemagne de son espée ioyeuse luy trauersâ le corps, tellement qu'il le tua sur le chap. Grand' clameur se leua en l'ost des Sarrazins: & quand ilz veirent leur Seigneur mort, le courage leur faillit, & se meirent à la fuyte: & furent tous occis, fors les Roys de Seville, & de Cordube, autrement nommé l'Aumatour de Corde, & aucun peu de gens qui s'en fuyrent. La cité fut prinse: & y eut si grand' occision de Sarrazins, que les gens de pied baignoyent en sang iusques aux gros des iambes. Charlemagne, ioyeux de si belle victoire, assembla ses gens, & alla † iusques au pont d'Orge, qui est en la ville de S. Iaques. Là fait ses trefz & pavillons tédre pour soy heberger: mais aucuns des Chrestiens par couuoitise retournerent la nuyt au chap de la bataille, pour recueillir la despouille des Sarrazins mortz: mais les Roys de Seville & de Cordube, nommé l'Aumatour de Corde, & aucuns Sarrazins qui s'estoyent eschapez, & se mussoyent par les montaignes, en occirent iusques à mil. Le lendemain de ladiete victoire, vn Prince de Nauarre, nommé † Surre, qui estoit Seigneur des mons de † Garzizin manda à Charlemagne qu'il iroit à luy en bataille. Charlemagne se prepara, & fait requeste à nostre Seigneur qu'il luy demonstrast ceulx qui deuoyent mourir en ceste bataille: & le lendemain quand ilz furent tous armez, apparut sur aucuns des croix rouges comme sang: & lors ledict Charlemagne, congnoissant que c'estoit signifiante que ceulx là deuoyent mourir en la bataille, les enferma en son Oratoire. Puis al- dorigni la combatre ledict Surre, & le vainquit, & tua tous ses ges: mais ledict Surre † eschapa, & s'en fuyt avec trois Cheualiers seulement. Apres la bataille paracheuée Charlemagne retourna à son oratoire, ou il trouua ceulx qu'il auoit enclos à demy mortz. Si print ledict Charlemagne, & s'enfaisina de toute la seigneurie de Garzizin, & de toute la terre des Nauarrois.

D'un grand geant, nommé Ferragut.

† als. vj.
vingtz
mil.
De la haulteur et grosseur de Ferragut.



Pres la dessusdicte victoire vindrent nouuelles à Charlemagne que de la cité de Nadres, es parties de Surie, estoit venu vn grand geant nommé Ferragut, de la lignée de Golias, & l'auoit enuoyé l'Admiral de Babylonne, & en sa compagnie bien † xxij. mil Turcz, pour deffendre contre Charlemagne la terre d'Espaigne. L'histoire dit que ce grand Ferragut auoit douze coudées de hault, sa face vne coudée, son nez vn espan, & ses cuysses quatre coudées: & en luy auoit la force & la puissance de quarante des plus peussans hommes qui se pussent trouuer: & ne doubtoit coup d'armes, de lances, ne de sayette: & iettoit & dardoit vne lance comme vn autre homme feroit vne sayette. Charlemagne alla au deuant de luy: & quand le geant sceut qu'il venoit, il demanda bataille d'un seul Cheualier corps à corps. Charlemagne bailla pour le combatre Ogier le Dannois, vn moult vaillant Cheualier. Quand Ferragut le veit venir, il alla tout bellement pres de luy, & le print par la main, l'embrassa, & l'emporta à tout ses armes prisonnier au chasteau. Apres ledict Ogier alla pour combatre le geant, Regnault d'Aubespine. Puis en furent enuoyez deux, lesquelz Ferragut emporta tous armez en ses mains, l'un de ça, l'autre dela: & les vns apres les autres y allerent iusques à vingt Cheualiers, que ledict geant emporta tous prisonniers au chasteau. Quand Charlemagne veit sa force, il n'y ola plus enuoyer. Si en estoit tout esbahi.

Comment Roland, nepueu de Charlemagne, vainquit & tua le geant Ferragut.

De la bataille de Roland contre Ferragut le geant.



Roland, nepueu de Charlemagne, qui iamais homme ne doubta, requist à Charlemagne, son oncle, qu'il luy vouldist permettre qu'il allast combatre le geant. Ce que ledict Charlemagne craignoit luy octroyer: toutesfois à la parfin luy octroya. Lors Roland vint de grand courage vers le geant: & quand ledict Ferragut le veit, il s'approcha de luy, & le print de sa main dextre, & le tira sur son cheual deuant luy, comme il auoit fait les autres. Ainsi qu'il l'emportoit vers le chasteau, Roland ayant confiance en Dieu reprist force & vertu, & de grand courage se retourna de- uers

deuers luy, & le print par le mēton, & le renuerſa de ſi grand' force qu'ilz tōberent tous deux à terre : & incontinent ſe releuerent, & monterent ſur leurs cheualx. Lors Roland tira ſon eſpée, & vint contre Ferragut, & le cuyda ferir & abbatre : mais l'eſpée coula, & fendit ſon cheual tout au trauers, d'un ſeul coup. Ferragut regarda lors Roland, & fut moult eſmerueillé qu'un ſi petit corps auoit frappé un ſi grand & merueilleux coup. Quand le geant ſe veit à pied, & ſon cheual mort, il fut moult courroucé, & eſbahy. Il ſe reuela, & marcha vers Roland, & le cuyda frapper de ſon eſpée : mais Roland luy bailla de la ſienne ſur le bras, tellement qu'il luy ſeit voler l'eſpée à terre. Lors le geant lieue le bras, & le cuyda frapper le poing clos : mais il aſſena le cheual de Roland ſur le fronc, & luy bailla un tel coup qu'il le rua mort à terre. Roland ſe relieue, & ſe combattirent longuement enſemble des poings ; & de pierres qui eſtoient au champ, tellement que le geant fut laſſé de trauail, & auoit ſi ſommeil qu'il demanda trefues pour repoſer & dormir : ce que Roland luy octroya. Et après qu'il eut dormy, ilz entrèrent en parlement enſemble, & luy demanda Roland comment il pouoit eſtre ſi fort : & le geant, comme fol, luy diſt qu'il ne pouoit eſtre nauré ne tué que par le nombril. Roland ne ſeit pas ſemblant de l'auoir entendu : & appoincterēt enſemble, à la requēſte dudit Ferragut, de combatre le lendemain, ſoubz telle condition qu'il ſeroit diſt que le vainqueur auroit la meilleure loy, & les gens du vaincu ſ'en retourneroyent. Après ledit appoinctement ilz ſ'en allerent chacun à ſon logis. Le lendemain reuindrent Roland & le geant au champ de la bataille, & eurent enſemble pluſieurs diſputations de la foy. Finablement après que Roland eut appelé & requis Jeſuſchrift, & la vierge Marie en ſon ayde, & après pluſieurs grāds coups & faiēt d'armes donnez d'une part & d'autre, quand il veit ſon aduantage frappe le geāt par le nombril, dont il cheut à terre, & mourut, en criant & inuocant à haulte voix ſon Dieu Mahomet. Ses gens fortirent de la cité pour venir emporter le corps : & ainſi qu'ilz le portoyēt, Chreſtiens ſe mirent avec eulx, & entrèrent dedans, & prindrent la cité & le chaſtel : & furēt les Sarrazins tuez, & les prizonniers Chreſtiens deliurez.

Roland & le geāt Ferragut diſputerēt enſemble de la foy de Jeſuſchrift.

De la bataille d'entre le Roy Charlemagne & Roy de Seville & l'Aumatour de Corde, Sarrazins, qui feirent porter à leurs gens des habitz de Diables, pour eſpouenter les cheualx des Chreſtiens.



Pres ces choſes, le Roy de Seville & l'Aumatour de Corde, qui (cōme diſt a eſté) ſeſtoient eſchapez de la bataille de Pampelune, amaſſerent grand oſt de gens. Quand Charlemagne le ſceut il vint contre eulx, & aſſiegea la cité de Corde. Sarrazins ſortirent au deuant des Chreſtiens : & pour les cuyder malicieuſemēt mettre en fuyte, & deſarroy, feirent grand' quantité de leurs gens habiller d'habitx noirs eſtranges, en leurs teſte faulx viſāges, & ayans grands cornes noires, comme Diables, & tenoyent des clochettes en leurs mains. Et quand les Chreſtiens, gens de cheual, ſ'approcherent pour batailler, leſdictz Sarrazins commencerent à ſonner chacun leurs clochettes, & crier & hurler horriblement, ſi que c'eſtoit choſe eſpouventable de les ouyr : tellement que les cheualx des Chreſtiens furent ſi eſpouventez qu'ilz commencerent à fuyr, & ne voulurēt approcher, & ne fut pas grande la bataille pour celle iournée. Le lendemain Charlemagne ordōna que les cheualx de ſes gens auroient la veue & la teſte couuerte, & les oreilles eſtoupées, afin qu'ilz ne veiſſent n'oſſent point : & en bataille vindrent le lendemain, & furent Sarrazins deſconfitz, & le Roy de Seville mort. Pluſieurs deſdictz Sarrazins ſ'aſſemblerent touſiours aupres de leur enſeigne, qui eſtoit portée ſur un grand & large chariot, que huyt beufz traynoient (car leur couſtume eſtoit que iamais ne ſ'en fuyoyēt de la bataille tāt qu'ilz veoyēt leur enſeigne droite) & ce voyāt Charlemagne paſſa au trauers d'eulx, & de ſon eſpée trencha leur diſte enſeigne : & lors tous ſ'enfuyrēt, & y en eut huyt mil de tuez. L'Aumatour ſe ſauua, & ſe retira dedans la cité : laquelle le lendemain il liura audit Charlemagne, & eut la vie & ſa terre ſauue, par telle paſſion qu'il ſeroit baptizé, & tiendrait ſa diſte cité en homma ge de Charlemagne. Ces choſes faiētes Charlemagne, voyant qu'il auoit ſubmis à luy toutes les Eſpānes, alla en la cité de Compoſtelle, rendre grāces à Dieu, & à ſainct Iaques, & dōna la terre de Galice à l'eglise ſainct Iaques, & auſſi en departit à ſes Cheualiers : & ordonna que tous les Eueſques & ſeigneurs d'Eſpāne ſeroyent ſubieētz à l'eglise ſainct Iaques : & delibera de ſ'en retourner en France : mais auant il ſeit & ordonna que les eglīſes, que les Sarrazins auoyent demolies, fuſſent réedifiées : & tous les apoſtatx ſeit mourir, ou les enuoya en exil, ſi que nul n'en demoura au pays.

Charlemagne deſconfit l'oſt des Sarrazins, qui ſeſtoyēt habillez en Diables.

De la grand' trahyson que feït Ganes, nepueu de Charlemagne.



*Comencemēt
de la trahy-
son de Ga-
nes cōtre son
oncle Char-
lemagne.*

Insi que Charlemagne estoit sur son partemēt, il s'aduïsa qu'en la cité de Sarragoce estoient demourez deux Roys, qui encores tenoyent la loy Payenne: l'un nommē Marfillon, & l'autre Balligant, treres, que le Souldā de Babylonne auoit parauant enuoyez, pour deffendre la terre d'Espaigne contre Charlemagne: & lesquelz par appointemēt festoyent submis à luy, & luy obeyssoyent fainctemēt. Charlemagne, qui se doubta qu'ilz ne luy seroyēt point loyaux, ne voulut pas qu'ilz demourassent ainsi en la terre, filz n'estoyent Chrestiens, ou tributaires. A ceste cause leur mādā par Ganes, son nepueu, qu'ilz receussent baptisme, ou qu'ilz luy enuoyassent tribut. Quand Ganes le trahystre fut arriué par deuers eulx, les deux Roys, qui estoient riches & puissans, parlerent auec luy secretement: & luy feirent grands dons & promesses, & tellement le subornèrent que ledict Ganes leur promist liurer Roland & Oliuier ses cousins, & les autres combatteurs de l'ost: & ainsi lesdictz deux Roys, pour deceuoir Charlemagne, & pour le faire mettre en voye de retour en France, luy enuoyerent trente cheualx chargez d'or & d'argent, & autres richesses: quarāte chargez de treuue vin, & mille belles filles Sarrazines: & audiēt trahystre Ganes, affin qu'il executast sa trahyson, presenterent vingt cheualx chargez d'or & d'argent, & de draps de soye. Lequel Ganes s'en retourna deuers Charlemagne son oncle, & les richesses que les deux Roys enuoyoyent presenta: & luy dist que Marfillon desiroit moult à estre Chrestie, & qu'il s'appareilloit pour venir apres luy en Frāce, pour baptisme recevoir, & pour luy faire hommage de toute sa terre. Charlemagne creūt qu'ainsi fust, & ordonna comment il passeroit les portz de Cesarée, pour retourner en France. Par le conseil de Ganes commanda à Roland, Comte du Mans & seigneur de Blaye, & à son cousin Oliuier, Comte de Gennes, ses nepueux, & aux cōbatans, qu'ilz demourassent à Ronceuaux, auec vingt mil hommes, en attendāt que luy & son ost fussent passez lesdictz portz: & ainsi fut fait. Les plus grāds Barons receurent le vin, & l'autre peuple receut les femmes: & ainsi pecherent en yuressē & en luxure: car ilz eurent communication auec lesdictes filles Sarrazines, qui despleut moult à Dieu. Le lendemain matin Charlemagne, en sa compagnie Ganelō, l'Archeuesque Turpin, & plusieurs autres Princes auec leur ost passerent les ports de Cesarée.

De la desconfiture que feirent les Sarrazins sur les Chrestiens, par la trahyson de Ganes, à Ronceuaux.



*† Als. cin-
quante.*

*† Turpin dit
un peu autre-
mēt & nom-
me ce Thier-
ri Thedric.*

*Roland soy-
uyāt oppres-
sé des Sarra-
zins sonna
son cor, affin
d'auoir ayde*

Insi que Roland & Oliuier, & leurs ostz, qui estoient demourez pour faire l'arriere garde, attendoyent que Charlemagne & ses gēs fussent passez, lesdictz deux Roys Marfillon & Balligant, qui par le conseil de Ganes festoyent mis en embusches es boys & vallées pres Ronceuaux, & en leur compagnie bien t̄ soixante mil hommes combatans, issirent de leurs embusches espessement: & feirent deux batailles, chacune de trente mil hommes, & vindrent frapper sur la compagnie de Roland & Oliuier, qui se deffendirent vaillamment, & desconfirent la premiere bataille des Sarrazins. L'autre bataille de trete mil Sarrazins, qui estoient tous fraiz, vindrent auant, & frapperent sur les Chrestiens, qui estoient las & trauaille: car il auoyent combattu contre la premiere bataille, depuis le matin iusques à l'heure de tierce. Tous les Chrestiens par la volūte de Dieu furent desconfitz, & n'en demoura que ceulx des compagnies de t̄ Thierry & Baudoyne. Roland, qui en ladicte bataille fut moult trauaillē, voyāt ses gens ainsi descōfitz, mors & en fuyte, se retrahyt en vn boys au mieulx qu'il peut, & mōra sur vne montaigne pour veoir le lieu ou estoient les Sarrazins & veit qu'ilz estoient grād' multitude. Lors sonna son cor d'oliphant, qu'il portoit auec luy de coustume: & aucuns Chresties, qui illec estoient prochains, muez emmy le boys, au son du cor se retrahyrent à luy enuiron cent. Auec luy les mena, & vint à vn Sarrazin qu'il auoit prins & attachē à vn arbre, & tira son espée en luy disant que s'il n'alloit auecques luy, & luy monstra Marfillon, qu'il le tueroit: & s'il vouloit ce faire, il le laisseroit aller vis. Le Sarrazin alla auecques luy, & luy monstra Marfillon entre les Sarrazins, montē sur vn cheual rouge, & ayant vn escu rond: & lors Rolād laissa aller le Sarrazin, ainsi qu'il luy auoit promis. Lors se ferit, auec si peu de gēs qu'il auoit, de grād courage entre les Sarrazins: vn en choysit qui estoit plus grand que les autres: vers luy alla, & de son espée Durandal le pourfendit de la teste iusques à la selle, tellement qu'il le coppa tout oultre luy & le cheual. Quand Sarrazins virent ferir si grand coup, ilz furent esbahys, & luy feirent voye, & se mirent en fuyte. Moult entua Roland & sa gent, & tant fait qu'il vint iusques la ou estoit Marfillon: lequel commença à fuyr quand il veit venir Roland: mais Roland le suyuit de pres, & de ventueux & grand courage

courage, & de son espée le tua. En celle bataille furent tous les compagnons de Roland tuez, & luy nauré de quatre lances, & griefuement feru de perches & pierres: mais toutesfois par l'ayde de nostre Seigneur, il eschapa vif d'entre les Sarrazins.

Des regretz que feit Roland auant que mourir

TAntost que Balligât sceut la mort de son frere Marfillon, il s'enfuyt luy & ses Sarrazins. Baudouyn & Thierry, & aucun peu de Chrestiens, estoient ce pendant parmy les boys, & se mussoyent pour la paour des Sarrazins: & Charlemagne & ses gens, qui riens ne sçauoyent de l'occision des Chrestiens, passerent les portz de Cesarée. Lors commença Rolād, ainsi blessé qu'il estoit, à aller parmy le chāp de la bataille, dolent de la mort de tant de nobles hommes qu'il voyoit, & s'en alla droict à la voye, tirant apres Charlemagne parmy le boys. Tant alla qu'il vint iusques au pied de la montagne de Cesarée, au dessoubz de la vallée de Roncevaux; où il trouua vn beau preau d'herbe vert, auquel auoit vn bel arbre, & vn grand perron de marbre. La descendit de son cheual, & fassist pour soy reposer (car il estoit si las des grāds coups qu'il auoit donnez & receuz, qu'il se trouua si malade que pl^r ne se pouoit soustenir) & se mit le visage vers Espagne, en faisant de griefues complainctes: & sur toutes choses regrettoit son oncle Charlemagne, & dist q^e pour le reconforter il vouloit qu'il le trouuast mort le visage deuers ses ennemys, affin qu'il ne dist pas qu'il eust fuy: & lors tira son espée Durandal toute nue: & apres ce qu'il l'eut longuement regardée, il commença à la regretter comme en plorāt, & disant: O espée tres belle, clere & flā boyant, remplie de biens & de vertu, celuy qui te portera ne sera iamais vaincu, esbahy, ne surprins de ses ennemys, ne deceu par fantosme, n'illusion, ains aura en son ayde la divine vertu: par toy ont esté maintz Sarrazins vaincuz, & la foy chrestienne exaulcée: ô quātesfoys ay ie par toy vengé le sang de Iesus Christ, & quantz milliers des ennemys de la foy ay ie par toy occis, tāt Sarrazins que Iuifz: i'auray trop grand' douleur se mauuais ou paresseux Cheualier te possede apres moy: ie seroye trop courroucé se Sarrazin, Iuif, ou autre ennemy de la foy Iesus Christ t'eust en sa possession: & en ce disant la leua contremont, & en frappa trois coups sur le perron qui la estoit, pour la cuyder briser & rompre, de paour qu'elle ne vinst es mains des infideles, & frappa de telle puissance qu'il brisa ledict perron de marbre tout au trauers, & demoura l'espée saine & entiere. Quand il veit qu'il ne la peut briser, son cor d'yuoire mit en sa bouche, & commença à corner de si grand' force comme il peut, affin que s'il y auoit illec pres au boys aucuns Chrestiens mussiez, qu'ilz allassent à luy, & que ceulx qui auoyent ia passé les portz, retournassent & prinsent son espée & son cheual: & sonna sondict cor de si grād force & vertu qu'il se fendit par la force du vent: & tant s'efforça de souffler qu'il se rompit les nerfz & veines du col. Le son & la voix du cor de Rolād alla miraculeusemēt iusques à l'ouye de Charlemagne, par le conduyt de l'Ange: & auoit ledict Charlemagne ia logé son ost en vne vallée deça les portz, qui encores est appelée le vau de Charlemagne.

*Roland de
reschef cor
na de son
cor tellement
qu'il se rom
pit les vei
nes du col.*

De la mort de Roland: & comment Charlemagne & son ost retournerent.

Ncontināt que Charlemagne eut entendu le son du cor de Roland, il se doubta bien qu'il auoit aucun inconuenient & besoing d'ayde, & voulut retourner, cōbiē qu'il fust ia loig de Rolād de huyt lieues: mais le trahyste Ganes, qui estoit cause de ceste malle aduēture, & entēdoit bien le cas, dist audict Charlemagne: Sire il n'est ia besoing que vous retourniez pour paour que vous ayez de Rolād: car il à de coustume de sonner son cor à petite occasion, & croy qu'il va de ceste heure chaceāt & cornant apres aucune beste en ce boys. Quand Roland eut ainsi sonné son cor, & que les nerfz & veines luy furent rompues, il commença à affoiblir, & auoir merueilleusement grād soif, pour le grand trauail qu'il auoit prins, & le sang qu'il auoit perdu, par les playes qu'il auoit receues. A Baudouyn, son frere, qui à luy estoit suruenu au son du cor, fait signe, par ce qu'il estoit si alteré de la peine, chaleur & traueil qu'il auoit soubstenu, & pdu tāt de son sang, qu'il ne pouoit plus parler, qu'il luy donnast à boire. En grand' peine se meit d'en chercher, mais trouuer n'en peut: & quand il retourna à luy, il le trouua presque mort. Il beneist l'ame de luy. Son cor, son cheual & son espée print, & s'en alla droict à l'ost de Charlemagne. Thierry semblablement suruint la ou Roland estoit auant qu'il mourust: forment le commença à plaindre & regretter, & luy dist qu'il garnist son corps & son ame de confession à Dieu. Ce iour mesme auant la bataille s'estoit le bon Roland confessé, & receu le corps de Iesus Christ, ainsi que de coustume estoit lors aux vaillans batailleurs. Lors Roland leua les yeulx vers le

*Ganes em
pescha que
Charlema
gne n'alla
secourir Ro
land son
nepueu.*

Le preux
cheualier
Roland re-
dit l'ame à
Dieu.

ciel, à Dieu se confessa & cria mercy: & sa benoïste ame partit de son corps; & l'emporterent les Anges en pardurable repos, ou elle est en ioye sans fin, par la dignité de ses merites, en la compagnie des glorieux Martyrs. Ce mesme iour Turpin, l'Archeuesque de Reims, chantant vne messe des trespassez deuant Charlemagne, eut en aduision la mort dudit Roland, & le denonça à Charlemagne, en luy disant qu'il auoit ouy vn chant melodieux d'Anges qui mōtoyēt en hault, & portoyent l'ame de Roland & autres Cheualiers, & vne multitude de Diables qui emportoient les ames de Marsillon & ses compagnons. Tantost apres vint Baudouyn sur le cheual de Roland, qui racompta tout comme les choses auoyent esté, & comment il auoit laissé Roland mort, dont se sourdit moult grand cry en l'ost de Charlemagne: lequel & sa compagnie, bien courrouce & desplaisans, repasserent les portz, & retournerent vers Roncevaux. Au lieu vindrent ou Roland gisoit mort, & la trouuerent le corps à l'enuers, & les mains croisées sur son estomach.

Des regretz que feit Charlemagne de la mort de Roland son nepueu: & comment le soleil se tint l'espace de trois iours, à l'endroit du midy, sans bouger, durant que les Chrestiens chacerent les Sarrazins.

Lamentation
de Charle-
magne.

† Turpin
dit: & pa-
reil à Iona-
thas, filz de
saul par la
fortune de
sa iuste
mort.

Quand Charlemagne veit sondict nepueu Roland mort, de dueil & de pitié qu'il eut se laissa cheoir sur luy, & par moult de fois le baïsa, & moult grievedement comença à plorer & gemir. Ses mains detordoit: sa face derompoit aux ongles: ses cheueulx, & sa barbe tiroit & arrachoit à pognées, si que nul ne le pouoit appaiser. Et quand il peult parler il dist par maniere de lamentatiō telles parolles: O Roland mō doulx nepueu, dextre bras de ma puissance, honneur de France, espée de iustice, prouesse comparée à Iudas Machabeus, semblable à Samson le fort, † à Saul & à Ionas comparé par fortune de mort, en bataille Cheualier tressage, & tressaymé deffenseur des Chrestiens, destruisieur de la gēt Sarrazine, lignée royal, guide & cōduict de desostz & batailles, deffenseur des vesues & orphelins, sage en iugement, pourquoy t'amenay ie oncques en ces contrées? pourquoy ne suis ie mort avec toy? Tous les iours de ma vie me conuiendra plorer l'ame de toy, combien qu'il le soit avecques les Anges, en la compagnie des saintz Martyrs. Quand Charlemagne eut ainsi regretté Roland, il feit la tendre ses pauillons, pour reposer ses gens celle nuyt. Chacun alla par la valée de Roncevaux, entre les mors, recongnoistre ses parens & ses amys. La furent trouuez de moult nobles Princes & Cheualiers, leurs freres, leurs filz, nepueux, cousins, & parens mors & occis. Car tous ieunes cheualiers François, qui desiroient valloir, & paruenir à honneur, suyuoient Roland, pour la grand' prouesse & cheualerie qui estoit en luy. La fut trouué le corps du noble Oliuier mort estendu enuers, comme en croix lyé, & attaché de hars à quatre fors pieux fischez en terre, escorché de cousteaux depuis la teste iusq's aux piedz, percé & detrenché despees & de bastons. L'histoire dit que Roland le veit mourir, qui fut vne chose ou il eut moult de regret, pource qu'il ne le pouoit rescourre. Lors Charlemagne iura par le Dieu tout puissant qu'il ne cesseroit iamais de courir apres ses ennemys iusques à ce qu'il les eust trouuez & destruis. Luy & ses gens se r'assemblerent, & se meirent à la chace apres Sarrazins, qui s'en commencerent à fuyr. Tant firent qu'ilz les aconsuyrent pres d'un fleuve, nommé Ebra, pres Sarragoce, ou ilz en tuerent bien † trente mil, & plusieurs qui se noyèrent audict fleuve. L'Empereur Charlemagne tua de sa main le Roy Balligant: & print la cité de Sarragoce d'assault, & tout le pays: & ce iour aduint vn merueilleux miracle, que Dieu feit en faueur de Charlemagne & de ses gens: car le soleil se tint en estat immobile, à l'endroit du lieu qu'il est à heure de midy, l'espace de trois iours entiers, sans qu'il obscurist ne feist nuyt, durant le temps que Chrestiens chaceoyent Sarrazins: & ce faict s'en retournerent Chrestiens vers Roncevaux.

† quatre
mil Turp.

Comment Charlemagne feit amener les corps de Roland & Oliuier, ses nepueux, & enterrer en l'Abbaye de saint Rommain de Blaye, pres Bordeaux.

† al. Ble-
ne.



Charlemagne feit prendre les corps de Roland & Oliuier, iceulx ouvrir & embasmer, & richement parer, ainsi qu'il appartient à funerailles de si vaillans & grāds Princes. amener & enterrer les feit à † Blaye sur Girōde, pres Bordeaux, en l'Abbaye de saint Rommain, à laquelle il feit de grands dons. Aupres de Roland feit pendre Durandal son espée, & son cor d'oliphant: lequel, comme on dit, est encores de present en l'eglise saint Seuerin, pres Bordeaux. Grād' partie des autres Princes & Seigneurs furēt portez & enterrez es cimetieres d'Arle & de Bordeaux, que les saintz Apostres

stres & disciples, qui premierement furent enuoyez pour prescher en France la foy de Iesus Christ, auoyent consacrez & beniz.

*Des prieres & aulmosnes que Charlemagne fait faire pour les ames des trespassez:
& apres s'en retourna en France, & fait mettre par ordre, & en chant concordant,
le seruice de l'Eglise.*

Quand les corps furent enterrez, Charlemagne fait faire de grâds aulmosnes aux pauvres de Iesus Christ, affin qu'ilz priaissent pour les trespassez: & leur fait faire robes & habillemens, & departir entre eulx douze mil onces d'argent, & autant de t besans d'or: & pareillemēt fait faire à Arle semblables aulmosnes. Ces choses accomplies, l'Empereur Charlemagne se mit à chemin pour retourner en France: & vint par les marches de Languedoc: & print la cite de Narbonne, que tenoit le Roy Balaac, Sarrazin. L'Empereur l'admonnesta de foy faire baptiser, & il luy laisseroit sa terre, mais riens n'en voulut faire: parquoy l'Empereur le fait pendre à vn gibet: & tous ses Sarrazins furent tuez. Apres, l'Empereur s'en vint deuers la cite de Laon: & l'en venant se fait enquerir si il estoit vray que Ganes eust commis la trahyson: car plusieurs l'en vouloyent excuser. Le cas fut aueré: si fut Ganes prins prisonnier, & amené deuers l'Empereur, à Laon. Thierry l'Ardenois, cousin d'Oger, & de l'Archeuesque Turpin, qui scauoit comme tout en alloit, poursuyuit la matiere: & vn nommé Pinabel, nepueu de Ganes, l'en voulut excuser par son corps. Si en combattirent en champ de bataille soubz ladiete cite de Laon. Ledit & Thierry vainquit Pinabel, qui confessa ladiete trahyson (car il auoit ayde à la faire) si fut pendu: & ledit Ganes fut iugé par Naymes de Bauiere, Ogier, & les Pers de France, à estre desmembré & tyré par cheualx. Ainsi fut executé le trahytre & ignominieux, en opprobre de luy & de sa lignée perpetuellement: & fut ladiete executiō faicte aupres de ladiete cite de Laon. Ledit Charlemagne Empereur donna à vn gētil Cheualier, nommé Emery, qui estoit filz Eruault de Beaulande, qui estoit en la bataille quād Charlemagne occist Aygoland, & nepueu de Girard de Vienne, la cite de Narbonne, qu'il auoit prinse sur le Roy Balaac Sarrazin, dont iceluy Emery auoit eue cause: & en demoura seigneur: & eut à femme Emengarde, fille de Boniface, Roy de Paſte, dont il eut sept filz, & cinq filles: l'aîné fut Connestable de France, Guillaume au court nez, qui conquist la cite d'Orenge, le Puy, Prouence, & autres sur les Sarrazins, & tua le grād Geant Yfore deuant Paris: & son aînée sœur fut Royne de France, mariée à Loys le Debonnaire, filz de Charlemagne. Ces choses faictes, Charlemagne qui estoit moult affoibly, tant pour les trauaulx qu'il auoit pris, que pour le dueil & ennuy qu'il auoit de Rolād, s'en retourna à Paris: & rendit graces à Dieu, & aux glorieux martyrs saint Denis & ses compagnons; de la victoire qu'il auoit eue. En ladiete eglise saint Denis fait de beaux & riches dons: & entre autres à son arriuée y donna quatre besans d'or, *in signum quod regnum Francia à Deo solo, & ab ipso sancto Dionysio tenebat.* Et tous les iours de sa vie depuis plora & regreta son nepueu Roland, & les autres Princes & Barons qui estoient mors à Ronceuaux. Ledit Charlemagne Empereur, qui tousiours estoit curieux & entētif d'adresser & accroistre l'hōnesteté de sainte Eglise, enuoya par tout le monde pour chercher & enquerir les noms & obitz des saintz martyrs & cōfesseurs: & les fait mettre & inscrire en vn martyrologue, par vn moyne, nommé Ysmard, combien que ce eust autresfois esté faict par saint Hierosme, & par le venerable Bede: & se treuve par chacun iour concurrent plus de trois cens festes de diuers saintz & saintes. Apres fait sur les escriptures des saintz peres anciens faire par vn nommé Paul, son diacre, les legēdes & leçons par ordre qui se chantent en l'Eglise tout au long de l'année: & avec ce, luy congnoissant la discordance qui estoit en la maniere de chanter & psalmodier en l'Eglise de France, qui n'estoit pas lors melodieuse, enuoya clercz à Romme pour apprendre leur maniere de chāter & psalmodier: & par eulx fait instruire les François en l'art de Musique, dont ilz vsent iusques à present. Les ministres de l'Eglise admōnestoit souuent qu'ilz ne fussent point souffrans faire à leur eglise chose deshōneste ne scandaleuse. Il eut quatre femmes: la premiere fut fille à Disier, Roy de Lombardie, laquelle il repudia, dont sa mere ne fut pas contente, parce qu'elle la luy auoit fait espouser. Sa seconde femme fut nommée Hildegarde, femme de grand noblesse, estant du lignage de Sueue. trois filz en eut: Pepin, Loys, & Charles: & trois filles, nommées t Theodore, Hirtrurde, & Richarde. Sa tierce femme fut Fastrade, née de t Ger manie, dont il eut deux filles: & vne autre fille eut d'une meschine. Sa quartē femme fut t Leodegarde, mais d'elle n'eut nulz enfans. En l'an de grace huyt & cēs douze ledit Charlemagne, foy sentant affoibly, & trauaillé pour les peines & trauaulx qu'ilz auoit portez, fait son testament: & par iceluy bailla & transporta le royaume de France, & l'Empire de Romme, & bail-

t al. talēts

t Je ne trouue point ce cy au uieil exemplaire, & ne scay dōt il est pris

Charlemagne fut cause d'apprendre à chāter de musique en France.

t al. The drade, Hildrude, Rothaide.

t al. Fran conie.

t al. Luid garde.

la ladiete couronne imperiale à Loys son filz, qui fut surnommé le Debonnaire, auquel parauant il auoit donné le royaume d'Aquitaine: & feit & ordonna Roy d'Italie Bernard, filz de feu Pepin, son premier filz, qui estoit mort. Par la diuision & partage qu'il feit entre ses enfans de l'Empire, le royaume de France fut diuisé & exépté de l'Empire, & fait Empire, par soy: & depuis iceluy temps il ne recongnoist aucun souuerain en terre, cōme il est recité au chapitre *Venerabilem. Qui filii sunt legitimi.*

De la vision qui aduint à l'Archeuesque Turpin des Diabes, qui alloient au trespas Charlemagne.

AVât le trespas dudit Charlemagne, luy & ledit Turpin, Archeuesque de Reims, deuot & saint homme, qui estoit son principal amy & conseiller, en prenât congé l'un de l'autre promirēt que silz estoient en lieu ou ilz eussent pouoir, celuy qui mourroit le premier en feroit sçauoir les nouuelles à l'autre. Iceluy bon & saint Empercur, Charlemagne, par qui France fust honorée & exaulcée, & sera perpetuellement tant que le siècle durera, rendit son esprit à Dieu en la ville & cité d'Aiz en Allemagne, l'an huyēt cens xiiij. la cinquieme Kalende de Feurier, au quarenteseptieme an de son regne, & septantedeuxieme an de son aage: & certifia & afferma ledit Turpin, qui estoit vn saint & deuot homme, qu'à l'heure du trespas dudit Charlemagne, luy apparut ainsi qu'il commēçoit à dire son psaultier, luy estant lors à Vienne, vne grād' turbe & multitude de Diabes, qui en grand' tumulte & impetuosité passoyent par la: lesquelz il adiura, & leur cōmanda de par Dieu qu'ilz eussent à leur arrester. ce qu'ilz feirent: & lors il leur demanda ou ilz alloient, & l'un d'eulx respōdit qu'ilz alloient à Aiz en Allemagne, au trespas de l'Empercur Charlemagne, qui griefuement estoit malade: & lors ledit Turpin de rechef les adiura & leur commāda de par nostre seigneur Iesus Christ, qu'à leur retour ilz passassent par deuers luy, & luy en dissent des nouuelles: & auant qu'il eut paracheué son psaultier, lesditz Diabes retournerēt tous tristes & desplaisans, ausquelz ledit Turpin demanda comment en estoit aduenü, & ilz respondirent ainsi: L'Empercur selon ses merites estoit à nous, mais il est la venu vn Galicien sans teste, qui à tant mis de boys & de pierres en la balance, que les vices que nous mettrions & arguyōs contre, ne poysoient riens au pris: & ainsi est eschapé de noz mains, & en ont les Anges emporté l'ame en paradis. cela dict incontinent ladiete turbe de Diabes fesuanoüy: & eüst à entendre que ledit Galicien sans teste estoit saint Iaques, en l'honneur duquel ledit Charlemagne auoit fait edifier l'eglise de Compostelle, & plusieurs autres, & deliuré le royaume de Galice des mains des Sarrazins à grands labours & despens. Apres le trespas dudit Charlemagne, fut son corps enterre à grand honneur en l'eglise nostre Dame d'Aiz, en Allemagne que, comme dict est, il auoit fait edifier. A la sepulture duquel fut le Pape Leō, & grād nombre de Cardinaulx, Archeuesques, Euesques, Prelatz, Princes, Seigneurs, & gēs de tous estatz. Ledit Pape Leon conferma, & ratifia, approuua ledit testament de l'auctorité du saint siege Apostoliq: & en la voulte ou il fut mis, fut sō corps assis en vne chayne d'or, vestu & habillé d'habillemēs royaulx, & sa teste attachée à vne chayne d'or fin, affin qu'elle se tint droi-
te: & luy fut mis sur ses genoulx vn liure, auq̄l estoit escript en lettre d'or le texte des Euāgiles qu'il tenoit à sa dextre main, & en la fenestre luy fut mis vn sceptre d'or: en sa teste, sa courōne, & le dyademe imperial: & deuant luy fut mis son escu, que les Rommains luy auoyēt establi & fait faire de grande richesse & sumptuosité. Et estoit ladiete voulte toute paincte & enrichie de fin or, & fut remplie toute de bōnes odeurs aromatizans, & apres ce le monumēt bien clos & scellé. Moult fut ce noble Empercur plainct & regretté par toute France, Allemagne, & generalement par toute la Chrestienté, voire mesmement par les infideles, pour les grands vertus & vaillances qui estoient en luy. Il feit edifier deux pontz de grand & merueilleux edifice sur la riuere du Rin, ou iamaiz n'en auoit eu. Il feit aussi à Boulongne sur la mer, pres le riuage de la mer, restaurer & refaire vne moult belle tour de moult durable edifice, laquelle on dit que Iules Cesar auoit premierement fait faire: & commanda que par chacune nuyt le feu fust allumé au fest de ladiete tour, pour dōner adresse aux nauires estās sur la mer: & est appelée ladiete tour, la tour d'Ordre. Auant son trespas s'apparurent plusieurs signes & prodiges, faisans signification de sa mort. Par son testament il appela les quatre Archeuesques principaulx de son Empire, & mit en leurs mains tous ses thresors pour diuiser en trois parties: c'est à sçauoir en dōner l'une aux pauvres, l'autre pour la redemption des prisonniers Chrestiens, estāns en estranges contrées, & l'autre pour repaier & edifier des eglises.

Les noms

Les noms des Archeueschez qui estoient soubz l'Empire Charlemagne.



Oubz l'Empire de Charlemagne estoient les Archeueschez qui s'en suyuent: Ra-
uenne, Aquilée, Milan, Grade, Suriane, Tarète, Coulongne, Mayèce, Salebers,
Treues, Scetz, Bezançon, Lyon, Vienné, Ambrun, Aiz en Prouëce, Rouen, Ar-
le, Bourges, Reims, Tours, Bordeaux, Auchz, Toulouze, Florence, & plusieurs
autres qui sont de present, lesquelles estoient lors destruites par les Sarrazins,
ou n'estoient encores erigées en Archeuesché, & les Eueschez suffragans d'icelles. Il feit en
son temps, pour le bien & direction de l'estat de l'eglise, assembler cinq Conciles en Frâce: le
premier à Mayèce, le second à Reims, le tiers à Tours, le quart à Chaalon, & le quint à Arle:

Du Roy Loys le Debonnaire, filz de Charlemagne.



LOys, dict le Debonnaire, premier de ce nō, filz de Charles le grand, Roy de France, & Empereur de Rōme, & de Hildegarde, sa femme, comença à regner & imperer l'an de grace huyēt cens xiiij. & trespasla au xxvj. an de son regne, l'an huyēt cens xl. & gist en l'eglise S. Arnoul de Metz, en Lorraine. Cestuy fut homme de grand' pitié & clemence, patient en aduersité, & deuot enuers Dieu & ses saintz: & par ce il fut surnommé Debonnaire. A cestuy Roy Loys, des son ieune aage, auoit dōné le Roy Charlemagne, son pere, le royaume d'Aquitaine, par ce qu'il auoit esté nay en iceluy pays, c'est à sçauoir en Poitou: & pour le gouuernemēt & conduicte des pays, à l'occasion de son ieune aage, commit & ordonna sages

Cheualiers es citez dudit royaume, comme à Bourges, Poitiers, Perigueux, Cahors, Auvergne, Velay, Toulouze, Bordeloyz & Lymosin: lesquelz estoient appelez Ducz, & appelloient de present Baillifz ou Seneschaulx desdictz lieux. Quand Charlemagne alla premierement à Romme, il feit porter ledict Loys ieune en vn berceau, ou en vne litiere: & fut p le Pape sacré & couronné Roy, comme dict à esté dessus: Apres ce que ledict Charlemagne fut retourné en France, il l'enuoya en Aquitaine, ou il fut grandement receu par toutes les villes & citez: & en commit & bailla la garde à vn preud'homme, nommé Arnoul, & à autres sages hommes. Quatre ans y demoura sans bouger: apres lesquelz le Roy l'enuoya querir pour le veoir, & fut aucun temps avecques luy, puis le renuoya en Aquitaine. L'année ensuyuant ledict Charlemagne luy manda qu'il meist sus grand' armée, & allast ayder à Pepin, son frere, en Italie, contre aucuns qui le guerroyoyent. Si y alla ledict Loys à grand' puissance, & eurent les deux freres victoire: & à son retour alla & passa par deuers son pere qui estoit en Baviere, avec lequel il fut long temps. Apres, du congé de son pere, il s'en retourna en son royaume d'Aquitaine, ou il se gouerna moult sagement. Là vindrent deuers luy les messagers d'Alphōs, Roy de Galice, & de plusieurs Princes Sarrazins, pour paix & alliance auoir avec luy. Il ayma moult le peuple qu'il auoit à gouuerner, & le tint en franchise. Il leur quitta de grands tributz de bledz qu'ilz payoyent, dont ilz estoient fort trauaillezz, & de tous autres truaiges, & ne leur faisoit nulles exactions sur eulx par impostz n'emprūtz: & par ce estoit aymé de Dieu & du monde, & bien renommé par toutes terres: & auoit tousiours sages & anciens Conseillers preud'hommes aupres de luy, par qui il se gouernoit. Par le conseil de Charlemagne, son pere, il espousa vne noble dame, nommée t Armenias, fille du Cōte Hildegran. Il feit reédifier plusieurs villes & chasteaux en ses pays, que les Sarrazins auoyent destruitz, & en feit faire de nouveaux. Il conquist & print par armes la cité de Barcelonne, & se rendirent les habitans corps & biens à sa volonté: & apres s'en retourna yuerner en Aquitaine. L'année ensuyuant il retourna de rechef à Barcelonne, & passa oultre, & print Tharascon & Tortouse. Les Larrazins qui estoient dedans occit, les aucuns s'en fuyrent, le pays degasterent ses gens: mais apres Sarrazins Mores s'assemblerēt en grand nombre, & vindrent contre luy, qui toutesfois furent desconfitz, & là eurent François victoire. Vne fois les Gascons & Byernois d'oultre la riuere de Gironde s'esleuerent contre luy, mais il les submit vaillamment à luy, & en assiegea plusieurs dedās la cité d'Acqz oultre Bordeaux, qui à la fin se rendirent à luy, & à sa volonté. Apres passa les montz Pirenés iusques à Pampe lune, & ordonna des besongnes du pays, puis se meit au retour: mais les Gascons & Byernois, qui par nature sont legiers & peu stables, feirent embusches es destroictz des mōtaignes Pirenées, pour l'ost de leur Roy destruire, dont il fut aduerty: & les aucuns des Gascons, qui

*L'an huyēt
cens qua-
torze.*

*Baillifz &
seneschaulx
du pays d'Aquitaine,
souloyent
estre appe-
lez Ducz.*

*Le roy Loys
le Debonai-
re estoit ay-
mé de Dieu
& du mō-
de par son
bon gouuer-
nement.
t al. Le-
mingar-
de, ou
Emen-
garde.*

*Les Gascons
& Byer-
nois sont le-
giers &
peu stables.*

k

allerent contre luy, furent prins & penduz. Ledit Roy Loys auoit de coustume de se scoir trois fois la semaine publicqment en personne en son Palais, pour ouyr les plainctes & dolleances de ses subiectz: & estoit la chose publique en son tēps si biē gouuēnée qu'on trouuoit peu de gens qui se plaignissent de tors faitz. Lors q̄ Charlemagne, son pere, se sentit affoiblir, mādā ledit Loys, son filz, qui alla vers luy, & à grand' ioye le receut. Auec luy le retint tout vn estē & l'introduysit & enseigna comment apres sa mort il deuoit tenir & gouuerner son royaume & Empire: & apres ce le couronna Empereur, & deslors luy bailla du tout l'Empire à gouuerner. Apres ce ledit Loys retourna en Aquitaine, ou tātost apres luy vindrēt nouuelles de la mort de Charlemagne, son pere: & luy mādērēt les Barons qu'il se hastast de venir, pour aucunes doubtes qu'ilz auoyēt. Il s'aduāça de venir, & luy feirent les Barons hōmage. Apres il alla à Aiz, visiter le sepulchre de son pere, & là assembla general Parlement, pour ordonner des besongnes de l'Empire & du royaume de Frāce. Il feit entieremēt accomplir le testament de son pere, & payer ses officiers de tout ce qu'il leur estoit deu, & toutes ses autres

debtes. En l'an de grace huyt cens xv. qui fut le p̄mier an entier de l'Empire dudit Loys, Hariold, Roy de Danois, qui auoit esté expulsé de son pays, vit deuers luy demāder secours, & par son ayde fut restitué. En l'an huyt cens seize, Loup, Duc des Gascons, felseua cōtre l'Empereur: parquoy il y enuoya Pepin, son filz, avec grand' armée, qui le combatit, desconfit & exila. En celle mesme année ledit Empereur enuoya vne autre armée contre lesditz Danois, qui de rechef festoyent esleuez cōtre luy, & chacea les deux filz de feu † Godefroy, qui estoit leur Duc, & print ostages de ceulx des villes, qui tous se meirent à son obeissance. En l'an de grace huyt cens xvij. pource que ledit Empereur Loys osta & deboura vn nōmé Sigiuin, ou Sigin, qui estoit gouuērneur en Gascongne, pour son insolence & mauuaises meurs, les Gascons d'oultre la riuere de Garumne, & iusques aux montz Pirenés, felseuerēt cōtre luy: parquoy il y enuoya son armée, & les feit assaillir par deux cōstēz, & les pressa & dompta tellement qu'il leur fut bien tard de venir à mercy deuers luy.

Comment & pourquoy le Roy Loys le Debonnaire feit creuer les yeulx, & apres decapiter son nepueu Bernard, Roy de Lombardie.

EN l'an de grace huyt cēs xviij. Bernard le Roy de Lōbardie, filz de feu Pepin, ainsé filz de Charlemagne, & nepueu dudit Empereur Loys Debonnaire (lequel par son moyen auoit esté couronné Roy, viuant ledit Charlemagne) remply du vice d'ingratitude felseua contre ledit Loys, son oncle: & de sa conspiration furent consentans plusieurs du royaume, & aussi en furent consentās l'Archeuesque de Milan, & les Euesques de Cremonne & d'Orleans, que l'Empereur cuydoit estre ses amys: & vindrēt à grād' compagnie de François, Lombardz, Allemans, & autres, iusques en la cité de Chaalons en Champaigne. L'Empereur, qui en fūt aduert, assembla son ost, les assiegea & assaillit si virilement qu'il les print, & prisonniers les feit detenir. Et aucun temps apres, combien que ledit Bernard & ses complices eussent desseruy mort, & à ce fussent condānez par le iugemēt des Barons de France, toutesfois il leur sauua la vie, & leur feit seulemēt creuer les yeulx, priuant ledit Bernard de son royaume: mais pource que ledit Bernard & aucuns autres portoyent trop impaciement ce qu'ilz estoient aucuglez, il les feit decapiter: & les Archeuesques & Euesques feit seulemēt degrader, & apres tondre & mettre en religion. A ce doibuent prendre exemple les Princes & Seigneurs du sang, & de la noble maison de France, qui ont pour chef Roy singulierement honoré de ce tresnoble mot de Treschrestien. Car on a tres souuēt veu qu'à tous ceulx, qui ont fait aucunes machinations & entreprinſes contre les Roys & la couronne de France, est mescheu & mal prins de leurs besongnes.

A l'Empereur Loys Debonnaire vindrēt nouuelles en l'an de grace huyt cens xix. q̄ les Bretons festoyent diuertis de sa subiection, & auoyēt iā fait vn Roy d'un Seigneur du pays, nommé † Murmuncium. Incontinent l'Empereur assembla son ost, & enuoya contre eulx Charles son Connestable, qui les desconfit & submit à son obeyſſance: & fut ledit Murmuncium leur Duc, qui auoit vsurpé le nom de Roy, prins prisonnier: mais le Roy, qui debōnaire estoit, luy rendit sa terre, moyenāt qu'il se meist en sa subiection, & renonçast au nom & tiltre de Roy. Ce neantmoins tātost apres il print guerre à ses voyſins, qui loyaumēt obeissoyent à l'Empereur. A la fin les gens du Comte Lābert le tuerent en sa maison mesmes. Ares ce l'Empereur retourna en Frāce, & passa par Angiers. Là estoit la Roynē Armenias, sa femme, fort malade: laquelle trespassa deux iours apres q̄ l'Empereur y fut arriué. Il eut de ladicte Armenias trois filz: c'est à ſçauoir Lotaire, Pepin, & Loys. Apres ce ledit Empereur s'en passa par Rouen, & par Amiens, & s'en alla à Aiz, pour soy yuerner. Audiēt lieu d'Aiz il assembla vn Concile

vn Concile de plusieurs Euesques & Prelatz, auquel furent faictes & adioustées plusieurs belles escriptures, à l'usage de l'Eglise & des religieux. Audist an huyt cés dixneuf, Hariold le Roy des Danoys fut par ledict Empereur Loys, Roy de France, restitué en son royaume, duquel il auoit esté deieté par ses subiectz, pource qu'il tenoit son party. Et l'an huyt cés & vingt, le Roy des Abrodiciens, nommé † Secloamur, fut à l'Empereur amené prisonnier, & deuant luy accusé de plusieurs crimes, desquelz il ne se sceut purger: & par ce il fut enuoyé en exil, & donna l'Empereur son royaume à vn nommé † Cadragus. En ce temps l'Empereur n'auoit point de femme: & pource qu'il viuoit deuotement & menoit sainte vie, ses Barons doubterent qu'il abandonnast l'Empire, pour entrer en religion. Ilz l'admonesterent de foy marier, & tellement le persuaderent qu'il s'y consentit. Plusieurs pucelles luy amenerent, vne en print qui auoit nom Iudich, fille du Côte † Baudouyn. Il eut de ladicte Iudich vn filz, nommé Charles, qui fut surnommé le Chauue, & fut Roy de France, & apres Empereur de Romme, ainsi qu'il sera veu cy apres. Entre ces choses aduint que les Gascons, qui sont legiers d'esprit, & festoyent esleuez contre l'Empereur, furent en peu de temps si bien chastiez par Pepin, son filz, qu'ontques depuis ne se rebellerent contre luy, & enuoya Loup leur Duc, en exil, comme dict est. En l'an de grace huyt cés vingt & vn, ledict Empereur Loys Debonnaire partit & diuisa son royaume entre ses enfans, par le conseil de ses Barons. A Lotaire bailla le royaume d'Italie: à Pepin le royaume d'Aquitaine: & à Loys le royaume de Baviere & Germanie, qui est dicte Allemaigne: & voulut & ordonna que ledict Lotaire fust appelé Empereur: & l'enuoya en Italie, affin q le peuple sceust en la subiection duquel il deuoit estre & obeyr. Et ledict partage & diuision feit iurer & confermer p ses Barons, affin q chacū sceust auquel desdictz enfans il deuoit estre subiect & obeyr. En l'an huyt cés xxij. † Lindemut, Duc de la basse Pannonie, se departit de la fidelité de l'Empereur: parquoy l'Empereur en l'année ensuyuant meit sus grād' armée, & fait assaillir sa terre par trois diuerses parties: & ce sachāt ledict Lindemut, se retrahyt luy & aucuns de ses gēs en vn fort chastel, sur vne montaigne, ne daignant aller, n'enuoyer deuers ledict Empereur pour paix auoir. Quoy voyant les gens dudit Empereur, coururent & gasterent toute sa terre par feu & par glaue: & tantost apres iceluy Lindemut secrettement trouua façon d'eschaper dudit chastel, & s'en fuyt à garand à vn Prince de Dalmacie, qui le receut: mais il luy en rendit mauuais guerdon: car il le tua & se saisit de sa terre: & apres enuoya Ambassadeurs deuers les gens de l'ost de l'Empereur, & promist qu'il viendroit deuers luy. Audist an huyt cés vingt & deux, pource que ledict Cadragus s'esleua contre l'Empereur, fut par iceluy chacé hors du royaume des Abrodiciens, & en son lieu fut restitué Secloamur, moyennant qu'il se fait baptizer: & tātost apres qu'il fut Chrestien, luy print vne maladie dont il mourut.

De l'exces qui fut faict par les Rommains, à aucuns des bienvueillans de l'Empereur, dont on donnoit charge au Pape Pascale.

EN l'an de grace huyt cés vingt & trois le Pape Pascale enuoya prier Lotaire, filz de l'Empereur (que son pere auoit enuoyé en Lombardie, pour prendre possession de l'Empire, & du royaume qu'il luy auoit donné) de l'aller veoir à Rome. ce qu'il feit: & ledict Pape le receut moult hōnorablemēt à son arriuee: & le iour de Pasques l'oignit & sacra Roy de Lombardie, & Empereur de Rome, luy mettant la couronne Imperiale sur la teste: & fut appelé Auguste. Apres ce il print congé du Pape, & s'en vint à Pauie, ou il seiourna quelque temps, & puis s'en retourna en France vers son pere. En celle année Drogo, frere naturel † de l'Empereur Loys le Debonnaire, fut faict Euesque de Metz. Tantost apres vindrent nouuelles audit Empereur que Theodore, secretaire de l'Eglise de Romme, Leon Donaires, & autres nobles de Romme auoyēt esté occis, & leur auoit on creué les yeulx, & apres coppé les testes, en la maison du Pape Pascale: & disoit on q ce auoit fait faire le Pape, par enuie de ce qu'ilz estoient loyaux, & amys de Lotaire, Roy de Lombardie, dont l'Empereur Loys fut moult courroucé. Et pour sçauoir sil estoit vray, enuoya ses Legatz l'Abbé de saint Vvast d'Arras, & le Comte † Haffroy, à Romme: & lors ledict Pape Pascale se purgea par serment, deuant le peuple & lesdictz Legatz, & deuant grand' multitude de Cardinaulx & Euesques: & apres ce enuoya se excuser deuers ledict Empereur Loys, & luy remōstrer q ce luy faisoit mettre sus, à tort & sās cause, vn nōmé Leon, qui auoit enuie sur luy. Et tātost apres les messagers de l'Empereur s'en retournerent, qui certifierent que ledict Pape Pascale n'estoit point coupable de la mort des dessus nōmez: & disoit on qu'ilz auoyent tres bien desseruy la mort. Tātost apres l'Empereur fut aduertty q par les gens officiers de Rome se faisoient plusieurs iniustices au populaire des

Concile cē-
lebré à Aix
par le Roy
Loys De-
bonnaire.

† al. Clo-
amir &
Mile-
gast.
† al. Ce-
leadro-
gus.
† al. V-
velphō.
L'empereur
Loys fut
marie à la
dich.

L'an huyt
cés vingt
& deux.
† al. Lin-
devvir:

L'an huyt
cés vingt
& trois.

† al. ba-
stard.
En la mai-
son du Pape fu-
rent tue-
z au-
cuns bien-
vueillans de
France.
† al. Hū-
froy.

Romains. Son filz Lotaire, Roy de Lombardie, & Empereur de Rōme, y alla: qui leur feist tout reparer, & y meit d'autres officiers: dont le peuple de Romme fut moult ioyeux & bien cōtent. Apres ce ledict Lotaire sen retourna en France, & cōpta à son pere ce qu'il auoit fait à Romme: dōt il fut bien ayse. Audiēt an huyēt cens vingt & troys, apres la mort de Secloamur, Roy des Abrodiciens, Cadragus qui l'année pcedente auoir esté chacé du royaume desdictz Abrodiciens, veint vers l'Empereur, qui tenoit son Parlement à t Cōpiegne: & cōbien qu'il fust coupable de plusieurs crimes, toutesfois par le moyen de ses amys, qui estoient en la court de l'Empereur, il feist sa paix: & luy fut permis sen retourner en son royaume. En celle année aduindrent plusieurs prodiges: car en Saxongne vingt & troys t villes furēt brulées du feu celestiel, & gens & bestes tuées de fouldres, & tous les biens & bledz de sur la terre fouldroyez de gresle: avecques laquelle cheurent grand nombre de vrayes pierres de grād' lōgueur, grosseur & pesāteur: & apres ces prodiges senluyuit grosse mortalité de gēs. En celle année aduint au territoire de Toul, en vne ville appelée Commercy, qu'une ieune pucelle, apres la communion du corps de Iesus Christ s'abstint de manger pain, l'espace de dix moys, & apres de toutboire & māger l'espace de trois ans: puis retourna à la vie coustumiere des hommes. En celuy an mourut le pape Pascale: & fut fait pape Eugene, deuxieme de ce nom. En l'an de grace huyēt cens vingt & quatre, Michel, Empereur de Constantinoble, enuoya ses Ambassadeurs deuers l'Empereur Loys Debonnaire, pour confermer paix & alliance. Ce qui fut fait: & enuoya ledict Michel audiēt Loys plusieurs grands dons: & entre autres les liures que feist fait Denis, escriptz de sa main, de la Hierarchie des Anges, & autres que ledict Loys receut à grand' ioye & reuerēce, & les donna à l'Abbaye saint Denis en France. En celle année t Vvltanus, Euesque du Liege, trāslata le corps saint Hubert, qui estoit au Liege, ad t Andirium monasterium, qui est en la forest d'Ardenne. En celle mesme année, deuant le Solstice d'esté cheut en Gaule vn gros glasson, par vne tempeste, qui auoit quinze piedz de long, six de large, & deux d'espeisseur.

Comment le Roy Loys Debonnaire feist apporter à Soissons le corps saint Sebastien: & de la guerre qu'il feist contre les Sarrazins, en Espagne.

LN l'an huyēt cens vingt & cinq, Hariold, Roy des Danoys, avec sa femme & grand' multitude de ses subiectz, qui estoient Sarrazins, vindrent deuers ledict Empereur Loys le Debonnaire: & se feirent baptizer en l'eglise saint Aulbin, en la cité de Mayence, ou estoit allé ledict Empereur: lequel luy donna de beaulx dons, & puis le renuoya. En ladicte année iceluy Empereur Loys le Debonnaire enuoya Hilduinus, Abbé de saint Denis, deuers le pape Eugene, à Romme, luy requerir le corps saint Sebastien: lequel il luy enuoya, & le receut l'Empereur à grād' reuerence, le faisant mettre en l'eglise saint t Marc de Soissons: & à son arriuée & translation furēt faitz, à l'intercession dudit glorieux martyr, plusieurs beaulx miracles euidens: lesquelz à racompter seroyent difficiles à croire, sinon que Dieu, pour lequel ledict martyr dard. à souffert tant de maux, peult tout faire, & ne luy est riens impossible. t En ce temps nouvelles vindrent à l'Empereur, qu'un nommé Azon, qui s'estoit retiré de sa court, & fuy en Espagne, auoit assemblé grand nombre de Sarrazins, & les auoit fait descendre en Espagne, pour enuahir la terre dudit Empereur par ce costé la: parquoy l'Empereur enuoya son ost contre luy, avec Pepin son filz, Roy d'Aquitaine: mais les capitaines, qu'il auoit enuoyez avec luy, cheuaucherent si lentement & si paresseusement que ledict Azon print les citez de Barcelonne & de t Gironne, auant qu'ilz arriuaissent: dont l'Empereur fut mal content. Et ce fait en l'an huyēt cens vingt & six: auquel an fut apporté semblablement de Romme en France, à la requeste de l'Empereur, le corps de saint Gregoire, Pape: & celuy mis en ladicte Abbaye de Soissons. En celle année mourut aussi pape Eugene, & fut fait pape Valentin, qui ne vescu que quarante iours: apres lequel fut fait pape Gregoire, quatrieme de ce nom. L'an d'apres, qui fut huyēt cens vingt & sept, pource que l'an deuant les Bulgares auoyent gasté le pays de Pannonie, par la paresse & lascheté de Baldrice, Duc de Foriules, maintenant Friol, l'Empereur Loys le deietta de sa Duché, la diuisant & donnant à quatre Comtes. Par mesme moyen furent aussi desappoinctez les capitaines qu'il auoit enuoyez en Aquitaine avec son filz Pepin, contre Azon, & leur osta l'honneur ou il les auoit mis, dont ilz furent moult despitez contre l'Empereur, & penserent comme ilz sen pourroyent venger. Enuiron ce mesme temps, pource que l'Empereur Loys fut aduertie que les Sarrazins vouloyent de rechef descendre en Espagne, il manda à son filz Lotaire, Roy de Lombardie, qu'il assemblast grand nombre de François Austrasiens, pour aller contre eulx. Ce qu'il

qu'il feist: & les mena iusques à Lyon: ou il attendit vn messager qu'il auoit enuoyé en Espagne pour sçauoir de la venue des Sarrazins: Ce pendant vint parler à luy à Lyon Pepin, son frere, Roy d'Aquitaine: & lors arriua le messager de Lotaire, qui estoit allé vers Espagne: lequel rapporta que Sarrazins estoient venuz & entrez bien auant en Espagne, mais ilz festoient retraictz, & ne vouloyent plus tirer auant, comme on disoit: parquoy les deux freres se departirēt: & sen alla Pepin en Aquitaine, & Lotaire retourna deuers son pere. En ce mesme an de huyt cens vingt & sept Theodulphe, Euesque d'Orleans, qui estoit prisonnier à Angiers, & plusieurs autres, qui auoyent esté fauteurs & cause de la conspiration de feu Bernard, Roy d'Italie, nepueu de l'Empereur, ainsi que l'Empereur estoit à la procession, le iour de Pasques flories, en passant aupres de la chartre, ou estoit ledict Theodulphe, commença à chanter ces versetz: *Gloria, laus, & honor tibi sit, &c.* Et quand l'Empereur l'ouyt, il s'arresta & le feist deliurer: & ordonna que lesdictz versetz fussent chantez chacun an, le iour des Rameaulx, à la procession. En l'année huyt cens vingt & huyt Boniface, Comte de l'isle de Corse, ayant la charge de l'ost de l'Empereur en Italie, passa en Afrique, & eut bataille contre les Sarrazins, & en feist grand occision: puis s'en retourna à grand gloire, & avec grand proye.

Pourquoy
on chante
Gloria laus
&c. à Pasques
flories
L'an 828.

De la conspiration qui fut faicte contre l'Empereur Loys le Debonnaire.



An de grace huyt cens vingt & neuf, les capitaines que l'Empereur auoit dechargez de l'honneur ou il les auoit mis, conspirerēt contre luy, & en l'an suyuant s'en allerēt deuers son filz Pepin, Roy d'Aquitaine. A luy se plaignirent de ce que l'Empereur les auoit desapointez: & disoyent qu'il se gouuernoit du tout par vn nommé Bernard ou Berard, & estoit des marches d'Espagne, & l'auoit fait Maire du palais, lequel pour ceste cause estoit monté en grand orgueil: & luy donnerent entendre contre verité, que ledict Bernard l'auoit enforcé, & qu'il disposoit du tout des besongnes du royaume à son plaisir. Et avec ce qu'il honnoit & entretenoit l'Emperiere Iudich, sa femme, & plusieurs autres choses luy donnerent à entendre: & tellement persuaderent ledict Pepin, qui estoit ieune, qu'il les creut, & s'assentit à eulx, & s'essua contre son pere: & vindrent luy & lesdictz conspirateurs iusques à Orleans avec grand armée, & osterent Odon, que l'Empereur y auoit cōmis pour gouuerner le pays. Apres cheuaucherent oultre Paris, & vindrent iusques à Verberie, pres Compiègne. L'Empereur, qui fut aduertie de ladicte conspiration, dist audict Bernard qu'il s'en fuyt, affin que les trahystres ne le trouuassent autour de luy. A Iudich, sa femme, commanda qu'elle s'en allast à Laon, & se tint en l'église nostre Dame. Ce qu'elle feist: & l'Empereur sen alla à Compiègne. Les trahystres sceurent bien ces choses, & enuoyerent à Laon aucuns d'eulx qui tirerent ladicte Emperiere à force hors de l'église de Laon, & luy feirent souffrir moult de peines, & faignirēt de la vouloir faire mourir: & apres ilz la menerent à Cōpiègne deuers l'Empereur, pour le persuader de laisser les armes, & déposer les aornemens imperiaux, & soy faire tondre & entrer en religion. Ladicte Iudich en parla à l'Empereur secrettement: il print terme d'y penser. Et eulx voyās que ladicte Iudich n'y pouuoit autre chose faire, ilz la feirent voiler, & l'enuoyerent en religion en l'Abbaye sainte Croix de Poitiers. Ilz voulurēt eulx mesmes contraindre l'Empereur à soy faire tondre en religion, & mettre ius les armes. Il leur dit, comme deuant, qu'il auroit sur ce conseil. Toutesfois ilz ne feirent nulle villennie à sa personne. A vn nommé Hubert, ou Heribert, frere dudit Bernard, feirent creuer les yeulx, dont l'Empereur fut moult courroucé. Quand Lotaire, Roy de Lōbardie, fut aduertie des choses qu'on faisoit cōtre son pere l'Empereur, il vint deuers luy à Compiègne, & la luy fut compté cōment toula besongne en estoit allée: neātmoins il ne feist lors nulle ayde à sondict pere: & par ce appronua taisiblement ce qui luy auoit esté faict.

L'an 829.

Cōspiratiō
contre l'Empe-
reur Loys

† al. Ra-
degode.
De l'Empe-
reur Loys
Debonnaire
qu'on vou-
loit faire re-
ligieux.

De la captiuité ou le Roy Loys Debonnaire fut tenu par ses enfans: & comment il fut destitué de son Empire.



An de grace huyt cens xxx. ledict Empereur demoura en celle tribulation tout le temps d'esté: & n'auoit que le nom d'Empereur, sans administration nulle. Sur ces discordz fut assemblé vn Parlement à Mayence: & vindrent tous les François Austrasiēs, & Allemās, à l'ayde dudit Empereur: & fut iceluy Empereur mis hors de subiection, & à son liberal arbitre, & les principaux de la trahison furent pēduz, & les aucuns exilez. Apres ce enuoya l'Empereur querir ladicte Iudich, sa femme, qui estoit à sainte Croix de Poitiers: laquelle se purgē honnestement du blasme q̄ les trahystres

L'an 830.
† autres di-
sent Neoma-
gus, en La-
tin.

† autres di-
sent rōdus
& mis en
monastères

lz iij

luy auoyent imposé. Puis apres l'Empereur de sa debonnaireté donna la vie sauue aux autres coulpables de ladiète trahyson, lesquelz par iugement estoient condannez à mourir : & ses filz, qui estoient venuz vers luy, enuoya en leurs contrées, c'est à sçauoir Lotaire en Italie, Loys en Bauiere, & Pepin en Aquitaine. En l'an huyt cens trête & vn l'Empereur teint vn autre Parlement : auquel Bernard se trouua prest à se defendre des crimes à luy imposez, par armes ou autrement: mais nul ne se presenta contre luy: & mesmement Pepin, Roy d'Aquitaine, auquel l'Empereur auoit mandé ne faillir de venir audict Parlement, ne se trouua point deuers l'Empereur, son pere, à ladiète assemblée (combien qu'il eust mādē & promis de sy trouuer) iusques à ce que le Parlement fut failly, dont son pere ne fut pas content. Et quād il fut deuers luy, il luy en feit plusieurs remonstrances, que Pepin ne print pas en gré, & s'en partit mal content, sans le congé de son pere, & s'en retourna en Aquitaine. L'an d'apres qui fut huyt cens xxxij. pource que ledict Pepin faisoit plusieurs choses cōtre la volūté de son dict pere, il l'enuoya prendre, & le feit mettre en prison à Treues, pour le chastier de ses mauuaises meurs: mais, par la faulte de ceulx qui le gardoyent, il eschapa. L'Empereur l'enuoya querir, & luy manda qu'il veint à luy, mais il n'en voulut riens faire. Audict an huyt cens trête & deux ledict Empereur, Loys le Debonnaire, voulut bailler vne portion du royaume à son ieune filz Charles, qu'il auoit eu de ladiète Iudich, sa fême, & voulut faire mettre bournes entre son royaume & les royaumes de Lotaire, & Loys, ses filz : mais la besongne ne fut pas acheuée: car soubz ceste occasion plusieurs trahystres du royaume conspirerent contre l'Empereur, & feirent tant qu'ilz s'esleuerēt, & de rechef: & eurent de leur party les trois filz de l'Empereur: & gaignerent aussile pape Gregoire, qui lors estoit: lequel en l'an huyt cens xxxiiij. par malice, & soubz vmbre de faire la paix, vint en France: mais il estoit formellement fauorable aux conspirateurs, & contraire à l'Empereur. Ce neantmoins ledict Empereur assembla son ost: mais ses enfans, & leurs trahystres, luy subtrahirent ses gens, & le trahyrēt. Finablement il fut contrainct aller vers eulx: & si tost qu'il fut à leurs tentes incontinent luy furent sa fême & son petit filz Charles ostez, & menez es tentes de Loys & de Lotaire: & apres ledict Lotaire enuoya ladiète Iudich en exil, en Italie, en vne cité qui à nom Tortōne: & son petit filz Charles enuoyerēt prisonnier au chastel de Prouins en Brie. Lors les trahystres prīdrēt les sermēs du peuple, & departirent l'Empire aux trois freres. Lotaire print l'Empereur, son pere, & l'enuoya en l'Abbaye sainct Marc de Soissons, ou il le feit tenir en estroictē garde. Aucun temps apres ledict Lotaire mena son pere à Compiègne: & par l'enhortement d'aucuns trahystres, sans cause le deposerent de l'honneur d'Empereur. Puis le remenerent à Soissons, & le contrainquirent à mettre ius le Baudrier de cheualerie, & mettre les armes imperiaux sur l'autel S. Sebastien, & luy baillerent habit de moyne: & apres le feirent encores garder estroictement en ladiète Abbaye sainct Marc de Soissons, ou il fut aucun temps.

*L'epereur
feut prēdre
son filz Pe-
pin, & met-
tre en priso*

*L'an huyt
cens trēte
deux.*

*L'an huyt
cens trēte
trois.*

*Cōspiratiō
des trois
filz de l'Em-
pereur con-
tre leur pe-
re.*

*† al. Me-
dard.*

*L'epereur
Loys fut
faict moy-
ne par ses
enfans.*

*Comment le Roy Loys le Debonnaire fut par les Francoys deliuré,
& restitué en son royaume & Empire.*

*L'an huyt
cens trēte
quatre.*



*† Aucuns
cōptent ce-
cy un peu
autrement.*

Toute celle saison fut l'Empire & le royaume moult troublé: parquoy en l'an viij. cens trente quatre les Nobles & le peuple de France, d'Allemaigne, de Bourgogne, & d'Aquitaine, par diuine admonition conuertis à penitence, congnoissans les griefz & la honte qu'on auoit faicts à l'Empereur Loys le Debonnaire, leur souuerain & naturel Seigneur, s'en complaignoyent forment, & leur estoit grief à porter. Aucuns Seigneurs & Nobles, qui estoient bienvueillās de l'Empereur, se trauaillerent de sa deliurance, & attrahirēt le peuple à eulx. Loys, l'un des filz de l'Empereur, qui demouroit en Allemaigne, & tenoit le royaume de Bauiere, s'estoit ia tourné du party de son pere: semblablement Drogo, l'Euesque de Metz, qui estoit frere bastart de l'Empereur: lequel ilz enuoyerēt deuers Pepin, son autre filz, Roy d'Aquitaine, † pour l'attraire du party de son pere. Ce qu'ilz feirēt, & assemblerent & meirent sus grāds ostz. A Lotaire, Roy de Lōbardie, manderent qu'il leur rendist l'Empereur, & qu'ilz feroient tant q son pere luy pardonneroit son maltalent: & avec ce manderent audict Lotaire qu'il ne fust si hardy de faillir, ne mener hors de France, l'Empereur, son pere. Lors Lotaire, voyant la grand' puissance qui estoit esmeue cōtre luy, pour la deliurance de l'Empereur, son pere, leur mādā qu'il n'y auoit nul qui fust plus dolent de la honte de son pere, ne qui fust plus ioyeux de sa deliurance que luy, & que de ce qui luy auoit esté faict n'en deuoit on à luy seul mettre le blasme. Car ce auoit esté faict d'un commun accord. Les messagers s'en retournerent dire leur responce: & ce pendant ledict Lotaire alla querir son pere à Soissons, & l'amena à sainct Denis en France, & la le laissa, doubtant la fureur des Francoys: & s'en alla secretement en Bourgogne, ou il laissa

laissa de ses gēs pour garder le pays: puis s'en alla en Lombardie. Ceulx, qui avec l'Empereur estoient, luy conseilierent & l'admonesterent qu'il reprinst le sceptre & la couronne imperiale, & laissast l'habit de religion. Ce qu'il ne voulut faire sans estre reconcilié à sainte Eglise. Cē qui fut fait par plusieurs Euesques & Prelatz deuant le grand autel de saint Denis: & luy fut de rechef mise la couronne imperiale sur la teste, & ceingt le baudrier de Cheualerie, comme au commencement auoit esté: dont les François furent moult ioyeux. Les autres enfans de l'Empereur vindrēt à luy, & luy crierēt mercy, & il leur pdōna son malalēt. Tous les Nobles & Seigneurs du royaume, qui la estoient venuz, remercia l'Empereur de l'ayde qu'ilz luy auoyēt faite. Puis à Aiz s'en alla: & là receut la Roïne Iudich sa femme, qui luy fut amenée de Lombardie, ou elle auoit esté enuoyée en exil: & Charles, son petit filz, qui estoit prisonnier à Prouins, luy fut semblablement amené. † Les gens, que Lotaire auoit laissez en Bourgongne, ne voulurent obeyr à l'Empereur: parquoy il enuoya contre eulx: mais la besongne fut indifcretemēt conduite: car les gens de l'Empereur Loys entrerent dedās la cité de Chaalons, & mirent hors les gens dudit Lotaire. Iceluy Lotaire retourna d'Italie, & vint à leur secours, & assiegea Chaalōs, & par force le print, & le destruisit par feu & par glaiue, & tua les gēs de l'Empereur son pere: & n'y eut sauué de ladicte ville qu'une petite eglise, qui est dediee en l'honneur de saint George, ou le feu ne print point, comme par miracle. En ladicte année huyt cens trente † quatre à l'admonition du Pape Gregoire, & du consentement des Euesqs ledict Empereur Loys le Debonnaire ordonna en France & Germanie la feste de toussainctz estre solennizée es Calendes de Nouembre: laquelle feste les Rommains seulement solennifoyent parauant de l'institution du pape Boniface, comme on lit en la legēde de ladicte feste. En † celle année les reliques de saint Vit martyr, qui du temps de Charlemagne auoyēt esté apportées à Paris, furent translātées en Saxongne en Allemagne: & dit on que depuis l'Empire ne prospera es mains des François.

L'Empereur Loys le Debonnaire fut deliuré de la subiection de ses enfans.

† Cery est aussi un peu autre ment contē par aucuns.

† sigif. dit 35. & P. m. 30. Institution de la feste de tous saints. † sig. com me dessus.

Comment Loys le Debonnaire contrainit deux de ses filz à venir à luy à mercy, l'un apres l'autre.

Dendant que ces choses se faisoient en Bourgongne, l'Empereur & son filz Loys, Roy de Bauiere, s'en allerent à Lāgres: & là leur vindrent nouuelles de la descōfiture qu'auoit faite Lotaire, sur les gens de l'Empereur, & comme il auoit prins Chaalons. Quand Lotaire sceut que son pere estoit en Bourgongne il partit de Chaalons ou il estoit, & passa par Authun, & tira droit à Orleans, & de là au Mans: puis se retira vers la riuere de Loire. L'Empereur le suyuit iusques pres & au dessoubz de Bloys, ou ledict Lotaire s'arresta: & se logerēt les deux ostz sur vne petite riuere, nommée la † Chize, qui chet en Loire, ou ilz furent quatre iours pour les messagers qui alloient de l'un à l'autre, pour paix trouuer. La arriua Pepi, Roy d'Aquitaine, avec l'Empereur son pere à tout grand ost de gens qu'il amena d'Aquitaine. Quand Lotaire veit qu'il ne pourroit resister à la puissance de son pere & de ses freres, il vint en humilité vers sondict pere: & le bō Empereur le receut, & autre punition ne luy feit que le reprēdre de parolles, en luy remōstrant la grand' faulte qu'il auoit commise à l'encōtre de luy. Là print les sermens & seurēté de sondict filz Lotaire & de ses Barons, puis le renuoya en Lombardie. De là l'Empereur alla à Orleans, & donna congé à Loys Roy de Bauiere son filz, & aux autres, d'eulx en retourner chacun en sa terre.

† als. Tizc.

En l'an de grace huyt cens † xxxvij. vne maniere de gens que lors on appelloit Danoys, & que de present appelle Normās, parce qu'ilz vindrēt des parties du Nort, infesterent grieffuement les pays des François par feu & par glaiue iusques au fleue de Meuze: & contrainrent ceulx du pays de Frise à leur faire & payer tribut. En l'an de grace huyt cēs xxxvij. Iudich l'Emperiere, qui biē veit que l'Empereur affoiblissoit se doubta moult que fil mourroit qu'elle & Charles son filz seroyent en peril, filz n'auoyent l'alliance des autres enfans de l'Empereur: & aucun tēps apres, c'est à sçauoir l'an huyt cens xxxix. l'Empereur donna France, Bourgongne, & Neustrie, à present appelé Normandie, audit Charles son filz, & l'enfeut couronner Roy, dont ses autres enfans ne furent pas cōtens, disans qu'il luy bailloit trop grād' portion: mais quand ilz veirent qu'ilz ne le pourroyent empescher ilz dissimulerent, & faignirent d'en estre contens. Tantost apres mourut ledict Pepin Roy d'Aquitaine, & fut enterrē en l'eglise sainte Ragonde de Poictiers: lequel Pepin laissa deux filz, dont l'aîné eut nō Pepin, lequel les Barons dudit royaume voulurent couronner sans le congé de l'Empereur Loys le Debonnaire: parquoy il y alla, & saisit le royaume, & à la poursuyte de ladicte Iudich sa femme, donna iceluy royaume d'Aquitaine audit petit Charles son ieune filz, & manda à

† als 36.

Lotaire Roy de Lomhardie son aîné filz, que s'il vouloit aymer & garder ledict petit Charles son ieune frere, il luy pardonneroit tout ce qu'il luy auoit meffait, & d'auantage luy dōneroit la moytié de l'Empire, fors Bauiere. Lotaire voyant l'offre de si grāds dons vint deuers l'Empereur son pere, qui le receut à ioye, & feit deux partages de l'Empire, au mieulx qu'il peut, & audiēt Lotaire donna le royaume d'Austrasie, comme il se comporte iusques à la riuere de Meuze & l'autre partie vers occident donna à Charles son petit filz : & admonnesta ledictz enfans qu'ilz s'entreaymassent : & dist à Lotaire qu'il aybast son diēt petit frere Charles, & print la cure de luy & de ses faitz, & luy souuint qu'il estoit son pere : & à Charles, qui estoit ieune, commanda qu'il obeist audiēt Lotaire son frere, comme à luy mesmes. Apres ce l'Empereur donna congé à Lotaire de retourner en Italie. L'an de grace huyēt cens xl. Loys Roy de Bauiere, filz de l'Empereur, porta moult grief le partage que son pere auoit fait à ses autres freres sans luy. Ost assembla, & saisit aucunes des terres de l'Empereur, en Allemagne. Son pere l'Empereur le sceut, qui alla au deuant de luy à grand' puissance. Lors ledict Loys, qui veit qu'il n'estoit pas puissant pour résister à si grand' puissance, vint en humilité vers son diēt pere, qui luy remonstra qu'il auoit mal fait : puis luy donna congé de s'en retourner en Bauiere, & l'Empereur s'en retourna en France. Tantost apres son retour luy veindrent nouuelles, que ledict Loys, son filz, s'estoit de rechef releué & entré en Allemagne avec grand ost & gastoit le pays, dont l'Empereur fut deplaisant. Si alla de rechef contre luy, & passa le Rin : mais son filz ne l'osa attēdre, & se mit en fuyte par Esclaunnie, & s'en retourna en Bauiere.

L'an huyēt cens xl.

De la mort de l'Empereur Loys le Debonnaire.

Loys Debonnaire tomba en une griefue maladie, dont il mourut tūst apres



† autres disent que nō

La mort de l'Empereur Loys le Debonnaire.

Les Sarrazins vindrent à Rome & pillerēt & bruslerent les eglises.

† la Cron. de Bret. ne accorde pas à tous ces dates suynans.

V trauail & ennuuy que l'Empereur eut des troubles que luy faisoit ledict Loys, son filz, & que parauant luy auoyent fait ses autres enfans, luy print vne maladie dont il perdit du tout le boire & le manger. Quand il se sentit affoiblir il feit tendre ses pauillons en vne isle delez la cité de Mayence, & chacun iour se confelloit, & par quatre iours ne print autre viande ne refection que le corps de Iesus Christ. Lors feit apporter tous ses ioyaulx & thresors pour les departir aux pauures & aux eglises. A Lotaire donna son espée & sa couronne imperiale, par telle cōdition qu'il tiendrait & garderoit loyauté à Iudich sa femme, & à Charles son ieune frere, & luy laisseroit & defendroit la portiō du royaume qu'il luy auoit dōnée, ainsi qu'il auoit promis faire. Les Prelatz & les Barōs qui estoient au tour de l'Empereur estoient moult dolés de ce qu'il faillloit qu'ilz le perdissent : mais toutesfois estoient ilz ioyeux de la belle fin & patience qu'ilz luy voyoyent auoir. Ilz amenerent deuant luy son filz Loys, Roy de Bauiere, † qui la vint : & admonesterent l'Empereur qu'il luy pardonnast son maltalent. Ce qu'il feit, en luy remonstrant les maulx & griefz qu'il luy auoit faitz, au moyē desquelz, & de la maladie qu'il en auoit prinse par courroux, il luy conuenoit mourir. Apres ces choses le bon Empereur rendit son ame à Dieu. Le corps fut prins & embaumé, & richemēt atourné, ainsi qu'il appartenoit à Empereur : & fut par Drogo, Euesque de Metz, son frere naturel, mené enterrer en l'eglise saint Arnoul de Metz, ou il auoit esleué sa sepulture : & apres luy ledict Lotaire son filz tint l'Empire entierement. Deux ou troys ans deuant la mort dudit Loys aucuns Sarrazins des marches d'Afrique s'esleuerent, passerent deça la mer, & vindrent à Romme, & pillerent, bruslerent, & destruisirent toutes les eglises & edifices de Romme & des enuiron : mais en eulx retournant furent eulx, & tout leur pillage, submergez en la haulte mer. Peu apres le regne dudit Loys le Debonnaire Roy & Empereur fut vn Pape qui fut nommé Sergius, lequel parauant estoit apelé groing de porc : & pourtant que son nom estoit inhonnest & non conuenable à la dignité Papale, il le mua, & voulut estre appelé Sergius : & à l'exemple de cestuy les autres Papes de puis tousiours ont mué leurs nōs. Mais pource que ceste raison ne plaist pas à aucuns ilz dient qu'ilz font ceste mutation à l'exemple de Iesus Christ, qui imposa nouueaulx noms à ses Apostres, & mesmement à saint Pierre, qui fut le premier Pape, lequel parauant auoit nom Simō. Durant les diuisions qui furent entre Loys le Debonnaire Empereur, & ses enfans & Princes de son royaume, Numeneus ou Neomenius l'un des Princes de Bretagne, qui estoit venu de la lignée des Roys precedēs, s'esleua cōtre ledict Empereur, & s'exēpta de luy : & apres qu'il eut fait occire tous les gouuerneurs du pays, que ledict Empereur y auoit commis, il s'en feit & nomma Roy, † & regna vingt & vn an : puis, selon la Cronique de Sigisbert & Vincent de Beauuais, il mourut en l'an de grace huyēt cens soixāte : & regna apres luy Herispous ou Heruspogius, lequel Salomō son cousin feit occire l'an huyēt cēs soixāte & six, & ledict Salomō regna dix ans. Puis l'an huyēt cēs septāte & six fut occis par les Bretōs avec son filz, nommé Albigeon : & apres sa mort cessa en Bretagne la dignité royale : car les Bretons pour la contention de regner commirent de rechef entre eulx barailles intestines, comme dit Sigisbert.

Du Roy

Du Roy Lotaire, Loys, & Charles le Chauue, freres, & enfans de Loys le Debonnaire.



Charles deuxieme de ce nom, dict le Chauue, Roy de Frâce, & puis Empereur de Rōme, filz de Loys le Debōnaire, cōmēça à regner l'an huyēt cēs xli. & impera cōme Roy de France. xxxviij. ans, & trespāssa l'an huyēt cens lxxviij. Il fut surnōmé le Chauue, pource qu'il auoit peu de cheueulx en sa teste. Sigisbert racompte en sa Cronique, que cestuy Charles se gouuerna moult estrange- mēt quant à la façon d'habillemens, & estoit en sa maniere moult haultain, & contempnoit de viure & de soy habiller à la maniere des François, & se gouuernoit à la maniere des Gregeois. Il auoit voluntiers vestu vne grand' Dalmatiq, qui luy venoit iusques aux

L'an huyēt cens xli.

Accoustre- mens du Roy Charles le Chauue.

talōs: & auoit la teste enuēlopée d'un couurechef de soye, ainsi comme on painēt le grād Soul- dan de Babylonne, & portoit vne couronne dessus, & tousiours auoit à son costé vn grand Badelaire turquois. En l'an huyēt cens xliij. Lotaire, Empereur, & Roy de Lombardie, nōob- stant les promesses par luy faictes à feu son pere, voulut luy seul prendre, & soy ensaisiner de tous les royaumes & Empire que tenoit son pere: parquoy lediēt Charles le Chauue, & Loys Roy de Germanie, freres, luy feirēt guerre: & eurent vne bataille cōtre luy en vn lieu qui a nō Fontenay, en l'Euesché d'Auxerre, & eurent victoire, & fut lediēt Empereur Lotaire descon- fir: & n'est pas memoire qu'on veist oncques en France si grand' occision qu'il y eut en ladiēte bataille: dont les forces des François furent tellement diminuées qu'à peine de long temps eūrēt ilz puissance de deffendre les termes & limites de leurs royaumes: toutesfois lediēt Lo- taire eschapa & sen fuyt iusques à Aiz. En l'année ensuyuant huyēt cens xliij. lesdiēt Charles & Loys s'assemblerent leurs ostz pour aller contre lediēt Lotaire. Quand iceluy Lotaire sceut leur puissance, de paour qu'il eut sen fuyt, avec sa femme & enfans, bien hastiuemēt ius- ques à Vienne: & là pres assemblerent lesdiēt Roys Charles & Loys grands ostz. Finable- ment, par le con seil des grands Seigneurs & Nobles du royaume, qui estoient mediateurs de la paix, furent eulz d'un costé & d'autre des plus grāds, lesquelz diuiserent le royaume e- galement entre les freres: & demoura audict Charles le Chauue toute la terre depuis la mer Occéane, qui est en Bretagne, iusques au fleuue de Meuze, soubz le nom & tiltre de Roy de France. Loys eut toute Germanie & Allemagne, oultre & iusques au Rin: & lediēt Lotaire, qui estoit l'aîné, eut l'Empire de Romme, & tous les royaumes de Lombardie, Prouence, & vne portion de France, qui est entre les fleuues de Lescāu & le Rin: laquelle portion de roy- aume tient de present le nom de Lorraine, à cause dudiēt Lotaire. Apres ladiēte diuision & partage ainsi faictz, lesdiēt freres s'assemblerent à Verdun: & apres lediēt Lotaire, Empereur & Roy, sen retourna en Italie, & les autres en leurs terres. En l'an huyēt cens quarante quatre lediēt Lotaire, Empereur & Roy de Lombardie, enuoya à Romme Loys, son aîné filz deuers le Pape Sergius, pour auoir & obtenir la confirmation des partages & diuisions qui a- uoyent esté faictz de l'Empire, & des royaumes entre luy & ses freres: lequel Sergius cōferma lesdiēt appoinctemēs & partages: & oignit & sacra lediēt Loys en Roy des Lōbards. L'an huyēt cens xlv. les Abrodiciens se voulurēt departir de la fidelité qu'ilz auoyēt enuers Loys, Roy de Germanie, & s'esleuerent contre luy: parquoy il alla à bataille contre eulx, & les des- confit, & submit à sa Seigneurie, & tua le Roy, & meit des Ducz pour gouuerner la terre de par luy. En l'an huyēt cēs xlvj. lediēt Loys, Roy de Germanie, contraignit douze Ducz des Boesmes, & leurs subiectz, à eulx faire baptizer. En t celle année le corps saint Helene, qui fut mere de l'Empereur Constantin, & qui en Hierusalem trouua la croix de Iesus Christ, leq corps de sainte Helene estoit à Romme, fut apporté en France au diocese de Reims, & mis in cenobio Altauillacensi à grand' reuerence & honneur. En celle mesme année les Danois Normās feirent moult de maulx en France, soubz deux Ducz, l'un nommé Hastings, & l'autre t Hier- coste de fer: & entrerent par nauires le long de la riuere de Seine, & vindrent iusques à Paris, gastāt le pays: & si eurent trois batailles contre les Frisons, dont à la premiere ilz furent vain- cus, & les autres deux ilz eurent victoire. En l'an huyēt cens cinquante t Adulphe, Roy des Angloys, alla à Romme, & pour l'amour de Dieu, & pour la reparation des eglises, il consen- tit la decime estre leuée sur toute sa terre: & puis l'année ensuyuant huyēt cens cinquante & vn, en sen retournant de Romme passa par Frâce, ou il espousa Iudich, fille dudiēt Roy Char- les le Chauue, laquelle estoit ieune enfant. L'histoire dit que lediēt Adulphe, Roy d'Angle- terre, auoit parauant esté d'eglise, & estoit Archeuesque de Vincestre: & apres la mort d'E-

Lorraine pourquoy el- le fut ainsi nō mée.

t a. 849

t al. Bier gost, ou Bier cotte de fer.

t Polid. verg le nomme E- thelualphe, & d'atle l'at 847.

gbret son pere, p neccessité & faulte de lignée, les Angloys le cōtraignirēt à estre Roy & espou
 ser femme, de laquelle il eut quatre filz, qui tous furēt Roys apres luy: mais de ladiēte Iudich
 il n'eut nulz enfans, & cōme lō dit ne coucha poīt avec elle, par ce qu'elle estoit trop ieune.
 L'an Diable qui tuoit les François. Audict an huyēt cēs cinquante les François, qui estoient soubz Loys Roy de Germanie, eu-
 rent grand' guerre contre les Boesmes: & en vne baraille fut veu le Diable qui faisoit grand'
 occision desdictz François, & dist que Dieu l'auoit permis pour les pechez, orgueil, & desor-
 dre qui estoit entre eulx. En l'an huyēt cens cinquāte & vn fut si grand' famine par toutes ter-
 res, mesmemēt es Allemagnes, que l'enfant s'efforça de deuoter le pere: & lors estoit Rabanus
 Archeuesque de Mayence, qui durant icelle feit moult de biens aux pauvres. En l'an huyēt
 cens lū. cens cinquante & deux, Charles & Pepin, enfans du feu Roy Pepin d'Aquitaine, en son vi-
 uant frere dudict Charles le Chauue, voulās recouurer le royaume de leur pere, luy feirēt for-
 te guerre, mais il les desconfit & feit prendre, & les feit tondre, & mettre en religion. En l'an
 L'an huyēt cens lūi. de grace huyēt cens cinquante trois, lesdictz Danois, à present Normans, vindrent de rechef
 en Frāce, soubz lesdictz deux Ducz Hier coste de fer & Hastings, & y feirēt moult de maulx
 t als Nā tes. & entrerēt par la mer de Bretagne. La veille de pasques ilz prindrent la cité de t Vennes, &
 tuerent l'Euesq d'icelle cité, qui faisoit le seruice. Ilz tuerēt aussi tous les prestres & clercz, hō-
 mes & femmes, par ladiēte cité. Puis passerent oultre, contremont la riuere de Loire: & prin-
 drent les citez d'Angiers & de Tours, & bruslerent l'eglise sainct Martin, qui lors estoit hors
 L'an huyēt cens lūi. la cité. En l'an de grace huyēt cens cinquante quatre le pape Benoist, troisieme de ce nom, par
 la conspiration d'aucuns mauuais hommes fut depose, & en son lieu fut mis vn nommé Ana-
 stase: parquoy ledict Lotaire, Empereur, enuoya à Romme ses Legatz, par lesquels ledict A-
 nastase fut reiecté, & emprisonné, & ledict Benoist reintegré honnorablement. En celle
 année lesdictz Hastings & Hier coste de fer, Ducz des Normans, feirent grand' guerre aux
 François, & assiegerent la cité de Tours: mais ceulx de Tours, qui estoient hors d'esperance
 de secours, porterent sur les murs de ladiēte cité le corps mōseigneur sainct Martī, par les me-
 rites duquel ilz s'en fuyrent, & la cité fut sauuée. Ledit Roy Charles le Chauue combatit si
 S. Martī pro te. seur des habitās de Tours. roidement par diuerses fois lesdictz Normans, que peu en demoura. Les autres s'en fuyrēt en
 Bretagne, & de la en leur pays: auquel se sourdīt si aigre guerre entre eulx qu'ilz furent pres-
 que tous mors, & n'en demoura qu'un enfant de la lignée de leurs Roys & Ducz. En l'an
 L'an huyēt cēs cinquāte cinq. huyēt cens cinquante & cinq, ledict Lotaire, Empereur, & Roy de Lombardie, partit & diui-
 sa son royaume & Empire entre ses enfans, puis renonça le siecle, & se feit moine. Il mourut
 tantost apres. Loys, son aîné filz, eut l'Empire & Lombardie, ayant ia esté sacré Roy par le pa-
 pe Sergius: & Lotaire, second filz, eut le royaume de Lorraine: & Charles, le plus ieune, eut
 L'an huyēt cens lxx. le royaume de Prouence, & partie de Bourgoigne. En l'an de grace huyēt cens cinquante &
 neuf, Loys, Roy de Germanie, eut grand' guerre contre les Esclauons ou Vuinides, & print
 Rastrix, leur Roy, prisonnier: & luy feit creuer les yeulx, pource qu'il auoit trop de fois sa foy
 faulcée. En celle année les Bretons, voyans plusieurs des Princes de France, que Charles
 le Chauue auoit mis sur les frontieres de France & de Bretagne estre en discord, s'esleuerent
 contre ledict Charles le Chauue, avec Neomenius, qui parauant s'estoit fait Roy, comme
 dict est: & voyans lesdictz Bretons que la terre de France du costé de Bretagne n'estoit point
 gardée, par ce discord, ilz enuahirent les pays du Roy, & gasterent tout iusques à Poitiers.
 Bretons en rēt uictorie contre François. Quand le Roy le sceut il alla contre eulx pour les chacer: parquoy ilz se mirēt à retourner en
 leurs pays: & ledict Roy les suyuit iusques en leur terre, & les combatit: mais les Bretons eu-
 rent victoire & gaignerent moult de biens sur les François: par ce que les François y allerēt
 indiscretement. En l'an huyēt cens soixante mourut ledict Neomenius, Roy des Bretons, e-
 stāt deuant la cité d'Angers qu'il tenoit assiegée: & luy fut aduis que S. Maurice, ou Maurille,
 iadis Euesque d'Angers, luy resistoit: duquel il receut vn coup de baston sur la teste, & sentit
 l'ire de Dieu, dont il mourut: & luy succeda son filz Herispous, qui se recōcilia, & feit appoin-
 temēt & hommage audict Charles le Chauue en l'an viij. c. lxxj. En l'an de grace huyēt cēs
 lxxij. Lotaire Roy de Lorraine, repudia Theodeberge sa femme, & en print vne autre, nom-
 mée Vvaldrade: & à ce cōsentirent les Archeuesque de Coulongne, de Treues & autres: dont
 il acquist grosse calamité, & incita quasi toute l'Eglise contre luy. Car pour ladiēte repudia-
 tion lesdictz Lotaire & Vvaldrade furent par pape Nicolas excommuniez, & les Archeues-
 ques degradez en l'année ensuyuāt, huyēt cens soixante trois: & aussi Hubert Abbé & Duc,
 qui frere estoit de la Roine Theodeberge, s'esleua, & feit forte guerre contre ledict Lotaire.
 En l'année huyēt cens soixante quatre, voyant ledict Lotaire que pour ladiēte repudiation
 luy, & ladiēte Vvaldrade, & son royaume estoient excōmuniez, & en scandale de Dieu, & du
 monde, il fut contrainct, auant qu'obtenir le benefice d'absolution, reprendre ladiēte Theo-
 deberge

berge sa femme, & abandonner ladicte Valdrade : mais ce ne seruit de gueres : car tantost apres il la reprint, ne pour nulle autre correction ne remonstrence qu'on luy sceut faire, ne la voulut abandonner. En ladicte année Charles le ieune, Roy de Bourgongne, frere de Loys l'Empereur & dudiect Lotaire, qui nepueux estoient de Charles le Chauue, mourut en la ville de Lyon sur le Rosne, sans laisser enfans : & fut enterré en l'Abbaye des Nonnains, fondée de nostre Dame, à present nommée S. Pierre, en ladicte ville : parquoy lediect Empereur Loys, & Lotaire Roy de Lorraine, partirent son royaume, & eut lediect Loys le pays de Bourgongne du long de la riuere du Rosne, Daulphine & Prouence, & Lotaire eut le surplus. En l'an viij. cens. lxxj. apres la mort d'Herispous, comença à regner en Bretaigne Salomon, qui des lors feit alliance avec Charles le Chauue, moyennant qu'il luy feit hommage dudiect pays de Bretaigne.

L'an huyt
cens lx. et
six.

Comment le corps S. Martin de Tours fut porté à Auxerre pour la doubte des Normans: & du grand miracle qu'il feit en ladicte ville d'Auxerre: avec autres matieres.



V diect an huyt cens soixante & six les Normans Danois descendirent en France à grand puissance, & destruisirent & depopulerent les enuiron de Nantes, Angiers, Poitiers & Tours, & bruslerent l'Abbaye de Marmonstier pres Tours, tuant l'Abbé & les moynes d'icelle : parquoy les chanoines de S. Martin emporterent le corps dudiect Sainct à Orleans : & pource que lesdictz Normans, ayans tué Ranulphe Duc d'Aquitaine, & Robert le fort Marquis ou Comte d'Aniou en bataille, avec plusieurs autres, s'approchoient d'Orleans, ilz le porterent à Auxerre, ou ilz le teindrent long temps au monstier sainct Germain. Et aduint que pour les grands miracles qui se faisoient audiect monstier, les chanoines dudiect S. Germain, & ceulx qui auoyent porré & gardoyent le corps S. Martin, eurent debat & altercation, pour les oblations qui y estoient offertes par plusieurs pelerins, qui alloient visiter le corps S. Martin : & disoyent ceulx de S. Germain que les miracles procedoyent à l'intercession dudiect S. Germain : & ceulx de S. Martin au contraire : & fut appoincté qu'entre les deux corps sainctz seroit mis vn Ladre. ce qui fut fait : & tantost lediect Ladre fut guery du costé dudiect corps S. Martin : & la nuit ensuyuant le diect Ladre fut retourné, & tantost fut du tout guery : non pas pourtant qu'on voulüst conclure que lediect Ladre n'eust bien esté guery par les merites, & à l'intercession de S. Germain : mais iceluy S. Germain vouloit faire & attribuer l'honneur à son hoste S. Martin, qui l'estoit venu visiter : & par ce furent les oblations adiugées aux Chanoines de S. Martin.

Aucuns mes
tent cecy du
temps de Ro
lo, premier
duc de Not.

Miracle.

Si Germain de
Auxerre fut
honneur de
Martin son
hoste.

En l'an huyt cens soixante sept les Sarrazins, descendirent, & coururent en la contrée de Beneuent, au royaume d'Italie : & lors l'Empereur Loys alla cōtre eulx, pour les cōbatre, & à son ayde y alla son frere Lotaire, Roy de Lorraine : mais la mortalité se meit en son ost, tellement qu'il fut contraint de s'en retourner. En l'an huyt cens soixante neuf le corps S. Maur, disciple de S. Benoist, fut apporté de Gannosol, ou Glanfueil, pour la doubte des Normans, en Bourgogne, & mis en vne Abbaye qu'auoit fait edifier S. Babolin, disciple de S. Coulumbain. En l'an huyt cens septante Lotaire, Roy de Lorraine, s'en alla excuser à Romme vers le Pape Adrian, successeur de Nicolas premier du nom, de la repudiation qu'il auoit faite de sa femme : & sur son innocence luy & autres Barons de son royaume furent examinez & interrogez sur le corps de Iesus Christ qu'ilz prindrent : & vouloit on dire qu'ilz festoyent par iurez, & que par punition diuine tous ceulx qui auoyent priz le corps de Iesus Christ moururent auant vn an passé : mesmement lediect Lotaire mourut tantost apres, en s'en venant par Lombardie, en vne cité, qui a nom Plaisance : & y fut enterré en l'eglise S. Anthoine. Apres la mort dudiect Lotaire Charles le Chauue, Roy de France, se mit en voye pour aller prendre possession de son royaume de Lorraine. Semblablement, Loys, son frere, Roy de Germanie, quād il en sceut nouuelle, pour empescher lediect Charles, y enuoya p deux voyages ses deux filz, avec grand ost : mais lesdictz enfans, voyās qu'ilz n'estoyent pas puissans contre leur oncle, ne le combatirent point, & s'en retournerent sans riens faire : & ce voyant lediect Loys assembla grand ost, & courut sus, & gasta partie du royaume de France, par le moyen d'aucuns des plus grands qu'il attira à luy : & puis ilz s'appaisèrent, & diuiserent lediect royaume entre eulx. En ce temps fut le Roy Charles le Chauue en grand peine & calamité de ses enfans : car l'un, qui auoit nom Karloman, lequel estoit clerc, & ia pourueu à l'ordre de Diacre, feit plusieurs griefz & oppressions aux eglises & Abbayes qu'il tenoit en cōmande : tellemēt qu'il estoit deuenu cōme vn autre Iulian Apostat : parquoy son pere le feit mettre prisonnier : mais par le moyē d'aucuns Seigneurs de Frace, il s'eschapa, & s'en alla deuers Loys le Roy de Ger

manie son oncle, & fait alliée à luy contre son pere: auquel il fait guerre & gasta de ses terres. Son pere, le cuydant attraire par douceur, le manda venir par deuers luy: mais il n'en tint cōpte: par quoy sondict pere fait tant qu'il fut prins, & luy fut amené, & luy furent les yeulx creuez: & apres fut mené à l'Abbaye de Corbie, pour illec viure le demourant de ses iours. Semblablement vn autre, nommé Charles, vint indiscretement à vn nommé Albuyn, Cheualier, & le print par derriere, voulant sur luy experimenter sa force: lequel Albuyn, nō cognoissant qui c'estoit, & cuidant que ce fust quelqu'un qui le vouloit outrager, luy bailla par derriere vn coup de cousteau, & le tua. En l'an.viii.c.lxxiiij. Charles, filz de Loys Roy de Germanie, fut infesté & trauaillé du Diable en la presence de son pere & des Barons de son palais: & luy, estant en celle vexatiō, disoit que ce luy estoit aduenü par ce qu'il auoit voulu machiner, & faire conspiration contre son pere. En l'an.viii.c.lxxiiij. les Normans firent grand' guerre au dict Loys, Roy de Germanie, & vouloyēt de luy exiger tribut: mais il les combatit & chacea vaillamment. En l'an.viii.c.lxxv. apparut en dormant audit Loys, Roy de Germanie, l'esprit de son pere, Loys le Debonnaire, en luy adiurant & requerant en l'honneur de la sainte Trinité qu'il luy voulist ayder à mettre hors des peines de Purgatoire ou il estoit detenu: lequel Loys fait à ceste cause de grands dons & aumosnes aux eglises & Abbayes & ailleurs pour prier Dieu pour l'ame de sondict ayeul. En celle année vindrent en France les Normans, & prindrēt la cité d'Angiers, & y amenerent femmes & enfans pour y demorer. Quand le Roy Charles le Chauue le sceut il y alla accompagné de Salomon, soy disant Roy de Bretagne, & les assiegea par long temps. A la fin moyennant grand' finance qu'ilz luy payerent, il leur permit qu'ilz s'en peussent aller par la mer, leurs corps sauues, luy promettāt que iamais ne feroient mal à son royaume. Apres ladicte composition luy requierent qu'ilz peussent habiter iusques au moys de feburier, en vne isle qui est en Loyre, & qu'ilz peussent auoir viures en les payant: & durant ledict temps ceulx qui voudroyent estre Chrestiens le feroient, & les autres s'en iroyent. Le Roy le leur accorda, & de ce print ostages & fermances. Quand les Normans furent vuy dez hors de la cité d'Angers, le Roy fait remettre les corps S. Aulbin & S. Lucian, en leurs fiertes, & enchasser es lieux dont ilz auoyent esté ostez pour la doubte desdictz Normans: & quand il eut ce fait, il s'en retourna en France, & tira vers Amiens.

L'an huyt
cens lxxiiij.

L'an huyt
cens lxxv.

L'an huyt
cens septan
te & cinq.

L'ame du
Roy Loys
Debonnai-
re s'apparut
au Roy
Loys de
Germanie
son filz.

Comment Charles le Chauue fut fait Empereur de Romme.

L'an huyt
cens septan
te six.



† als Ri-
hilde,
ou Ri-
chent.

Le corps S.
maur appar
té en l'Ab-
baye des
fossez, pres
Paris.

† Sig. cin-
quante.

La ville de
Compiengne
fut bastie à
la semblan-
ce de Con-
stantinoble


EN l'an de grace huyt cens lxxvj. ledict Loys Empereur de Rōme, & Roy de Lombardie, nepueu de Charles le Chauue Roy de France, mourut: dont ledict Charles le Chauue fut ioyeux: & alla en Lombardie, & manda les Barons dudit pays, qui allerent à luy, & le receurēt honnorablement en leur Roy, puis à Romme s'en alla: & le pape Iehan le couronna Empereur, & fut appelé Auguste. De Romme s'en partit, & vint à Pauie. La tint Parlement, & ordonna des besongnes du pays, & en laissa la garde à Boson, frere de † Rixant l'Emperiere sa femme. Ledit Roy Charles le Chauue à son retour fait apporter en France le corps saint Maur, & le fait mettre en l'Abbaye des fossez pres Paris, ou il fut porté

en grand' reuerence & assemblée de gens & processions. Loys Roy de Germanie, frere du dict Charles le Chauue, ne fut pas cōtent de ce que ledict Charles le Chauue, son frere, auoit luy seul prins la possession de tout l'Empire, & s'estoit fait sacrer Empereur: & à ceste cause se preparoit à luy faire guerre: mais en ce faisoit il mourut, & laissa trois filz: c'est à sçauoir Charles, qui depuis fut Empereur, vn nommé Loys, & vn autre nommé Karloman, qui fut pere d'Arnoul, lequel depuis fut Empereur. Ledit Charles le Chauue, qui auoit préparé la guerre, pour aller contre son frere, fut ioyeux de sa mort: & alla contre ses filz iusques à Coutongne, avec biē † soixante mille hommes. Lors Loys son nepueu, vn desdictz filz, enuoya deuers luy pour paix auoir: mais il n'y voulut entendre: parquoy iceluy Loys delibera de soy deffendre, & eurent bataille, ou furent les gens dudit Empereur desconfitz, & luy fut contrainct de s'en fuir & retourner en France. Audit an.viii.cens lxxvi. ledict Charles le Chauue fait edifier la ville de Compiengne à la semblance & au plus pres qu'il peut de celle de Constantinoble: & la nomma par son nom Charlopolis, & y fonda l'Abbaye de nostre Dame, à present dicte saint Cornille. Là vindrent deuers luy les messagers du pape Iehan, qui luy mandoit qu'il alast secourir l'eglise de Romme contre les Sarrazins qui la persecutoient, ainsi qu'il auoit promis: auquelz messagers il fait respōce qu'il iroit: & fut ordonné q Loys, son filz, gouverneroit le royaume de France, par le conseil des Barons, iusques à ce qu'il fust retourné de Romme.


En

En t celle année fut tué Salomon, Roy de Bretagne, en vne eglise, par ses gens mesmes: † Cro. Brei. 884.
& apres sa mort sourdit grād' guerre entre les Bretons, pour le debat du royaume de Bretaigne. En fin Alain & Pastnetenus, freres, nepueux dudiēt Roy Salomon (au moins les plus prochains heritiers des Roys precedens) qui parauant estoient Comtes de Broheret, c'est à dire de Vennes, se nōmerent Ducz royaulx de Bretagne. Apres Pastnetenus trespasā sans enfans, ou comme disent aucuns fut occis par les Noruegiens, & demoura lediēt Alain seul au gouuernement de Bretagne certain temps, auquel temps les historiographes varient vn peu: & pour ce le laisserons, comme ne seruant pas trop à nostre propos principal.

*Comment l'Empereur Charles le Chauue alla à Romme: & comment au retour-
nant il fut empoisonné, dont il mourut.*

 Pres ee que l'Empereur Charles le Chauue eut ordōné de ses besongnes, en l'an huyt cens t lxxviii. il se meit en voye pour retourner à Romme: & avec luy mena ma dame Rixant, sa femme. les montz passa, & vint iusques en la plaine de Lombardie, ou luy vindrent nouuelles que le Pape venoit au deuant de luy iusques à Paue. Là se rencontrerent le Pape & l'Empereur, & se receurent moult honnorablement: & conferma lediēt Charles le Chauue le mariage de Boson, frere de Rixāt, sa femme, & d'Emengard, sa niepce, fille de feu son frere Loys, Empereur & Roy de Lombardie: & luy donna par lediēt mariage le royaume de Prouence, & l'en feit & couronna Roy: dont ses nepueux Charles & Karloman, cousins de ladiēte Emengard ne furent pas contēs: & furent contre luy à grād ost, parquoy il s'en retourna iusques † Cordonne. La fut couronnée la Royne Rixant Emperiere: & ce fait, ladiēte Rixāt print grāds thresors qu'ilz auoyēt portez, & s'en retourna au pays de Moriane, qui est à costé des montz S. Bernard. L'Empereur manda audict Boson, frere de l'Emperiere, qu'il auoit laissé en Lombardie, & autres Barons de Lombardie, qu'ilz veinssent deuers luy à Cordonne: mais ilz n'y voulurent point venir: car ilz auoyent iā fait conspiration contre luy, en la faueur de sesdictz nepueux, qui deuoyent estre Roys de Lombardie, & venoyent contre luy à grand' armée: parquoy il laissa là le Pape, lequel s'en alla à Romme. Sesdictz nepueux receurent nouuelles contre verité, par vn message qu'il leur mentit, que le Pape & l'Empereur venoyent contre eulx à grand' puissance: & de paour qu'ilz eurent ilz s'en fuyrent, & retournerent par la mesme voye qu'ilz estoient venuz, & par ce n'eurent point de bataille. L'Empereur se meit à chemin pour retourner en Fraece, & en s'en venant luy print vne maladie de fieure. De luy estoit moult accointé vn Iuis, qui Sedechias estoit appelé, & estoit son medecin. Vne pouldre luy bailla à boire, en laquelle, comme l'on dit, auoit poisons, & luy faisoit entendre qu'elle le gueriroit: tantost qu'il l'eut beue, il se pasma & euanoüy, & perdit tout appetit. En celle maniere passa le mont Cinis, & veint iusques en vn lieu qui se nommoit † Brios. A l'Emperiere Rixant, sa femme, qui estoit en la Moriane, entre les montaignes qui separent France & Lombardie, manda qu'elle allast à luy. Tantost qu'elle fut deuers luy arriuée il trespasā. Son corps fut ouuert, & embaumé, pour apporter en France: mais il commença à fleurir mal: parquoy ilz l'enterrerent en la cité de Verseil, en l'eglise saint Eusebe, ou il fut certain temps: & apres furent apportez ses ossemens en l'eglise saint Denis. Apres le trespas dudiēt Charles le Chauue, Charles, son nepueu, filz de Loys, Roy de Germanie, à l'ayde d'aucuns des grands de Romme, s'en saisina del' Empire de Romme. A quoy contraria le Pape Iehan, tant qu'il peult, en esperance de faire iouyr de l'Empire Loys le Balbe, filz dudiēt feu Charles le Chauue: mais il ne peult.

Comment le pays de Flandres fut erigé en Comté: & des saintes reliques que Charles le Chauue feit apporter à saint Denis.

 V temps dudiēt Charles le Chauue, le pays de Flandres n'estoit pas de si grand nom & opulence qu'il est de present, & auoit nom en Latin Silua Carbonaria, qui vault autant à dire, comme forest au charbonnier, ou du charbon, & estoit terre sterile, brehaigne & infertile: & parauant se gouernoit par ceulx qui estoient commis de par le Roy, & estoient appelez Forestiers. Le premier Forestier fut Luderic, auquel le Roy Charlemagne donna lediēt pays, reserué à soy la foy, hommage & souueraineté en sa court souueraine, qui pour lors s'appeloit la court des Pers. Ce Luderic fut marié à la fille du Duc de Braban, qui auoit nom Flandrine: & pour faire honneur & plaisir à ladiēte femme, & à sa lignée, nomma ladiēte seigneurie Flandres, à cause d'elle: & en icelle engend

*Flandres
pourquoy
fut ainsi
nommé.*

dra plusieurs enfans, & entre autres vn nommé Ingecame, qui fut second Forestier. Apres luy tint ladiete Forest, pour troisieme, Andaquier, son filz, qui engendra Baudouyn, surnommé Bras de fer. Ce Baudouyn fut si aduenteux, que voyant Iudich, fille du Roy Charles le Chauue, aller, oucôme disent plusieurs, reuenir d'Angleterre, ou elle auoit esté mariée au Roy Adulphe, comme dessus a esté touché, la print & raut & l'en emmena de force, ou de son gré (comme l'on dit) en Flandres, & ne la pouoit le Roy Charles s'auoir ne recouurer: parquoy il fut excommunié par toute l'Eglise. Aucun temps apres ledict Roy du conseil des Eueqs, Princes & Barons de son royaume, la donna en mariage audict Baudouyn Bras de fer: & luy donna de rechef ledict pays de Flandres, qu'il erigea en Comté, aux reseruations des susdictes. Iceluy Charles le Chauue fonda plusieurs belles & grandes Abbayes: & entre autres en allant à Romme fonda vne Abbaye au lieu de Nantua, qui est dedans les mons de Bresse & de Sauoye, & y donna la temporalité & seigneurie du lieu. Il fait apporter en l'Abbaye saint Denis l'un des clouz de quoy nostre seigneur Iesus Christ fut crucifié, grand partie du fust de la vraye Croix, & des espines de la couronne, & les autres reliques que Charlemagne, son ayeul, auoit apportées de Constantinoble, & mises en la chapelle d'Aiz, ou il est enterré: reseruyé le saint Suaire qu'il fait mettre en l'Abbaye de saint Cornille de Compiègne qu'il auoit fondée, & fait à ladiete Abbaye saint Denis plusieurs beaux grands & riches dons. Il translata l'indition que ledict Charles le Grand auoit estably à Aiz en Allemagne, qui est la foire qu'on appelle de present le Lendit, qui se commence chacun an le second mercredi de Iuing, laquelle se tient de present pres saint Denis en France: & affin que les marchas fussent plus curieux d'y venir, il impetra pardon general à ceulx qui y viendroyent confes, pour exercer le faict de marchandise: & en donna le reuenue à ladiete Abbaye saint Denis, avecques sept lieues le long de la riuere de Seine, à commencer au pont saint Cloud, tirant à l'endroit de saint Germain en Laye. Aussi y donna la terre de Rueil, & ses appartenances, pour recompense de ce qu'il auoit leans prins de grandes richesses, pour fournir à ses guerres. Il fait apporter & mettre en l'Abbaye de Charroitz en Poitou, que Charlemagne auoit fondée, le circoncis de nostre seigneur Iesus: & inde ladiete Abbaye est nommée en Latin *Caro filij*. Il eut t de ladiete Rixant, sa femme, vn filz qui, fut nommé Loys le Balbe: auquel l'Empire de Romme, & le royaume de France il laissa par son testament, & ordonna qu'il en fust reuestu: & pour ce faire luy enuoya par Rixant, sa femme, & par les Barons la couronne Imperiale, les royaux vestemens, & son espée, appelée l'espée S. Pierre. Il donna à l'Eglise nostre Dame de Chartres la chemise nostre Dame: & aduint vn beau miracle, qui est bien digne de memoire: car aucun temps apres les Normans Sarrazins assaillirent si cruellement la cité de Chartres que les habitans estoient hors d'esperance de secours: lors porterent ladiete chemise nostre Dame, sur les murs de la cité: & incontinent Sarrazins furent tous espouentez, excequez & aucuglez: & se meirent en fuyte, & furent desconfitz par les habitans de la ville, qui les suyirent, & en ruerent grand nombre par les champs.

La foire nommée le Lendit fut translata d'Aiz en Allemagne, à S. Denis en France.

† Autres disent de sa premiere femme, qu'est plus ueray sembl.

La chemise nostre Dame fut apportée à Chartres.

D'une femme qui par inconuenient fut esleue Pape.



En ce mesme temps & regne dudiect Chauue aduint vn grand scandale en l'Eglise de Romme: car en Angleterre auoit vne ieune fille de merueilleuse beaulté & grand engin, de laquelle vn ieune Escolier s'en amoura, & en habit d'homme la mena iusques à Athenes, ou il alla estudier. Ladiete fille, estant avecques ledict Escolier, comprenoit toutes sciences, dont elle luy oyoit parler & lire. A la parfin ilz s'en vindrent à Romme, ou icelle estant, comme dict est, en habit d'homme, tint positions & argumentations de diuerses sciences à l'encontre de plusieurs grands clercs: en quoy elle acquist moult grand bruyt & hōneur entre clercs: & tellement que vacant le siege Papal, par le deces de Leon, Pape quatrieme de ce nom, ladiete fille (croyans les Cardinaux que ce fust vn homme) fut par eulx esleue concordamment en Pape, & fut sacrée & nommée Iehā, & tint le siege deux ans t cinq moys & quatre iours. Ce pendant elle s'accointa d'un sien cubiculaire qui l'engrossa: mais Dieu, qui ne voulut longuement souffrir vn tel opprobre en son Eglise, permit qu'en allant & cheuauchāt par la ville de Romme, elle enfanta publiquement en la rue, & illec mourut: & n'est point ledict Iehā, pour la detestation de ce faict, & de foimētie du sexe, mis au cathalogue des Papes: & est escript d'elle ce verset, dont tous les motz se commencent par p, qui fut faict & composé par vn des Cardinaux de Romme. *papa pater patrum, Papissa peperit partum*. Apres luy fut fait Pape t Nicolas, premier du nom, de la nation de Rome, qui tint le siege neuf ans deux moys vingt iours: & fut

Une femme pape. t Pla. vn moys. t Plar. Benoist. 3. que Nic. fut pap. 6. ans 9. moys. 13 iours.

& fut homme de grand' sainteté, tellement qu'après Gregoire le Grand n'à esté trouué son pareil à presider au saint siege Apostolique. En ce temps estoit homme de grand' vertu ^{Docteur subtil Iehan l'Escot.} Iehan l'Escot: qui est appelé entre les clercs le Docteur subtil: lequel, à la requeste du Roy Charles le Chauue, translata la Hierarchie saint Denis, de Grec en Latin: & feit plusieurs autres belles escriptures.

Du Roy Loys le Balbe ou Begue, auquel Pape Iehan vint à refuge, pource que les Rommains le persecutoyent: & comment la femme dudit Loys demoura grosse d'un filz, apres son trespas.



LOys, deuxieme de ce nom, dict le Balbe, ou le Begue, filz de Charles le Chauue, Roy & Empereur, commença à regner l'an huyt cens septante & huyt, & trespassa le deuxieme an de son regne l'an huyt cens quatre vingtz, & gist en l'eglise saint Cornille de Cöpiengne, que son pere auoit fondée. Cestuy Loys fut surnommé le Balbe, pource qu'il auoit la langue vn peu courte, & balbucioit en parlant. Apres le trespas de son pere Charles le Chauue, la Roynne Rixant sa [†] mere, & les Barons qui auoyent esté à la mort de son pere, qui estoit mort en retournant de Lombardie, vindrent deuers luy à Compiengne, ou le trouuerent: & luy apporterent l'espée saint Pierre, la couronne Imperiale, & les aornemens royaux que son pere par testament auoit laissez, & ordonné luy estre baillez & apportez: & fut couronné à Reims, le iour de Noel l'an huyt cens septante & huyt. Apres son sacre il s'en partit pour aller guerroyer contre les Normans, qui gastoyent tous les pays du long des riuieres de Seine & Loyre: & en vne bataille en tua cinq mil & plus: & alla iusques à Tours, où il fut si malade qu'il cuyda mourir. En l'an de grace huyt cens septante & neuf, Pape Iehan fut fort persecuté par aucuns des Princes de Romme, qui le constituerent prisonnier, par ce qu'il ne vouloit fauoriser ne couronner ledict Charles, nepuëu de Charles le Chauue, qu'ilz vouloyent faire Empereur: toutesfois ledict Pape feit tant qu'il eschapa de prison: mais il fut contrainct s'absenter. Il se meit sur mer, & vint iusques à Arles le blanc, & enuoya deuers Boson, frere de l'Emperiere Iudich, qui estoit Roy de Prouence: lequel luy enuoya gens pour le conduyre iusques à Lyon. De la manda au Roy Loys le Balbe, ou le Begue, qu'il vint au deuant de luy iusques où il pourroit: mais le Roy, qui estoit encores foible d'une maladie qu'il auoit eue, n'y peut aller, & luy pria qu'il vint iusques à Troyes: & enuoya au deuant de luy plusieurs Euesques & Seigneurs de France, & ordonna que les Euesques luy feissent ses despens. Quand le Roy fut guery il alla deuers luy iusques à Troyes, le plus tost qu'il peut. Là tindrent conseil d'aucunes matieres. Apres allerent à Soissons, où ledict Pape Iehan couronna ledict Loys, en l'eglise saint Marc, Roy & Empereur: & fut ledict Pape pres d'un an en France. Ledict Loys le Balbe, qui encores n'auoit nulz enfans de la femme qu'il auoit espousée, & auoit seulement d'une concubine deux bastardz, l'un nommé Loys & l'autre Karlomā, pria le Pape qu'il les voulsist couronner Roys: mais le Pape ne le voulut pas faire. Apres ces choses ledict Pape s'en retourna à Romme, & l'enuoya ledict Boson, Roy de Prouence, iusques en Lombardie: & meit ledict Pape grand' peine de cuyder faire iouyr ledict Loys le Balbe de l'Empire de Romme: mais aucuns des Princes & Seigneurs de l'Empire de Romme, qui i'auoyent fait couronner Charles, filz de feu Loys, Roy de Germanie, luy contrarierent: & pour ladicte cause firent plusieurs griefz & iniures audict Pape: & depuis ce temps les Roys de France n'ont point iouy de l'Empire de Romme. Apres le partement du Pape feit ledict Loys le Balbe le mariage de Loys, son filz bastard, à la fille de Boson, Roy de Prouence: & incontinent iceluy Loys le Balbe fut surprins d'une griefue maladie, de laquelle il alla de vie à trespas en l'an huyt cens quatre vingtz, en la ville de Compiengne, où il fut enterré, en l'eglise saint Cornille. Il laissa sa femme, qui soeur estoit du Roy d'Angleterre, grosse d'un filz, qui long temps apres fut Roy de France, & appelé Charles le Simple: laquelle Roynne, apres le trespas de son mary, se retira avecques son frere en Angleterre, par ce qu'autres surprindrēt le royaume: & y auoit grand' cōtrouersie en France, pour auoir le royaume. Car les vns vouloyent que lesdictz Loys & Karloman fussent Roys: les autres vouloyent que Boson, Roy de Prouence, le fust: & les autres vouloyent que le royaume fust reioinct & vny au royaume de Germanie, que tenoit Loys, filz de feu Loys, Roy de Germanie.

Docteur subtil Iehan l'Escot.

L'an huyt cens septante & huyt.

† Autres disent marastre.

L'an huyt cens septante & neuf.

Le Pape Iehan vint en France.

Depuis quel temps les Roys de France n'ont point iouy de l'Empire.

Comment après le trespas de Loys le Balbe aucuns Francoys feirent couronner Loys & Carloman, ses bastardz, & aucuns autres Barons feirent couronner Boson de Prouence.

Bien tost apres le trespas dudit Roy Loys le Balbe, aucuns des Barons de France s'assemblerent, & enuoyerent querir Loys & Karloman, enfans bastardz dudit Loys le Balbe & de sa concubine: & les feirent tous deux couronner Roys de France, en l'eglise saint Pierre de Ferrieres, en Gastinois: & semblablement ledit Boson, Roy de Prouence, dont cy deuant a esté parlé, se fait couronner Roy d'Aquitaine, & se voulut faire Roy de France, & assembla grand ost, & entra en France, deuers le pays de Bourgongne, ou il fait de grands maulx.

Après le couronnement desditz Loys & Karloman, nouuelles leur vindrent que les Danois Normans couroyent, pilloyent, & gastoyent les pays de France: & auoyent ia gasté par feu & par glaiue les pays & terres d'Artois, Flandres, Haynault, Liege, Coulongne, & autres, & vindrent iusques en Touraine. Incontinent lesditz deux Roys allerent contre eulx à grand' armée: & les desconfirent, & en tuerent bien neuf mil en vne bataille, en vn lieu pres Chinon, sur la riuiere de Vienne, en laquelle il s'en noya grand' quantité: & apres s'en retournerent iceulx Loys & Karloman, à grand' triumphe de leur dite victoire.

*Les Normans
furēt de re-
chef descon-
fitz par les
Francoys.
L'an huyēt
cens quatre
vingt &
un.*

En l'année ensuyuant huyēt cens quatre vingtz & vn lesditz Normans meirent sus grāds nauires & plusieurs gens sur mer, & coururent les pays d'Angleterre: puis vindrent en France, ou ilz feirent moult d'inhumanitez, & se vindrent eulx arrester en la coste de Flādes, & prindrent & occuperent la ville de Gand, ou ilz seiournerent. En celle année vn nommé Hugues, qui estoit filz de feu le ieune Lotaire, Roy de Lorraine, & de Valdrade sa concubine, qu'il auoit prinse à femme quand il eut repudié la sienne, amassa plusieurs larrons & gens vagabondz, pour cuyder recouurer le royaume de Lorraine: mais lesditz Roys Loys & Karloman allerent contre luy, & luy tuerent tous ses gens.

Comment le Roy de Germanie vint en France, en intention d'estre Roy: & de la mort desditz Loys & Carloman, bastardz de Loys le Balbe.

Deux Princes de France, l'un nommé Gosselin, & l'autre Conrad, enuoyerent deuers Loys, Roy de Germanie, cousin de feu Loys le Balbe, & luy pmettoyēt le faire iouyr du royaume de France, s'il y vouloit venir. A ceste cause ledit Roy de Germanie & sa femme, à tout grand nombre de gens, vindrent en France, & marcherent iusques à Verdun & à Ribemont: mais ilz congurent tantost que les dessusditz Gosselin & Conrad ne leur sçauoyent tenir ce que

*† Autres
un &
deux.*

*† Autres di-
sent qu'il e-
stoit pour
eulx.*

ilz leur auoyent mandé & promis: parquoy ilz s'en retournerent, & conseruerent paix avec lesditz Roys Loys & Karloman. L'an huyēt cens quatre vingtz & trois, apres ce que lesditz Roys Loys & Karloman eurent donné ordre à la guerre contre les Normans, qui estoient en Flandres & à Gand, esmeurent guerre contre ledit Boson, par ce qu'il estoit ia entré en Bourgongne avecques grand' exercite, là ou il tyrannisoit: & estoit venu à son ayde Charles, Empereur de Romme. Lesditz Loys & Karloman, Roys, chācerent hors de la cité de Mascon ledit Empereur & Boson, & donnerent icelle cité avecques tout le pays adiacent, qui estoit du royaume de Prouence, à vn de leurs Cheualiers, nommé Bernard Plantepelose: pourquoy ledit Empereur s'en retourna à Romme, avecques sa courte honte, & ledit Boson s'en fuyt à Vienne, ou lesditz Loys & Karloman le suyirent, & alerent apres, & l'assiegerent avecques sa femme, sa fille & autres ses gēs, & fut la cité prinse, & ceulx qui estoient dedās tuez: toutesfoiz ledit Boson eschapa, & s'en fuyt es montaignes.

*† Autres
deux &
trois.*

*Les Normans
vindrēt de
rechef en
France.*

En l'an huyēt cens quatre vingtz & iiii. pource que durāt ledit siege de Vienne lesditz deux freres Roys eurent nouuelles q les Normans estoient soubz Godefroy & Sigifroy leurs Roys de rechef entrez en Frāce, & ia auoyēt gasté, prophané, & destruit par feu & par glaiue plusieurs citez, eglises, & Abbayes, tuez les Euesques & prestres de Treues, Coulongne, du Liege, Amyens, Arras, Therouenne, Peronne, Cambray, Reims, & gasté tout les pays du long des riuieres de Lescan & de Somme, & estoient iusques à Moson, ledit Roy Loys laissa ledit Karloman audit siege de Vienne, & s'en vint en France, pour faire guerre ausditz Normans, & eut bataille contre eulx, mais il fut desconfit: & tantost apres luy print vne maladie, durant laquelle il se fait apporter à saint Denis, ou il mourut: & fut enterré en l'eglise S. Denis en France, comme Roy couronné au rāg des Roys de France, combien qu'en aucunes Croniques les acteurs desdaignent luy & ledit Karloman, son frere mettre au nōbre des Roys,

Roy, par ce qu'ilz estoient bastardz. Quand ledi& Karloman, qui estoit au siege de ladi&e cité de Vienne, sceut la mort de son frere Loys, il s'en vint pour faire guerre aux Normans.

En l'année ensuyuant huy& cens quatre xx. & cinq mourut en la ville de Tours ledi& Roy Karloman, & fut enterré à saint Denis, comme Roy couronné, aupres dudi& Loys, son frere. Pour la doubte desdi&tz Normans, qui auoyent destrui& le monastere de saint Vvalery & saint Riquier, les corps dudi& saint Vvalery & saint Riquier furent transportez au chastel de saint Omer lez Flandres, & y furent iusques au temps de Hue Capet.

L'an huy&
cens quatre
vingtz &
cinq.

De Loys Fayneant, & de Charles Empereur de Romme, qui fut fait Roy en son lieu, & regna cinq ans.



Apres la mort desdi&tz Loys & Karloman tint aucun peu de temps le regne Loys, filz d'iceluy Karloman, qui fut surnommé Fayneant: & fut ainsi nommé par ce qu'il fut homme de peu de efficace, adonné à lubricité: & pour entretenir ses paillardises & plaisances desordonnées, fait de grandes exactions sur les subiectz du royaume, par le conseil des ieunes gens estans avec luy, qui luy obtemperoyent à ses voluntez: & comme on dit, de sa malheureté il espousa vne nonnain qu'il tira de l'Abbaye de Chelles sainte Baudour, pres Paris. qui est vn des grands pechez qu'un homme peult faire, & abominable à Dieu & aux hommes. Iceluy Loys Fayneant

Loys Fayneant, Roy de France espousa une nonnain de Chelles.

par sa lascheté & pusillanimité, combien qu'il eust grand' puissance de gens, que son pere auoit assemblez pour faire guerre ausdi&tz Normans, & que lesdi&tz Normans fussent desconfitz, ce neantmoins il fait paix à eulx, & leur promet payer par chacun an t douze mil liures d'argent iusques à douze ans: parquoy les François, qui ne voulurent souffrir estre tributaires ausdi&tz Normans, voyans sa lascheté & pusillanimité, le deposèrent, & le mirent hors du regne, & le firent tondre moine à saint Denis: & en son lieu par nécessité, & pour ob-

Aucuns attribuent ce-cy à Karloman, son pere.

uier à l'oppression desdi&tz Normans, les aucuns appelerent en leur ayde, & firent couronner Roy de France, Charles Empereur de Romme, qui filz auoit esté de Loys, Roy de Germanie, & nepueu de Charles le Chauue. Lors estoient de rechef descenduz en France grand' quantité de Danois Normans Sarrazins, qui estoient venuz de deuers Louuain, & gastoy&ent tout le pays, & vindrent iusques deuant Paris, & l'assiégerent avec bien quarante mil hommes: mais t Casselin, qui Euesque estoit de la cité de Paris, l'Abbé de saint Germain, & Eude, Comte de Paris, qui apres fut couronné Roy de France, la defendirent & garderent si bien, par les merites de nostre Dame & des benoistz corps sainte Geneuiefue, saint Germain & saint Marcel, qu'ilz ne la peurent prendre, & se departirent: mais auant leur departement ilz bruslerent & destruisirent les eglises & monasteres de saint Germain des prez, & sainte Geneuiefue hors Paris, dont les corps saintz auoyent esté retirez dedans la cité: & desdi&tz Normans n'en eschapa vn seul: qui fut grand' grace de Dieu, car à l'occasion de celle belle victoire se tindrent longuement de venir en France. Ledi& Charles Empereur tint & posseda le royaume de France l'espace de cinq ans: & trespassa l'an huy& ces quatre vingtz & dix. Et combien qu'il ne soit point compté au nombre des Roys, toutesfois il fit plusieurs biens en France, & eut plusieurs victoires contre les Danois Normans. En l'an huy& ces quatre vingtz & cinq, voyant qu'il ne les pouuoit expulser, il fit appointement avec deux de leurs Roys ou Ducez. L'un fut nommé Godefroy, auquel il donna en mariage t Gaybe,

t al. Gousselin.

Normans furent desconfitz deuant Paris, & n'en eschapa un seul.

L'an huy& cens quatre vingtz & cinq.

fille du feu Roy Lotaire, & luy donna le pays de Frise, moyennant que luy & les gens fussent baptisez. L'autre estoit nommé Sigifroy, auquel, & à ses cōplices, il fit de grands dons: c'est à sçauoir douze mil liures d'argent pour les faire vuyder hors de la terre de France, & prindrent trefues iusques à douze ans: mais ce nonobstant apres le trespas dudi& Empereur Charles, ilz refirent guerre aux François, & disoyent qu'ilz auoyent fait appointement avecques le feu Empereur Charles, mais non pas avecques les François. En l'an huy& cens quatre vingtz & sept mourut Baudouyn le Chauue, filz de Baudouyn bras de fer, Comte de Flandres, dont dessus à esté parlé, qui auoit eu à femme Iudich, fille de Charles le Chauue: & fut enterré à Gand. Il laissa deux filz. L'aîné, nommé Arnoul, qui fut Comte de Flandres, donna à son frere Adalin la terre de Boulongne sur la mer, & Therouenne: & espousa la fille de Hebert, Comte de Vermandois, de laquelle il eut vn filz, nommé Baudouyn, qui apres fut Comte de Flandres, surnommé le ieune.

t sig. & autres la nomment Gille, & disent que ce fut l'an 884.

L'an huy& cens quatre vingtz & sept.

*Comment ledict Charles, Roy & Empereur, fut porté en esprit
en Paradis & en Enfer.*



De plusieurs
merueilleu-
ses visions
qui furent
monstrées à
l'esprit du
Roy Char-
les.

Vincet de Beauuais en son liure historial, recite qu'un iour de Dimenche à heu-
re de minuyt, ainsi que ledict Charles, Roy & Empereur, retournoit de mati-
nes, vne voix & vn esprit s'apparut à luy, tenant vn ploton de fil de lin, & luy
dist: Charles, pren le bout de ce fil, & le noe à ta main. Ce qu'il feist: & par cedit
fil fut l'esprit d'iceluy Charles descendu es enfers, ou il veit ses grands peres &
oncles en diuers tourmens: ausquelz il demanda pourquoy ilz souffroyent telles peines, les-
quelz luy respondirent que c'estoit pour les guerres & discordz qu'ilz auoyent faictz entre
leurs freres & le peuple, pour acquerir possessions, terres, & biens mondains. Apres ce ledict
Charles fut mené en vne mōtaine pleine de feu, ou auoit toutes manieres de metaulx bouil-
lans: & dedās y auoit vn merueilleux nombre des ames des Capitaines de ses ancestres, tour-
mentez de diuers tourmens, selon les maux & rapines qu'ilz auoyent faictz en leur temps:
lesquelz feirent audict Charles de diuerses complainctes. Puis apres fut mené en vne valée,
qui d'un costé estoit doulce & resplēdissant, & d'autre part toute ardāt & bouillant: & se ti-
ra deuers le costé bouillant ou il trouua deux fontaines: l'une estoit trop chaulde: l'autre estoit
clere, mais fort impetueuse: & là estoient deux vaisseaux, en l'un desquelz estoit son pete Loys
Roy de Germanie & Empereur de Rōme, dont il fut moult espouenté: lequel parla à luy, &
luy dist: Charles n'aye point de paour, ie sçay qu'à present ton esprit est transporté, & tu re-
tourneras au monde en ton propre corps (car ainsi Dieu l'a permis, affin que tu veisses pour
quelz pechez moy & les autres sommes tourmentez) vn iour ie suis en baing bouillant, l'aut-
re iour ie suis en baing qui n'est pas si chault, par les merites de saint Pierre & de saint Re-
my, par lesquelz noz predecesseurs ont regné: & si tu me veulx ayder de prier & faire prier
Dieu pour moy ie seray incontīent deliuré, car mon frere Lotaire & son filz sont ia deliurez,
& sont en Paradis par leurs prieres. Et apres luy dist: Tourne toy, voyla deux vaisseaux qui
sont appareillez pour toy, si tu ne t'amendes, dont ledict Charles fut moult esbahy: & quand
celuy qui le menoit veit qu'il estoit en si grand' terreur, il le mena en Paradis, ou il trouua en
grand honneur Lotaire son oncle, & aupres de luy son filz Loys. Ledit Lotaire luy dist:
Charles mon successeur vien à moy: ie sçay que tu as passé de mauuais passages pour venir
icy, & as veu ton pere en peine, de laquelle par la grace de Dieu il sera deliuré comme nous
auons esté: & si sçay q ta puissance te sera de brief ostée, & peu de temps viuras apres: & sem-
blablement luy dist ledict Loys, filz de Lotaire: Charles, mon cousin, tu tiens de present mon
Empire, que de droict hereditail deuoit auoir Loys, filz de ma fille. Et ce dict sembla audict
Charles qu'il veit venir la present ledict Loys, petit enfant, & que celuy qui le menoit par la
main, luy vint desnoer le bout du fil qu'il tenoit en sa main, dont luy fut aduis qu'il laissoit le
regne Imperial. Apres ce fut retourné l'esprit dudit Charles en son propre corps, & vescu
deux ans apres.

L'an huyt
cens quatre
vingtz &
huyt.
L'an huyt
cens quatre
vingtz &
neuf.

En l'an huyt cens quatre vingtz & huyt ledict Empereur Charles, voy-
ant qu'il ne pouuoit venir à bout desdictz Danois Normās, pour demourer en paix avecques
eulx leur donna vne partie du pays de Neustrie, oultre la riuere de Seine, dont les habitan-
s d'icelle s'estoyent contre luy rebelloz, & laquelle partie à *Normans Normania denominata est.*
En l'an huyt cens quatre vingtz & neuf ledict Charles, affin qu'il peust viure plus soli-
tairement, il se feit par l'Archeuesque de Verseil separer d'avec sa femme, & afferma q iama-
is il n'auoit eu cōpagnie charnelle d'elle: & sadiete femme, qui de ce fut contēte, afferma qu'elle
estoit encores pucelle, laquelle se mit en religion. Depuis les Rommains le deposerent de
l'Empire, & feirent Empereur Arnoul, qui estoit son nepueu, filz du feu Roy Karloman de
Germanie, qui tint l'Empire douze ans.

De Eude, Comte de Paris, qui tint le regne de France.

L'an huyt
cens quatre
vingtz &
dix.
† Boucher
ne le tient
pas pour tel
L'an huyt
cens. iij. xxx
& unze.



N l'an huyt cēs quatre vingtz & dix, apres le trespas dudit Charles Empereur
de Rōme, qui auoit regne en France cinq ans, aucuns des François qui ne te-
noyēt encores cōpte du petit Charles, filz de Loys le Balbe (duquel la mere, qui
estoit soeur du Roy d'Angleterre, estoit demourée grosse, & depuis s'estoit tous-
iours tenue en Angleterre, & leq petit Charles auoit ia x. ans ou enuiron) esbourēt
& feirent couronner Roy Eude Comte de Paris (lequel estoit filz de Robert Côte d'Angers,
que les Normās auoyēt tué en vne bataille, & frere de Robert †, Duc d'Aquitaine) & fut cou-
ronné Roy de France iceluy Eude: & cōmença à tenir le regne l'an de grace huyt cens qua-
tre vingtz & vnze, & feit grand' guerre aux Danois Normās, & les desconfit plusieurs fois.

En la

En lapremiere année qu'il fut couronné Roy lesditz Danois Normans vindrent iusques deuant Paris : & pource qu'ilz ne peurent entrer dedans, ilz allerent assieger la cité de Sens : mais ilz ne le peurent prendre : & par cetirerent vers Bourgongne. Richard Duc de Bourgogne, qui en fut aduerty, vint au deuant à grand' armée iusques à S. Florentin : & les combatit, & en tua grand nombre, & les autres chacea. En l'année ensuyuant viij.cens iiij.xx. & xij. le ditz Danois Normans retournerent de rechef deuant Paris : & n'y peurent riens faire pour la resistance qu'y feit le Roy Eude, & ceulx de la cité. Si s'en retournerent le long de la riuere de Marne : & allerent gastant le pays de Champaigne, la cité de Troyes, & plusieurs autres destruisirent par feu & par glaiue iusques à Verdun. Vne partie desditz Danois Normans retournerent de rechef deuers Paris, en l'année viii.cens iiij.xx. & xiiij. & allerent deuers Bretaigne. Les Bretons vindrent au deuant, & les combattirent, & sur eulx eurent deux victoires, ou ilz en tuerēt biē douze mil. Ledit Eude auoit vn frere (comme diēt est) qui estoit nommé Robert, comme leur pere : lequel fut Duc d'Aquitaine, & fut ayeul du Roy Hue Capet : & eut ledit Robert vn filz de la sœur de Hebert Comte de Vermédois, qui fut appelé Hue le Grand & fut Comte de Paris, & pere dudit Hue Capet, dont sera parlé cy apres. En l'an huyt cēs iiij.xx. & t xv. Raoul, filz de Roson, Roy de Prouence

L'an huyt cens quatre uingt & unze.

L'an huyt cens quatre uingt & douze.

L'an huyt cens quatre uingt & quatorze.

t sig. & autres disent dix.

L'an huyt cens quatre uingt & seize.

& dura ledit royaume de Bourgongne par long temps. En l'an huyt cens quatre vingtz & seize, Berno filz d'un Comte en Bourgongne se feit moyne : & fut Abbé de Gigny, qu'il auoit fondé : & semblablement du don de la Côtessé Yne, fonda premierement l'Abbaye de Clugny. Aucun temps apres mourut ledit Loys, que l'histoire appellé Fayneant, qui auoit esté fait moyne.

Incident, qui parle de la constitution des Electeurs de l'Empire : & d'un miracle de S. Martin.



Epuis le temps que les ossemens de S. Vit Martir furent transferez, comme nous auons dit, de Paris & mis au monastere t d'Orbine en Saxongne, le presage fut que la gloire des François, qu'ilz auoyent à l'Empire, seroit trāsferée aux Saxos : & aussi depuis le trespas dudit Loys le Balbe, il ne se treuve point que les Roys de France ayent tenu l'Empire de Romme, ains fut translaté à ceulx de Saxongne, apres que les Berengiers eurent quelque temps vsurpé l'Italie, & quelques Germains, le royaume de Germanie : & le teindrent lesditz Saxons subsecutiuelement l'un apres l'autre par succession de temps iusques au nombre de trois, qui tous eurent nom Othon : & apres le trespas du dernier Othon fut fait vn statut à Aiz la chapelle par les Princes d'Allemagne, que la seigneurie de l'Empire ne viēdroit plus par succession : mais que par sept qui seroyēt officiers de l'Empire, les Empereurs seroyēt deslors en auāt esleuz & establiz. Desquelz sept Electeurs y en auroit trois d'Eglise, qui seroyent ditz Chāceliers de l'Empire, & quatre laiz. Ceulx d'Eglise sont l'Archeuesque de Mayence, Chancelier pour Germanie ou Allemagne : l'Archeuesque de Coulongne, Chancelier pour Gaule ou Frāce, & l'Archeuesque de Treues, Chācelier pour les Italies. Les quatre electeurs laiz sont le Marquiz de Brandebourg, qui est grand Chābellam de l'Empire : le Comte Palatin, grand maistre d'hostel l'Empire : le Duc de Saxongne, Connestable del'Empire, & le Roy de Bohesme, grand Eschançon de l'Empire : lequel Roy entre lesditz Electeurs est comme neutre & mediateur : Vnde versus :

t al Cor beic.

Establissement fait touchant les Electeurs de l'Empire. Les noms des electeurs de l'Empire.

Maguntinensis, Treuerensis, Colonienfis:

Quilibet imperij fit cancellarius horum:

Et Palatinus dapifer, Dux portitor ensis,

Marchio prepositus camere, pincerna Bohemus:

Hi statuunt dominum cunctis per secula summum.

Entre lesquelz electeurs se sont plusieurs fois trouuez de grāds differens, & ensuyuis guerres, dont le fait de l'Empire est fort diminué : & à ceste cause dit on q l'Aigle à pdu plusieurs de ses plumes, & à la fin elle demourera toute nue. Le p̄mier Empereur, qui fut esleu, fut nommé Hēry, & estoit Duc de Bauiere. Il eut vne sœur nommée Gille, qui fut mariée avec Estiēne, Roy de Hongrie : & demourerent elle & son diēt mary en virginité & chasteté : & sont tous deux sanctifiez : & fut ladiēt Gille cause de la conuersion des Hongres à la foy Chrestienne. En cēluy temps fut rapporté à Tours le corps saint Martin, qui auoit esté porté à Auxerre, pour la doubte des Normas : & ainsi qu'on alla prēdre la chasse dudit corps saint, la chasse du corps de monseigneur S. Germain d'Auxerre, qui estoit pres, & ioignāt, se leua, & sans ayde de personne cōuoia la chasse S. Martin iusques à la porte de ladiēt eglise, puis s'en retourna en sa place : & en amenant ledit corps S. Martin iusques à Tours furent veuz plusieurs miracles : en-

L'Aigle à p̄sin perdra ses plumes.

De deux coquins qui furent malgre eulx gueriz par s. Martin. tre lesquelz aduint q̄ deux coquins cōtrefaiſt̄z, qui ſenſuyoyent (pource qu'ilz ouyrēt dire que es lieux ou arriuoit & paſſoit le corps dudit ſainct Martin, tous malades eſtoient gueriz) & ne vouloyēt pas eſtre gueris, affin d'auoir occaſiō de touſiours coquiner, en fuyant rencontrerent la chaiſſe dudit corps au bout d'une ruelle, & malgre eulx furent gueriz. Les arbres florifſoyent par ou le ſainct corps paſſoit parmy les champs, combien que ce fuſt en yuer, & les lāpes & cierges ſ'allumoyent es eglīſes miraculeuſement.

Da Roy Charles le Simple, couronné à quatorze ans.

L'an huyt
cens quatre
vingt &
dixneuf.



† Ainſi dit il
de Loys. 3.
Cp̄eult / a-
buſer icy.
Tantres n'en
comptēt que
doux, ſant
pour la date
de l'an que
pour l'age.

Charles troſieme de ce nom, diſt le Simple, filz de Loys le Balbe, autrement diſt le Begue, fut né l'an huyt cēs quatre vingtz, & ne cōmēça à regner Roy paſſible ou ſeul qu'en l'an huyt cēs quatre vingtz dix neuf: durant lequel temps aucuns de ſes tuteurs gouvernerent le royaume pour ſa minorité d'age, & deceda le vingſſep- tieme an de ſon regne. Apres la depoſition de Loys Fayneant, dont parlé a eſté cy deſſus, & pendant que lediſt Eude tenoit le royaume, & qu'il eſtoit allé en guerre guerroyer contre les Normans, aucuns des Barons de Frāce, † à la perſuaſion & pourſuyte du Roy d'Angle- terre, qui eſtoit oncle dudit ieune Roy Charles de par ſa mere, en l'an huyt cens quatre vingtz & quatorze l'enuoyerent querir en Angleterre, ou il auoit eſté nourry, & ou luy & ſadiſte mere ſ'eſtoient touſiours tenuz depuis le trespas dudit Loys le Balbe ſon pere, & le feirent couronner Roy de France, eſtant encores en l'age de † quatorze ans, en l'eglīſe de Reims, par Foulques Archeueſque de ladiſte eglīſe: dont lediſt Eude fut moult courroucé & deſplaiſant, & ſe fit & eſmeut grande guerre audiſt ieune Roy Charles, la quelle dura longuement. Il ſemble que tous les deſſus nōmez, qui ſe ſont diſt̄z & nommez Roys, & qui ont tenu le regne depuis le trespas dudit Loys le Balbe iuſques à ce ieune Roy Charles le Simple, ne doibuent point eſtre comptez, ne mis au nombre des Roys de France venus en directe ligne: car ilz n'ont eſté qu'vſurpateurs.

Des maulx que feirent les Normans en France: & de la mort d'Eude Comte de Paris, qui auoit eſté couronné Roy, apres lequel Robert, ſon frere, ſe ſe fit couronner: & de ce qui en aduint.



L'an huyt
cens quatre
vingt &
dixneuf.

Robert com-
te de Paris
voulut uſur-
per la courō-
ne de Frāce.

† La Cron.
Bret. ſemble
cōp̄er 822.
† aſs. Po-
hel.

Ar pluſieurs fois eſtoient les Danois Normans deſcendus en France: mais du temps de Charles le Simple ilz y feirent de plus grand maulx & inhumanitez qu'on ne ſcauroit dire, ſi que peu demoura de villes & places entieres en France, que routes ne fuſſent deſtruiſtes, & le peuple tué & mort. En ce temps auoit vn Duc ſur eulx, nommé Roul, lequel departit ſes oſtz en trois: l'un monta contre la riuere de Seyne, l'autre le long de la riuere de Loyre, & l'autre par la riuere de Gironde à Bordeaux: & ainſi ſ'eſpandirent par toute France. L'an huyt cens quatre vingtz xix. mourut lediſt Eude, Comte de Paris, qui auoit eſté couronné Roy de France: & fut enter- ré à ſainct Denis. A ſon trespas il cōiura tous les Barons de France qui eſtoyēt avec luy, qu'ilz obeiſſent au ieune Roy Charles le Simple, diſant qu'il eſtoit & deuoit eſtre leur vray & natu- rel Roy & ſeigneur, & que luy, & tous ceulx qui auoyent occupé le royaume depuis la mort de Loys le Balbe ſon pere, auoyent eſté tyrans & vſurpateurs de la couronne de France: mais ce neantmoins apres ſon trespas, Robert ſon frere, Duc d'Aquitaine & Comte de Paris (qui auoit eſpouſé la ſœur de Hebert, Comte de Vermandois, en laquelle il auoit engendré Hue le Grād, qui apres fut Comte de Paris) voulant vſurper le royaume ſe ſe fit couronner Roy de France: & troubla ſi fort le royaume, que pluſieurs des grands Princes furent de ſon party, & contraires audiſt Charles le Simple: mais ceſte temerité & preſumption ne vīnt pas à bon- ne & ioyeuſe fin, comme nous verrons cy apres. En l'an neuf cēs & deux print vne maladie a l'Empereur Arnoul, p̄ laq̄lle deuīnt ſi plain de vermine de poulx, & en fut ſi affligé qu'il luy cōuint mourir, & n'y ſceurent medecins dōner remede n'ayde. En l'an de grace neuf cēs & ſept mourut Alaī, Duc de Bretagne: & luy ſuccederēt Iudicael & Colledoc ſes filz, qui apres deſſaillirent de vie, de pouoir & de lignée. Ces deux freres auoyent vne ſœur, fille du Duc A- lain le grand, laquelle fut femme de Matrudons, Comte de † Porhoet, qui d'elle eut vn filz ap- pelé Alain Barbetorte: & ſen fuyrent leſdiſt̄z Matrudons & Alain, pour les perſecutions des Normans, & Adelſtan Roy d'Angleterre les receut (car il eſtoit parrain dudit Alain) & les entretīt iuſques à l'an ix. c. xxxvj. que lediſt Alain Barbetorte retourna en Bretagne: & cha- cca

ceale diétz Normans, & les desconfit en trois batailles: puis regna au pays, & print à femme la fille de Thibault, Comte de Chartres, dont il eut vn filz appelé Drogo.

† alias.
sœur.

Comment le Roy Charles le Simple fait appointement à Roul, & luy donne le pays de Neustrie, à present appelé Normandie.

Durant lesdictes guerres & diuisions, iceluy Roy Charles le Simple, apres plusieurs batailles & rencontres qu'il feist contre les Danois Normans, & par longues & diuerses années, qui longues seroyent à racompter, voyant qu'il ne pouoit venir à bout d'eulx, par le conseil & assentement des Princes & Barons du royaume, affin d'obuier aux grands maulx & inconueniens qu'ilz faisoient, par le moyen de Francon, l'Archeuesque de Rouen, feist appointement & alliance avec Roul, ou Rolo, leur Duc. Et par iceluy appointement luy donna en mariage sa fille, nommée Gille, avecques toute la terre depuis la riuere d'Epte, qui passe à saint Cler, iusques à la mer: laquelle terre estoit lors appelée Neustrie, *id est*, neufue Austrie: & deslors les Normans l'appelerent de leur nom Normâdie: & apres par corruptele de langage a esté & est appelée Normandie: lequel pays estoit l'ancien heritage de la couronne de France. Et fut diét qu'iceluy pays seroit le propre heritage de ladicte Gille, & des enfans qui ystroyent de son mariage, & non autrement: & lediét pays erigea le Roy en Duché, moyennant que lediét Roul se feroit baptizer: & par ce moyen fut iceluy Roul baptizé, en l'an ix. cens & douze, par Francon, Archeuesque de Rouen, & fut nommé Robert, par le Comte Robert de t. Paris, qui le leua sur fons. A l'exemple dudiét Roul, tous les Normâs qui estoient Payens se feirent baptizer: & apres ce iceluy Robert feist hommage audict Roy Charles le Simple d'iceluy pays de Neustrie, qui encores de present est appelé Normâdie. Or aduint qu'apres ce que lediét Roul, ou Rollo, eut la possession dudiét pays & seigneurie de Normâdie, & qu'il en fut paisible, il reiecta de luy ladicte femme Gille: & la feist mourir piteusement l'an neuf cens & treze, & n'en yssirent aucuns enfans: & par consequent tant par droicte forfaiture, comme selo la couenance du traité dudiét mariage, il est cler qu'apres la mort de Roul ladicte Duché de Normandie deuoit retourner de plain droict au Roy de Frâce. Et est vray qu'auant qu'il fust Chrestie il fesoit enamouré d'une fille, nommée Pompée, laquelle estoit fille de t. Guy, Comte de Vvoysin, & estoit Chrestienne & luy Sarrazin, & eut sa compagnie, tellement qu'il en yssit vn filz, nommé Guillaume longue espée, lequel estoit *ex dāabili coitu*. parce qu'ilz n'estoyent point maryez, & son pere estoit Sarrazin & sa mere Chrestienne: & l'Eglise deffend tous mariages & copulations charnelles, soit en mariage ou hors mariage, de Chrestie ou Chrestienne avec Sarrazin, ainsi qu'il est traité. xxviii. q. ij. c. *Sic enim neque. S. his uerbis, uerfi. cur fidelem, inde coitu, & c.* Et par consequent iceluy Guillaume estoit inhabile à succeder audict Duché. Ce neantmoins par la puissance & impetuosité desdictz Normans iceluy Guillaume s'ensaisina dudiét pays: car les Roys de France estoient lors pauvres, & conuint qu'ilz le souffrissent & passassent par dissimulation: parquoy appert que tous les successeurs dudiét Roul ont possédé lediét pays à mauuais tiltre. Ce luy Robert, auant nommé Roul, fut si grand & si rigoureux iusticier que merueilles: & tellement que les Normans ont encores de coustume quand on leur fait aucun grief, de l'appeler en ayde, & crier ha Rou. Lediét Robert ou Roul fonda l'eglise nostre Dame de Rouen, & y est enterré en la chapelle saint Romain, qui est la plus haulte, à la dextre partie de l'entrée de la nef d'icelle eglise: & trespasa en l'an de grace neuf cens dixsept: & sont ces vers escriptz sur sa representation:

Dux Normanorum, cunctorum norma bonorum

Rolo ferus, fortis, quem gens Normannica mortis

Inuocat articulo, hoc iacet in tumulo.

Ipsi prouideat tua sic clementia Christe,

ut semper uideat cum cetibus angelicis te.

† Cestuy Duc Roul ou Robert, engendra de sa femme Pompée lediét Guillaume longue espée. Iceluy Guillaume engendra Richard, qui fut surnommé aux longues iambes. Richard engendra vn autre Richard. Lediét Richard vn tiers Richard, qui fut frere de Robert pere de Guillaume le bastart, qui conquist Angleterre: & par ainsi appert que dudiét Roul sont descenduz les Ducz de Normandie, & les Roys d'Angleterre. En l'an neuf cens & treze Loys, filz de Boson, Roy de Prouence, fut pour la seconde fois appelé par les Princes d'Italie, & y fut couronné Roy: mais le deuxieme an d'apres fut prins à Veronne par Berenger son compétiteur, qui luy feist creuer les yeulx.

P. Emi. &
P. Vét. font
bien enten-
dre cecy au
trement.

Roul Duc
de Norman-
die espousa
Gille, fille
du Roy
Charles le
Simple.

L'an neuf
cens & xii.
† autres di-
sent de
Poitiers.


† autres di-
sent Beren-
gier Comte
de Beau-
uais, & la
nommēt Opis
en latin, &
Poupe en
Francois.

† se remez
ceste race se-
lon les bōs
auteurs,
parce qu'il
le estoit fort
corrompue,
& au uel
exemplaire
mesme.

Comment

Comment Charles le Simple deffit en bataille Robert Duc d'Aquitaine, frere du feu Roy Eude: & comment ledict Charles fut fait prisonnier à Peronne, ou il mourut: & de Roul de Bourgongne couronné apres luy Roy de France.

L'an neuf
cens seize.



Le Roy
Charles le
simple mou-
rat comme
martyr au
chasteau de
Peronne.

† P. Emi.
et autres
ne font que
un de ce-
luy, et de
l'autre d'i-
cy dessus.

† Anno. dit
X. domont.

† Aucuns
disent an
2. an du re-
gne de Ro-
ul, et que
ledict Roul
mourut
lors.

EN l'an de grace neuf cens & seize Charles le Simple eut guerre contre Henry, Roy de Germanie, & print sur luy le royaume de Lorraine: mais l'an neuf cens vingt & deux ilz feirent appointement ensemble, & luy rendit iceluy Charles ledict royaume. Audiēt an neuf cēs vingt & deux Robert Duc d'Aquitaine, frere du Roy Eude, s'estant parauant fait courōner, comme nous auons dict, & ayāt attiré à soy grāde partie des principaux Barons de France, feit forte guerre audiēt Charles le Simple, iusques à se donner iournēe pres la ville de Soissons: en laquelle Robert fut desconfit & tué, & plusieurs de ses gens aussi, à l'ayde du Roy Henry de Germanie. De sa mort & desconfiture fut Hebert, Comte de Vermandois, son serourge, moult courroucé & desplaisant, & delibera de sen vēger contre ledict Roy Charles: & de fait en l'an de grace neuf cens vingt & quatre, ou au mēme an que dessus, comme disent aucuns, il inuita par grand' semblāce d'amytiē ledict Roy Charles le Simple pour le festoyer: & feit tant qu'il le feit aller iusques à Peronne, & en sa cōpagnie plusieurs des grāds Princes & Barons de France. Quand il y fut, & qu'il le tīt en sa puissance, il le retint luy & plusieurs desdictz Barōs & Seigneurs qui estoient en sa compagnie, & les mit prisonniers au chasteau de Peronne: mais tantost il deliura des Princes & Barōs qui estoient avec le Roy, moyennant qu'ilz luy feirent serment que jamais pour ladicte cause ne feroient ne feroient faire guerre contre luy: & retint seulement le Roy, lequel il tint si estroitement prisonnier, qu'en l'année. ix. cens. xxvi. *ut exul et martyr moritur*: & fut enterre en l'eglise collegial de saint Fourcy, audiēt Peronne. En l'an neuf cens xxvij. apres la mort de Charles le Simple, vn Lorrain nommé Chrestien, qui se faignoist estre malade, par cautelle trouua façō de prendre Gilbert, auquel deuoit appartenir le royaume de Lorraine, & l'ennoya à Hēry Roy de Germanie, auquel Charles auoit transporté ledict pays de Lorraine: lequel Roy Henry quād il eut veu & ouy la prudence dudit Gilbert, luy dōna sa fille nommée Gille, ou plustost Geberge, en mariage, & luy redit ledict pays de Lorraine. Audiēt an Roul Roy de Bourgongne d'oultre le mōt Iura, ou est maintenāt la franche Cōté, fut par les Italiēs deicte du royaume d'Italie, ou ilz l'auoyēt fait leur Roy, & esleurent en son lieu Hugues Comte d'Arle. Iceluy Charles le Simple auoit eu à femme Ogine, fille du Roy Edouard d'Angleterre, & d'elle auoit eu vn filz nommé Loys: lequel au trespas de son pere de moura ieune: parquoy † Roul, filz du Duc Richard de Bourgōgne, que ledict Charles le Simple auoit leuē de sons, en la cité de Soissons se feit couronner Roy de France. Aquoy ledict Roy Charles, estant detenu prisonnier à Peronne, auāt son trespas auoit donné son consentement, comme disoit ledict Roul: & à ce s'accorderent aucuns Barons de France, par ce qu'il n'y auoit lors homme plus propice pour gouuerner & deffendre le royaume. Et voyant ladicte Royne Ogine, le grand trouble qui estoit au royaume, & qu'elle n'y pouoit resister, sen alla deuers Adelstā, lors Roy d'Angleterre, son frere: & emporta avec elle son petit filz Loys, & la fut enuiron treze ans. Ledit Roul, filz du Duc de Bourgongne, tint le regne de France iusques à l'an neuf cens trentesept, qu'il mourut en la ville d'Auxerre, & fut enterre à sainte Columbe de Sens. Durant son temps descendirēt en Bourgongne grand quantité de Payēs: & lors les François & Bourgongnons allerent à lencontre, & les combattirent en vn lieu qui à nōt † Charolles, ou il en mourut plusieurs, & aussi y mourut grand' quantité de Chrestiens. Iceluy Roul fonda l'Abbaye de S. Lomer en la ville de Bloys sur Loyre. Audiēt an. ix. cens trentesept, apres le trespas dudit Roul, Adelstan, Roy d'Angleterre, manda à Guillaume longue espée, Duc de Normandie, qui filz estoit du Duc Roul, & le pryoit qu'il voulsist estre aydant à restituer Loys son nepueu au royaume de son pere, Roy de Frāce, qui luy appartenoit par droicte succession. A la petition duquel tresvoluntiers s'accorda: & avec l'ayde de Hue le grand Côte de Paris, & aucuns Princes, Prelatz & Barōs de France, enuoyerēt † querir en Angleterre ledict Loys, & ladicte Ogine sa mere: & quand il fut venu, ilz le feirent couronner Roy de France solennellement en la cité de Laon. Tantost apres mourut ledict Adelstan Roy d'Angleterre: & apres luy succeda son filz nommé Emōd, que eut vne fille nommée Edich, qui fut mariée à Othon l'Empereur. En ce temps les Angloys faysoient vne grand' solennité le iour de la feste saint Augustin, qui fut le premier Euesque d'Angleterre: & aduint qu'ainsi que ledict Emond, Roy d'Angleterre, tenoit court planiere, estant à table en sa salle de parement, vn lāron paillard, à qui il auoit sauue la vie, luy bailla d'vne espée & le tua: &

& apres luy fut Roy son frere Eldret, qui fut moult vaillant & sage, & sceut moult d'escriptures. Il t^{ra}nslatà en sa langue le liure d'Orose, le Pastoral de saint Gregoire, les Croniques de Bede, & Boece de Cōsolation: & auoit en sa chambre vne chandelle ardant, diuisée en vingt & quatre parties, dont il employoit les huyt à lyre & escripre, autres huyt en repos, les autres huyt à besongner es affaires de son royaume. Enuiron ce tēps fut la seigneurie de Bloys sur Loire erigée en Côte, & en fut le premier Comte vn nommé Gillo, qui estoit de la lignée des Danois Normans, c'est à sçauoir du Duc Roul. Durant le regne de Charles le Simple en peu d'espace de tēps eut huyt Papes à Rōme, qui feirēt plusieurs schismes & choses scādaleuses: & entre autres eut grand schisme entre Formosus & Sergius: & fut contrainct Formosus abādonner Romme, & s'en venir en France: puis trouua façon de retourner à Rōme, & print la Papauté: & tātost apres mourir. parquoy ledict Sergius se remit au siege Papal: & par t^{ra} vengeance feit deterrer le corps dudit Formosus, qui estoit mort, & le feit habiller des aornemēs pontificaulx, & mettre au siege Papal: & la luy feit coper la teste & gecter le corps en la riuie-
re du Tibre, en laquelle aucuns pescheurs le trouuerent, & fut apporté à l'eglise: & incontinct qu'il y entra miraculeusement les images visiblement s'enclinerent, & le saluerent venerable-
ment, presens plusieurs qui la estoient.

† P. Verg.
attribue ce
cy à Alured
myeul d'A-
delstan.
Bloys fut
erigée en Côte.

† Plac. dit
que ce fut
Eustien. 6.

Du Roy Loys, filz de Charles le Simple, qui feit pendre le Comte Hebert, qui auoit fait mourir Charles le Simple son pere.



LOys, troysieme de ce nom, filz de Charles le Simple, cōmē ça à regner seul l'an neuf cens trentesept, ou vingt huyt selō aucuns: & regna iusques en l'an neuf cēs cinquāte cinq: & fut courōné en la cité de Laon, & gist à S. Remy de Reims. Cestuy Loys eut à femme Geberge ou Engeberge, sœur du ōmier Othon Empereur, & tante du second Othon aussi Empereur, lequel premier Othon auoit espousé Edith fille d'Emond, Roy d'Angleterre: & Hue le Grand, Comte de Paris, auoit espousé l'autre sœur dudit Empereur, nommée t^{ra} Haygode, en laquelle il engendra Hue Capet, qui depuis fut Roy de Frāce, comme sera veu cy apres. Ce Roy Loys ne meit pas en oubly l'iniuré qui auoit esté faicte à Charles le Simple son pere, par le Comte Hebert de Vermandois: toutesfoys le dissimula il par aucun temps: & comme ainsi fust que de tout son pouoir il trauaillast à entretenir en amour les Princes, Barons & Seigneurs de son royaume, aduint qu'un iour il les feit inuiter à vne solennelle feste, & tint court planiere en la cité de Laō. Là vindrēt plusieurs grāds Princes, Barons & Cheualiers, qui estoient mandez: & entre autres y vint ledict Hebert, Côte de Vermandois, qui y fut inuité. Et quand ilz furēt assemblez vn iour en la presēce de tous par fiction vint deuant le Roy vn hōme habille comme vn courrier ou messager: lequel s'agenouilla à ses piedz, faignant venir d'Angleterre, le salua, & luy presenta vnes lettres de par Emond Roy d'Angleterre, son cousin. Le Roy qui congnoissoit le messager, qui estoit appelé Galopin, le salua par son nom familièrement: & print lesdictes lettres, & les feit lire par son Chancelier tout bas deuant luy. Et quand il les eut leues le Roy se print à soubzrire & à dire tout hault: Vrayement on dit bien vray quand on dit q^{ue} les Anglois ne sont gueres sages: mais ce n'est pas de merueilles: *quia Anglia dicitur extra climata*. Lors les Princes commencerent à le regarder, & à demander & enquerir pourquoy c'estoit qu'il disoit telles parolles: & le Roy leur dist: C'est mon cousin le Roy d'Angleterre qui me mande qu'il est aduenu en Angleterre que vn homme rustic de son pays à semons son seigneur, de qui il estoit subiect, à aller disner à sa maison, & quand il y a esté il l'a prins & detenu, & puis apres la estranglé & faict mourir de mort villaine: & dit mō cousin qu'il veult auoir l'oppinion de vous autres Princes, Seigneurs & Barons de France, & vous prie que vous le cōseillez qu'il en doit faire. Et lors Thibault, Côte de Bloys, qui estoit le plus anciē, & réputé le plus sage de la compagnie, par le cōmādemēt du Roy cōmença à parler, & dist: Je suis d'oppiniō, & me semble que cestuy rustic qui ce à faict, doit estre pēdu & faict mourir ignominieusement, & tellemēt q^{ue} ce soit en perpetuel opprobre & des hōneur de ses parēs & amys: à l'exēple des autres de nōn ainsi faire. Quād le Côte de Bloys eut acheuē de pler tous les autres Princes & Seigneurs qui la estoient, & mesmemēt ledict Hebert, Côte de Vermandois, furēt de sō oppiniō, & approuerēt sa sentēce: & lors le Roy adressa sa parolle audit Hebert, Côte de Vermandois, & luy dist: Le te iuge & cōdampne p^{ar} ta bouche mesmes: tu sçais Hebert q^{ue} tu inuitas & appelas feu mō seigneur mō pere, q^{ue} Dieu absolue, p^{ar} beau sēblāt d'amytie, soubz vmbre de le festoyer à aller māger à ta maisō, & quād il y fut

† als, Ha-
cinde. P.
Emil. A-
uide.

† P. Em. ne
tient pas ce
cōpte vray.

Cauteleuse
questiō pro-
posée par
le roy Loys
en la presē-
ce de ses
Barons.

Du mont Hebert, & pourquoy il est ainsi appelé. tu le retins & feiz mourir ignominieusement: & par ce ie te condamne à estre pendu & estranglé: car tu receuras maintenant ce que tu as desseruy. Et ainsi fut lediſt Hebert prins & mené sur vn hault mont, lequel à cause de luy est encores de present appelé le mont Hebert.
En l'an neuf cens xxxvj. mourut Raoul, Roy de Bourgongne & *omnis Cisalpinæ Gallie*: & luy succeda Conrard, son filz, audiſt royaume.

Des Hongres qui vindrent en France: & comment plusieurs des Princes de France se fleuerent contre le Roy.

L'an neuf cens trente-huyſt.



† autres disent pere, toutes foys selon Sig. & autres sondiſt pere mourut l'an 937.

† sig. ne les marie qu'en l'an 943. & P.Em. 942.

Des Ducz de Bretagne.

Le second an du regne dudiſt Roy Loys, qui fut. ix. c. xxxviij. les Hongres, qui estoient encores Sarrazins, passerent par Allemagne, & Austrasie, & gasterent par feu & par glaiue les villes & citez, & passerent le fleuve du Rin, & vindrent en France: & commencerent à gaster Bourgongne, Champaigne, France, & trauserent tous les pays iusques à la mer Occane: & outre ce lediſt Hue le Grand, Comte de Paris, serourge dudiſt Roy Loys, & plusieurs des Princes & Seigneurs de France, à la suggestion de Henry Roy de Germanie, frere † de ladiſte Engeberge Roine, firent conspiration, & se fleuerent contre lediſt Roy Loys. Quand il veit qu'il n'y pouoit bonnement resister il s'efforça de faire paix audiſt Henry, Roy de Germanie: mais ice luy Henry n'y voulut entendre: & par ce lediſt Roy Loys alla à conseil au Duc de Normandie, Guillaume l'ogee espée, qui le receut honnorablement comme son seigneur souverain: & par son moyen lediſt Henry de Germanie fut content de venir à appointement avec lediſt Roy Loys, & allerent iusques sur la riuere de Meuze. La se trouuerent & assemblerent les deux Roys de France & de Germanie: & par le moyen dudiſt Duc Guillaume de Normandie, apres plusieurs allées & venues fermerent amitié & alliance. A leur retour de ladiſte assemblée lediſt Roy Loys eut nouuelles que la Roine Engeberge sa femme † auoit eu vn filz, dont il fut moult ioyeux. Il le feit leuer sur les fons par lediſt Duc Guillaume de Normandie, & luy pria qu'il luy meist à nom Lotaire. ce qu'il feit: & fut l'enfant baptizé à Laon. De la lediſt Guillaume s'en alla à Rouen: & aucun temps apres il fut espris de deuotion, & feit veu de soy mettre en religion. Il assemblea vn Parlement de ses Barons de Normandie, & leur dist ce qu'il auoit deliberé & volente de faire, & enuoya quier Richard son filz, qu'il faisoit nourrir & apprendre en l'Abbaye de Fescamp: & le feit receuoir par les Barons en Duc de Normandie: & est celuy qui fut appelé Richard aux l'ogues iambes. Lediſt Duc Guillaume feit restaurer & refaire les Abbayes de Fescamp & Iumieges, qui par les guerres precedentes des Danois Normans auoyent esté du tout demolies & destruites, & estoit tout le pays d'environ inhabité, & en hayes & desfers. Environ ce temps le Duc Alain Barbetorte & son frere, que les Normans auoyent chacez de Bretagne la petite, & estoient retirez deuers Adelstan, Roy d'Angleterre, estans retournez en Bretagne, en chacerent lesdictz Normans Sarrazins, & gagnerent trois batailles sur eulx. Lediſt Barbetorte se feit Duc de Bretagne, à cause de sa mere: & fonda l'eglise collegial nostre Dame de Nâtes, ou il est enterré. Il eut à femme la fille de Thibault, Côte de Chartres: & d'elle eut vn filz, nommé Drogo: & ordonna à sa mort qu'il regnast apres luy: mais sa femme, mere dudiſt Drogo, se remaria à Foulques, Comte d'Aniou, lequel par affection de regner en Bretagne feit eschauder en vn baing lediſt enfant par sa nourrice, tellement qu'il mourut: mais ce neantmoins les Nantois refuserent lediſt Foulques, & firent seigneurs sur eulx les autres enfans dudiſt Alain Barbetorte, appelez Hoel & Guerech, que lediſt Alain auoit engendrez en vne noble Dame, auant qu'il print la sœur dudiſt Comte Thibault de Chartres. Hoel l'aisné eut la principaulté, & assaillit par armes Conan de Renes, filz de Iuhael, filz du Comte Beranger, qui estriuoit & contendoit par lignage auoir la seigneurie de Bretagne: lequel Conan feit occire Hoel, par vn sien Cheualier nommé Galuron. Apres sa mort Guerech, son frere, fut Duc de Nantes, & eut vn filz, nommé Alain. Et pource que lediſt Guerech feit guerre contre lediſt Conan de Renes, qui auoit fait mourir son frere, iceluy Conan le feit empoisonner par son medecin, nommé Henricus, Abbé de Redon: & assez tost apres Alain, filz dudiſt Guerech, mourut par maladie: & ne demoura de toute la lignée de Barbetorte que deux filz, l'aisné nommé Iudicael, l'autre nommé Hoel, que lediſt Hoel, filz aisné dudiſt Barbetorte, auoit engendré en vne concubine. Conan de Renes print adonques Nantes, & se feit Duc de toute Bretagne: cōtre lequel le Vicomte Hemon, frere des Ducz Hoel & Guerech, de par Iudich leur mere, combatit par deux fois: & en la derniere bataille l'occist, en l'an neuf cens xliij. & restitua à Iudicael son nepueu la principaulté de Nantes.

Commen

Comment Arnoul, Comte de Flandres, feut en trahyson tuer Guillaume, Duc de Normandie.

EN l'an de grace neuf cens xliij. Arnoul, Comte de Flandres, qui faisoit moult de griefz à ses voyfins, tollut au Côte Heloyn de Monstreul, le chastel de Möstreul. Lediēt Heloyn vint à plaincte deuers Hue le Grand, Comte de Paris; duquel le-
 diēt chastelestoit tenu en hommage: mais lediēt Hue luy feit responce que pour vn chastel il ne prendroit pas guerre audiet Arnoul, qui estoit grand & puissant Prince. Si alla apres lediēt Heloyn deuers le Roy Loys de France, qui estoit Seigneur souuerain: mais nulle ayde ne faueur n'en peut auoir: parquoy sachāt que lediēt Duc Guillaume de Normandie estoit puissant & charitable, se tira vers luy, & luy remonstra son piteux cas: & le bon Duc charitablement luy donna secours, & assembla ses gens. Le chastel, qui estoit moult fort, assiegea, & par force le print: & puis le rendit audiet Heloyn, qui le luy vouloit donner: dont lediēt Arnoul, Comte de Flandres, fut moult courroucé contre luy: & machina de s'en venger, & de le faire mourir, & fallia avecques aucuns des Barons de France. En l'an neuf cens xliij. lediēt Arnoul, Comte de Flandres, comme desloyal & trahystre, mada audiet Duc Guillaume que voluntiers auroit à luy parlemēt, & que pour l'amour de luy il pardonneroit son maltalent au Comte Heloyn. Le bon Duc, procedant de bonne foy, desirant bonne paix avec lediēt Comte de Flandres, s'accorda de parler à luy pour faire paix: & s'assemblerent en vn lieu ou il ya vne petite isle dedans la riuere de Somme, pres le chastel de Picquigny, ou lediēt Arnoul l'entretint longuemēt de belles parolles, & soubz beau semblant tout le long du iour, iusques à soleil couché. Et ainsi que lediēt Guillaume, Duc de Normandie, entra au bateau pour sortir hors de l'isle, & soy retourner en son logis, les gens dudiēt Côte Arnoul luy vindrēt dire que leur maistre auoit oublié à luy dire aucune chose, & qu'il luy prioit qu'il parlast encores à luy, pendant q̄ ses gens passeroient la riuere. Si retourna le Duc Guillaume, non pensant à mal, soy fiant aux promesses dudiēt Comte: & si tost que ses gens qui estoient au bateau pour passer, furent eslongnez du riuage, ilz le tuerent tresinhumainemēt, par le cōmandement dudiēt Arnoul, leur Seigueur: auquel Duc Guillaume, son filz Richard, qui estoit ieune succeda. Le corps dudiēt feu Duc fut prins, & emporté par ses gens, & enterre en l'eglise nostre Dame de Rouen, en la chapelle sainte Anne.

L'an neuf cens quarante & deux. Le chasteau de Möstreul, tenu en hommage de Hue le Grād Comte de Paris.

L'an neuf cens quarante & trois.

Le Comte de Flādres feut tuer le Duc de Normandie en trahyson.

Comment le Roy voulut saisir Normandie apres le trespas du Duc Guillaume: par ce que son filz estoit soubz aage, mais les Normans ne le voulurent souffrir: & comment le Comte de Flandres s'excusa de la mort du Duc Guillaume.

TAntost apres le trespas dudiēt Duc Guillaume, lediēt Roy Loys, par le conseil & a la persuation dudiēt Arnoul, Comte de Flandres, alla en Normandie, pour saisir & mettre la terre en sa main, & droit à Rouen s'en alla. Incontinēt courut la nouuelle par la cité de Rouen, & par tout le pays de Normādie, que le Roy vouloit tollir la terre au petit Duc Richard: & deslors cuyderēt les Normās de Rouē prendre & oultrager le Roy, qui de ce eut grand' paour: & par le conseil de † Bernard le Danois, Comte de Senlis, il print l'enfant Richard entre ses bras, & ainsi parla au peuple de Normandie, en leur disant qu'il estoit la venu pour garder & deffendre lediēt petit Duc Richard, & l'enfaisiner & vestir de sa terre, pour appaiser leur fureur. Quand ilz veirent que le Roy tenoit ainsi l'enfant entre ses bras, ilz s'appaiserent, moyennant qu'il saisist & vestist lediēt petit Duc de la Duché, & l'en receust en garde & en foy & hommage: & promist aux Bourgeois de Rouen qu'il le feroit bien introduire & apprendre en la doctrine du Palais, & qu'il vengeroit la mort du Duc Guillaume, son pere: & soubz vmbre de ce emmena avecques luy lediēt enfant en France, en la cité de Laon. Auquel enfant les Normans baillerent, pour le conduyre, gouuerner & introduyre, vn ancien & sage Cheualier, nommé † Currus: mais toutesfois lediēt Roy porta bien mal paciemment la villennie & oultrage que les Normans luy auoyent faicte, ou voulu faire. En ces entrefaictes lediēt Arnoul, Comte de Flandres, se doubta moult q̄ le Roy apres son retour ne luy courust sus, pour raison de la mort dudiēt feu Guillaume, Duc de Normandie: & s'enuoya excuser deuers luy, & luy enuoya de tresgrāds dons & presens, & promit qu'il luy liureroit & enuoyroit ceulx qui auoyent fait l'homicide: & par ces messagers feit admonester le Roy, & tel conseil luy dire secretement, que le meilleur estoit que l'enfant Richard eust les iarestz eneruez, & mis en maniere qu'il ne se peust ayder, & qu'il fust bien gardé en prison, & les Normans fussent contrainctz à mettre ius l'armée qu'ilz auoyent: & par ainsi le Roy se pourroit enfaisiner de sa terre, que son pere Charles

† Guag. en fait deux, Bernard le Danois, & Bernard, Côte de Senlis.

† als Osmond.

Du faulx cōseil que le Côte de Flādes donna au Roy Loys

le Simple auoit alienée de la couronne de France, comme par force, ainsi que vous auez veu cy deuant en ce qui est escript dudit Charles.

Des rigoureux termes que le Roy tint au ieune Duc Richard, parquoy son maistre l'en emporta secretement en Normandie.



Le Roy, qui fut suborné & auéglé par les dons & malles parolles des messagers dudit Arnoul, le deliura du crime qu'il auoit commis en la mort dudit Duc Guillaume, & luy en bailla abolition. Lors que ce fut fait le Roy estoit à Laon. Vn iour aduint que l'enfant Richard estoit allé au gibier avecques son maistre, nommé Currus, lequel (comme dist à esté) auoit la charge & le gouuernement de sa personne, de par les Normans. Quand l'enfant fut retourné du gibier, il vint deuant le Roy: lequel sans grand' cause, couleur, n'occasion le print formé à menasser & iniurier, & l'appela filz de putain: & luy dist que s'il ne se chastioit & gouuernoit autrement il luy feroit oster les iaretz, & l'osteroit de tout honneur: & commanda qu'il fust bien gardé, en maniere qu'il ne peust eschaper. ce qui fut fait. Currus, le maistre de l'enfant, qui eut ouy ces parolles, & la griesue menace du Roy, fut moult dolent, & s'esbahissoit dont ce pouuoit proceder. Si pensa comment il pourroit oster l'enfant de ce danger: & aucuns iours apres dist à l'enfant qu'il se couchast au liét, & saignist d'estre fort malade. L'enfant, qui estoit sage de son aage, contrefit tres bien le malade, & tellement que ses gardes, qui-cuydoient que ce fust à bon escient, ne firent pas grand' force de le garder. Vn iour que le Roy faisoit feste solennelle s'en allerent lesdictes gardes en la salle, l'un ça, l'autre la, pour veoir la feste. Si aduint qu'en la chambre, ou l'enfant gisoit, auoit vn faisceau d'herbe verte, Currus print l'enfant, & le lya dedans l'herbe, & soubz vn manteau le porta hors, fignant qu'il portast ladicte herbe, pour faire mager à ses cheualx. A celle heure estoit le Roy au man ger, & peu de gens estoient par les rues. Lors Currus monta sur son cheual, & l'enfant deuant luy soubz vn manteau, & secretement le mena iusques à Coucy en Vallois. La le meit & bailla en garde au Chastelain du lieu: car Bernard le Danois, Comte de Senlis, oncle dudit Richard, estoit seigneur dudit Coucy. Puis cheuaucha Currus seul iusques vers Bernard Comte de Senlis, & luy compta la besongne: dont ledit Bernard fut bien ioyeux: & allerent eulx deux querir l'enfant, bien accompaignez, & l'amenerent à Senlis: & quand il fut là à seureté, lesdictz Bernard & Currus allerent à Paris deuers Hue le Grand, Comte de Paris, qui estoit filz du feu Comte Robert, que Charles le Simple, pere dudit Roy Loys auoit tué deuant Soissons: & le persuaderent tellement qu'il fut de leur party, & promit ayder à l'enfant: & assemblerent & meirent sus grand' puissance de gens en armes, & emmenerent ledit petit Duc Richard en ses pays de Normandie.

Le petit Duc de Normandie fut deliuré, & mis à seureté par son maistre & gouuerneur

De la promesse que feit le Roy à Hue le Grād de quelques villes de la Duché de Normādie.



Quand le Roy sceut ces choses, il manda à Hue le Grand qu'il luy r'enuoyast l'enfant Richard. Ledit Hue luy manda qu'il ne le tenoit pas en sa possession, & qu'il estoit en la garde dudit Bernard Comte de Senlis: parquoy le Roy manda tātost le Comte Arnoul de Flandres qu'il vint deuers luy: & quād il fut venu, il conseil-la au Roy qu'il attrahist à luy ledit Hue le Grand. Lors māda le Roy audict Hue qu'il vint deuers luy, & promit luy donner les seigneuries d'Eureux & Bayeux, mais qu'il luy aydast à conquerir le surplus de la Duché de Normandie, depuis Seine iusques en Bretagne, s'il vouloit adherer avec luy & estre de son party. Quand Hue ouyt parler de si grandes promesses, il fut auéglé, & faulsa sa foy qu'il auoit promise aux oncles dudit petit Richard: & se ioignit au Roy & audict Arnoul, Comte de Flandres. Grands ostz assemblerent le Roy & ses alliez, pour aller contre les Normans. Le Roy & le Comte Arnoul entrerent en Normādie, par le pays de Caulx, & assiegea Rouen. Ledit Hue le Grand alla par la terre de Bayeux, & assiegea la cité, gastāt tout le pays. Quand Bernard le Danois veit qu'ilz gastoyent ainsi tout le pays, par le conseil des Barons il alla avecques aucuns Bourgeois & messagers de Rouen deuers le Roy: & luy dirent que la cité de Rouen estoit à son commādement & à sa volonté, & luy supplierent que debonnairement il voulsist prendre & retenir en sa main la seigneurie des Normās, & faire cesser le gast du pays: car bon fait chāger seigneur fol, ieune & pauvre, pour auoir seigneur sage & puissant: le pays retournera dont il partit à voz predecesseurs: pour Dieu ne le destruyez pas sans cause. De ces nouuelles fut le Roy ioyeux, & manda à ses gens qu'ilz cessassent de gaster le pays: puis s'en alla à Rouen, & le Comte Arnoul de Flādres & sa compagnie, ou ilz furent honnorablement receuz. Les Normans luy supplierent qu'il voulsist

Hue le Grād faulsa sa foy dont il se repenit par apres.

De la palia-tiō des Nor-mans qu'ilz feirent au Roy Loys.

voulüst tenir le pays en sa main, & luy promirent feaulté. Oultre luy dirent qu'ilz festmerueilloient bien comment il auoit ainsi attrait & alyé à luy ledict Hue le Grand, qui si long temps l'auoit trauaillé & esté son ennemy, & toutesfois il luy auoit baillé vingt mille hommes en sa puissance, dont apres il luy pourroit faire guerre & dommage. Par ces patolles fut le Roy appaisé contre les Normans, & pensa sur ce qu'ilz luy auoyent dit: puis manda audict Hue le Grand, qui estoit vers Bayeux, qu'il cessast de faire le degast, & que tout incontinent il yssist hors de Normandie. Moult fut Hue le Grand desplaisant de ceste nouuelle (car il attendoit bien d'auoir partie de la Duché de Normandie, ainsi que le Roy luy auoit promis) toutesfois il cessa de faire la guerre, & s'en retourna à Paris, & iura & feit serment qu'il courrouceroit le Roy. Tantost apres Bernard le Danois, Comte de Senlis, alla à Paris deuers luy: & quand il l'eut salué, se print à rire, & dist audict Hue: Or ça Seigneur, auez vous conquesté Normandie? comment va la besongne? voudriez vous point ayder à Richard? Et lors ledict Hue luy respondit: Bernard, le Roy m'a fait despendre du mien, & m'a trauaillé, & failly de conuenir, mais si ie treuve opportunité ie m'en vengeray: mais Richard est de present trop pauvre, & trop au bas. Par ma foy, dist Bernard, si le Roy à les rentes de Normandie, il n'a pas le coeur des gens: la chose yra bien autrement. Or prenez garde dist Hue, comment nous nous pourrions venger: car i'ay grand desir de le faire. Peu de temps, comme enuiron trois moys apres, le Roy s'en partit de Rouen: & y ordonna officiers pour y receuoir les rentes de par luy. L'un des Cheualiers du Roy vint à luy, & luy dist: Sire, Bernard le Danois est vieil, & encores vous donnera de la peine: plaïse vous m'octroyer & donner sa femme & sa terre apres sa mort. Le Roy le luy accorda, quand il seroit retourné de Laon, ou il alloit. Plusieurs autres de ses gens luy demãderent chacun vne femme, & les terres de leurs mariz: ce que le Roy leur octroya semblablement à son retour: desquelles choses les Normans, tant hommes que femmes, furent fort irritez contre le Roy. Tantost apres ledict Bernard le Danois, par l'enhortement des Normans, alla deuers t Aigrot de Dannemarche, qui Payen estoit, & cousin dudit petit Duc Richard, à ce qu'il voulüst venir à l'ayde de sondict cousin, que le Roy vouloit desheriter: ce que ledict Aigrot luy promit faire.

De la moquerie de Bernard, Comte de senlis, contre Hue le Grand, Cōte de Paris.

t als, Aigrot.

Comment le Roy Loys fut arresté par les Normans de Rouen, & apres mis es mains de Hue le Grand, Comte de Paris.

LN l'an de grace neuf cens quarante & sept, durant le temps que le Roy estoit à Laon, ledict Aigrot, Roy de Dannemarche, cousin dudit petit Duc Richard, par l'enhortement de Bernard le Danois, Comte de Senlis, & des Normans, qui tousiours auoyent paour que le Roy retournaist en Normandie, vint avec vingt & quatre nefz, & grand quantité de gens: & descendit en Normandie, à Cherebourg, anciennement nommé Cesarbourg, ou le Bourg Cesar, pour ce q Iules Cesar le feit construire. Ses nefz entrerent par la gueulle de Seine au chef de Caux, & les gens se meirent par terre, & commencerent à gaster les terres du Roy le long du riuage de la mer. De sa venue furent les Normans fort ioyeux, & se meirent ceulx de la basse Normandie tous en armes avecques luy. Quand le Roy en fut aduertty, il partit de Laon, & assemble ses gens d'armes, & vint à Rouen, puis se meit sur les champs: & ainsi que les deux puissances estoient à demye lieue l'une de l'autre, par le moyen d'aucuns Normans qui auoyent préparé la fraude, le Roy feit scauoir audict Aigrot que bon seroit qu'ilz eussent parlement ensemble, & qu'ilz appoinctassent: dont ledict Aigrot faignit d'estre bien ioyeux & cōtent, disant qu'il auoit talent de venger la mort du Duc Guillaume, son oncle, contre Arnoul, Cōte de Flandres. Quand les deux Roys furent assemblez, les Danois Normans, qui ne queroient qu'occasion d'auoir debat, prindrent parolles aux François, tellement qu'ilz vindrēt *de nobis ad uerbera*, & s'entretuerēt plusieurs, & y eut quinze des plus grands Seigneurs du party du Roy de France qui furent tuez: & le Roy mesmes fut en grand danger de sa personne: mais il monta sur vn bon cheual, & ainsi qu'il s'en fuyoit vn Cheualier Normant le print & arresta, auq il promit grands dons & qu'il le sauuaist de la main de ses ennemis. ledict Cheualier, pour le cuyder sauuer, le mena en vne maison qui estoit en vne isle, qui est en la riuere de Seine. Bernard le Danois, qui en fut aduertty, print le Cheualier, & le feit mettre en prison, par ce qu'il ne vouloit bailler le Roy, n'enseigner ou il estoit: mais à la parfin iceluy Cheualier recongnut, & enseigna, par contraincte, le lieu ou il l'auoit mis: & incōtinent ledict Bernard enuoya querir le Roy, & le feit amener à Rouen, & illec tenir soubz bonnes gardes. Quand la Roïne Engeberge, sa femme, le sceut, elle fut moult courroucée: parquoy au Roy Henry de Germanie, d'oultre le Rin, qui estoit son frere, alla demander secours pour la deli-

L'an neuf cens quarante & sept.

Cherebourg en Normandie, estoit anciennement nommé Cesarbourg.

Le Roy mis entre les mains des Normans.

urance de son Seigneur & mary : mais lediēt Henry luy feit responce qu'a bon droit il estoit arresté, & qu'il n'auoit pas gardé la foy qu'il auoit promise au feu Duc Guillaume, pere dudiēt Duc Richard, qui moult luy auoit fait de seruices & plaisirs : & que depuis son trespas il auoit mis son filz en prison : & luy dist que par ce ne luy feroit nulle ayde. Lors ladiēte Engeberge s'en alla deuers lediēt Hue le Grand, Comte de Paris, qui auoit espousé † Haruide sa soeur : & luy pria qu'il traouillast pour la deliurāce du Roy son Seigneur. Lediēt Hue le Grād feit tant q̄ Robert le Danois, Comte de Senlis, alla deuers les Normās : & prindrent iour de parlementer, en vn lieu entre Paris & Rouen, appelé sainēt Cler sur Epte, qui depart France & Normandie. Quand ilz furent assemblez au iour ordonné, Hue le Grand feit tant par ses moyens que la personne du Roy luy fut baillée en ses mains, iusques à vn autre iour qui fut assigné à parlementer, moyennāt qu'il baillast pour ostage Karloman vn des filz du Roy, & les Eueſques de Beauuais & de Senlis : lequel Karloman mourut es mains des Normans, tenant ostage pour son diēt pere. Quand lediēt Hue le Grand eut le Roy en ses mains, il ne le deliura pas pourtant : mais l'en emmena en la cité de Laon, & le feit tenir soubz bonnes gardes. Au iour assigné pour retourner fut fait & traité appoinctement final, moyennant lequel les Normans emmenerent franchement leur petit Duc Richard : lequel tint depuis paisiblement sa Duché : & son cousin le Roy de Dannemarche s'en retourna en son pays : mais tousiours demoura le Roy es mains de Hue le Grand, qui l'enuoya à Laon : & la le faisoit garder moult estroitement, comme diēt est. En l'an neuf cens xlix. l'Empereur Othon, qui frere estoit de la Roïne Engeberge, à la poursuyte & requeste de sa soeur, vint en France à grand nōbre de gens, pour mettre le Roy hors de seruitute : & pource qu'en chemin il sceut que Hue le Grand, qui l'auoit en ses mains, auoit expulsé l'Archeueſque de Reims, & y auoit mis vn sien nepueu, il passa par Reims, & en chacea lediēt vsurpateur, & y restitua le vray Archeueſque : & aussi print par force toutes les villes & places que lediēt Hue & ses complices auoyent prinſes sur lediēt Roy Loys, & les luy restitua : & quand lediēt Hue le Grand sceut la venue dudiēt Empereur à si grand' puissance, il deliura le Roy : parquoy lediēt Empereur, apres qu'il eut fait deliurer au Roy toutes les places que lediēt Hue auoit prinſes sur luy, s'en retourna en Saxongne : mais ce neantmoins en l'année ensuyuant neuf cens cinquante, lediēt Hue feit encores grand' guerre au Roy : parquoy lediēt Empereur reuint en France, & contraignit lediēt Hue à faire appoinctement au Roy.

† parauant la nommée Haygonde.

Du plemēt qui fut fait à s. Cler sur Epte entre les Roys.

L'an neuf cens quarante & neuf

L'empereur Othon vint en France, & feit deliurer le Roy de la captiuité ou estoit à Laon.

Comment Hue le Grand maria sa fille au Duc Richard de Normandie: dont le Roy ne fut pas content.

† Guag. la nōme Emma, & autres Auine.

Le Roy Loys delibera de destruire Hue le Grād Comte de Paris.

Les Normās chacerēt de leur pays l'Empereur Othon, & le Roy de France.

AVcun temps apres lediēt Hue le Grād, par le moyen de Bernard le Danois, Comte de Senlis, qui vint deuers luy, fiança sa fille, nommée † Eumacette, audiēt ieune Richard de Normandie, & feit alliance avec luy : dont le Roy ne fut pas ioyeux ne content, doubtant que ces deux si grands Princes, ainsi alliez, ne luy feissent greuāce : & à ceste cause, par le conseil dudiēt Arnoul, Côte de Flandres, enuoya le Roy iceluy Arnoul deuers lediēt Othon, Empereur d'Allemagne, frere de sa fēme, pour auoir de luy ayde & secours, afin de destruire du tout Hue le Grād, qui tāt luy auoit fait & faisoit de griefz & dommages : & en ce faisant luy promit les pays de Normandie, & de Lorraine. Lediēt Othon ioyeux de ceste besongne, auēglé de si grāds promesses, assemble grand ost, & ioignit ses gens avec ceulx du Roy, qu'il trouua à sainēt Denis : & feirent plusieurs assaulx à la ville de Paris, mais riens n'y peurent faire. parquoy eulx & lediēt Comte de Flandres gasterent & coururent toute la terre dudiēt Hue le Grand : puis allerent deuers Rouen. Quand ilz furent à sainēt Cler sur Epte, ilz sarresterent & enuoyerent deuant Rouen vn nepueu dudiēt Empereur Othon, avec grand nombre de gens d'armes, pour espouenter les Normans : mais les Normans saillirent contre eulx au champs, & les combattirent fermement, & tuerent lediēt nepueu & tous ses gens : dont lediēt Othon fut moult desplaisant, & maudiēt lediēt Arnoul, Côte de Flādres, p l'induction duquel il estoit venu : & voyāt la force de ladiēte cité de Rouē, & le grand nombre de gens qui estoient dedans, delibera de s'en retourner, & deliurer es mains des Normans lediēt Comte de Flandres : lequel Comte estant aduertie de ce, s'en alla, & departit de l'armée secrettement par nuyt. Quand il s'en fut party les deux Roys feirent trousser leurs bagues, & s'en retournerent par ou ilz estoient venuz : mais ainsi qu'ilz s'en retournoient les Normans les chacerent tousiours par derriere, & moult tuerent & prindrent de leurs gens : & s'en retourna lediēt Othon en Allemagne, & le Roy s'en alla à Reims.

Comment

Comment Hue le Grand courut la terre du Roy iusques à Poitiers: & de la mort du Roy Loys troisieme.



Pres ces choses ledict Hue le Grād assembla plusieurs gens: & avec lesdictz Normās courut la terre du Roy, & alla iusques à Poitiers, ou il meit le siege: mais il ne la peut prendre: & luy tenant le siege se leua vn estourbillon de tēps, d'escler & de tonnerre, qui tumba en l'ost dudiēt Hue, & pourfendit son pauillon d'amont iusques aual: dont luy & ses gens furent si espouētez qu'ilz s'en partirent, & leur sembla qu'ilz ne seroyent iamais à heure hors de la: pour laquelle cause ledict Hue trouua facon de faire paix, & se reconciliet au Roy. En l'an neuf cens cinquāte & cinq mourut ledict Roy Loys de France, en la cité de Reims: & fut enterré en l'eglise & Abbaye saint Remy de Reims, ou il auoit esleue sa sepulture. Iceluy Roy eut en sa vie plusieurs peines, tra uaux, & mallés fortunes, cōme on peut veoir par ce qui est dict cy dessus. Deux enfans laissa de sa fēme Engeberge, soeur d'Othon l'Empereur: l'un nōmé Lotaire, qui fut Roy apres luy: l'autre nōmé Charles, qui fut Duc de † Lorraine: lequel vsa sa vie en priuées besongnes, & ne sentremist aucunement des guerres ne des autres affaires du royaume. En l'an neuf cēs cinquante & huyt mourut Gilbert, Duc de Bourgongne, qui laissa sa Duché à Othon, filz de Hue le Grand, qui auoit espousé sa fille.

*l'an neuf
cēs cinquā
te & cinq*

*† n'enlēt
que d'une
partie.*

Du Roy Lotaire, enuers lequel Thibault, Comte de Chartres, accusa faulxement Richard, Duc de Normandie.



Lotaire, filz de Loys troisieme de ce nom, commença à regner l'an neuf cens cinquante cinq: & trespasā au trente & vnieme an de son regne, l'an neuf cens quatre vingtz & six, & gist à saint Remy de Reims. Cestuy Lotaire bailla à son frere Charles la Duché de Lorraine. L'an neuf cens cinquante & † huyt mourut Hue le Grand, Comte de Paris, & fut enterré en l'eglise saint Denis en France. Il laissa trois filz, qu'il auoit engendrez de Haruīde, sa derniete femme, qui soeur auoit esté d'Othon l'Empereur, & d'Engeberge, femme dudiēt feu Roy Loys, mere de cediēt Roy Lotaire: c'est à sçauoir Hue Capet, qui fut Comte de Paris,

*† Autres di
sent sept.
trespas de
Hue le Grād
Comte de
Paris.*

& apres Roy de France: lequel il laissa en la garde de Richard, Duc de Normandie, son gēdre, iusques à ce qu'il fust en aage de terre tenir & gouuerner. Le second fut Othon, qui fut Duc de Bourgongne, à cause de sa femme. Le tiers fut Henry, qui fut aussi Duc de Bourgongne, apres le trespas d'Othon & sa femme: & vne fille, nōmée Eūmacette, qu'il eut de sa premiere femme, laquelle estoit mariée audiēt Richard Duc de Normādie. En l'an neuf cens cinquante & neuf, Bruno Archeuesque de Coulongne, qui fut † Duc de Lorraine, apres le trespas d'un nommé Conrad (lequel Bruno estoit frere & Lieutenant d'Othon, Empereur de Germanie, qui estoit lors en Italie) feit guerre à Regnier, Comte de Mons en Henault, qu'on appelloit Regnier au long col: & le feit appeler à ban, en la ville de Vallencienne, & le condamna en exil perpetuel, & adioignit son fief à la Comté de Henault: *pro eo quod regnum Germanie bellis inquietabat*: & aussi pource qu'apres la mort du Duc Gilbert de † Bourgongne, son cousin, il auoit osté à sa femme veufue, qui soeur estoit de l'Empereur, les terres, que ledict Gilbert luy auoit laissées en douaire. Et apres ce, les deux filz qu'auoit ledict Regnier, Comte de Mons, s'en fuyrent, & vindrent à refuge en France, deuers le Roy Lotaire, qui les recett. En l'an neuf cens soixante & quatre Arnoul, Comte de Flāndres, mourut: pour

*l'an neuf
cens lix.
† als, Ar
cheduc.
Regnier au
long col fut
Comte de
Henault.
† als, de
Lorraine*

*l'an neuf
soixante &
quatre.*

occasion de quoy de Roy Lotaire infesta griefuement & gasta le pays de Flāndres. Audiēt Arnoul succeda en la Cōté de Flāndres Baudouyn, son filz, qui eut à fēme Mathilde, fille de Heriman, Duc de Saxōgne. En celle mesme année mourut ledict Othon l'un des filz de Hue le Grād, qui Duc estoit de Bourgongne, à cause de sa femme: & semblablement mourut ladiēt femme: parquoy ladiēt Duché de Bourgongne vint es mains de Héry, frere dudiēt Othon.

En celle mesme année l'Empereur Othon retourna d'Italie, ou il estoit allé: & l'an d'apres seiourna à Aiz la chapelle, ou il māda aller sa soeur Engeberge, qui estoit vesue Roïne de Frāce, q mere estoit dudiēt Lotaire, & sō autre soeur Haruīde, veufue de feu Hue le Grād, & mere de Hue Capet, & de Héry Duc de Bourgongne, & la les festoya grandemēt: & ce pendāt ledict Bruno, Archeuesq de Coulongne, vint de p l'Empereur, son frere, deuers le Roy Lotaire & Hue Capet, Comte de Paris, ses nepueux, qui estoient à Cōpiegne: & la print vne mala-

La grand charité & aumosne de Bruno, Archeuesque de Coulongne. die audiēt Bruno, de laquelle en s'en retournant il mourut a Reims: & fut son corps enter-
ré à Coulongne, par Deoderic, Euesque de Metz, & donna tous ses biens aux pauvres & aux eglises. Enuiron ce temps estoient deux conten dans à la Papauté: c'est à sçauoir vn nommé Leon, & l'autre Benoist. L'Empereur Othon tenoit le party de Leon, & les Rom-
mains celuy de Benoist, lequel ilz auoyent esleu, sans le congé & sceu de l'Empereur, en ve-
nant contre la promesse qu'ilz luy auoyent parauant faicte, de nom eslire Pape sans son gré,
vouloir & consentement, & d'Othon, son filz. parquoy lediēt Empereur alla à Romme, &
assiegea la cité, & tellement les affligea de guerre & de famine, qu'ilz furent contrainctz re-
ceuoir à Pape lediēt Leon: & ainsi lediēt Benoist fut reietté *non solum à Papatu, sed etiam sacerdotio à Leone exordinatur.* Enuiron ce temps aduint que lediēt Othon, Empereur, estant à Romme,

Le diable se meit au corps d'un Côte de la maison de l'Empereur. en sa presence le Diable se meit au corps d'un Comte de sa maison, tellement que luy mesme
se desciroit & rongeoit des dens ses mains & ses bras. Il fut enuoyé au Pape pour estre ceint
de la chaisne saint Pierre. Les clerz qui en auoyent la garde apporterent vne autre chaisne
de semblable façon, que celle de saint Pierre, & la luy ceignirent au col, mais rien n'y prof-
fita. Quand on apperceut leur malice, on feit apporter la vraye chaisne saint Pierre, & luy
fut mise au col, & incontinent le Diable escumant & criant s'en fuyt. En ce mesme temps
estoyent deux Princes sur les Bulgres, l'un nommé Pierre, l'autre Baian. Lediēt Baian estoit
grand Nigromancien, & par son art magique il se transmuoyt, tellement que quand il vou-
loit il sembloit estre loup, ou autre beste, ou en autre espee. En ce temps estoit Em-
pereur de Constantinoble vn nommé Nicheforus, lequel, pource qu'il estoit vieil, doubta
que ses enfans le voulsissent deietter de son Empire, & les vouloit faire chastrer: & voyant
l'Emperiere, sa femme, leur mere, qu'autrement elle ne les en pourroit garantir, persuada à
Iehan, l'aisné de ses enfans, de tuer son pere. Ce qu'il feit: & tint l'Empire apres luy six ans,
& eut à femme † Tiphaine, niepce d'Othon, Empereur de Romme. En l'an neuf cens
soixante & six aduint qu'en vne grand' assemblée de Danois, *qui Christum Iesum, & idola simul*
† *colebant, cum Popone clerico in conuiuio altercabant super cultura Dei & Deorum,* & disoyent & affermoient
lesdiēt Danois Iesus Christ estre vn Dieu, toutesfois y auoit il d'autres Dieux plus grands,
& plus anciens, lediēt Popon, soustenant le contraire, & affermant *Iesum Christum solum Deum*
uerè esse, unum in substantia, trinum in personis, la chose venue à la congnoissance d'Araldus, Roy des-
diēt Danois, commanda, & contrainit lediēt Popon *ut proposita à se probaret testimonio veritatis:* &
pource lediēt Popon va prendre en sa main nue vn grand & pesant fer tout ardent & enflam-
mé, & l'apporta deuant le Roy, & le tint si longuement que le Roy & ceulx qui estoient
presens le voulurent souffrir, sans ce que lediēt fer ardent luy feist aucun mal, ou lesion: & ce
voyant lediēt Araldus, Roy, & ses Danois, delaisa du tout son idolatrie, & luy & ses gens fu-
rent conuertis à croire & adorer vn seul Dieu: & pour ceste cause fut lediēt Popon pourueu,
& esleué en Euesque.

De Nichefo-
rus, Emper.
de Constati-
noble, qui
uoluit faire
chastrer ses
enfans.
† Sigif. dit
qu'elle fut
sa niepce, et
mariee à
Othon. 2.
Miracle di-
gne de no-
ter.

L'an neuf
cens soixan-
te & sept. En l'an de grace neuf cens soixante & sept, Thibault, Côte de Chartres & de Bloys, meut
guerre contre le Duc Richard de Normandie: parquoy iceluy Duc assemblea grand ost, &
courut & gasta par feu & par glaiue les pays de Chartres & de Dunois. Semblablement lediēt
Thibault print sur lediēt Duc la cité d'Eureux: parquoy lediēt Duc s'en retourna de sa cour-
se, & sceut que lediēt Thibault estoit venu sur sa terre, le long de la riuere de Seine iusques à
Rouen, & s'estoit logé du costé du pont, entre la ville & la forest de Rouuray. Si tira droit
à luy, & eurent bataille, & fut lediēt Thibault, & toute sa gent, desconfit: & en y eut sept
cens quarante mors: mais il se sauua, & s'en fuyt iusques à Eureux, puis se retira en sa terre. Le
Duc Richard feit guerir les naurez, & apres ce deliura tous les prisonniers sans rācon. Apres
ceste victoire le Duc Richard, & ses gens, allerent courir deuant Chartres. La estoit vn filz du
Comte Thibault, qui saillit aux chāps, pour cuyder rebouter lediēt Richard: mais lediēt filz
fut tué, & ses gens presque tous mors, ou prins: & bruslerēt les gens dudiēt Richard les faulx
bourgs, & tout le pāys d'enuiron Chartres. Plusieurs Princes & Seigneurs feirēt guerre au-
diēt Richard, en la faueur dudiēt Comte Thibault: & apres ce q la guerre eut duré long tēps,
voyant lediēt Thibault qu'il n'en pourroit venir à bout, par ce que lediēt Duc estoit trop plus
puissant que luy, accusa lediēt Richard enuers lediēt Roy Lotaire, & la Roïne Engeberge,
sa mere, disant qu'il machinoit contre eulx: & disoit iceluy Thibault que iamais lediēt Lo-
taire ne tiendrait son royaume en paix, si ne destruisoit lediēt Duc Richard: & tant les psua-
da par mauuaises parolles qu'ilz cuyderent qu'il dist verité. Si māderent audiēt Duc Richard
qu'il vint à parlemēt à eulx en vn lieu sur la riuere d'Aise, pour faire l'hōmage qu'il estoit te-
nu de faire à cause de sa Duché: & ce faisoient ilz affin qu'ilz le peussent prédre. Le Duc qui
n'y pensoit en nul mal, leur feir sçauoir qu'il y viēdroit, & vint iusques à Pontoise, ou le Roy
vint semblablement, & en sa compaignie estoient Baudouyn, Comte de Flandres, Geoffroy
Comte

Guerre entre
le Duc de
Normandie,
& le Côte
Thibault de
Chartres.

Comte d'Angiers, & Thibault Comte de Chartres, qui tous estoient ennemys d'iceluy Duc Richard: mais ledict Duc fut par vn sien amy aduertie de la conspiration qui estoit machinée contre luy, & qu'on le deuoit tuer ou prendre: & par ce laissa de ses gens pour garder le passage de la riuere d'Aise, affin qu'on ne le peust suyure, & s'en partit secretement & hastiuement, & retourna à Rouë: dont le Roy, & ceulx de sa compagnie qui auoyent failly à leur entreprinse, furent moult courroucez, & s'en retournerent, & s'en alla le Roy à Laon:

De la guerre que feit le Roy Lotaire au Duc Richard de Normandie.

Tantost apres le Roy assemblea grand ost de France & de Bourgoigne, & entra en Normâdie, & faist grand partie de la terre dudiect Duc, du costé de Bayeux, qu'il bailla en garde audiect Comte Thibault de Chartres: mais ledict Duc, tantost apres le partement du Roy, chacea ledict Thibault, & luy tua ses gens. Iceluy Duc Richard, voyant l'indignation, que le Roy auoit contre luy, par le faulx rapport dudiect Thibault, enuoya deuers son cousin Errad Roy de Dānemarche, pour auoir ayde: lequel Errad luy enuoya xl. nefz & vne grand armée de gens par mer, & entrèrent par la riuere de Seine: puis descendirent en la terre dudiect Comte de Chartres, & toute la gasterent avec le pays de Dunois, & prindrent la cité de Chartres, Chasteaudun, & les autres villes: bruslerent toutes les eglises & maisons, & tuerent hommes femmes & petis enfans: Apres entrerēt en la terre du Roy de France, & moult la dommagerent. Les Princes & Prelatz de France, à qui ceste guerre desplaisoit moult, par ce qu'il leur sembloit qu'il n'y auoit nulle occasion, assemblerent vn Parlemēt à Laon, & remōstrerent audiect Roy Lotaire cōment il faisoit mal de faire guerre audiect Duc Richard, & adherer audiect Côte Thibault, & qu'a ceste cause les Danois auoyent ia gasté & gastoyent sa terre: & fut conclud que l'Euesque de Chartres iroit deuers ledict Duc de Normâdie, si y alla: & quand il eut fait son message, & entēdu que la faulte estoit, & procedoit du costé dudiect Thibault, Côte de Chartres, furent treues accordées soubz esperance d'appoinctement, & prins iour, à parlementer entre le Roy & ledict Duc.

† als. Arrald.

De la grosse inhumanité que firent les Normas cōtre ceulx de Chartres

De l'appoinctement d'entre le Roy & le Duc Richard de Normandie.

Quand le Conte Thibault sceut ceste nouuelle, & qu'il n'estoit point compris en la treue, il fut moult esbahy: & doubta que toute la peine ne vint & tombast sur luy, enuoya premier deuers ledict Duc Richard de Normandie, pour auoir seureté de parler à luy: laquelle le Duc luy enuoya. Si alla le Comte à Rouen, & se humilia enuers luy, en disant qu'il se repentoit de ce qu'il auoit mespris vers luy, & qu'il luy pleust luy pardonner. Le Duc, qui estoit Debonnaire, luy pardonna son mal-talent, & luy rendit la cité de Chartres, & les autres villes qu'il auoit prinſes sur luy. Apres ces choses le Roy se tira vers Normandie, & alla en loſt ou estoient les Danois Sarrazins, en vn lieu sur la riuere d'Epte, & feirēt appoinctement: par lequel le Duc feit hommage au Roy qui luy rendit la cité de Bayeux, & les autres terres qu'il auoit prinſes sur luy, & fermerēt ensemble paix & alliance. Apres le Roy s'en retourna, & le Duc demoura en son pays, & connerit grand planté desdictz Danois à la foy Chrestienne: puis les enuoya en Espagne sur les Sarrazins, ou ilz conquirent dixhuyt citez. Lors mourut Eumacette femme dudiect Richard, qui fille estoit de Huc le Grand, sans enfans. † Tantost apres son trespas ledict Duc espousa vne noble dame, nommée Gommor, du lignage de Saxōgne: de laquelle il engendra Richard, le second son filz, qui luy succeda audiect Duché, & Robert, qui fut Archeuesque de Rouen, & vn autre, nommé Manger, & deux autres, avec trois filles: dont l'vne, nommée Emma, fut mariée à Eldret, Roy d'Angleterre: l'autre nommée Adius, fut mariée à Geoffroy, Comte de Bretagne: & la tierce, nommée Mahault, fut mariée à Eude Comte de Chartres. Celuy premier Duc Richard fonda l'Abbaye de Fescamp, & restaura celles de saint Ouē, & saint Pierre à Rouen, & aussi celle du mont saint Michel, au mont Tuba, *in ueneratione Michaelis Archangeli*: lesquelles Abbayes estoient toutes desmolies pour le faict des guerres, & les augmenta grandement de rentes, & y mit moynes de saint Benoist. En l'an ix. c. lxxvij. ledict Roy Lotaire bailla à Charles son frere, pour son appennage, le pays & Duché de Lorraine: ou bien, selon aucuns luy fut donné par l'Empereur Othō second du nom, affin qu'il fust cōme vne bourne, entre l'Empire de Germanie, & le royaume de France, & qu'il feist teste à son frere Lotaire, dont veint la guerre suyuant, comme ilz disent.

Hōmage de la Duché de Normandie au Roy de France.

† Les Antiears parlent diuersiēt de tout cecy.

Fondation de l'abbaye de Fescamp L'an neuf cens lxxvij.

*De la guerre d'entre le Roy Lotaire & Othon l'Empereur, qui vint iusques
deuant Paris, & en brusla les faulxbourgs.*

L'an neuf
lxxvii. &
sig. 78.



An neuf cens lxxvij. se pourpensa le Roy Lotaire de retirer à luy le royaume de Austrasie, que ses predecesseurs auoyent tenu & que pour lors occupoit Othō, Empereur de Romme: lequel royaume tient trois Archeueschez ou prouinces: c'est à sçauoir Mayence, Treues, & Coulōgne, & les pays de Lorraine. Si assembla son ost, & alla iusques à Aiz la chapelle, ou estoit l'Empereur & sa femme, qui de luy ne se prenoyent garde: & vn iour, eulx estans au palais d'Aiz, ainsi

L'an neuf
cens septā-
se huyt.

L'Empe-
reur Othon
vint deuant
Paris, dont
il fut chacé
honteuse-
ment.

qu'ilz se vouloyent asseoir au manger, soubdainement ledict Roy Lotaire & ses gens arriuerent, & entrèrent dedans pour le cuyder prendre: mais ledict Empereur & sa femme eschaperent, par la porte des champs. Lors les gens dudit Lotaire se prindrent à piller le palais, la ville & la prouince: puis s'en retournerent en France, avec grandes richesses, sans contredit: & le dict Othon fut moult courroucé de l'exces que le Roy Lotaire luy auoit fait: & feit veu de se venger, disant que dedans brief temps il ficheroit sa lance dedans la cité de Paris. En l'an neuf cens septante & huyt, ledict Empereur assembla grand ost & grand' puissance de gens, Rommains, Allemans & autres. En France entra, & gasta par feu & par glaiue les prouinces de Reims, Soissons, Laon, & autres d'enuiron, & vint iusques deuant Paris, & brusla les faulxbourgs: & deuant la porte fut occis vn sien nepueu, & moult de ses gens. Ledit Roy Lotaire, Hue Capet Comte de Paris, & Henry Duc de Bourgongne, freres, enfans dudit Hue le Grand, saillirent avec leur armée, & coururent sus audit Othon, & le desconfirēt & chacerent iusques à Soissons. La le combatarent sur la riuere d'Ayne, & y eut tant de corps mors, noyez & tuez, que la riuere d'Ayne, qui est grosse & parfonde, en perdit son droit cours en aucuns endroitz: & demoura ledict Lotaire vainqueur: & chacea ledict Empereur & ses gens par trois iours & trois nuytz, iusques à vn fleuue qui court pres la forest d'Ardēne, tuāt les gens d'iceluy Empereur: lequel eschapa & s'en fuyt à grand' confusion, & ledict Lotaire s'en retourna à grand' gloire: & depuis ledict Empereur Othon n'osa luy faire guerre n'approcher de France, mais s'accorda à luy.

Edouard
Roy d'An-
gleterre fut
tué & oc-
cis par ses
subiectz.
L'an neuf
cens qua-
tre vingtz.

En celle année Edouard, Roy d'Angleterre, fut tué par ses subiectz: & dit lon qu'il est saintifié: & luy succeda Eldret son frere de par pere: & disoit lon que sa marastre, mere dudit Eldret, l'auoit fait tuer. On dit d'iceluy Eldret *quod cum baptizaretur* par saint Diuistan Euesque, il pissa dedans les fonts: parquoy ledict Euesque dist qu'il seroit mauuais, & que par luy les Anglois auoyent moult à souffrir: aussi eurent ilz. En l'an de grace neuf cens quatre vingtz fut certain appoinctement fait en la cité de Reims, entre ledict Roy Lotaire & l'Empereur Othon, qui illec estoit venu: par lequel iceluy Lotaire (ie ne sçay qui le meur) donna & transporta audit Othon ledict royaume d'Austrasie, qu'auoyent tenu ses predecesseurs, contre le gré & volonté desdictz Hue Capet, Comte de Paris, & Henry son frere, Duc de Bourgongne, & de tous ses Princes & Barons, qui de leur pouoir l'en cuyderent empescher, & en furent moult courroucez, mesmes ledict Hue Capet.

L'an neuf
cens quatre
vingtz &
quatre.

En l'an de grace neuf cens quatre vingtz & quatre, ledict Lotaire sceut que ledict Empereur Othon estoit allé à Romme, & estoit empesché contre l'Empereur de Grece, qui auoit eu aucunes victoires contre luy: parquoy ledict Lotaire, sçachant que ses Barons estoient mal contents du don & appoinctement qu'il auoit fait audit Empereur, voulut reprendre sur luy ledict pays de Lorraine: & de fait print la cité de Verdun, & print prisonnier dedās icelle vn

L'an neuf
cens quatre
vingtz &
cinq.

Griselidis
femme du
Marquis de
Saluces.

nommé Geoffroy, qui en estoit Comte: mais l'année ensuyuant. ix. c. iij. xx. v. pour la doubte du ieune Empereur Othon tiers du nom & de ses Cheualiers, qui venoyēt contre luy à grād' puissance, il la restitua, & deliura ledict Geoffroy qu'il tenoit prisonnier. En l'an de grace ix. cens. iij. xx. vj. print vne maladie audit Roy Lotaire, dont il trespassa, & en l'Abbaye de saint Remy de Reims à grand honneur fut enterré. En ce temps fut Griselidis, femme de Gaultier, Marquis de Saluces: de l'humilité de laquelle on dit merueilles, ainsi qu'on peult veoir par l'histoire, qui d'elle est escripte.

*Du Roy Loys, quatrieme, auquel faillit la lignée de
saint Charlemagne.*

Loys,



Loys, quatrieme de ce nom, filz de Lotaire, commença à regner l'an de grace. ix. cēs. iij. xx. vj. & trespassa sans hoir, par venin, au premier an de son regne, l'an ix c. iij. xx. vij. & gist en l'eglise saint Cornille de Compiengne. Cestuy fut le dernier de la lignée du bon Roy & Empereur Charlemagne: car il n'eut nulz enfans pour luy succéder: & par ce fut le royaume de Frâce hors de la lignée dudit saint Charlemagne, & translaté en la ligne de Hue le Grand, Comte de Paris, & vint à Hue Capet son filz, combien que les Croniques de Frâce dient que la lignée dudit Charlemagne ne deffaillit point

L'an neuf
cens quatre
vingtz &
septs.

du tout audit Hue Capet, & qu'il en estoit descendu. On dit que ce Roy Loys eut à femme vne nommée Blanche, fille du second Othon l'Empereur: laquelle il aymoit moult, & n'en peut auoir nulz enfans: & semblablement aymoit moult ledit Hue Capet (qui estoit son cousin remué de germain, à cause de leurs meres) pour la grād' vaillance & conduite qu'il cōgnoissoit estre en luy: & l'auoit fait Maire de sa maison royale: & aduint que ledit Roy Loys fut griefuement malade, & congnoissoit qu'il luy conuenoit mourir, & qu'ilz n'auoit nulz enfans, il donna le royaume à sa femme: & voulut qu'apres sa mort elle print en mariage ledit Hue Capet ce qu'elle feit: parquoy ledit Hue Capet fut fait Roy de France. A cestuy Roy, comme dict est, fut finie & terminée la lignée du grand Roy Charlemagne, commençant à Pepin son pere qui auoit duré deux cens xxxij. ans, où enuiron: & commença la lignée dudit Hue Capet. qui dure encores de present. Aucunes Croniques dient que cestuy Hue Capet fut le premier Duc, ou Comte de Paris: & pour la grād' vaillance qui estoit en luy, ledit Roy Loys le feit Duc de France, autrement dict Maire du Palais, & qu'il estoit filz d'un nommé Robert qui fut Tiran: & Dantes, poete Florentin, dit en son traité qu'il a fait de Purgatoire, que le pere dudit Hue Capet fut boucher: mais il a menty. car il fut filz de Hue le Grād, Cōte de Paris, qu'estoit descendu de lignée royal. Apres le trespas dudit Roy Loys, aucuns Frāçoys, sçachās q de droicte ligne le royaume deuoit appartenir à Charles, Duc de Lorraine, q frere auoit esté du feu Roy Lotaire, & oncle dudit dernier Roy Loys, manderent audit Charles qu'il s'en veinst pour prēdre possession du royaume, & soy faire couronner Roy: mais iceluy Charles, qui viuoit en son pays de Lorraine solitairement, & vsoit ses iours en priuées & menues besongnes, mit la matiere de son affaire en surceance, & ne se hāsta pas de venir: & ce voyant ledit Hue Capet s'en faisa du royaume de France, & regna par force: mais auant que nous racomptions de ses faitz sera dicté aucune autre chose: par laquelle il semble bien que la translation du royaume, qui fut faite & mise hors de la ligne du grand Roy Charlemagne aduint par la volunté de nostre Seigneur, qui transfere les royaumes de gente in gentem, à son bon plaisir.

La lignée
de s. Char-
lemagne
dura deux
cēs. xxxij.
ans.

Hue Capet
usurpa le
royaume de
France.

*De l'apparition de saint Riquier & saint Valery à Hue le Grand,
Comte de Paris, pere de Hue Capet.*

Plusieurs causes sont assignées par les anciens hystoriographes de ladicte translation: & entre autres, l'une pour ce qu'aucuns Roys qui estoient descenduz de la generation de Pepin & Charlemagne, destruisoyent & ostoyent par force & autrement, illicitement les dotations, donations, & libertez faites aux eglises de France: & n'auoyent nulle, ou au moins si grand', reuerence aux eglises ny aux ministres d'icelles, ainsi que leurs predecesseurs auoyent parauant eu, comme le recite Vincēt de Beauuais, & qu'il est cōtenu & escript es gestes d'Aquitaine. On racompte aussi, si comme il est escript en la vie saint Riquier & saint Valery, que les corps de ces deux saintz auoyēt pour la doubte des Normans, esté transportez de leurs eglises de Ponthieu à saint Omer, les Flādrès, qui lors estoit fort chastel, & furent mis en l'Abbaye saint Bertin, pour la paour des Normans, qui, auant que fussent Chrestiennez, gasterent moult de la terre de France, comme a esté dict l'an huyt cens quatre yingt & quatre: & apres ce qu'ilz furent Chrestiennez, au temps de Hue le Grand, Comte de Paris, qui fut pere du Roy Hue Capet, Arnoul Comte de Flandres, qui en sa subiection auoit les corps des deuanditz deux saintz, audit lieu de saint Omer, ne les voulut rendre à leurs eglises. Lesditz saint Riquier & saint Valery s'apparurent audit Hue le Grand, Comte de Paris, & luy prierent qu'il feist rapporter leurs corps

S. Riquier
& s. Va-
lery.

en leurs eglises de Ponthieu: laquelle chose, pource qu'il le fait voluntiers & honnorablement, & les fait apporter de saint Omer à Ponthieu, les deux saintz luy apparurent de rechef, & luy dirent: Pource que tu as fait nostre requeste, nous te faisons sçavoir que ta generation regnera au royaume de France, iusques à sept generations. Aucunes histoires mettent en perpetuelle generation: & par ce appert bien que la translation du royaume fut faite par la volente de nostre Seigneur, qui de sa puissance mue & transporte les royaumes de gent à gent, par les defautes & iniquitez des possesseurs: & ainsi peult on veoir que ceste vision fut vraye: car sept Roys regnerent en France, si comme vous orrez, au dessoubz du Roy Hue Capet, qui fut filz de ce deuantdiect Hue le Grand Comte de Paris, iusques au pere saint Loys, que nous disons qu'il descendit de la lignee Charlemagne, de par sa mere la Royne Ysabel, comme il est contenu cy apres. Mais il m'est aduis qu'iceluy Hue Capet peult estre, & fut en aucune maniere, d'aucun costé, nō pas directement en ligne masculine, du lignage de saint Charlemagne, si comme vous orrez cy apres dire.

Comment Hue Capet estoit aucunement du lignage du grand Roy Charlemagne, de par sa mere.



La genealogie de Hue Capet,

Le est vray qu'Arnoul Empereur de Romme, filz de Karloman, qui fut filz de Loys Roy de Germanie, frere de Charles le Chauue, Roy de France, & Empereur de Romme, engendra Loys le Jeune Empereur: lequel Loys Empereur eut seulement deux filles: c'est à sçavoir Plaisance & Mahault: desquelles filles Plaisance fut mariée à Conrad, filz du Comte Conrad, qui apres iceluy Loys le Jeune fut Empereur de Romme: l'autre fille Mahault fut donnée à femme à Henry, filz d'Othon Duc de Saxongne: lequel Henry, quand l'Empereur Conrad & sa femme Plaisance furent mors sans hoirs, fut Empereur de Romme, avecques sa femme Mahault: de laquelle Mahault iceluy Henry Empereur de Romme engendra le premier Othon Empereur, & deux filles: c'est à sçavoir Geberge, ou Engeberge, qui fut femme du tiers Loys Roy de France, filz de Charles le Simple, & mere du Roy Lotaire, pere du Roy Loys quatrieme, qui mourut sans enfans, & l'autre nommée Auide ou Haygonde, qui fut femme de Hue le Grand, Comte de Paris, pere de ce Roy Hue Capet. Parquoy il appert qu'iceluy Hue Capet Roy de France, peult estre en aucune maniere, du costé de sa mere, du lignage de Charlemagne, iadis glorieux Roy de France.


Du Roy Hue Capet, auquel commence la tierce lignee des Roys de France.

A cestuy Hue Capet, filz de Hugues le Grand, Comte de Paris, commença la troisieme lignée des Roys de Frâce: laquelle dure iusques aux Valloys. Il fut, apres le trespas de Loys cinquieme, par force ceſſeu Roy de Frâce. Il feit mettre en prison à Orleans Charles, Duc de Lorraine, frere de Lotaire, vray heritier de la courōne: en laquelle prison finit ses iours pau remēt avec sa femme. Lediēt Capet espousa la fille du Roy d'Angleterre, de laquelle eut Robert. Il fut nommé Capet, parce qu'en



Hue Capet.


son ieune aage se iouoit volontiers des chapeaux, en les ostant aux pages. Il feit depōser l'Archēuesque de Reims, qui estoit hōme de bien, & en son lieu feit mettre vn moynne, nommé Gilbert, grand nigromancien: lequel peu apres fut excommunié par le Pape. On lit lediēt Gilbert, par art diabolique depuis auoir esté Euesque de Rauenne, puis Pape. Lediēt Capet regna neuf ans ou enuiron, & gist à saint Denis.



Loys le Gros fut moult vertueux. Il desconfit plusieurs fois les Angloys. Il fonda saint Victor, lez Paris.

Philippe, diēt Auguste, a cause de ses vertueux faitz, fut Roy viuant son pere. Apres son trespas alla contre les Turcz, avec luy le Roy d'Angleterre, qui luy faulsa sa foy, chaceale l'empereur Othon hors de Frâce. Il feit clorre le boys de Vincennes, faire le cimetiere des Innocens, pauer les rues de Paris. Il regna quarante trois ans.

Loys huytieme du nō, diēt de Montpensier, conquist Guyenne, & Aui-gnon, qui lors estoit heretique & interdite du Pape. Il mourut à Montpēfier en Auuergne, & regna trois ans.



Loys de Montpensier espousa Blanche, fille du Roy d'Espaigne, de laquelle est descendu S. Loys, duquel sont descēdus plusieurs maisons de Frâce, cōme l'on pourra veoir par l'hystoire ou figure subsequente, en laquelle sont mises & apposées les armes desdictes maisons.



L'an neuf
cens quatre
vingtz &
huyct.

Pourquoy
Hue fut sur
nommé Ca
pet.

L'an neuf
cens quatre
vingtz &
neuf

L'an neuf
cens quatre
vingtz &
dix.

† sig. dit
qu'il y mon
ra l'an
991. &
nommé ce
Loys Othō.

Hue Capet
cōquist la
Cōte d'Ar
tois.

L'an neuf
cens quatre
vingtz &
unze.

Les An
glois tribu
tares aux
Normans.
† als Se
uin.

Hue Capet, filz de Hue le Grand, Comte de Paris, & Duc de Fra
nce, fut en la cité de Noyon par aucuns François esleu, & apres
en la cité de Reims de fait & par force couronné Roy de France,
& commença à regner l'an. ix. c. iiii. xx. viij. & deceda le. ix. an de son
regne, l'an. ix. c. iiii. xx. xvj. & gist à saint Denys en Frâce. Il fut sur
nommé Capet, ainsi que dient aucunes Croniques, par ce que luy e
stant ieune enfant il auoit par acoustumance façon d'oster aux au
tres ieunes enfans leurs chaperons. En l'an de grace. ix. c. iiii. xx.
& ix. Charles Duc de Lorraine, qui comme diét est, estoit oncle de
par pere dudiét feu Roy Loys, & auquel le royaume de France de
uoit appartenir, comme plus prochain heritier en ligne masculine, sceut que lediét Hue Ca
pet, qui estoit son cousin, estoit enfaîné du royaume de France. Et à ceste cause esmeut grand
guerre contre luy, & print de prime face sur luy les citez de Reims, Laon & Soissons, & le cha
stiel de Montagu: & fut lediét Hue Capet pressé de si pres qu'il s'en fuyt honteusement, & à pei
ne peut il eschaper de la bataille: & puis lediét Charles s'en retourna à grand proye en ladiète
cité de Laon. Eu l'année ensuyuant. ix. c. iiii. xx. & x. lediét Hue Capet assembla grand ar
mée, pour aller mettre le siege deuant ladiète cité de Laon, ou estoient lors lediét Charles &
sa femme: & y estoit aussi Anceline Euesque de ladiète cité: lequel par grand trahyson vne
nuyt mit lediét Hue Capet en la cité, & luy liura lediét Charles Duc de Lorraine & sa fem
me, en ses mains: lesquelz lediét Hue Capet feit mener & tenir prisonniers à Orleans, ou ilz
furent iusques à leur trespas. Ce pendant que lediét Charles estoit ainsi t prisonnier il engen
dra de sa femme deux filz: l'un nommé Loys, qui depuis fut Duc de Lorraine, & l'autre Char
les: & deux filles, l'une nommée Haruide, & l'autre Emenarde, laquelle Emenarde fut mariée
à un Comte de Namur: & d'elle descendit Baudoyne, Comte de Namur, qui eut vne fille nom
mée Ysabeau, qui fut mariée à Philippe Auguste, diét Dieu donné, qui d'elle engendra Loys,
pere de saint Loys: lequel nous difons par celle maniere estre descendu de la lignée dudiét
Charlemagne.

A la nouuelleté que le Roy Hue Capet fut couronné, Arnoul, Comte de Flandres ne luy
vouloit obeyr, ne faire hommage: parquoy lediét Hue assembla grand armée, & tira vers Flā
dres: & print sur luy tout le pays d'Artois, & tous les chasteaux & forteresses qu'il tenoit le
long de la riuere du Liz. Lors lediét Arnoul, voyant qu'il estoit trop foible pour resister à sa
puissance, se tira deuers le Duc Richard de Normandie, & luy pria qu'il feist sa paix enuers le
diét Hue Capet: & le bon franc Duc, sans auoir regard à la desloyauté dudiét Arnoul, par la
trahyson duquel le Duc Guillaume son pere auoit esté tué, traita enuers le Roy, tellement qu'il
luy pardonna son maltalent, & luy rendit sa terre. Apres que lediét Hue eut regné un an, il
feit Robert son filz, qui estoit clerc, laisser le clergé, & le feit couronner Roy, & sacrer à Reims,
& regnerent ensemble.

En ce temps estoit Archeuesque de Reims un preud'homme, nommé Arnoul, qui estoit frere na
turel du feu Roy Lotaire, & dudiét Charles Duc de Lorraine, auquel porta lediét Hue grand
enuye, tant pour ce qu'il portoit & fauorisoit lediét Charles Duc de Lorraine son frere, qu'aussi
par ce qu'il estoit du lignage de Charles le Grand, lequel il vouloit du tout extirper & abolir:

& à ceste cause en l'an. ix. c. iiii. xx. & xi. assembla lediét Hue en la cité de Reims un grand cō
seil d'Euesques & Prelatz, à luy fauorables, pour le degrader: & fut dégradé par l'opinion de
plusieurs desdictz Euesques de France, sous vmbre qu'il estoit bastart: & le feit lediét Hue
Capet constituer prisonnier, & detenir par trois ans à Orleans avec son frere Charles, Duc de
Lorraine: & en son lieu feit mettre un nommé Gilbert, qui estoit grand Philosophe & nigro
mancien, & auoit esté maistre d'escole de Robert, filz dudiét Hue Capet, & d'Othon tiers
Empereur de ce nom. De ladiète degradation ne fut point d'opinion ne d'accord Serges, Ar
cheuesque de Sens, lequel doubta plus le Roy celeste que le Roy terrien: & de ce reprist fort
iceluy Serges lediét Hue Capet, qui en fut courroucé: & à ceste cause le feit emprisonner.
En ce temps pourtant que les Danois Normans infestoient & faisoient moult de griefz
aux Anglois, lesdictz Anglois leur ordonnerent dix mil liures de pension, à ce qu'ilz cessas
sent de les infester.

En l'an. ix. c. iiii. xx. & xii. quand le Pape Iehan sceut la maniere & la cause pourquoy le
diét Arnoul Archeuesque auoit esté dégradé, & lediét t Serges Archeuesque de Sens emprison
né, il excommunia tous les Euesques qui ce auoyent consenty: & feit lediét Pape assembler de
rechef Concile à Reims, & fut lediét Arnoul honorablement réstably en son siege: & en fut
degradé & mis hors lediét Gillebert: lequel s'en alla deuers lediét Othon Empereur, duquel il
auoit esté maistre d'escole, qui premierement le feit Archeuesque de Raouenne, & depuis le
feit Pape

fait Pape de Romme. En l'an neuf cés quatre vingz & quatorze fut brulée par fortune de feu l'eglise saint Martin de Tours: & fut le corps saint Martin mis en vne petite eglise, qui est au cloistre, nommée saint Venant, & y reposa vingt ans, iusques à ce que ladicte eglise fust refaite. En ce temps le pays de Sauoye fut erigé en Comté, lequel parauant n'estoit que simple seigneurie. En l'an de grace neuf cens quatre vingtz & quinze, ledict Hue Capet fonda l'Abbaye saint Magloire à Paris. En l'an neuf cens quatre vingtz & seize, mourut Richard, Duc de Normandie: & luy succeda audict Duché Richard second, son filz: & tãtost apres mourut ledict Hue Capet, & fut enterré à saint Denis en France.

L'an neuf
cens quatre
vingtz &
quatorze.
L'an ix.cés
iiij. uingtz
& quinze.
L'an ix.cés
iii. uingtz
& seize.

Du Roy Robert, qui fut grand clerc, & de bonnes mœurs.



RObert, filz de Hue Capet fut couronné Roy du viuant de son pere, l'an neuf cens quatre vingtz & dix, & regna seul xxxiiij. ans, & succeda à son pere l'an neuf cens quatre vingtz & seize, & deceda l'an de grace mil & trente. Il fut plein de bonnes mœurs & conditions: & n'est pas trouué que jamais il destituast nul de ses officiers, sil n'auoit forfait: qui est bien chose digne de grand' recommandation à vn Prince. Il ayma & honnora gens clercs & lettrez. Aussi il estoit vn tresbon clerc, & remply de bonnes mœurs, & fait & composa moult de beaulx dictes, & proses en Latin, que l'eglise à aprouuez, & se chantent par toutes les eglises de Chrestienté: & entre autres fait vne prose du saint Esprit, qui se commence *sanchi spiritus adiu nobis gratia*: vne de la natiuité nostre Seigneur, qui se commence *iudea & Hierusalem*: vne de saint Pierre, *Cornelius Centurio*: l'oraison des martyrs, *Concede nobis domine, &c.* & semblablement à la requeste de sa femme, qui auoit nom Constance, surnommée Candide, & estoit fille de Guillaume, Comte d'Arle, & de Blanche t̄ soeur de Geoffroy, Comte d'Aniou: laquelle oyant parler des choses que sondict mary faisoit en Latin, luy pria qu'il feist quelque beau dicté pour l'amour d'elle: & lors il feist vn respons en l'honneur de saint Denis & ses compagnons, qui se commence *o constantia martyrum laudabilis, &c.* & cuidoit ladicte femme, qui pas latin n'entendoit, que ledict respons, lequel se commence par son nom, fust approprié en parlant seulement d'elle. Iceuluy Robert eut de ladicte Constance, sa femme, quatre filz: c'est à sçauoir t̄ Hue, qu'il feist couronner Roy à Compiègne: mais il mourut auant son pere. Apres sa mort il feist couronner à Reims son second filz Henry, qui regna apres luy. Robert fut Duc de Bourgogne, & Eude fut Euesque d'Auxerre: & vne fille, nommée Alis, fut mariée à Baudouyn de l'Isle, filz de Baudouyn, surnommé Belle barbe, Comte de Flandres, qui d'elle engendra Baudouyn, Comte de Mons, & Robert, Comte de Frise: & Mathilde, ou Mahault, qui fut femme de Guillaume le Bastard, Duc de Normandie, qui conquist Angleterre. Ledit Roy Robert fut moult piteux & debonnaire, & ayma Dieu & l'Eglise: aux festes annuelles il tenoit le choeur habillé d'habitx sacerdotaux, comme d'une chappe ou autre aornement d'Eglise. Il conferma la chartre & les priuileges & droitz q̄ Dagobert auoit donnez à l'eglise S. Denis, & y en donna de nouueaux. On lit de luy que le iour d'une feste saint Hippolyte, auquel il auoit singuliere deuotion, luy tenant siege deuant le chastel de Meleun, il abandonna son armée, & s'en vint en l'Abbaye saint Denis pour solennizer la feste: & luy habillé de chappe, estant au choeur, & chātant au seruice auecques les religieux, comme il auoit de coustume, ainsi qu'on disoit *ite missa est*, on luy vint dire que les murs de la place estoient miraculeusement tombez, & luy fut la place rendue. Ce Roy Robert, ainsi qu'on lit en ce qui est escript de ses faitz, decora grandement son royaume d'eglises, & saintz edifices: entre lesquelles il fonda l'eglise saint Nicolas des Champs, lez son Palais, pres Paris: & estoit sondict Palais le lieu ou est de present le monastere & cloistre saint Martin des Champs. Il fonda aussi l'eglise nostre Dame des Champs, pres Paris: à Orleans, l'eglise nostre Dame de bonnes nouuelles, & l'Abbaye saint Aignen, pres les murs d'Orleans: saint Hilaire à Poitiers: saint Ligier en Nyueline: saint Marc à Viçtry: & fait faire le chastel dudit lieu, & celui d'Estampes: l'eglise nostre Dame audict lieu: l'eglise saint Rieule à Senlis: à Ostun saint Cassian, & plusieurs autres. Il enrichit moult l'Abbaye de saint Denis en France, ou il gist: & Constance, sa femme, gist à l'eglise nostre Dame de Poissy, qu'elle fonda, & y meit moynes de l'ordre saint Augustin: mais depuis, Philippe le Bel fait refaire l'eglise de nouuel edifice, &

L'an ix.cés
iiii. uingtz
& dix.

Des beault
dictes, pro-
ses & orai-
sons que le
Roy Robert
composa.

t̄ P. Emil.
du filz.

+ Le uicil
exempl. dit
qu'il fut E-
uesque de
Auxerre, et
Eude mou-
rut ieune,
sans parler
de courōne
mēt: les au-
tres parlent
diuersemēt
de toute la
race suy-
uante.

Les eglises
que fonda
le Roy Ro-
bert.

augmenta grandement le monastere, & y meit religieuses de l'ordre saint Dominique.

L'an de grace mil, & un. En l'an de grace nostre Seigneur mil, aduindrent grands tremblemens de terre, cometes, & signes. Il cheut feu du ciel, & autres prodiges merueilleux. En l'an de grace mil & vn mourut sans enfans Henry, Duc de Bourgongne, oncle du Roy Robert, & par son trespas vint la Duché de Bourgongne au Roy: mais les Bourgongnons s'esleuerent contre luy, & print Landry, Comte de Neuers, la cité d'Auxerre. En l'an de l'incarnation nostre Seigneur mil & deux, ledict Roy Robert assemblea grād ost pour aller contre les Bourgongnōs, & appela à son ayde le Duc Richard de Normandie, & print par force les citez d'Auxerre, que Landry, Comte de Neuers occupoit, & apres Prouins, Auallon, & plusieurs autres, & tout le pays & Duché: & y meit gardes & Capitaines, & en feit Duc Robert, son filz.

L'an mil & quatre. En l'an de grace mil & quatre, mourut Loys Duc de Lorraine, qui filz auoit esté de Charles, frere du feu Roy Lotaire, qui mourut prisonnier à Orleans: & donna le Roy ladiète Duché à Geoffroy, filz de Godefroy, Comte d'Ardenne, qui estoit nepueu dudit Loys.

L'an mil & cinq. En l'an de grace mil & cinq, mourut † Stomont, Comte de Sens, & luy succeda Raynard, son filz, qui commença à faire de grandes persecutions aux eglises, & mesmement à Leotheric, Archeuesque de Sens: lequel se mit en oraison, priant nostre Seigneur qu'il vouldist faire ayde à son Eglise: & subitement vint audict Raynard vne si grand' terreur & espouementement, qu'il s'en fuyt hors de la cité, & fut ladiète cité bruslée & mise es mains du Roy, qui la ioignit à son domaine. En l'an de grace mil & six, le Comte Baudouyn de Flandres, print le chastel de Vallenciennes. L'Empereur le vint assieger dedans. Ledit Roy Robert & Richard, Duc de Normandie, allerent à son ayde: & fut ledict Empereur contrainct à s'en retourner sans riens faire, dont il fut bien despit: & apres que lesdictz Roy & Duc furent retournéz, ledict Empereur feit appointement audict Baudouyn, Comte de Flandres, & luy donna ledict chastel, pourueu qu'il seroit de son aliance & à son ayde. En celle année & autres ensuyuans, † Sueue, Roy de Dace & des Danois, infesta tellement le pays de Angleterre, que toutes les villes se meirent en sa subiection: parquoy Eldred, Roy d'Angleterre, fut contrainct à s'en partir, & s'en venir, luy, sa femme & enfans en France deuers Richard, Duc de Normandie, duquel il auoit espousé la soeur: & en l'an mil & treize, ledict Sueue, qui estoit allé à Londres, pour disposer des negoces & affaires du pays, mourut subitement. Ses gens feirent & esleurent Roy † Cunet, son filz. Quand le Roy Eldred ouyt la mort dudit Sueue, il partit hastiement de France, & s'en alla en Angleterre. Les Barons le receurent à grand' ioye, comme leur Roy: puis courut sus audict Cunet: lequel à la parfin fut contrainct s'en aller & retourner en Dace, dont son pere estoit venu: & l'an mil & quinze, Cunet retourna en Angleterre avecques grand nombre de gens & de nauires, & print la plus part du pays. Puis alla mettre le siege deuant la cité de Londres, en laquelle ledict Roy Eldred estoit mort de maladie, & luy auoit succédé Emōd, son filz. Cunet trouua façon de tirer hors de Londres la Royne Emma, veufue dudit Eldred, soeur du Duc de Normandie, & l'espousa, & eut d'elle vn filz, nommé Hardecunet, & fut Roy des Danois, & vne fille nommée Gumilde, qui fut mariée à l'Empereur Henry. Ledit Emond, filz d'Eldred feit forte guerre audict Cunet, & l'assiegea dedans Londres: & à la fin ceulx de Londres, *longua obsidione fatigati*, partirent le royaume entre lesdictz deux Roys. Ledit Cunet demoura à Londres, & ledict Emond s'en alla en sa terre: & tantost apres par ses gens il fut tué en trahyson. Apres la mort ledict Cunet print toute sa terre, & regna xx. ans. Quād Edouard, frere dudit Emond, veit la mort de son frere, & que ledict Cunet auoit tout prins le royaume, il s'en fuyt en Frâce deuers ledict Richard, Duc de Normandie, son oncle. Enuiron ce temps fut vne si grand' famine, & mortalité vniuerselle, & mourut tant de gens, que les viuās estoient si lassez d'ensepuelir les mors, qu'ilz ensepuelissoient & enterroyent les gens encores viuans. Durant ladiète famine vn pauvre homme du pays du Liege, se partit par necessité, & s'en alla en Normandie mendiant sa vie, & chantant par les rues, ainsi qu'ont de coustume de faire ceulx du pays. Quand il fut en Normandie, il s'arresta en vne ville, & gaignoit sa vie à coudre, & sa femme & vne fille qu'ilz auoyent filloyent, & demouroient aupres de la maison d'un riche Bourgeois, avecques lequel il print congnoissance & familiarité. Vn iour le Duc Richard de Normandie estoit allé à la chace, & à son retour se vint loger en l'hostel dudit Bourgeois: & veit & apperceut la fille dudit pauvre pelerin, qui filloit en la rue, & luy sembla belle, & la couuoita. Le Duc, qui ne sçauoit qui estoit ladiète fille, dist à son hoste qu'il trouuaist façon de luy faire auoir ladiète fille pour coucher avecques luy, & il luy doneroit vn moulin qu'il luy demandoit. Iceluy hoste alla parler audict pauvre homme & sa femme, pere & mere de ladiète fille, qui pour riens ne si vouloyent consentir: mais à la parfin pauvreté si s'accorda, & furent

Famine & mortalité uniuerselle.

& furent comme contrainctz de la bailler, par ce qu'ilz deuoyent de l'argent audiect hoste, lequel de ceste cause les tenoit en subiection. Ladiecte fille fut parée: & luy fut dict qu'elle faignist si le Duc luy demandoit qui elle estoit, qu'elle luy respondist qu'elle estoit fille audiect Bourgeois. Si coucha la fille, qui moult estoit belle, avecques le Duc. Au matin quand le iour fut venu, le Duc la regardoit pres de luy, & elle se print à plorer. Le Duc luy demanda pourquoy elle ploroit: elle luy dist qu'elle se voyoit à celle heure heureuse d'estre en si noble compagnie, mais le lendemain seroit à tousiours deshonneurée, & qu'autre qu'elle prenoit le profit de sa virginité. Le Duc l'interroqua, & elle luy compta tout le cas. Lors le Duc dist qu'il n'en yroit pas ainsi: & donna à icelle fille, & à son pere, non pas seulement ledict moulin, mais toute la terre & seigneurie du lieu: & fut long temps amoureux d'elle, & en engendra aucuns enfans. Aucun temps apres les Barons de Normandie prièrent & persuaderent ledict Duc qu'il se voulist marier: & luy pourchacerent de nobles Dames, mais il n'en vœlut point prendre. A la parfin il espousa ladiecte fille pelerinne, & d'elle eut tresbelle lignée, & fait mettre les enfans qu'elle auoit euz de luy soubz le poille: toutesfois aucunes Croniques disent qu'il espousa Iudich, qui fonda l'Abbaye de Bernay: laquelle estoit soeur du Comte Geoffroy, Comte de Bretagne: & d'elle il engendra trois filz, c'est à sçauoir Richard, Robert, & Guillaume, qui fut moyne à Fescamp, & trois filles. En l'an de grace mil & dixsept, Le Roy des Hongres & tous ses subiectz renoncerent aux idoles, & se conuertirēt à la foy de Iesus Christ, & tous se firent baptizer par l'admonnestemēt de Gisle, soeur de l'Empereur, femme dudiect Roy: lequel Roy fut nommé en son baptisme Estiēne.

tal. Duc
L'an mil
dixsept, le
Roy de Hongrie & ses
subiectz se
firent baptizer.
† al. Olanus, roy
de Noruegue.

Enuiron ce temps † Olanus, Roy de Noiresque, qui estoit Payen, vint en Normandie pour faire ayde au Duc Richard contre Eude, Comte de Chartres, qui luy faisoit guerre: & par l'enhortement de Robert, Archeuesque de Rouen, ledict Olanus & plusieurs autres de ses gens renoncerent aux idoles, & se firent baptizer: mais quand il fut en sa terre, il fut tué de ses peruerses gens, & comme glorieux martyr il vola au royaume celestiel: & dit lon que son corps est en l'eglise saint Victor, pres Paris.

En l'an mil vingt & quatre Raoul, *Rex Transiurenſis Burgundie*, soy disant auoir ennuy des insolences des Bourgongnons ses subiectz, traicta de donner ledict royaume à Henry l'Empereur: mais tost apres, *ſimulata Burgundionum ſauſfactione*, il ſen reuoqua. En l'an que deſſus, ou mil vingt & ſix, comme veulent aucuns, mourut ledict ſecond Richard, Duc de Normandie, & luy ſucceda ſon filz Richard le tiers, qui mourut deux ans apres, auquel ſucceda Robert, ſon frere, par ce qu'il n'auoit qu'un filz, qui eſtoit Abbé de ſaint Ouen à Rouen, & deux filles, l'une mariée à Gaultier, ſeigneur de ſaint Valery, & l'autre au Vicomte de Bayeux: parquoy Robert, ſon frere, luy ſucceda audiect Duché, & eſt celuy qui engendra Guillaume le Baſtard, qui conqueſta Angleterre.

En l'an mil vingt & neuf, mourut ledict Baudouyn, Comte de Flandres, ſurnommé Belle barbe: & luy ſucceda Baudouyn, ſon filz, qui eut à femme Alis, fille dudiect Roy Robert, de laquelle il eut Baudouyn, qui fut Comte de Henault, & Robert, Comte de Friſe, & vne fille nommée Mathilde, ou Mahault, qui fut mariée à Guillaume le Baſtard, Duc de Normadie.

L'an mil
vingt &
neuf.

L'an mil trente mourut le bon Roy Robert, bon catholique, & fut enterré à ſaint Denis en France. En ce temps eſtoit Comte d'Aniou Geoffroy Martel, qui eſtoit vn ſage Cheualier: lequel fonda l'Abbaye de la ſainte Trinite de Vendosme, ou eſt la ſainte Larme de noſtre ſeigneur Ieſus Chriſt. Il deſconfit & print en bataille le Comte de Poitiers, & eut pour ſa rançon Bordeaux, & le pays d'enuiron. Enuiron ce tēps Eude, Comte de Champaigne, bailla & transporta la Comté de Beauuais à Roger, Eueſque dudiect Beauuais, qui eſtoit ſon frere, en recompēſe & contre eſchange du chaſtel & ville de Sanxerre ſur Loyre en Berry, qui luy appartenoit de ſon patrimoine: lequel Eueſque donna ladiect Comté & ſeigneurie de Beauuais à l'eglise dudiect lieu, & à ſes ſucceſſeurs Eueſques, pour la tenir perpetuellement.

L'an mil tre
nte mourut
le bon Roy
Robert.

En ce meſme temps fut par vn Italien, nommé Guido Aretinus, trouuée la ſcience de Muſique, & fait la game que les enfans apprennent ſur les ioinctures de la main, & trouua les ſix notes, Ut, re, my, fa, ſol, la. En ce temps vn religieux retourna de Hieruſalem paſſa par Cecile, & ſe recrea & repola p aucun tēps avec vn reclus ou hermite, qui luy diſt & recita qu'au pres du lieu, ou il habitoit auoit aucunes montaignes & lieux dont ſailloyent continuellemēt grand feu & grandes flammes, & appeloit on iceulx lieux les Olles de Vvltan, & que la eſtoient tourmentées les ames des paſſez de diuers tourmēs, ſelon les pechez qu'ilz auoyēt faitz, & ſouuent on oyoit grands crys & vrlemens de Diables, qui ſe plaignoyent q les ames leur eſtoient oſtées & rauies de leurs mains, par aumoſnes & prieres que faiſoyent les bons Chreſtiens, & principalemēt par les oraïſon des moynes de Clugny: & ce venu à la congnoiſſance d'Odille, lors Abbé de Clugny, il ordonna que par tous les monaſteres de ſon ordre on

La Côte de
Beauuais
fut donnée
à l'eglise du
dict Beau
uais.
Inuentio de
ut, re, my,
fa, ſol, la.

feit memoire & prieres pour les trespassez, le second iour de Nouëbre, ainsi qu'on fait le premier iour dudit moys solennité de tous les Sainctz & Sainctes.

Du Roy Henry, auquel Constance sa mere contraria, voulant faire Roy vn autre sien filz.

L'an mil
trente.

Robert Duc
de Norman
die.



† aïs,
Boulon
gne.

† Autres di
sent sa pro
pre mere.
† Autres di
sent de la
ville de sers.

L'an mil
trente deux

Eude, Cōte
de Cham
paigne.

L'an mil
trente &
quatre.

L'an mil
trente six.
† al. Nor
vuege.

L'an mil
quarante
un.
L'an mil
quarante
trois.

Henry, filz de Robert, commença à regner l'an de grace mil trente, & regna trente ans entiers, puis trespassa au tréte & vnieme an de son regne, apres le couronnement de son filz Philippe, l'an mil lxj. & gist à saint Denis en France. Cestuy eut à femme Anne, fille de George l'Esclauon, *qui fuit Rex Russorum.* & en eut trois filz: c'est à sçauoir Philippe, qui fut Roy apres luy, Robert qui mourut ieune, & Hue qui fut Côte de Vermendois, à cause de la fille du feu Comte Hebert qu'il espousa, & vne fille qui fut mariée à Robert, Duc de Normandie. Il aduint que ledict Robert, *orationis causa,* voulut aller en Hierusalem, mais ses Barons luy desconseilloient, & disoyent

qu'il n'auoit nul hoir né en mariage, & qu'ilz demoureroyent sans Duc: car Alain Duc de Bretagne, & le Comte de † Bourgongne estoient ia en question qui seroit Duc apres luy. Si leur dist le Duc qu'il auoit vn filz bastard, nommé Guillaume, qui seroit bon & vaillant Cheualier, comme luy sembloit, & le feroit son heritier, & le laisseroit en la garde du Roy de France durant son voyage: dont les Barons & les Prelatz furent contents, & receurent ledict Guillaume pour leur Duc, & luy feirent homage. Si s'en alla ledict Duc Robert, du congé du Roy en son voyage de Hierusalem, avec bien dix mil Normans: & y feirent de grâds conquestes, & y furent iusques à l'an mil xxxj. que ledict Robert se mit à chemin pour retourner: & en s'en retournant il fut empoisonné, & mourut, & fut enterré en la cité de Nice: & luy succeda ledict Guillaume, son filz bastard, qui fut moult vaillant: car il conquist Angleterre, & submist à luy le Roy d'Irlande, & Yon, Prince de Galles. Au temps du trespas dudit Robert ledict Guillaume estoit encores ieune: si le laissa sondict pere en la garde dudit Roy Henry. Contre ce-

stuy Roy Henry la Royne Constance, sa † marastre, machina fort avec les plus grâds Barons du royaume, pour cuyder faire Roy Robert, qui estoit Duc de Bourgogne, filz puisné dudit feu Roy Robert & d'elle: & entre autres attrahit à elle Eude, qui estoit Côte Palatin de Châpaigne, de Brie, de Chartres, & de Touraine: auquel elle promit, & donna, affin qu'il fust de son party, la moytié † de la Comté du Maine: mais iceluy Roy Henry, qui estoit sage, hardy, aspre, & vaillant Cheualier, & le quel ledict Roy Robert, son pere, auant son trespas feist sacrer & couronner Roy à Reims, de vertueux & grand courage, & à layde de Robert, Duc de Normandie, & du Comte de Corbeil, qui estoit son oncle, résista à leurs entreprinse, & cō-

traignit les vassaulx de France à luy faire hommage. Et puis en l'an mil trente deux assembla son ost, & alla contre ledict Comte de Châpaigne, & luy osta ladiete moytié du pays du Maine, que la Royne Constance, sa mere, luy auoit donnée: & print sur luy le chastel de Gournay

sur Marne: & tantost apres ledict Eude, Comte de Châpaigne, eut bataille cōtre Gothellon, Duc de Lorraine, sur qui il auoit surprins la ville de Bar & autres, & furent ses gens desconfitz, & luy tué en s'en fuyant. Il laissa deux filz, l'un nommé Thibault, qui fut Côte de Chartres & de Touraine, & l'autre nommé Estienne, qui eut les Comtez de Meaulx & de Troyes, qui est en Champaigne, & Brie: & puis ledict Gothellon, Duc de Lorraine mourut, & luy succeda Godefroy, son filz, & eut vn autre filz qui eut nom Federic, lequel fut Euesque du Liege. L'an mil xxxiiij. les Bourgongnois se departirent de l'obeissance de leur Roy Roul, & se rendirent à l'Empereur Conrard: & depuis est ceste partie de Bourgongne appelée Imperiale, que nous appelons la Franche Comté: & lors fut supprimé & aboly le royaume de Bourgongne, qui auoit duré depuis le temps d'Arnoul l'Empereur environ cent & trente ans.

L'an mil trente & six mourut Cunet, Roy d'Angleterre, de Dace, d'Escoffe & † Noiresque: & luy succeda Harald, son filz, de sa premiere femme, lequel regna quatre ans, & mourut l'an mil quarante: & apres luy succeda Hardecunet, qui regna deux ans, & mourut l'an mil quarante & deux: & luy succeda son frere, filz d'Eldred & d'Emma, fille du premier Richard, Duc de Normandie. En l'an de grace mil quarante & vn, pource que Galleran, Comte de Meulanc, estoit rebelle & desobeissant au Roy Henry, il alla contre luy, & le desherita, & ioignit sa terre à son domaine. En l'an mil xliij. se meust guerre entre Geoffroy Martel, Comte d'Angiers, & Thibault, Comte de Chartres: & fut ledict Thibault prins en la bataille: & eut ledict Côte d'Angiers pour sa rançon la cité de Tours, & plusieurs chasteaux. En l'an mil quarante & cinq, à Benoit, qui auoit inuadé par symonie la

Papauté

Papaulté de Romme, & qui estoit ignare des lettres latines, fut baillé coadiuteur vn nommé Siluestre, lequel fut sacré Pape: *quod cum multis non placeret, tertius superducitur, Gregorius nominatus*; & ainsi en vn mesme téps estoient trois Papes à Romme. A ceste cause l'Empereur Henry alla à Rōme: & par le conseil les feit canoniquement tous trois deposer: & y fut mis Suidiger Euesque de Babemberg, qui fut sacré & appelé Clemēt: & iurerēt & promifēt les Rommains de non iamais eslire Pape sans l'assentement de l'Empereur: mais deux ans apres, c'est à sçauoir mil xlviij. lediēt Clement mourut, & esleurent leidiēt Rommains vn nommé t Bruno, qui fut nommé Leon, qui fut saint homme & bien lettré. On dit qu'un iour voyant vn Ladre deuant sa porte, le feit secrettement venir en sa chambre, & le coucha en son liēt: auquel tantost apres il ne le trouua pas, & veit vne grand' clarté seulement. Lediēt Henry Empereur ne fut pas content de son election, par ce qu'il n'auoit pas esté appelé, & le dechaça: parquoy en l'an mil quarante neuf, il s'en vint en France à refuge, & apres trouua façon de foy reconcilier à l'Empereur, & tint vn Concile à Aiz, ou il reforma plusieurs grands abus qui estoient à l'Eglise: Apres s'en retourna à Rōme. Il trouua Robert Guichard, qui faisoit la guerre, & auoit ia prins & cōquesté tout les pays de la Pouille, Calabre, & Cecile: & pource que lediēt Leon disoit que c'estoyēt les terres de l'eglise, il les voulut deffendre: & luy feit forte guerre; & prirent les gens plusieurs Normās: mais iceluy Robert t print lediēt Pape prisonnier, & le detint iusques à ce qu'il eust fait rendre tous ses gens. Iceluy Robert Guichard eut deux filz, c'est à sçauoir Boemond, & Roger, dont sera parlé cy apres. En l'an de grace mil t cinquāt six le Roy Henry de France, qui encores auoit en sa garde Guillaume le Bastard ieune enfant, auquel son pere auoit laissé la Duché de Normandie, pource qu'aucuns Normans ne le vouloyent receuoir, & le voulurent priuer de la Duché, alla avec trois mil hommes d'armes seulement contre leidiēt Normans, qui estoient bien trēte mil, & les desconfit, & establit lediēt Guillaume Duc, & le mit en possession de la Duché. En l'an de grace mil cinquante neuf lediēt Roy Henry de France, se sentit affoibly. A ceste cause il feit couronner Philippe, son filz, Roy de France, en l'eglise de Reims, du consentement des Barons du royaume: & au deuxieme an d'apres mil soixante & vn mourut: & fut son corps enterré en l'eglise saint Denis en France: & laissa le ieune Roy Philippe, son filz, en la garde de Baudouyn, Comte de Flandres, qui auoit espousé la tante dudiēt Philippe. Audiēt an mil soixante & vn, ladiēt t Auine, Roine de France, sa femme, fonda à Senlis vne belle eglise en l'honneur de saint Vincent le martyr, & y mit chanoynes: & ordonna qu'à la difference des autres ilz portassent leurs robes & capuchons rouges de couleur de sang, pour memoire du martyr saint Vincent: & parauāt lediēt Roy Henry, son mary, auoit fondé l'eglise S. Martin des Champs, au lieu qui estoit lors son Palays, hors les murs de Paris, & y mit chanoines pour Dieu prier: & en ce mesme téps Geoffroy Martel, Comte d'Aniou, fonda l'Abbaye de Vendosme, en l'honneur de la sainte Trinité, & y mit la sainte Larme de Iesus Christ, qu'il auoit apportée de oultre mer.

t vlat. & autres mettent un Da masus de uat, & cōp tent un peu autrement. L'an mil xlix.

t Les Ital: attribut ce cy à un Gisolf, Duc de Beneuē. t Autres disent 46. et 47. & est plus uray semb. L'an mil cinquante neuf. L'an mil soixante & un. t Parauant la nomme Anne.

De Philippe, premier de ce nom, qui est enterré à saint Benoit sur Loyre.



Philippe, premier de ce nom, ainsi couronné du viuant du viuant de son pere, demourant soubz la garde dudiēt Baudouyn, Comte de Flandres, commença à regner seul l'an mil soixāte & vn, & trespāssa au quarāt & huytieme an de son regne entier, & gist à S. Benoist sur Loyre, apres auoir vescu fort en paix, & en fortune moult debonnaire. En l'an mil l'an de grace mil soixante & trois fut enuoyée en Espagne grand' cheualerie de Frāce contre les Sarrazins qui gastoyēt la terre: mais par famine les François furent contrainctz eulx en retourner sans riens faire. En celle année le desusdiēt Guillaume le Bastard, Duc de Normandie, alla en Flandres: & print à femme Mathilde, ou Mahault, fille de Baudouyn, diēt le Piteux, ou de l'Isle, Comte de Flandres: de laquelle il engendra trois filz, & quatre filles: l'ainé fut Robert, qui fut Duc de Normandie apres luy, lequel alla à la conqueste de Hierusalem, avecques Godefroy de Buillon: le second fut Guillaume le Roux, Roy d'Angleterre: & le tiers Henry, qui apres la mort dudiēt Guillaume le Roux fut aussi Roy d'Angleterre. La premiere fille fut Abbesse de Caen. La seconde fut mariée au Duc de Bretagne. La tierce fut promise à Harald (qui se feit Roy d'Angleterre, & sur lequel lediēt Guillaume conquist le royaume, qui de droiē succession luy appartenoit) mais il ne l'espousa pas: parquoy depuis elle fut mariée à Estienne, Comte de Chartres.

L'an mil lxij.

Thibault
Comte de Cham-
paigne.

L'an mil
soixante &
quatre.

L'an mil
soixante &
sept.

Merueilles
d'une batail-
le de coulen-
ures, pres la
ville de
Tournay.

† Pol. Verg.
dit 66.

† Autres di-
sent 1065.
L'an mil
soixante &
huyt.

L'an mil
soixante &
neuf.

L'an mil
septante.

L'an mil se-
ptante &
deux.

La quatrieme fille fut mariée au Comte de Bloys, & d'elle yffit entre autres enfans Thibault; qui fut Comte de Champagne, & Estienne, Comte de Mortaigne & de Boulongne, qui depuis fut Roy d'Angleterre. Ainsi que ledict Guillaume le bastard s'en retournoit de Fladres, luy fut amené vn Seigneur d'Angleterre, nommé Harald, qui frere estoit de la Roïne d'Angleterre, que la tempeste de la mer auoit ietté au port de Boulongne, lequel le receut & festoya honnorablement: & promit & iura iceluy Harald audict Duc, qu'après la mort d'Edouard, Roy d'Angleterre, qui cousin estoit d'iceluy Duc Guillaume, il tiendrait son party, & luy ayderoit à conquerir ledict royaume, & par ce luy fait iceluy Duc de grands dons: mais quand il fut retourné en Angleterre, il se pariura: & l'année ensuyuant, mil soixante & quatre, ledict Roy Edouard d'Angleterre trespassa, & fit ledict Duc Guillaume son heritier, par ce qu'il n'auoit nulz enfans: mais ledict Harald, frere de la Roïne, s'ensaisina dudit royaume, & le tint deux ans. En l'an mil soixante & sept, vn nommé Guido, qui estoit Doyen de l'eglise saint Quentin de Vermandois, fut esleu apres le trespas de Roger, Euesque de Beauuais: & fit edifier en l'honneur dudit saint Quentin vne belle Abbaye, hors les murs de la cité de Beauuais, & y meit Chanoynes reiglez, de l'ordre de saint Augustin. Enuiron ce temps il aduint vne chose merueilleuse: car en vn village aupres de la ville de Tournay s'assembla vne grand' multitude de couleures, cōme en nombre innumerable: & se separerent en deux parties, comme deux batailles, les vnes deça, les autres dela: puis se coururent sus les vnes aux autres, & tant se combaterent & tuerent, que l'vne des parties commença à affoiblir: & lors celles qui restoyent s'allerent mussier au creux d'un arbre dedans terre: & l'autre partie, *more uincendum* demoura au champ, siffiant & menant grand bruyt: & y furent iusques à ce qu'on y apporta grand' force de boys & de paille ou on meit le feu, & furent toutes bruslées. Audict an mil + soixante & sept, Edouard Roy d'Angleterre, qui estoit vn saint homme, trespassa sans heritiers: & par testament fit son heritier audict royaume Guillaume le Bastard, Duc de Normandie, qui son cousin estoit, cōme dict a esté: parquoy ledict Guillaume passa en Angleterre avecques grand' armée de Normans, & à son ayde estoyent plusieurs François: à l'encontre duquel ledict Harald, filz du Comte Godon, & frere de la Roïne d'Angleterre, qui festoit fait Roy d'Angleterre, fit forte guerre, combien que parauant il luy eust promis estre de son party: & en vne bataille fut ledict Harald & ses gens tous tuez & desconfitz. Semblablement vn nommé Haruich, Roy de Norvuegue, qui estoit de la lignée du feu Roy Cunct, avecques trois cens nefz alla audict royaume d'Angleterre, pour soy ensaisiner du royaume, & print aucunes villes: mais ledict Guillaume le Bastard eut bataille contre luy, & tua & desconfit luy & les siens: & ainsi demoura paisible dudit royaume, & fut couronné Roy. En ce mesme temps les Escossois feirent grandes guerres aux Angloys, tellement que le pays fut si persecuté de famine qu'il y en eut plusieurs qui mangeoyent la chair des humains. En l'an + dessusdict mourut Federic, Duc de Lorraine, & luy succeda audict Duché Godefroy, Duc de Braban. En l'an mil soixante & huyt, le Roy Philippe print à femme Berthe, fille de Florent, Duc de Frise, Comte de Holande, & soeur de Robert, Comte de Flandres, qui fut oultre mer avecques Godefroy de Buillon: en laquelle Berthe ledict Roy Philippe engendra Loys, qui fut surnommé le Gros, & Henry, & Constance, qui fut femme de Boemond, Prince d'Antioche: lequel Prince d'Antioche, & Robert Guichard, son pere, eurent en vn mesme iour deux belles & grâdes victoires, qui sont bien dignes de memoire. L'vne fut contre l'Empereur de Grece, & l'autre fut contre l'Empereur d'Allemagne. En l'an mil soixante & neuf mourut Baudouyn, Comte de Flandres, surnommé le Piteux, qui auoit eu à femme la fille du feu Roy de France Robert: & laissa Baudouyn, Comte de Mons, son filz aîné (qui luy succeda audict Comté de Flandres, & fut Comté de Henault à cause de Richilde sa femme) & vn autre filz, nommé Robert Frison, & vne autre fille nommée Mathilde, qui estoit femme de Guillaume le Bastard, Roy d'Angleterre. En l'an mil septante mourut Godefroy, Duc de Braban & de Lorraine, & luy succeda son filz Geoffroy, surnommé le Bossu: lequel combien qu'il fust de petit corsage, toutesfois estoit de grand & magnanime courage. En l'an mil septante & deux mourut Baudouyn Comte de Fladres & de Henault, & laissa en la garde de Richilde sa femme deux filz, qui luy deuoyent succeder: l'un nommé Arnoul & l'autre Baudouyn: mais Robert Frison, frere dudit feu Baudouyn, & oncle desdictz enfans, du cōsentement des Flamás se fit Côte de Flandres: parquy ladicte Richilde s'en vint deuers le Roy de France requerir ayde: lequel assembla grand' armée, & alla contre ledict Robert: & eurent bataille que gagna ledict Robert, & fut ledict Arnoul tué, ladicte mere prisonniere, & le Roy eschapa par fuyte: & tantost apres ladicte Richilde fut relaschée en recompense d'aucuns prisonniers Flamens qui auoyent esté prins.

En l'an

En l'an de grace mil septante & quatre, Pape Gregoire assemblea vn Concile, auquel il excommunia & anathematiza les simoniacs: & les Prestres, qui estoient mariez, osta du diuin seruice, c'est à dire de l'administration des sacremens de l'Eglise, & deffendit aux gens laiz de non ouyr leur messe. En l'an de grace mil quatre vingtz, Robert Frison, qui estoit en faisiné de la Comte de Flandres, au preiudice de ses nepueux, dont l'un estoit ia mort en bataille, feit guerre à Baudouyn le ieune son nepueu, & le desconfit: & par ce iceluy Robert demoura paisible Comte de Flâdres: & espousa Gertrude, veufue de feu Florent, Comte de Frise, & de Holande, & en eut deux filz, l'un nommé Robert, & l'autre Philippe: & deux filles, dont l'une fut mariée à Cunet Roy de Damnemarche, & l'autre à Theodoric, laquelle eut vn filz nommé Theodoric, qui apres fut Comte de Flâdres. En l'an de grace mil quatre vingtz, & vn guerre se meut entre Geoffroy le Barbu Comte d'Aniou, & Fouques Rechin son frere, qui estoit Comte de Gastinois, lesquelz estoient enfans de feu Geoffroy Martel Comte de Angiers: & estoit la cause pource que ledict Fouques se plaignoit que son frere luy auoit baillé trop petite portio de terre: & vint iceluy Fouques deuers le Roy à plaincte: & luy promit qu'il luy laisseroit & donneroit le pays de Gastinois, & qu'il ne luy nuyrist point en la guerre qu'il vouloit mouuoir cōtre son frere. Ce que le Roy luy octroya volontiers: & apres ce ledict Fouques meut bataille cōtre son frere, & eut victoire: & print ledict Comte d'Aniou son frere, & le detint prisonnier iusques à ce qu'il mourut: & par ce vint ledict pays de Gastinois es mains du Roy Philippe.

En l'an mil quatre vingtz & deux, iceluy Philippe osta de l'eglise saint Martin des champs, lez Paris, les Chanoynes que le Roy Henry son pere y auoit mis, par ce qu'il fut aduertie qu'ilz viuoient de mauuaise vie & lubrique, & faisoient tresmal & irreueremment le diuin seruice: & dona ladicte eglise à Pierre, moine de Clugny, qui feit leas venir moynes de l'Abbaye de Clugny, qui encores la possèdent, & doiuent viure regulierement. Audiēt an mil quatre vingtz & deux, pour aucuns griefz que Robert, surnommé Courbe cuisse, Duc de Normandie, filz de Guillaume le Bastard Roy d'Angleterre, faisoit aux Normans, ilz en allerent à plaincte audiēt Guillaume Roy d'Angleterre, son pere, lequel luy auoit donné ladicte Duché. Il esmeut guerre contre son frere, & passa la mer luy & son autre filz nommé Guillaume, avec plusieurs Angloys, & eurent bataille: en laquelle ledict Robert rencontra ledict Guillaume son pere, & de sa lance l'abatit par terre: mais il fut secouru & n'eut nul mal: & son frere Guillaume fut blecé, & plusieurs de ses gens tuez: parquoy ledict Roy Guillaume s'en retourna en Angleterre, & maudist ledict Robert son filz: & dit on que depuis ladicte malediction luy ne sa posterité ne prospererent.

En l'an mil quatre vingtz & sept les Veniciens voulurent faire emporter de la cité de Mirre, qui estoit en la Pouille (laquelle pour lors auoit esté destruite par les Sarrazins) le corps de monseigneur saint Nicolas, Euesque de ladicte cité, & y enuoyerent gens: mais ceulx de la cité de Bar en Calabre le sceurent, & allerent audiēt Mirre: & leur fut par quatre religieux monsté le lieu ou estoit ledict corps saint, qu'ilz trouuerent, les os nageans & baignans en huille: si les prindrent, & emporterent honnorablement en ladicte cité de Bar, ou ilz sont encores de present. En l'an de grace mil. iiii. xx. & neuf, vn nommé Rottod Comte de Vitry en Partois assemblea plusieurs Frâçois, & alla en Espagne faire guerre aux Sarrazins, & y conquist plusieurs villes, chasteaulx & grâds pays de longue estendue, qui depuis ont esté erigez en deux royaumes, c'est à sçauoir Nauarre & Arragon. En l'an de grace mil. iiii. xx. & xj. le Roy Philippe de France, frappé de la suggestion du Diable, print en hayne la Roine Berthe sa femme, & la deicta d'aupes de luy, & la feit tenir comme prisonniere au chasteau de Monstereul sur la mer, ou il luy auoit assigné son douaire: & s'en amoura follement d'une, nommée Bertrade, qui femme estoit de Fouques Rechin, Comte d'Angiers, qui auoit donné Gastinois au Roy & detenoit son frere prisonnier: & avec elle commit adultere par plusieurs ans. En elle engendra deux filz, l'un nommé Philippe, & l'autre Fleury, & deux filles, dont l'une fut mariée au Côte d'Estâpes. En l'an mil quatre vingtz & douze, mourut Guillaume le Bastard Roy d'Angleterre, & fut Roy apres luy son filz Guillaume, qui fut surnommé le Roux. Ledit Guillaume laissa deux autres filz: c'est à sçauoir Robert, qui estoit Duc de Normandie, & Henry, qui apres fut Roy d'Angleterre, & vne fille, qui fut mariée à Estienne Comte de Bloys, de laquelle vint le Comte Thibault, lequel fut apres Côte de Champagne.

En l'an mil quatre vingtz & quinze, eurent lesdictz enfans apres son trespas de grands guerres ensemble: car ledict Guillaume le Roux, Roy d'Angleterre, vint descendre en Normandie, & print le chasteau de saint Vvalery: auquel estoient plusieurs Cheualiers

L'an mil
iii. xx. &
quinze.

Normans du party de son frere Robert Duc de Normandie: lesquelz il feit tous brusler dedās, & courir & piller toute la terre de Normandie. En l'an mil quatre vingtz & quinze, Pape Vrbain vint en France, & assambla vn Concile à Clermont en Auuergne: auquel auoit trois cēs & dix Prelatz. Il excommunia publiquement le Roy Philippe de France, par ce qu'il ne vouloit reprēdre la Roynne Berthe sa femme, & qu'il viuoit en luxure: parquoy lediēt Roy Philippe par crainte de ladiēt excommunication, donnée contre luy, reprint ladiēt Berthe sa femme, & abandonna ladiēt Bertrade, femme dudiēt Comte d'Angiers: & par tant lediēt Pape l'absolut.

Du voyage, & de la prinse de la sainte cité de Hierusalem, par Godeffroy de Buillon.

La croisee
fut faicte
par toute la
Chrestientee
pour aller
sur les
Turcs &
Sarrazins.



V diēt Concile lediēt Pape Vrbain remontra la desolation de la terre Sainte, & les griefz & dommages qu'y auoyent faictz & faisoient les Sarrazins, en persuadant toutes manieres de gens eulx mettre sus & en armes, pour aller venger l'injure que lesdiēt Sarrazins faisoient à Iesus Christ, & à ceulx de sa loy Chrestienne: pour laquelle cause plusieurs Princes, Ducz, Comtes, Barōs, Cheualiers, Nobles, roturiers, riches & pauvres de toutes aages, tant de France, d'Aquitaine, Normandie, Bretagne, Bourgōgne, Lorraine, Prouence, Espaigne, Lombardie, Allemagne, Angleterre, Escosse, & d'autres pays & natiōs se croiserent pour aller audiet voyage. La furent ceulx qui allerent audiet voyage nombrez trois cens mille hommes de guerre: & feirent chef de ladiēt armee & assemblée Godeffroy de Buillon, Duc de Lorraine: qui pour fournir aux frais dudiēt voyage, vendit la cité de Metz aux habitās de ladiēt ville. Auec luy allerent en personne des parties de France, ses freres Eustache & Baudoyne, Ancelin de Richemont, Baudoyne Comte de Mons, Robert Comte de Flandres, Estienne Comte de Bloys, Hue le Grād frere du Roy Philippe de France, Comte de Vermandois, Robert Duc de Normandie, frere de Guillaume Roy d'Angleterre, Raymond Comte de Toulouze, Boemond Duc de la Pouille, & Tācred

† Autres di
sent nepueu
& filz de
Roger son
frere.
† sig. & au
tres disent
pōr du fleu
ue Phari-
phar.

son † frere, enfans de feu Robert Guichard de Normandie, qui auoit conquis Calabre, la Pouille & Cecille. Aussi alla audiet voyage monseigneur Herpin, Comte & Seigneur de Bourges: lequel pour fournir aux frais dudiēt voyage, vendit audiet Philippe, Roy de France, ladiēt ville de Bourges & le pays de Berry, la somme de lx. mil solz d'or: & partirent pour aller audiet voyage en l'an mil. iiii. xx. xvii. La premiere bataille qu'eurent les Chrestiens quand ilz furent oultre mer, fut au port de Farfar, † & eurent victoire, & tuerent & desconfirent grand nombre de Sarrazins. La seconde fut à Nichée, & fut faicte ladiēt bataille le. v. iour de Mars, & eurent les Chrestiens victoire: & combien que la ilz fussent bien trois cens mil hommes d'armes, toutesfoies eurent ilz si grand marché de viures qu'un mouton ne coustoit qu'un denier, & un boeuf xii. deniers, & grand'abondance de tous autres biens. Puis allerent Chrestiens mettre le siege deuant la cité d'Antioche, & la prindrent, & dedans se repatrierent: mais les Sarrazins les vindrent assieger à grand'puissance, & y furent longuement, tellement que les Chrestiens estoient affamez de tous viures: mais nostre Seigneur les visita. En ladiēt cité fut miraculeusement trouuée la lance de quoy nostre Seigneur fut percé au costé en la croix, & sortirent sur les Sarrazins portans ladiēt lance, & eurent grand' bataille, & par la grace de nostre

Inuention
de la lance
de quoy no
stre sei-
gneur fut
percé en
l'arbre de
la croix.

Seigneur Chrestiens eurent victoire, & furent Sarrazins desconfitz & mis en fuyte: & fut ladiēt cité, & la principaulté d'icelle, baillée & donnée à Boemond, Duc de la Pouille: lequel apres qu'il eut esté longuement en ladiēt cité sans riens faire, & aussi qu'il n'auoit nulz viures, se mit luy & ses gens sur les champs, & allēs marches de Syrie, ou il print plusieurs villes & places. Les Sarrazins assiegerent vne place que tenoyent Chrestiens, en laquelle estoit Ancelin, Comte de Richemont, lequel fut frappé d'une pierre par la teste: apres lequel coup il dist par trois fois, Dieu ayde moy: & en ce disant redit l'esprit à Dieu. Apres ce que les Chrestiens eurent prins toutes les villes & places de Syrie, & icelles fait tributaires, ilz allerēt mettre le siege deuant la cité de Thir, & apres deuant la cité de Hierusalem: & l'assiegerent: & la prindrent le xxxix. iour apres le siege mis, au iour de vendredy, & entrerent par force. Lors Sarrazins, qui estoient dedans en grand nombre, se retirerent au temple de Salomon, & autres lieux fors, ou les Chrestiens les assaillirent & tuerent, & y eut si grand' occision qu'en plusieurs lieux les cheualx estoient en sang iusques aux genoulx. Apres ladiēt prinse de Hierusalem, vn Roy des Sarrazins vint vers la cité d'Ascalon, pour courir sus à lost Chrestiens, & auoit cent mil hommes de cheual, & quatre cent mil hommes de pied. Les Chrestiens allerēt cōtre luy, & n'estoyēt que cinq mil hommes de cheual, & xv. mil hommes de pied seullemēt, & eurent bataille à vn iour que le soleil estoit moult chaud & luyfant: mais nostre Seigneur

La sainte
cité de Hierusalem
fut prinse par
les Chrestiens.

durant

durant la bataille tint à l'endroit de lost des Chrestiens vne nuée qui leur feit vmbre tant que la bataille dura. Lesdictz Sarrazins par la seule impetuosité des Chrestiens furent subitement si espouventez qu'ilz geçterent toutes leurs armeures, & se meirēt en fuyte. Les Chrestiens les suyurent & en tuerent bien cent mil : & ainsi que lesdictz Sarrazins se vouloyent retirer dedans la cité d'Ascalon, pres de laquelle fut ladiēte bataille, à l'entrée de la porte y en eut bien deux mil de suffoquez & estainctz de presse & de chaleur. Plusieurs autres en y eut de noyez, qui se vouloyent retirer en leurs nefz : & aussi par les hayes & buissons, dont on ne scait le nombre. Ladiēte cité d'Ascalon fut prinse : & en icelle fut, d'un commun assentement de tous les Princes Chrestiens, fait & ordonné Roy de Hierusalem & de toute Syrie lediēt Godefroy de Buillon : lequel ne vescu qu'un an apres, & mourut l'an de grace mil cent. Apres sa mort fut fait Roy Baudouyn son frere qui regna xvij. ans.

La mort de
Godefroy
de Buillon,
Roy de Hierusalem.

Vnde versus:

*Virginis à partu, domini qui claruit ortu,
Anno millenō centeno, quo minus uno,
Quindicies Iulio iam Phœbi lumine tacto,
Hierusalem Franci capiunt uirtute potenti.*

En l'an de grace mil cent, Guillaume le Roux Roy d'Angleterre, en allant à la chace fut tuē d'une saietre: & pource que Robert Duc de Normadie, son frere, surnommé Courte cuisse, qui luy deuoit succeder audiēt royaume, estoit oultre mer au voyage de Hierusalem, Henry son ieune frere, qui estoit en Angleterre, se fait courōner Roy: parquoy lediēt Robert Duc de Normandie, retourna tantost apres, & voulut recouuer lediēt royaume: mais lediēt Hēry, son frere, eut bataille contre luy, & le print prisonnier & à luy & aux principaulx de ses adherens fait estandre la veue à vn bassin chauld & ardent, & les fait mener ainsi aueugles par les villes d'Angleterre, pour espouenter les autres & donner exemple: puis les fait mettre & detenir prisonniers toute leur vie, & s'enfaisina de la Duché de Normandie. En l'an mil. c. j. Baudouyn, Roy de Hierusalē, alla indiscretement assaillir vn nombre de Sarrazins, ou il perdit moult de ses gens: & en ce confliēt furent tuez Estienne Comte de Bloys, Estienne Comte de Bourgongne: & Boemond Prince d'Antioche fut prins prisonnier: & lediēt Baudouyn se sauua par fuyte. En l'an de grace mil. c. & cinq, les Chrestiens, qui estoient oultre mer, eurent encores bataille contre Sarrazins, & en eurent glorieuse victoire: car ilz en tuerēt vn nombre innumerable. Apres ladiēte bataille Boemond, Prince d'Antioche, & Duc de la Pouille, qui estoit filz de Robert Guichart, descendu de Normandie, bailla en garde à Tâtred son frere ladiēte cité d'Anthioche, & les terres qu'il auoit oultre mer, & passa par la Pouille: puis vint en France, & espousa ma dame Constance, fille du Roy Philippe de France: puis s'en retourna, & fait grād' assemblée de gens pour enuahsr l'Empire de Constantinoble, par ce que l'Empereur Alexis, qui hayoit les François, infestoit les pelerins qui alloient oultre mer: & le contrainit à venir vers luy en appointement, & à promettre qu'il ne feroit plus nulz griefz audiētz pelerins. En ce temps commencerent les ordres de Clereuaux, Premonstre, & Cisteaux. Semblablement en ce temps Bruno Allemand, homme de grand science, Chaoyne de Reims, laissa le siecle, & fonda la religion Chartreuse, en vn hermitage pres la cité de Grenoble au Daulphiné: & à ce luy ayda Hugues, lors Euesque dudiēt Grenoble. Audiēt voyage de Hierusalem avec les autres Princes de France estoit Raymōd, Comte de Toulouze, qui y fut vn an à grands despens, & entretint presque toute l'armée: & apres son retour il feit apporter les corps saint Iagues le maieur & mineur cousins germains & Apostres de Iesus Christ, & le riltre de la croix Iesus Christ, auquel est escript de la main de Pilate en Hebreu, Grec, & Latin *Iesus Nazarenus Rex Iudeorum*: & les fait mettre en l'Abbaye de saint Saturnin de Toulouze: ou ilz sont avec les corps des Apostres, saint Simon & saint Iude, saint Philippe, saint Barnabé, & plusieurs autres corps saintz. En l'an de grace mil. c. ix. le Pape Pascal, qui fut apres lediēt Urbain, vint en France deuers le Roy Philippe, & Loys son filz, qui estoit desia destiné Roy, pour demander ayde contre aucuns qui troubloyent l'Eglise de Romme, & aussi pour dōner ordre à aucuns desordres qui estoient en l'Eglise de Frâce: & semblablement y vint l'Empereur Hēry, que le Roy receut honnorablement, puis s'en retournerent: & en passant par la cité de Troyes, il assemblerent vn Concile, auquel lediēt Pape, en ensuyuant la constitution du Pape Gregoire, son iij. predecesseur, excomunia & anathematiza les Symoniacles, & les Prestres maryez: & fait vn decret qui dit ainsi: *Si qui sint presbyteri, diaconi, aut subdiaconi, qui in crimine fornicationis iaceant, interdiciamus eis ex parte omnipotentis Dei, & sancti Petri auctoritate, ecclesie introitum, usque dum poeniteāt & emendant. Si uerò in peccato suo perseuerare uoluerint, nullus uestrum eorum officium audire presumat: quia benedictio eorum uertitur in maledictionem.* Audiēt an mil. c. & dix mourut lediēt Roy Philippe: & fut son corps enterré en l'Abbaye de Fleury, diēte saint Benoit sur Loire: & luy succeda son filz Loys, sur-

L'an de gra
mil & cē.

† Pol. Ver.
cōpte tēcy
un peu au-
tremēt.
L'an milcēt
& un.

L'an milcēt
& cinq.

† autres
nepuēt cō-
me nous a-
uons dit.

De l'inscrip-
tion de l'or-
dre de Pré-
monstre de
Clereuaux,
& de Ci-
steaux.

Le riltre de
la croix de
Iesus Christ
est à Toulou-
ze.
L'an milcēt
& neuf.

L'an mil
cent & x.

*l'institutio
de la feste
de la conce
ption de la
glorieuse
vierge Ma
rie.* nommé le Gros. En ce temps fut instituée la feste de la Conception de la glorieuse vierge Marie, pour les causes au long contenues en la legende de Jadicte solennité.

*Du Comte de Mascon, qui fut persecuteur des eglises, lequel le Diable emporta
visiblement, pour auoir pillé les eglises & monasteres.*

N lit en aucunes Croniques & Histoires anciennes, & mesmement le recite Pierre le venerable Abbé de Clugny, au secôd liure de ses Epistres, apres fame publiq & commun dire de tous, qu'en la cité de Mascon, qui est en la prouince de Lyon, & assise sur le fleuve d'Arar, à present appelé Sosne, auoit vn Côte, qui estoit cruel & peruers tyrân sur toutes gens: & entre autres choses exerçoit sa malice & tyrannie sur gës d'Eglise, & par violence leur ostoit tous & chascuns leurs biës, & les biës-des fondations des Eglises: & vsurpoit, & appliquoit à son dômaine leurs terres, heritages, reuenus & possesiôs: & dechaçoit & mettoit hors les Chanoines, religieux & religieuses des eglises & monasteres, sans point de misericorde: tellement que grand partie des eglises & monasteres de son pays deuindrent du tout en ruyne & desolation: & perseueroit tousiours de mal en pis, tellement qu'il prouoqua & esmeut l'ire de Dieu contre luy, qui par sa iustice diuine, tout ainsi qu'iceluy mauuais tyrân auoit exploicté publiquement sa cruauté & malice, tout ainsi voulut & permit Dieu punition en estre faicte publiquement & visiblement: qui est vn bel & grand exemple à tous Princes tyrâs, & autres gens qui voudroyent prédre & vsurper sur l'Eglise de Dieu. Car il aduint qu'un iour solêncl, ainsi que ledict Comte seoit en son palais à Mascon, & qu'il auoit en sa compagnie grand multitude de Cheualiers, Escuyers, & autres gens de diuers estat, soubdainement vn homme incongnu sur vn cheual noir entra par la porte du palais: & presens tous ceulx qui la estoient, tous esmerueillez, alla cheuauchant iusques à la personne dudit Comte, disant qu'il vouloit parler à luy: & quand il fut pres de sa personne il l'admonesta par commandement qu'il se leuast de la ou il estoit assis: & adonc iceluy Comte, comme contrainct par puissance inuisible, sentant qu'il n'y pouoit resister, se leua & descendit iusques à la porte de son palais, ou il trouua vn autre cheual noir prest & appareillé, sur lequel par le commandement dudit homme incongnu il monta incontinent: & subitement ledict homme print le cheual sur lequel estoit monté ledict Comte: & deuant tous les assistés illec presens & regardans, emporta & monta en hault iceluy Comte courant treslegierement par l'air, & au grand cry & miserable pleur que faisoit ledict Comte toute la cité fut esmeue, & coururent tous les habitans pour la merueille regarder, & si longuement le regarderēt môtant & courât par l'air, comme veue naturelle des yeulz le peult porter: & ouyrent iceluy Comte qui cryoit à haulte voix piteusement, secourez moy citoyens, secourez moy. Et voyans ledictz citoyens qu'ilz ne luy pouoyent donner secours, quand ilz l'eurent perdu de veue, ilz s'en retournerēt chacun en sa maison bien effrayez & esbahys, disans que moult horrible chose & douteuse est de cheoir es mains de la iustice de Dieu viuant. Au lieu ou estoit le Palais dudit Comte, duquel il fut ainsi emporté, le bon Roy saint Loys depuis fait construire & edifier le conuēt des freres prescheurs. Iceluy feu Comte de Mascô auoit vn filz, nommé Vberido, lequel voyant ce qui estoit aduenü à son pere renonça au siecle, & s'en alla, luy, sa femme & enfans avec trente de ses Cheualiers, qui se firent tous moynes en l'Abbaye de Clugny, ou lors viuoit saint Huges, Abbé de ladicte Abbaye: lequel trespassa mil cent neuf: & illec vesquirent glorieusement en seruant Dieu deuotement iusques à leur trespas. Qui voudroit veoir vne autre bië merueilleuse hystoire contre les expoliateurs des biës des Eglises, touchant Helidoire qui voulut prendre des biens du temple de Hierusalem, lyse en la Bible au troisieme chapitre du second liure des Machabées.

*Le palais du
Comte de
Mascon fut
conuerty en
un conuēt
de freres
prescheurs.*

*† force est
de le cōpter
sixieme, &
mettre
Loys Fay-
neat en cō-
pte, s'il
ueult accor-
der aux au-
tres, & à
seymesme
& apres.*

Du Roy Loys le Gros, † sixieme du nom.



Loys sixieme de ce nom, diët le Gros, filz de Philippe le premier, commença à regner l'an de grace mil cent huyt, viuant son pere, & trespassa au vingtneuſieme an de son regne, & trespassa l'an mil cent trentesept. Cestuy Roy Loys, qui estoit ieune enfant, tantost apres le trespas de son pere fut acré à Orleans, par l'Archeuesque de Sens, du cōseil de plusieurs des Princes & Seigneurs de France, p ce qu'il y auoit plusieurs desdictz Seigneurs qui luy vouloyēt contrarier, & qu'il n'estoit en seur acces pour aller à Reims se faire sacrer. Quand l'Archeuesque & ceulx de l'eglise de Reims sceurēt que

que l'on vouloit sacrer lediſt Roy à Orleans, ilz y enuoyent haſtiuement, pour le cuyder empêcher: & maintenoyēt qu'il n'appartenoit à nul de faire l'office du Sacré des Roys de Frâce, qu'à l'Archeueſque de Reims, & en l'eglise dudiſt lieu: mais quand leurs meſſages arriuerent, le Sacre du Roy estoit ia faiſt, & ſ'en retournerent ſans riens faire, ſauf qu'ilz feirent leurs protestations, dont ilz eurent instrument t. Lediſt Roy Loys eut à femme Aeliz, fille de Hubert Comte de Vertus, de laquelle il eut ſix filz & vne fille: c'eſt à ſçauoir Philippe, qui fut Roy deux ans, viuant lediſt le Gros ſon pere, & fut tué par vn pourceau en cheuauchant par Paris, comme il ſera diſt cy apres. Le ſecond fut Robert, qui fut incenſé, & apres fut Côte de Dreux. Le tiers fut Loys, qui fut Roy apres ſon pere. Le quatrieme fut Héry, qui fut Eueſque de Beauuais. Le cinquieme fut Philippe, qui fut Archediacre de Paris, & le ſixieme fut nommé Pierre; ſeigneur de Courtenay. La fille fut nommée Conſtance, qui fut femme de Remond, Comte de Toulouze.

Comment les Princes & ſeigneurs de France ſeſleuerent contre le Roy Loys le Gros.



Encontre dudiſt Roy Loys le Gros pluſieurs des Princes & ſeigneurs de ſon ſang, & autres de ſon royaume ſeſleuerēt, & ne luy vouloyent obeyr ne faire hōmage: & tellemēt le preſſerent qu'il n'oſoit bonnement partir de Paris, & ne ſçauoit ou aller à ſaulueté: mais en la fin à l'ayde de Dieu, il les mit en ſubiection, & partie des plus grāds deſherita à perpetuité. En l'an mil.c. & .x. l'Empereur Héry d'Allemagne print à femme Mathilde, fille de Héry, Roy d'Angleterre: & apres lediſt mariage faiſt lediſt Roy d'Angleterre paſſa la mer & vint en Normandie, dont il estoit Duc, à grād' compagnie de gēns: & feit forte guerre au Roy, parce qu'Helie, Comte du Maine (qui auoit eſpouſé la fille de Fouques, Comte d'Aniou, lequel estoit allié au Roy de France) tenoit ladiſte Comté du Maine contre lediſt Roy d'Angleterre: quoy le Roy Loys le fauoriſoit & aydoit: mais lediſt Roy Loys le vainquit pluſieurs fois: & aduint qu'une fois le Roy Loys eſtant en chāp de bataille cōtre les Anglois, ſe trouua ſi ſeul & eſlongné de ſes gēns qui ſ'en eſtoient fuyz, qu'un Cheualier Anglois vint prendre ſon cheual par la bride, & commença à crier: le Roy eſt prins: mais lediſt Roy Loys, de vaillant & vertueux courage ſiert ſur luy, & d'un ſeul coup d'eſpée le tua mort à terre, en diſant: au ieū d'eſchez le Roy ne ſe prêt poit ſeul. Il eut pluſieurs autres batailles contre les Anglois, mais touſſours eut victoire. En l'an mil.c. xj. la foudre tomba au mont ſainct Michel, bruſſa & fouldroya l'eglise & tous les edifices. En l'an de grace mil.c. & xij. mourut Robert, Comte de Flandres, qui in expeditione Hieroſolymitana clariffimus exiſterat, leſq̃l auoit eſpouſé la ſœur du pape Calixte: & luy ſucceda Baudouyn ſon filz, qui estoit ieune & hardy, mais il ne veſquit gueres: car en l'an mil cent dix neuf, il mit ſus vne grand' armée, pour vouloir ayder à Guillaume, filz du feu Duc Robert de Normandie, à le remettre en ſa Duché, dont le Roy Henry d'Angleterre l'auoit deieſté: & apres pluſieurs guerres, & qu'il auoit ia prins grand' partie de ladiſte Duché, il fut blecé en vne bataille, dont il mourut: & apres ſa mort fut Comte de Flandres ſon couſin Charles, filz de Cunet, Roy des Danoys. En l'an mil cent & treze, ſainct Bernard au vingtdeuxieme an de ſon aage, avec trete de ſes compaignons en vn iour ſe rendirēt religieux de l'ordre de Ciſteaux: & depuis lediſt temps lediſt ordre, qui parauant estoit pauvre, commença à florir & augmenter en vertuz & biens: & estoit lors Abbé vn nommé Eſtienne: & tantost apres l'eglise & Abbaye de Clereuaux fut fondée ſur la riuere d'Aulbe, en Champaigne, & en fut lediſt ſainct Bernard premier Abbé.

Brocard du Roy Loys le Gros à un Anglois.

Mil cent & douze.

L'an mil cent & xiii.

Sainct Bernard premier Abbé de Clereuaux.

De la guerre que les Comtes de Corbeil & de Montlebery, & autres Seigneurs, feirent au Roy Loys.



En ce temps auoit vn Comte à Corbeil, vn autre à Mōtlechery, & vn autre à Chaſteaufort, pres Paris: leſquelz estoient prochains parens, & fort enlignagez, & gauroient fait, & faiſoyent chacun iour pluſieurs confederations & trahyſons cōtre le Roy, dont ſeſtoient enſuyz de grands maux & inconueniens au royaume de France: car ilz estoient fort puiffans & alliez, & tenoyent toute la frontiere d'entour Paris, ſi que nul n'y oſoit ſeulement venir ne conuerſer. Ces Comtes & Seigneurs tēdoient à vouloir faire le Roy d'Angleterre Roy de France: car ilz veoyent que lediſt Roy Loys estoit encores ieune & demouré ſeul: & pour ceſte cauſe à leur perſuaſion vint le Roy d'Angleterre en France: mais quand il veit qu'il n'en pourroit bonnement à chef venir, par le

moyen des dessusdictz il laissa la guerre & s'en retourna: & à tous ceulx qui luy auoyent aydé & fauorisé en France, il mescheut prochainement de leurs personnes & biens: & treuve l'on q̄ tousiours en est ainsi aduenü à ceulx qui ont faicte aucune conspiration & entreprinse contre les Roys, ou le royaume de France: lequel nostre Seigneur à reserué à luy, & en sa main la en garde & protection. Ledit Roy Loys pour cuyder attraire ses aduersaires par amour, traicta le mariage de la seule fille dudit Comte de Montlehery, avec Philippe son frere bastard, que son pere auoit engendré de la Comtesse d'Angiers: & en faueur dudit mariage luy donna le chastel & seigneurie de Meun sur Loire: mais tantost apres ledit Philippe bastard, en ensuyuant sa mauuaise nature, & à l'instigatiō des dessus nommez, fessleua contre le Roy son frere, & feit plusieurs maulx. Parquoy ledit Roy alla en ost contre luy, & le chacca, & assiegea audit chastel de Meun, ou il fut prins. Semblablement subiuga Hugues, Seigneur du Puiset en Beaulse, & luy feit raser sa place: & aussi Thibault, Comte de Bloys & de Chartres, qui estoit moult puissant: Eude, Comte de Corbeil, Hugues de Crecy, Guy de Rochefort, & Thomas de Marle, Seigneur de Concy: & semblablement Aymond Noirevache, Seigneur de Bourbon, & autres qui luy estoient desobeyssans: & toutes les places des dessusdictz il reuoca & attribua à luy & à sa iurisdiction: & en recongnissance de la victoire qu'il auoit obtenue contre ses ennemys, en l'honneur de monseigneur saint Victor, auquel il auoit singuliere deuotion, il fonda & feit edifier l'eglise & Abbaye de saint Victor, lez Paris, & y mit religieux de l'ordre saint Augustin.

La fondatiō de saint Victor lez Paris.

De la guere que Loys le Gros feit au seigneur de Pomponne, pour les exactions qu'il faisoit aux marchans.

L'an mil cent xiiii.

Le chastel de Gournay sur Marne fut abatu. L'an mil cent xx.

EN l'an mil.c.xiiii. on rapporta audit Roy Loys le Gros que Hugues de Pomponne, seigneur de Crecy en Brye & de Gournay sur Marne, faisoit plusieurs grāds exactions & rançonnemēs sur les marchāds & marchādises qui passoyent audit lieu de Gournay, tāt par terre que par ladiete riuere de Marne. Le Roy incōtinent y alla, & estoient dedās le chastel ledit Hugues de Pōpōne, & Guy le Rouge, seigneur de Rochefort: lesquelz se meirēt en fuyte: & fut prins & destruiēt le chastel, lequel depuis ne fut reedifié. En l'an de grace mil.c.xx. apres vne desconfiture d'Anglois, Guillaume & Richard, enfans dudit Roy Henry d'Angleterre, vne sienne fille & sa niepce, avec moult de nobles d'Angleterre, voulās passer, & eulx en retourner en Angleterre, vn iour de feste de Nostre Dame, la mer estant paisible furent tous noyez & periz: & disoit on ce estre aduenü par punition diuine: car on disoit qu'ilz estoient tous sodomites, & ainsi ilz n'eurent point de sepulture, & demoura Mathilde l'Emperiere seule fille, & heritiere dudit royaume d'Angleterre. Tantost apres ledit Henry Roy d'Angleterre, espousa Adelaide, fille du Duc de Louvain, qui estoit moult belle femme.

Incident du Pape Gelasius.

† Plat dict Gregoire. Le pape Gelasius fut enterré à Clugny.

L'an mil cent xxiii.

L'an mil cent xxiiii.

ENuirō ce temps le Pape Galasius, qui auoit esté debouté du siege par l'Empereur Henry, par despit de ce que ledit Empereur n'auoit pas esté appelé à son electiō, s'en alla en Grece avec les Cardinaulx: & apres s'en vint en France se mettre en la protection du Roy Loys, ainsi que ses predecesseurs ont tousiours fait: parquoy ledit Empereur suscita vn autre Antipape, qui fut nommé Benoist. Ledit Gelasius assemblea vn Concile à Reims, durant lequel il mourut, & fut enterré en l'Abbaye de Clugny. Les Cardinaulx esleurent le filz du Côte de Bourgongne, nommé Guy, qui estoit Archeuesque de Vienne, qui fut nommé Calixte. Il paracheua de tenir ledit Concile à Reims: mais ledit Henry Empereur luy contraria en soustenant ledit Benoist: & par ce ledit Calixte l'excommunia avec ses fauteurs, qui auoyent expulsé ledit Gelasius son predecesseur. Audit Concile furent excommuniēz les simoniacles, & ceulx qui exigēt argēt pour les sepultures, cresseme & baptesme, & deffendit les concubines aux prestres, diacres & soubzdiacres. En l'an mil cent xxiiii. apres ce que ledit Calixte fut retourné à Romme, il assemblea vn Concile auquel la paix d'entre les Roys & l'Eglise, touchant la question de l'ineustiture des Eueschez & benefices fut reformée, & fut cassé le priuilege que ledit Henry Empereur auoit extorqué du temps du Pape Pascal des inuestitures. En celle année l'eglise S. Martin de Tours, & le chastel dudit lieu, furent bruslez, pour certaines questions & débats qui se meurent entre les gens d'Eglise, & les gens laiz de ladiete cité. En l'an mil cent xxiiii. ledit Henry Empereur, qui gendre estoit du Roy d'Angleterre, fut moult courroucé cōtre le Roy Loys de

Loys de Frâce, de ce qu'il auoit recueilly en son royaume ledict feu pape Gelasius, & souffert
 eglise Calixte, & aussi souffert q le Concile, auquel il auoit esté excôunié, auoit esté tenu en
 son royaume: si fait moult grand' assemblée de gēs pour courir sus en Frâce. Quād ledict Roy
 Loys le sceut, il assembla son armée, & alla vertueusement au deuāt de l'Empereur, & le rebou
 ta & chacea honteusement, & delibera d'aller apres luy pour gaster sa terre: mais à la grand'
 priere des Prelatz, Archeuesques, Euesqs & Abbez de Frâce, à grād' difficulté il sen deporta.

Le Roy Loys
 le Gros cha-
 cea l'empereur hors de
 France.

En l'an mil cēt xxvj. ledict Héry Empereur, qui auoit espousé Mathilde, fille du Roy d'An-
 gleterre, abādōna l'Empire, & se mussa & absenta de la p̄sence des gens, tellement q depuis ne
 peut estre veu: toutesfois aucūs veulent dire q long tēps apres il fut trouué cōme mort en l'ho
 spital des pauvres à Angiers, & y fut trouué p sa femme qui le sceut apres sa mort, p celui qui
 l'auoit cōfessé: neātmoins on lit ailleurs qu'un iour de Pēthecouste il mourut de peste en la cité
 du Trec. Quād ledict Empereur fut ainsi pdu ou mort, ladiēte Mathilde, qui n'auoit nulz en-
 fans sen retourna deuers Henry, Roy d'Angleterre, son pere, qui lors estoit en Normādie, &
 n'auoit nulz autres enfans: leql en l'an ensuyuāt mil.c.xxvij. la mena en Angleterre: mais les
 Anglois ne la voulurēt receuoir pour leur Dame, & iurerēt fermement qu'ilz ne la receuroient
 point: pquoy ledict Roy Anglois ramena ladiēte fille en Normādie, & aucū tēps apres la ma-
 ria à Geofroy, qui fut surnomé Plantegenest, pour sa simpleesse, filz de Fouques, Comte d'An-
 giers. En l'an mil.c.xxvij. Charles, Comte de Flādes, qui filz estoit de Cuner, Roy des Da-
 nois, qui auoit succedé au Comté de Flādes, à cause de sa mere, vn iour de Karesme, estāt à ge-
 noux en l'eglise S. Donast de Bruges, oyant la messe fut tué en trahison, p vn nōmé Bouchart.

L'an mil cēt
 vingt & six.
 L'Empereur
 Henry s'abs-
 senta, &
 depuis ne
 fut uen.

Laqlle mort fut rigoreusement v̄gée p le Roy Loys, cōtre tousceulx qui en estoyēt coupables:
 & p l'ayde dudiēt Roy, fut fait Comte de Flādes Guillaume, filz du feu Duc Robert de Nor-
 mandie, q son oncle Héry, Roy d'Angleterre, auoit deietté de sa terre: cōtre lequel Guillaume
 ledict Roy Héry fait & fait faire par les parēs dudiēt feu Cōte Charles forte guerre. En l'an
 de grace mil.c.xxvij. Fouques, Cōte d'Angiers, laissa sa Comté d'Aniou à Geofroy, son filz,
 & sen alla oultre mer, en Syrie, & print à fēme Milisāde, la fille aīnée de Baudouyn, Roy de
 Hierusalē, & fut Roy apres ledict Baudouyn. En l'an mil.c.xxix. ledict Roy Loys le Gros,
 qui se sentit affoiblir, fait en sa p̄sence couronner Roy de Frâce, en l'eglise de Reims, le iour de
 Pasques, Philippe, son filz, qui estoit ieune enfant: & y fut p̄sent au sacre le Roy Héry d'Angle-
 terre. En celle année, Mathilde l'Emperiere, fille de Henry Roy d'Angleterre, premier de ce
 nom, fut mariée à Geofroy, Comte d'Aniou, du Maine & de Touraine: lequel engēdra d'elle
 Héry, qui depuis fut Roy d'Angleterre, Guillaume Longue espée, & Geofroy aussi surnomé
 Plātagenest, qui espousa la fille de Conan, Comte de Bretagne, & en fut Comte à cause d'el-
 le. En ce tēps fut Hugues de S. Victor, tresexpert es sept ars liberaux, plus que nul autre: tel-
 lement qu'on disoit que c'estoit vn autre S. Augustin: & fait le liure des sacremēs, qui estoit fort
 necessaire, & plusieurs autres belles escriptures. Enuiron ce temps tous les meseaux qui e-
 stoyent en France, dont il y en auoit grand nombre, furent bruslez: par ce qu'il fut trouué &
 prouué contre eulx qu'ilz auoyent fait vne conspiration d'empoisonner tous les puyx & fon-
 taines, & vouloyēt faire en maniere & affin que tous les autres fussent meseaux comme eulx.

L'an mil cēt
 vingt sept.

Mil.c. uingt
 & huit.

Mil.c. xxix.
 Loys le Gros
 fait en sa pre-
 sence courō-
 ner Roy de
 Frâce, sō filz
 Philippe.

Les lādres et
 meseaux fu-
 rēt tous brus-
 lez en Frâce.

Audiēt an mil cent t xxix, ledict Roy Loys le Gros aduertit que Thomas de Marle, sei-
 gneur de Crecy & de Montagu, pilloit & opprimoit les eglises, & les marchans qui passoyēt
 par le pays desroboit, & leur ostoit leurs marchandises, & qu'il auoit bruslé l'eglise nostre Da-
 me de Laon, martyrisé l'Euesque, & plusieurs autres, & les heritages ostez à l'eglise saint Ie-
 han, les places de Crecy & Nogent, & les auoit fortifiées & closes à murs & fossez, & y en-
 tretenoit larrōs & robbeurs, qui faisoient moult de maulx, à ceste cause esmeut guerre contre
 luy: & manda à Raoul, Comte de Vermendois, venir en son ayde, qui y vint, & print ledict
 Thomas en bataille, & tout blecé l'amena deuers le Roy, qui le fait pendre sans respit. Au-
 diēt an, les nonnains d'Argenteul furēt deiettés dudiēt lieu, pource qu'elles ne viuoyent pas
 religieusement, mais lubriquement: & fut l'eglise donnée à Suger, Abbé de saint à Denis,
 qui y meit moynes, ainsi que parauant auoit eu en sa premiere fondation: lesquelz en auoyēt
 esté ostez par puissance, pour y mettre vne des focurs de Charlemagne.

Autres di-
 sent l'an de-
 uant.

Les nonnains
 furent ostées
 du prieuré
 d'Argenteul.

*Du ieune Roy Philippe, filz de Loys le Gros, qu'un pourceau tua
 en cheuauchant par la uille de Paris.*



Philippe, deuxième, filz de Loys le Gros, fut couronné Roy ieune enfant, viuāt
 son pere, & depuis vescu enuiron deux ans, & trespassa enuiron l'an mil.c.xxxj
 & gist à S. Denis en France. Cestuy Roy Philippe, ainsi qu'il cheminoit par la ci-
 té de Paris, par vn pourceau qui se meit soubdainement entre les iambes de son
 cheual, tomba sur le paucement si impetueusement qu'il se brisa toute la teste, tel-

L'an mil cēt
 trente & un.

lement qu'il mourut tantost: dont ledict Roy Loys, son pere, & les François, furent fort courrouceez & esbahys. On lit en la vie S. Bernard que par aucun temps le Roy Loys le Gros, pere dudit Philippe, infesta & feit plusieurs griefz aux gés d'Eglise, & deiecta aucuns de leurs sieges & citez: pour lesquelles causes ledict S. Bernard alla plusieurs fois vers luy, en luy demontrant le mal qu'il faisoit, dont il ne tenoit pas grád compte: parquoy vn iour ledict S. Bernard meut d'un vray courage & zeile de religion, increpa & reprint plus durement que iamais ledict Roy Loys le Gros, & luy dist en plaine assemblée de gés des trois estatz de France, q la mort dudit Philippe, son filz, luy auoit esté reuelée, & que s'il ne cessoit de persecuter & de faire exactions sur ses subiectz, mal aduiedroit à luy & à sa lignée. Cestuy saint Bernard fut nauf de Chastillon, en Bourgongne, & fut vn venerable & deuot hōme & grád clerc, & feit de moult belles escriptures, mesmement à la louenge de la glorieuse vierge Marie, & est appelé son secretaire. Il fonda l'Abbaye de Clercuaux: & fut pere de cent soixante monasteres, qui furent fondez des son viuant, & par son moyen, soubz le ioug de religion, & viuant religieusement. Dieu feit moult de beaux miracles à son intercession, tellement qu'en son temps il estoit reputé comme vn autre Moysé. En ce mesme temps auoit vn moyne en l'Abbaye de saint Laurens, hors les murs de Romme, qui doubtoit de la resurrection de Iesus Christ: lequel fut lyé, & puis sans main d'homme deslié, & ouyt vne voix qui va dire: *sic potuit Christus clauso prodire sepulchro.*

s. Bernard
estoit appe-
lé le secre-
taire de la
vierge Ma-
rie.

Les ordres
des Templiers
& Char-
treux com-
mencerent
en ce temps
Courōne-
met de Loys
filz du Roy
t Autres le
nōment Lu-
therius, &
Lotaire.

Enuiron ce temps cōmencerent les ordres des Templiers & des Chartreux: & lors estoit saint Girard, Archeuesque de Bourges, & saint Encelyne, Euesque de Laon, lequel feit les gloses du Psaultier. Audiēt an mil cent trēte & vn, viuant encores ledict Roy Loys le Gros, Innocent, pape de Romme, estant venu en Frāce requerir ayde, par ce que les Romains vouloyent faire vn Pape, nommé Pierre, qu'ilz nommoient Leon, celebra vn Concile en la cité de Reims: & la oignit & sacra Roy de France, Loys, tiers filz dudit Loys le Gros: par ce que ledict Philippe, son premier filz estoit mort, cōme dict est. Apres ledict Concile le Pape s'en retourna par Lorraine: & le receut l'Empereur t Linthier à grand honneur, en la cité du Liege. Combien que ledict Roy Loys le Gros eust vn autre filz, nōmé Robert, second en geniture, aîné filz dudit Loys, toutesfois pource qu'il estoit ignare, & de trop simple entendemēt, il fut par ledict Loys le Gros, son pere, & par les François, déclaré non apte ne habille à porter la couronne de France: & luy fut donnée la Comté de Dreux: & par ainsi fut debouté des armes, & de la couronne de France: & pour armoirie luy fut baillé vn escu eschanqueté des couleurs des armes de Frāce: c'est à sçauoir, d'or & d'azur, sans fleurs de liz. Ce Comte de Dreux fut marié, & eut plusieurs enfans, qui depuis feirēt moult de moleste en Frāce. De luy descēdirēt les Comtes de Bretagne, par le moyē de Pierre Mauclerc, qui en espousa l'heritiere, & en descēdirent aussi les Seigneurs de Concy: desquelz l'un, c'est à sçauoir celuy qui edifia le chastele de Concy, se voulut faire Roy, disant qu'il estoit descendu de l'aîné filz de Frāce. En celle mesme année decēda Baudouyn, Roy de Hierusalem: & luy succēda Fouques d'Angiers, son gendre, qui pere estoit de Geofroy, Comte dudit Angiers. En ce tēps aduint en la cité d'Arras que deux menestriers auoyent par deuotion accoustumance d'aller iouer chacun samedy au soir de leurs instrumens deuant l'ymage nostre Dame: & vn iour apres qu'ilz eurent longuemēt continué, la vierge Marie s'apparut à eulx, & leur presenta vne grand' chandelle de cire qu'elle tenoit en sa main: laquelle a depuis tousiours esté & encores est conseruée: & est souuent allumée, & dit on qu'elle ne se diminue point, & qu'on y a veu souuent aduenir de grands miracles, à gens qui y vont par deuotion, pour auoir guarison de leurs maladies, mesmement à ceulx qui ont aucun membre espris de feu, en le lauuant de l'eau ou est distillée & fondue de la cire de ladicte chandelle.

La chādelle
nostre Da-
me d'Arras

L'an mil
cent trente
& cinq.

Des ventz
qui furēt si
impetueux
qu'ilz feirēt
des border
la mer en
plusieurs cō-
trees.

En l'an de grace mil cent trente & cinq, mourut le Roy Henry d'Angleterre, en Normādie, & fut porté son corps enterrer en Angleterre: & luy succēda Estienne, son nepueu, de par Adelle, sa soeur, qui estoit filz d'Estienne, Comte de Chartres & de Bloys, frere de Thibault, Comte de Champagne: lequel Estienne, Roy, estoit nommé Comte de Boulongne & de Mortaigne, de par Mathilde, sa femme, fille d'Eustace, Comte de Boulongne. Iceluy Estienne passa tantost en Angleterre, & se feit couronner Roy, & si print & saisist toute Normādie: mais l'Emperiere Mathilde, qui estoit fille dudit Henry, laquelle estoit remariée à Geofroy, Comte d'Angiers; filz de Fouques, Roy de Hierusalem, luy feit forte guerre, par l'espace de cinq ans. Enuiron ce mesme tēps, & l'an mil cent trente & six, furent veuz si grāds ventz, & si impetueux, qu'ilz abbatirent tours, chasteaulx, maisons, arracherent arbres & forestz, feirent en Angleterre la mer passer les limites, & du costé de Flandres rompre les digues & deffenses de la mer, tellement qu'elle submergea & noya grand' partie dudit pays de Flandres, & les habitans qui y estoient.

Audiēt an, vn peu auāt le trespas du feu Roy Loys le Gros, il aduint q Guillaume, Duc de Guyenne,

Guyenne & Comte de Poitou, qui auoit deux filles, c'est à sçauoir Alienor & Peronnelle, se meit en voye pour aller en pelerinage à saint Iaques en Galice: & auant son partement feit son testament, & ordonna que s'il aduenoit qu'il mourust auant son retour qu'Alienor sa fille, fust mariée audiect ieune Roy Loys, filz de Loys le Gros, fil la vouloit prendre, avecques ladiete Duché de Guyéne: & aduint que ledict Guillaume mourut le iour de Pasques, en l'an mil cent trente & sept, luy estant en Galice, & fut son corps enterré en l'esglise S. Iaques. Et quād ledict Loys le Gros sceut sa mort il enuoya ledict ieune Roy Loys, son filz, en la cité de Bordeaux, espouser ladiete Alienor, fille & heritiere dudiect Duc de Guyenne. Ladiete Peronnelle, sa soeur, fut apres mariée à Raoul, Comte de Vermendois: & huyet iours apres ledict mariage, au moys d'Aoust, mourut ledict Roy Loys le Gros, & fut son corps enterré en l'esglise saint Denis.

Guillaume, Duc de Guyéne, & Cōte de Poitou, mourut en Galice.

Du Roy Loys septieme: de la belle lignée du Comte Thibault de Champagne, & autres matieres diuerses.



LOys, septieme de ce nom, dict le t piteux, filz de Loys le Gros, fut couronné Roy l'an mil cent trente & vn, viuāt encores son pere: & apres son trespas regna encores iusques à quarātetrois ans, & trespasā l'an mil cent quatre vingtz. Cestuy pour la grand' debōnairété & charité qui estoit en luy, fut appelé le Piteux: au temps duquel auoit vn vaillant Comte en Champagne, nommé Thibault, qui fut moult preud' hōme & charitable enuers les pauvres, & gens d'Eglise, pere & conseruateur des orphelins, & femmes veufues: & feit cōstruire & edifier plusieurs eglises & monasteres: & entre autres l'Abbaye S. Florēt, pres Saurmur, & l'Abbaye de l'aumofne de Cisteaux: & auoit à femme vne moult noble Dame, nō-

Autres le nōmēt aussi le ieune.

La fondatiō de l'Abbaye de S. Florēt, pres saumur

mée Mathilde, *ex genere Teuthonicorū*, en laquelle il engēdra plusieurs enfans: c'est à sçauoir Hēry, qui fut apres luy Comte de Chāpaigne, & espousa Marie, vne des filles dudiect Roy Loys, & de ladiete Alienor. Thibault, second filz, fut Comte de Bloys: & espousa l'autre desdictes filles du Roy, nommée Alix. Le tiers, nommé Estienne, fut Comte de Sancerre: lequel fut tant deuot, qu'il renonça le siecle, & se rendit chartreux. Guillaume, qui premierement fut Euesque de Chartres, puis Archeuesque de Sens, & apres de Reims. Vne de ses filles fut Royne de France: l'autre fut Comtesse de Parthoys: l'autre de Bar: & l'autre Duchesse de Bourgogne. On recite que le Roy de France fut vne fois mal contēt dudiect Comte Thibault, par ce qu'il auoit recueilly & souffert en ses terres l'Archeuesque de Bourges, q le Roy auoit deiecté de son siege, à l'appetit d'aucuns maligns espritz, qui estoient autour de luy, comme sera dict cy apres: & feit tāt ledict Comte, à qui il ennuyoit d'auoir question au Roy, que saint Bernard l'entremet d'en faire la paix: & ainsi qu'on le menoit deuers le Roy, en vne charrette, ledict saint Bernard veit visiblement que le Diable, qui est perturbateur de paix, pour empescher son allée vint rompre vne des roues de sa charrette: & quand il l'apperceut il appela ledict Diable, & luy commanda en la vertu de Dieu, qu'il luy seruist de roue, & soustint ladiete charrette iusques à ce qu'il fust au logis. ce qu'il feit: & puis saint Bernard luy commanda qu'il sen allast sans mal faire. En l'an mil cent trente & neuf, mourut vn nommé Ichā d'Estampes, qui auoit vescu trois cens soixante & vn an, depuis le temps de Charlemagne, duquel il auoit esté homme d'armes. En l'an mil cent quarante, Henry, frere dudiect Roy Loys, de France, renonça le monde, & se rendit moyne de t Clercuaux, & apres fut fait Euesque de Beauuais. Semblablement Guillaume, Comte de Neuers, se rendit chartreux, & vescu en grand' deuotion. En celle mesme année mourut maistre Hugues de saint Victor. Audiect an Mahault l'Emperiere, fille du Roy d'Angleterre, à l'ayde du Roy de France conquist toute Normandie: puis passa de France en Angleterre, & feit forte guerre à Estienne, Comte de Boulongne, son cousin, qui s'estoit fait Roy, & le print prisonnier: mais tost apres il eschapa, & luy refait forte guerre. Il aduint lors qu'on chargea & accusa vn nommé Pierre Abayelard, maistre souuerain en l'art de Dialectique, d'enseigner mal, & contre la foy Chrestienne: & pource fut par l'admonnestement de saint Bernard appelé pour en respondre par deuant plusieurs Euesques & Abbez, assemblez en vn Concile à Sens, mais il appela de leur Concile au Pape de Romme. Cest Abayelard auoit esté premierement marié, puis moyne de saint Denis, & apres Abbé d'une Abbaye en Bretagne, dont il estoit natif: & pource qu'au commencement il auoit esté séparé de sa femme, qui auoit

D'un Diable que S. Bernard cōtrai-gnit à luy seruir d'une roue à sa charrette, qui estoit rompue. L'an mil cēt quarante. Parauāt l'a fait char-treux.

De l'Ab-
baye du Pa-
raclit, pres
Nogent sur
seine.
L'an mil
c. xlii.

Du privile-
ge d'eslire
qu'ont les
chanoines
de l'eglise
de Bourges

L'an mil
c. xliii.

L'an mil
cent xliiii.
† Autres
mettent Ce-
lestin &
Lucas entre
deux.

L'eglise de
Tournay
fut erigée
en Euesché
l'an de grā
ce mil cent
quarante six.

† Autres di-
sent mil cēt
43.

nom Eloys (laquelle auant l'espouser il auoit tenue comme sa concubine) & qu'apres ladicte separation elle s'estoit rendue religieuse au monastere d'Argenteul, ou auoit lors nonnains, qui estoient pres de saint Denis, & que les nonnains qui estoient audict Argenteul en furent mis hors, par l'admonestement de Suger, lors Abbé de saint Denis, par ce qu'elles ne viuoyent pas chastement ne religieusement, comme dict est dessus, iceluy Pierre Abayelard fait construire, & fonda vne Abbaye au diocese de Troyes, pres Nogent sur Seine, qu'on appelle le Paraclit, & en fait Abbessé ladicte femme Eloys. En l'an mil. c. xlii. Raoul, Comte de Vermendois, laissa & abandonna sa femme qu'il auoit espousée: & print à femme Peronnelle, qui sœur estoit d'Alienor, Roine de France: pour laquelle cause, à la poursuyte de Thibault, Comte de Châpaigne, Yves Legat du Pape vint en France, & excomunia ledict Côte de Vermendois, & suspēdit les Euesques qui auoyent fait ledict diuorce. En celle mesme année, ledict Roy Loys estant encores ieune, aduint vne grād' discension entre le Pape Innocent & le Roy de Frāce, dont eut grand trouble en l'Eglise: par ce qu'apres qu'Alberic, Archeuesque de Bourges fut mort, le Pape dōna l'Archeuesché, & sacra Archeuesque vn nōmé Pierre, & l'en-uoya a Bourges pour prēdre sa possession: mais le Roy ne voulut souffrir qu'il fust receu n'en-
trast en la ville, p ce qu'il auoit esté fait sans son assentemēt: & auoit dōné liberté aux chanoi-
nes de Bourges, en ensuyuāt leur priuilege, d'eslire vn Archeuesque tel qu'ilz verroyent estre
idoine & suffisant, excepté ledict Pierre: & auoit iuré en leur presence q̄ iamais tant qu'il ves-
quist ne seroit Archeuesque n'Euesque de la, ne d'ailleurs en son royaume: & ce dist à l'appetit
d'aucuns qui estoient autour de luy: mais ce neantmoins lesdictz chanoines esleurent ledict
Pierre, cōme idoine, & fut l'election consermée par ledict pape Innocent: mais ce neātmoins
le Roy ne le voulut laisser recevoir, parquoy ledict Pierre s'en alla, & se retira deuers ledict
Thibault, Côte de Châpaigne, qui le receut en sa terre, & fut obey en toutes les eglises qui y es-
toyēt dependās dudit Archeuesché: pour lesquelles causes le Roy fut moult courroucé cōtre
iceluy Thibault. En l'année ensuyuāt mil cent xlii. avec grād' armée entra en sa terre, & prin-
drent ses gens le chastel de Viētry, la ou fut l'eglise bruslée, & mil trois cens personnes qui es-
toient dedans ladicte eglise, tant femmes qu'hōmes. Apres le feu estaint, le Roy entra en l'e-
glise: & quād il veit la pitié que c'estoit, luy meu de misericorde & de pitié, cōmença à plorer.
Apres ce que ledict chastel de Viētry fut prins, le Roy le donna à Odon, nepueu dudit Com-
te Thibault: & l'année ensuyuant mil cent xliii. par le moyen de S. Bernard la paix fut faicte
entre le Roy & ledict Comte Thibault. En l'an mil cent xlv. apres le trespas dudit † Inno-
cent fut fait pape Eugene troisieme de ce nō, natif de Pise, qui auoit esté moyne à Clereuaux,
& disciple de S. Bernard, & apres Abbé de S. Anastasie, homme de grād' memoire & sainte-
té: mais les Rommains en susciterent vn autre. parquoy ledict Eugene vint en France, &
passa deuers l'Empereur Conrad par Allemagne, & alla saint Bernard au deuāt de luy ius-
ques en la cité de Spire, en Allemagne: & la affluoit tāt de peuple pour veoir S. Bernard, pour
les grands faitz & miracles qu'il faisoit sur les malades, qu'il cōuint vn iour que l'Empereur,
qui la estoit present, le courrist de son manteau, & l'emporta sur ses espauls, pour l'oster hors
de la presse. Ledit saint Bernard escriuit audict Eugene vn moult beau liure, intitulé *de con-
sideratione*. Ledit Empereur Conrad & plusieurs Princes d'Allemagne, à la predication
saint Bernard, se croiserent pour aller oultre mer, à la deffense de la terre sainte. Apres ces
choses ledict pape Eugene s'en vint en France, & tint Concile general en la cité de Reims, ou
furent faictes de belles ordonnances: & audict Concile fut par saint Bernard confuté l'er-
reur de maistre Gilbert Porée, Euesque de Poitiers, qui soustenoit mal en la foy, lequel se des-
dist & obtint pardon: & à son admonition le Roy & plusieurs Princes de France se croiserēt,
pour aller audict voyage d'oultre mer: toutesfois on disoit que le Roy entreprint ledict voya-
ge pour l'inuasion qui auoit esté faicte audict chastel de Viētry. En l'an mil cent quarante
& six, fut l'eglise de Tournay par ledict pape Eugene erigée en Euesché: laquelle auoit tou-
iours parauant esté subiecte à l'Euesque de Laon. En celle année, apres que le Concile, qui
auoit esté tenu à Reims, fut fait, & que le Pape estoit sur son partement pour s'en retourner,
il celebra messe en l'eglise de Reims: & aduint q̄ ie ne sçay par quel meschef, par la negligen-
ce de ceulx qui le seruoient à l'autel, ainsi qu'il est de coustume, & qu'on luy apportoit le cali-
ce pour vser le sang de Iesus Christ, ledict sang tomba sur le tapiz qui estoit deuant l'autel: la-
quelle chose esmerueilla & espouēta beaucoup de gens sages, disant, que iamais vne telle cho-
se n'aduenoit à vn diocese, que ce ne fust vn mauuais presage & signification, & qu'il n'ad-
uint tost apres quelque grand inconuenient: & attendu que ceste chose estoit aduenue au sie-
ge Apostolique, il estoit à doubter q̄ de brief n'aduint aucun grand scādale & inconuenient à
la Chrestienté. † Audict an, le iour de la feste saint Martin, Fouques, Roy de Hierusalem,
pere de

pere de Geofroy, Comte d'Angiers, estant allé à la chace, & en courant apres vn lieure, son cheual tomba, & se rompit le col: & disoit on que c'estoit aduenue par punition diuine, par ce qu'iceluy Fouques estant Comte d'Angiers, infestoit & trauailloit par diuers moyens l'Eglise de monseigneur saint Martin de Tours. Apres son trespas fut Baudouyn, filz de luy & de Milisande, la seconde femme, fait Roy de Hierusalem.

En l'an mil cent quarante & sept partit par mer vne grand' armée d'Angleterre, Flandres, & Lorraine, pour aller contre Sarrazins oultré mer: & en passant par Espagne appliquerent & meirent le siege deuant la ville de Lisbonne en Espagne, que tenoyent Sarrazins: & apres qu'ilz eurent esté quatre moys deuant, ilz la prindrent de force par la vertu de Dieu: & combien qu'ilz ne fussent que quatorze mil à l'assaillir, ilz desconfirent & tuerent desdictz Sarrazins deux cens mil & cinq cens: & feirent dedier le temple, & sacrer, & y fut ordonné vn Euesque & des chanoynes: & alors trois Chrestiens, qui estoient muetz, receurent l'usage de parler. En celle année l'Empereur Conrad avecques grand' multitude de pelerins & de nauires, au moys de May partit pour faire le voyage. La mer passa, & voulut mettre le siege deuant t. Aeon: mais il fut mal conseillé & mal conduyt: & aussi tous viures leur fail-
lirent, tellement que plusieurs de sa compagnie moururent de faim: parquoy il fut contrainct de s'en fuyr. Les Turcz le suyirent, & tuerent grand nombre de ses gens: & quand les nou-
uelles en vindrent en France, on disoit que c'estoit la signification ou presage de ce qui estoit
aduenue du sang de Iesus Christ respandu à la messe du Pape à Reims. En l'an de grace mil
cent quarante & sept, la t. quatrieme Calende Iuin, apres ce que le Roy Loys eut preparé ce
qui luy estoit necessaire pour faire ledict voyage de Hierusalem, qu'il auoit voué, comme
dict a esté, se mit à chemin, & mena avecques luy Alienor, sa femme: & laissa le Roy l'ad-
ministration de tous les faitz & affaires du royaume à Suger, Abbé de saint Denis, qui es-
toit son principal Conseiller. Tant errerent les pelerins qu'ilz arriuerent en la terre de t. Ay-
mon, Prince d'Antioche, qui les receut à grand' ioye: & estoit ledict Aymon oncle de la-
dicte Alienor, & frere de Guillaume, Duc de Guyenne, son pere: & esperoit bien auoir
grand' ayde du Roy, pour conquerir villes & chasteaux: & pource que le Roy estoit allé
seulement pour sondict voyage de Hierusalem, il ne voulut illeques arrester iusques à ce que
il l'eust fait: parquoy ledict Prince, qui n'en fut pas content, suborna Alienor, sa niepce, tel-
lement qu'elle dist au Roy, son mary, qu'elle ne passeroit point plus auant: & pource qu'il
la voulut contraindre à aller en Hierusalem, elle dist & declara qu'entré luy & elle auoit co-
gnation & lignage en quart degré, tellement qu'ilz ne pouoient auoir l'un l'autre en maria-
ge, dont n'auoit esté obtenue dispence: & requist estre separée. Le Roy fut moult esbahy &
courroucé: car il l'aymoit d'une affection non moderée: toutesfois il dist qu'apres son re-
tour en France, s'il estoit trouué par son conseil, & que les Prelatz & Nobles de France le
consentissent, il estoit content d'estre separé: & pource qu'il estoit aduetty que ledict Ay-
mon, Prince d'Antioche, luy vouloit faire desplaisir, il s'en partit par nuyt de la cité d'An-
tioche, & emmena sa femme, & allerent iusques en Hierusalem: ou ilz trouuerent l'Empe-
reur Conrad, & le Roy Baudouyn de Hierusalem, & assemblerent leurs ostz pour faire
guerre aux Turcz infideles, & furent bien vn an en ladicte cité. Puis vindrent mettre le sie-
ge deuant Damas, & par trois iours y feirent de grands assaulx: & prindrent les premiers
murs, qui enuironnoyent les iardins & le fleue: mais ceulx de la cité par grands dons fei-
rent tât par le moyen d'aucuns Princes de Syrie, que le siege fut leué de la ou il estoit pour le
remettre de l'autre costé: & donnerent à entendre que la ou auoit esté mis ledict siege estoit
le plus fort de la cité: & quand ilz se furent leuez, il congurent qu'ilz estoient trahys, & le-
uerent du tout le siege: & puis voulurent aller assaillir la cité d'Ascalon, mais Manuel l'Empe-
reur de Grece, avecques grandes nauires leurs contraria. Aucuns dient que la Royne
Alienor s'estoit follement enamourée d'un Sarrazin, nommé Salladin, & en auoit receu de
grands dons, & s'estoit mise sur mer pour s'en aller avecques luy, mais qu'elle fut rescouffie par
vn Cheualier François: toutesfois, comme dict est, le Roy & elle allerent ensemble en Hie-
rusalem. Apres ce que le Roy eut fait son pelerinage, & esté par dela enuiron vn an, & fait
guerre aux Sarrazins, il se mit sur mer pour s'en retourner, & vindrēt iusques à Palestine: & la
furent récontrez par aucunes nauires que les Grecz auoyent mises pour les espier, & amener
deuers Manuel, Empereur de Grece: mais il suruint vn nommé George, qui auoit la cōduite
des nauires de Roger, Roy de Cecille, qui faisoit lors la guerre ausdictz Sarrazins, qui courus-
sus aux nauires desdictz Grecz: & tellement les chacea qu'ilz furent contrainctz d'abandonner
le Roy de Frâce & ses nauires: & par ainsi furent rescoux, & s'en vindrēt le Roy & la Royne p
Romme, pour veoir le Pape Eugene, & auoir sa benediction: puis s'en retournerēt en Frâce.

En ce tēps Roger, Roy de Cecille, estoit passé en Afrique, & print la cité & le pays & forte-

Conqueste
sur les infi-
deles.

t. a. l. cō.

L'an mil
quarante &
sept.
t. a. l. s. iij.

t. a. l. Ray
mon, &
miculx:

Du Roy Loys
septieme, q
mena la
Royne Ali-
nor, sa fem-
me, en Hie-
rusalem.

Le Roy de
France &
la Royne,
sa fem-
me, furent
pris des
Sarrazins,
& puis re-
scouez.

resses, & remit l'Archeuesque, qui en estoit expulsé, en son siege. Conrad, Empereur des Romains, & Manuel, Empereur de Grece, feirēt conspiration & grād' armée contre lediēt Roy Roger, pour luy courir sus: mais ilz eurent tant d'afflictions de faulte de viures, & de fortunes d'air & de mer, que lediēt Conrad fut contrainct de repasser la mer, & retourner en ses pays.

Comment le Roy conquist Normandie, & la bailla à Henry, filz du Comte d'Angiers, qui auoit espousé Mathilde l'Emperiere, fille du Roy d'Angleterre.

† Aucuns
mettent cecy
deuant, son
uoyage, &
est plusieurs
semb.



Le Duc de
Normandie,
donna au
Roy de Frā
ce tout le
pays de Ve
xin à perpe
tuelle.

L'an mil
c.li.

Antoist apres que le Roy fut t̄ retourné de Hierusalem, vindrent deuers luy Geofroy, Comte d'Angiers, qui auoit espousé Mathilde l'Emperiere, fille du feu Roy d'Angleterre, & Henry, son filz, eulx complaignāt qu'Estienne, qui estoit Comte de Boulongne, à cause de Mathilde, fille de feu Eustache, Comte de Boulōgne, & de Mortaigne, & estoit filz du Comte de Chartres, & d'Adelle, soeur du feu Roy Henry d'Angleterre, & frere de Thibault, Comte de Champaigne, leur cousin, qui leur auoit osté & detenoit par force le royaume d'Angleterre, & s'en estoit fait couronner Roy, & la Duché de Normādie, qui appartenoit à ladiēte Mathilde l'Emperiere: & luy requirēt qu'il leur voulsist ayder à recouurer ladiēte Duché, ainsi que le Seigneur doit faire ayde à son vassal. Quand le Roy eut ouy leur complaincte, il assembla son armée, & en briefz iours print toute Normādie: & la liura audiēt Henry filz du Comte d'Angiers, qui luy en feit hommage: lequel Henry, du conseil & consentement de son diēt pere, pour le benefice que le Roy luy auoit fait, luy transporta & donna tout le pays de Veuxin le Normant, qui est entre les riuieres d'Epte & Andelle, pour le tenir perpetuellement. Auquel pays sont les chasteaux de Gisors, Neaufle, Estrepigny, Gamaches, Aruille, Chasteauneuf, Vaudemont, Bray, Cornicy, Aumalle, Nogent, & autres. Tantoist apres ladiēte conquēte de Normādie, mourut Geofroy, Comte d'Angiers, au chastel de Mōstereulbelloy, qu'il auoit prins fut messire Girard du Bec: & fut enterré en l'eglise S. Julien du Mans: & luy succeda audiēt Comte d'Aniou lediēt Henry, son filz, auquel le Roy auoit aydē à conquerir Normādie. Audiēt an de la mort dudiēt Geoffroy, qui fut mil cent cinquante & vn, mourut aussi Thibault, Comte de Champaigne: & fut son corps enterré à Liury.

De la separation du mariage du Roy Loys, diēt le Pitieux, & Alienor, Duchesse de Guyenne: & comment Henry, Duc de Normandie l'espousa.

L'an mil
c.lii.

De la Royne
de France
qui fut se
parée d'a
uec le Roy,
pour deux
raisons biē
perceptibles



N l'an mil cēt cinquāte & deux, lediēt Roy Loys, qui auoit en son courage les parolles q̄ ladiēte Alienor, sa femme, luy auoit diētes eulx estans en Antioche, fait le mardi deuant Pasques fleuries assembler vn Concile à Baugency sur Loyre, par l'auctorité du Pape: ou furent les Archeuesques de Reims, Sens, Rouen, & Bordeaux, & plusieurs Euesques & Prelatz, & grād nombre de Barōs & clercs. Et la fut suffisammēt prouuē le lignage qui estoit entre luy, & ladiēte Royne Alienor: & aussi qu'elle auoit esté accointée dudiēt Salladin Sarrazin: parquoy ilz furent separez, & la renuoya le Roy, apres ladiēte repudiation, pour viure & soy tenir en son pays de Guyenne, sans rien tenir de ses terres, cōbien qu'il l'eust bien fait punir corporellemēt, & confisquer ses terres, si faire l'eust voulu. Ce qu'il ne voulut pas faire, pour l'honneur de la lignée, & de deux filles qu'il en auoit eues. Ainsi qu'apres ladiēte repudiatiō icelle Alienor s'en alloit en son pays de Guyēne, pour viure, lediēt Hēry, Duc de Normādie, & Côte d'Aniou, filz de Mathilde l'Emperiere, empris du vice d'ingratitude enuers le Roy son souuerain Seigneur (qui luy auoit nagueres fait si grāds seruices cōme conquis & rendu Normādie) print ladiēte Alienor femme trescorruptue, & l'espousa: dont sourdit grād discord & content entre le Roy Loys & luy. La principale cause & raison pourquoy lediēt Roy Loys en fut dolent & courroucé, estoit p̄ ce qu'il auoit lesdiētes deux filles d'elle, qui par les autres enfans qu'elle pourroit auoir, seroyēt hors de la succession d'icelle. Iceluy Henry, Duc de Normādie, eut de ladiēte Alienor plusieurs enfans: c'est à sçauoir Henry, qui fut Roy du viuāt de son pere, Richard & Iehan, qui apres sa mort furēt tous Roys de Angleterre l'un apres l'autre: & Geoffroy, Côte d'Aniou, pui fut aussi Côte de Bretagne à cause de sa fēme, & Connestable de Frāce: & si en eut iiij. filles: dont l'une fut mariée au Roy de Castille, & d'elle yssit Blāche Royne de Frāce, mere de S. Loys. L'autre fut mariée à l'Empereur de Constantinoble, nommé Alexis. La tierce fut mariée au Duc de Saxonie, & en vint Othon, qui fut Empereur des Romains. La quarte fut mariée au Comte de Thoulouze, & en vint Raymond, qui fut pere de la fēme d'ulphons, Comte de Poitiers, frere de S. Loys. Ladiēte Mahault l'Emperiere, fille du feu Roy Henry d'Angleterre, & lediēt Hēry, son filz, Duc de Normādie,

de Normâdie, passerent en Angleterre, & feirent moult grâd' guerre audiēt Estienne, Comte de Boulongne, qui fefloit fait couronner Roy d'Angleterre, comme dessus a esté dict: & soy voyant vieil & cassé, & qu'il n'auoit nul hoir masle, n'esperance d'en auoir, il feit appoinctement avec-eulx, par lequel il adopta lediēt Henry, pour son filz, & heritier au royaume d'Angleterre, moyenant qu'il en iouyroit sa vie durant, & en fut couronné Roy lediēt Henry. Ce pendant que ladiēte Mahault & lediēt Henry son filz faisoient guerre en Angleterre, lediēt Roy de Frâce entra en Normandie, & print le chastel & ville de Vernon. Audiēt an mil cent cinquante deux mourut Raoul Comte de Vermandois, & luy succeda audiēt Côté Philippe, Côté de Flandres, par le moyen & ayde du Roy. En l'année mil cent cinquante troys le venerable & digne de memoire le benoist Abbé de Clereuaux mōseigneur saint Bernard, qui tant auoit fait de beaulx faitz & escriptures, & gaigné tant d'ames, edifié cent lx. monastères de son ordre, fait plusieurs grands signes & miracles, alla de vie à respas en ladiēte Abbaye de Clereuaux, ou il fut enterré: & combien que plusieurs de ses disciples fussent paruenus & esleuez à estre les vns Papes, les autres Archeuesques & Euesques, toutesfois combien qu'il y eust plusieurs fois esté esleu & appelé, iamaïs ne le voulut estre. A son trespas il pria & ordonna que les reliques de saint Thadée Apostre, auquel il auoit singuliere deuotiō, fussent mis en son tombeau, affin qu'il se peust trouuer avec luy au iour de la generale resurrection. L'an mil.c.liiij. mourut lediēt Estienne, Roy d'Angleterre: & fut Roy apres luy lediēt Henry Duc de Normandie, Comte de Poictou & d'Aniou: lequel peu de temps apres mit en sa subiection ceulx de la principauté de Galles & Ibernies: & environ troys ou quatre ans apres feit son Chancelier, de Thomas, lors Archediacre, & depuis Archeuesque de Cantorbie. Audiēt an le Roy Loys de Frâce par l'enhortement de ses Barons, pource qu'il n'auoit nul hoir masle, pour luy succeder, print à femme Constance, fille d'Alphons Roy d'Espagne, & l'espousa en la ville d'Orleans: & fut couronnée par Hugues Archeuesque de Sens: dont Sanson Archeuesque de Reims ne fut pas content, disant, qu'à luy, & non à autre, appartenoit de sacrer & couronner les Roys & Roynes de France. En l'an mil.c.lvj. lediēt Loys Roy de France exēpta & affranchit l'eglise metropolitaine de Sens, des exactions qui auoyent accoustumées d'estre leuées à la mort des Archeuesques. De ladiēte Roynne Constance, lediēt Roy Loys eut vne fille nommée Marguerite: laquelle en l'an mil cent.lvij. dispensée fut du Pape, & par certain appoinctement de paix, qui fut fait audiēt an sur le debat qui suruint entre lesdiēt Roys de France & d'Angleterre, à cause de ladiēte Alienor, icelle Marguerite, estant ieune enfant, aagée de troys à quatre ans, fut mariée au ieune Henry, filz dudiēt Roy Henry d'Angleterre: par lequel traité & appoinctement de Paix lediēt Roy de France rebaila & transporta, pour le douaire de ladiēte Marguerite, sa fille, lesdiēt chastel de Gisors, & tout le pays de Veuxin, q' lediēt Henry luy auoit parauant transporté à luy & aux siens: & soubz telle condition que si ladiēte Marguerite mouroit sans hoirs lediēt pays de Veuxin retourneroit au Roy de France: & aucun temps apres feit iceluy Henry couronner Roy d'Angleterre son diēt filz Henry: lequel, quand il se veit esleué en si haulte seigneurie, & qu'il estoit autant ou plus puissant que le Roy de France, proposa de denyer l'hommage qu'il luy deuoit, à cause des pays de Normandie, Guyenne, Aniou, le Mayne, Touraine & Poictou. L'an mil cent soixante & vn mourut Guillaume Comte de Neuers, & luy succeda Guillaume son filz audiēt Comté de Neuers: lequel fut moult infesté par les Comte de Sancerre & de Iigny, & desquelz il eut victoire: & tātost apres esmeut guerere à Geoffroy, Comte de Gyen: & pource que lediēt Comte de Neuers estoit plus puissant, & que lediēt Comte de Gyen ne pouoit resister à sa puissance, il traicta le mariage d'une fille avecques le filz dudiēt Comte de Neuers, & luy donnoit ladiēte Côté, au preiudice de Herué, filz dudiēt Comte de Gyen: lequel par ce moyen en eust esté exheredé. Si s'opposa lediēt Herué par plusieurs fois: mais non pourtant son pere en bailla & liura la possession audiēt Comte de Neuers: dont lediēt Herué appela, & vint à plainte au Roy, luy requerant ayde. Le Roy, apres cognoissance de cause, assembla gens d'armes, & alla demollir le chastel de Gyen. Ceulx de dedans se deffendirent fort & longuement: mais à la fin ilz se rendirent, & s'en allerent leurs vies sauues, & en fut baillée la possession & iouissance audiēt Herué. Audiēt an mil cent.lxi. Raymond Comte de Toulouse, qui auoit espousé la sœur du Roy, feit scauoir au Roy que Henry le ieune Roy d'Angleterre, Duc de Guyenne & de Normandie, enuahissoit sa terre, & vouloit assieger la cité de Toulouse. Le Roy y alla, & se mit dedās ladiēte cité pour la deffendre: & quand le Roy d'Angleterre sceut qu'il y estoit il s'en retourna. En l'an mil.cēt.lxij. le Pape Alexandre vint en France, pour auoir conseil & ayde touchāt aucunes extortions que luy faisoient les Rommains. En celle année saint Thomas fut fait Archeuesque de Cantorbie. En l'an mil cent.lxiiij. pource que Henry, Roy d'Angleterre, eut imagination que lediēt S. Thomas fauorisoit contre luy le Roy de Frâce, & aussi pource qu'il

*Mil.c.liii.
Le trespas
du glorieux
saint Bernard
Abbé
de Clereuaux.*

Mil.c.liiiij.

*Mil.cēt.cij.
quante six.*

*Mil.cēt.cin-
quante sept.*

*L'an mil
cent lxi.*

*L'an mil
cent lxxiiij.*

sainct Tho
mas de Câ
stobie fut
bany d'An
gleterre.

le reprenoit des grâds exactions qu'il faisoit sur les gens d'Eglise d'Angleterre, il le fait exiler, & bannir d'Angleterre: lequel s'en vint en France deuers le Roy, & deuers le dict Pape Alexandre, lesquelz le receurent moult hōnorablemēt: & tint ledict Pape Alexandre Concile à Tours: & puis s'en alla à Sens, ou il sacra l'eglise sainte Coulombe, & y furent bien vn an: & ledict saint Thomas se tint au couuent de saint Esme de Pontigny, par deux ans: & puis à sainte Coulombe de Sens, ou le Roy le fait entretenir à ses despens: dont ledict Henry Roy d'Angleterre fut tant despit & courroucé, qu'il fait bannir & exiler de ses terres tous les parens & affins dudit saint Thomas, iusques à la quarte generatiō, tant hommes que femmes & enfans, & print tous leurs biens: & leur faisoit on faire sermēt qu'ilz s'en iroyent eux monstrier & presenter audict saint Thomas. D'auantage pour luy faire encores plus grand despit, en l'an mil cent. lxxix. ledict Henry Roy d'Angleterre, en hayne dudit saint Thomas, fait sacrer & couronner Roy d'Angleterre Henry son filz, *per Rogerium Eboracensem Episcopum*: lequel Sacre appartient à faire à l'Archeuesque de Cantorbie, qui pour lors estoit en exil en France: mais enuiron vn an apres ledict Archeuesque S. Thomas, à la pierre du Pape & du Roy de France, fut reuocqué d'exil, & retourna en Angleterre: toutesfois le iour qu'ilz deuoyent prendre la paix, ledict Henry fait chanter vne messe de Requie, pource qu'il ne vouloit point prēdre la paix par les mains de saint Thomas. Enuiron le temps que dessus contents & debats se meurent entre messire Milles de Pierre fons & Dreux de Marle Cheualiers, qui auoyent espousé les deux sœurs, filles de Dreux de Moussay, par ce que ledict de Pierre fons auoit osté par armes audict de Marle, la moytié dudit chasteau de Moussay, qui luy appartenoit à cause de sa femme. Iceluy de Marle en vint à plainte au Roy, qui y alla, & fait assaillir le chasteau. Ceulx de dedās le defendirent: & puis se rendirent eulx & la place au plaisir & volonté du Roy, qui les amena en la ville de Paris pour en faire iustice: & bailla audict de Marle la moytié qui luy deuoit appartenir audict Chasteau, & l'autre moytié fait demollir & abatre en signe d'inobedience. Semblablement les Euesques de Clermont & du Puys manderent & firent sçauoir au Roy que le Cōte dudit Clermont, le Comte du Puys son nepueu, & le Vicomte de Polignac, faisoient moult de larcins & de grandes rapines aux eglises, monasteres, & subiectz deditz pays: prenoient les pelerins & passans, & les mettoient à rançon, & faisoient tout ce qu'un ennemy eust peu faire à son ennemy. Le Roy incontinct partit, & alla sur eulx, & leur mena forte guerre, tellement qu'ilz furent prins & amenez prisonniers, & longuement detenuz à Paris: & à la fin ilz furent deliurez moyennant ce qu'ilz restituerent ce qu'ilz auoyent mal prins.

Comment le Roy Loys le Pitreux espousa Aeliz, fille du Comte de Champagne, & en elle engendra Philippe Dieudonné, autrement dict le Conquerant.

† alias
Adelle.

L'an mil
cent lxxv.

† autres di
sent à Ale
xis filz de
manuel.

† autres
mettent ce
cy l'an 1172
ou 73.
Mil cent
lxxviii.

DVand ledict Loys approcha de l'aage de vieillesse, voyant que la Royne Constance sa femme estoit morte, & n'auoit nul hoir male pour luy succeder, dont luy & tous ceulx du royaume estoient desplaisans, par le conseil de ses Barons il espousa Aeliz, fille de Thibault Comte de Champagne & de Bloys: & comme bon & vray catholique il eut recours à Dieu, & fait faire processions, grands prieres, & oraisons en son royaume: & à la parfin Dieu, congnoissant sa bonne affection, au mois de Aoust l'an mil cent lxxv. luy donna vn filz, qui fut baptizé, & nommé Philippe: lequel, comme sembloit à la plus part de ses subiectz, estoit venu miraculeusement: & à ceste cause fut appelé Philippe Dieudonné: & fut tant preux & vaillant, qu'il est autrement surnommé le Conquerant. Semblablement en eut vne autre fille, nommée Agnes: laquelle en l'an mil cent. lxxix. fut mariée à Manuel filz de l'Empereur de Constantinoble, lequel fut Empereur apres la mort de son pere. Ledit Roy Loys pour recongnoissance du benefice que Dieu luy auoit fait de luy donner lignée, fonda l'Abbaye du Barbeau sur Seine pres Meleun, ou il gist: & semblablement fonda les abbayes du Neuf port, & de Dunes sur la mer: & à la fin deuint malade d'une maladie, nommée Paralysie: parquoy de son viuant il fait couronner Roy ledict Philippe son filz. En ce temps se meut guerre entre le Roy Henry d'Angleterre & ses trois filz, Henry, Richard & Geofroy: lesquelz par l'ayde du Roy, & des Nobles de France, firent forte guerre à leur pere, & dommagerent fort Normandie: puis ilz s'appointerent, & reconcilierent avec luy. En l'an mil cent lxxviii. auoit vn François, nommé Guillaume, qui estoit Chancelier du Roy de Cecille, en hayne duquel les Princes & Seigneurs du pays, qui naturellement hayoyent les François, enuoyerent lettres par toutes les villes & lieux du pays de la Pouille & Calabre, mandant que tous les François qui seroyent trouuez fussent mis à mort. ce qui fut fait: toutesfois ledict Roy de Cecille fait faire punition des conspirateurs qui l'auoyent pourchacé. Enuiron ce temps estoient trois freres moult excellens clerks. Le premier fut Gratian,

Gratian, moyne qui compilla le Decret, qu'approuua Pape Eugene. Le second fut Pierre Lombard, qui compilla les quatre liures des Sentences; & la Glose sur les epistres saint Paul, & du Psaultier: & mourut l'an mil cent soixante & quatre: & le tiers fut Pierre le Mangeur qu'on dit en latin *Petrus comestor*, Euesque de Paris, qui fut enterré en l'eglise saint Marcel: lequel feit les quatre liures des histoires Scolastiques, & plusieurs autres belles escriptures, comme recite *Fasciculus temporum*. On dit qu'iceulx trois freres furent bastardz, & que quand il aduint que leur mere deut mourir, on luy demâda si elle se repêtoit point de les auoir engendrez hors mariage: laquelle dist que non, consideré la grandeur de leurs faitz: & lors on luy conseilla qu'à tout le moins elle eust deplaisance de ce qu'elle n'en pouoit auoir repentance & contrition du mal & peché qu'elle auoit en ce commis. Sur la tombe dudit Pierre le Mangeur, qu'on dit Comestor, est escript cest Epitaphe.

Petrus eram, quem petra tēgit dictusque Comestor.

Nunc comedor: uiuus docui, nec cesso docere

Mortuus ut dicat, qui me uidet incineratum,

Quod sumus ist e fuit, quandoque erimusque quod hic est.

En l'an mil cēt t lxxij. les ministres du Roy Henry d'Angleterre, & de son expres cōmandement, tuerent saint Thomas de Cantorbie aupres de l'autel, la quatrieme Calende de Ianuier, le trentieme iour après qu'il fut retourné en Angleterre; enuiron l'heure de vespres: & ainsi finit ses iours par glorieux martyre, duquel les merites & miracles furent moult grands, comme les faitz le tesmoignent. En l'année ensuyuât fut iceluy saint Thomas canonizé par le Pape Alexandre, accompagné de Cardinaulx & grand nombre d'Euesques. Tantost apres la mort dudit saint Thomas, pour le bruyt qui en couroit par toute Chrestienté, ledit Roy Henry enuoya ses messagiers à Romme, pour s'en excuser vers le Pape Alexandre: lequel Pape enuoya deux Cardinaulx en France deuers ledit Henry, qui lors se tenoit à Chignon en Touraine, pour faire information sur son innocence: lequel Henry iura, & afferma par serment solennel, presens lesdictz Cardinaulx, en soy parjurant, que ledit saint Thomas n'auoit point esté tué par son conseil, de son sceu, ne commandement: & par tant ne fut faite autre poursuyte contre luy. En ce temps vn nommé Iehan du Pin feit vn liure en François, par maniere de fiction, qu'on appelle Mandeuille: mais il ne dit riens qui soit approuué.

De troys freres bastardz qui estoient moult grâds clercs en diuers sciences.

† autres disent 71.

s. Thomas de Cantorbie tué.

AUX LECTEURS.



Esseurs, ie vous vueil bien aduertir icy que la figure de la lignée de Hue Capet, qui est en la page seconde du fueillet seprante & deuxieme, est encores aucunement corrompue; combien qu'ayons fait ce qu'ayons peu pour la remettre en son entier: & fault entendre que les deux filz, que nous mettons au Roy Robert, nommez Simon & Amaulry de sa seconde femme, ne sont trouuez par tout, & ne trouue que Guagin, qui en parle: & nostre Auteurs mesme n'en parle point. Oultre ce, aulx enfans de Robert Comte de Dreux, y à faulte, en ce qu'il fait l'un, nommé Robert, Comte d'Eureux, & y fault mettre de Dreux: & au lieu d'un des Euesques, fault mettre Pierre Mauclerc: & notez que desdictz Euesques ne trouue riē ailleurs, ne dedās nostre texte mesme. Vous ayderez au reste, si vous plaist, si faulte y trouuez, vous asseurant que ie ne trouuay iamais liure tant corrompu, qu'estoit cestuy cy.



Du Roy Philippe Dieudonné, qui est appelé le Conquerant.

DPhilippe deuxieme de ce nom, qui fut surnommé Dieudonné, autrement le Cōquerāt, ou Auguste, filz de Loys le Piteux, commença à regner du viuant de son pere l'an mil. c. lxxix. en l'aage de quatorze ans : & trespasā l'an mil. c. c. xxiii. & gist à S. Denis en France. Cestuy Philippe fut appelé Dieudonné, par ce q son pere estant veuf, comme hors d'aage de soy marier, & d'espoir de generation, dont luy & les Barōs & subiectz de son royaume estoient moult desplaisans, par le conseil de ceulx du royaume il print femme comme nous auons dit : & apres plusieurs prieres & oraisons faictes à Dieu par luy, & par tous ceulx de son royaume, Dieu luy enuoya ledict Philippe : lequel pour les haulx & grands faictz qu'il feit en son viuant, fut ainsi appelé Auguste, ou le Conquerant. Le Roy Loys son pere au temps de sa natiuité, qui fut au moys d'Aoust, mil c. lxxv. eut vne merueilleuse aduision en son dormant : car il luy sembla qu'il voyoit son filz qui tenoit vn calice d'or en sa main, lequel estoit tout plein de sang humain, & en donnoit à boire à tous les Princes & Barons qui estoient autour de luy : laquelle aduision ledict Roy Loys ne declaira point en sa vie, fors à son beau frere, qui estoit Archeuesque de Reims, & Cardinal du tiltre de sainte Sabine, Legat en Frāce : lequel ne la publia iusques apres sa mort, ainsi que ledict Roy Loys luy auoit prié. Aucun peu de tēps auāt le trespas du feu Roy Loys, luy voyant estre fort affoibly, pour son grand aage, & griefuement detenu de ladicte maladie de Paralysie, qui estoit incurable, attēdu son antiquité, par le cōseil de ses Barons il enuoya à Reims ledict

• De la vision
merueilleu-
se qui uint
au Roy
Loys, dict le
Piteux, en
son dormāt

ledict Philippe son filz, qui n'auoit que l'aage de xiiij. ans, en moult belle compaignie, pour estre couronné Roy de Frâce: & fut sacré par sondict oncle Guillaume Archeuesque de Reims, Cardinal de sainte Sabine, lors Legat en Frâce, le iour de la feste de Toussainctz, mil.c.lxxix. L'an mil.c. lxxix.
 & y fut present le ieune Henry Roy d'Angleterre, qui auoit fiancé ma dame Marguerite sa sœur: lequel comme son Per & subiect tint & porta au Sacre la couronne: & aussi y furent les autres Pers de France, grand nombre de Princes, Seigneurs & Barons. Iceluy Roy Philippe au commencement de son adolescence fut de bones mœurs & cōditions; & eut tresbeau commencement: car il ayma & craignit Dieu, qui est le vray commencement de sapience, & fait deffendre tous iuremens & blasphemies de Dieu & des Sainctz, qui se font communement es cours des Princes, es ieux, tauernes, & lieux dissoluz: & quand aucuns, fussent Cheualiers ou autres, estoient trouuez blasphemans le nom de Dieu, incontinent les faisoit punir, de quelq̄ estat ou vacation qu'ilz fussent, & les faisoit ietter & plonger en lac ou es riuieres, ou faire autre publique punition. A ma volunté que les Roys, Princes & Seigneurs gardassent ceste hōnesteté & bonne coustume en leurs cours & maisons. il n'y auroit pas tant de blasphemateurs de Dieu.

*Aymer
Dieu & le
craindre est
le vray com
mencement
de sapience*

Comment le Roy Philippe, le Conquerant, feit chacer les Iuifz hors du royaume.

LAntoist apres le Sacre & Couronnement du Roy Philippe, qui estoit ieune, il s'en vint à Paris: & pour ce qu'il luy souuint qu'il auoit ouy reciter aux ieunes enfans, qui estoient nourriz avec luy en la court de son pere, qu'il estoit plusieurs foys aduenue que les Iuifz, dont il y auoit plusieurs en France, prenoient chacun an le iour du Grand vendredy, à tel iour que Iesus Christ fut crucifié, vn ieune Chrestien, & le mettoient en vne caue soubz terre, & en despit de Iesus Christ le tourmentoyent & crucifioient, & au dernier l'estrangloyent, & mesmement estoit ainsi aduenue de saint Richard, dont le corps est en l'eglise de saint Innocent à Paris, pour lequel nostre Seigneur a fait maintz beaulx miracles, & semblablement l'auoyent lesdictz Iuifz ainsi fait en celle mesme année en la ville de Pons en Xaintonge d'un ieune Chrestien, nommé Iehan de Vendosme, le Roy s'en feit enquerre, & trouua par la commune renommée du pays que c'estoit vray: parquoy il alla audict Pons, & fait mourir tous lesdictz Iuifz qui y estoient: & apres t̄ fait vn edict general, par lequel il bannit tous lesdictz Iuifz hors du royaume de France, & leur donna terme de vider & de vëdre leurs biens. Les aucuns desdictz Iuifz se firent baptizer, plus de paour d'estre exilez & de perdre leurs biens, que pour l'amour de Dieu: & à ceulx la demurerent leurs biens: *alii ab errore antiquo excacati, in perfidia sua remanentes*, cuyderent tant faire vers le Roy par le moye d'aucuns Princes, ausquelz ilz firent de grands dons, qu'ilz demourassent: mais le Roy n'en voulut riens faire, & conuint qu'ilz s'en allassent: & fait le Roy edifier & consacrer en l'hōneur de Iesus Christ, des eglises en plusieurs de leurs Synagogues, & mesmemēt à Paris, à Orleans, à Estampes, & ailleurs. Et est encores de present le corps dudit Iehan de Vendosme conserué en chair & en oz audict lieu de Pons en Xaintonge, en vn hospital qui est es faulxbourgs de ladicte ville, du costé de Bordeaux. Il feit aussi destruire les heretiques Albigeois: & pource que Raymond lors Comte de Toulouze, son cousin le Comte de Besiers, & autres: furent trouuez chargez & coupables de ladicte heresie, & auoyent fauorisé & aydé ausdictz heretiques contre le Roy qui leur faisoit guerre, ilz furent banniz & habandonnez, & leurs terres appliquées au fief du Roy: & furent eulx, & les leur, *per consilium Lateranense* interditz & excōmuniiez, comme sera dict cy apres. En ce te temps mourut Manuel, Empereur de Constantinoble, & luy succeda son filz, qui auoit espousé madame Agnes, sœur du Roy Philippe, soubz la garde & tuton d'un nommé Andronicus.

*Le corps s.
Richard est
en l'eglise
saint Innocent
à Paris.*

*† Aucuns
mettent cē
cy en l'an
1182. & 3*

*Les hereti
ques Albi
geois.*

Comment le Roy Philippe Dieudonné fut marié à la fille du Comte de Henault.

LAn mil.c.iiii.xx. combien que ledict Roy Philippe fust ieune d'aage, par le conseil de son pere, qui encores viuoit, & des Barons & Prelatz du royaume, il print à femme ma dame Ysabeau, fille du Comte de Henault, nommé Baudouyn, & niepce de Philippe Comte de Flandres: & par le traité dudit mariage ledict Roy Philippe eut la Comté d'Arthois, & tout le pays du long de la riuere du Liz: laquelle Ysabeau estoit descendue de par sa mere de la lignée saint Charlemagne: & de rechef se feit ledict Roy couronner le iour de ses espousailles: & pareillement fut couronnée ladicte Ysabeau sa femme en l'eglise saint Denys en France, par Guy

*Mil.c.iiii.
xx.*

Tre pas du Archeuesque de Sens. En celle mesme année ledi^t Roy Loys le Piteux, pere dudi^t Philippe
Roy Loys espris de la maladie de Paralysie, trespassa: & en grand honneur & reuerence fut son corps por
le Piteux. té enterrer en l'Abbaye, nommée du Saint port, autremēt di^te du Barbeau sur Seine, de l'or
dre de Citeaux, pres Meleun, qu'il auoit fondée, comme di^t est. Dieu par sa grace en vueille
auoir l'ame: car ce fut vn bon, sage & vaillant Prince, louable & honneste, qui traita bien &
doulcement ses subie^tz, sans faire exactions sur eulx. Il ayma paix, & soubz luy sedifierēt &
reparerent en France moult de villes, places, chasteaulx & eglises. Les terres se defricherent
& meirēt en labour, & viuoyent ses subie^tz en grand' paix & tranquillité. En [†] celle mesme
† autres année trespassa Baudouyn Roy de Hierusalem, *qui inuenis lepra contagio deformatur.* En l'an mil.c.
l'an 1185, iiij.xx.i. ainsi que Henry, Comte de Champaigne, s'en retournoit de Hierusalem, il fut prins
6. prisonnier par les Turcs: mais il fut par l'Empereur Manuel de Grece deliuré: & quand il fut
l'an mil.c. retourné mourut tost apres. En celle année eut grand' guerre entre Federic Empereur de Rō
iii.xx. 6 me, & le Duc de Saxongne, qui s'estoit voulu faire Empereur, lequel auoit espousée la fille du
un. Roy d'Angleterre: mais par le moyen du Pape ilz s'appoincterent, par tel conuenant que le-
di^t Duc seroit exilé sept ans de sa terre: & par ce s'en vint luy & sa femme, qui fille estoit de
Henry Roy d'Angleterre, deuers ledi^t Henry son pere, en Normandie, ou ilz se tindrent lō-
guement.

*Comment ledi^t ieune Roy Philippe Dieudonné punissoit ceulx qui persecutoyent
les eglises.*

ENuiron quatre moys apres le couronnement dudi^t Roy Philippe, vn nommé He-
bur de Charenten, se print à persecuter les eglises & les Abbayes de Bourges, & du
pays de Berry, & à prendre leurs biens & terres. Les gens d'Eglise le feirent scauoir
au Roy, qui incontinent y enuoya son armée, & contraignit ledi^t Hebur à resti-
tuer tout ce qu'il auoit vsurpé. Semblablement en l'année premiere de son regne, qui fut le.xv.
an de son aage, vn nommé Imbert de Beauieu, & le Comte de Chaalon, se prindrent à perse-
cuter les eglises de leurs terres, contre les immunitéz que les Roys leur auoyent données, &
faisoyent plusieurs exactions & pilleries. Quand le Roy le sceut il alla contre eulx à grand ost
en personne, & print & abbatit de leurs places & chasteaux iusques à ce qu'ilz vindrent à mer-
cy, & qu'ilz restituassent aux eglises ce qu'ilz leur auoyent osté. Audi^t an mil.c.iiii.xx. & .j.
mil.c.iiii. Philippe, Comte de Flandres, le Duc de Bourgongne, Guillaume Archeuesque de Reims, on-
xx. 6 un. cle du Roy, Thibault Comte de Bloys, & Estienne, Comte de Sancerre, machinerent & fei-
rent coniuration contre le ieune Roy Philippe, & s'esleuerent contre luy, & luy feirent grād'
guerre, dont le Roy fut fort troublé & dommagé. Ledi^t ieune Roy s'allia des Brabançons, &
à leur ayde courut & gasta les terres dudi^t Philippe Comte de Flandres, & d'Estienne Com-
de Sancerre. Federic Empereur d'Allemagne voulut ayder aux aduersaires du Roy, & esmeut
en armes presque tous les subie^tz de son Empire: mais le Roy Henry d'Angleterre, en hay-
de dudi^t Empereur, qui auoit chacé le Duc de Saxōgne son gendre, vint en l'ayde dudi^t ieu-
ne Roy Philippe de France, & ses enfans aussi: & par son moyen paix fut reformée entre le-
di^t Roy & ses Barons.

De plusieurs choses dignes de memoire que fait le Roy Philippe Auguste.

L'an mil **E**N mil cent quatre vingtz & deux, ledi^t Philippe achepta vn marché que les
cent iii. xx malades de sain^t Ladre auoyent droit de faire tenir hors Paris, l'espace de quin-
6. ii. ze iours, & le fait venir dedās la ville au lieu qu'on appeloit Champeaulx, pres
l'Eglise sain^t Innocent: & affin que les marchans peussent tenir leurs marchā-
dises à couuert & en seureté, il fait bastir les halles, & est encores appelé ledi^t
marché la foire sain^t Ladre. Il fait aussi clorre le cimetiere de sain^t Innocent,
dont ledi^t lieu, & celuy ou sont lesdictes halles, estoient lors vuydes & vagues. Il fait sembla-
blement en ce temps clorre le parc du boys de Vincennes, de belle & haulte muraille de du-
rée, telle qu'on voit encores à l'oeil. Le ieune Roy d'Angleterre, qui auoit fiacé ma dame Mar-
guerite, sœur dudi^t Roy Philippe, qui sceut la closture dudi^t boys de Vincennes, que le Roy
auoit fait faire, fait chacer & prendre es forestz de Normandie & d'Aquitaine plusieurs cerfs,
biches, daings, & autres sauuagines, & les fait mettre & enclorre en vne grand' nef, & les en-
uoya audi^t Roy Philippe, par la riuere de Seine iusques à Paris: & le Roy, qui en fut biē ioy-
eux, les enuoya au boys de Vincēnes. En l'an mil cēt quatre vingtz & trois, ledi^t ieune Roy
L'an mil.c. Henry d'Angleterre alla de vic à trespassement, en vn chastel, appelé Martel, en la prouince
iii.xx. 6
iii. de Cahors:

de Cahors : & fut son corps porté enterreir en l'eglise nostre Dame de Rouen : & demoura madiete dame Marguerite de France , sa fiancée, encores ieune enfant, es mains dudiect vieil Roy Henry d'Angleterre, son pere, en la garde duquel elle auoit esté baillée par le feu Roy Loys de France, son pere.

Des inhumanitez qu'aucuns meschans Costereaux faisoient en Berry: & des heretiques qui furent bruslez en Flandres.



L'An mil cent quatre vingtz & trois se meit sus vne maniere de gens, appelez Costereaux, qui auoyent fait alliance avecques les heretiques : & tirerent au pays de Berry, & vers la cité de Bourges, ou ilz feirent de grands maulx & inhumanitez: car ilz tuoient gens, prenoient les homes prisonniers, forçoient femmes, & couchoyent avecques elles, en la presence de leurs marys: *Et quod deterius est*, pilloyent, brusloyent les eglises, prenoient le corps Iesus Christ, qui y estoit reserué pour les malades, le icettoient contre terre, & marchoyent dessus, emportoient custodes, calices, & les corporeaux, & autres draps des eglises, desquelz ilz faisoient cocurechefz & drappeaux deshonnestes & prophanes à leurs meschines, & autres cruauitez & inhumanitez. Ceulx de Bourges hastiuement le maderent au Roy, qui incontinent leur enuoya aydes & gens d'armes: & furent lesdictz Costereaux destruietz & desconfitz, & en mourut bien sept mil: & pource qu'il feist diligemmēt ses premieres batailles pour la deffence des eglises, il eut après Dieu propice en ses affaires. En celle année furent faitz brusler en Flandres plusieurs heretiques, par le iugement de Philippe, Comte de Flandres, & de Guillaume, Archeuesque de Reims, Cardinal, Legat en France. *Hi dicebant omnia aeterna à Deo creata: corpus autem hominis, & omnia transitoria à Luciabello creata. Baptismum paruulorum, & Eucharistiam reprobabant. Sacerdotes missas celebrare ex auaritia & oblationum cupiditate dicebant.* En celle année ledict Roy Philippe feist destruire toutes les Synagogues des Iuisz, & en plusieurs d'icelles feist faire & consacrer des eglises, & bannir lesdictz Iuisz, qui ne vouloyent estre baptizez.

L'an mil
cēt quatre
vingtz &
trois.

Heretiques
bruslez en
Flandres.

De la guerre que feut le Roy au Comte de Flandres, pource qu'il luy detenoit la Comté de Vermendois.



L'An mil cēt quatre vingtz & quatre, se meut debat & question entre ledict Roy Philippe, & le Côte de Flandres, pour raison de la Côte de Vermendois, qui deuoit appartenir au Roy, que ledict Comte occupoit iniustement & sans raison. Le Roy feist sommer iceluy Comte qu'il luy voulsist rendre, mais il n'en voulut riens faire: parquoy le Roy par le conseil des Princes & Barons de France, assembla merueilleusement grand' armée, & alla vers Amyens. Quand ledict Comte sceut la grand' puissance de l'ost du Roy, il se conseilla à ses Barons & subiectz: puis enuoya deuers le Cardinal Guillaume, Archeuesque de Reims, & oncle du Roy, & Thibault de Bloys, Marechal & cōducteur de l'ost du Roy, ausquelz il auoit commis tous toute la besongne (car ilz estoient ses oncles, & auoyent la conduicte de ses affaires) & leur pria qu'ilz feissent sa paix deuers le Roy, & qu'ilz prinssent ladiete Comté de Vermendois, mais que son plaisir fust qu'il iouyst, sa vie durât, des villes de saint Quentin & Peronne: laquelle offre & requeste le Roy accepta, & par ainsi fut la paix faicte.

L'an mil
cent quatre
vingtz &
quatre.

Des messagiers de Hierusalem, qui apporterent au Roy Philippe, le Conquerant, les clefz du saint Sepulchre.



Sur ces entrefaictes que le Roy estoit occupé en sa guerre, cōtre ledict Comte de Flādres, vindrēt deuers luy Eracle, Patriarche de Hierusalē, & le grād Prieur de l'hospital de Rhodes, quiluy apporterēt les clefz de la cité & du saint Sepulchre de Hierusalem, luy requerāt qu'il luy voulsist donner secours & ayde contre vn peruers Sarrazin, nommé Salladin, qui en merueilleuse puissance estoit entré en la terre de Hierusalem, & ia auoit gasté plusieurs pays, & tué & prins prisonniers moult de Chrestiens: & disoyent que si de brief le Roy ne leur faisoit secours, ladiete cité de Hierusalem estoit en voye de briefue subuersion. Sur ceste matiere le Roy eut conseil aux Barons & Prelatz de son royaume: lesquelz, par ce qu'il n'auoit encores nul hoir de son corps, pour luy succeder, ne furent pas d'opinion qu'il y allast en personne, combien qu'il en eust grand desir: toutesfois il feist faire grand' armée de gens, à ses despens, & feist prescher par tout

Le Roy feist
publier la
croysade cō
tre salla-
din.

le royaume la croysée, & y allerent plusieurs tant de ce royaume que d'ailleurs. Enuiron ce temps vn Prince, nommé Andronicus, ayant fait par trahyson prendre Constantinoble, & Manuel Empereur, son seigneur (lequel auoit espousé madame Agnes de France, fille du Roy Loys, & soeur du Roy Philippe) & l'ayant fait noyer & submerger en la mer, feit mourir plusieurs des Princes du pays, & se feit Empereur: & tantost apres s'esleua vn nommé Isaac, qui estoit de la lignée dudit Manuel, & vint à Constantinoble, & par le Patriarche fut couronné Empereur: & feit prendre ledit Andronicus, & le feit trencher par toutes les ioinctures des piedz, des mains, & des autres membres, & le feit monter sur vn chamel & mener par la cité, & apres luy feit creuer les yeulx.

Comment le Roy ordonna que la cité de Paris fust pauée: & de la guerre qu'il feit au Duc de Bourgogne, qui opprimoit le seigneur de Vergy, son Vassal.

L'an mil cent quatre vingtz & quatre.



Le Roy, qui moult estoit curieux d'accoustrer & donner ordre à la police de la chose publique du royaume, vn iour audiēt an mil cēt quatre vingtz & quatre, s'aduifa, voyant que la ville & cité de Paris, qui anciennement estoit appelée Lutece (qui vault autant à dire comme baueuse, ou pleine de boue) estoit souuent à l'occasion des immundices, qui estoient par les rues, par ce qu'elles n'estoyent point pauées, si puante & orde que c'estoit grand' pitié, & n'y pouuoit

L'an mil cent quatre vingtz & six.

on bon nement aller par temps de pluye, n'à pied n'à cheual, pour les puantises, boues & ordures, il paracheua ce q̄ ses predecesseurs auoyent encōmencé: car ilz auoyent chāgé le nom de Lutece en Paris, mais ilz n'auoyēt pas osté l'effect, & la cause de son premier nom. Si māda les Preuost & Bourgeoys de ladicte ville, & commāda & ordonna que toutes les rues d'icelle fussent pauées de gros carreaux de gres: & ainsi fut fait. En l'an mil cent quatre vingtz & six, Guy, seigneur de Vergy, auoit vn chastel, qui est assis es marches de Bourgōgne, & au fief du Roy, enuoya deuers le Roy Philippe, par ce q̄ le Duc de Bourgogne luy faisoit trop forte guerre, & l'auoit affligé dedans sondit chastel. Le Roy, pour ayder à son vassal, comme bon Seigneur doit faire, incontīnēt y enuoya grand' armée, & cōtraignit ledit Duc de Bourgogne à leuer ledit siege: mais aucun temps apres il le rendit audiēt Guy de Vergy, qui luy en feit hommage & serment de fidelité. En celle mesme année mourut à Paris Geofroy,

Tressas de Geofroy, Duc de Bre taigne, filz du Roy de Angleterre & de la fondation pour luy fai ste en l'egli se de Paris.

Nota des iā gleurs & menestriers qui furent banniz de la court.

qui estoit de par sa femme, nommée Constance, Duc de Bretagne & Comte de Richemont, troisieme filz du Roy Henry d'Angleterre: dont ledit Roy Philippe, qui moult l'aymoit fut moult desplaisant. Si le feit enterrer deuant le grand autel de l'eglise nostre Dame de Paris, moult honnorablemēt, & pour l'amour de luy fonda en ladicte eglise quatre chapelles sacerdotales. Il laissa vn filz nommé Artus, qui luy succeda audiēt Comté, & vne fille. En ce temps frequentoyent en la court dudit Philippe & des Princes qui estoient autour de luy, plusieurs menestriers, iangleurs, & farceurs: lesquels pour cōplaire aux grands & riches gens disoyent parolles à leurs louenges, affin de tyrer argent d'eulx, & qu'ilz leur donnassent robes ou argent: & voyant ledit Roy Philippe que c'estoyent toutes choses vaines & contraires au salut de l'ame, & que des robes, habillemens, & sommes de deniers, que l'on donnoit ausdictz menestriers & iāgleurs, plusieurs pauvres en eussent esté entretenuz & reuestuz par bien long temps, promet & voua que toute sa vie ses robes & habillemēs & sommes de deniers, que l'on donnoit ausdictz menestriers, seroyent donnez & distribuez aux pauvres gēs, pour les reuestir: & affin que les autres pauvres & riches gens n'en donnassent ausdictz menestriers & iangleurs, il les feit mettre hors, & bannir de sa court.

De l'emotion de guerre que feit le Roy Philippe, contre Richard d'Angleterre: & du miracle nostre Dame du Bourgdieux en Berry.

Mil cēt quatre vingtz & sept.



EN l'an de grace mil cent quatre vingtz & sept, Henry le vieil Roy d'Angleterre, *sub quo passus est beatus Thomas Cantuariensis*, comme dict a esté, donna à son filz Richard la Comté de Poitou: parquoy tantost apres ledit Philippe feit sommer ledit Richard qu'il luy en vint faire hōmage, cōme raison estoit, & faire le deuot: mais iceluy Richard, qui estoit introduyt de la malice Angloise, par l'introduction de son pere, queroit fuytes & simulations de iour en iour de non luy faire l'hommage. Semblablement ledit Philippe demandoit audiēt Henry, Roy d'Angleterre, qu'il luy restituast Gisors, & maintes places estāt au pays du Veuxin le Normāt, qui auoyent esté baillées pour le dot

le dot de madiete dame Marguerite, au traite de mariage dudit feu ieune Roy Henry, filz dudit viel Henry, Roy d'Angleterre, estant fait leur traite par telle condition que se ledit ieune Henry, ou ladiete Marguerite mouroyent sans hoirs de leurs corps, iceluy pays retourneroit audit Roy de France: laquelle condition estoit aduenue par la mort dudit ieune Roy Henry: & toutesfois ledit viel Henry, son pere, ne vouloit restituer ledit pays: Sur ces deux questions ledit Henry & Richard, son filz, eurent moult de dilations & subterfuges: & voyant ledit Roy Philippe que ce pourroit tourner à la grand' honte & dommage de luy & des siens, proposa à ce les contraindre par puissance d'armes, fautrement ilz ne vouloyent faire ce qu'ilz deuoyent: & pour ceste matiere, apres sommation iuridique faicte ausdictz Roy Henry & à Richard son filz (lesquelz d'eulx mesmes ne voulurent faire raison) le Roy assembla son ost, & tyra à Bourges, & enuahyt leurs terres deuers Aquitaine. Et premierement print les villes d'Yssoudun, Graffay, & plusieurs autres places: & gasta & depopula le pays, iusques à Chasteauroux, ou estoit le Roy d'Angleterre. Puis alla mettre le siege deuant la ville du Bourgdieux (ou a vne moult belle eglise & Abbaye, de grand' & ancienne fondation) en laquelle ville pour la garder & deffendre contre le Roy de France, ledit Richard, Comte de Poitiers, auoit enuoye grand nombre de Costereaux & gens paillards amassez. Et aduint q̄ durant ledit siege, ainsi q̄ les gens dudit Richard en grand nombre estoient en vne place, qui estoit pres de ladiete eglise & Abbaye, & y en auoit aucuns qui iouoyent aux dez, il y en eut vn qui estoit courroucé de ce qu'il auoit perdu son argent, lequel commença à renier & blasphemer le nom de Dieu & sa mere: puis leua les yeulx contremont, du costé de ladiete Abbaye, & veit qu'en vn pilier qui tient vn des arcs boutans hors & contre la muraille de ladiete eglise auoit vne image de nostre Dame, qui tenoit son enfant en son giron, print vne pierre, & comme forcené, en maugreant le nom de Dieu & la vierge Marie, la ietta contre ladiete image nostre Dame, qui estoit biē haulte: & ataignit vn des bras de son enfant, de si grand randon q̄ il le cassa, & cheut à terre tout ensanglanté: & de celle rompure courut & sortit sang en grand' abondance, tellement qu'il en tomba tout au long du mur iusques à terre: lequel sangut honnestement recueilly, & en furent gueris plusieurs malades de diuerses maladies: & ce malheureux costereau, qui auoit ietté ladiete pierre, fut incontinent tourmenté du malin esprit, tellement qu'en ce iour mesmes il fina miserablement sa vie. A celle heure que ce aduit vn des filz du Roy Henry d'Angleterre, qu'on appelloit Iehan sans terre, estoit venu en ladiete ville pour la deffendre: lequel print le bras rompu dudit image, & l'emporta & garda ignement pour reliquaie: & depuis ce temps nostre Seigneur a fait en ladiete eglise du Bourgdieux, au lieu on estoit leur image, plusieurs grands & euidens miracles, & y a moult granapport & voyage de pelerins.

D'un Costereau qui ietta une pierre contre la vierge Marie, dont mal luy aduint:

De la prise de Hierusalem.

Sur ces entrefaites & audit an mil cent quatre vingtz & sept, vindrent messagers d'oultre mer, qui rapporterēt de certain que Salladin, Roy d'Egypte, & ses barrazins auoyent prins grand' partie des villes & places de la terre sainte, mesmement la cite de Hierusalem, & prins le Roy prisonnier, & aussi auoyent prins le fust de la vraye Croix. Les Suriens sauuerent l'eglise du saint Sepulchre, par grand pris d'or & d'argent qu'ilz le racheterent. Auant que ledit Salladin voulsist entrer au saint Temple Salomon, il le fit lauer d'eau rose dedans & dehors, par tout hault & bas. Plusieurs des Suren, Iacobites, & Grecz, qui estoient Chrestiens, demouroient en ladiete cite, en faisant tribut audit Salladin: c'est à sçauoir qu'ilz payoyent pour la rançon de chacun homme dix besans d'or: pour chacune femme cinq besans, & pour chacun enfant vn besant: toutesfois ledit Salladin en deliura grand nombre de ceulx qui n'auoyent dequoy payer, & les malades eut enfer de ses deniers, & fit conduire en seureté la Roine, nommée Sibille, & Heraclie Patriarche de ladiete cite, & plusieurs Templiers & Hospitaliers, & plusieurs prisonniers iques en Antioche. Les autres s'en allerent par mer, les vns en Alexandria, les autres en Cille: & depuis ce tēps n'a esté ladiete cite Hierusalem recouuerte par les Chrestiens: qui est gr' pitié. Le sixieme iour de Septēbre, audit an mil cent quatre vingtz & sept, naquut en ville de Paris monseigneur Loys, aîné filz du Roy Philippe de France: dont luy & tous cōx de son royaume firent moult grand' ioye, & par toutes les villes & lieux en furent faictes feux de liesse, & rendues graces à nostre Seigneur.

L'an mil cent quatre uingtz & sept.

Salladin fait lauer le temple de salomon en Hierusalem, d'eau rose.

Natiuité de Loys de Montpessier, filz de Philippe Auguste.

De l'appoinctement

De l'appointement des Roys de France & d'Angleterre: & comment ilz se croiserent pour aller au voyage d'oultre mer, cōtre Sarrazins qui auoyent prins Hierusalem.

L'an mil
cēt quatre
vingtz &
huyct.



Croisade
faicte par
les Roys et
princes,
pour aller
en Hierusa
lem.

L'an mil cent quatre vingtz & huyct, le Roy Henry d'Angleterre, & Richard, Comte de Poitiers, son filz, assemblerent grand ost, pour resister à la puissance du Roy, & vindrent iusques aupres du Bourg dieux, lors que le Roy y tenoit le siege: mais quand ilz sceurent la grand' puissance du Roy, & qu'ilz n'estoyent pas puissans pour le combatre & leuer ledict siege, ilz ne l'oserent assaillir: & pour le tromper faignirent qu'ilz vouloyent faire appointement avecques luy, & baillerent caution iuratoire, & que de toute la querelle ilz se mettoient à l'ordonnance, & au iugement de la court du Roy de France: & soubz ceste couleur furent faictes treues, & s'en retournerent les parties chacun en ses pays. Apres aucuns temps, en celle mesme année, lesdictz Roys de France & d'Angleterre s'assemblerent, & eurent parlement ensemble, pour traicter paix, au lieu de Trie, pres Gisors: & quand ilz furent la assemblez avecques plusieurs Princes & Seigneurs, par le moyen d'un Legat que le Pape y auoit enuoyé pour les admonester de faire paix, & faire ayde à la terre sainte, il aduint qu'ilz feirent appointement & paix finale: & comme par inspiration diuine iceulx deux Roys d'un commun accord se croiserent, pour aller au voyage d'oultre mer, pour la deliurance de la terre sainte. Auecques eulx se croiserent le Duc de Bourgogne, le Comte Richard de Poitiers, Philippe, Comte de Flandres, Thibault, Comte de Bloys, les Comtes du Perche, de Beaumont, de Rochefort, de Champagne, de Dreux, de Cleremont, d'Auenes, de Neuers, & plusieurs autres Princes & Seigneurs, les Archeuesques & Euesques de Rouen, Cantorbic, Beauuais, Chartres & plusieurs autres: & en signe d'icelle croysée lesdictz deux Roys feirent illec faire & fonder vne eglise, & appelerent celle place de Saint champ. Semblablement en celle mesme sañon Federic, Empereur de Rōme, *codem peregrinationis uoto se obligat*: & feit crier & publier ladicte croysée par tout son Empire.

Comment le voyage d'oultre mer fut rompu, par la mauuaisiē du Roy d'Angleterre, & Richard, son filz, Comte de Poitiers: & d'une source d'eau qui aduint miraculeusement en l'ost du Roy.

L'an mil
cent quatre
vingtz &
huyct.

De la disme
leuée en Éra
ce, appelée
la disme
Salladin.

† P. E. M. et
pol. Verg.
cōptent ces
guerres cy
un peu au
tremement.



Miracle qui
aduint en
l'ost du Roy
de France,
des eues
sortant de
la terre.

V moys de Mars audict an mil cent quatre vingtz & huyct feit le Roy sembler à Paris tous les Prelatz de son royaume, & aussi tous les Princes & Barons & en celle assemblée se croiserēt moult grād' multitude de Barons, Cheualier Escuyers, Nobles, & gens de pied. Le Roy, qui moult grād' desir & affection auoit d'accomplir le saint voyage, feit prendre la decime des biens meubles sur ses subiectz: &quist ausdictz Prelatz & gens d'Eglise la disme du reuenu des eglises d'une année seulemēt laquelle ilz luy octroyerēt liberalement: & fut icelle disme appelée la disme Salladin, par ce q'estoit pour aller cōbatre ledict Salladin, Roy d'Egypte: & furent ordōnez gens & cōmissaires pour la leuer: lesquelz, cōme on disoit, feirēt plusieurs griefz & violences aux eglises. Auoyē duquel peché, cōme on croyoit piteusement, ledict saint voyage fut rompu: car il aduint par la suggestion du Diable, qui est ennemy de la Chrestienté, lequel se meit es coeurs deictz Henry, Roy Anglois, & Richard, son filz, qu'ilz rompirent les treues qu'ilz auoyent pauer accordées & iurées: & fut la prophetie du Roy Dauid la accomplie: *affusa est conuersio, & errare fecit eos in uia*. Car lors ledict Richard, qui estoit es parties de Bordeaux, enuahit les terres du Côte Raymond de Toulouze, qui feit incontinent scauoir au Roy, son seigneur & cousin, l'oultrage que ledict Richard, Comte de Poitiers luy auoit faict. Le Roy et de ceste nouuelle moult desplaisant. Si assembla son ost, & se meit en voye pour enuahir la terre d'Aquitaine, du costé de Berry: & print les villes de Chasteauroux, Brezanços, Agenton, & autres places d'environ qu'il destruyt & brusta. puis meit le siege deua Leiroux en Berry, ou il fut assez longuement: & durant iceluy siege aduint vn miracle chose digne de memoire. Car pres & deuant ladicte ville auoit vn maraix, ou tousiours oit grand' abondance d'eau, & n'estoit pas memoire que iamais homme l'eust veu à semais la saison fut si chaulde, & aussi l'ost du Roy estoit si grand que tantost ledict maraix vint à sec, si que les gens & les cheualx auoyent moult grand' defaute d'eau, & n'en scauoyt ou trouuer que ce ne fust bien loing: mais soudainement il aduint, sans ce qu'il plust oumbast eau du ciel, qu'en celuy maraix l'eau saillit des entrailles de la terre, en si grand' abondance que les gens & les cheuaux de l'ost en eurent en grand' abondance. Tātost apres ledict chasteau de Leiroux fut prins: & le dona le Roy à Loys son cousin, filz du Comte Thibault Bloys: & si tost qle Roy

Roy fut party & son ost leué dudit siege, ledit marais se retourna à sec cōme deuant : & s'en retournerent les eaves en terre, ne oncques puis on ne les peut veoir en cest endroict. Puis alla le Roy à Montrichard, qu'il print par force, & cinquante Cheualiers qui estoient dedans; apres ce qu'il eut prins aussi & mis en sa subiection Montresor, le Blanc en Berry, Culât, Mollignon & tout le pays d'Auvergne. Le Roy Henry d'Angleterre, & le Comte Richard, son filz, qui sceurent ces choses, en furēt moult dolens. Sifirent cheuaucher leur ost parmy Normandie, tirant vers Gisors, ou ilz destruisirent maintes villes & places au pays du Vexin: puis se meirent à chemin pour aller la ou estoit le Roy. Quand le Roy sceut qu'ilz venoyent contre luy, il alla contre eulx, & en passant print Vendosme: & quand ilz sceurent que le Roy alloit droict à eulx, ilz s'enfuyrent, retournant en Normâdie: & en passant ilz ardirent Dreux, & autres villes champestres: & tant cheuaucherent qu'ilz vindrent à Eureux, dont le Roy les chacea, & de là s'en allerent à Gisors, fuyant de place en place deuant le Roy de France: & au lieu de Gisors, pour ce que la saison de l'yuer estoit venue, furent accordées treues entre lesdictz deux Roys. En celle année fut si grand' seicheresse en France, que la pluspart des riuieres fontaines & puyx seicherent: & par l'ardeur de la seicheresse la pluspart des villes de Tours, Chartres, Beauuais, Auxerre, Troyes, Prouins, & plusieurs autres, furent brullées.

L'année des
Grandes sei-
cheresses.

Comment Richard, Comte de Poitiers, filz du Roy Henry d'Angleterre, fallia au Roy de France, & luy fait hommage.



Vrant lesdictes treues ledit Richard, Côte de Poitiers, requist audit viel Henry, Roy d'Angleterre, son pere, qu'il le voulust faire couronner Roy d'Angleterre, comme il auoit fait ledit feu Henry, son frere aîné, & ainsi qu'il luy auoit promis faire: laquelle chose ledit Roy d'Angleterre ne voulut faire: & à ceste cause ledit Richard, Comte de Poitiers, laissa & abandonna sondit pere, & se retira deuers ledit Roy Philippe, & luy fait hommage de sa Comté de Poitou, comme tenu y estoit, & fallia à luy par serment de fidelité. En celle année l'Empereur Federic, & Federic, Duc de Suabe, son filz, se meirent sus en grand' puissance pour aller au saint voyage de Hierusalem, au recouurement de la terre sainte. Ilz passerent par Hongrie, ou le Roy les receut honnorablement: puis passerent le fleuve Danube, & entrerēt en Thrace, ou l'Empereur de Constantinoble leur empescha le voyage: parquoy ilz tirerent en la Grece, & prindrent plusieurs des villes dudit Empereur, & y demourerent aucun tēps. Pour aller audit voyage partirent cinquante nauires du pays de Frise & de Dace: de Flandres trente & sept, lesquelz passant par Espagne prindrēt sur Sarrazins la cité de Siluie, & plusieurs autres, & tuerent tous les habitans de quelque aage ou sexe qu'ilz fussent: & partirent entre eulx les biens & richesses qu'ilz y trouuerent: & quarāte iours apres laisserent lesdictes villes & pays en garde au Roy de Portugal, qui estoit Chrestien.

siluie en Espagne prin-
se p les Chre-
tiens, &
pillée.

Comment le Roy Philippe Auguste passa à gué la riuere de Loyre deuant Tours miraculeusement avec son armée: & de la mort de Henry, Roy d'Angleterre.



EN la nouvelle saison de l'année ensuyuāt, qui fut mil cent quatre vingtz & neuf le Roy assembla son armée pour guerroyer ledit Roy Henry d'Angleterre: & tira vers les pays d'Auvergne, & meit en sa subiection toutes les places que le Roy d'Angleterre y auoit: dont ledit Roy Henry fut moult courroucé: & par le pays du Maine trauersa, & fait tirer son armée vers Gisors, & en passant destruyfit plusieurs villes & villages. Le Roy Philippe le suyuit, & alla assieger la ville d'Eureux, de laquelle il le chacea laidement: puis vint apres luy passant vers Nogent le Roy, & la Ferté Bernard: puis alla le Roy vers la cité du Mans, ou estoit ledit Roy d'Angleterre: lequel, quand il sceut sa venue, s'en fuyt honteusement, & s'en alla à Chinon. Le Roy print ladicte cité du Mans & Vendosme, en passant, puis alla vers Tours: & quand il fut à l'endroit de la ville, sur le bord de la riuere de Loyre, les eaves estoient moult grandes, & si estoient tous les pontz abbatuz, & les basteaux effondrez, tellement qu'il ne pouuoit trouuer façon de passer la riuere. Iceluy vaillant Roy Philippe, comme Prince de hault courage, arant de poursuyure son enemy, appela Dieu en son ayde en sa iuste querelle: &, ce dit, on congnt visiblement que l'eau de ladicte riuere se retira & appetissa: & ce voyant le Roy, il monta sur son cheual, & print vne lance en sa main, & luy seul se meit dedans ladicte riuere de Loyre, tastant le gué avecques ladicte lance au deuant de luy: & ainsi qu'il alloit en auant mettoit aucuns signes de

L'an mil cēt
quatre nigtz
& neuf.

du Roy Philippe Auguste, lequel passa la riuiere de Loire à gué miraculeusement.

branches, affin qu'en c'est endroit les autres passassent après luy. Si trouua passage, & adressa ses gens en telle maniere que tous passerent apres: & n'est pas memoire que iamais en nulle saison on eust veu personne passer ladiete riuiere de Loyre en cest endroit. Quand l'ost du Roy fut entierement passé, incontinent ladiete riuiere recrut aussi grande qu'elle estoit parauant. Quand le Roy fut passé il print ladiete cité de Tours: & y seiourna luy & son ost pour eulx rafraeschir, par l'espace de douze iours: & ce pendant alloyent & venoyent messages de Tours à Chinon, pour faire & traicter paix entre les deux Roys: laquelle paix estoit presque faite, & ne restoit que l'accorder, quand il aduint qu'une grieve maladie print audict Roy Henry d'Angleterre, qu'il deuint comme insensé: & disoit lon que ce luy estoit adueni par punition diuine: par ce qu'il auoit fait tuer & martyrer saint Thomas de Cantorbie. Autres disoyent qu'il auoit esté cause de rompre le voyage de Hierusalem: & les autres disoyent que c'estoit de despit: par ce que toute sa vie il auoit esté heureux en ses affaires, & que lors sur sa vieillesse il se voyoit abandonné dudiect Richard, son filz, & chacé si villainement par lediect Roy Philippe. De ladiete maladie lediect Roy Henry mourut au chasteau dudiect Chinon: & fut son corps enterré en l'Abbaye des nonnains de Fronteuault, apres ce qu'il eut regné vingt & cinq ans, en laquelle il euoit esleu sa sepulture en son viuant, & donné moult de rentes & domaines.

Trespas du Roy Henry d'Angleterre à Chinon.

De l'appoinctement fait entre le Roy Philippe Auguste & le nouveau Roy Richard d'Angleterre: & comment lesdictz deux Roys entreprirent le voyage de Hierusalem.

Le Roy Henry d'Angleterre, appelé coeur de Lyon.

† P. Verg. & P. Em. la nommēt Adelle, & celle de son frere Henry Marguerite



Antoist apres le trespas dudiect Roy Henry, qui fut l'an mil cent quatre vingtz & neuf, fut Roy d'Angleterre lediect Richard, son filz, parauant Comte de Poitiers, qui fut surnommé coeur de Lyon: lequel passa & accorda avecques lediect Roy Philippe l'appoinctement qui auoit esté pourparlé avecques son feu pere le Roy Henry, durant sa maladie. Par lediect appoinctement lediect Roy Richard promet espouser madiete dame † Marguerite, soeur du Roy, qui auoit esté femme à Henry, son frere. Par ce moyen lediect Roy Philippe rebaila audict Richard les citez de Tours & du Mâs, qu'il auoit conquises sur son pere, moyennant qu'il espouseroit madiete dame Marguerite: & lediect Richard luy rebaila Yssouldun, Cressac, & autres places & seigneuries: & iura de rechief lediect Richard faire & garder audict Roy feaulté: & illec fut par lesdictz deux Roys de rechief promis & iuré faire lediect voyage de Hierusalem: & ordonnerent quād, & comment ilz partyroyent: & leur fut la croisée baillée par vn Legat du Pape, qui estoit present audict appoinctement. Aussi se croiserent avec eulx Eude, Duc de Bourgogne, Philippe, Comte de Flandres, Henry, Comte de Champagne, Thibault, Comte de Bloys, Estienne, Comte de Sancerre, & plusieurs Archeuesques, Euesques, Barons, Cheualiers & populaires, tant de France, que d'Angleterre, cōme en nombre incredible. Apres lediect appoinctement lediect Roy Richard s'en alla à Rouen: & la receut les hommages de ses vassaulx de Normadie: puis passa en Angleterre, ou il fut couronné Roy. On dit que les Princes d'Allemaigne, Electeurs de l'Empire, l'esleurent pour estre Empereur: mais il ne le voulut pas accepter, pour les grandes terres qu'il tenoit par deça: car il estoit Roy d'Angleterre, Duc de Normandie & d'Aquitaine, seigneur de Gascongne, Comte d'Aniou, du Maine, & de Poitou. Il fonda l'Abbaye nostre Dame de Bon port, pres le pont de l'Arche: & donna aux chanoines de Rouen quatre cens muys de vin de rente chacun an, sur la Vicomté de l'eau, & regna neuf ans seulement. En l'année mil cent quatre vingtz & † dix, au moys de May, mourut ma dame Ysabeau, Roynne de France, femme dudiect Roy Philippe, & fille du Comte de Henault: le corps de laquelle fut honnorablement enterré en l'eglise nostre Dame de Paris, par l'Euesque Maurice: lequel pour elle establit vn autel en vne chapelle d'icelle eglise: en laquelle lediect Roy Philippe fonda & ordonna depuis deux chapelains, ausquelz il donna & assigna rentes sur son tresor, pour l'entretienement des messes & du seruice. En la premiere année du regne dudiect Richard, coeur de Lyon, Roy d'Angleterre, luy aduindrent deux merueilleuses & laides aduentures: car ainsi qu'il entra dedans Gisors, la ville & le chastel furent tous bruslez: & puis quād il s'en voulut sortir de ladiete ville, ainsi qu'il passoit par dessus vn pont de boys, ou tous les gens estoient passez, lediect pont fondit soubz luy, & tomba luy seul dedans l'eau des fosses, & se cuyda noyer.

Mil cent quatre vingtz & dix. † Autres disent neuf.

Diuerfes aduentures aduenues en un mesme iour, au ieune Roy de Angleterre

Du voyage

Du voyage de Hierusalem que feit Philippe le Conquerant: & des belles ordonnances qu'il feit auant son partement: & comment il ordonna faire clorre Paris du costé sainte Geneuiefue.

EN ladiete année mil cent quatre vingtz & dix, ledict bon Roy Philippe, qui auoit singulier desir & affection d'accomplir ledict voyage de Hierusalem qu'il auoit voué, feit apprestier tout ce qui luy estoit necessaire pour sondict voyage: puis dōna ordre au faict de la cōduite & gouuernement de Loys son filz, & de la police de son royaume: & en bailla & laissa principallemēt la charge à Guillaume, Archeuesque de Reims, Cardinal, Legat en France, son oncle, & autres sages personnes: & feit & ordonna son testament, par lequel il feit plusieurs beaulx statuz & ordonnances. Entre autres, il meit vn article qui est biē digne de memoire & de recommandation, touchant la prouision des benefices qui vaqueroient durant son absence, contenant la forme qui s'ensuyt. *si forte contigerit sedem Episcopalem, uel aliquā Abbatia in Regalia uacare, uolumus ut canonici ecclesie, uel monachi monasterii uacatis, ueniat ante Reginā & Archiepiscopum, sicut ante uos uenirent, & liberē ab eis electionem petant. Nos uolumus quod sine contradictione eis concedantur: uos uero tam canonicos quam monachos monemus ut talem pastorem eligant, qui Deo placeat & utilis sit regno, &c.* Semblablement pource que la cité de Paris n'estoit point close du costé de petit Pont, tirant vers le mōt sainte Geneuiefue, & que si durāt son absence y fussent suruenuz aucuns aduersaires, ilz l'eussent peu facilement prendre & piller, il manda venir deuers luy les sept personnes, ausquelles il auoit baillé le gouuernement de ladiete ville, & les nomma Escheuins: & leur ordonna & commanda faire clorre & fermer la ville de gros murs, portaulx, & fossez. ce qu'ilz feirent: & est ce qui se comprend à encommencer par bas depuis la riuere de Seine, à l'hostel de Neelles, pres les Augustins, en tirāt & comprenant tout le circuit des portes saint Germain des prez, saint Michel, saint Iaques, à retourner à ladiete riuere de Seine, par le hault de ladiete ville au lieu appelé la Tournelle à l'endroit des Celestins. Apres ces ordonnances faictes, la veille de la feste saint Iehan baptiste, audict an de l'incarnatiō nostre Seigneur mil cēt quatre vingtz & dix, se partit de Paris, & alla prendre congé aux martyrs saint Denis & ses compagnons, qui sont gardes & protecteurs des Roys & de la couronne de France, ainsi que les Roys de toute ancienneté ont eu de bonne coustume faire toutes les fois qu'ilz ont entrepris aucun grand' affaire ou voyage: & illec à l'exemple de saint Charlemagne, *qui primū Aurisflammam seu vexillum sancti Dionysii contra hostes Crucifixi deferens terram sanctam liberauit*, print ladiete Aurisflame en grād' deuotiō, & la bailla à porter au Comte de Clermont: & receut l'escharpe & le bourdon, comme pelerin, par les mains dudiēt Guillaume Cardinal Archeuesque de Reims, son oncle. puis se mit à chemin: & tant cheuaucha qu'il arriua au port de Gennes. D'autre part le Roy Richard d'Angleterre feit ses preparatoires: & alla monter en mer au port de Marseille. Quand lesdictz deux Roys furent sur la mer ilz eurent moult de tourmens & de tempestes: toutesfois tant feirent qu'ilz arriuerent en Cecille, au port de Messine, au moys d'Aouit ensuyuant, ou le Roy de Cecille, nommé Tancrē, les receut & festoya honnorablement: & cuydoit tant faire que le Roy Philippe, ou Loys son filz, prissent vne de ses filles en mariage: mais ledict Philippe, qui n'estoit pas allé pour ceste matiere, n'y entendit point. Lediēt Roy Tancrē, & ledict Roy Richard d'Angleterre, eurent aucune questiō ensemble, touchāt ce q' ledict Richard luy demandoit le douaire d'vne de ses sœurs qu'il auoit eu espousée: mais ledict Philippe les appoincta, par tel conuenant que ledict Tancrē paya & bailla audict Richard quarante mil onces d'or: dont ledict Philippe eut le tiers, qu'il donna & distribua à ceulx de sa compagnie, pour leur ayder à faire les fraiz en leur voyage.

Ordonnances du Roy Philippe Auguste touchant les benefices.

Institution des Escheuins de la ville de Paris.

Mil. c. lxxxviii.

autres disent Guillaume son predecesseur, & cōprenent ce reste un peu autrement.

De la question qui fut en Cecille entre les Roys de France & d'Angleterre, touchant le passage d'oultre mer.

Pource que la saison d'yuer s'approchoit, & que pour celle année lesdictz Roys n'eussent contre les ennemys gueres ouiriēs peu exploieter, aussi qu'un nommé Ioachin, Abbé d'une Abbaye qui est en Calabre (lequel lesdictz Roys enuoyèrent querir, pource qu'on disoit qu'il parloit de choses aduenir) leur dist & donna à entendre que le temps n'estoit encores pas venu que la cité de Hierusalem & terre d'oultre mer deuoyent estre deliures, pour ceste cause seiournerent illec tout l'yuer, & eurent moult grand' charté de viures. Quand la nouuelle saison s'approcha, le Roy feit dire & prier audict Roy Richard d'Angleterre qu'il se preparast en maniere qu'il fust prest au moys de Mars, pour passer avec luy, pour deliurer la terre sainte des mains des Sarrazins: mais

L'abbé Ioachin lequel à prophetisé.

Le Roy de
Angleterre
faulsa sa
foy au Roy
de France.

ledict Richard, *imbustus malitie Anglicana*, & qu'il auoit conceu zizanie & maltalent contre ledict Roy Philippe, refusa de passer, pēnant que'il passoit avec luy, qu'il y seroit non pas egal, mais moindre que luy: & aussi qu'on disoit qu'il auoit receu aucunes lettres de Salladin Roy d'Egypte (qui autrefois auoit esté accointé d'Alienor mere dudit Richard, du temps qu'elle alla au dict voyage d'oultre mer avec le Roy Loys pere du Roy Philippe, qui l'auoit espousée, & lequel la repudia pour iuste cause, comme dessus a esté dict) & luy feit response qu'il ne pourroit estre prest iusques au moys d'Aoust. Parquoy ledict Philippe, voyant le grand dommage & deshonneur qui se pourroit ensuyuir, si ledict voyage estoit retardé, le feit sommer comme son vassal & subiect, & par la vertu des sermens & promesses que luy & ses Barons auoyent faites. Semblablement feit sommer tous les autres Barons & Seigneurs qui estoient en la compagnie: lesquelz dirent qu'ilz seroyent tous prestz de passer audict moys de Mars: dont ledict Richard fut courroucé contre eulx, & menassa fort ceulx de sa terre qu'il les desheriteroit, cōme il feit par apres les aucuns: toutesfois fut il contrainct de passer la mer comme les autres, autrement il fust demouré seul: & deslors commencerent aucunes rancunes & maltalens entre lesdictz deux Roys, tant pour ceste cause, qu'aussi pource que ladicte Roynē d'Angleterre Alienor, mere dudit Richard, la estoit allée, & auoit mené avec elle la fille du Roy de Nauarre qu'elle luy vouloit faire espouser, & vouloit qu'il abandonnast ma dame Marguerite de France, sœur dudit Roy Philippe, qu'il auoit promise & conuenancée.

Comment le Roy Philippe print d'assault la cité d'Ascalon, sans l'ayde du Roy Richard d'Angleterre.

t autres di-
sent Acon
est prole-
maide.



t al. Em-
pereur.

La trahyson
du Roy Ri-
chard d'An-
gleterre.

Quand le moys de Mars fut venu, le Roy Philippe & sa compagnie monterent sus mer, & tant allerent qu'ilz arriuerent & prindrent terre droitement en l'ost que les Chrestiens tenoyent deuant la cité d'Ascalon: lesquelz Chrestiens, qui longuement auoyent esté au siege, de sa venue furent moult resiouys: & firent si grand' ioye de sa venue qu'il sembloit à veoir que les Anges fussent descenduz du ciel. Incontinent que le Roy & ceulx de sa compagnie eurent descendu leurs besongnes, ilz firent tendre pavillons, en contr' attendant la venue dudit Roy Richard d'Angleterre, qui pas fort ne se hastoit: & n'estoit pas encores arriué: car avec son armée il estoit allé descendre en l'isle de Cypre, ou il trouua vn faulx t Prophete, qui illec tenoit sa seigneurie, lequel il print prisonnier: & meit ladicte isle en sa subiection, & y mit officiers de par luy. puis se meit en voye, & alla vers Ascalon, ou estoit ledict Roy Philippe. Quand il fut venu le Roy luy dist que tous les Barons estoient d'opinion qu'on deuoit assaillir ladicte cité: & ledict Richard, qui auoit le cœur remply de trahyson: & qui auoit desdaing d'y estre soubz le Roy de France son Seigneur, dist qu'il en estoit donc d'opinion. Si fut ordonné que lendemain on donneroit l'assault, & que chacun y enuoyeroit le plus de gēs qu'il pourroit. Si feit ledict Roy Philippe apprestier ses gens & engins, esperant que le Roy Richard le feroit pareillement de sa part: mais quand ce vint à lendemain iceluy Richard deffendit à ses gens que nul d'eulx ne fust si hardy d'aller à l'assault, ne de combattre avec ledict Roy Philippe de France: & semblablement le deffendit à ceulx de Pise, & autres qui estoient de son aīance: en quoy ledict Richard commit trahyson & felonnie enuers Dieu, & ledict Roy Philippe, son naturel & souuerain seigneur. Pour ceste occasion demoura l'assault à estre fait pour celle fois: mais tantost apres ledict Roy Philippe feit assaillir ladicte cité d'Ascalon, & fut prinse d'assault sans l'ayde dudit Richard, le troisieme de Iuillet apres ce que le siege eut duré deux ans: de laquelle prinse Sarrazins eurent grand' terreur, tellement qu'ilz abandonnerent & laisserent la cité d'Ascalon, & plusieurs autres villes à l'environ, ou les Chrestiens se meirent dedans.

De la mort de l'Empereur Federic & de son filz, & de plusieurs Princes d'oultre mer.

Trespas de
l'Empereur
Federic, le-
quel se noya



En ce mesmes temps Federic, Empereur de Romme & d'Allemagne, s'estoit semblablement croisé, & estoit allé audict voyage d'oultre mer, ou il auoit eu en diuers lieux plusieurs victoires & belles cōquestes sus Sarrazins: mais il aduint qu'en passant vn fleuve il tomba & fut noyé, qui fut grand dommage: & disent aucuns qu'en ses histoires on lit *quodd fatum ei erat in aqua mori*. Apres la mort Federic son filz, Duc de Suaue, luy succeda pour capitaine en l'armée & feit ensepuclir son corps honnorablement en la cité de Thir: & apres s'en retourna audict siege des Chrestiens, deuant Ascalon: ou il mourut tantost apres de maladie du flux de ventre. Aussi y mourut Philippe Comte de Flandres, Thibault Comte de Bloys,

de Bloys, Estienne Comte de Sancerre, & plusieurs autres nobles Cheualiers, Barons, & autres de diuerses prouinces, par la default dudit Roy d'Angleterre qui ne voulut faire ayde aux Chrestiens. Apres la mort de l'Empereur Federic, surnommé Barberousse, estant aussi mort son filz de mesme nom, Duc de Suabe, fut Empereur Henry son filz, qui estoit demouré en Allemagne pour la garde du pays. Aucuns disent qu'au temps dudit Federic Barberousse les corps des S. troys Roys Gaspard, Balthasar & Melchior, qui allerét adorer Iesus Christ tãtost apres sa natiuité, furent translatez de Milan, ou ilz estoient lors, en la cité de Coulongne sur le Rin, par Raymondin ou Reinauld, Archeuesque dudit lieu. Ces troys corps Sainctz furent premierement par Helene, mere de Constantin, ravis & apportez de Iudée en Constantinoble: lesqueuz furent depuis rapportez à Milan par Eustorg, Euesque de ladicte cité, ou ilz auoyent esté iusques à ce temps que ledit Empereur Federic assiegea Milan, & la print par force & destruisit. Parquoy ledit Raymondin, Archeuesque de Coulongne, qui estoit en la compagnie dudit Empereur, impetra à grã priere les dessusdictz corps, & les apporta audit lieu de Coulongne.

Comment le Roy partit d'oultre mer, pour retourner en France, & passa par Rome pour veoir le Pape: & comment les Iuifz furent de rechef bannys de France.

LE Roy Philippe, voyant & sachant la malice & malle volonté dont ledit Richard Roy d'Angleterre estoit plein, & mesmemet qu'il fut aduerty qu'il auoit intelligence & prins alliance audit Salladin, Roy d'Egypte, & luy auoit promis faire tant qu'il luy liureroit ledit Roy Philippe en ses mains, & soubz ceste couleur auoit prins & receu dudit Salladin quatante mil onces d'or Sarrazinois, & que souuēt luy enuoyoit lettres & messages sans le sceu dudit Roy Philippe, iceluy Philippe considerant le dangier ou il estoit, & que piteuse & dangereuse chose estoit d'estre en guerre en pays estrangier en la compagnie de gens de qui on se doubte, mesme met qu'il scauoit que ledit Richard s'estoit essayé de le faire tuer par vn Arfacide sarrazin, par le conseil de ses Barons & Princes delibera de s'en retourner en France: & laissa la charge & cōduicte de son armée à Eude, Duc de Bourgogne, & se mit en voye pour s'en venir. Apres ce qu'il eut donné ordre aux affaires de pardela, & pourueu à ceulx qui y demouroient, combien qu'il fust fort malade, il monta sus mer avec trois galées seulement, qu'un Geneuois luy auoit appareillées: & tant feit qu'il arriua en la terre de la Pouille, ou il seiourna aucun temps, par ce qu'il estoit trauaillé & lassé de sa maladie: puis se mit au chemin, & passa à Rome pour visiter les Apostres, sainctz lieux, & stations de Romme, & aussi pour veoir le Pape & les Cardinaulx, qui le receurent honnorablement, & luy donnerent benediction Apostolique. Quand il les eut visitez il se mit à chemin, & s'en vint en France, ou il arriua enuiron la feste de la natiuité nostre Seigneur: & si tost qu'il fut arriué il alla rendre graces & mercy aux martyrs saint Denis & ses compaignōs, puis s'en alla pour soy solatier en son chastel de saint Germain en Laye: & la luy vindrent nouuelles que la dame d'un chastel qui à nom Braye, auoit esté decēue par dons qu'elle auoit prins d'aucuns Iuifz, & leur auoit baillé & liuré vn ieune Chrestien, qui estoit en sa prison, pource qu'on l'auoit accusé d'aucun larrecin. Quand les faulx Iuifz eurent ledit Chrestien en leurs mains, ilz le despoillerent tout nud, & l'emmerent batāt parmy les rues de la ville: & apres en despit de nostre seigneur Iesus Christ, & de la loy Chrestienne, le tourmenterent de diuers tourmens, & à la fin le crucifierent ainsi que fut Iesus Christ, au temps de sa piteuse passion. Quand le Roy sceut ceste nouuelle incontinent monta à cheual, sans en dire mot à personne, & cheuaucha droit à Braye. Quand il y fut, il y feit mettre gardes aux portes de la ville & du chastel, en maniere que nul n'en peust yssir, & feit chercher les maisons des Iuifz, & en fut prins iusques à quatre vingtz: tous lesquelz il feit ardoir, & mettre en vn feu, en vengeance de la piteuse mort dudit Chrestien: & le surplus des autres Iuifz, qui estoient en France, feit de rechef bannir & iecter hors du royaume.

Retour du Roy Philippe d'oultre mer.

D'un enfant que les Iuifz crucifierent, & seferē mourir en la croix.

Comment le Roy d'Angleterre fut prins prisonnier en retournant d'oultre mer: & du Comte de Champagne qui fut fait Roy de Hierusalem.

LN l'an de grace mil cent quatre vingtz & treze, apres ladicte executiō faicte par le Roy, il s'en alla à Pontoise: & la luy vindrent nouuelles que le Roy Richard, qui estoit encores oultre mer, auoit enuoyé vne Arfacide par deça pour le tuer: dont le Roy fut en grand esmoy. Si enuoya messagiers oultre mer: pour enquerir la verité: mais on n'en sceut riens auerir: toutesfois le Roy, qui en demoura

L'an mil ccc. iiii. xx. & xlii.

*Le Roy de
Angleterre
vendit l'isle
de Cypre.*

en grand' doubte, establit gens & sergens, qui tousiours portoyent masses & bastons de guerre, pour la garde & deffence de son corps, & en y auoit aucuns qui le veilloient par nuyt les vns apres les autres. Ledit Richard Roy d'Angleterre, qui estoit demouré oultre mer, depuis le partement dudit Philippe, vendit à Guy, Roy de Hierusalem, l'isle de Cypre qu'il auoit cōquise : & en fut ledit Guy courōné Roy : puis delibera s'en retourner en ses pays : si bailla à Héry Comte de Champagne à gouverner l'ost des Chrestiens Frāçoys, par ce que depuis le partement du Roy Philippe, Eude Duc de Bourgongne estoit trespasé : lequel le Roy auoit laissé à gouverner les gens qu'il laissoit en la terre qui auoit esté conquise par les gens Chrestiens par dela. Ce faict, le Roy d'Angleterre se meit sus la mer. le vent luy fut contraire, & chacea ses nefz deuers les parties d'Autriche, & fut son nauire pery : toutesfois il se sauua, & se meit en vn autre nauire. Quand ceulx du pays sceurent qu'il estoit la arriué ilz allerent pour le prendre, combien qu'il passast comme pelerin, & qu'il fust dié que tous pelerins passeroient seurement par toutes les terres des Chrestiens : mais ceulx du pays scauoient la desloyauté qu'il auoit faicte au Roy de France son seigneur, & aux Chrestiens en la terre d'oultre mer, qui estoit tourné à la grād' foulle & dommage de la Chrestienté. A la parfin il fut prins par le Duc d'Autriche, nommé Leopold, qui cousin estoit de Henry l'Empereur : lequel le liura audit Empereur, qui le tint bien vn an en prison. puis composa à luy par rāçon à deux cent mil marcs d'argent qu'il paya, & ainsi eschapa : & quand il fut hors de prison, il se passa en Angleterre le plus diligemment & secretement qu'il peut : car il doubtoit que le Roy Philippe de France, le feist prendre s'il approchoit de France, pour le meffaié qu'il auoit enuers luy commis. En celle

*Prinse du
Roy d'An-
gleterre en
Autriche.*

*Henry Cō-
te de Chā-
paigne fut
faict roy de
Hierusalem*

*Notable or-
donnāce de
Salladin,
Roy d'E-
gypte.*

année Héry Comte de Champagne, qui nepueu estoit des deux Roys de France & d'Angleterre (lequel estoit demouré en la terre d'oultre mer, pour la conduicte de l'ost des Chrestiens) s'employa en la matiere de tout son courage & de toute sa puissance, tellement que le maistre du temple de Hierusalem, & tous les Seigneurs & Barons, tant du pays que de ceulx de France, l'esleurent, le couronnerent, & sacrerent Roy de Hierusalem, moyennant qu'il espousast la femme de feu Conrad le Marquis, qui auoit esté tué par les Arfacides, à laquelle ledit royaume deuoit appartenir par succession : & de ce feirēt tous grand' ioye & louenge à Dieu, qui leur auoit donné Roy, seigneur, & deffenseur, de la noble lignée des Roys de France. Tantost apres audit an mourut ledit Salladin, Roy d'Egypte : & ordonna que quand on le porteroit en terre, son Conestable allast par la cité d'Alcalon, portant vn linceul au bout d'vne lance, cryant & disant telles parolles : Le Roy de toutes les parties d'Orient est mort, & n'emporté non plus de tous ses biens : & dit on qu'il estoit en sa loy moult preud'homme, & tenoit ses promesses. il laissa deux filz, qui partirent son royaume, ausquelz Salladin frere de leurdict feu pere feit grand' guerre.

De la guerre que feit le Roy de France, au Roy d'Angleterre.

*L'an mil.c.
iii.xx. &
xiii.*

EN celle mesme année mil cent quatre vingtz & treize, ledit Roy Philippe, pour auoir reparation & vengeance de la trahyson & desloyauté qu'auoit faicte & cōmise enuers luy ledit Richard, Roy d'Angleterre, meit sus & assemblea grād nōbre de gens de guerre, pour prendre & saisir en sa main les fiefz que tenoit de luy ledit Richard Roy d'Angleterre (car il les reputoit à luy acquis & cōfisque par forfaiture) & entra au pays de Veuxin, & print Gisors, & toutes les autres places qui sont au Véuxin le Normant, les vnes par force, les autres par composition, & plusieurs en feit demolir & brusler. puis s'en retourna rendre graces à Dieu, & à saint Denis : & restitua à l'Abbaye de saint Denis le chastel de Neufchastel sur Epte, que le feu Roy Héry d'Angleterre, & ledit Roy Richard auoyent violemment occupé par force sus ladicte eglise.

De la guerre que le Roy Philippe Auguste feit de rechef au Roy d'Angleterre.

*L'an mil.c.
iii.xx. &
xiii.*

EN mil cent quatre vingtz quatorze, ledit Roy Richard, apres sa deliurance de prison, vint en France, & reprint plusieurs des places que le Roy Philippe auoit princes sus luy. puis alla à Tours, & doicēta les Chanoyne de l'eglise S. Martin, & print & appliqua à luy tous leurs biēs & thresors : parquoy ledit Roy de France entra en Normandie, pour greuer son ennemy le Roy d'Angleterre, & print Vernueil & la cité d'Eureux, qu'il feit brusler & destruire, le Neufbourg, & le Val de Rueil, ou il meit garnison. puis alla mettre le siege deuant Rouen : mais il veit qu'il n'y pouoit de long temps riens faire : si s'en retourna pour le saint temps de Carême : & lors vint deuant

deuât luy Iehan sans terre, frere dudi& Richard Roy d'Angleterre: lequel fallia avec luy fainctement, comme la faincte le demonstra. † En ce mesme temps ledi& Roy Richard renouya audi& Roy Philippe sa sœur Marguerite, qui l'og tēps parauant, elle estant ieune enfant, auoit esté fiancée au feu ieune Roy Henry d'Angleterre, frere dudi& Richard, qui apres l'auoit encōuenancée: laq̃lle ledi& Roy Philippe receut, & la maria au Côte de Pōthieu. Puis quād vint à la nouuelle saison le Roy assembla de rechef son ost, & alla mettre le siege deuant Vernueil: & la luy vindrent nouuelles que les Normans auoyent reprins la cité d'Eureux, en laquelle il auoit mis ses garnisons, & tué ses gens. Incontinent il print partie de ses gens, qui renoyent le siege deuant Vernueil, & les emmena avec luy à Eureux, & chacea ceulx, qui l'auoyēt prinse, honteusement: & de courroux & de malalēt brusta & destruyfit ladi&te cité & les eglises, & tout ce qu'il y auoit. Quand ceulx, qui estoient demourez au siege de Vernueil, sceurent les nouuelles de la guerre que faisoit le Roy vers Eureux, partie d'eux y allerēt: & quād ceulx, qui estoient dedans Vernueil, l'apperceurent, ilz faillirent sus les François, qui estoient demourez audi& siege en petit nombre, & les chacerent, & prindrent leurs viures, & les meirēt dedans leurs places, avecques plusieurs autres biens. Ledi& Roy Richard, qui semblablemēt auoit assemblé grand ost du Comté de Poitou, meit le siege à Loches, & le print. Puis vint à Tours, que ledi& Roy Philippe auoit prins sur luy, & le print, & chacea les Chanoyens de sain& Martin de Tours, qui y auoyent esté remis de rechef, & print tous leurs biens violement. En ce temps, à l'occasion des guerres & diuisions, commença vne grand' famine en France, qui dura quatre ans: dont le peuple fut si apauury que ceulx qui parauant estoient riches & opulens en biens, mendyoyent publiquement leur vie.

† autres di
sent l'an
1193. & au
tres 95. &
la nommēt
Adelle, di
sāt que Mar
guerite fut
remanée
au Roy, de
Hongrie.
Eureux pri
se & brus
lée.

Famine en
France, qui
dura qua
tre ans.

D'aucunes exactions que feit le Roy Philippe Auguste.



Vād le Roy Philippe sceut les nouuelles que le Roy d'Angleterre auoit ainsi chacé les Chanoyens de sain& Martin de Tours, & prins leus biens, *uersa uice omnes ecclesias subiectas in Normania ad Episcopatus & Abbatias pertinentes hostiliter circūuit: & deie&ta pareillement aucuns clerics & religieux, qui estoient en icelles eglises: & à la poursuyte d'aucunes gens de male volonté, qui estoient autour de luy, aussi qu'il estoit irrité contre les Prelatz, qui auoyent eonsenty l'interdi& qui auoit esté fait, proprias ecclesias in regno suo constitutas, grauibz exactionibus insolitis uexauit: & print plusieurs thresors desdictes eglises & ailleurs de leur domaine, tellement qu'ilz en estoient demourez pauures, & n'auoyent que donner ne departir à leurs seruiteurs, & autres qui leur seruoient en leurs terres: & des biens desdictes eglises assembla moult grand thresor. Toutesfois dit la Cronique que combien qu'il semblaist à plusieurs lesdictes choses estre mal faictes, *tamen principalis huius Regis intentio erat, ut fertur, de garder lesdictz thresors & biens, & les employer en temps & lieu à la deliurance de la terre fain&te, & des prisonniers de son royaume, qui estoient detenuz oultre mer par les infideles. Et combien qu'il ne retournaist depuis audi& voyage d'oultremer, si n'appliqua il pas lesdictz thresors à son proffit particulier, mais au bien & faict de la chose publique de son royaume: quod in munitionibus ciuitatum, & murorum reparationibus, & castroꝝ munitionibus, imminere manifeste declaratur.* Vn iour passoit le Roy & son ost cheuauchant parmy la terre du Comte Thibault de Bloys: mais le Roy Richard d'Angleterre, qui estoit embusché en vn boys avec grād' compagnie de Cheualiers, faillit sur les gens du Roy, & print plusieurs de ceulx qui portoyent ses deniers, sa vaisselle, ses robes & ioyaulx: en quoy le Roy eut grand' perte. Tandis que ses choses se faisoient Iehā sans terre, frere dudi& Roy Richard, qui parauant s'estoit allyé au Roy Philippe, & puis s'en estoit retourné vers ledi& Richard son frere, & avec luy le Comte de Vvaruich, le Comte d'Arondel, à l'ayde des bourgeois de Rouen & de plusieurs Normans, allerent mettre le siege deuant le val de Rueil, que le Roy de France auoit prins l'année precedente, & y auoit mis garnison. Quand le Roy le sceut il tira deuers eulx pour secourir ses gens, & y arriua huy& iours apres que lesdictz Normans auoyent assis leurdi& siege, au point du iour: & frapa sur eulx avec ce peu de gens qu'il auoit (car ilz estoient venus si hastiuement qu'on ne les pouoit suyuir) & tellement les assaillit qu'il les meit en desarroy, & en furent plusieurs tuez, & prins prisonniers: & les autres s'en fuyrent honteusemēt, & abandonnerent leurs artilleries, tentes, paillions, & viures. Apres, par le moyen d'aucuns Seigneurs, furent o&troyées treues entre lesdictz deux Roys, soubz esperance de paix, iusques au moys d'Octobre ensuyuant, & s'en retourna le Roy à Paris. En celle année mourut le Comte Raymond de Toulouze, qui estoit eousin du Roy de Frâce, de par la Comtesse Constance, qui auoit esté sœur au feu Roy Loys, pere de cedi& Roy Philippe.*

Trahys
son du Roy de
Angleterre
uers le Roy
de France.

Trespas de
Raymond
Comte de
Toulouze.

Guerre

Guerre entre Francoys & Angloys.

Mil. c. iiii.
xx. quinze.

Les Anglois en Normandie

La ville de Dieppe prise par les Francoys.

Trefues entre les Francoys & Anglois.



V moys de Iuillet mil. c. iiii. xx. xv. le Roy Richard rōpit les trefues qu'il auoit auec le Roy Philippe: parquoy la guerre recommença. Le Roy Philippe, sachant que le val de Rueil estoit pres de ses ennemys, & qu'ilz tachoyent fort à le prēdre, & pour ceste cause luy failloit tenir grosse garnison, feit raser, abatre, & desmolir la place. Iceluy Roy Richard alla mettre le siege deuant le chastel d'Arques, ou le Roy auoit mise grosse garnison de gensdarmes: mais quand le Roy le sceut il alla incontinct au secours, & d'arriuee, combien que luy & ses gens fussent bien lassez, si frapperent ilz sur ledict siege si vertueusement qu'ilz enchacerent ledict Roy d'Angleterre & ses gens, & en furent plusieurs mortz & prins: & les autres s'en fuyrent iusques à Dieppe, ou les Francoys les suyuirent, & prindrent la ville & le chastel, & le destruyfirent: & furent ceulx de ladicte ville amenez prisonniers: & toutes les nauires du Roy d'Angleterre, qui estoient au port, furent brullées, & mises en fons: & s'en retournoit le Roy à grād victoire: mais, ainsi qu'il passoit par le pays d'Auge, le Roy d'Angleterre feit vne embusche en vn boys, dont les Francoys ne scauoient riens: & coururent Anglois sur la queue de l'armée du Roy, & tuerent aucuns Francoys. En ce mesme temps le Roy d'Angleterre feit esleuer, & mettre sus, vne armée de gens qu'on appelle Costereaulx dōt estoit chef & conduiseur de par luy vn nommé Mercadier: lesquels enuahirent la terre du Roy du costé de Berry, & prindrent & destruisirēt la ville d'Ysouldun, & meirēt garnison dedans le chastel de par le Roy d'Angleterre: & par le moyē d'aucuns furent de rechef prises & accordées trefues entre lesdictz deux Roys, lesquels par ce moyen cessèrent de guerroyer

Comment le Roy d'Angleterre meit ius les armes, & fait hommage au Roy de France.

Mil. c. iiii.
xx. quinze.



Hommage de la Côte de Flandres, au Roy.

V moys d'Octobre mil. c. iiii. xx. xv. que les trefues d'entre les deux Roys de Frāce & d'Angleterre furent faillies, la guerre recommença comme deuant. Le Roy Philippe assemblea grand ost qu'il conduysit alencontre de Richard, pres d'Ysouldun. le Roy Richard semblablement contre luy, & furent vn iour les batailles rengées & serrées prestes à combattre: mais ne scay par quel bō admonnestement ledict Roy Richard meit ius les armes, & contre l'opinion de tous ses gens s'en vint tout desarmé deuers le Roy Philippe, & luy fait foy & hommage lige des Duchez de Normandie & Comtez de Poitou, & d'Aniou: & iurerent tous les deux Roys qu'ilz garderoient la paix d'illec en auant, & prindrent iour pour parlemēter ensemble au lieu du val de Rueil, ou de Chasteaugaillard, dedans le iour de la Typhaine ensuyuant: & ainsi se departirent lesdictes deux armées, & s'en retourna chacun en ses pays. Quand vindrent lesdictes octaues lesdictz deux Roys se trouuerent en semble audict val de Rueil, & feirent & consermerent paix & appoinctement final, & baillerent lettres & instrument l'un à l'autre: & illec, en la presence de tous, ledict Richard, Roy d'Angleterre, fait & recita ledict hommage audict Roy Philippe, du Duché de Normandie, & des Comtez de Poitou & d'Aniou. En celle mesme année Baudouyn, Comte de Flandres, fait hommage lige & serment de fidelité audict Roy Philippe de ladicte Comté de Flandres.

Comment le Roy se fait separer de ma dame Ysamberge, sœur du Roy de Hongrie, dont le royaume fut interdict, & print à femme Marie fille du Duc de Moriane & de Boesme.

† Morauie plus tost.

† Aucuns mettent ce cy en l'an 1196. & l'interdict là d'apres, & la font sœur du Roy des Danoys.



N ces entrefaites ledict Roy Philippe, par le conseil des Barons & Prelatz de son royaume, delibera de foy marier: si enuoya deuers Iehan Roy de Hōgrie, luy demander ma dame † Ysamberge sa sœur, pour prendre à femme. Ledit Roy de Hongrie la luy accorda, & enuoya moult voluntiers & à grand' ioye, si fut la dame amenée, & l'espousa le Roy en l'église de Paris: & là fut ladicte dame couronnée p Guillaume Archesueque de Reims, Cardinal, Legat en France, & oncle dudit Roy: mais ne tarda pas gramment, & (comme l'on dict) des le premier iour qu'il l'espousa, le Roy la print en hayne, tellement qu'il ne la vouloit veoir, ne ouyr, & disoit on qu'il auoit esté enforcélé: & fait tant le Roy qu'il fut par aucuns des Prelatz du royaume aucun temps apres separé, & desioinēt & de ladicte Ysamberge, par proximité de lignage, qui estoit entre elle & feu Ysabeau, premiere femme dudit Roy Philippe, dont n'auoit esté obtenu dispence. Apres ladicte separation ledict Roy Philippe print à femme madame Marie, fille du Duc de Moriane & de Boesme: de laquelle il eut vn

eut vn filz, nommé Philippe, qui apres fut Comte de Boulongne, & vne fille, qui fut mariée au Comte de Louvain: mais ce neantmoins la bonne dame Ysamberge ne voulut onc puis retourner en son pays, & se delibera de viure en continence & en chasteté. Et pource qu'on vouloit dire que la separation auoit esté faite contre Dieu & raison, le Pape à la requeste du Roy de Hongrie, son frere, enuoya deux Cardinaulx Legatz en France, qui assemblerent à Paris conseil de tous les Prelatz & Abbez du royaume, & fut longuement traicté de la reformation dudit mariage, mais la besongne ne fut pas mise à fin, par ce qu'iceulx Cardinaulx furent craintifs de desplaire au Roy. Quand le Pape, qui lors estoit nommé Celestin, le sceut, il interdit le royaume de France, pour ceste cause: dont le Roy fut moult courroucé contre les gens d'Eglise, qui l'auoyent consenty, & à cause de ce leur feit plusieurs griefz. Puis tantost mourut ledit pape Celestin, & fut apres luy esleu & sacré vn autre, qui fut nommé Innocent le tiers: lequel feit edifier l'hospital du saint Esprit, & l'eglise de saint Sixte à Romme: & feit le liure *De miseria humane conditionis*, & plusieurs autres beaulx traictez.

Le royaume de France interdit par le Pape Celestin.

Comment le Roy Richard d'Angleterre rompit l'appoinctement qu'il auoit iuré au Roy Philippe, & s'esleua contre luy.



Année ensuyuant mil cent quatre vingz & seize, combien que ledit Roy Richard d'Angleterre fust deuenu homme lige dudit Roy Philippe de France, & luy eust fait hommage & serment de fidelité, & iuré la paix, ce neantmoins iceluy imbut de malice Angloise, qui iamais ne tint riens de promesse qu'elle feist, brisa tantost la paix, & s'esleua contre le Roy son souuerain Seigneur: & par trahyson print la ville & le chastel de Viarron en Berry, & les destruytis & acrauata, iacoit qu'il y fust entré par composition, & eust promis & iuré au Seigneur du lieu qu'il n'y metteroient en aucune maniere. Quand le Roy le sceut il assemblea son ost, & tira vers Normâdie, & alla mettre le siege deuant Aumalle: & ce pendant le Roy Richard en trauersant pays, & s'approchant de luy vers Normandie, passa par Nonencourt, pres Eureux, qui luy fut vendu & liuré par trahyson, par ceulx qui le gardoyent, moyennant grand' somme d'argent qu'ilz en receurent, & y meit gés & viures pour le garder pour luy. Puis s'en alla ledit Roy Richard avec grand nombre de Normans & de Costereaux qu'il auoit assemblez, & subitement tira vers Aumalle, ou le Roy tenoit siege des François, qui n'estoyent pas aduertis de sa venue: mais incontîent ilz coururent aux armes, & se deffendirent si vertueusement qu'ilz contrainrent leurs ennemis à eulx mettre en fuyte: & à la fuyte fut prins Guy, Vicomte de Touars, & plusieurs autres Seigneurs du party d'Angleterre. Depuis lesditz François se rassemblerent, & retournerent à leur siege, & si aigrement assaillirent la ville, & le chastel d'Aumalle, que ceulx qui estoient dedans furent si espouventez qu'ilz rendirent la place es mains du Roy, leurs personnes & harnoys saulz. Quand les François furent dedans, le Roy feit desmollir le chastel, & combler de terre les fossez: puis s'en vint à Gisors, & de là alla mettre le siege deuant Nonencourt, que le Roy d'Angleterre auoit prins sur luy, & le print par force & d'assault, & furent prins plusieurs Anglois: & en iceluy meit grand' garnison de viures & de gens: & puis bailla le Roy à garder ladicte place à Robert, Comte de Dreux.

L'an mil cent quatre vingtz & seize.

Trahyson du Roy Anglois.

Rencontre des François & Anglois.

De l'Euesque de Paris, nommé Maurice, du temps duquel fut reedifiée l'eglise nostre Dame de Paris.



Vudit an mil cent quatrevingtz seize, mourut Maurice le venerable Euesque de Paris, duquel on lit moult de biens: car il estoit moult grand clerc, & de bonne vie. Iceluy Euesque estoit extraict de pauvre lignée, & luy estant ieune enfant queroit l'aumosne pour viure ses pere & mere, qui estoient malades au lit. Quelqu'un, qui le veit bel enfant, luy dist que c'estoit honte à luy, qui estoit si bel enfant, de mendier & coquiner. L'enfant luy compta la necessité de ses pere & mere: & ainsi que celuy homme raisonnoit à luy, il luy dist qu'il estoit personnage pour estre Euesque de Paris, ou grand Seigneur, s'il vouloit apprendre, & soy faire bon homme. L'enfant, qui estoit debonnaire, luy dist qu'il auoit bon vouloir, & que ce pourroit bien aduenir: Dont (dist l'autre) tu ne voudrois pas renoncer à l'Euesché de Paris? Vrayement non, dist il. Lors celuy homme luy voulut donner vne aumosne d'argent, & qu'il y renonceast: mais ledit Maurice, ieune enfant, ne la voulut accepter, ne prendre, soubz telle condition, & s'en alla: & depuis se meit à seruir & estudier: & si bien estudia, & vescu en bonnes moeurs, qu'il paruint, & fut esleu par ses merites Euesque de Paris: & feit plusieurs beaux traictez de liures de son temps:

L'an mil cent quatre vingtz & seize.

Maurice, pauvre enfant, pour une aumosne ne voulut quitter l'esperance qu'il auoit à l'Euesché de Paris.

L'eglise de
Paris edifiée
puis le rez de
chauffée.

& à sa poursuyte fut reedifiée l'eglise nostre Dame de Paris de moult sumptueux ouurage, ainsi qu'on voit à l'oeil: de laquelle parauant luy les fondemēs auoyent esté faitz, & eleuez iusques au rez de terre. Il fonda les Abbayes de Hermaux, Hermeries, Yerre & Gif, ou il mettoit nonnains pour Dieu prier: & les doua à ses despens de grands rentes & reuentus, & donnoit aux pauures tout ce qu'il pouoit auoir & recouurer: & à la parfin il donna tous ses meubles. Et pource que ledict Maurice sceut qu'aucuns faisoient doubte de la resurrection des corps, il feit ce respond: *Credo quod redemptor meus uinit, & in nouissimo die de terra surrecturus sum: & in carne mea uidebo Deum saluatorem meum. Quem uisurus sum ego ipse, & non alius, & oculi mei conspiciant eum. Repositus est haec spes*

Tressas de
Maurice, &
uesque de
Paris.

mea in sinu meo: & quand il mourut il ordonna lesdictz respons estre mis par escript en vn rollet sur son corps. ce qui fut fait, & l'allerent veoir plusieurs: & à l'exemple de luy la pluspart des prestres, qui lors mouroyent, long temps le firent mettre sur leurs corps mors. Ledit Euesque Maurice laissa vn chapelain, nommé Foulques, par les preschemens & admonestemens duquel plusieurs femmes demourans à Paris, mal conditionnées, qui auoyent mal visé & abusé de leurs corps, se conuertirent à deuotion & à viure solitairement: & en l'an mil

Fondatio de
S. Anthoine
des champs,
lez Paris.
† plusieurs di
sent en l'an
1197.

cent quatre vingtz dixhuyt pour elles fut fondée & edifiée l'Abbaye de saint Anthoine des Champs pres Paris. En ce mesme temps plusieurs villes & lieux du royaume de France furent bruslez par feu de fouldres & de tempestes, qui tomberent du ciel: & mesmement l'eglise, & toute la cité de Chartres. † Lors vindrent nouuelles en France que Henry, Comte de Champagne, qui estoit demouré oultre mer, & auoit esté fait Roy de Hierusalé, estoit trespaslé, & estoit tombé d'une fenestre de son palais: & escheut ladicte Comté de Champagne à son frere, qui Thibault auoit nom: lesquelz Henry & Thibault estoient nepueux dudit Roy

Tressas de
Henry, Côte
de Champai
gne, & Roy
de Hierusalé

Philippe, & enfans de madame Marie de France, sa soeur: laquelle quand sceut la maniere de la mort de son filz, tantost apres mourut de courroux. En ce tēps par l'Euesque de Mayance, & le Duc de Saxe, surfaicte vne grand' commotion & assemblée de gēs, pour aller en aide de la terre sainte: en laquelle plusieurs Euesques & Princes se vouerent & croysèrent. L'Empereur Henry pour y aller feit grands appareilz de ses gens & de viures.

Comment les Comtes de Flandres, de Boulongne, & autres, se seuererent contre le Roy.

† autres 17.
Iuifz rappel-
lez en France.



L'an mil cēt
quatre uingtz
dixsept.

V dict an mil cent quatre vingtz † & seize ledict Roy Philippe, en venāt contre l'edict qu'il auoit parauant fait, & contre l'opinion de tous ses Conseillers, *indagos, quos reiecerat, Parisius reducit, & Ecclesias Dei grauius persequutus est: sed multa post pena secuta est:* & en voulut nostre Seigneur prendre vengeance. Car en l'année ensuyuant mil cent quatre vingtz dixsept Baudouyn Comte de Flandres, qui nagueres auoit fait hommage audit Roy Philippe, de sa terre, se departit manifestement de sa feaulté, & se ioignit & allya audit Richard Roy d'Angleterre: si fait semblablement Regnault Comte de Boulongne, filz du Comte de Dampmartin: lequel le Roy auoit tāt aymé qu'il luy auoit fait donner & espouser la Comtesse, & donné la Comté de Boulongne, & plusieurs autres grāds biens luy auoit faitz. Et au moys de Septembre ensuyuant, ainsi que ledict Roy Philippe ne estoit de riens pourueu, & qu'il ne s'en doubtoit point, ledict Roy Richard, avec mil & cinq cens Cheualiers, & plusieurs Costereaux, gens de pied, entra au Veuxin, & gasta tout le pays d'entour Gisors, & abbatit Courcelles, & plusieurs autres fortresses & villes champestres. Quand le Roy le sceut, & qu'ilz auoyent assiegé le chastel de Gisors, il fut enflambé de grand' ire: si monta hastiement à cheual, & alla à tout dix Cheualiers, & cinq mil hommes de pied seulement, cuydant entrer dedans Gisors, pour secourir ceulx qui estoient dedans, & leur donner courāge. Ses ennemys, qui en furent aduertis, vindrent au deuant: il se ferit dedās eulx de hault & magnanime courāge, & par grand' hardiesse, & se combatit vertueusement, frappāt à dextre & à senestre, comme tout forcené: & tant fait qu'il trauersā lesdictz ennemys, & entra audit chastel de Gisors, avec peu de ses Cheualiers: & en ce conflict moururent plusieurs gens dudit Roy Philippe, & y gagnērēt les Anglois moult de biens des François: mais tous ressois lesdictz Anglois furent contrainctz de leuer ledict sieg.

Magnanimi-
té du Roy
Philippe Au-
guste.

Guerre entre François & Anglois.

Le Roy phi-
lippe perfec-
ta moult la
Normandie.



Edict Philippe, Roy de France, qui moult fut desplaisant & courroucé de l'iniure qui luy auoit esté faicte par les Anglois, & n'auoit pas deuāt les yeulx que ce luy pouoit estre aduenü par punition diuine, par ce qu'il auoit opprimé les eglises, & rāppelé lesdictz Iuifz, delibera de soy venger contre ledict Roy Anglois: & trouua facon de saillir hors de Gisors, & assembla moult grand' armée, & entra en Normandie iusques au Neuf Bourg, & destruyfit le pays iusques à Beaumont le Roger

le Roger : & ce faict, pour ce que l'yuer approchoit, il s'en retourna en France, & donna congé à ses gens d'armes pour icelle année. Quand le Roy d'Angleterre sceut qu'il auoit ainsi rompu son armée, il assembla ses gens & ses Costereaux, & courut & gasta tout le pays de Veuxin, & Beauuoy sin, & emmena grand nombre de prisonniers, & plusieurs biens & proyes. L'Euesque de Beauuais, & messire Guillaume de Marle les suyuirēt, pour recouurer les prisonniers, & proyes qu'ilz emmenoyent : mais les Anglois, qui en furent aduertis, se meirent en aguer, & les prindrent prisonniers. En celle mesme saison ledict Comte de Flandres, qui estoit alié audict Roy Richard d'Angleterre, print sur le Roy Philippe la ville de saint Omer, lez Flandres. Le pape Innocent, qui fut aduertý des guerres & discors qui estoient lors entre lesdictz deux Roys, enuoya deux Cardinaux Legatz en France, pour trouuer moyen d'en faire paix, & les admonester d'aller en ayde du recouurement de la terre sainte : mais ilz n'en sceurent venir à bout pour la pertinacité dudit Richard, Roy d'Angleterre : toutesfois feirent ilz tant que trefues furent accordées entre lesdictz deux Roys, & iournée prinse & assignée pour traiter de paix. Philippe le Duc de Suauie, qui frere estoit à Henty Empereur, nagueres trespassé, tascha à soy faire Empereur, & eut l'assentement de la plus grand' partie de ceulx de l'Empire : & fallia avec le Roy, en esperance que le Roy luy aydast à son affaire : mais Othon, filz du Duc de Saxogne, qui estoit en Allemagne, fut couronné Empereur à Aix la chapelle, par l'ayde du Roy Richard son oncle, du Comte de Flādres, & de l'Archeuesque de Coulongne.

En celle année vn Cheualier du pays de Vermandois, qui estoit mort, resuscita, & predict, & parla de plusieurs choses aduenir : *Et postea sine cibo & potu longo tempore uixit.*

D'un Cheualier mort & resuscité

Du grand thresor trouué en Lymosin : & de la mort du Roy Richard d'Angleterre.

EN l'an mil cent quatre vingtz dix neuf il aduint au pays de Lymosin qu'un Cheualier trouua en sa terre vn moult grand & thresor : & estoit, comme on disoit, vn Empereur, sa femme, ses filz & ses filles, qui estoient de leur grādeur & grosseur, assis à vne table : & estoient lesdictz personages, table, & treteaux, de fin or massif : & y auoit lettres escriptes qui donnoient à entendre les noms, & le temps qu'auoit regné ledict Empereur, qui ce auoit fait faire. Le Roy Richard d'Angleterre, qui en fut aduertý, le voulut auoir, disant qu'il estoit souuerain audict pays de Lymosin, & par ce luy deuoit appartenir par droit d'Aubeyne : mais le Cheualier, qui l'auoit trouué en sa terre, qui estoit du fief du Vicomte de Lymoges, ne luy voulut bailler, & l'emporta, & se retira deuers ledict Vicomte de Lymoges : parquoy ledict Richard les alla assieger dedans vn chastel appelé t Chaulus de Capreol, auquel ilz s'estoyent retirez. Et ainsi que ledict Richard tenoit le siege, & qu'un iour il alloit à l'entour de la place, aduint qu'un de ceulx qui estoient dedans ladicte place, d'une arbalestre qu'il auoit tira vn trait à l'aduēture, & à la volée, sans regarder ou, ne à qui il tiroit. Il aduint qu'iceluy trait tomba sus le pied dudit Roy Richard d'Angleterre : & le blessa vn peu : & dudit coup aucuns iours iceluy Richard mourut, & fut apres porté enterrer en l'Abbaye de Fronteuaux, au pres du Roy Henry, son pere, & fut son cœur porté enterrer en l'eglise nostre Dame de Rouen. Iceluy Richard fut en son viuant homme vaillant en armes, large donneur, cault & subtil en ses affaires, fort aymé de ses gens : & à ceste cause, pour la magnanimité de son courage, fut surnommé cœur de lyon : mais il se monstra trop de fois desloyal, rebelle, & contumax au Roy de France, son souuerain & naturel Seigneur, sans cause raisonnable : & luy rompit plusieurs fois sa foy & son alliance, tellement que de son viuant & iusques à ores la hayne s'en est enracinée aux coeurs des François & des Anglois, les vns contre les autres, plus qu'elle n'estoit parauant.

*† P. Verg.
ne merrien
de ce thre-
sor, & dit
que Rich.
mourut l'an
1200.*

*† Autres le
nōmēt Can-
lac, simple-
ment.*

*Trespas du
Roy Ri-
chard d'An-
gleterre.*

*La cause de
l'inimitié
des François
& Anglois*

Comment Iehan sans terre fut Roy d'Angleterre.

APres la mort d'iceluy Richard, Roy d'Angleterre, luy succeda son frere, qui parauant estoit appelé Iehan sans terre : lequel s'en alla hastiement en Normandie, & print les sermens des vassaux, & meit garde es places du pays (car il se doubtoit que son nepueu Artus, filz de Geofroy son frere aisné, s'en voulsist emparer) puis passa en Angleterre : & le iour de la feste de l'Ascension nostre Seigneur ensuyuant mil cent & quatre vingtz dix neuf fut couronné Roy d'Angleterre, en l'eglise de Cātorbie. Quand ledict Roy Richard fut mort, l'estat des choses fut changé : parquoy le Roy Philippe de France assembla ses gens d'armes, & entra en Normādie, & print par force la cité d'Eureux, & les places d'Aprilly, Aquiny, & toutes les autres d'environ : lesquelles il garnit de ses gens,

*† Pol. Ver.
suyuant tous
iours son co-
pée dit
1201.*

& de viures: & puis passa oultre, & gasta toute la terre iusques au Mans. Semblablement Artus le ieune, Comte de Bretagne, nepueu dudiect Roy Iehan d'Angleterre, entra en Aniou & au Maine, & se saisit des pays qui luy deuoyent appartenir à cause de sa mere, qui auoit eu espouse Geofroy, frere du Roy Iehan: & puis vint iceluy Artus iusques au Mans, deuers lediect Roy Philippe. Tantost apres aussi vint deuers luy en la cite de Tours, Alienor, iadis Roynne d'Angleterre, mere dudiect Iehan: laquelle luy feit homage des Duchez d'Aquitaine, & Comté de Poitou, qui luy appartenoit par droit d'heritage. Apres ce, le Roy s'en retourna à Paris, & emmena avec luy lediect Artus, Duc de Bretagne: & furent princes trefues entre lesdictz deux Roys, Philippe de France, & Iehan d'Angleterre, & le Comte de Flandres, iusques à la saint Iehan ensuyuant.

Comment le royaume de France fut interdict pour le fait du mariage du Roy Philippe, & d'Ysamberge, sa femme.

Mil cēt quatre
vingtz & dixneuf

L Nuisson la feste saint Michel audiect an mil cent quatre vingtz & dixneuf, Pierre de Chappes, l'un des Cardinaux enuoyez Legatz en France, pour le fait de la reformation du mariage dudiect Roy Philippe, qui auoit laisse Ysamberge, sa femme, sœur du Roy de Hongrie, assemblea conseil à Dyion de tous les Prelatz, Archeuesques & Euesques, Abbez, Prieurs conuentuelz, & autres gens de l'Eglise du royaume de France. Le Roy, qui estoit bien aduertie que lediect Cardinal vouloit interdire son royaume, y enuoya ses messagers, & fait appeler de luy: mais lediect Legat ne voulut point surseoir ne differer, & n'obstant lediect appel ietta sa sentence: mais il ordonna qu'elle ne seroit point publiée iusques au vingtieme iour apres la natiuite nostre Seigneur ensuyuant. Quand lediect iour fut escheu, icelle sentence fut publiée, & l'interdict mis par tout le royaume: qui fut piteuse chose. Quand lediect Philippe sceut que les Prelatz, Euesques, Abbez, & gens d'Eglise de son royaume auoyent consenty audiect interdict, il fut moult courroucé & irrité contre eulx, tellement qu'il les berra & chassa tous hors de leurs sieges, & fait prendre tous les biens des chanoines, prestres & clercs: mesmement de ceulx qui estoient es eglises parochiales: & commanda qu'ilz fussent tous deiectez & mis hors de son royaume: & fait prendre & enclorre prisonniere, en son chastel d'Estampes, ladiecte Roynne Ysamberge sa femme & espouse, qui estoit vne moult noble & sainte dame. Et luy estant en ce colere & malalent fait violement prendre la tierce partie des biens des gens Nobles de son royaume, & fait plusieurs grandes & excessiues tailles & exactions sur tous les Bourgeoys & populaire.

Le Roy Philippe
fait chacer les
Prelatz &
gens d'Eglise
de leurs
benefices.

D'un appointement final fait entre le Roy Philippe Auguste, & Iehan d'Angleterre, en l'isle d'Andely, pres Vernon.



L E iour & feste de l'Ascension ensuyuant, qui fut l'an de grace mil deux cens, lesdictz Philippe & Iehan, Roys de France & d'Angleterre, s'assemblerent en un lieu qui est entre Vernon & l'isle d'Andely: & illec fut faite & reformée entre eulx paix finale: & fut faite diuision & separation de leurs terres & seigneuries, ainsi qu'il est contenu es lettres qu'ilz baillerent l'un à l'autre: & en faisant ladiecte paix fut fait deslors, & audiect lieu, le mariage de monseigneur Loys, aîné filz du Roy de France, & de madame Blanche, fille d'Alphons, Roy de Castille: laquelle estoit niepce dudiect Iehan, Roy d'Angleterre, & apres fut mere de saint Loys. Par le traité dudiect mariage lediect Roy Iehan donna & quitta audiect Loys & à ladiecte niepce, & à leurs heritiers perpetuellement, toutes les terres, villes, places & seigneuries q'lediect Roy Philippe auoit prises sur luy, durant les guerres precedentes: c'est à sçauoir Gisors, & tout le Veuxin, iusques à la riuier d'Andely, Vernon, Pacy, & la Comté d'Eureux, Parmoy, Ailly, & autres pays que lediect Roy Philippe auoit prins sur les Roys d'Angleterre, & qu'il tenoit lors: & semblablement donna toutes les terres qu'il possedoit & teuoit deça la mer, si l'aduenoit qu'il mourust sans hoirs de sa chair. Ceste paix fut iurée & cōfermée par lesdictz deux Roys, & par tous les Seigneurs, Princes & Barons qui estoient d'un costé & d'autre, & en furent faites lettres & chartres. puis s'en alla lediect Roy d'Angleterre en Gascongne, contre aucuns Barons & Seigneurs ses subiectz, qui luy estoient rebellés: & luy bailla le Roy de France de ses gens d'armes ce qu'il en voulut demander. En ce tēps Hugues le Brun, Comte de la Marche, auoit fiancé la veufue du Comte d'Angoulesme: & en passant par le pays lediect Roy Iehan d'Angleterre sceut qu'elle estoit en un chastel, si y alla, & l'espousa, dont iceluy le Brun, & plusieurs Seigneurs, ses parens, furent moult courroucez.

Mariage de
Loys de Mōt
pensier, filz
du Roy, avec
la fille
du Roy de
Castille.

Comment

*Comment le Roy Philippe Auguste reprint Ysamberge sa seconde femme qu'il
auoit repudiée, dont Marie sa tierce femme mourut de dueil.*



Année ensuyuant mil deux cens & vn, le pape Innocent enuoya de rechef O- mil deux cens
& un.
stouian, Euesque d'Ostie, & Iehan de saint Pol, Euesque de Velletry, Cardi-
naulx, Legatz en France, pour admonnester ledi& Roy Philippe de reprendre
ladi&te Ysamberge, sa femme, & abandonner celle qu'il tenoit. Lesquelz Le-
gatz preallablement absolurent le Roy, & pour ladi&te cause assemblèrent vn
moult grand conseil à Soissons, ou le Roy alla en personne: & y furent tous
les Princes, Barons, Prelatz, Abbez, Iuristes, & grands Mercs de ce royaume: & la furent
longuement à conseiller & debatre la matiere: à sçauoir si le mariage dudi& Roy & de ladi-
&te Ysamberge deuoit estre confermé ou infirmé. Apres ce qu'ilz eurent esté l'espace de quin-
ze iours, ou plus, sus ceste matiere, sans y prendre conclusion, le Roy à qui il ennuyoit de tant
attendre, vn matin au point du iour sen partit de la ville de Soissons, sans dire à Dieu, &
emmena auecques luy ladi&te Ysamberge, sa femme: puis māda ausdi&tz Legatz par ses mes-
sagiers, qu'il emmenoit sa femme, & qu'il ne requeroit plus en estre separé. *Quo audito solu-
tum est consilium, & absoluerunt* lesdi&tz Legatz totalement le royaume, qui estoit interdi&t: &
sen retournerent les Prelatz de France chacun sur son lieu. Ledi& Iehan de saint Pol Car-
dinal, sen alla à Romme: mais ledi& O&stouian Euesque d'Ostie, demoura Legat en France.
Quand madame Marie, fille du Duc de Boeme, que ledi& Philippe auoit espousée lors qu'il
repudia ladi&te Ysamberge, sceut les nouuelles qu'elle estoit separée du mariage dudi& Roy
Philippe, *dolore anxia apud potiacum moritur:* & pource quelle auoit eu dudi& Roy Philippe deux
enfans, l'un nommé Philippe, & l'autre Iehan, ledi& pape Innocent, à la requeste dudi&
Roy de France les legitima. En ce temps mourut Thibault, Comte de Champagne: le-
quel estoit filz de feu Henry, Comte de Champagne, qui auoit esté fait Roy de Hieru-
salem, comme dessus a esté di&t. Iceluy Thibault auoit espousé la soeur du Roy de Nauarre,
de laquelle en son viuant il eut vne fille: & quand il mourut il la laissa grosse d'un filz, qui eut
nom Iehan, mais il ne vescu pas longuement. Ledi& Roy Philippe apres son trespas print
en sa garde ladi&te Comtesse de Champagne, sa veufue & sa fille, auec leurs terres qu'il
tint en sa main. Enuiron ce temps Loys Comte de Bloys, & Baudouyn, Comte de Flan- Croy&e de
plusieurs
Princes.
dres, & plusieurs Nobles & Prelatz se croyserent, & entreprindrent le voyage de Hierusalē,
pour la deffence de la terre sainte.

*De la venue de Iehan d'Angleterre à Paris: & comment tantost apres il refusa
à faire hommage des Duché d'Aquitaine, & Comtez de Poitiers & Angiers
qui luy estoyent escheues par le trespas d'Alienor, sa mere.*



V moys de Iuillet audi& an, le Roy Iehan d'Angleterre vint à Paris pour veoir
ledi& Roy Philippe & son filz, qui auoit espousé madame Blanche sa niepce: ou le
Roy le receut moult ioyeusement & honnorablement, & par tout ou il passa, par
l'ordonnance du Roy, luy fut fait honneur & reuerence, comme on eust fait à
la propre personne du Roy: & fut en plusieurs lieux à Paris grandement festoyé: & furent
vins & viandes abandonnez à tous ses gens en la maison du Roy. Quand il sen voulut re-
tourner, le Roy feit de grands dons à luy & à ses gens: & partirent les deux Roys l'un de
l'autre en bonne paix & amour. Et l'an mil deux cens & deux Alienor Roine d'Angleter Mil deux
cens & deux
trespas de
Alienor, me-
re du Roy Je-
han d'Angle-
terre.
re, mere dudi& Roy Iehan, qui estoit Duchesse de Guyenne, & Comtesse de Poitiers & de
Aniou, trespassa: & escheurent lesdi&tes seigneuries audi& Roy Iehan d'Angleterre: par-
quoy aucun temps apres ledi& Roy Philippe, voyant qu'iceluy Iehan ne venoit point de-
uers luy, pour luy faire hommage desdi&tes seigneuries, comme il estoit tenu de faire, le feit
par diuerses foys sommer, semondre, & adiourner à comparoir par deuant luy à Paris, à cer-
tain iour pour respondre, tant sur ce que di&t est, que sur ce qu'il voudroit proposer contre
luy, touchant lesdi&tz pays de Guyenne, Poitou & Aniou: mais iceluy Iehan *uento superbie
inflatus,* n'y vint, n'enuoya. Parquoy le Roy eut conseil à ses Barons, & luy fut conseillé
qu'il assignast à son fief, & faist lesdi&tes seigneuries: & à ceste cause assembla son ost, &
entra en la terre dudi& Roy Iehan d'Angleterre, par Normandie: & print & acrauenta les
places de Boulauant, Argueil, Conches, Andely, Gournay, Val de Rueil, & toute la terre
que tenoit Hue de Gisors.

*D'un Legat qui vint en France pour faire paix: & comment le Comte de Bre-
tagne fait hommage lige au Roy.*

Sur ces entrefaites le Pape Innocent enuoya de rechef deuers lesdictz deux Roys de France & d'Angleterre, pour les admonester & commander qu'ils feissent paix ensemble, & qu'ils restablissent les Abbayes qui auoyent esté destruytes; à cause de leurs guerres & diuisions, & les missent en l'estat qu'elles estoient: duquel commandement le Roy Philippe, lors estant à Mante, se porta appelant: & par deliberation des Prelatz de France, la cause fut comise au Pape. Puis le Roy partit dudit lieu de Mante, & mit le siege & p^unt p^u force d'armes Radepont & Chasteaugailard: ou il tint six moys le siege deuant, iusques à ce que ceulx de dedans fussent affamez: & dudit Chasteaugailard le Roy s'en alla à Gournay, en Normandie: & la fait Cheualier Artus, Comte de Bre-
tagne à cause de Constance, sa mere, qui filz estoit de Geofroy, en son viuant Comte d'An-
iou & de Poitou, frere dudit Iehan, Roy d'Angleterre: lequel Artus au moys de Iuillet mil
deux cens & deux se fait homme lige audit Roy Philippe des Comtez de Bretagne, d'An-
iou & de Poitou, promettant le seruir enuers & contre tous, qui peult viure & mourir. Ce fait
le Roy luy fait fiacer vne sienne fille, & luy bailla charge de deux cens Cheualiers, pour aller
faire la guerre en Aquitaine, contre ledit Roy Iehan d'Angleterre, son oncle & aduersaire.

Mil deux
cens & deux

*Comment le Roy d'Angleterre fait tuer son nepueu Artus, Comte de Bretagne: &
comment son successeur Duc fait hommage au Roy, dudit Duché de Bretagne.*

Mil deux
cens &
deux.

Inhumani-
té cruelle: du
Roy d'An-
gleterre, cō-
mise en la
personne du
Comte de
Bretagne,
son nepueu.

Audit an mil deux cens & deux, apres qu'iceluy Artus, qui estoit ieune, preux &
hardy Cheualier eut prins congé dudit Roy Philippe, il se mit à chemin vers A-
quitaine, & alla iusques à Mirebeau en Poitou, combien qu'il eust petite compa-
gnie: mais le Roy d'Angleterre, qui fut aduertie de sa venue, & sçauoit sa volonté,
assembla plusieurs gens d'armes, & enuoya contre luy: lequel se defendit vaillamment, mais à
la parfin fut prins prisonnier. De ces nouvelles fut le Roy Iehan moult lyé, & abandonna le
siege qu'il tenoit deuant le chastel d'Arques, & amena son armée en Touraine: & par tenta-
tion damnable *contra ius natura*, iceluy Roy Iehan tua secrettement ledit Artus, qui estoit son
nepueu, filz de son frere: & apres la mort il enuoya Alienor, soeur dudit Artus, en Angleter-
re, en prison, ou elle fut dixhuyt ans prisonniere, affin qu'elle n'eust lignée qui luy peust tol-
ler lesdictes seigneuries: & ainsi fut estaincte la lignée dudit Comte Geofroy d'Angleterre.

Long temps
à qu'il en a
fait une
Duchesse se-
roit mieulx
ce me fem-
ble.

Tôtost apres ledit Roy Iehan print prisonnier le Vicomte de Lymoges, Geofroy de Lu-
zignan, & autres, qui estoient ses hommes liges, mais ilz festoient alliez au Roy Philippe de
France, par ce qu'iceluy Roy Iehan auoit osté à Hue le Brun, Comte de la Marche, sa femme,
qui auoit esté femme du Comte d'Angoulesme, & pour autres griefz qu'il faisoit aux autres
Poiteuins. Aucuns temps apres Constance, Comtesse de Bretagne, veufue de feu Geofroy
d'Angleterre, Comte d'Angiers, frere dudit Roy Iehan d'Angleterre, mere desdictz Artus
& Alienor, apres le trespas dudit Geofroy print à mary en secondes nopces, le Comte Ran-
dol, qui ne veltait guerres: si se maria à Guy pour la tierce fois, frere du Vicomte de Touars,
qui quelque temps apres mourut *squidore lepra*: mais auant son trespas engendra en elle deux
filles, l'une nommée Aelis, & l'autre Katherine. Aelis fut Comtesse de Bretagne apres sa me-
re, & fut mariée à Pierre de Dreux, dit Mauclerc, filz de Robert, Comte de Dreux, qui filz a-
uoit esté du Roy Loys le Gros, come dessus a esté dict: lequel Mauclerc à cause d'elle fut t^u Cō-
te de Bretagne, & en fait hommage audit Roy Philippe: & ladicte Katherine fut mariée à
André, seigneur de Vitre. Iceluy Pierre Mauclerc fait depuis plusieurs grands maux & guer-
res en France: car il pretendoit droit à la couronne de France, à cause de son pere, qui auoit esté
filz dudit Roy Loys le Gros, & estoit premier en geniture que Loys le Pitieux, son frere, qui
auoit esté couronné Roy, comme a esté dict en l'an mil cent trente & vn.

*De la prinse de Constantinoble par les Francoys: & comment Baudouyn, Comte
de Flandres, en fut fait Empereur.*

Environ ce temps les Barons de France, qui estoient nouuellement allez en la ter-
re d'oultre mer, comme Baudouyn, Comte de Flandres, Loys, Comte de Bloys,
le Comte du Perche, le Marquis de Montferrat, & plusieurs autres, avec l'ayde
du Duc de Venize prindrent la cité de Constantinoble, & restituerent l'Empire
à vn ieune Prince, nommé Alexis, auquel elle appartenoit de droit heritage:
& pource

& pource que ledict Alexis fut tantost tué en vne bataille, les Barons de France & de l'Empire esleurent cōcordamment ledict Baudouyn, Comte de Flandres, & le feirent Empereur de Cōstantinoble: lequel ne vescu que iusques enuiron l'an mil deux cēns & huyt: & apres luy les Barons de France, qui estoient oultre mer, feirent Henry son frere Empereur.

De la prinse & destruction de Tours: & comment les Barons d'Aquitaine & Poitou vindrent à plaincte au Roy de France.

Quand le Roy Philippe sceut les nouuelles de la mort dudit Artus, Comte de Bretagne, il en fut merueilleusemēt courroucé: si meit sus son armée, & alla à Tours, que tenoit ledict Roy d'Angleterre. la cité print, gasta, & destruisit par feu la plus part: & quād il en fut party ledict Roy Iehan d'Angleterre y alla, & la reprist sus les gens dudit Roy Philippe, & la paracheua du tout de destruire & brusler, & feit raser la ville & le chastel: & la pluspart des habitans, qui s'estoyent retraictz es eglises, feit par Costereaulx & fatalites mettre à occision, si que c'estoit pitié de veoir la cruaulté des corps & du sang qui estoient es eglises & es rues. Et pource que le temps d'yuer estoit venu, ledict Roy Philippe meit garde es places qu'il auoit prinſes sur ledict Roy Anglois, & s'en retourna en France sans faire aucun appointement ne trefues: & tantost apres vindrent deuers luy lesdictz Hue le Brun, Côte de la Marche, le Vicomte de Touars, Sauary de Mauleon, Geofroy de Luzignem, & le Vicomte de Lymoges, qui auoyent esté prisonniers avec ledict Roy Artus par ledict Roy d'Angleterre: mais ilz auoyent esté deliurez par rançon, combien qu'ilz fussent hōmes liges de la terre d'Angleterre, comme dict a esté. En l'an de grace mil.cc.&.iiij. ledict Roy Philippe recommēça sa guerre, & entra en Aquitaine. Les Poiteuins & les Bretōs s'adjoignirēt avec luy, & mainte forte place il print. A luy s'allia aussi le Côte d'Alençon: & meit toute sa terre en sa garde. Quand il eut toute celle Côte, il print son chemin par Normandie, & print Conches, le val du Rueil, & l'isle d'Andely.

*Cruaulté
du Roy de
Angleterre*

*L'an mil.cc.
&.iiij.*

De la sentence & priuation qui fut donnée contre le Roy Iehan d'Angleterre, par l'assemblée des Pers de France, en l'an mil deux cēns & trois.

Estuy Iehan d'Angleterre fut si crimineux, & coupable de tant de maulx, qu'il ne deuoit pas tāt seulement estre priué par confiscation iuridīq de toutes ses seigneuries, mais encores pour sa desloyauté & cruaulté execrable: mesmement pour la mort par luy commise *contra ius natura* de son propre nepueu Artus, Comte de Bretagne. Car les Barons dudit pays de Bretagne, poursuyuans selō droict à auoir vègeance de la mort de leur seigneur, le feirent appeler à droict par deuant ledict Roy Philippe, son souuerain, en la court des Pers de France: & leur plaincte declarée, & leurs conclusions illec faictes, luy deuement appelé, & par suffisans edictz & interualles attendu, & non comparant, fut fait son proces solennellement: & par icelle court des Pers, en l'an mil deux cent & trois fut donnée cōtre luy sentence & arrest definitif: par lequel il fut dict & declairé que pour sadiſte desloyauté, & pour son crime de patricide, & lese maieſté, toutes & chacunes ses seigneuries qu'il tenoit du Roy estoient & seroyent confiscuées & deuolues à la couronne de France, & y furent vnies. Et lors ledict Roy Philippe, vaillant en armes, comme vertueux executeur d'icelle sentence, feit poursuyte contre le Roy Iehan, dont il n'auoit peu auoir l'obeissance qu'il luy deuoit, & s'en entra dedans la Normandie, & conquist plusieurs citez, villes & chasteaulx, qui estoient reputez comme imprenables: & mesmement les citez d'Eureux, Cōstances, Bayeux, Auranche, Lysieux, Caen, Falaise, Dampfront, avec les chasteaux & fortteresses voyſines iusques au mont saint Michel: lesquelles se rendirent les vnes par force, les autres par composition audit Roy Philippe: lequel tellement precipita la cité de Rouen, que les habitans d'icelle luy demanderent trefues iusques à soixante iours, pour aller en Angleterre vers le Roy Iehan, requerir & demander secours, lesquelles le Roy leur octroya: & quand ilz vindrent deuers luy il n'en tint pas grand cōpte, & iouoit auy eschez, & leur dist qu'il leur feroit responce quand il auroit acheué son ieu, dont ilz furent mal contents. Quand il eut paracheué il leur dist qu'il ne leur ſcauroit faire secours si bref qui le demandoyent: si s'en retourneſt à Rouen, & voyans qu'ilz estoient si oppressez qu'ilz ne pouoyent eschaper de la puissance du Roy de France, luy baillerent ladicte ville en son obeissance: lequel promit les garder en leurs franchises, libertez, & couſtumes: & d'illec alla prendre & assaillir le Chasteaufort de Vernueil, qui par plusieurs Roys de France, es temps precedens, auoit esté assaillly, & non prins: & plusieurs autres grāds chasteaulx & fortteresses de grand' resistance, qui iusques alors

*Toutes ces
guerres ſuy
uantes entre
Frācoys &
Anglois ſe
fayrent un peu au-
trement cō-
trées par
autres, &
les ans au-
trement di-
ſtinguez.*

*La prinſe
de la ville
& citē de
Rouen ſur
les Anglois*

Partie de la
Duché d'A
quitaine,
Anjou &
Poitou se
submeirent
à l'obeyssan
ce du Roy
Philippe.

Mil.cc. &
sex.

Qui fonda
l'Abbaye
de Pontigni

Mil.cc. &
sept.

Le Roy phi
lippe print
le chasteau
de Partenay
en Poitou.

Mil.cc. &
neuf.

† Autres
Grapil.

sestoyent defendues, luy furent aussi baillées : & tant & tellement feit qu'il retourna en ses mains toute la Normandie entierement: laquelle par la vertu de la sentence & exécution desdite, qu'il en feit, il adioignit au patrimoine de sa couronne, trois cens quinze ans ou enuiron, apres q son predecesseur Charles le Simple l'auoit baillée en douaire à sa fille Gille, qu'il auoit mariée à Rou, qui en fut le premier Duc, apres ce qu'il eust esté baptisé, & nommé Robert, comme a esté dict deüsus es gestes dudiect Charles le Simple. En iceulx iours presque toute la Duché d'Aquitaine, avec les Comtez de Poitou & d'Anjou, se submeirent audiect Roy Philippe, qui d'illec en auât se trouua obey par tout ou il passoit. En l'an mil deux cens cinq, le Roy qui l'année precedente n'auoit peu auoir les chasteaulx de Loches & Chinon, en Touraine, qui estoient fors à merueilles, & bien garnis de gens, viures & artilleries, & autres bastons de traitt defensables, assembla son armée, & alla deuant, & y meit le siege, & les print par force: & y eut plusieurs Cheualiers & Escuyers du party des Anglois prins prisonniers, & plusieurs tuez. Apres ladiete prinse, la cité de Poitiers, & la pluspart de la terre d'Aquitaine se submeit à l'obeyssance dudiect Roy de Frâce. Puis sen retourna le Roy, & alla rendre graces à saint Denis, ou il donna plusieurs belles reliques, que l'Empereur Baudouyn auoit prinsees à Constantinoble, en la chapelle des Empereurs. L'année ensuyuant, mil deux cens & six, mourut la Roïne Adelle, mere dudiect Roy Philippe: & fut enterrée en l'Abbaye de Pontigny, pres Thibault Comte de Champagne & de Bloys, son pere, qui icelle Abbaye auoit fondée. En ce temps mourut Hubert Archeuesque de Cantorbie, & pource que lediect Roy Iehan d'Angleterre ne voulut receuoir, maistre Estienne Langtonne Cardinal de S. Grisogone, que le Pape Innocent en auoit sacré à Romme Archeuesque, fut le royaume d'Angleterre mis en interdict: & apres lediect Roy Iehan d'Angleterre feit grand' armée d'Anglois, & vint descendre en Aquitaine, & à la Rochelle. Quand le Roy Philippe sceut qu'il estoit la arriué il assembla son armée, & d'arriuée reprint Chinon, Loches, & toute Touraine, & apres Lodun, Mirebeau, Poitiers, & autres places qu'il garnit de gens & de viures. Quand le Roy d'Angleterre sceut que le Roy Philippe estoit la arriué, il recula & sen alla à Angiers, & la cité print & destruyfit: & en ces entrefaictes le Vicomte de Touars & ses adherens briserent la feaulté qu'ilz auoyent iurée au Roy de France, & vint lediect Roy Iehan à Touars. Quand le Roy le sceut il alla hastiement en Poitou, pour le combatre, & gasta & destruyfit la terre dudiect Vicomte de Touars. A la parfin les deux Roys donnerēt trefues l'un à l'autre iusques à deux ans. En l'an mil deux cens & sept: apres les trefues faillies ou rompues le Roy assembla son armée, & alla en Poitou, la tette d'Emery Vicomte courut & gasta, le chasteau de Partenay print, & plusieurs fortresses dont les aucunes fait abatre, les autres il bailla en garde à Guillaume des Roches, Marechal de France. En l'année ensuyuant mil deux cens & huyt, le Vicomte de Touars & Sauary de Mauleon, firent vne course sur les terres du Roy. Lediect Guillaume des Roches le sceut, & assembla trois cens Cheualiers, & surprint & desconfit lediect Vicomte & ses gens, & prirent prisonniers plus de cinquante Cheualiers Poiteuins: & entre autres furent prins Hue de Touars, frere dudiect Vicomte, Emery de Luzignen, filz du seigneur de Partenay: lesquelz & bien quarante autres, lediect Marechal enuoya deuers le Roy: & tantost apres lediect Vicomte se reconcilia avec le Roy, par le moyen de Guy de Touars, frere dudiect Vicomte Emery, Cōte de Bretagne: & donna le Roy audiect Vicomte la seigneurie de Lodun, & la seneschaucée de Poitou. En l'an mil deux cens & neuf le Roy fut aduertie qu'aucuns souspeçonnez auoyēt fait fermer en la basse Bretagne vn fort chasteau, appelé † Ployamel: & la receuoyēt & recueilloient les Angloys ses ennemys. Il enuoya son armée, dont auoit la conduite le Comte de saint Paul, qui assaillit la place & la print par force. Puis y meit garnison pour le Roy, & en feit capitaine vn nommé Michel.

De la conspiration qui fut faicte contre le Roy par plusieurs Princes de France: lesquelz cuyderent bien departir le royaume entre eulx, & faire mourir le Roy.



Pres ce que lediect Roy Philippe eut recouré & reduit au domaine de sa couronne toute la Normandie, & la plusgrand' part d'Aquitaine, le Roy Iehan d'Angleterre feit vne alliance & coniuration clandestine, & farcie de trahyson, avec Othō Empereur son nepueu, & Ferrand Comte de Flandres, & Regnauld de Dampmartin, Comte de Boulōgne (lequel Regnauld estoit excommunié par le Pape, pour les exactions & pilleries qu'il auoit faictes sur les eglises, femmes veufues & orphelins, pour laquelle cause le Roy auoit prins & mis en ses mains les Comtez de Boulōgne & Dampmartin, Mortaigne, Aumale, & autres seigneuries qu'il tenoit & possedoit, & estoit banny du royaume

du royaume de France, & s'en estoit allé deuers le Comte de Bar, qui estoit son cousin) & aussi auoit ledit Roy Iehan attiré à luy plusieurs autres Princes & Barons du royaume de France. Par laquelle coniuuration ilz conspirerēt de faire mourir ledit Roy Philippe, & diuiserent secrettement son royaume entre eulx: & promirēt l'un à l'autre de lassaillir tout en vn temps, en diuerses parties de France: & pour paruenir à leurs fins, ledit Roy Iehan d'Angleterre assembla grād ost, garny de tous habillemens de guerre, & se tira deuers Aquitaine: & en y allāt print & occupa la cité d'Angiers & la Comté d'Aniou: & attrahit à luy les Nobles du pays, enuoya ses courēurs oultre Loyre, & prindrent Robert filz du Comte de Dreux, qui venoit en layde de Loys filz du Roy, & meit le siege deuant le chastel de la Roche au Moyne, sur Loyre. D'autre part Othon l'Empereur, le Duc de Brabā, avec le Côte de Sallebery, Anglois, & les Côtes de Flādres, de Bourgogne, de Dāpmartin, & plusieurs autres Princes assemblerēt ostz terribles vers les parties de Flādres, & s'en allerēt à Valēciēnes: & quād le Roy Philippe sceut que luy & son royaume estoient ainsi menassez & inuadez cruellement, il ne fut pas pourrāt elbahy n'espouenté: mais de courage magnanime s'appareilla ioyeusement, comme s'il deust aller à vnes nopces: & constitua deux ostz: dont il commit l'un à monseigneur Loys, son filz aîné, pour aller cōtre ledit Roy Iehan d'Angleterre, du costé d'Aquitaine: & de l'autre il fut luy mesmes chef & conducteur contre ledit Othon Empereur, & ceulx de sa secte. Adonc le dict Loys de Frāce, filz du Roy, print son chemin vers Aquitaine, & alla à Chinon, ou il se tint aucuns iours attendant sçauoir des nouuelles de la venue dudit Roy d'Angleterre. Quand il eut nouuelles qu'il auoit assiegé ledit chastel de la Roche au Moyne, il se hāta d'y aller, pour secourir ceulx qui estoient dedans. Quand ledit Roy Iehan sceut les nouuelles de sa venue, de paour qu'il eut il s'en fuyt honteusement: & y laissa & abandonna ses paillions, artilleries, viures & gēs, & s'en retourna à Angiers: & illec le pourfuyuit ledit Loys, & l'enchacea, & print la ville: parquoy il reduit ledit pays d'Aniou à l'obeissance dudit Philippe son pere, & entra en Poitou, ou il print plusieurs places. Durant le temps que ledit Loys faisoit la guerre audit Roy Iehan d'Angleterre en Aniou & Poitou, ledit Roy Philippe, son pere, entra avec son armée en la terre du Comte de Flandres iusques à l'Isle, gastant le pays. Quand Othō Empereur, depuis deposé par le Pape, qui estoit nepueu du Roy d'Angleterre, lequel estoit venu à Valenciennes, en layde dudit Ferrand Comte de Flandres, le sceut, luy & ledit Ferrād, & le Comte de Dampmartin firent marcher leur armée iusques au pont de Bouines, pour cuyder surprendre à despourueu ledit Roy Philippe à son retour de l'Isle: & quand il sceut leur venue il feit arrester son armée, cuydant qu'ilz le deussent aller assaillir oultre la riuere: mais ilz n'oserent pour la ferme contenance qu'il tint. Apres il feit preparer ses gens, & feit passer la moitié de son armée audit pont à Bouines, ou ses ennemis l'attendoient: lesquelz pource que ce iour il faisoit grand' chaleur, se tyrent au costé pour cuyder bailler aux François le foileil en l'oeil, mais les François y pourueurent sagement. Quand le Roy & son ost furent passez, il admonnesta ses Cheualiers à bien faire, & deffendre la couronne de France: & le mesme iour que son filz Loys auoit eu la victoire contre le Roy d'Angleterre, à la Roche au Moyne en Aniou, ledit Roy Philippe eut bataille contre lesdictz Empereur & Comtes, pres Tournay, en vn lieu appelé Mortaigne, si asprement que l'espace d'un iour ou plus fut combatu sans sçauoir qui en obtiendrait: & si vaillamment se porta de sa personne iceluy Roy Philippe de France, qu'il se meit si auant dedans ses ennemis, & fut en telle presse, qu'il fut rué ius de son cheual par terre, entre les piedz des cheualx. Et apres ce qu'il eut appelé Dieu en son ayde, & à grand' difficulté recouré son cheual, il feit de merueilleuses armes, & occist grand' multitude de ses aduersaires, tellement que tous fuyrent deuant luy: & s'en fuyt honteusement ledit Othō Empereur, le Duc de Louuain, le Comte de Lābourg, & plusieurs autres, en delaisant les signes imperiaux: mais lesdictz Ferrand Comte de Flandres, Regnauld Comte de Boulōgne & de Dampmartin, Guillaume Comte de Sallebery, & son frere, avec deux autres Comtes d'Allemagne, & vn appelé Bertan Hucquemange, qui estoit principal Conseillier dudit Empereur, & plusieurs autres Nobles & gens de renommée, & moult grand nombre d'autres y furēt prins prisonniers & amenez en France: & le nombre des mors de la partie dudit Empereur & ses complices fut estimé mil cinq cens Cheualiers, & cent cinquante mil hommes armez, & de pietons innumerablement: & Dieu se monstrant misericordieux enuers le Roy de France, & les siens, acomplit le cantique: car vn seul pourfuyuoit mille, & deux en chace-
rent dix mille.

Du royaume de France qui fut secrettement par diuise entre les ennemis d'iceluy.

Le Roy Philippe à toute grosse armée entra en la Côte de Flādres.

La iournée de Bouines

Glorieuse victoire que eut le Roy Philippe contre l'Empereur Othon & ses alleux, au pays de Flādres.

Dés remon-

Des remonstrances que feit le Roy à Regnauld, Comte de Boulongne: & comment il l'enuoya prisonnier à Peronne, & amena à Paris le Comte de Flandres.



Pres celle glorieuse victoire eue par ledict Roy Philippe le Cōquerant, en laquelle il desconfit, tua, & meit en fuyte tant de haults Princes & Seigneurs, qui auoyēt entre eulx party & diuisé son royaume, il feit apres sa bataille ferre & amasser ses gens, & retourner aux tentes: & feit deuant luy amener les haults hommes qui auoyent esté prins prisonniers en la bataille, qui estoient en nombre trente, portant chacun propre banier en bataille, sans autres Cheualiers & nobles gens, qui estoient de moindre estat & dignité: & quand ilz furent deuant luy, il leur donna à tous leurs vies, combien qu'il en y eut plusieurs qui selon les droictz auoyent bien meritē à perdre les testes. Puis les feit lyer, & mettre en charrettes, & mener en diuerses prisons, & avec luy emmena à Bapaumes le Comte Ferrand de Flandres, Regnauld Comte de Boulongne & Dampmartin, & plusieurs autres: & la luy fut diēt que ledict Regnauld, depuis sa prinse, auoit secrettemēt enuoyé vn messagier à l'Empereur Othō, & luy mandoit qu'il se retirast à Gād, & amassast gens pour courir sus au Roy, dont le Roy fut moult mal content. Si monta en la tour ou lesdictz Ferrand & Regnauld estoient, & commença à remonstrer audiēt Regnauld la grand' trahyson qui estoit en luy, & commença à luy reprocher les grands benefices qu'il luy auoit faitz, & luy dist ainsi: Tu sçais Regnauld que de ta naissance tu es mon subiect & homme lige: Tu sçais aussi que ie t'ay prins au commencement en moult grand' amour, & te feis Cheualier, & moult te donnay de biens & de richesses: neantmoins Aubery Côte de Dampmartin, ton pere, & toy, vous esleuastes contre mon royaume, & contre moy, & vous ioignistes au Roy Henry d'Angleterre: mais ce neantmoins ie te pardonnay, & donnay la Comté de Dampmartin, qui m'estoit escheue par droit iugement & forfaiture: car ton pere estoit mort en guerre contre moy: & n'obstant ces benefices tu t'allias de rechef contre moy au Roy Richard d'Angleterre, apres la mort duquel ie te receu de rechef en grace. Oultre ce te donnay trois Comtez: c'est à sçauoir Mortaing, Aumalle, & Varēnes: mais, tous ces benefices oubliez, tu as esmeu cōtre moy Angleterre, Allemaigne, Flandres, Haynault, Braban, & plusieurs autres seigneuries, & fuz cause de prendre mes nez au port du Dan. Tous ces maux m'as tu rendus pour retribution de mes benefices: & encores tu as mādē à l'Empereur qu'il se r'allie pour me faire guerre: nō pour tant ne t'osteray ie pas la vie (car ie le t'ay oūtoyē) mais ie te mettray en telle prison que tu n'eschaperas pas sans estre puny. Si le feit biē lyer, & enfermer de grosses chaines de fer, & mener à Peronne, ou il fut mis en forte prison: & le Roy feit amener quand & luy le Comte Ferrand, & le feit mettre en vne grosse tour qu'il auoit nouuellement fait edifier, appelée la tour du Louure: & feit mener les autres prisonniers qui auoyēt esté prins en la bataille en diuerses prisons. Les ennemys du Roy Philippe seulement n'auoyent pas fait conspiration contre luy, mais l'auoyent semblablement fait secrettemēt plusieurs grands Princes du royaume, par dons que les autres leur auoyent faitz: comme le Comte de Neuers, le Vicomte de Touars, & tous les Seigneurs d'oultre Loyre, les Seigneurs & Barons Poiteuins, Angeuins & Manceaux, excepté Guillaume des Roches, Seneschal d'Aniou: lesquelz auoyent promis donner faueur & ayde au Roy d'Angleterre: mais ilz ne festoyent point encores manifestez, pour la doubte du Roy, en attendāt que la bataille fust faite, esperās que le Roy la perdrait. On pourroit dire que lesdictz Comtes de Flandres & de Boulongne seroyent pourmenez & mis aux fins ausquelz il tēdoient. Car par le departemēt du royaume qu'ilz auoyent faitz entre eulx, ledict Ferrand deuoit auoir Paris, & les citez & pays de France à l'enuiron, & ledict Regnauld deuoit auoir Peronne & Vermandois, & aussi les eurent ilz, non pas à leur honneur n'ainsi qu'ilz l'entendoyent. Quand les Seigneurs & Barons de Poitou eurent ouy la nouuelle de la grand' victoire dudit Roy Philippe, ilz furent espouentez: car le Roy estoit aduertiy & acertené de leur conspiration & mauuaistiē. A ceste cause ilz enuoyerent messages pour eulx recōcilier vers luy: mais il n'y voulut acquiescer: & pource que le Roy Iehan d'Angleterre s'estoit retiré audiēt pays de Poitou, le Roy feit tirer son armée vers Touars. Ledit Vicomte p le moyē du Comte de Bretagne, son frere, qui auoit espousé Constance, trouua facon de soy reconcilier au Roy: & lors ledict Iehan Roy d'Angleterre, qui estoit pres dudit Touars, enuoya deuers ledict Roy Philippe le Legat du Pape, qui estoit en France pour la questiō desdictz Roys, requerir tre fues, lesquelles ledict Roy Philippe, de sa benignité acoustumée, luy oūtroya. Il n'est pas aussi à mettre en oubly que la vieille Comtesse de Flandres, mere dudit Baudouyn, qui vloit de sort, vn peu auant ladicte bataille s'aduisa & voulut sçauoir & enquerre p sort & p art magiq qu'elle deuoit estre la fin & aduerture de la bataille, que lesdictz Princes preparoyēt contre ledict

*Des reproches que
feit le Roy
Philippe le
Cōquerant
au Côte de
Dampmartin
qu'il tenoit
prisonnier.*

*La tour du
Louure fut
bastie par le
Roy Philip
pe le Cōque
rant.*

*Du sort que
feit la vieille
Comtesse
de Flandres.*

contre ledict Roy Philippe: & feit ses fors en la maniere de ceulx d'Espaigne, dõt elle estoit ex traicté, qui fort vsent d'iceluy art: & par son fort elle eut telle responce: c'est à sçauoir que l'on se combatta & sera le Roy abatu, & sera ledict Roy foullé des piedz des cheuaulx, & si n'aura point de sepulture: & Ferrand sera receu à Paris en grand' triumphe & procession apres la victoire. Toutes ces choses peuuent bien estre exposées selon verité à celuy qui bien l'entéd: car tout ainsi aduint il que le fort le rapporta en double entendemēt, selon la coustume du Diable, qui tousiours en la fin deçoit ceulx qui adherent à luy, en paliant ses promesses par falaces amphibologieuses & douteuses. Car les aduersaires du Roy se combattirent contre luy, & fut le Roy abatu entre les piedz des cheuaulx: mais il n'eut pas sepulture, car il ne mourut pas: & si fut ledict Ferrand, filz de ladiete Comtesse, receu à Paris en triumphe: car le Roy l'amena à grand' procession & triumphe: mais ce fut à sa grand' confusion, & non pas ainsi que ladiete Comtesse l'interpretoit à sa gloire & auantage.

De la reception du Roy Philippe le Conquerant apres la victoire qu'il eut en Flandres: & des derisions que l'on disoit par les chemins à Baudouyn Comte de Flandres.

A Peine est il possible de reciter & mettre par escript la grand' ioye & liesse qui aduint en France apres ceste glorieuse victoire, & comment les gens d'Eglise, bourgeois & habitans, tant des villes que des lieux chamest, res receuoyēt à grand honneur & triumphe leur Roy à son retour à Paris. Toutes manieres de gēs acouroyēt par les carrefours & chemins par ou il deuoit passer, tant pour luy faire honneur, que pour veoir ledict Comte Ferrand, qu'il faisoit mener quant & luy, lyé & enfermé: & à l'occasion des fers qu'il auoit aux iambes & es piedz, il estoit porté en vne listiere sur deux cheuaulx. Tous ceulx qui le veoyoyent, le regardoyent par derision, & en eulx mocquant de luy, & pour luy faire despit par equiuoque de son nom, pource que deux cheuaulx qui estoient ferrez le portoyent, ilz luy disoyent que deux ferrans portoyent le tiers Ferrand, & que Ferrand estoit enfermé, qui deuant estoit trop engressé, tellemēt qu'il s'estoit rebellé cōtre son seigneur naturel. Tant chenaucha le Roy qu'il vint à Paris: ou les Bourgeois, l'vniuersité, les colleges, les eglises, religions & conuens allerent au deuant à grands triumphes, chantāt louenges: & trompettes clerons, menestries, toutes les cloches de la cité sonnans: les rues rédues de tapisseries, & tous autres signes de triumphe & ioye: & toute la nuyt estoient alumées torches, fallotz, flābeaulx & lanternes, tellement qu'on voyoit clair comme le iour: & tindrent table ronde à tous venans par l'espace de sept iours, à grands fraiz & despens. Le Roy feit mettre ledict Ferrand estroitement prisonnier, & soubz bōnes gardes, en ladiete tour du Loure, lez Paris, qu'il auoit nouuellement fait edifier. Pour consideration & recognoissance des belles victoires que ledict Roy Philippe & ledict Loys son filz auoyent eues en vn mesme iour contre leurs aduersaires en diuers lieux, ledict Roy Philippe en attribuant la gloire à Dieu & à nostre Dame, feit construire & edifier vne belle eglise & Abbaye pres la cité de Senlis: laquelle pour memoire perpetuelle il nomma & appela nostre Dame de la Victoire, & en icelle meit religieux de l'ordre saint Augustin, qu'il print en l'Abbaye de saint Victor lez Paris.

Du Comte de Flandres que le Roy amena prisonnier à Paris, au Loure.

Fondatio de l'Abbaye de nostre Dame de la victoire pres Senlis.

Declaration des pays & seigneuries que le Roy Philippe Auguste conquist & ioignit à la couronne de France.

LA courageuse constance qu'eut ledict Roy Philippe à deffendre son pays, & les droitz de sa couronne, chastia si bien la malice & pertinacité des Roys d'Angleterre qu'il les reduyt par armes au ioug de la feaulté qu'ilz luy deuoyent: ny onques ledict Roy Philippe ne mena guerre cōtre ses vrayz & obeissans vassaulx, & ne voulut riens vsurper de leurs droitz, mais seulement contre ses rebelles & desobeissans feit il aspre guerre, & batailla vertueusement pour les droitz & souveraineté de sa couronne cōseruer, & a la felonnie de leur desloyauté repugna. Il feit tāt de vaillances qu'il en retira les terres deuolues à la souveraineté: car l'orgueil d'Angleterre estoit si fier, qu'il n'auoit pas fiance en iustice diuine, dont procede toute victoire, mais seulement se fioit en sapuissance humaine, soy voulant tousiours exempter du ioug de la subiection Francoyse, sans y espargner effusio de sang humain, ne cōsiderer la fin de leurs mauuaises oeuvres. Et pource aduint il que lesdictz Anglois, precipitez de leur fol desir, aymerent plus cher submettre leurs corps aux mortelz perilz de guerre, que daigner confesser de bouche ce à quoy leur propre foy & propre iustice droicturiere les obligeoit: mais aussien eurent ilz le salaire que

Toutes victoires procedēt de iustice diuine

deception & grād orgueil ont accoustumé rendre aux orgueilleux pour la retribution de leur folie: car ledict vaillant Roy Philippe les chacea par force d'armes tant vertueusement qu'il leur osta d'entre les mains les Duchez de Normandie & d'Aquitaine, & les Côtez du Maine, de Touraine, Aniou, Poitou & Auvergne, & les ioignit au patrimoine de sa couronne. D'autre part il ioignit les Comtez de Vermadoys, Valloys, Clermont, Beaumont, Ponthieu, Alencô, Lymosin, Vendosme, Dâpmartin, Mortaigne, & Aumale. Ainsi peult on icy veoir quâtz labours de corps ledict glorieux Roy Philippe soustint en son temps, & quelle constance de courage il eut pour amplifier, deffendre, & accroistre les droictz & souueraineté de la couronne de France. Car en ce est la souueraine felicité quand le Prince garde biē la souueraineté de sa dignité, & il veult venger ses iniures publiqs, sans opprimer ses subiectz, lesquelz il deffend & tient en bonne iustice, & retribue les bons & punit les mauuais.

Les terres
& seigneu-
ries que le
Roy Philip-
pe conquist
sur les An-
glois.

Comment le Roy Iehan d'Angleterre feit ledict royaume d'Angleterre & la seigneurie d'Ibernie tributaire au Pape, en mil marcZ d'argent chacun an.

Quand le Roy Philippe de Frâce & Loys son filz eurent vaillamment gaigné les deux batailles, dont parlé est cy dessus, iceluy Roy Philippe print & tint possession paisible des terres & seigneuries que ledict Roy Iehan d'Angleterre auoit perdues en ce royaume de France, & dont il estoit deicté par sa desloyauté. Et pource que ledict Roy Iehan redoubla plus qu'onques n'auoit fait la magnanimité du courage dudit Roy Philippe & de son filz, il sen alla par necessité à refuge deuers le Pape Innocent, tiers de ce nom: & deuant qu'il fust absoubz des sentences & interdictz qu'il auoit parauant encourues comme sacrilege, pour moult de grands biens qu'il auoit tollus & ostez aux eglises de ses pays & seigneuries, & autrement, il fut cōtrainct à les restituer, & r'appeler les Prelatz & gens d'Eglise qu'il auoit deiettez de leurs benefices: & feit alors le royaume d'Angleterre & la seigneurie d'Ibernie tributaire de mil marcZ d'argent, pour chacun an aduenir au saint siege Apostolique, & si en feit la foy au saint Pere, qui lors estoit. Quand il fut absoubz dudit saint Pere, ledict saint Pere feit paix & appoinctemēt entre lesdictz deux Roys: par lequel appoinctement ledict Roy Philippe bailla audit Roy Iehan vne petite partie d'Aquitaine, oultre là riuière de Gyronde, en hommage, & dont il se constitua homme lige de la couronne de France, & en feit hommage au Roy: & tout le surplus des principales terres & seigneuries qu'iceluy Roy Philippe auoit conquises par la vertu de la sentēce des Pērs de France, dont deuant est parlé, demourerent au Roy Philippe de Frâce, & à ses successeurs: & par tant fut ledict appoinctement riurē à tenir de chacune desdictes parties, & confermé par le saint Pere. En l'an mil.cc.xiiij. mourut Guy de Touars, qui auoit eu espousée Constance, Comtēse de Bretagne, & depuis le trespas d'elle auoit gouuerné la seigneurie pour ses filles, Aelis & Katherine.

Le royaume
d'Angleter-
re tributai-
re au Pape.

Mil deux
cens quator-
ze.

Comment les Nobles d'Angleterre appelerent monseigneur Loys de France en ayde contre leur Roy Iehan: & comment ledict Loys y alla, mais lesdictz Nobles luy faulcerent leurs promesses: & de la mort dudit Roy Iehan.

L'an mil
deux cens
quinze.

En l'an mil.cc.xv. s'ourdīt trefaigre debat entre ledict Roy Iehan d'Angleterre & les Nobles d'Angleterre, pour aucunes coustumes qu'il ne vouloit pas garder ausdictz Nobles, combien qu'il les eust iurées. Surquoy les populaires, & la plupart des citez d'Angleterre, tindrent le party desdictz Nobles du pays: & pource qu'ilz doubtoient qu'ilz ne peussent sur ce resister audit Roy Iehan iusques à la fin, les Nobles dessusdictz appelerent en leur ayde monseigneur Loys de France, ainsné dudit Roy Philippe: lequel filz estoit vaillant entre tous les Chrestiens, qui lors viuoyent: & fut ledict Roy Iehan par eulx bouté hors du royaume. Lesdictz Nobles d'Angleterre auoyent promis bailler la monarchie & possēsiō audit Loys: & pour ladicte cause il receut les enfans de plusieurs Barons en ostages, lesquelz il amena en France. Ledit Roy Iehan d'Angleterre enuoya en Flandres, pour auoir secours contre ses subiectz. Plusieurs Flamens, Brabançons, Hanuyers, & autres, se meirēt sus en armes, & monterēt sur mer pour passer en Angleterre: mais ilz furent tous noyez & naufragez, dont les Anglois furent bien ayfēs: & disoyent q la main de Dieu estoit en toutes choses contre ledict Iehan leur Roy: & furent plus animez d'eulx rebeller contre luy que parauant. Ces choses venues à la congnoissance du Pape, il enuoya deuers ledict Roy Philippe, & Loys son filz, les admonnester qu'ilz ne feissent point de guerre audit Roy Iehan d'Angleterre, disant qu'il auoit prononcé la sentence contre tous ses aduersaires:

faïres: mais neantmoins ledict Loys enuoya en Angleterre grand' force de gens d'armes: & tã-
 tost apres luy mesmes en sa personne passa la mer, & descendit en Angleterre, au port de San-
 douich, sans resistance y auoir, combien que ledict Roy Iehan fust lors pres dudit port sur la
 mer, accõpaigné de grands nauires, & forte cheualerie, qui s'en departirent sans coup fẽrir: &
 fut receu ledict Loys de France, cõme Roy d'Angleterre, par les Nobles d'iceluy pays, qui en
 leur ayde l'auoyent appellé, & desquelz il receut les foy & hommage. Tantost apres, c'est à sça-
 uoir l'an mil deux cens [†] xvij. mourut soubdainemẽt ledict Roy Iehan d'Angleterre, dont il [†] autres 16
 aduint merueilles: car quãd son corps, qui tant auoit fait de maulx, fut enterré en l'Abbaye de ^{De l'horri-}
 Vvestmõstier, vne voix la plus horrible qu'onques mes auoit esté ouye, s'escria à heure de mi- ^{ble nifio du}
 nuyt & enuiron son sepulchre: à laquelle voix vindrẽt les gardes d'icelle eglise, & plusieurs au- ^{Roy d'An-}
 tres: lesquelz y veirent vn vmbre tresespouventable: & disoit ceste voix en criant treshorrible- ^{gleterre a-}
 ment, que c'estoit Iehan, nagueres Roy d'Angleterre, qui tresdurement estoit tourmenté de ^{pres son en-}
 diuers tourmens, & que iamais ne cesseroit tant qu'il seroit leãs ensepuely: & pource le de- ^{terrement.}
 terrerent d'illec l'Abbé & les moynes d'icelle Abbaye, & le porterẽt hors du lieu saint, dont
 s'esuanouyrent l'vmbre & la voix dessusdite: parquoy Iehan recouura son premier nom, de
 Iehan sans terre, qu'il auoit eu au parauãt qu'il fust Roy d'Angleterre: car la terre sainte le re-
 fusa, comme indigne d'y estre ensepuely. Apres la mort d'iceluy Roy Iehan, Henry troisieme
 de ce nom son filz, lors aagé de neuf ans ou enuiron, fut couronné Roy d'Angleterre, p vn nõ-
 mé Galon, qui estoit Legat du Pape, pẽdant ce que mondiẽt seigneur Loys de France estoit ha-
 stiement venu en France, pour querir secours: lequel tantost apres Pasques retourna en An-
 gleterre, & mena grand' compaignie de gens d'armes, tant à pied comme à cheual: & apres
 Pasques, quand il y fut retourné, il fut tresmal content de ce qu'aucuns des Princes & Nobles ^{Les Anglois}
 d'Angleterre, en son absence, & en rõpant la foy qu'ilz luy auoyent promise, l'auoyent aban- ^{trahystres à}
 donné, & s'estoyent tourneẽ & renduz du party dudit ieune Roy Henry, filz dudit feu Ie- ^{Loys de}
 han, lequel, comme dict est, ilz auoyent fait couronner Roy d'Angleterre. Apres la mort du- ^{France.}
 dict Iehan son pere, cestuy eut deux filz, c'est à sçauoir Edouard, premier de ce nom, surnom-
 mé aux longues lãmbes, & [†] Ernoud au dos courbe, qui fut Comte de Lenclastre. En ce- [†] P. Verg.
 luy temps furent occis trahystreusement en vne cité d'Angleterre, nommée ^{Edmund.}
 mas Comte du Perche, & plusieurs autres Nobles de France: & quand monseigneur Loys [†] P. Verg.
 sceut la verité d'icelle trahyson, il leua son siege qu'il tenoit lors deuant Douure, & bouta foy ^{Lincolne.}
 & son ost dedans la cité de Londres: dont quand là nouuelle fut sceue en France, il fut enuoyé
 de France grand nombre de nauires par mer, garnies de gẽs d'armes & autres choses necessai-
 res pour luy secourir: mais ilz furent rencontrez des Anglois sus la mer, & durement s'entre-
 batirent, tant qu'il y eut plusieurs des Anglois occis, & les autres se sauuerent par fuyte.

*Comment monseigneur Loys de France s'en partit d'Angleterre, pour retour-
 ner en France.*

LOur ladicte trahyson ledict Loys fut ardent d'yssir hors de Londres, pour courir
 sus aux trahystres desloyaux pariures, qui s'estoyent contre luy tourneẽ: mais il
 trouua par conseil que s'il yssoit hors d'icelle cité, qu'il seroit en peril qu'on luy
 cloyst à son retour les portes de Lõdres, & qu'en iceluy cas ledict nauire de Fran-
 ce, qui la estoit venu, ne luy pourroit secourir à son besoing extreme: & par tant
 se departit de sondict propos: & tantost, pource que pour la grand' multitude qui y estoient,
 se trouua ladicte cité de Londres affamée de viures, ledict Galon deuant nommé, feit appoin-
 tement entre ledict Loys de France d'une part, & lesdictz Princes d'Angleterre d'autre. Par
 lequel appoinctement iceluy Loys & ses Cheualiers s'en retournerent en France, sans estre
 prisonniers, moyennant qu'il promit & iura obeyr aux commandemens de sainte Eglise: &
 si y eut aucunes autres promesses secrettes, qui lors ne furent point reuelées. Mais si lesdictz
 faulx & desloyaux Barons d'Angleterre luy eussent gardé la foy, comme promis & iuré l'a-
 uoyent, iceluy Loys en eust obtenu glorieusement la victoire, & le royaume.

*Comment le Roy Philippe exhereda le Comte d'Auuergne, pour les maulx
 qu'il faisoit.*

EN ce mesme temps ledict Roy Philippe fut aduertý que Guy, Comte d'Auuergne
 faisoit plusieurs griefz, pilleries & violẽces à ses subiectz & voylins, & imposoit &
 leuoit sur seldictz subiectz plusieurs grandes exactions & sommes de deniers, sans
 le gré, vouloir, ne consentement dudit Roy, & ne s'en voloit abstenir ne chastier: ^{De la Cõrẽ}
^{d'Auuer-}
^{gne ioincte}
^{à la couron-}
^{ne.}

& combien que le Roy l'en eust plusieurs fois corrigé par ses lettres, mandemēs & messages: neantmoins iceluy Guy persista en sa damnable volonté: & qui pis est, il destruisit violement vn monastere & Abbaye royalle, & si print & emprisonna l'Euesque de Clermont. A ceste cause le Roy, qui estoit cōseruateur des eglises de son royaume, & des suppostz d'iceluy, qui ne vouloit souffrir telz malefices impuniz, assembla son armée, & alla contre lediēt Guy, Comte d'Auuergne, lequel estoit obstiné: & combien qu'il ne fust puissant de résister à la puissance du Roy, si ne vouloit il recōgnoistre son mal, & venir à mercy: parquoy le Roy, du conseil de ses Barons, l'exhereda: & par force d'armes print sa terre en sa main, & la ioignit au patrimoine de la couronne de France. En l'an mil deux cens seize, & la troisieme Ide de Iuin Henry, Empereur de Constantinoble, mourut en la cité de Thessalonne, au dixieme an de son Empire. Apres son trespas les Grecz, François & Latins, qui estoient ensemble oultre mer, esleuerēt Pierre de Courtenay, Côte d'Auxerre, cousin germain dudiēt Roy Philippe, & t se-
 † Autres di-
 sent gendre
 rourge dudiēt feu Empereur Héry, & l'enuoyerēt querir par solennelz Ambassadeurs: lequel apres qu'il eut ouy leur legation, se meit à chemin pour y aller, & mena sa femme nōmée Yolant, Comtesse de Namur, & allerent à Rōme, & laisserent Namur à deux filz qu'ilz auoyēt.

De la guerre que feit lediēt Roy Philippe contre les heretiques d'Albigois.

† Pour sur-
 ure l'ordre
 des ans ce-
 cy debuoir
 estre mis a-
 pres l'an
 1206. mais
 pource que
 c'est quācō
 meuninci-
 dēt dedūc-
 t au lōg, ie le
 laisse icy.

L'an mil
 deux cens
 & sept.

ENtre les autres faitz & gestes dignes de memoire que feit lediēt Roy Philippe, qui est appelé Auguste, & nō pas sans cause, ne sont pas à oublier les grādes guerres & faitz d'armes qu'il feit à l'encōtre des hereses & ennemys de la foy Chrestienne. Car il est vray qu'en ce temps l'heresie des Bulgares, plus execrable que toutes les autres heresies, pululoit en maintz lieux, & mesmement en la terre du Comte Raymond de Toulouze, & des prouinces & des pays voyfins: c'est à sçauoir es pays d'Albigois, Cahors, Narbonne, Carcassonne, Bigorre, Prouence, & autres. Les habitās d'iceulx estoient entachez du vice execrable de Sodomic, & contemnoyent & desprisoient les commandemēs de sainte Eglise, & la foy & communication des Chrestiens, muoyent, peruertissoient, & interpretoient autrement qu'a point tous les articles de la foy, & la blasphemoyent, & disoyent que soubz icelle nul ne pouoit estre sauué: & à ceste cause lediēt Roy Philippe, tres Chrestien, de ce aduertty, enuoya deuers le pape Innocent à conseil, lequel enuoya Legat en Frāce le Cardinal *sainte Marie in porticu, iurisperitum bonis operibus ornatum*. Et par son conseil en l'an mil deux cens sept furent enuoyez en iceluy pays l'Abbé de Cisteaux, & treize autres Abbez dudiēt ordre, gens tres sçauans & approuuez: lesquelz se meirent sur la riuere de Saosne, & descendirent en celle du Rosne à petis despens & sans mener aucuns cheuaulx: & puis tout à pied s'en allerent preschant la foy Chrestienne, par iceulx pays, ou ilz trouuerēt peu de vrays Chrestiens: & les autres qui estoient en nombre innombrable estoient obstinez en leurs mauulx & pechez, tellement qu'ilz ne vouloyent acquiescer à aucuns bons enseignemēs, ains comme vn aspic ilz estoupyoient leurs oreilles, afin que leurs mauuais vouloirz & pensées ne fussent enclins à ouyr la verité de la foy Chrestienne, qu'on leur preschoit. Et quand lesdiētz Abbez Prescheurs eurent esté aucune espace de temps en iceulx pays, voyans qu'ilz n'y profitoyent gueres, ilz s'en retournerent.

Comment lediēt Pape enuoya excommunier le Comte de Toulouze, par vn Legat, lequel lediēt Comte feit tuer.

EN l'an mil deux cens & huyt lediēt pape Innocent enuoya Pierre de Chasteau-neuf, moyne, Legat en la terre d'Albigois: lequel excommunia lediēt Raymond, Comte de Toulouze, par ce qu'il estoit entaché dudiēt crime d'heresie: & ce voyāt lediēt Comte il manda audiēt Legat qu'il s'en retournaist en la ville de saint Eloy, & que la il parleroit à luy, & viendrait à amendement de ses faultes. Lediēt Legat y alla, & y trouua lediēt Comte: lequel toutesfois ne voulut satisfaire, ne soy corriger, ains le menassa, & dist publiquemēt qu'il le feroit mourir de malle mort: & ainsi que lediēt Legat partit de ladiēt ville de saint Eloy, apres ce qu'il eut le matin chanté messe, deux des seruiteurs dudiēt Comte, q lediēt Legat ne congnoissoit pas, se meirent & cheuaucherent en sa compaignie, & logerent avec luy à la repue du disner: & apres cheuaucherent tousiours avec luy, iusques à ce qu'ilz vindrent au fleuve de Rhodéz: & quand ilz furent la venuz, l'un d'eulx luy passa le fer d'une lance, ou d'une iaueline entre deux costes, lequel Legat tomba à terre: & en regardant lediēt meurtrier ne disoit autres parolles, fors Dieu te pardoint, ie le te pardonne: & icelles parolles reiterra par plusieurs fois. Quand le Pape en sceut les nouuelles, incontinent il assembla son conseil:

son conseil: & suyuant iceluy enuoya en France vn autre Legat, nommé Gallon, Cardinal du
 tiltre sainte Marie *in porticu*: & manda audiēt Roy Philippe, & à tous les Barons & popula-
 res de France, que comme bons Chrestiens & vrayz enfans de sainte Eglise, ilz enuoyassent
 contre lesdictz heretiques, & terres dudit Comte de Toulouze, d'Albigois, de Narbonne,
 & autres tetres voyzines qui en estoient entachées, & q̄ tous iceulx heretiques ilz extirpassent
 & destruyssent: & donna ledict Pape planiere absolution à tous ceulx qui yroyēt contre les-
 dictz heretiques, de tous les pechez qu'ilz auoyent faictz & commis depuis l'heure qu'ilz e-
 stoyent nayz, s'il aduenoit qu'ilz mourussent, fust en voye ou en bataille.

*L'absolution
 planiere que
 donna le Pa-
 pe à ceulx q̄
 yroyent contre
 les heretiques
 Albigois.*

*De la croysée qui fut preschée contre les heretiques d'Albigois, & le Comte
 de Toulouze.*

QVand ledict Legat eut déclaré au Roy, aux Barons, Prelatz, & peuple de France, la
 charge de sa legation, le Duc de Bourgogne, le Comte de Neuers, & le Comte de
 Toulouze, qui p̄ crainte s'estoit reduyt à la foy, les Archeuesques de Sens & Rouē,
 les Euesques de Lisieux, Bayeux, Chartres, & plusieurs autres Euesques, Barons,
 Cheualiers & populaire se croyserent, & se meirent sus en armes pour aller contre lesdictz he-
 retiques. puis se meirent en chemin: à Besiers vindrent, dont la cité & le pays estoit tout plain
 de bougres, dont estoit seigneur vn mauuais homme, nommé Roger, & en tuerent bien soi-
 xante mil homes, femmes & enfans, & accrauerēt la cité, & ledict Roger fut prins prison-
 nier, & sa terre confisquée. Puis allerent à Cardassonne, ou tous les habitas du pays, hommes,
 femmes, & enfans festoyent retraictz: le siege y meirent, & apres aucuns iours la cité leur fut
 rendue, & fut dict que ceulx qui estoient dedans s'en sortiroyēt tous nudz, leurs natures des-
 couuertes. Quand les Princes & Prelatz eurent ces choses faictes, ilz delibererent d'eulx en
 retourner en France: & baillerēt la charge de l'armée à Messire Simon, Comte de Montfort,
 qui estoit vn sage, preux & vaillant Cheualier: lequel pour l'honneur de Iesus Christ l'accepta
 volontairement: & fait par long tēps forte guēre ausdictz heretiques, & ennemys de la foy:
 tellement qu'il print toutes les places qui estoient illec autour, & fait mourir tous ceulx qui
 estoient dedans, de malle mort.

*La croysée q̄
 se fit pour
 aller contre les
 heretiques et
 bougres de
 Besiers.*

*D'aucuns heretiques qui s'esleuerent à Paris, lesquelz furent bruslez, & leur
 aulheur deterré & bruslé.*

EN l'an mil deux cens & dix en la ville de Paris s'esleuerent aucuns heretiques, dont
 il y auoit aucuns prestres: & disoyent & soustenoyent *quod potestas Dei Patris durauit quādiu
 uiguit lex Moysaica: & quia scriptum est Nouit superuenientibus obliuiscuntur uetera, postq̄ Christus uenit absoluit sunt
 omnia testamenti ueteris sacramenta, & uiguit noua lex usque ad illud tempus, quo uidelicet talia prædicabāt. Ille
 ergo tempore dicebant noui testamenti sacramenta finem habere, & tempus sancti spiritus aduenisse. Ideo confessionem, baptis-
 mum, Eucharistiam, & alia sacramenta, sine quibus non est salus, locum decetero non haberet: sed unumquemque per gratiam san-
 cti spiritus, tantum interius: sine aliquo exteriori actu, inspiratum posse saluari: charitatis uirtutem sic ampliabant, ut id quod alias
 peccatum esset, si fieret in charitate, iam non esse peccatum dicebant: supra etiam, & adulteria, ceterisque corporis uoluptates in
 charitatis nomine committenda: mulieribus, cum quibus peccabam, & simplicibus quos decipiebant, impunitatem peccati pro-
 mittentes, Deum tantummodo bonum, & non iustum predicantes.* Ces erreurs furent prouuées & aduerées à
 l'encontre d'eulx, & furēt leurs procès faictz par l'inquisiteur de la foy, & autres grāds clercs
 de l'vniuersité, à ce cōmis: & apres ce ilz furent baillez & liurez à la iustice seculiere dudit Roy
 Philippe, qui les feit tous brusler: toutesfoiz le Roy feit grace & pardō aux femmes & simples
 gēs, qui auoyēt en ce que dict est failly & peché, par l'enhortement & seduction desdictz clercs
 heretiques. Et pource qu'on disoit q̄ lesdictz heretiques tenoyēt ceste oppinion d'un clerc, qui nague
 res, estoit mort, & auoit nom Amaulry, iceluy Amaulry tout mort fut excōmunié, & son corps
 deterré, & ietté hors terre sainte, puis bruslé & mis en cendre. En l'an mil cc. & xj. iceluy
 messire Simō de Montfort s'en vint en France, pour auoir secours & ayde, & fait tāt qu'il assem-
 bla & emmena bien auec luy si grād nombre de gens qu'il fut suffisant à mettre le siege deuant
 la cité de Lauaur en Languedoc: & durant ledict siege vne compaignie de François vint de-
 uāt le chastel de t̄ Moytiouse: & ainsi qu'ilz alldyēt à l'environ indiscrettement, ceulx de dedās
 saillirent sur eulx, & en tuerēt plusieurs: & pour declarer & approuer leurs merites fut veue
 la lumiere du ciel & vn gros ploton de feu descendre sur les corps de ceulx qui auoyent esté
 tuez audit lieu. Parquoy les Euesques & Abbez, qui la estoient, y dedierent vn cimetiere, au-
 quel ilz ensepuelirent les corps des mors: & apres fut prinse ladicte cité de Lauaur, & vn fort
 chastel, qu'on appelle Penedaguenes, ou furent trouuez septante quatre hommes: desquelz,

Mil cc. & x

*D'un hereti-
 que qui fut
 deterré du
 lieu saict &
 son corps, ars
 bruslé, et mis
 en cendre.*

*† a. Mōt
 ioyeux.*

Un petit no-
ble de Chre-
stien qui oc-
curent un
gros noble
d'hereti-
ques.

† autres di-
sent Murel.

† elat dit 7
moys & sei-
ze iours.
† elat dit 7
moys & 13

pource qu'ilz ne voulurent laisser leur erreur, en furent penduz & tuez vne partie. Aux autres fut baillé leur option & choix de laisser leur erreur, ou qu'ilz fussent bruslez: mais il aymerent mieulx estre bruslez q de laisser leur mauuaise secte. La dame de Chasteaugiraud, laquelle cōe on disoit cōmunemēt auoit cōceu de son frere & de son filz, fut iectee en vn puy: puis apres accrauentee de pierres qu'on iecta sur elle. Enuiron ceste saison, ou peu apres, fut cognu & prouué que Raymōd, Cōte de Toulouze fauorisoit lesdictz heretiques: parquoy fut declairé ennemy de la foy, & fut abādōné. Ce pēdāt q ledict messire Simō de Mōrtfort feit ainsi la guerre, le Roy d'Arragō, le Cōte de S. Gilles & le Cōte de Foix, qui parauāt festoyēt cōfederez à noz gēs: & auoit ledict Roy d'Arragon baillé en ostage vn seul filz qu'il auoit, le laissa, & s'en retournerēt audict crime d'heresie, & vindrēt avec moult grand & puillāte armee de gēs, & assiegerent Simon de Montfort, qui estoit dedans le chastel de t Mirebeau, ou il n'y auoit avec luy q deux Cheualiers, soixante hommes de cheual, & sept cens hommes de pied. Iceluy messire Simon vn matin ouyt la messe, & appela Dieu en son ayde: & quand il veit son aduātage, il saillit sur ses ennemys luy & ses gens, & les combattirent si vaillamment & vertueusement, qu'ilz les meirent en desarroy & fuyte: tellement que par la grace de Dieu & miracle, plus que par puissance humaine, ilz tuerēt ledict Roy d'Arragō, & biē dixsept mil de ses gēs: & les cōbatirent si vaillāmēt & vertueusemēt qu'ilz les meirēt, cōme dict est, à desconfiture. ce qui fut en l'an mil cc. & xiiij. Apres ladicte bataille & victoire ceulx de Mōrtfort trouuerēt qu'ilz n'auoyēt perdu q huyt de leurs gens de pied, & ne fut iamais trouué bataille auoir esté plus miraculeuse que ce ste cy. Pour occasiō de laquelle desconfiture les Arragonnois feirent de la en auant plusieurs griefz assaulx audict Simon de Montfort & à ses gens qui estoient audict pays. En l'an mil deux cens quinze le Pape Innocent assembla vn Concile à Romme, qui fut appelé le Concile de Latran: auquel furent faictz plusieurs beaulx statutz & ordonnances, & y furent assemblez quatre cens & douze qu'Archeuesques qu'Euesques, & les Patriarches de Constantinoble & de Hierusalem. Cēluy d'Antioche y enuoya, & n'y peut venir, par ce qu'il estoit malade. Cēluy d'Alexādrie n'y peut venir aussi, par ce qu'il estoit en la subiection des Sarrazins. Il y auoit aussi lxxj. Metropolitains & Primatz, huyt vingz Abbez, & plusieurs Prieurs conuentuelz: les Legatz des Empereurs de Romme & Constantinoble, des Roys de France, de Hierusalē, d'Angleterre, de Cypre, d'Espagne, & d'autres Roys, Ducz, & grands Princes & Seigneurs de la Chrestientē. Et en iceluy Concile ledict Comte Raymond de Toulouze, & Raymond son filz, furent declarez excommuniez, & plusieurs autres heretiques leurs cōplices. En l'an prochain d'apres mourut à Perouse le Pape Innocēt, qui auoit presidē en la chaire saint Pierre dixhuyt ans t quatre moys & vingt quatre iours, & fut moult magnifique & de grād' louenge: & composa le liure *De miseria humana conditionis* & plusieurs autres. Apres luy fut faict Pape Honorius, qui tint le siege dix ans t huyt moys & vingthuyt iours. Il feit edifier l'eglise qui s'appelle Sancta sanctorum. Il feit plusieurs Decretalles, & conferma les ordres des quatre mēdiēs, les Carmes & Augustins, qui sont les premiers, & les Iacobins & freres Mineurs apres.

De la mort messire Simon de Montfort deuant Toulouze.



Simon de
Mōrtfort fut
tue d'une
pierre de ca-
non deuant
la citē de
Toulouze.

Antoist apres ledict vaillant Cheualier Simon de Montfort vint en France pour auoir secours contre les Arragonnois, qui pour la mort de leur Roy luy faisoient grand' guerre à l'entour de Carcassonne: & assembla biē six vingtz mil hommes, qu'il mena en la terre d'Albigeois & de Toulouze, ou toutes les villes & places luy furent rendues, & luy feirent hommage pour le Roy, & luy iurerent seaukt: mais ceulx de Toulouze en brisant leurs sermens gararrent leur citē, & se rebellerent contre luy: parquoy ledict Comte enuoya deuers le Roy pour auoir nouueau secours, qui luy fut enuoyē, & assiegea ladicte ville, & la feit assaillir merueilleusement: & en cest assault il fut frappē d'un coup de pierre de canon, par ceulx de la citē: & ainsi le bon & vaillāt Comte de Mōrtfort fina sa vie glorieusement, comme Martyr, en combattant pour la foy Chrestienne: & luy succeda audict Comté & en la terre d'Albigeois Guy son filz, en l'an mil deux cens xviij. Apres le trespas dudit messire Simon de Montfort, ledict Roy Philippe le Conquerant feit assembler grand nombre de gens d'armes, & par monseigneur Loys, son filz, les feit conduire contre lesdictz heretiques d'Albigeois & Toulouzains: & à son arriuee print le chastel de Normandie, & plusieurs autres. puis meit le siege deuant Toulouze: mais il ne peut la citē prendre: parquoy il s'en retourna en France: & apres son retour, lesdictz heretiques reprindēt plusieurs des places qui auoyent esté gaignees sur eulx: & feirēt moult de maulx & inhumanitez à ceulx qui auoyent esté laissez pour les garder: & entre autres Guy, filz de feu messire Simon de Mōrtfort, fut par le Cōte de S. Gilles tue ignominieusement, & luy succeda Amaury son frere.

Du trespas

*Du trespas du Roy Philippe le Conquerant, & des belles ordonnances
& testament qu'il feir.*

EN la ville de Mante, print audiēt Roy Philippe vne griesue maladie de fieures quartes, dont il fut longuement trauaillé & malade : & quand le bon Roy congnut qu'il s'affoiblissoit, & qu'il luy conuenoit mourir, il feir son testamēt & ordonnance de derniere volunté : par lequel il feir plusieurs beaux status & ordonnances, legz & aulmosnes : & entre autres choses il departit de ses thresors & richesses, ou il luy sembla que bon estoit, & que charité l'admonnestoit. Car premierement il donna & laissa en l'ayde de la terre sainte, cent mil liures Parisis, qu'il ordonna estre baillées : c'est à sçauoir au Roy Iehan de Hierusalem, qui lors estoit venu en France, requerir & demander ayde contre les infideles : aux Cheualiers du Temple, cent mil liures Parisis : & à l'hospital de saint Iehan de Hierusalem cent mil liures Parisis : & pareillement donna vingt mil liures Parisis, pour la deliurance d'Amaury de Monfort, sa femme & ses enfans, qui estoient detenuz prisonniers par les heretiques, en la terre d'Albigois. Puis ordonna cinquante mil liures tournois, pour estre distribuez aux pauures indigens : & ordonna que tous ses riches habillemēs fussent baillez & liurez aux eglises, combien qu'il leur en eust donné assez de neufz : & deffendit que nulz n'en fussent baillez aux menestriers & aux iangleurs. Tant le pressa la maladie qu'il luy conuint rendre son esperit à Dieu, la premiere Ide de Iuillet, au poinct du iour, l'an mil deux cens vingt & trois en ladicte ville de Mante : & fut son corps enterré en l'eglise saint Denis en France, à moult grand honneur & belle compaignie, par le Cardinal Euesque du Port, qui estoit Legat en France, pour le fait des heretiques d'Albigois, present Iehan, Roy de Hierusalem, qui sy trouua, Loys son filz aîné, qui fut Roy de France apres luy, & Philippe son maisné filz, & grande multitude de Barons & Seigneurs, les Archeuesques de Reims & de Sens, & bien vingt & quatre Euesques, & autant d'Abbez, qui lors estoient venuz à Paris, pour vn Conseil qu'on auoit assemblé pour le fait des heretiques d'Albigois. L'on dit que le Pape Honorius, qui lors presidoit, fut miraculeusemēt aduertty du trespas dudiēt Roy Philippe, & lediēt iour qu'il trespassa luy & ses Cardinaulx, qui lors estoient en vne ville champestre, en la Châpaigne d'Italie, feirent le seruice de ses obseques & funerailles à grand solennité : & manda lediēt Pape les faire par toutes les Eglises dudiēt pays d'Italie. En la fin de la Cronique des faitz & gestes dudiēt Roy Philippe, estant à saint Denis, est contenu vn article, disant ainsi : & n'est pas à oublier qu'apres sa mort plusieurs veirēt venir à la sepulture des hommes boiteux, qui cheminerent droict, & des aueugles qui recouurerent leurs veues. En ce temps † Henry, Comte de Neuers, fut empoisonné, en retournant du voyage d'oultre mer, & fut son corps premierement enterré à saint Aignen, en Berry, & depuis porté en l'Abbaye de Pontigny. Il laissa vne seule fille, qui fut mariée à Guy, Comte de saint Paul. En son temps lediēt Roy Philippe feir vne constitution generale par tout le royaume, touchant les vsures que faisoient les Iuifz sur les Chrestiens : & deffendit qu'ilz ne prissent en gaigne aucuns ornemēs d'eglise, & que nul Iuif ne prestast aucun argēt à vn religieux, sans l'assentement de son Abbé & chapitre. Item que nul Chrestien ne fust contrainct à vendre ses heritages & rentes, pour les debtes des Iuifz : mais bien que les deux pars du reuenue du debteur & de ses pleiges, fussent assignées aux Iuifz, & q̄ lors de ladicte assignatiō les debtes ne courussent plus : & aussi q̄ les vsures desdiēt Iuifz ne courussent qu'un an apres le prest fait, & pour liure ilz ne prissent que deux deniers par moys : & aussi que pour debtes que deussent les Chrestiens aux Iuifz, leurs corps ne peussent estre emprisonnez : mais on voit de present que plusieurs Lombardz & autres vsuriers, qui conuersent en ce royaume, combien qu'ilz soyēt & se dient Chrestiens, font de plus grâdes & manifestes vsures sur les autres Chrestiens, que ne faisoient lors lesdiēt Iuifz. A quoy le Roy & les iustices, tant de Parlemēt que ordinaires, deuoyent auoir regard, & y donner prouision.

Le Roy Philippe le Conquerant mourut en la ville de Mante.

Notable.

† Autres disent l'an precedent, & le nomment Henry.

Ordonnance contre les vsuriers.

Incident de la prinse & destruction de Hierusalem.

EN l'an mil cēt dixhuyt la cité de Hierusalem, qui lors estoit moult forte, fut destruite & desmolie, par Conradin, filz de Saphadin, Roy d'Egypte, & Souldan de Babylonne, qui la feir brusler, abatre & raser les murs, tours & fossez, tellemēt qu'il n'y demoura pierre sus autre, reserué le Tēple de nostre Seigneur, la tour de Dauid : & au regard du S. Sepulchre de Iesus Christ, iceluy Cōradin eut conseil p lētres de ceulx de Damiette, qu'il le deuoit destruire : mais à icelle temerité n'y eut celuy qui y osast apposer les mains, car ilz sçauoyent bien qu'il estoit escript en l'Alcoran, qui est le liure de leur loy, que Iesus Christ fut

Hierusalem desmolie.

r iij



conceu & nay de la vierge Marie, & qu'il auoit vescu sans peché, & qu'il estoit Prophete & plus que Prophete, & lequel auoit enluminé les aueugles, & guery les lepreux, & resuscité les mortz, & qu'il estoit finablement monté es cieulx. Et dit l'on que durant le temps d'vnes trefues, qui furent accordées ce pendant que les Sarrazins tenoyent le siege deuant ladicte cité de Hierusalem, plusieurs d'eulx qui entroyent en icelle, alloient visiter l'eglise & le saint Sepulchre, & requeroient & se faisoient monstrier les liures ou estoient escriptes les Euangiles de Iesus Christ, & les baïsoient & reueroyent pour la mundicité & netteté de la loy, que nostre Seigneur enseignoit, & mesmemēt pour l'Euangile de saint Luc, qui se cōmence *missus est ei angelus*, laquelle ilz lisent souuent. Enuiron ce temps, & soubz le Pape Innocēt troisieme, cōmença saint Dominique, qui estoit Espagnol, l'ordre des freres Prescheurs: & saint François, qui estoit Italien, commença l'ordre des Cordeliers: lesquelles ordres furent cōfermées par le Pape Honorius, qui presida apres ledict Innocēt: & lors estoit sainte Claire, qui vescu saintement, selon l'ordre dudit saint François: & gist son corps au conuent des freres Prescheurs de Toulouse. Lors estoit semblablement viuant Vincent de Beauuais, qui composa le miroer historial, & plusieurs autres belles escriptures. Peu apres ce temps frere Raymōd, de l'ordre des frere Prescheurs, composa les Decretales, du commādemēt de Gregoire Pape, neuuiesme de ce nom, lesquelles approuua & enuoya pour lire es estudes.

S. Domini-
que Espa-
gnol, &
S. Fran-
coys Italiē,
florissoyent
en ce tēps.

Du Roy Loys huietieme de ce nom.

mil deux
cens uingt
& trois.



† il en nom
me encores
un Philippe
en la figu.
qui mourut
jeune, cōme
il dit.

Long chap-
pres Paris
est appelée
l'abbaye de
l'humilité
nostre Da-
me.

mil deux
cens uingt
& trois.

LOys, huietieme de ce nom, filz de Philippe Auguste, dict le Cōquerant, ou Dieudonné, commença à regner l'an mil. cc. xxiiij. & regna enuiron trois ans, & trespassa l'an mil. cc. xxvj. & gist à S. Denis en Frāce. Cestuy Roy Loys enuyuit en toutes bōnes mœurs & louables gestes, le bō Roy Philippe son pere: & gouerna le royaume en souueraine equité, iustice, & force de courage. Il eut à femme ma dame Blanche, fille du Roy de Castille, & niepce du Roy Iehan d'Angleterre: laquelle fut femme tresprudente, & avecques elle vindrent tous biens au royaume, & d'elle eut quatre filz & vne fille. Le premier filz fut saint Loys, qui fut Roy apres luy: le second Robert, qui fut Comte d'Artoys, & qui fut perdu & tué à la Morée oultre mer, au voyage de Hierusalem. Le tiers Alphons, Comte de Poitiers: & le quatrieme fut Charles, Comte d'Aniou, lequel fut depuis Comte de Prouēce, de par sa femme, & apres Roy de Hierusalem & de Cecille. Ladicte fille fut nommée Ysabeau: laquelle fut de moult bonne vie, & vescu en cōtinnence en l'abbaye de l'humilité nostre Dame, dicte Long champ, pres Paris, que saint Loys fonda pour l'amour d'elle. La huietieme Ide du moys d'Aoust, apres le trespas dudit Roy Philippe le Conquerant, & ses obseques faites, ledict Loys son filz, qui ia estoit en aage de xxxvj. ans, fut couronné Roy de France, en l'eglise de Reims, & avec luy ladicte Blanche sa femme, & enoingt Roine p̄sent Iehan, Roy de Hierusalē, qui estoit venu pour demāder secours cōtre Sarrazins au Roy, & presens plusieurs haults Princes du royaume. En ce Roy retourna la lignée de Charlemagne, qui estoit faillie p sept generations, depuis le tēps de Hue Capet, filz de Hue le Grand, Comte de Paris. Car cestuy Roy estoit engendré de dame Ysabeau, fille de Baudouyn, iadis Comte de Henault. Ledit Baudouyn estoit descendu de Hermengarde, iadis Comtesse de Namur: laquelle fut fille de Charles, Duc de Lorraine, auquel Charles Hue Capet osta le droit du royaume de France, & le fait mourir prisonnier à Orleās, comme a esté dict & recité par cy deuant, es gestes & faitz dudit Hue Capet. Quand ledict Roy Loys fut couronné il cheuaucha par son royaume & print les sermens, & receut les hommages de ses vassaulx. En celle année mil deux cens xxiiij. Amaulry Comte de Mōrtfort retourna d'Albigeois en France, & par faulte de viures abandonna Carcassonne, & plusieurs villes & chasteaulx en Languedoc, qui auoyent esté conquestez par le feu Roy Philippe, à grands despens, sus les heretiques d'Albigeois. En l'an mil deux cens xxiiij. le troisieme iour de May le Roy tint vn general Parlement ou Concile en la cité de Paris: auquel Concile le Pape Honoré fait par Conradin Cardinal de Prouence, Legat en France, r'appeler & reuocquer la sentence d'excommuniment qui auoit esté prononcée en l'an mil deux cens & xv. in Concilio Lateranensi contre Raymond le Comte de Toulouze & lesdictz heretiques d'Albigeois, & leur dōna induces d'eulx repentir & retourner à la loy: & fut le Comte de Toulouze, qui auoit esté interdit, repuré pour bon Chrestien, par ce qu'il se retourna en l'obedience de sainte Eglise. Apres ladicte assemblée ledict Iehan Roy de Hierusalem, qui estoit venu en France pour demander ayde, & auquel furent deliurez cent mil liures que le Roy Philippe auoit par son

par son testam ent laissées en ayde de la terre sainte, comme dessus a esté dict, se partit pour aller en pelerin age à saint Iaques en Galice, & passa par saint Martin de Tours, pour faire ses offrandes: & en sen retournant passa par Bourgues en Espaigne, ou espousa Berangere, fille du Roy de Castille. En icelle année le Roy assembla en la ville de Tours, son ost, pour aller contre ses desobeyssans vassaux, qui fauorisoient ledict Roy Henry d'Angleterre, es marches de Poitou: & alla iusques à Monstreubellay qu'il print: & apres par le moyen d'aucus octroya trefues d'un an, à Emery, Vicomte de Touars: puis passa oultre. Ceulx de la ville se deffendirent vaillamment, & enuoyerent deuers le Roy affin d'auoir secours. Quand il en sceut les nouuelles il enuoya diligemment à leur secours son Mareschal, & grand nombre de gésd'armes: mais si tost que les Anglois sceurent leur venue, ilz abandonnerent le siege qu'ilz tenoyent deuant saint Macaire, & vindrent au deuât iusques à la riuere de Dordonne: & pource que les François ne pouoyent passer la riuere, ilz prindrent vn chastel, qui à nom Lumeil sur Dordonne, & vn autre nommé Bergerac en Perigort: lesquelles places tenoyent pour le Roy d'Angleterre, & les meirēt en subiection & obeyssance du Roy de France: parquoy Richard Côte de Cornouaille, qui les gardoit fut espouenté, & sen retourna à Bordeaux.

Iehan, Roy de Hierusalem espousa Berangere, fille du Roy de Castille.

D'un homme qui se faignoit & disoit estre Baudouyn, Comte de Flandres, & le fait la Comtesse de Flandres pendre & estrangler.

LN l'an mil deux censvingt & cinq, enuiron Pasques, il aduint qu'un homme vint en Flandres, & disoit qu'il estoit le Comte Baudouyn de Flandres, iadis Empereur de Constantinoble, pere de Iehanne, Comtesse de Flandres, qui auoit esté prins prisonnier oultre mer, & qu'il estoit eschapé par miracle de la prison des Grecz. Plusieurs gens grands & petis de la Comté de Flândres veirent qu'il ressembloit merueilleusement audit Comte Baudouyn, & disoyent que c'estoit il sans autre, & le congnoissoyent par ses dictz, & par les signes qu'ilz auoyent iadis veuz au Comte. Et pource qu'ilz auoyent en hayne ladicte Comtesse Iehanne, fille dudit Comte Baudouyn, ilz la deietterent, & adhererent audit homme, & disoyent qu'elle faisoit moult grand peché qu'elle ne receuoit & congnoissoit son pere, & laissast iouyr de sa terre. Quand la Comtesse se veit ainsi opprimée, & deiettee de sa terre, elle vint deuers le Roy, & luy pria qu'il la secourust: lequel eut pitié d'elle, & alla iusques à Peronne, & manda illec venir celuy qui se faignoit estre le Côte Baudouyn: lequel y vint par faufconduyt, & cuydoit bien auoir gagné sa cause: & amena plusieurs grands Seigneurs qui ia festoyent ioingt avec luy, & tenoit contenance moult fiere & orgueilleuse. Quand il fut venu à Peronne deuant le Roy, il l'interroqua de plusieurs choses, desquelles au commencement il respondit assez peremptoirement, par ce qu'il estoit introduit & forgé. A la parfin le Roy luy demanda auquel lieu il auoit fait hōmage de la Comté de Flandres au feu Roy Philippe, son pere, & ou il auoit esté fait Cheualier, & par qui: mais il ne sceut de ce respondre, & comença à vaciller & elongner ses parolles, & respondre par ambages, & aussi par orgueil, en disant qu'il luy demandoit de trop de choses, qui n'estoyent point de besoing: & par ce le Roy & ceulx de son conseil congurent sa malice & folie, & luy manda le Roy que dedans trois iours il vuydast hors de son royaume, & luy donna congé de sen retourner. Iceluy doubtant le comandement du Roy sen retira droit à Valenciēnes, & la fut laissé seul de tous ceulx qui le suyuoient. Quand il se veit ainsi seul, il se meit en estat de Marchant, & sen tira vers Bourgongne: mais en chemin il fut prins, en vne tauerne, par vn Cheualier qui l'amena à ladicte Comtesse de Flandres: laquelle le fait emprisonner, & apres diuers tourmens le fait pēdre & estrangler.

Des interrogations que fait le Roy de France à un quidam qui se faignoit estre Comte de Flandres.

De la guerre que fait le Roy aux heretiques: & comment il print la cité d'Auignon par force.

EN celle année mil deux censvingt & cinq, le Pape enuoya de rechef vn Cardinal Legat en France, pour le fait des heretiques d'Albigéois, qui festoyent retournez à leurs premieres erreurs: lequel Legat alla avecques le Roy iusques à Benō, qui est du bas Poitou, ou le Roy auoit assemblé son armée, pour faire guerre au Vicomte de Touars, qui festoit diuert. Et par le moyen & à la requeste dudit Legat furent prorogées les trefues dudit Vicomte: & par ce le Roy retourna à Paris: & illec vint tātost apres ledict Vicomte de Touars, lequel soy repētant & congnoissant sa faulte, fait hommage au Roy, pésent ledict Legat & les Ambassadeurs du Roy d'Angleterre: & illec es mains dudit Legat le Roy & plusieurs grāds Princes & Seigneurs, Archeuesques, Euesques, & au-

Mil deux censvingt & cinq.

tres se croÿserent contre lesdictz heretiques d'Albigens. Puis en l'an mil deux cens xxvj. rassemblèrent en la cité de Bourges, & tirerent vers Lyon, & de la allerent deuant la cité d'Auignon, par ce que ceulx de ladicte cité, qui tenoyent ladicte heresie, estoient interdictz du Pape, sept ans auoit & plus. Le siege y meirent les François, qui dura longuemēt. Et deuant icelle cité y furent plusieurs tuez des gēs du Roy, & entre autres Guy de saint Paul: dont il fut moult courroucé, & feit serment qu'il ne partiroit de deuant ladicte cité iusques à ce qu'il l'eust conquise & subiuguée. Quand ceulx de dedans sceurent que le Roy s'estoit si fort irrité cōtre eulx, & le sermēt qu'il auoit fait, ilz eurent paour, & enuoyerent messages & ost ages au Roy, & iurerēt qu'ilz feroient la volonté de l'Eglise, à l'ordonnance de luy & dudiēt Legat: & ainsi le Roy & ses gens entrerent dedans ladicte cité, & feit le Roy raser les murs & combler les fosses: puis feit le Roy abatre trois cens maisons fortes des plus grāds & puissās gēs de ladicte ville. Et ce fait, le Roy & lediēt Legat feirēt illec plusieurs belles ordonnances, & feit le Roy sacrer Euesque de ladicte cité vn moyne de Clugny, nommé maistre Pierre de Corbie. Durāt le siege de ladicte cité Thibault, Comte de Champagne, s'en retourna en ses pays, sans la licēce du Roy ne du Legat, dont il ne fut pas content: & apres ce le Roy avec son armée cheuaucha par Languedoc & par Prouence, ou ceulx desdictz pays estoient entachez dudiēt crime d'heresie. Toutes les villes, chasteaulx, & forteresses d'iceulx pays se meirent en son obeissance, iusques à quatre lieues pres de Toulouze.

Le Roy
Loys huy-
sieme cor-
quist la cité
d'Auignō.

De la mort dudiēt Roy Loys, pere saint Loys, qui mourut à Montpensier.

Le Roy
Loys huy-
sieme, pere
de saint
Loys, mou-
rut à Mont-
pensier en
Auvergne,
l'an mil
deux cens
vingt &
six.



Vand le Roy eut ce fait, il establit son lieutenant pour la garde du pays vn vaillāt Cheualier, nommé Ymbert de Beauieu, qui estoit de son lignage. Puis se meit en chemin pour retourner en France, & cheuaucha tant qu'il vint iusques à Montpensier en Auvergne: & la luy print vne griefue maladie, de laquelle il mourut, le ieudy deuant la feste de Toussaintz, l'an de grace mil deux cens vingt & six, au troisieme an de son regne exclusiement. Dieu en ait l'ame: car ce fut vn moult bon Prince, & de grand' vaillance: & la fut acomplie la prophetie de Merlin, ou il dit: *In monte morietur Rex pacificus*: & entre les autres vertus qui furent en luy, il garda continence: & ne sceut on point que iamais eust compaignie charnelle à autre femme qu'a celle qu'il eut espousée. Apres son trespas son corps fut aorné & mis en estat de Roy, comme il appartenoit, & apporté en grād honneur en l'eglise saint Denis en France, pres de son pere Philippe Auguste.

Du bon Roy saint Loys: & comment il fut sacré à quatorze ans.

Monseigneur S. Loys ix. du nom
cōmēça à regner l'an mil cc. xxvj
aagé de xliij. ans. Il eut plusieurs
belles victoires cōtre les Turcz,
ou il fut prins prisonnier, & pava
grosse raçon. Il prohiba & deffen



Saint Loys.

dit en son royaume iurer le nō de
Dieu, n'achapter offices de iudica
ure. Il feit baſtir la ſaincte Chapel
le, & les Conuens des Médians à
Paris, ausquelz feit moult de biēs.
Après auoir regné xliij. ans ver
tueuſement trespasſa à Thunes,
mil cc. lxx. & giſt à ſainct Denis.



Robert cō
de Cler. eſp.
la fille Arch.

Loys mou
rut ieune.

Pierre Cōte
d'Alençon
de Char.

Iehan Tristā
naſquit en
Damiet.

Philippe
iiij. fut xv.
ans Roy.

Margueri
te duchesse
de Brabā.

Yſabel fut
Royne de
Nauarre.

Agnes eſp.
le Duc de
Bourgōg.

Blāche eſp.
Ferrand de
Eſpaigne.

A ceſtuy Loys, filz de
Robert, fut erigée la Ba
rō. de Bourb. en Duché
p le Roy Phil. de Vall.

Ces quatre filles de
ſainct Loys eurent bel
le lignée; ainſi cōme
l'on pourra veoir en
liſant l'hystoire.

Jaques
mourut ſā
hoir.

Loys pre
mier Duc
de Bourbō.

Loys fut
Cōte d'E
ureux.

Charles Cō
te de Val
loys.

Philippe
iiij. dict le
Bel.

Loys mou
rut ieune.

Blāche eſp.
le Duc de
Autriche.

Margueri
te eſp. le Roy
d'Anglet.

Ceſtrois freres, Loys Hu
tin, Philippe, & Charles
moururent ſā hoirs maſ.

Loys Hutin
fut Roy de
Frā. & Na.

Philippe
dict le Lōg
regna v. ās

Charles le
Bel Roy
ſix ans.

Yſabel ma
riée au Roy
d'Anglet.

Iſabel, fille de Philippe le
Bel, fut mariée au Roy E
douard d'Angleterre, de
laquelle vint vn filz, le
quel ſe voulut
nōmer Roy de
France.

Jaqs cōt. de
Char. et de
la March.

Pierre Duc
de Bourbō.

Philippe
fut Roy de
Nauarre.

Charles
Cōte d'Al
ençon.

Philippe
de Valloys

Pierre. ii. eut
iii. filles leſquel
les preſenta le
iour de l'an au
Roy Charles v.
lequel en eſpon
ſa l'une.

Philippe, filz du
Cōte d'Eureux
fut Roy de Na
uarre, par ſa ſē
me.

Loys mou
rut ieune.

Iehan filz de
Hu. neveuſ.
q̄ 8. iours.

Iehan eſp.
le Comte
d'Eureux.

Blāche fille
de ceſte Ie
hanne.

Après le trespas de Iehan, filz de Loys Hutin, le
quel ne veſquit q̄ huit iours, furent Roys Philip
pe le Lōg & Charles le Bel, enfans de Philippe
le Bel, freres de Loys Hutin, & oncles dudit Ie
han: lequel le Long regna v. ans, & Charles le
Bel vj. ans: leſq̄lz moururent ſans hoir maſle, &

aduīt le royaume à Philippe de Valloys, filz de
Charles Cōte de Valloys, qui fut filz de Philip
pe iiij. & frere de Philippe le Bel, & eſtoit couſin
deſdictz Roys precedens, cōme plus prochain
de la courōne, nonobſtāt le debat d'Iſabel, fille
de Philippe le Bel, mariée au Roy Edouard
d'Angleterre, de laquelle auoit eu vn filz.

L'an mil
deux cens
vingt six.



La mere du
Rois Loys
print grand
peine à ce
que le roy-
aume de
France fust
regy & gou-
uerné par
gēs prudēs
& sages.

Ainēt Loys, Roy de France, neuſieme de ce nom, filz de Loys huyētieme, com-
mença à regner l'an mil deux cens vingt & ſix, & regna quarāte quatre ans en-
tiers: & treſpaſſa l'an mil deux cēs ſeptante. Au temps que le feu Roy Loys, pe-
re de monſeigneur ſainēt Loys, partit pour aller en Auignō, il auoit laiſſé le gou-
uernemēt de ſon royaume, & de ſes enfans à madame blāche d'Eſpaigne ſa tem-
me, qui eſtoit vne moult bonne & deuote dame. Si toſt que les obſeqes & ſunderailles dudit
feu Roy Loys furent acōplies, par le conſeil de la Roynne Blanche, qui fut femme treſpru-
de, & de laquelle vindrēt tous biens au royaume de France, avec elle mena mōdiēt ſeigneur
ſainēt Loys, leq̄l n'auoit point encores l'age de quatorze ans acōplis, en la ville de Reims:
& là le p̄mier Dimēche de l'aduent, fut ſacrē & oingt Roy, par l'Eueſque de Soiffons, le ſiege
de Reims lors vaccant, preſens pluſieurs grands gens de ſon royaume de France. Quand l'en-
fant fut amenē à Paris ſa mere le bailla à endoctriner & eōduire en bonnes mœurs: & furēt or-
donnez ſages & prudens hommes, tant clerks comme Cheualiers & gēs laiz, pour les beſon-
gnes du royaume gouuerner avec ladiēt Roynne. En celle annē Ferrand Comte de Flan-
dres, qui par douze ans auoit eſtē detenu priſonnier en la tour du Louure à Paris, fut deliurē,
moyennant grand finance qu'il paya pour ſa rançon. En celle annē le Roy Iehan de Hieru-
ſalem ſe partit de France, & ſ'en alla en Lombardie, ou ſe tint vne eſpace de temps à Bou-
longne la Graſſe: & cē pendāt mourut Pape Honorē, & fut eſleu Pape Gregoire, qui enuoya
querir lediēt Roy de Hieruſalem, & le ſeit Conneſtable & deſſenſeur des terres de l'Egliſe de
Romme.

*Comment pluſieurs Princes de France ſeſleuerent contre le ieune Roy ſainēt Loys,
incontinent apres ſon Sacre.*



† aliās.
Duc.

Coſpiration
de pluſieurs
ſeigneurs
& Barons
de France cō-
tre le Roy
ſainēt Loys
& ſa mere.

Les plus
cōtes fol-
les ſont les
moins ma-
niſeſtes.

L'an mil ec.
xxviii.

La Roynne
blāche me-
re du Roy
s. Loys eueſt
le gouuer-
nement du
royaume.

N l'an mil deux cens vingt ſept, lediēt ieune Roy ſainēt Loys, par le conſeil de ſa
Roynne ſa mere, & des Barōs, enuoya pluſieurs Eueſques, Princes & Cheualiers
contre les heretiques d'Albigois (qui puis aucun temps auoyent eſtē abſoulz,
mais ilz eſtoient retournez à leur damnēe oppinion) & prindrent les gens du
Roy la citē & toute la Comtē de Toulouze. En celle meſme annē ſeſleuerēt
& machinerent contre le ieune Roy ſainēt Loys, Hue Comte de la Marche, Pierre de Dreux,
† aliās. diēt Mauclerc, † Comte de Breſaigne, de par ſa femme, & Thibault Comte de Champaigne,
Duc. & autres leurs aliez, qui eſtoient venuz deuers le Roy à l'aſſemblēe des eſtatz, qui auoyent eſ-
tē tenuz pour dōner ordre aux affaires dudit ieune Roy & du royaume: & parlerent & mur-
murerent enſemble ſecretemēt, diſans que tel enfant n'eſtoit pas pour gouuerner le royaume
en l'age ou il eſtoit, & que celuy ſeroit bien ſol qui à luy obeyroit, tant commē il ſeroit ſi ieu-
ne, meſmement ſoubz la garde & conduyte d'une femme. Si ſ'en parurent d'avec luy: & tan-
toſt apres lediēt Comte de Breſaigne ſeit garnir ſaincte Iame de Beuorō & Beleſmē (qui ſont
deux ſers Chateaulx, leſquelz le feu Roy Loys, pere dudit ſainēt Loys, luy auoit baillez en
garde quand il alla contre les Albigois) & ſe meirent dedans leſdiēt Comtes de Breſaigne,
de Champaigne & de la Marche. Quand ces nouuelles vindrent à la congnoiſſance du
Roy, par le conſeil de ſa mere & de ſes Barons il aſſembla ſes genſdarmes en nombre commē
incroyable, & ſe mit en voye pour aller contre eulx: mais quand lediēt Thibault Comte de
Champaigne ſeut la venue du Roy, & ſa puiſſance, il ſe dōubta que ſ'il tenoit longuement
cōtre luy il luy en pourroit meſcheoir: ſi diſt q̄ les plus cōtes folies ſont les moins maniſeſtes,
& vñ matin ſe leua & abandonna ſecretement ſes compaignons, & ſ'en vint vers le Roy, &
luy pria qu'il luy pardonnast la faulte qu'il auoit contre luy faiēt. Le Roy, qui eſtoit enfant
debōnaire, luy pardonna voluntiers: & apres mādā le Roy auſdiēt Comtes de Breſaigne &
de la Marche qu'ilz veinſſent deuers luy à amandement, ou qu'ilz veinſſent cōtre luy en ba-
taille, & ilz luy manderent que voluntiers ilz feroient paix à luy. Quand le Roy eut ouy
les meſſages il ſeit retourner ſon oſt, & alla à Chinon, pour la les attendre & ouyr: mais au
iour aſſigné ilz n'y vindrent n'enuoyerent. Si les ſeit le Roy ſemondre pour la ſeconde fois,
& ilz n'y vindrent point. Puis les ſeit ſemondre la tierce fois, & lors ilz manderent que vo-
luntiers y roient vers luy à Vendōme, ſ'il luy plaſoit y aller. Le Roy, qui eſtoit debōnaire,
leur enuoya ſes meſſagiers, & ſes lettres de paix & d'amour, mais qu'ilz ſe gardaſſent deſor-
mais de meſprēdre. L'année enſuyuāt mil deux cēs vingthuyt, plē conſeil deſdiēt Comtes de
Breſaigne & de la Marche, qui auoyent affection de gouuerner les ſaictz du royaume, plu-
ſieurs des Barons de France murmurerent, & ſeſleuerent de rēchef contre le Roy, pour
le gouuernement du royaume: & diſoyent que la Roynne Blanche, ſa mere, ne deuoit point
gouuerner ſi grande choſe commē la monarchie du royaume de France, & qu'a femme n'ap-
partenoit point de ce faire. Le Roy diſoit qu'il eſtoit iā aſſez grād & en age pour gouuerner
le royaume.

le royaume, par l'ayde & par le conseil des sages & bonnes gens qui estoient autour de luy. Si se meirēt sus lesdictz Seigneurs & Princes, comme en nombre infiny, & se meirēt en aguet comment ilz pourroyēt prendre la personne du ieune Roy, qui s'en retournoit de Touraine à Paris. Quand le Roy fut pres d'Orleans on luy rapporta que lesdictz Princes & Seigneurs estoient sus les champs à grand' puissance, & le guettoient en chemin pour le prendre: parquoy il se hasty de cheuaucher, & feit tant qu'il vint iusques à Montlehery, pres Paris: Quād il fut là il n'osa oultre passer, pource que lesdictz Seigneurs, avec grand nombre de gens de guerre, estoient illec prestz & deliberez de le prendre. Si demoura là le Roy, & manda à la Royne Blanche sa mere, qui estoit à Paris, qu'elle luy enuoyast secours, & gens pour le conduire, & mener iusques à Paris: laquelle incontinent assembla grand nombre de gēs, & puis sortirent de Paris à baniere desployée, & en bataille rengée. Quand lesdictz Seigneurs sceurent la multitude des gens qui venoyent de Paris à l'ayde & conduyete du Roy, ilz se departirent, & s'en allerent chacun en sa maison: & fut le Roy mené iusques dedans Paris, en belle bataille rengée.

De la guerre que les Comtes de Bretagne & de la Marche firent au Comte de Champaigne, par ce qu'il auoit abandonné leur alliance, & s'estoit retiré vers le Roy.



Lesdictz Comtes de la Marche & de Bretagne, & autres Barons de France, cōceurent grand malalent contre Thibault Comte de Champaigne, pourtant qu'il s'estoit pacifié avec le Roy, & les auoit abandonnez, & ne les vouloit ayder. Si s'assemblerent grand nombre, & luy coururent sus, & gasterent par feu & par glaiue partie de sa terre du costé d'Allemaigne, & meirēt le siege deuant vne ville nommée Cahource. Et à ceste cause ledict Côte de Champaigne enuoya hastiuement deuers le Roy demander ayde: & quand le Roy le sceut il enuoya ses mesfagiers deuers lesdictz Seigneurs & Barons, à ce qu'ilz voulsissent cesser de guerroyer contre ledict Comte de Champaigne, son vassal: mais ilz firent la sourde oreille, & meirēt le siege deuant le chastel de Bar sur Seine: & par ce le Roy assembla son armée, & se mit à chemin pour aller cōtre eulx: & quand ilz sceurent sa venue ilz s'en departirent, & s'en allerent chacun en son hostel: parquoy le Roy s'en retourna à Paris.

† Lisey, s'il nous plaist, la Cronique du seigneur de Tonuille, nagueres mise en lumiere à Poitiers.

Comment Pierre Mauclerc, Comte de Bretagne, pourchacea tant qu'il feit venir le Roy d'Angleterre en France.



Elle mesme année ledict Pierre Mauclerc, Comte de Bretagne, par l'enhortement d'aucuns des Princes de France, passa la mer, & alla deuers Henry Roy d'Angleterre, & luy dōna à entendre que s'il vouloit il pourroit facilement auoir la Duché de Normandie, que le feu Roy Philippe Auguste auoit tollue au feu Roy Iehan d'Angleterre: & disoit que le Roy estoit enfant, & qu'il auoit esté couronné contre le gré des Princes & Seigneurs de France, & que s'il y vouloit mettre peine il luy ayderoit de tout son pouoir, & qu'il scauoit bien que nulz desdictz Princes & Seigneurs de France n'ayderoyēt audit ieune Roy saint Loys. Tāt le persuada que le Roy d'Angleterre le creut, & assembla plusieurs gensdarmes. Si se meirēt sus mer, & vindrent descendre en Bretagne: & commença à courir & gaster la terre du Roy, en rompant la paix, qui de l'auctorité Apostolique auoit esté par auant faite & confirmée entre les deux royaumes. Si tost que le Roy en sceut les nouuelles il assembla grand' armée, & se mit à chemin pour aller contre eulx, & tira droit au chastel de Belesme (que le feu Roy Loys son pere auoit baillé à garder audit Comte de Bretagne, qu'il ne luy vouloit rendre) & y meit le siege, qui y fut longuement, nonobstant l'yuer qui estoit grand. Tant de fois fut assailly le chastel que ceulx de dedans furent contrainctz de le rendre à la mercy du Roy: & quand le Roy d'Angleterre en sceut les nouuelles, & qu'il veit que le Roy de France auoit si grand' puissance, il dist audit Pierre, Côte de Bretagne, que la chose alloit tout autrement qu'il ne luy auoit donnée à entendre. Si remonta ledict Roy Henry d'Angleterre sur mer, & s'en retourna avec sa courte honte. Pour ladicte cause ledict Pierre Mauclerc fut appelé en droit, & par le iugement des Pers de France fut déclaré banny, & ses terres confiscées. Apres la prinse de Belesme le Roy enuoya deuant la place de Haye Penel, qui s'estoit mis es mains dudit Comte de Bretagne. Ceulx de dedans rendirent tantost la place à la mercy du Roy: aussi firent semblablement les chasteaulx de Redon & de Chatoceaulx, & plusieurs autres. Quand ledict Comte de Bretagne veit la grāde puis-

Le Roy de Angleterre descendit en Bretagne contre le Roy saint Loys.

Le Duc de Bretagne fut banny & tous son biens confiscés.

lance du Roy, & qu'il estoit ia entré si auant en sa terre, il abaisa son orgueil, & manda à son frere Robert Comte de Dreux, & à ses autres parens qui estoient avec le Roy, en les requerrant qu'il feissent sa paix enuers le Roy, & qu'il ne gastast pas sa terre. Ledit Comte de Dreux fut ioyeux de ceste nouuelle: car il auoit grand' paour que ledit Comte de Bretagne perdist & confisquast sa terre & seigneurie, par sa folie. Si fait tant que le Roy luy pardonna: & vint ledit Comte deuers le Roy, & luy fait hommage lige & sermēt de fidelité, à cause dudit pays de Bretagne: & pour ceste cause les Barons en furent plus simples & humiliez: & depuis le Roy gouerna le royaume sans guerre ne aduersitez l'espace de quatre ans. En l'an mil deux cens vingt neuf, le Roy d'Arragon conquist le royaume de Valence la grād' & de Maillorgue sus les Sarrazins, & furent faitz les habitans Chrestiens. En ce temps florissoient en saincteté Elizabeth, fille du Roy de Hongrie, & saint Anthoine de Pade, de l'ordre des freres Mineurs. † Pareillement en celle année le Roy saint Loys fonda l'Abbaye de Royaumont, pres Beaumont sur Ayie, au diocese de Beauuais, & y mit religieux de l'ordre de Cisteaux.

Le Duc de Bretagne
fait homa-
au Roy
saint Loys.

L'an mil.cc
xxix.

saint An-
thoine de
Pade.

† Autres di
sent l'an de
apres.

Comment & pourquoy le Pape excommunia l'Empereur Federic.



Gregoire, lors Pape, fait admonnester l'Empereur Federic de Romme qu'il voulsist acomplir le veu qu'il auoit fait d'aller au voyage d'outre mer, pour la conqueste de la terre sainte. Ce que ledit Empereur promis faire dedans certain iour & lieu avec les autres, & les cōduire: & soubz ceste couleur le Pape fait prescher la croysée, & s'assemblerent plusieurs gens pour aller en compaignie dudit Empereur, & se trouuerent en Cecille sur le riuage de la mer, au lieu qui estoit dict. Mais quand l'Empereur eut mis

en sa subiection aucunes villes de Cecille, il ne voulut point passer outre mer, & s'en retourna: & à ceste cause le Pape l'excommunia, & fait publier à l'encontre de luy la sentence par toute la Chrestienté: lequel Empereur enuoya Ambassadeurs, & fait alliance avec le Souldā de Babylonne: lesquelles furent moult suspectes au Pape & à toute la Chrestienté: mais tantost apres ledit Souldan trespassa, & furent trefues octroyées aux Chrestiens, par ce qu'il ne auoit que deux ieunes enfans. En ladicte année mil deux cens † vingt neuf, mourut Iehan ne, Comte de Flandres & de Henault, & luy succeda sa sœur Marguerite, femme de Bouchart, Seigneur d'Auennes. † Semblablement mourut Philippe Comte de Boulongne, filz de Philippe le Conquerant, & oncle du Roy saint Loys, & fut enterré à saint Denis.

† Autres di
sent vingt
huyet.

† Autres
l'an. 1233.

Comment ceulx de l'vniuersité voulurent abandonner Paris: & du blasō des armes de France.

L'an mil.cc
xxx.



N l'année mil deux cens trente fut vne grande discorde entre les Bourgeois de Paris & les escoliers de l'Vniuersité, qui disoyent qu'ilz n'auoyent pas eu souffisante reparation & amende d'aucuns excès, qui leur auoyent esté faitz: & tellement qu'ilz vindrent de uerbis ad uerba, & y eut plusieurs de ceulx de l'Vniuersité tuez. A l'occasion dequoy ilz delibererent eulx en aller, abandonner, & du

Le Roy de
Angleterre
sefforca de
arriver à luy
l'vniuersité
de Paris.

tout abolir l'Vniuersité de Paris: & cesserent les lectures par long temps, & s'en departirent plusieurs. Le Roy d'Angleterre en sceut la nouuelle, qui leur manda que filz vouloyent aller vers luy, il leur bailleroit ville, & leur donneroient lieux & maisons pour demourer, & grands priuileges, telz qu'ilz voudroyent demander. Mais le bon Roy (qui ne vouloit point perdre la fontaine de clergie & le thresor de sapiēce, affin q de Dieu ne luy fut dict: Pource que tu as repellé & debouté science, ie te repelleray) les pacifia tellement qu'ilz demourerent, & ceulx qui s'en estoient departis retournerēt. Iadis en l'ancien tēps le clergé demoura à Athenes, & la Cheualerie en Grece: mais ilz s'en departirent, & allerent à Romme, & tant qu'il y furēt les Rommains florirent & prospererent. Apres ilz se departirent de Rōme, & par le moyen de Charlemagne vindrent en France, ou estoit la fleur de la foy Chrestienne. Et ce est figuré es fleurs de lys, qui sont les armes des Roys de France, lesquelles leur furent transmises miraculeusement du ciel. Car en vne fleur de lys y a trois pampes, ou fleurons: dont le grand meil lieu signifie la foy Chrestienne: & les deux autres, qui sont plus bas aux deux costez, signifient le Clergé & Cheualerie, qui doyēt estre tousiours prestz à garder la Foy: & ainsi, si l'Vniuersité eust esté ostée de France, les armes des fleurs de lys eussent esté imparfaites.

Blasō des
fleurs deliz

De l'eglise

De l'eglise saint Denis en France, qui fut de nouvel reedifiée.

EN l'an mil deux cens trente & vn Eude, lors Abbé de S. Denis en France, pour le ^{L'an mil} ^{cc. xxxi.} grād zeile qu'il auoit aux saintz martyrs saint Denis, saint Rustic, & saint Eleuthere, fut moult àngoisieux comment il pourroit decorer l'edifice de ladicte eglise saint Denis: les voultres & murailles de laquelle estoient moult pourries & gastes, pource qu'elle n'auoit pas esté amendée depuis que le Roy Dagobert l'auoit premièrement fait faire & edifier, & n'y auoyent ses predecesseurs osé, ou voulu toucher, à cause du mystere de la dedication de ladicte eglise, qu'on disoit auoir esté faite par Iesus Christ. Ledit Abbé s'en conseilla audit Roy saint Loys, qui en escripuit au Pape: lequel considerant que toutes choses qui sont soubz le ciel sont corruptibles, & ne peuvent tousiours demourer en vn estat, consentit & commanda que ladicte eglise fust refaite, en maniere que le seruice diuin y peust estre honnorablement fait, à la gloire & louenge de Dieu & des saintz martyrs: & la feit ledit Abbé refaire & edifier de l'ouurage & edifice dont elle est à present. En l'année mil deux cens trēte & trois, s'ourdīt vne discētion entre les grands Bourgeois d'une part, & les menuz populaires, ou plebeiques de la ville de Beauuais, d'autre: au moyen de laquelle y eut plusieurs des grands tuez. La chose venue à la congnoissance du Roy, qui est superieur par sa iustice, feit par preuention prendre & emprisonner plusieurs desdictz plebeiques: à cause de quoy Mil, Euesque & Comte de ladicte cité de Beauuais, qui preredoit la reparation de uoir estre faite par sa iustice, & nō par autre, meit l'interdict en ladicte ville: & pour ceste matiere ledit Euesque se meit à chemin pour aller à Romme, & mourut en chemin. En son lieu fut fait Euesque vn nōmé Geofroy, qui persista en ladicte cause & matiere: mais il ne prospera point de sa personne, & mourut tantost apres: & au lieu de luy fut fait Euesque vn nommé Robert, qui fut ledit different feit appointement au Roy, & osta ledit interdict.

Du mariage saint Loys avec madame Marguerite, fille du Comte de Prouence.

L'An mil deux cēs trēte & quatre fut le Roy cōseillé de soy marier. Si enuoya les ^{L'an mil} ^{cc. xxxiiii.} messagers l'Archeuesque de Sens, & messire Jehā de Nelle, deuers le Comte de Prouence, demander madame Marguerite, sa fille. Le Comte fut moult ioyeux, & la luy enuoya: & quand elle fut venue le Roy l'espousa, & la feit couronner Roïne en l'eglise nostre Dame de Paris, par ledit Archeuesque de Sens. Ledit saint Loys eut de ladicte Marguerite plusieurs enfans: c'est à sçauoir Loys, qui mourut ieune: Philippe, qui fut Roy: Jehā, surnommé Tristan, Comte de Neuers: Pierre, Comte d'Alençon: Robert, Comte de Clermont, dont sont descēdūz ceulx de la noble maison de Bourbon. Iceluy Robert eut deux filz: l'un nommé Loys, qui fut le premier Duc de Bourbon, l'autre nommé Jaques, & fut Comte de Charoloys. Ledit Duc Loys eut vn filz, nommé Pierre, qui fut Duc. Iceluy Pierre eut vn filz, nommé Loys le second, qui fut Duc, & vne fille, nommée Jehanne, qui fut Roïne de Frāce, femme de Charles le quint. Ledit second Loys eut vn filz, nommé Jehā, Duc de Bourbon, qui fut prins à la bataille d'Agincourt, & mourut en Angleterre. Ledit Jehā eut vn filz, nommé Charles, qui fut Duc apres luy, qui mourut sans hoirs, & luy succēda Pierre, son frere, qui eut à femme madame Anne, fille du Roy Loys de France, vnziesme de ce nom: & si eut Charles, qui fut Cardinal Archeuesque de Lyon, & Jehā, Euesque du Liege. Iceluy Roy saint Loys eut aussi plusieurs filles, c'est à sçauoir Blanche, qui fut femme de Ferrād, aîné filz du Roy d'Espaigne: Ysabeau, femme de Thibault, Roy de Nauarre, Comte de Champaigne & de Brie: Marguerite, Duchesse de Braban, & Agnes, femme de Robert, Comte de Bourgongne. En celle année mourut le Roy de Nauarre, & luy succēda au royaume Thibault, Comte Palatin de Champaigne & Brie, qui estoit son nepueu de par sa sœur: lequel tātost apres (ie ne sçay quel esprit le menoit, sinon par son arrogance) s'ellēua contre le Roy, & luy courut sus. Le Roy incontinent mādā le Comte de Poitiers, son frere, & Robert d'Artois, & assembla son ost, & alla contre luy. Quand ledit Comte de Chāpaigne, Roy de Nauarre, sceut la puissance q̄ le Roy menoit contre luy il fut moult esbahy, si pensa q̄ ce n'est pas chose layde n'a despriser de muer par raison le mauuais conseil, & enuoya deuers le Roy luy requerir & demander grace: & affin qu'il la luy voulsist octroyer, il luy donna & trāsporta deux villes, c'est à sçauoir Bray sur Seine, & Monstreau faultyonne. La Roïne Blanche, qui la estoit, dist & remonstra audit Comte Thibault l'offence qu'il auoit faite enuers luy, & q̄ c'estoit mal recongnu la bonté du Roy son filz, qui l'estoit venu secourir en personne, lors que les Barons luy auoyent couru sus.

^{s. Loys eut plusieurs enfans.}

^{Mauuais conseil, qui est mūt par rai sō, n'est pas à despriser.}

*Comment aucuns Arfacides vindrent en France pour tuer
le Roy saint Loys.*

L'an mil
cc. xxvi.
† als le
Vieil-
lard.



EN l'année mil deux cens trente six, le Roy des Arfacides, nommé le † Vau des Montaignes, qui habitoit es prouinces d'Antioche & Damas, qui estoit Payen d'oultre mer, enuoya en France aucuns de ses Arfacides (qui sont gens nourris & introduitz pour tuer ceulx que leur Roy leur commande) ayans charge de tuer le Roy saint Loys: & leur commanda leur Roy ainsi le faire, & vindrent en France: mais tantost apres nostre Seigneur mua le courage dudit Roy des Arfacides, & en enuoya d'autres apres eulx: ausquelz il chargea venir dire au Roy saint Loys, qu'il se donast garde de ses premiers messages, qui le deuoient tuer. Quand le Roy le sceut il se tint sus ses gardes: puis apres, par le moyen des derniers messages, les premiers furent trouuez, dont le Roy fut bien ioyeux: & ausdictz messagers, tant premiers que derniers, feit de grands dons & presens: puis les enuoya vers leur Seigneur, auquel il escripuit lettres d'amitié, & luy enuoya plusieurs beaux & grands dons, & choses precieuses. En celle année Yolant, fille de Pierre Mauclerc, Comte de Bretagne, fut mariée à Hugues, filz du Comte de la Marche, & luy fut donnée toute la Comté de Ponthieure, exceptée la seigneurie de Iugon.

D'un voyage que feirent aucuns Princes de France oultre mer.

L'an mil
deux cens
trente sept.



AN mil deux cens trente & sept le Pape enuoya plusieurs freres Prescheurs & Mineurs en France, pour prescher & publier le voyage d'oultre mer: par l'admonnestement desquelz se croyserent plusieurs Seigneurs & Barons: & entre autres le Duc de Bourgogne, Henry Comte de Bar, Pierre Mauclerc, Comte de Bretagne, le Comte de Neuers, Amaulry, Comte de Montfort, Iehan, Comte de Mascon, & plusieurs autres: & pour les guider & conduyre esleurent sur eulx Thibault, Comte de Champaigne, nouveau Roy de Nauarre. Quad ilz furent oultre mer, ledit Pierre Mauclerc, Comte de Bretagne, avec sa bende, print & pilla vne terre sur les Sarrazins: & pource qu'il luy en estoit bien prins, Amaulry, Comte de Montfort, Henry, Comte de Bar, & autres Cheualiers voulurent faire comme luy, & coururent vers Iaphe, & vers Gazan: mais les Turcz en furent aduertis, & meirent leurs embusches, & furent les Chrestiens de celle bende presque tous tuez: & furent lesdictz Comte de Bar & de Montfort prins prisonniers, & depuis furent deliurez par rançon, reserué le Comte de Bar, duquel on ne peut scauoir qu'il estoit deuenue: & en eulx retournant mourut à Romme ledit Comte de Montfort, & fut enterré en l'eglise saint Pierre honorablement. En l'an mil deux cens trente & huyt, ledit Roy saint Loys, estant à Compiegne, feit Robert, son frere, nouveau Cheualier, & luy donna la Comté d'Artois, & ses appartenances: & le maria avec madame Mahault, fille du Duc de Braban. Ainsi que le Roy faisoit la solennité & feste des nopces de sondit frere, ou estoient grand' partie des Barons de France, Federic Empereur de Romme (que le Pape auoit excommunié, pour la faulte qu'il auoit faicte au voyage d'oultre mer, & auoit fait alliace au Souldan) manda au Roy qu'il auroit voluntiers à luy parler: & luy pria qu'il allast à luy iusques en la ville de Vaucouleur, & qu'il sy trouueroit.

Mil deux
cens trente
& huyt.

De la trahy
son que ma
china l'Em
pereur Fede
ric contre le
Roy saint
Loys.
† Autres di
sent 1239.
Or le disoit
filz de simo
Capitaine
contre les
Albigois.

Après la feste paracheuée le Roy donna congé à ses Barons, & se mit à chemin, & mena avec luy aucun nombre des Princes & Barons, & autres en grand' honnesteté, tellement qu'en sa compaignie estoient bien deux mil hommes d'armes, & grand nombre de gens pied. Quand l'Empereur, qui auoit machiné contre luy de trahyson, sceut que le Roy amenoit avec luy si grande compaignie, il luy contremanda qu'il ne pourroit venir ne cheuaucher à Vaucouleur, au iour qu'il luy auoit mandé, par ce qu'il estoit malade: & ce feit il, par ce qu'il cuidoit que le Roy deust aller deuers luy audit lieu à petite compaignie, & auoit delibéré de le prendre prisonnier & emmener. En celle année mourut, apres son retour d'oultre mer, Pierre Mauclerc, Comte de Bretagne, & homme lige & subiect du Roy, qui auoit esté Comte trente & quatre ans: & laissa Iehan, son filz, nommé le Comte Roux, son successeur audit Comté, & vn fille, nommée Yolant. † En celle mesme année messire Simon de Montfort (qui filz estoit d'Amaulry, Comte de Montfort, qui estoit mort à Romme, au retour du voyage d'oultre mer) pour la crainte de la Royne, mere de saint Loys, qui l'auoit prins en hayne, s'en fuyt en Angleterre deuers le Roy Henry, qui le recut honorablement, & luy donna sa soeur en mariage.

Comment

*Comment le Roy saint Loys fait edifier la sainte Chapelle du Palais, à Paris,
& apporta la sainte Couronne d'espines de Iesus Christ.*



EN l'an mil deux cens trente & neuf le bon Roy saint Loys, voyāt ^{L'an mil.ccc. trente neuf.} q par la grace de Dieu il auoit ia tenu depuis quatre ans son royaume moult paisiblement, & sans inquietation, ne mettant pas en oubly n'en nonchaloir les graces & benefices que nostre Seigneur luy auoit faictes, en reconnoissance d'iceulx fait bastir & edifier la sainte Chapelle en son Palais royal à Paris, de moult bel, subtil, & magnifique ouurage, ainsi qu'on peult veoir à l'oeil, & moult la decora & enrichit depuis. Or auoit il tant requis, demandé, & pourchacé, de si grand' affection enuers Iehan de Hierusalem, depuis Empereur

La sainte Chapelle du Palais à Paris fut bastie par le Roy S. Loys.

de Constantinoble, qui au viuant du feu Roy, pere de saint Loys, estoit venu en ce royaume demander ayde contre les Sarrazins, qui luy auoit oütroyé le chapeau de la sainte Couronne d'espines, dont nostre seigneur Iesus Christ voulut estre couronné en sa passion, pour la reparation de l'humain lignage. Parquoy apres ledict oütroi, estant ledict Iehan, depuis Empereur, party de France pour aller en voyage à saint Iaques en Galice, qu'il auoit entrepris, comme ^{La couronne desespines de nostre seigneur, enuoyée au roy S. Loys.} dessus a esté dict, & s'en retournant en son pays, le Roy enuoya solennelz messagiers en Constantinoble avec luy: & quand ilz furent la venuz, ledict Empereur leur bailla & liura ladicte Couronne en grand' reuerence & honnorablement: & quand ledict Roy sceut qu'elle estoit dedans son royaume, il alla au deuant iusques en la cité de Sens, & en grand' deuotion, honneur & reuerence la fait apporter iusques au boys de Vincēnes, & s'en vint à Paris, & le t vendredy apres l'Ascension nostre Seigneur, audiēt an mil deux cens trente neuf, ledict Roy & ses freres l'apporterent en l'eglise nostre Dame de Paris. Semblablement allerent au deuant tous les colleges & processions des eglises de Paris, & celle de saint Denis & des enuiron, portās tous les assistens chacun vn cierge de cire en leur main, & moult beaux reliquaires, richement habillez de chappes de drap d'or & de soye: & estoient le Roy & ses freres tous nudz piedz & nues testes, & la plupart du peuple pareillement: & ainsi solennellement & reueremment fut apportée ladicte sainte Couronne en ladicte sainte Chapelle du Palais. ^{† Autres disent le iour d'apres l'Ascension nostre Dame.}

Comment le Roy S. Loys rachapta des mains des Venissiens la vraye Croix, l'Esponge, le fer de la Lance de nostre seigneur Iesus Christ, que l'Empereur de Constantinoble auoit engagées, & les fait apporter en ladicte sainte Chapelle.



Eu de iours apres ledict Roy saint Loys sceut que ledict Iehan de Constantinoble, qui auoit esté oppressé par plusieurs de ses aduersaires, par grād' pauureté & faulte d'argēt auoit empruté grand' somme de ducatz de ceulx de la seigneurie de Venise, ausquelz il auoit baillé en gaigne grand' partie du fust de la vraye Croix, l'Esponge à quoy Iesus Christ fut abreuué le iour de sa passion estāt en croix, & le fer de la Lance dont Longis le frappa au costé dextre. Si se pensa cōment il les pourroit auoir & recouurer, pour en aornier la sainte Chapelle à Paris: & pour ceste cause il enuoya expres messagers deuers ledict Empereur de Constantinoble: lequel & Baudouyn, son gendre, consentirent que le Roy les rachaptast: & les luy donnoit, si les fait le Roy rachapter & apporter en France, en grand' deuotion & reuerence, & assemblée de processions, & les fait mettre en sa dicte sainte Chapelle du Palais, ainsi qu'il auoit fait ladicte Couronne.

Le fust de la vraye Croix nostre seigneur fut apporté en la sainte Chapelle à Paris.

Comment les heretiques d'Albigeois s'esleuerent, & le Roy y enuoya grand' armée, qui les fait reduire.



EN ce temps les heretiques de Toulouze & d'Albigeois, Chrestiens regniez, s'esleuerent de rechef contre les bons Chrestiens, qui estoient esdictz pays: & mesmement contre ceulx qui auoyent la garde de par le Roy, pour entretenir la Chrestienté, & leur feirent moult de griefz. Si le manderent au Roy, lequel y enuoya diligemment messire Iehan de Beaumont, avec plusieurs gens d'armes, qui assiegerent, & prindrent d'arrinée le chastel de Montréal, & autres: & quand lesdictz heretiques veirent la puissance de ladicte armée, ilz se meirent en la subiection du Roy & de la Chrestienté. Si pourueut ledict de Beaumont à la garde du pays, & s'en retourna deuers le Roy, qui luy fait bon recueil, & fut moult ioyeux de la victoire.

De la disputation qui fut faicte à Paris, contre les gens qui tiennent plusieurs benefices.

† als
xxxviiij.



*Cōtre ceulx
qui tiennēt
pluralité de
benefices.*

Vdiēt an mil deux cens † trente neuf fut faicte vne solēnelle disputation à Paris, contre les gensd'Eglise qui tiennent plusieurs benefices: en laquelle fut determiné par les sainctz docteurs que nul ne peult ne doit tenir deux benefices, quand il en à vn suffisant pour la sustentation de sa vie, sans peril de peché mortel. Aucuns y estoient qui furent aueuglez par auarice, qui soustenoyent le contraire: mais la diuine iustice horriblement de ce les condēna, & de ce sont plusieurs exēples escriptz en diuers lieux. Monseigneur saint Hierosme fait vne demande aux Prelatz: *verum tam uigiles reperiantur ad curam, quam alacres currunt ad cathedram?* Voulüst Dieu qu'ilz en sceussent bien desseruir & administrer vn seul: car ce leur seroit grand' louenge: mais encores ne leur suffist il pas d'auoir vn bon Euesché, ou bon benefice pour entretenir leur estat, selon leur vacation, filz n'ont encores plusieurs Abbayes & autres benefices en commande de grand reuenu, pour entretenir leurs pompes & orgueil, & se veulent couvrir d'vn sac mouillé, disans à leurs auantage qu'ilz sont dispensēz de les pouoir tenir: mais (quoy qu'ilz en dient) le peché nullement n'est excusé: & filz regardent bien en la fin de leurs dispensēs, ilz trouueront ces motz *super hoc conscientiam suam onerantem*. Le me rapporte de ce au iugement de leurs consciences: car il fauldra bien qu'ilz respondent estroitement deuant le iuste iuge, qui tout scait & congnoist, comment ilz auront administré les biens & fruietz des eglises qu'ilz ont tenues. Car (comme dit saint Hierosme, & aussi le Decret) *bona Ecclesie, bona pauperum sunt: et si quidquam preter necessaria seruasti sacrilegium commisti*. Le me rapporte à eulx de bien entendre & noter ces parolles: car il fault venir au point.

*Alexandre,
qui cōposa
le doctrinal
pour les ieunes
Grammaticiens.*

En ce mesme temps fut à Paris vn venerable docteur en Theologie, nommé Alexandre de ville Dieu, qui composa, pour l'introductiō des ieunes enfans, le liure qu'on appelle le doctrinal: qui est le droit fondemēt de l'art de Grammaire: car parauant on lisoit aux enfans vn autre liure, qu'auoit fait vn nommé Maximien, lequel ne contenoit que fallaces, menfonges, & choses de mauuais exemple. Le liure historial, que feit Vincent de Beauuais, fine au xviiij. an du regne entier de saint Loys, qui estoit l'an de l'incarnation Iesus Christ, mil deux cēs quarante & quatre.

De l'acquisition faicte par le Roy de la Comté de Mascon: & comment l'Empereur tint long temps prisonniers plusieurs des Prelatz de France.

L'an mil
cc. xxxix.



† Autres di
sent Iaquē
Euesque de
Preneste, s'as
parler de ce
Concile de
Meaulx: &
mieux.

† L'histoire
de Naples,
que nous a
uons mise
en Fran
coys, accor
dant avec
plusieurs,
dit Entio,
Roy de Sar
daigne.

V moys de Feburier l'an mil deux cens trente & neuf Iehan, Comte de Mascon, & Aelis sa femme vendirent à tousiours, eschangerent & quiterent au Roy saint Loys, & à ses enfans successeurs, la Comté de Masconnois, & ses appartenances, moyennant dix mille liures tournois en deniers qu'ilz en receurent, & mil liures tournois en reuenu à asseoir en Normandie. En l'année ensuyuant, pource que Federic, l'Empereur de Romme, fouloit & opprimoit le clergé & les terres de l'eglise de Rōme, & aussi prenoit & rançonnoit ceulx qui alloient en court de Romme, le pape Gregoire neuuiesme, pour auoir conseil & ayde sur la matiere, enuoya le Cardinal † Blanc, Legat en France, qui assembla vn Concile d'Euesques à Meaulx, & excommunia ledict Empereur, & le pria de toute la communauté de sainte Eglise. Oultre ce, pourtant que ledict Empereur ne venoit point à amendement, ledict Cardinal Blanc feit commandement de par le Pape à plusieurs des Euesques & Prelatz de France, & d'autre pays, que sur peine d'inobedience ilz allassent avec luy deuers le Pape: & pource que l'Empereur perseueroit en sa malice, & faisoit garder les passages par terre, ilz delibererent d'aller par mer: & quand ilz furent au riuage de la mer, ilz sceurent qu'on les y guettoit pareillement: parquoy aucuns des Euesques s'en retournerent, & les autres se meirent sur mer avec ledict Cardinal: mais † Mainfroy, filz dudit Empereur, les recōtra sur la mer, ou il les espioit avec plusieurs galées pres de la ville de Pise, qui tous les feit metere en diuerses prisons, & tenir estroitement. Ce pendant, ou peu apres, ledict pape Gregoire mourut, ayant deffendu moult bien l'Eglise contre ledict Federic Empereur, & tellement que par sa predication plusieurs Rōmains s'estoyēt croysēz contre ledict Empereur, qui pour ceste cause auoit esté cōtrainct soy absenter. Au lieu de Gregoire fut esleu Celestin quatrieme, ou troisieme, selon aucuns: mais il ne tint le siege que dixhuyt iours: & par sa mort vaca la Papauté vingt & sept moys: durant lequel temps lesdictz Prelatz de France demourerent prisonniers, & n'y eut personne qui en feit poursuyte. Quand ilz eurent longuement esté la detenuz prisonniers, le Roy saint Loys en eut pitié, voyant l'Eglise estre destituée d'ayde humain: parquoy il enuoya deuers l'Empereur luy prier qu'il les deliurast: mais il luy manda qu'il ne trouuoit pas par son conseil qu'il le deust faire: & les enuoya prisonniers à Naples:

à Naples : puis enuoya ses messagiers deuers le Roy, qui luy dirent de par luy, que le Roy de France ne s'esmerueille pas si Auguste tient estroitement ceulx qui vouloyent mettre Cesar en angoisse, & qui alloient à Romme pour le condamner. Le Roy r'enuoya de rechef deuers ledict Empereur, & luy rescriuit vnes lettres sonnans parolles de courage magnanime, & sentas menace: parquoy ledict Empereur, plus par craincte que par amour, deliura & r'enuoya lesdictz Prelatz, & laissa vn peu les armes: & lors fut esleu Innocent quatrieme au siege Apostolic. Durant cedit temps cheut en la cité de Cremonne, en Lombardie, grand' tempeste, & moult de grosse gresle: & entre les autres en cheut vne plus grosse que n'estoyét nulles des autres, laquelle tomba droitement en l'eglise & Abbaye de saint Gabriel: en laquelle pierre de gresle y auoit vne croix figurée, & entour d'icelle estoit en lettre d'or escript: *Iesus Nazarenus Rex Iudeorum*. Vn religieux d'icelle eglise recueillit icelle pierre de gresle, & la mit en vn hanap, & elle fondit & deuint eue, & de celle eue il l'aua les yeulx d'vn des religieux, qui estoit en ladiete Abbaye, lequel estoit aueugle, & n'auoit veu de long temps: & incontinent la veue luy fut restituée, plus clere qu'onques n'auoit eue.

Merueille
d'une pierre
de gresle
qui tomba à
Cremonne.

Comment S. Loys bailla à son frere Alphons la Comté de Poitou, & le maria à la fille du Comte de Toulouze: & comment le Comte de la Marche refusa à faire hommage audict Alphons, dont s'esmeut grand' guerre.

EN l'an mil deux cens & quarante le Roy saint Loys feit faire à Saumur vne moult belle assemblée de Barons & de Prelatz: & en icelle feit Alphons, son frere, nouveau Cheualier: & traicta le mariage de luy & de la fille de Iehan, Comte de Toulouze: & luy donna la Comté de Poitou, & les pays d'Auuergne & d'Albigois. Puis somma Hue, Comte de la Marche, qu'il feist audict Alphons, son frere, hommage de sa terre, qui estoit tenue du Comté de Poitou: mais ledict Comte de la Marche, qui se fioyt au Roy d'Angleterre, duquel il auoit la mere espousée, luy enflé du vent d'orgueil, fut refusant de ce faire: dont le Roy fut moult courroucé à l'encôtre de luy: mais pour ce qu'il n'auoit pas lors gens pour le contraindre à ce, il s'en retourna à Paris: & la eut la Roynne, sa femme, vne fille, qui fut nommée Ysabel. Quand le Roy s'en fut retourné, ledict Comte de la Marche se pensa bien qu'il luy feroit guerre: si s'en alla deuers ledict Henry Roy d'Angleterre: & luy donna à entendre que le Roy le vouloit desheriter. Et pour ceste cause assembla ledict Roy Henry d'Angleterre ses Barons, & par vn religieux, frere mineur, leur feit dire, remonstrer & prescher qu'on deuoit mieulx aller en guerre sur le Roy de France, qui ainsi mauuaiselement vouloit tollir la terre au Comte de la Marche, & le desheriter, & que ce seroit plus grand merite que d'aller sur les Sarrazins: & dist oultre que par telle maniere auoit le feu Roy Iehan d'Angleterre perdu la Duché de Normandie, & lesdictz Barons d'Angleterre leurs terres & seigneuries qu'ilz auoyent en France: si deuoyent tous eulx employer en ceste matiere, & tous y mettre peine de recouurer ladiete Duché de Normandie, & les terres que leurs predecesseurs auoyent tenues & possedées audict Duché. Tant persuada lesdictz Barons qu'ilz feirent responce qu'ilz estoient prestz de luy ayder contre le Roy de France, & que iamais ilz ne luy fauldroyent. Lors meirent sus ledict Roy Henry & les Anglois grandes nauires, & feirent grand' assemblée de gens & de viures, & vindrent & descendirent en France. Semblablement le Roy S. Loys assembla vn Parlement à Paris, ou furent les Pers de France, Barons, Prelatz, & gens des bonnes villes: ausquelz il remonstra commet le Comte de la Marche vouloit tenir terre sans seigneur, & que ladiete Comté de la Marche estoit du fief de France, tenue de la Comté de Poitou, & des le temps du feu Roy & Loys, qui conquist toute Aquitaine, iusques aux montz Pirenés, & q ce neantmoins ledict Comte de la Marche estoit refusant de faire l'hommage audict Alphons, son frere, auquel il auoit baillée la Comté de Poitou, leur demadant sur ce conseil: & ilz respondirent q le Seigneur la deuoit & pouoit assigner à son fief, puis que le vassal estoit refusant. Si feit apprestier le Roy son armée pour garder le droict de sondict frere. En l'an mil deux cens xlii. le Roy, avec grand' multitude de gens d'armes, entra en la terre dudiect Comte Hue de la Marche, & print le chastel de Montseruicil en Gascogne. Après alla deuant la tour de Berrye, & la feit desmolir & abatre. Puis alla & print le chastel de Fontenay, que tenoit Geofroy de Luzignen, qui estoit en l'ayde dudiect Comte de la Marche: deuant lequel chastel de Fontenay ledict Alphons, Comte de Poitiers, frere du Roy, fut blecé d'vn traitt aupres de la cheuille du pied: dont le Roy fut bien courroucé. Si feit si fort assaillir ledict chastel, qu'il fut prins d'affault: & fut prins dedans le filz dudiect Hue, Comte de la Marche, & quarante Cheualiers, & quatre vingtz autres combattans, tous prisonniers. Puis apres le Roy vint deuant le chastel de Meruant, qui estoit audict

† als xlii.

† Autres di
sent Iehan
fille du Comte
de Toulouze,
ermineux

Le Roy d'Angleterre
feit prescher à
ses subiectz
que c'estoit
plus grand
merite de
faire guerre
aux Francoys
que contre
les Sarrazins.

† al. Clo
uis.

† ces noms
sont un peu
autres en la
Cro. saint
Loys, &
ailleurs.

*La mere du
Roy d'Angle-
terre voulut
faire empoi-
sonner le Roy
s. Loys.*

Geofroy de Lusignē. La Comtesse de la Marche, mere du Roy d'Angleterre, voyāt la grand' puissance du Roy, & que son Seigneur n'estoit pas puissant pour y resister, s'aduisa de mal engin, & suborna par belles parolles & grādes promesses de dōs deux de ses seruiteurs, ausquelz elle bailla venin & poison, pour empoisonner le Roy. Les seruiteurs vindrēt en l'ost du Roy, & s'approcherent tant de la cuyfine de sa bouche, que les officiers les eurent pour suspectz: toutesfoiz ilz furent sages, & n'en firent pas le semblant, & dissimulerent pour veoir leurs contenancez, & tellement les espierent qu'ilz les prindrent sur le fait, ainsi qu'ilz vouloyēt mettre leurs poisons sur les viandes, que l'on vouloit servir deuant le Roy, & les trouuerent garnis. Ilz furent prins, & confesserent le cas, si furent pendus & estranglez. Quand la Comtesse sceut que sa mauuaistiē estoit descouuerte, de dueil elle se cuyda precipiter, & frapper d'un cousteau en la poitrine, qui ne luy eust ostē de la main, & ainsi fut longuement malade de despit & de desplaissance. Le Roy cheuaucha tant qu'il print la pluspart des places & chasteaux dudit Côte de la Marche: puis tira vers Xainctes, & Taillebourg, esquelz lieux estoient logez les ostz du Roy Henry d'Angleterre, & de Hue, Côte de la Marche, & fait faire un pont sur la riuere de Charante: & combien q' ledit Roy d'Angleterre eust en sa cōpaignie les Comtes de Cornouaille, de Cloestre, le Prince de Galles, & grād' plantē de Cheualiers, toutesfoiz quād il sceut la force de l'ost dudit Roy de France, qui estoit passē ladicte riuere de Charāte, il n'osa marcher vers luy pour le combatre, ains s'en retourna vers Taillebourg: parquoy les avant-coureurs & fourriers du Roy coururent apres: & lors les gens de l'ost dudit Roy d'Angleterre, & du Comte de la Marche, qui les apperceurent venir apres, retournerent sus lesdictz coureurs du Roy de France: lequel quand il le sceut, se hastā, & s'assemblerēt les deux ostz, & y eut moult aspre & cruelle bataille: toutesfoiz les François desconfirēt & meirent les Anglois en fuyte. Le Roy d'Angleterre & le Comte de la Marche se retirerent dedans Xainctes. Le Seneschal de Xainctes, qui portoit l'enseigne dudit Comte de la Marche fut tuē, & moult de grands Seigneurs & Cheualiers, & furent prins quatorze Cheualiers de leurs gens, & cinq cens autres prisonniers, sans les mors. Apres ceste victoire, le Roy fait amasser & retirer ses gens, qui estoient espanduz: & la nuyt ensuyuant, entour l'heure de minuyt, lesdictz Roy d'Angleterre & Comte de la Marche sortirent hors de la cité de Xainctes, & firent entendant aux habitans qu'ilz alloient courre sus l'ost des François: mais ilz se meirēt à chemin, & s'en allerent iusques au chastel de Blaye, sur Gironde, qui est sept lieues au dessoubz de Bordeaux. Quand ceulx de Xainctes veirent que ceulx qui les deuoient secourir & deffendre s'en estoient fuyz, ilz eurent conseil, & baillerent & liurerent la ville es mains & obeyssance du Roy de France. Le lendemain Regnault, seigneur de Pons, vint deuers le Roy, & fait hommage de sa terre audit Comte de Poitiers, frere du Roy. Ce mesme iour vint deuers le Roy l'aisné filz du Comte de la Marche, & s'agenoilla deuant luy, & luy requist paix & pardon pour son pere: laquelle paix le Roy luy accorda, par tel cōuenant que ladicte cité de Xainctes, & toute la terre que le Roy auoit prinse sur le Comte de la Marche, demoureroit en heritage au Comte de Poitiers, son frere, & que du surplus il se mettroit en la mercy du Roy. Ce que ledit filz promist faire ratifier à son pere, & demoura en ostage pour ceste cause. Le lendemain vint ledit Comte de la Marche, & amena sa femme & ses enfans, qui se ietterent à genoulx aux piedz du Roy, & luy crierent mercy. Le Roy de sa debonnaireté leur pardonna. Si conferma ledit Comte l'appoinctement que son filz auoit fait le iour precedent, & fait hommage audit Alphōs, Comte de Poitou: & le Roy retint à luy les hommages de Pons, Lusignē, & Meruant. Apres vindrēt deuers le Roy les Seigneurs de Mirabel & de Mortaigne, lesquelz & tous les autres qui estoient de la riuere de Gyronde, firent hommage audit Comte de Poitou, frere dudit Roy. Le Roy d'Angleterre, qui estoit à Blaye, s'en retira vers Bordeaux, & enuoya deuers le Roy saint Loys: lequel, apres plusieurs difficultez, de sa debonnaireté, & par le conseil de ses Barons, luy octroya trefues iusques à un an. L'an mil deux cens quarante & trois, au moys de Mars, naquit Loys, premier filz dudit saint Loys.

*L'an mil. cc.
xlii.*

*De la guerre que feit l'Empereur au pape Innocent, lequel sen vint en France, & l'excom-
munia & le priua de l'Empire: & comment saint Loys voua le voyage de Hierusalem.*



Pres que le siege de Rōme eut esté vacant & vuyde l'espace de vingt & un moys, p le trespas de Celestin, qui auoit esté esleu apres Gregoire, les Cardinaux esleurent un preud'homme, qui auoit nom Sinebald, qu'ilz sacrerent & nōmerent Innocent, le quart de ce nom. Incontinēt l'Empereur luy feit guerre, & tant le persecuta qu'il fut contrainct abandonner Romme: & en l'an mil deux cens t quarante & cinq ledit pape Innocent vint en France. Quand il fut à Lyon il manda au Roy que voluntiers

† autres 4 4

voluntiers auroit à luy parlement: mais vne griefue maladie print au Roy en la ville de Pontoise, de laquelle il fut longuement detenu, & cuyda mourir: & fut par vne longue espace de temps tellement affligé, que plusieurs cuydoient qu'il deüst rendre l'ame: parquoy il n'y peut aller. Durant icelle maladie luy vindrent nouuelles que les Sarrazins auoyent prins la cité de Hierusalem, & plusieurs autres citez & villes que les Chrestiens tenoyent en la terre d'oultre mer. Ledit Pape Innocent, qui estoit à Lyon, assembla vn Concile & print conseil à ses Cardinaulx, & excommunia & anathematiza ledit Empereur Federic, & ceulx qui tenoyent sa querelle, & le priua de la dignité Imperiale, & absolut ceulx qui tenoyent sa querelle qui le voudroyent abandonner, & ce feit il pour plusieurs causes. La premiere fut par ce que ledit Empereur, auquel les feuz Papes Innocēt & Honorius, troysiesmes du nō auoyent donné la terre de Cecille, & l'en auoyēt receu en hōmage, moyennāt qu'il deffendroit le droit de l'Eglise, ce neantmoins luy mesmes l'opprimoit & persecutoit. La seconde, par ce qu'il auoit rompu les conuenances qu'il auoit promises à l'Eglise de Romme, & auoit diffamé le Pape & ses Cardinaulx par ses lettres qu'il auoit enuoyées aux Princes de la Chrestienté. La tierce, pour ce qu'il auoit fait mourir deux Cardinaulx & plusieurs Archeuesques & Euesques en la prison: & la quatre, par ce qu'il auoit commis sacrilege, & osté les biēs & terres des Hospitaliers, Templiers, & autres gens d'Eglise: & aussi fut attainct d'estre hereſe, & mal sentant de la foy: & aucun temps apres, comme si ce fust par punition diuine, Mainfroy le filz dudit Federic, qu'il auoit fait couronner Roy des Rommains, lequel faisoit guerre en la Pouille contre la terre de l'Eglise, fut suffoqué & estainct de chaleur: & peu de temps apres mourut ledit Empereur: & apres sa mort son filz Conrad, qui estoit de la fille du Roy de Hierusalem, s'enſaisina du pays de la Pouille, & du royaume de Cecille.

L'Empereur Federic fut priuē de la dignité Imperiale.

† Combien que cecy soit ainsi au uiel exemp. (excepté qu'il ne nōme point ce filz) ie croy toutesfoys qu'il uault mieulx entendre que Mainfroy le fait estonſer, & mourir: come se peult ueoir en l'histoire de Naples qu'aucuns le disoyent ainsi.

Le Roy saint Loys, estant en la ville de Pontoise en grand' extremité de maladie, tellement qu'il ne pouoit bonnement parler, sceut la nouuelle de la prinſe de la cité de Hierusalem, & terre d'oultre mer, dōt il fut fort desplaissant: & incontinent il demanda la croix, & se voua pour aller au voyage d'oultre mer, pour ayder à la conqueste de la terre sainte, si le plaisir de Dieu estoit qu'il peust venir à conualeſcence: & si tost qu'il eut fait ledit veu, & promesse, il commença à guerir tellement qu'il reuint à bonne ſanté en brief temps. Le Pape qui sceut la volonté que le Roy auoit d'aller oultre mer en fut moult ioyeux, & constitua tantost vn Cardinal, nommé Eude de Chasteauroux, pour estre Legat & prescher en France la croysée, & le saint voyage d'oultre mer. Les Archeuesques de Sens & de Bourges se croysèrent: si feirent l'Archeuesque de Lyon, & l'Euesque d'Orleans, monſeigneur Robert de France, Comte d'Artoys, frere du Roy, Hue de Chastillon, Côte de saint Paul, Les Comtes de Bloys, de la Marche, de Védoſme, de Mōtfort, Raoul seigneur de Torcy, Archambault seigneur de Bourbon, Dreux de Merlo, & plusieurs autres Princes & grand' abondance de peuple. Tantost apres que le Roy fut guery il sceut que le Pape estoit venu iusques à Clugny: si alla deuers luy: & quand ilz furent ensemble ilz conclurent & ordonnerent de plusieurs besongnes touchāt le voyage de Hierusalem: & apres, le Roy luy demanda benediction, & le Pape la luy donna avec planiere absolution de ses pechez, moyenant qn'il iroit audict voyage d'oultre mer.

En ce temps la Royne eut vn filz, & ordonna le Roy que pour l'honneur de son ayeul, Philippe le Conquerant, il fust nommé Philippe. En l'an mil deux cens xlvj. ainsi que le Roy s'en retournoit de Clugny, de visiter le Pape, nouuelles vindrent à luy que le Roy d'Arragon estoit entré en Prouence, à grand ost, pour prendre & auoir madame Bietris, fille du Comte de Prouence, & ſœur de la Royne sa femme (laquelle Bietris estoit Comtesse de Prouence) & la vouloit donner à femme, ledit Roy d'Arragon à son filz. Si manda le Roy saint Loys audict Roy d'Arragon qu'il cessast faire guerre à sa ſœur: & celuy luy manda qu'il ne feroit pas voluntiers chose qu'il pensast qui luy desplaust: & par ce cessa la guerre, & s'en retourna en Arragon, & ladicte Bietris s'en vint en France deuers sa ſœur la Royne, & meit elle & sa terre en la garde du Roy. A la feste de Penthecouste ensuyuant, l'an mil deux cens quarante six, le Roy assembla grand nōbre de Barons, au chasteau de Melun, & feit mōseigneur Charles son frere, nouveau Cheualier, luy donnant la Comté d'Angiers: puis luy feit espouser madame Bietris, Comtesse de Prouence, ſœur de la Royne, qu'il auoit fait amener: & ainsi fut ledit Charles Côte d'Aniou, & de Prouence. En l'an mil deux cens quarante & sept, saint Esme, en son viuant de l'ordre des Chartreux & Archeuesque de Cantorbie, duquel le corps gist en l'eglise de Pontigny, fut à la poursuyte du Roy saint Loys esleué & canonizé, & inscrit au cathalogue des saintz.

L'an mil cc. xlvj.

L'an mil cc. xlvii. S. Esme de Pontigny canonizé.

*Comment saint Loys se meit à chemin pour aller oultre mer, & arriva en Cypre
ou il fut toute la saison d'yuer.*

L'an milcc.
xlviij.

superfluité
d'habillemens
fut ostée par le
Roy saint
Loys.



La mortali-
té se muer
l'ost de s.
Loys quand
il fut en l'is-
le de Cypre

An mil deux cés quarante huy& ledict saint Loys, desirant accomplir son vœu, apres ce qu'il eut fait les preparatifz, entre les festes de Pêthecouste & de saint Iehâ se meit en voye, pour aller oultre mer: & mena avec luy la Roynne sa femme, & sortit de Paris à grandes processions, qui le conuoyerent: & de la en aiant ne voulut plus vestir robes de soye, d'escarlade, de vert, ne d'autres couleurs de draps haultz, ne esperons dorez: & ordonna que les deniers de la superfluité des habillemens, qu'il souloit porter deuant, fussent par son aulmosnier departis aux pauvres. En sa compagnie estoit monseigneur Robert Comte d'Artoys, & monseigneur Charles Comte d'Aniou & de Prouence, les freres, ledict Cardinal de Romme Legat, & moult d'autres Princes & Prelatz. Monseigneur Alphons, Comte de Poitiers, son autre frere, demoura en la compagnie de la Roynne Blanche sa mere, pour le gouuernement du royaume. Le Roy & son ost passerent parmy Bourgongne, & allerent à Lyon, ou il trouuerent encores le Pape & ses Cardinaulx: lesquelz n'osoyent aller à Romme, pour la doubte de l'Empereur Federic. Le Pape leur donna benediction: puis cheuaucherent tant qu'il vindrent au port d'Aiguesmortes. La Cōtesse d'Artoys, qui auoit cōuoyé son mary Robert frere du Roy, iusques la s'en retourna, pource qu'elle estoit encinte d'enfant. Le Roy se meit en mer, & la Roynne en sa compagnie, le lendemain de saint Barthelemy, qui est au moys d'Aoust, audict an mil deux cens quarante huy&. Tant singlerent les nefz qu'ilz arriuerent en Cypre, & prindrent toute l'isle: & là, par le conseil de ses Barons, yuerna luy & sa compagnie: & pour la mutation de l'air se meit vne mortalité en l'ost des Chrestiens, dont mourut Robert Euesque de Beauuais, Iehan Comte de Montfort, le Comte de Vendosme, le Comte de Dreux, Archambault Seigneur de Bourbō, Dreux de Merlo, Guillaume Molet, & Guillaume des Barres Cheualiers, & plusieurs autres vaillans Cheualiers iusques à deux cens quarante: & fut mondiect Seigneur Charles Comte d'Angiers, frere du Roy, si malade qu'il cuyda mourir. Lon dist au Roy qu'il y auoit plusieurs Sarrazins de celle isle, qui estoient contens d'eulx faire Chrestiens: si les feit baptizer, & les deliura de seruitude. Le Roy de Cypre, qui auoit scē l'allée du Roy oultre mer, se croya avec grand multitude de Princes & populaire de son royaume, pour aller avec ledict Roy saint Loys. Le Souldan de Babylonne, qui auoit assemblé grand armée pour venir sur les Chrestiens, quand il sceut l'armée saint Loys par dela, il mua de propos, & alla faire la guerre au Souldan de Damas, à qui il auoit aucun debat.

*Comment le Roy de Tharse feit scauoir à saint Loys, qu'il festoit fait Chrestien:
& comment saint Loys arriva oultre mer, & print d'arriuee la cité de
Damiete.*

† la Cron.
s. Loys dit
Tartarie.
† a. Bā-
dach.



† La Cron.
s. Loys sem-
ble nōmer
cel lieu Lime-
son, combien
qu'elle com-
pte cecy un
peu autre-
ment.

Le Roy saint Loys estant encores en Cypre, luy vindrent messagiers de par le grand Roy de t Tharse, qui luy feit scauoir qu'il festoit fait Chrestien, & auoit grand desir de sa venue, & qu'en l'attendât il estoit deliberé de mettre le siege deuant la cité de t Baudas, ou se tiēt le Pape de la loy Mahomet, qu'ilz appellent Caliphe. Le Roy fut bien ioyeux de ceste nouuelle. Apres luy vindrent autres messagiers du Roy d'Armenie, qui auoit debat touchant ledict royaume au Roy d'Antioche, deuers lequel Roy d'Antioche le Roy enuoya messagiers, & se submeirēt lesdictz Roys d'Armenie & d'Antioche de leur q̄stion au dict & ordōnance du Roy saint Loys. Le Roy saint Loys & sa compagnie en la nouuelle saison de l'année ensuyuant entrerēt en mer, & allerent iusques en vne isle qu'on applle t Prixons: & quand ilz en voulurent partir le vent leur fut si cōtraire qu'il les rechacea iusques dont ilz estoient partis, & leur conuint la seiourner: & illec arriuerent avec eulx les Princes de la Morée & le Duc de Bourgongne, qui semblablement alloient en l'ayde de la terre sainte. Puis, quand le vent fut appaisé, ilz singlerent tant qu'ilz arriuerent au port de Damiete, à la gueulle d'un fleue qu'on appelle le Nil, qui descent de Paradis terrestre. Les Sarrazins de ce aduertis leur cuiderent empescher le port: car les nauires ne pouoyent approcher du riuage, pource que la mer estoit plate. Noz gens se meirent en l'eau & vaillamment approcherent, & tellement feirent qu'ilz prindrent terre malgré eulx: & à l'arriuee furent tuez l'Apostat de Damiete, deux Admiraulx, & plusieurs autres des Princes des Sarrazins, & grand quantité de Turcs. A celle bataille ne fut pas le Souldan de Babylonne: car il estoit affligé d'une maladie, & se tenoit à vne lieue pres de Damiete.

Les

Les nefz des Chrestiens cloyrent toute la riuere du Nil, & prindrent plusieurs galées des Sarrazins. Les autres, qui peurēt eschaper, s'en fuyrent cōtrement ladiēte riuere du Nil. Quand le Roy, & ceulx de sa compaignie eurent prins terre, ilz feirent tendre leurs pauillons deuant Damiete, & commanda le Roy que les prouisions qui estoient es galées fussent descendues à terre. Ce pendant que les François entēdoient à faire leurs logis, & descēdres leurs viures, & autres besongnes, les Sarrazins qui estoient en la cité de Damiete, diuinemēt espouentez, s'en saillirent secretement, & meirent le feu dedans. Quand les François l'apperceurent ilz feirent hastiement vn pont sur basteaulx, & passerent la riuere, & entrerent dedans la cité, qu'ilz trouuerent moult fortifiée, & bien garnie de prouisions, & de viures que les Sarrazins y auoyent laissez, & estaignirent le feu: & quand il fut estainēt le Roy commanda que la cité fust netoyée des charōgnes des hommes, des bestes, & autres ordures qui y estoient: & quād ce fut fait le Legat & le Patriarche de Hierusalem, le Roy saint Loys, le Roy de Cypre, & grand nombre de gens d'Eglise, les Princes, Barons, & grand nombre de peuple tous nudz piedz entrerent dedans à belles processions, & en grand solennité chantans louēge à Dieu.

La cité de Damiete fut prinse, & mise en la main du Roy saint Loys.

En ce temps monseigneur Alphons, Comte de Poitiers, frere du Roy, qui estoit demouré avec sa mere la Royne Blanche, pour le gouuernement du royaume de France, faisant scrupule de conscience de ce qu'il auoit prins la croix & fait le veu du voyage d'oultre mer, comme les autres, s'en partit de France, & s'en alla oultre mer avec grand compaignie de gens: & arriua à Damiete le iour de la feste des Apostres saint Simon & saint Iude: & ainsi demoura la Royne Blanche, mere de saint Loys, seule au gouuernement dudiēt royaume de France.

La mere du Roy saint Loys demoura seule au gouuernement du royaume de France.

Comment le bon Alphons Comte de Poitiers, & Charles Comte d'Angiers furent prins deuant la cité de Massere: & de la natiuité de Iehan Tristan, filz dudiēt saint Loys.

† al. Massourre.

Quand le Roy saint Loys eut auitailé & donné ordre aux faitz des viures & autres affaires de la cité de Damiete, & que ses viures furent rafreschis apres la décroissance de ladiēte riuere du Nil, qui chacun an s'espend par les terres, le xxj. iour de Nouembre mil deux cens. xlix. se meirent sus les champs pour tyrer vers la cité de Massere, ou les Sarrazins auoyent assemblé grand armée: & deuant ladiēte ville se combattirent moult fort Chrestiens & Sarrazins. Plusieurs des Sarrazins se meirēt à fuyr vers ladiēte cité de Massere: & mōseigneur Robert Cōte d'Artois, frere du Roy, qui moult estoit vaillant & hardy Cheualier, se mit à chace apres eulx, & de si pres les suyuit qu'il se mit & entra avec eulx dedans ladiēte cité de Massere, & ne sceut on qu'il deuint, car depuis on n'en ouyt parler. Il auoit laissé vn ieune filz en France, nommé Robert, qui luy succeda à ladiēte Cōte d'Artois. Les François, qui moult furent lassés de combattre & tuer Sarrazins, se rassemblerent & retirerent aux lieux ou ilz auoyent retiré leurs garnisons: & le lendemain matin tendirent leurs tentes pres de la ville, & assirent leur siege. Tantoit vindrent à l'ayde & secours de ceulx de ladiēte ville de Massere plusieurs Princes Sarrazins, & vindrēt dōner & frapper moult rudement sur le siege des Chrestiens, qui se deffendirent vaillammēt, & tellemēt que les Sarrazins furent contrainētz de reculer & en tuerēt plusieurs. Ne demoura pas longuement que le ieune Souldan de Babylōne, nommé Meleth, qui estoit allé es parties d'Orient, par ce que son pere estoit mort nouuellement, vint à Massere, dont ceulx de la ville furent moult enforcez.

L'an mil cc. xlix.

Robert Cōte d'Artois perdu.

Durant lediēt siege de Massere aduint vne merueilleuse pestilence & mortalité, qui se mit en l'ost des François Chrestiens, & leur faillirēt tous viures, tāt pour les gēs q̄ pour les cheualx: car les Sarrazins prindrent leurs galées qui leurs en apportoyent de Damiete, par ladiēte riuere du Nil, & leur estouperent & cloyrent le passage, tellement qu'il mourut plusieurs Chrestiens de famine: & furēt contrainētz les Chrestiens de leuer leur siege, pour eulx en retourner. Quand les Sarrazins l'apperceurēt, ilz saillirent sur eulx, & tellement les suyurent & presserent que les Chrestiens furent desconfitz, par ce qu'ilz estoient tous malades & affamez de faim, tellement qu'ilz ne se pouoyent deffendre, ne soustenir leurs espées & harnoys: & en ceste desconfiture furent prins le Roy saint Loys & ses deux freres, Alphons Comte de Poitiers, & Charles Comte d'Angiers, & presque tous les autres Princes & gēs de guerre mors ou prins, si qu'il en eschapa peu: toutesfois le Cardinal Legat eschapa, & s'en vint à Damiete. Les Sarrazins occirent tous les Chrestiens qu'ilz trouuerent malades, & plusieurs en demembrerent inhumainemēt,

De la prise du Roy saint Loys, & de ses deux freres

Natiuité de
Iehan Tri-
stan, filz de
S. Loys.

& prindrent toutes les galées qui estoient en la riuere du Nil. Incontinent apres ceste descō-
fiture faicte sur les Chrestiens, la Roynie, femme de saint Loys, qui estoit en la cité de Damie-
te, acoucha d'un filz: lequel tost apres sa natiuité fut desrobé en son bers, par vn Sarrazin esclā-
ue, mais il fut recouuert: & le feit la Roynie baptiser & nommer Iehan, & surnommer Tristā,
pour raison de la tristesse, qu'elle auoit eue à l'heure qu'elle enfanta, de la prinse de son mary,
& de malle aduenture des Chrestiens: lequel Iehan Tristan fut apres Comte de Neuers, com-
me sera dict apres.

Comment saint Loys & ses gens furent mis à rançon.

saint Loys
pour sa ran-
con paya
huyt mil
besans d'or
Sarrazinois

Durant le temps que le Roy estoit es mains de Meleth Souldan, il fut tresgriefue-
ment malade: mais ledict Souldan le feit tresbien penser par ses medecins: & a-
pres qu'il fut guery le feit requerir, cōme par menasses, de faire appoinctement:
aquoy ledict Roy saint Loys se condescendit, & fut fait appoinctement: par
lequel ledict saint Loys, ses deux freres, & tous les Chrestiens qui estoient pri-
sonniers oultre mer, seroyent deliurez, moyennant huyt mil besans d'or Sarrazinois, & que
ladiete cité de Damiete seroit rendue es mains dudit Souldan. Ledit appoinctement con-
clud, deux des Admiraulx dudit Souldan, ainsi qu'il s'en vouloit aller disner, vindrent à luy,
& en la presence de ses autres Admiraulx le tuerent: & apres vindrent iceulx Admiraulx en
la tête du Roy saint Loys, & faignirent de le vouloir tuer s'il n'accordoit avec eulx ledict ap-
poinctement, & le iurerēt d'une part & d'autre. Lesdictz Sarrazins vouloyēt que ledict saint
Loys mist es lettres qu'il renieroit Iesus Christ, au cas qu'il y eust faulte en sa promesse: & au-
si de leur part ilz renieroyent le Prophete Mahomet: mais pour riens le Roy ne le voulut
faire: & furent prinsez & accordées trefues, entre Chrestiens & Sarrazins, iusques à deux ans:
& lors ledict saint Loys alla en la cité d'Accō, qu'il feit fortifier & aitailler, & plusieurs pla-
ces qui estoient à l'environ: lesquelles les Chrestiens apres tindrent bien l'espace de cinq ans
ou environ: & enuoya ses deux freres, Alphons & Charles, en France, pour consoler la Roy-
ne Blanche sa mere, & pour faire finance de sa rançon. Ledit Roy saint Loys, estant prison-
nier, fut prié par le Souldan de faire vn sien mignon & seruiteur Sarrazin Cheualier: auquel
respondit saint Loys, que pour mourir il n'anoblirait Sarrazin de ceinture de Cheualier, au
nom de Chrestien. En l'année t ensuyuant le Pape Innocent ordonna que les Cardinaulx
portassent rouges chapeaulx, quād ilz cheuaucheroient, affin qu'ilz fussent recongnuz des
autres: & pour mōstrer qu'en la deffence & persecution de la foy & de iustice, l'Eglise de Rō-
me est le chef, & que deuant tous autres doyuent presenter leur teste à copper, pour soustenir
la foy, s'il en estoit necessité.

† d'Arre.

† Autres
1225.
Institution
des rouges
chapeaulx
des Cardinaulx.

*De maistre Vngarie qui donnoit à entendre que Dieu & nostre Dame festoyent
apparuZ à luy, pour la deliurance du Roy saint Loys & de la terre sainte: & de
la mort de la Roynie Blanche, mere de saint Loys.*

De l'assem-
blée des pa-
stoureaux
qui furent
en Berry.

En ce temps aduint qu'en France vn capitaine de larrons, qui se faisoit appeler
maistre Vngarie, s'esleua, & disoit que Dieu & nostre Dame festoyent apparuz
à luy, & luy auoyent commandé qu'il preschast que chacun se croyast pour aller
oultre mer ayder à conquister la terre sainte, & deliurer le Roy de France: & as-
sembla grand nombre de simples & menus gens pastoureaux, ausquelz il don-
noit à entendre que Dieu les auoit esleuz pour deliurer la terre sainte, & le Roy de Frāce: &
faisoit porter les banieres painctes selon la vision qu'il disoit auoir veue, & tousiours en allant
par pays croissoient ceulx de sa compaignie, qui estoient en si grād nombre, que les iustices
des lieux n'osoyēt mettre la main sur aucuns mauuais paillars qui estoient en la compaignie,
qui faisoient plusieurs maulx & larrecins. La bonne dame la Roynie Blanche, qui en l'absē-
ce de son filz estoit demourée seule au gouuernement du royaume, en fut deceue & abusée, &
les laissa passer par Paris, par ce qu'ilz donnoient à entendre qu'ilz alloient pour la deliuran-
ce du Roy son filz. Quand ledict Vngarie & sa compaignie furent passez par Paris, ou estoit
la Roynie, & la fontaine de sapience, ou on ne leur auoit rien contredit, ilz cuyderent qu'on
ne leur deust plus contrarier en France, & allerent iusques à Orleans, ou ilz prindrent guerre
& debat aux clercs & habitans, & s'entrebatirent, & en y eut plusieurs tuez d'une part & d'au-
tre: & de la tyrerent à Bourges, & en chemin feirent des maulx innumerables, & roboyēt &
pilloyēt les sinagogues des Iuifz, pilloyent leurs maisons, & brusloyēt leurs liures, & autres
grands maulx faisoient, tant aux Chrestiens qu'aux Iuifz indifferemment. Ce voyāt ceulx
de Bourges,

de Bourges, que c'estoit vn cuidet abuz, quand ilz furent partis hors de la ville, ceulx de Bourges se meirent sus en armes, & s'en allerent apres pour les prendre: & pource qu'ilz se meirent en deffence, ceulx de Bourges tuerent ledict Vngarie, maistre cōducteur desdictz pastoureaulx, & plusieurs de ses compaignons, & les autres s'esuanouirent comme fumée, & se disperferent, & s'enfuirent les vns deça, les autres de là: & apres en y eut grand' quāité qui, pour les maulx & larrecins qu'ilz faisoient, furent penduz & estranglez.

En l'an mil deux cens lxxij. apres que ledict Alphons & Charles, freres de saint Loys, venans d'oultre mer, furent arriuez en France douers leur mere la Roïne Blanche, la bonne dame trespassa, & fut enterree en l'Abbaye de Maubuisson, pres Pontoise, qu'elle auoit fondée, & en icelle mis nonnains, de l'ordre de Citeaux: & semblablement auoit fondé l'Abbaye du Liz, pres Melun, du vouloir & consentement de saint Loys son filz. Apres la mort desdictz Alphons & Charles prirent le gouvernement du royaume, pour l'absence dudit saint Loys (car ses deux enfans, qui auoyent nom, l'un Loys, & l'autre Philippe) n'estoyent pas encorés en aage qu'ilz peussent ne sceussent mettre les mains à fortes choses. En celle année fut canonizé saint Pierre le Martyr, de l'ordre de freres Prescheurs: lequel l'année precedēte auoit esté martyrizé par aucuns heretiques, au territoire de Millan.

† Autres
52. & 53.
De la mort
de la Roïne
Blanche
mere de s.
Loys.

Des enfans de la Comtesse de Flandres, qui se leuerent contre leur mere: laquelle appela monseigneur Charles, Comte d'Aniou, à son ayde, & luy donna la Comté de Henault.



An mil. cc. liij. Marguerite, lors Comtesse de Flandres & de Henault, qui auoit eu deux maris, desquelz le premier fut messire Bouchard, Seigneur d'Auēnes, duquel elle eut deux filz, Iehan & Baudouyn, & vne fille, fut par ces deux filz pressée de guerre par ce qu'elle les vouloit desheriter: & à son ayde furent deux autres ses filz de son second mary, nommé Guillaume Seigneur de Dampierre, frere de Archambault Seigneur de Bourbon, dont l'un se nommoit Guy. Apres que lesdictz Iehan & Baudouyn se furent esleuez contre leur mere, ainsi que ledict Guy & son frere, & autres Seigneurs leurs parés, cheuauchoyent indiscrettemēt p les pays de Henault, Vvillequin ou Guillaume de Hollāde, frere du feu Côte d'Auēnes, lequel estoit venu en l'ayde desdictz Iehan & Baudouyn, print prisonniers lesdictz Guy & son frere, & plusieurs autres: & disoit icelle Comtesse que ledict Iehan & Baudouyn ses enfans estoient bastardz, par ce que ledict feu seigneur d'Auēnes, lors qu'il l'espousa estoit promeu es ordres de prestise, & estoit ia soubzdiacre, & l'auoit espousée par force, par ce qu'elle estoit ieune, & luy auoit esté baillée en sa garde: & en hayne desdictz Iehan & Baudouyn, icelle Comtesse appela en son ayde monseigneur Charles, Comte d'Angiers, frere dudit Roy S. Loys: auquel elle donna & trāsporta ladicte Comté de Henault, qui luy appartenoit de sō heritage. Si assembla ledict Charles si grād ost qu'on l'estimoit à cinquante mil hommes, & alla en Henault, & print & meit garnison au chastel de Valenciennes, malgré ceulx de la ville: & laissa Hugues de Baucay, vn vaillant Cheualier, pour conduyre son armée apres son retour. Puis print ledict de Baucay la ville de Mons, & plusieurs autres villes & places en Henault. Ledit Vvillequin, ou Guillaume de Hollande, Roy des Rommains, qui estoit frere dudit feu Bouchard, Seigneur d'Auēnes, & plusieurs Seigneurs & Nobles des pays de Brabant & d'Allemagne, qui estoient parés dudit d'Auēnes, vindrent vers Valenciennes. Ceulx de la ville cuyderent surprendre le chastel, pour le bailler audict Iehan, mais ilz ne peurent. Quand ledict Hugues de Baucay sceut l'entreprinse, il se doubta de ceulx de Valenciennes. Le Comte de Vendosme & plusieurs gens d'armes vindrent & meirent le siege deuant la ville: mais quand ceulx de dedans veirent leurs banieres desployées, ilz firent signe audict Vvillequin, qui estoit illec pres, oultre la riniere de Lef eau, & le meirent dedans la ville: lequel Vvillequin, voyant qu'il ne pouoit pas longuement porter le faix de la guerre, & qu'ilz n'auoyent comme point de viures, demanda la bataille aux gens dudit Charles, Comte d'Aniou: mais par le moyē d'aucuns Seigneurs, qui estoient parés dudit Iehan de Flandres, furent faictes trefues: & certain temps apres fut fait appoinctemēt, par lequel lesdictz deux enfans & autres prisonniers furent deliurez: & ledict Charles, Comte d'Aniou, moyennant grande finance qu'il en receut, quitta le droit qu'il pretendoit à ladicte ville de Valenciennes, & Comté de Henault, au profit des enfans de ladicte Comtesse. Tantost apres, ceulx de Marseille, qui tousiours ont esté de la seigneurie de Prouence, se leuerent contre ledict Charles, Comte d'Aniou, qui estoit Comte de Prouence, à cause de sa femme: lequel s'en alla à l'encontre d'eulx avec grand' armée, & les subinga & chastia leur orgueil par deux fois bien rigoureusement.

La Comté
de Henault
fut donnée
à Charles,
Côte d'An
giers, frere
du Roy S.
Loys.

La ville de
de Marseil-
le subiecta
la Côte de
Prouence.

Du retour de saint Loys en France.



Le Roy saint Loys, qui estoit encores oultre mer, faisoit diligence de recouurer & serrer tous les prisonniers, qui estoient es villes de par dela, qu'on luy deuoit deliurer par appointement: & enuoya ledict Roy par toutes les villes d'Egypte, pour r'auoir ledictz prisonniers: mais les Sarrazins du pays, qui en auoyent bien douze mil, n'en rendirent qu'environ trois mil: & les autres, qui ne voulurent renier la loy de Iesus Christ, & croire en Mahomet, tuerent & martyriserent cruellement & inhumainement. Quand le Roy eut fait la diligence qu'il peult d'amasser les prisonniers, il alla en pelerinage par la cite de Nazareth, ou nostre Seigneur fut nourry, & arriva le iour nostre Dame en Mars. Quand il eut fait ses oraisons, il s'en retourna par l'aphe: & la luy vindrent mes- sagers de France, qui luy dirent que la Roynne Blanche sa mere estoit morte, & q'les Anglois s'esforceoyent d'enuahir & greuer le royaume: si fut cōseillé de s'en retourner en France: & laissa pour la garde & deffence, le Cardinal de Rome Legat, & vn vaillant Cheualier, nommé messire Geoffroy de Sargines, qui sy porta vaillamment & loyaument. Lors se mit le Roy sur mer & tanterra qu'il vint en France. Tantost apres Meleth Elimahen, Souldan de Babylone, apres ce qu'il eut regné cinq ans, fut par sa femme suffoqué en vn bain: & luy succeda son filz nommé Meleth Emenfor: lequel, vn an apres, fut deiceté par vn de ses Admiraulx, nommé Sosodus ou Sefedus: lequel se feit Souldan, & fut appelé Meleth Elnahel, ou Elnacch.

De la prinse du Caliphe de Baudas.

† Autres
Hyalon &
Haaron.



L'an mil.
cc.lv.

Banquiers
furent ban-
niz de Fran-
ce.

Nice mesme temps † Haalō, Princes des Tartarins, qui s'estoit fait Chrestien, print la cite de Baudas sur les Sarrazins, en laquelle estoit le Caliphe, qui est equipolé Pape en leur loy: & pour ce q' ledict Caliphe estoit moult auaritieux, ledict Haaron le feit mourir de faim, & luy faisoit seruir deuant luy grands vaisseaux plains d'or, & luy disoit: Tien mange: voicy la chose du monde que plus tu as aymée, prens & t'en saoullé, sans luy faire donner & administrer autres viande, tellement que si longuement luy tint ces termes, qu'il mourut en malle famine. En l'année mil. cc. lv. ceulx de la cite de Turin en Piedmont, qui est aux confins de Sauoye & de Lombardie, par le conseil & ayde de ceulx de la cite d'Ast, prindrent prisonnier Thomas, le Comte de Sauoye, qui estoit leur seigneur. Le Pape les feit admonnester de le mettre à deliurance: mais ilz n'en voulurent riens faire: parquoy il les excommunia, & donna tous les biens que ceulx de Turin auoyent en France, au Roy saint Loys, pour ayder à payer sa rançon (car ledictz de Turin ont esté tousiours grands banquiers & vsuriers, & pour lors auoyent plusieurs banques de richesses en ce royaume, qu'ilz auoyent vsurpées par vsures & mauuais moyēs, des François) & bannist ledict saint Loys ledictz banquiers de son royaume: car par eulx se faisoit grand' euacuation de finances, comme font de present: à quoy on deuroit donner prouision.

De la bonne iustice & belles ordonnances que feit saint Loys, apres son retour du voyage d'oultre mer.



Bonnes &
louables or-
donnances
du Roy s.
Loys.

Pres ce que ledict saint Loys fut retourné du voyage d'oultre mer, il se gouerna moult sagement & deuotement, & auoit moult grand zele à donner ordre au fait de la chose publique de son royaume, & principalement de la iustice, & feit plusieurs beaulx status & ordonnances: & entre autres il deffendit les iuremens & blasphemies, qui ont accoustumé estre faitz es cours des Princes, es ieux, es rater- nernes, & es bordeaulx, & autres lieux dissolus. Il deffit & feit abatre tous les bordeaulx publics. Il deffendit tous ieux, reseruez ceulx de l'arc & de l'arbalestre, & qu'on ne feist plus nuls dez, ne nulles cartes, affin qu'on ne iouast plus ausdictz ieux. Il commanda qu'on gardast & entretint les bonnes coustumes & ordonnances faictes par ses predecesseurs. Il commanda aussi que ses Baillifz, Seneschaulx, & autres officiers, feissent & administrassent bone & briefue iustice, tant aux pauures comme aux riches, aux estrangers comme aux priuez indifferem- ment, sans auoir acception de personne. Il deffendit que nulz Baillifz & Seneschaulx ne feis- sent nulles acquisitions es limites de leurs iurisdiccions, ne qu'ilz prissent ne feissent prendre nulz dons ne presens autres que de victuailles, & au dessoubz de la valeur de dix solz tour- nois: & que ledictz iuges ne feissent bailler ou donner à leurs enfans aucuns benefices eccle- siastiques, & ne meissent leurs filles en religion de leur Bailliages & Seneschaucées, & qu'ilz ne prissent aucunes procurations ne charges, ou administratiōs d'aucunes iustices particu- lieres,

lières, subalternes d'aucuns Seigneurs, Barons, Cheualiers, Abbayes, Prieurez ou Conuentz: & feit plusieurs autres beaux statuz, & ordonnances: & souuent enuoyoit Commissaires & Enquesteurs p^r lesdictz Bailliages & Seneschauces de son royaume, pour enquerir si lesdictz Baillifz, Seneschaux, ou leurs Lieutenans, faisoient aucuns abus de iustice, au contraire de ses mandemens & ordonnances: & des delinquans il faisoit faire griefue punition; quand on en trouuoit aucuns. O quelle salutaire constitution ou ordonnance, si elle estoit tousiours bien gardée: Il ordonna que la Preuosté de Paris ne fust plus vendue ne baillée à ferme, comme elle auoit esté parauant, dont s'estoyent ensuyuis plusieurs maulx & abus de iustice: & se feit enquerir d'un preud'homme, pour la luy bailler & excercer, & on luy endita & enseigna vn nommé Estienne Boyleue, qui fut moult bon iusticier, & n'y auoit parenté, lignage, ne cōperage qui gardast de faire droicte iustice. Parquoy de craincte plusieurs malfaieteurs s'en fuyrēt hors de Paris. Il feit pendre vn sien filleul, par ce que sa mere luy dist qu'il ne se pouoit tenir d'embler. Il feit aussi pendre vn sien compere qui renioit vne boiste qu'un sien hoste luy auoit baillée en garde. Le Roy Loys ouyt vne fois vn homme qui blasfema Dieu, par villain serment: incontinent il le feit prendre, & fendre les leures à vn fer chault.

De bō Preuost de Paris, nommé Boyleue, estably par le Roy saint Loys.

De trois ieunes enfans Flamens que messire Enguerrand, Seigneur de Coucy feit pendre: & de l'amende en quoy il fut condamné, dont le Roy feit edifier l'hostel Dieu de Pontoise.

Aduint vne fois qu'en l'Abbaye de saint Nicolas, pres Laon, auoit trois beaux ieunes enfans de bonne maison, qui estoient natifz de Flandres, & auoyent esté enuoyez deuers l'Abbé de ladicte Abbaye, qui estoit leur parent, pour leur faire apprendre les coustumes de France, & à parler François. Vn iour, ainsi que lesdictz enfans s'en alloient esbatant, chacun vn arc au poing, parmy les boys de l'Abbaye dudiect saint Nicolas, ilz leuerent aucune proye, & la suyirent: & d'adventure aduint qu'en la suyuant ilz entrerent au boys de messire Enguerrand, Seigneur de Coucy, & furent les enfans prins par les Forestiers dudiect Seigneur de Coucy, & amenez deuant luy: leque à ceste occasion les feit incontinent pēdre & estrangler. Le Roy le sceut, & feit appeler lediect Seigneur de Coucy, qui estoit grand Seigneur, & fort apparenté des Seigneurs qui estoient en court pres du Roy: lequel de Coucy declina, & ne vouloit respondre, disant qu'il n'estoit tenu respondre ailleurs que deuant les Pers de France: mais il fut dict par le conseil du Roy qu'il respondroit deuant luy. Le Roy auoit bien intention d'en faire griefue & rigoureuse punition; ainsi que lediect de Coucy auoit fait des ieunes enfans: mais les Barons, & les parens, feirent tant que le Roy luy eslargit misericorde: toutesfois lediect de Coucy fut condamné en l'amende de dix mille liures Parisis, & aller demourer trois ans oultre mer, pour deffendre la terre sainte contre les Sarrazins. Si y alla, & paya lesdictz dix mille liures Parisis: mais le Roy ne les voulut point embourser, n'appliquer à son profit, & ordonna qu'on en feist bastir vn hostel Dieu à Pontoise. ce qui fut fait.

Le bastiment & fondation de l'hostel de Pontoise.

D'une remission que S. Loys auoit accordée à vn malfaieteur, laquelle il reuqua: & des bonnes vertus qui estoient en luy touchant l'exercice de iustice.

QN lit dudiect saint Loys qu'un iour, ainsi qu'il estoit en son oratoire à genoulx, disant son Psaultier, cōme il auoit de bonne coustume, on luy vint demander grace pour aucun malfaieteur, qui auoit cōmis aucun grief cas: laquelle grace apres plusieurs difficultez, & argumens faitz contre ceulx qui la requeroient, lesquels mettoient peine par leur langage de palier & couvrir la griefueté du cas, il leur octroya. Quand ilz furent hors de deuant luy, il se remit à genoulx, pour paracheuer de dire son Psaultier: & ainsi qu'il ietta l'oeil sur son liure il se trouua à l'endroit de ce verset, qui dit ainsi: *Beati qui faciunt iudicium & iustitiam omni tempore.* lors il pensa à la griefueté du cas, dont il auoit octroyé la grace, & feit l'appeler ceulx qui la poursuyuoient, & leur dist que le proces du malfaieteur fust fait, & qu'il n'octroyoit pas la grace si le cas n'estoit remissible: & pour ce que ceulx, qui faisoient ladicte poursuyte, auoyent la chose affectionnée, ilz requierent au Roy importunement qu'il preferast sa misericorde à rigueur de iustice: & il respondit: Punir vn criminel n'est pas commettre crudelité, ains est excercer l'oeuvre pitoyable, & qui peult corriger les crimes, & il ne les punit, il vault autant que s'il les auoit commis. Quand les Barons & le peuple de France congurent le grand sens & la bonne iustice que faisoit le Roy saint Loys, il n'y eut plus celuy qui osast allet contre ses commandemens,

& qui ne l'aymast & craignist, *et non immerito: car luy mesmes aymoit & craignoit Dieu. Qui timet Deum, omnia zement cum: qui uero non timet Deum, omnia timere debet.* Quand le Roy sçauoit qu'il y auoit aucun qui auoit malle volunté contre luy, il ne faisoit point semblant de le congnoistre, & le dissimuloit sagement, & mettoit peine de l'attirer par amour & belles parolles. Il aymoit verité sur toutes choses. Il auoit tousiours en sa maison seruiteurs paisibles & de bonnes mœurs: car il sçauoit *quod in discipulis magister uidetur:* & par la grand' & bonne iustice qu'il faisoit faire, & pour la bonne vie qu'il menoit durant son temps, la paix a regné en France: & finalement iceluy bon Roy auoit en luy toutes les bonnes graces & vertuz qui rendent & font vn Prince digne de gloire & de louenge. Il estoit charitable aux pauvres, & chacun iour en audoit & nourrissoit grand nombre en sa maison, & souuentefois luy mesmes les seruoit & administroit viandes à la table: & mesmement chacun Samedy, secrettement en grand' humilité, il lauoit les piedz à trois ou quatre pauvres, à genoulx deuant eulx: puis les baisoit, & leur faisoit donner de l'argent & des viures: & s'il estoit malade, ou occupé en vn grand affaire, pour le bien de la chose publicque de son royaume, il faisoit faire ladicte charité par son Confesseur ou Aulmosnier. Il auoit tousiours ses Confesseurs, & toutes gens d'Eglise en grand' reuerence, & moult les honnoroit. Quand il vaquoit aucun benefice il se faisoit enquerir de personnage ydoine & suffisant à le tenir & exercer, & lors le luy donnoit: & iamais n'en donnoit à aucun qui en tint vn autre, si premierement il ne l'auoit resigné. On ne trouue pas que mondict seigneur saint Loys eust iamais cōpaignie d'autre femme, que de son espouse: & encores s'abstenoit il de coucher avec elle tous les iours de l'aduēt & de karesme: & les iours de Dimenche & festes solennelles, quand il deuoit receuoir le corps de Iesus Christ, lequel il prenoit souuēt. Et si à aucun desdictz iours qu'il s'abstenoit, pour la proximité de sa femme, & pour la fragilité humaine il eust sentu aucun esguillon & mouuement de la chair, il se leuoit de son liēt, & parmy sa chambre il cheminoit iusques à ce que lesdictz esguillons ou mouuemens luy fussent passez: & à ceste cause Dieu par sa grace luy donna belle & plantureuse lignée. Il faisoit introduire ses enfans en bōnes mœurs, & vouloit que tous les iours ilz ouyssent messe, matines, vespres, & toutes les heures du iour, & qu'ilz dissent chacun iour les heures nostre Dame & sept Pseaulmes. Il se confessoit souuent, & au plus tard tous les Vendredis. Il estoit moult charitable aux pauvres & aux Eglises, & souuentefois à plusieurs iours de ieunes il nourrissoit deux cēs pauvres, & luy mesmes les seruoit & administroit, & plusieurs autres aulmosnes faisoit faire: & enuoyoit viandes & habillemens par les hospitaux & maladeries des Ladres, & aux pauvres gentilz hommes souffreteux, qui estoient tombez en mendicité, par les fortunes de la guerre, ou autres accidens: & leur donnoit plusieurs sommes de deniers, en telle quantité & abondance qu'a peine le sçauoit on dire ne racompter: & tellement qu'il surmōta, quant à donner & faire aulmosnes, la gloire & la largesse de l'Empereur Titus, que les histoires narrent auoir esté si grand donneur, qu'il luy sembloit qu'il auoit perdu la iournée quand il n'auoit donné aucune chose.

s. Loys estoit
aux pauvres
charitable.

De la conti-
nence de s.
Loys avec sa
femme.

La largesse
et aulmo-
ne du Roy.
saint Loys.

Des belles fondations que feit saint Loys en son viuant.

Fondatiō de
plusieurs egl-
ises faites p
le Roy saint
Loys.



† Il me sem-
ble que ceste
Abbaye est
maintenant de
s. Francois.
De la fonda-
tion des xv.
vingtz aueu-
gles de Paris.

Moni dict seigneur saint Loys fonda & augmenta durant sa vie plusieurs belles eglises, monasteres, & autres lieux: mesmement il feit faire des le commencement de son regne le monastere de Royaumont, pres Beaumont sur Ayse, & assez pres de Lularche. Il feit encommener aucuns conuens de religieux Mendians, & paracheuer plusieurs qui estoient commēcez, tant à Paris qu'en diuerses citez de son royaume. La maison Dieu de Paris *cum magnis sumptibus ampliauit, et redditibus augmentauit.* Il feit & fonda les hospitaux de Pontoise, Compiègne & Vernon. Il fonda l'Abbaye de saint Matthieu, pres Rouen: l'Abbaye de l'humilité nostre Dame, dicte Longchamp, sur Seine, pres saint Clou, pour l'honneur de madame sainte Ysabeau, sa sœur, qui se rendit religieuse de l'ordre saint Dominique en ladicte Abbaye. La Royne Blanche de son vouloir & consentement feit faire les Abbayes de Maubuisson pres Pontoise, ou elle gist, & celle du Lys pres Melun. Il feit faire & fonda la maison des quinze vingtz aueugles à Paris, pour nourrir & loger trois cēs Cheualiers qu'il ramena d'oultre mer, auquelz les Sarrazins auoyēt creué les yeulx. Il fonda aussi celle des filles Dieu & des Beguines, des blancz Manteaux, sainte Croix en la Bletonnerie à Paris, & les Chartreux au lieu de Vauvert es fauxbourgs de Paris, hors la porte saint Michel: & souuēt visitoit lesdictz lieux & conuēs, & incitoit & prioit les religieux d'iceulx à prier Dieu pour luy, & pour la prosperité de son royaume.

Du signe

Du signe de la Croix que saint Loys adioignit à faire la guerison des malades des escrouelles.



Edict saint Loys fut nay à Poissy, & pour ceste cause il ayma le lieu, & le visitoit souuent. Vn iour qu'il estoit audiect Poissy, & ainsi qu'il se deuisoit avec ses familiers, il dist qu'audiect lieu il auoit receu le plus grand honneur que iamais il receut: dont plusieurs s'esmerueillèrent, & disoyent que le plus grand honneur que iamais il receut fut quand il fut fait & sacré Roy à Reims: & il se print lors à soubzrire, & dist qu'il auoit esté baptizé à Poissy, & que c'estoit le plus grand honneur qui peust aduenir à homme, que d'estre fait Chrestien. Il auoit vne façon de faire quand il escriuoit à aucuns de ses familiers, ou à aucuns autres, pour cause de deuotion, il se soubzescruiroit en ses lettres, & se nommoit Loys de Poissy. Il guerissoit voluntiers & charitablement les malades de la maladie, *que vulgèrèment s'appelle scrofula*, & qu'en François on appelle les Escrouelles, ainsi que de ce faire Dieu a donné la grace aux Roys de Frâce: toutesfois, pource que ses predecesseurs en faisant la guerison de ladicte maladie ne faisoient seulement que toucher le lieu de ladicte maladie, en disant aucunes parolles à ce propices & introduictes, iceluy saint Loys oultre l'ancienne maniere de faire de ses predecesseurs, y imprimoit par attouchement de sa main le signe de la Croix, affin que la curation qui s'en ensuyuoit fust plustost attribuée au signe de la Croix qu'à la maiesté royale. Plusieurs autres choses dignes de louenge se pourroyent dire de luy, que ie laisse pour cause de briefueté.

s. Loys fut nay à Poissy & partant il s'appelle Loys de Poissy.

De l'ordonnance que fait saint Loys, touchant les elections des benefices, & exactions qui se faisoient sur l'Eglise.



Ncores n'est pas à oublier qu'entre les autres belles ordonnances & status que fait ledict saint Loys, il en fait vne touchant la prouision des Dignitez, Abbayes, & autres benefices du royaume de France, en ensuyuant les saintz Canons, Decretz, & ordonnances faictes, tant du temps de Clouis, premier Roy Chrestien, que par l'Empereur Charlemagne ses predecesseurs: & contient ladicte ordonnance la forme qui s'ensuyt. *statuimus & ordinamus ut ecclesiarum nostri regni Prælati, Patroni, Beneficiorum Collatores ordinarii, ius suum plenarium habeant, & unicuique sua iurisdictio seruetur debite. Item ecclesie castitales, & alie regni nostri, liberas electiones, & earum effectum habeant integraliter. Item promotiones Prælaturarum, Dignitatum & aliorum quorumcunque beneficiorum & officiorum ecclesiasticorum regni nostri, secundum dispositionem, ordinationem, & determinationem iuris communis sacrorum Conciliorum & ecclesie Dei, atque antiquorum sanctorum Patrum statuta fieri volumus atque ordinamus. Item exactiones & onera grauissima pecuniarum, per curiam Romanam Ecclesie regni nostri imposita uel impositas, quibus regnum nostrum miserabiliter depauperatum existit, siue etiam imponendas aut imponenda, leuari aut colligi nullatenus volumus, nisi pro rationabili, pia, & urgentissima inuitabili necessitate, & de spontaneo expresso consensu nostro & ipsarum ecclesiarum regni nostri, &c. Vnam que ladicte ordonnance, qui est iuste, sainte, & canonique, fust bien gardée: à laquelle les iuges en France doyuent bien auoir l'oeil, & mesmemēt les gens des cours de Parlement.*

Les elections des prelatz de ce royaume doyuent estre liberales sans aucun obstacle.

Comment le Roy Henry d'Angleterre renoncea au droit qu'il pretendoit au royaume de France: & comment il fait hommage de la Duché d'Aquitaine au Roy saint Loys.



EN l'an mil deux cens & soixante Henry Roy d'Angleterre vint en France, & amena avec luy Roger Comte de Glocestre, & plusieurs des autres Princes, Barons, & Prelatz du royaume d'Angleterre: lesquelz le Roy receut & festoya moult honorablement, & les fait loger en son Palais de Paris: & fut faicte & accordée paix finale entre lesdictz deux Roys & royaume de France & d'Angleterre. Et pource que ledict Roy saint Loys faisoit aucun scrupule de conscience des Duché de Normandie & Côté d'Aniou, Touraine, le Maine & Poitou, que le Roy Philippe le Cōquerant son ayeul auoit conquises, par droit iugement des Pers de France, sur Iehan lors Roy d'Angleterre, iceluy Roy S. Loys fait bailler & deliurer audiect Roy d'Angleterre certaine grand' somme de deniers: par le moyē de laquelle iceluy Roy d'Angleterre ceda, quitta, & trāsporta audiect Roy saint Loys, & aux siens perpetuellement, tout le droit & action qu'il pouoit pretendre & auoir audiect royaume de France, & expressement y renonça de son vouloir & consentement, en la presence de Richard, Roy des Rōmans, Empereur d'Allemagne, son frere, & dudiect Duc de Glocestre, & des Seigneurs, Barons & Prelatz d'Angleterre, en grand nombre: & ce neātmoins le Roy

t als lix. La renōciaiō que fait le Roy d'Angleterre au droit qu'il pouoit pretendre au royaume de France à perpetuité

luy donna grands terres es pays de Lymosin, Agenois, Perigort, & Xainctonge, soubz cōdition q̄ luy & les siens les tiēdroient, ensemble les pays de Bordelois, Bayonne & Gascōgne, en fief & hōmage du Roy de France : & seroyēt appelez, inscriptz, & intitulez es registres de France Duc d'Aquitaine, & Per de France : lequel hommage iceluy Héry feit, & promit estre loyal vassal à son seigneur le Roy de France, & aux siens. Apres ces choses faictes lediēt Roy Héry print son congé du Roy, & alla à S. Denis, ou il fut vn moys, & auāt son partemēt y feit de beaux dons. Auant sondiēt partement il feit le mariage de Bietris, sa fille, avec t̄ Ichā, filz du Comte de Bretagne, qui apres fut Comte, & appelé le Comte Roux. En ce tēps que lediēt Henry estoit à S. Denis, trespassa Loys, aîné filz du Roy S. Loys. Son corps fut porté à S. Denis, & la fait lon le seruice solennellemēt. Apres lediēt seruice, lediēt Roy Héry, & les plus Nobles, qui la furent, prindrēt le corps, & le porterent parmy la ville de S. Denis, & bien demye lieue dehors sur leur espauls : & apres fut porté iusques en l'Abbaye de Royaumont, & la fut enterré en la presence dudiēt Roy d'Angleterre. En ce mesme temps mourut Philippe Archeuesque de Bourges : lequel on disoit estre saint, & lequel feit de grands miracles apres sa mort. Pape Alexādre canoniza lors sainte Claire, de l'ordre de S. François. En l'an mil deux cens lxj. Baudouyn Empereur de Grece, & plusieurs François & autres Chrestiens, qui estoient avec luy, furēt mis hors & chacez de Constantinoble, par les Greez : & à leur ayde estoient les Geneuois, qui auoyent guerre contre les Venissiens, & en fut fait Empereur vn Grec, nommé Paleologus. Audiēt an vn Pelerin, qui alloit en vn voyage de nostre Dame, fut rencontré pres de Lyon par vn Larron qui le tua, & puis laissa son couteau tout sanglant : lequel fut trouué, & par plusieurs fois eslué, laué & escuré : mais lediēt couteau ne cessa de distiler gouttes de sang iusques à ce que le corps du Pelerin fust trouué, & le larron prins & pendu. En l'an mil deux cens lxij. fut fait & traité le mariage de monseigneur Philippe, filz du Roy S. Loys, & de madame Ysabel, fille du Roy d'Arragon, en la ville de Clermōt en Auuergne : & par le traité dudiēt mariage fut faicte alliance & paix finale entre les deux Roys de France & d'Arragon : par lequel lediēt Roy d'Arragon quitta audiēt Roy de France, & à ses successeurs, le droit qu'il pretendoit es citez de Carcassonne, Besiers & t̄ Milan : & semblablement le Roy S. Loys donna au Roy d'Arragon le droit qu'il pretendoit es Côtes de Roussillon, Barcelonne, Cathelogne, & t̄ Besau en la Pouille. En celle année ceulx de Marseille en Prouence s'esleuerēt contre mōseigneur Charles Comte d'Angiers, frere de saint Loys, qui estoit aussi Comte de Prouence, de par sa femme : lequel à ceste cause feit grand' assemblée de François, & s'en alla en Prouence, & les subiuga par armes, & tous les auteurs de la trahyson feit publiquement decapiter : en quoy il augmenta fort son nom & sa renommée.

† La Cron. de Bret. dit Ichā de R. chemōt filz de Ichā sur nomē le Comte Roux.

Mil deux cens lxj.

Mil deux cens lxii.

† Autres disent Amilia t̄ Le uieil ex. dit Besau & la Pouille : & autres Besiad & Amputis, que P. Em. nomme Empoires.

D'une motion d'Anglois contre leur Roy.

Rource q̄ le Roy Héry d'Angleterre par sa legiereté voulut faire aucs nouveaux status & ordonnances, apres son retour de France en Angleterre, contre l'ancienne coustume du pays, se meit grand discord entre lediēt Henry & les Barons de Angleterre, dont estoit principal auteur Simon de Montfort : & eurent bataille, en laquelle lediēt Henry Roy d'Angleterre fut prins prisonnier p̄ messire Simō de Montfort : pour lequel discord appaiser le pape Urbain enuoya le Cardinal de sainte Sabine, Legat : lequel on ne voulut onc laisser entrer en Angleterre. Et par ce vint lediēt Legat deuers le Roy S. Loys, & eulx deux allerent iusques à Boulongne sur la mer : & la feirent venir lediēt messire Simon de Montfort, qui estoit le principal qui menoit ceste matiere : mais ilz ne peurent faire appoinctement avec luy, & s'en retourna en Angleterre, & le Roy en France. Tantost apres Edouard, aîné filz du Roy d'Angleterre, s'eschapa d'Angleterre, par le moyen du Comte de Clocestre, & assembla gēs, & eut bataille contre lediēt Simon de Montfort, qui y mourut, & vn de ses enfās, & l'autre fut nauré : & fut lediēt Roy Héry son pere, & plusieurs autres prisonniers avec luy, tous deliurez : & apres lediēt Edouard print cruelle vengeance contre ceulx de Londres, des vns par mort, des autres par exil.

L'aîné filz du roy d'Angleterre par force d'armes deliura son pere de prison.

Comment messire Charles, Comte d'Angiers & de Prouence, frere de S. Loys, fut fait Senateur de Romme : & comment le Pape luy donna le royaume de Cecille.

L'an mil cc. lxiii.

EN l'an mil deux cens soixante quatre le pape Urbain, voyant qu'il ne pouoit venir à bout de la mauuaistiē de Mainfroy, filz bastart de feu Federic Empereur, oppresseur & inuaseur de l'Eglise, qui detenoit le royaume de Cecille, & les autres terres appartenantes à l'Eglise de Romme, enuoya Simon Cardinal du tiltre de sainte Cecille, deuers

deuers le Roy sainct Loys, pour auoir ayde: & luy pria qu'il luy enuoyast monseigneur Charles, Comte d'Angiers & de Prouence, son frere, en l'ayde de l'Eglise, & qu'il luy donneroit le dict royaume de Cecille, & les Duchez de la Pouille & de Calabre, sil fesseuoit contre ledict Mainfroy. Le Roy fut content que mondict seigneur Charles y allast: si feit ses apprestes, & assembla gens, & feit tant qu'il alla iusques à Romme, dont le Pape & les Rommains furent tresioyeux & esbahys: car ledict Mainfroy, & vn nommé Paluoisin son Lieutenant & Conestable, l'espioyēt par mer & par terre à grand' puissance. Quand il fut à Romme il fut retenu Sénateur, & luy donna le Pape ledict royaume de Cecille, & les Duchez de la Pouille & Calabre, pour les tenir & posseder iusques à sa quarte generation, & le couronna Roy. Puis enuoya le Pape vn Legat en France, pour prescher la croix contre ledict Mainfroy, comme herese & ennemy de l'Eglise & de la Foy, & y alla grā d'assemblée de gēs: & quād ledict Mainfroy le sceut il attrahit à luy grand' partie des citez d'Italie, par dons, promesses, & autremēt. Quād les François eurent passez les mons, ledict Paluoisin, qui conduysoit l'ost dudit Mainfroy, vint contre eulx iusques à vne cité qui a nom Cremonne, & la eurent bataille, & fut ledict Paluoisin & ses gens desconfitz, & les François prindrent les villes & citez du pays, & allerent iusques à Romme deuers mondict seigneur Charles, nouveau Roy de Cecille. Tantost apres qu'ilz furent arriuez & rafreschis, ledict Roy de Cecille & les François entrerēt en la Pouille, & eurent bataille contre les gens dudit Mainfroy, qui estoient en la Comté de Beneuent, & fut l'ost dudit Mainfroy desconfit, & luy tué. Si prindrent les François toutes les places, & plusieurs des Princes du pays, qui tenoyēt le party dudit Mainfroy, prisonniers: & quād il les eut detenuz vn an ou enuiron, ledict Charles les laissa aller, & leur restitua leurs terres, dont il feit folliē, car ilz luy feirent apres moult de maulx. La femme & les enfans dudit Mainfroy apres sa mort s'en vindrent audiēt Charles, Roy de Cecille. Quand Héry, frere du Roy d'Espagne, lequel despieça s'en estoit fuy d'auecques son pere, & s'estoit tenu avec le Roy de Thunes, sceut que mondict seigneur Charles, Comte d'Angiers, estoit à present Roy de Cecille, luy & plusieurs Cheualiers d'Espagne allerēt deuers luy: lesquelz ledict nouveau Roy receut honnorablemēt, par ce qu'il estoit son cousin, & aussi qu'il estoit vaillāt en armes, & auoit affaire de gens pour garder ledict royaume de Cecille: & le feit son Lieutenant au gouuernement de la Senatorie de Romme, dont apres il rapporta tresgrand' perte & domage. En ce temps florissoient en saincteté à Paris deux notables Docteurs: c'est à sçauoir sainct Thomas d'Aquin, de l'ordre des freres Prescheurs, & Eustace Bonaventure, de l'ordre des freres Mineurs: lequel Bonaventure a depuis esté canonizé par le pape Calixte t quatrieme. Semblablement estoient lors maistre Alexandre des Halles, Albert le Grand, maistre Robert de Sorbonne, grand docteur en Theologie: lequel fonda vn college à Paris, qu'on appelle à cause de luy le college de Sorbonne, & y meit escoliers, ausquelz il acquist rétes. En ce temps, apres le pape Urbain, fut fait & esleu pape Clemēt quatrieme de ce nom: lequel estoit François, & auoit esté homme lay, ayant femme & enfans, aduocat & Conseiller du Roy en sa court de Parlement: & apres le trespas de sa femme fut pour sa louable vie esleu Euesque du Puy en Auvergne, & apres Archeuesque de Narbone, apres créé Cardinal, du tiltre de saincte Sabine, & finablement fut esleu Pape de Romme.

Le pape Urbain donna au Comte d'Anjou le royaume de Cecille.

† Lisez s'il vous plaist le quatrieme deshyt. de Naples; & uo^u uerrez ceste cōqueste bien au long.

s. Thomas d'Aquin, et S. Bonaventure. † Plat. n'en met que iiii. en tout. Fondation du college de Sorbonne

Du pardon que donna le Pape, à la requeste de saint Loys: & de la confederation des Suisses.



Pape Clement, quatrieme de ce nom, de la nation de France, institua lors la feste du sainct Sacrement, & donna plusieurs grandes indulgences à ceulx qui assistent aux vespres, messes, & toutes les heures & vigiles du iour, & octaues de ladicte feste: & apres à la requeste dudit saint Loys, il donna & octroya trois cens ans de vray pardon & indulgence, à tous ceulx qui diroyent ce qui s'en suit & par chacune fois qu'ilz le diroyent: *Benedictum sit nomen domini nostri Iesu Christi, & gloriosissima Maria matris eius in eternum & ultra. Amen. Nos cum prole pia, benedicat uirgo Maria.* Enuiron ce temps les populaires de cinq villes & cinq Quantons, ou villages des haultes Allemaignes, que nous appelons Suisses, s'assemblerent en grand nombre, & tuerent & chacerent tous les Princes, Seigneurs, Barons, Cheualiers & gens Nobles qui estoient en iceulx pays & lieux, parce qu'ilz leur faisoient de grands griefz, oppressions & exactions iniustes. Apres feirent iceulx populaires vne confederation & alliance fraternelle ensemble, qu'on appelle les anciennes ligues des haultes Allemaignes: desquelles cinq villes & cinq Quantons, ou villages, les noms s'enfuyēt: c'est à sçauoir desdictes villes, Suric, Berne, Lucerne, Fribourg, & Saloure: & desdictz villages, Suiz, Clariz, Oudreual, Sench, & Vre: & ont depuis encommencé ainsi tousiours

Institution de la feste du saint sacrement de l'autel.

Le comencement de la confederation des ligues des suisses.

LES CRONIQVES ET ANNALES DE FRANCE.

bien gouverner leurs seigneuries, & fait & gagné de belles & grandes batailles, pour la defence de leurs terres, franchises, & des droictz des eglises, femmes veufues & orphelins de leurs pays, dont ilz sont grandement renommez & recommandez par tout le monde: & sont gens si belliqueux & vîtez aux armes, qu'ilz sont souuent requis & appelez en ayde, par les nations estranges.

Comment saint Loys feit monseigneur Philippe, son filz, Cheualier, & plusieurs autres: & comment il feit mettre par ordre les sepultures des Roys de France, en l'eglise de saint Denis en France.

L'an mil.cc.
soixante &
sept.



E iour de la feste de la Pentecouste mil deux cens soixante & sept, le Roy saint Loys feit grand' assemblée de Prelatz & Barons en la ville de Paris: & feit nouveaux Cheualiers monseigneur Philippe, son aîné filz, & Robert son nepueu, Comte d'Artois, filz de Robert, Comte d'Artois qui fut perdu à la Massere, au voyage d'oultre mer. Le l'edemain les mena en pelerinage, redre graces à saint Denis: & furent les rues de Paris toutes tendues, pour la solennité de la feste, & ne cesserent point les habitans de faire ioye & feste par huyt iours, sans faire oeuvre de leurs mestiers. Par ce que dict est semble estre erreur en ce que dient aucuns, que les enfans des Roys sont Cheualiers des leurs natiuitez. En l'année ensuyuant mil deux cens soixante huyt, madame Ysabeau fille du Roy d'Arragon, femme de mondict seigneur Philippe, filz aîné de mondict seigneur S. Loys, eut vn filz, qui fut nommé Philippe, come son pere, & surnommé le Bel. En l'année d'apres madame Blanche, fille de S. Loys, fut mariée à Ferrand, aîné filz du Roy de Castille: & pource q' ledict S. Loys pretendoit droit audict royaume de Castille, fut accordé que si ledict Ferrand decedoit, & laissast aucuns enfans auant le trespas de sondict pere, qu'iceulx enfans succederoyent audict royaume, en representant leur pere. † En celle année ledict Roy saint Loys feit traslater de lieu en autre les corps & sepultures des Roys de France, qui sont enterrez en l'eglise monseigneur saint Denis en France: & à plusieurs fait faire des sepultures & representations: mesmes à ceulx qui estoient, tant des Roys que des Roynes, descenduz de la lignée Charlemagne, & les feit mettre à la dextre partie de l'eglise: & les autres qui estoient descenduz de la lignée de Hue Capet, feit mettre à la fenestre.

L'an mil.cc.
lxviii.

† Autres
1267.

La situation
des sepul-
tures des Roys
de France à
saint Denis.

De la grand' guerre qu'esmeut Henry d'Espaigne, contre monseigneur Charles, Roy de Cecille.

Charles Côte
d'Aniou, tras-
porta l'estat
de Senateur
à Héry d'Es-
paigne.



E tarda gueres qu'aucuns Barons du royaume de Cecille, & mesmement ceulx que monseigneur Charles, Comte d'Aniou, & Roy de Cecille, auoit deliurez des prisons, s'eleuerent contre luy, & feirent esmouuoir des plus grands du pays de Cecille: & d'icelle machination fut principal autheur Héry d'Espaigne, son cousin, auquel il auoit nagueres fait moult de biens & honneurs, & l'auoit fait Senateur de Romme en son lieu: mais iceluy Henry, remply du vice d'ingratitude, pour plus auoir couleur de le greuer, enuoya querir Conradin, nepueu dudiect feu Mainfroy, qui auoit esté tué en la bataille, & filz de feu † Conrad, auquel ledict royaume de Cecille deuoit appartenir par droit heritage: lequel Conradin, pour la doubte dudiect feu Mainfroy, qui le chacea hors dudiect royaume, s'en estoit fuy ieune enfant deuers le Duc de Bauiere, qui estoit son oncle: & assemblerent grand ost: & eulx sachans que le Roy Charles estoit embesongné ailleurs, contre aucuns qui s'estoyent rebellez contre luy, ilz entrerent en la Pouille, & de leurs gens feirent deux batailles: l'une menoit ledict Conradin, & l'autre ledict Henry d'Espaigne. Ledict Roy Charles de Cecille, qui ces nouvelles sceut, abandonna le siege qu'il tenoit deuant la ville de † Moucheres: & à tout ses gés vint contre ses ennemys, & desconfit la premiere bataille, que menoit ledict Conradin: lequel s'enfuyt, & la pluspart des Seigneurs qui estoient avec luy furent prins prisonniers, & leurs gens mors & prins. Puis vindrent apres ceulx de la bataille que menoit ledict Henry d'Espaigne: lesquelz furent pareillement desconfitz, & s'enfuyt ledict Henry & autres Seigneurs en la cōpaignie, iusques en l'Abbaye de saint Benoist, du mont de Cassin: & dirent à l'Abbé qu'ilz auoyent desconfit ledict Roy Charles: mais l'Abbé, qui estoit sage, & aymoient ledict Charles ne les en creut pas, & les feit prédre & mettre prisonniers en son Abbaye: & puis manda audict Roy Charles qu'il les tenoit, & les luy baille- roit en ses mains, si les vouloit auoir, soubz telle condition qu'il ne les feroit point mourir. ce que ledict Charles luy oïroya: si les enuoya l'Abbé au Roy. Semblablement ledict Conradin, qui s'en estoit fuy de la premiere bataille, vint à vn port de mer: & ainsi qu'il cuyda monter au nauire

† Autres di-
sent Henry,
aîné filz de
Federic 2.
Empereur.

† Luceria
plustost, au-
rement nom-
mée Nocera
di sarraceni

De la belle ui-
toire qu'eut
le Roy Char-
les de Cecille
côte ses en-
nemys en la
Pouille.

au nauire pour passer oultre, il fut prins par vn Cheualier qui l'amena au Roy Charles. Apres ces choses aduenues le Roy Charles enuoya sesdictz prisonniers à Naples, pour en faire iugement: & assembla les Barons, qui les condamnerent tous à receuoir mort, & auoir les testes coppées. Aucuns y en eut qui disoyent qu'ilz n'estoyent pas d'opinion que ledict Cōrad deult mourir, & qu'il estoit venu pour cuider recouurer ledict royaume de Cecille, qui luy appartenoit de droict heritage: mais ceulx de Naples empescherent, & ne voulurent consentir à sa deliurance, par ce que Conrad son pere auoit fait raser & abbatre les murs & les tours de leur cité, & plusieurs de leurs maisons, places & chasteaulx. Si fut dict qu'il seroit decapité cōme les autres. Lors les prisonniers furēt menez en vne chapelle, & deuāt eulx on chāta les vigilles, & le seruice des trespassez, & furēt cōfessez, & puis furēt six decapitez: † cest à sçauoir le Côte Gauvain, & le Côte Iourdain, le Côte Barthelemy, & ses deux filz, & le sixieme fut le dict petit Conradin: dont plusieurs auoyent moult grand' pitié, car il estoit bel enfant & aduenant: & combien que ledict Henry d'Espagne eust bien desferuy semblable mort, toutesfoi ne mourut il pas, par ce que ledict Roy Charles de Cecille l'auoit ainsi promis à l'Abbé de Montcassin, qui le luy auoit enuoyé prisonnier: mais il fut mis & enclos en vne chaire de fer, vne chaisne au col, & en cest estat fut mené par toutes les citez & villes du pays de la Pouille, & de Beneuent: & deuant luy on racomptoit la mauuaistié de luy, qui auoit tant pourchacé de mal audiēt Roy Charles, son cousin: lequel luy auoit fait tant de biens & honneurs, tellement qu'il l'auoit fait Senateur de Romme. Ainsi demoura iceluy Roy Charles paisible du pays de la Pouille, & de Beneuent: mais il y auoit vn Cheualier, nommé Cōrad Capuche, qui estoit en l'isle de Cecille, & occupoit toutes les villes & places, reserué les villes de Palerme & Messine, qui tenoyent pour le Roy Charles. Si enuoya ledict Roy messire Guy de Mōtfort, Thomas de Concy, Guillaume l'Estandart, & Guillaume de Beaumont, avec plusieurs gens d'armes: & tellement guerroyerent ledict Conrad Capuche qu'il s'en fuyt deuant eulx de place en autre. A la parfin ilz le prindrēt par force en vn chastel, & luy creuerent les yeulx, puis le feirent pendre: & par ainsi ledict Charles eut tout le royaume de Cecille entierement, & le tint paisiblement iusques à ce que Constance d'Arragon recommēça à luy faire guerre.

† les noms
sont autres
en l'hystoi-
re de Na-
ples.

La descon-
fiture de
Conrad Ca-
puche.

L'an mil deux cens soixante & huyt, mourut Pape Clement, & vacqua le siege Apostolique, pour la discention des Cardinaulx, par deux ans: & ce voyant ceulx de Viterbe, ou se tenoit la court, ilz encloyrent lesdictz Cardinaulx iusques à ce qu'ilz eussent esleu vn Pape.

L'an mil
cc.lxviii.

Comment saint Loys alla la deuxieme fois oultre mer, pour la redemption de la sainte terre.



Ouuentefois monseigneur saint Loys reduisoit en son entendemēt & memoire le voyage qu'il auoit fait oultre mer, dont il n'estoit pas content, & en auoit grand remors de conscience, quand il luy souuenoit des grands frais & dommages que le royaume de France en auoit soustenu: & avec ce que sondict voyage & son retour auoyent esté sans proffit, & estoient plus au desauantage & deshonneur du royaume, qu'en l'honneur, par ce qu'ilz ne s'en estoient ensuyuis aucuns proffit. Si se pourpensa en son courage d'y retourner, principalement pour l'ayde de la deliurance de la terre sainte, & aussi pour venger le deshonneur de luy & de son royaume: mais il ne voulut pas faire subitement l'entreprinse de son propre mouuement: parquoy il enuoya secretemēt deuers le Pape pour de ce auoir conseil: lequel Pape *benigne consensit, ac propositum ipsius Regis probauit:* & enuoya messire Simon, Cardinal de Sainte Cecile, Legat en France, pour prescher la croysee, & inciter ceulx qui voudroyent aller audiēt voyage avec le Roy: lequel Cardinal, en la presence du Roy, feit vn moult bel & solennel Sermon, touchant ceste matiere, en la ville de Paris. Apres lequel finy le Roy avec ses trois filz, c'est à sçauoir monseigneur Philippe l'aîné, monseigneur Iehan Tristan le second, & monseigneur Pierre Comte d'Alençon le tiers, son frere monseigneur Alphons, Comte de Poitiers, & son nepueu Robert, Comte d'Artois, Guy Comte de Flandres, & Iehan filz du Comte de Bretagne se croysèrent, & feirent le veu du dict voyage: aussi feirent pareillement Thibault, Roy de Nauarre, Comte Palatin de Champagne & de Brie, & plusieurs Barons, Cheualiers, Euesques & Archeuesques desdictz royaumes. Quand le Roy eut fait ses preparatoires: au mois de Mars l'an mil deux cens soixante neuf, il se delibera de partir, & alla prendre congé aux martyrs saint Denis & ses compaignons, qui sont patrons, gardes & deffenseurs des Roys & du royaume de France: & en ladicte eglise, par les mains de l'Abbé, print l'Auriflambe avec la malette & le baston de pellerinage: & laissa la charge & le gouuernemēt des affaires de son royaume à Matthieu, Abbé de ladicte Abbaye saint Denis, & à messire Simon de Clermont Cheualier, Seigneur de Nelle,

L'an mil
cc.lxix.
s. Denis &
ses compai-
gnons sōt de-
fenseurs du
royaume de
France.

† iiij

qui estoient deux moult sages & prudens hommes. De la s'en alla au boys de Vincennes, ou estoit la bone Royne Marguerite sa femme, de laquelle le lendemain prit cōgé, à grāds pleurs & l'armes d'elle & de ses gēs. Puis s'en alla, & passa par Clugny & par Bourgongne, iusques à Lyon: ou il monta sur la riuere du Rosne, & alla iusques au port d'Aisguemortes.

De l'armée de saint Loys deuant Thunes oultre mer, ou il mourut: & de la mort de Iehan Tristan son filz.

*L'an mil
deux cens
soixante &
neuf.*



Vād les nauires & victuailles & tout l'ost du Roy saint Loys fut appresté audict lieu d'Aisguemortes, il se meit en mer le mardy apres la feste saint Pierre & saint Paul, l'an mil deux cens soixante neuf: mais ilz eurent moult d'orages & fortunes sur mer: & mesmement à l'endroit qui est appelé la mer du Lyō, pour l'impetuosité d'icelle mer: & tant errerent qu'ilz arriuerēt en la terre du Roy de Thunes, en vne isle ou il ya vn chāstel qui est appelé Cartage, ou souloit auoir vne moult belle grand & puissant cité, que feit iadis faire Dido la Royne de Cartage: & estoit la royale & principale cité de toute Afrique: & furent ladiēte Royne Dido, & les habitans d'icelle ancien nemēt de si grand' puissance qu'ilz desconfirent les Rommains par plusieurs fois, ainsi qu'on peut veoir au liure de Valere. Saint Loys, qui attēdoit la venue de son frere Charles, Roy de Cecille, qui deuoit aller oultre mer, comme il luy auoit fait sçauoir, luy estāt pres de la cité de Thunes, feit fermer son ost de fossez pour la doubte des Sarrazins, qui font les guerroyoyent, & se tindrent les Barons & Cheualiers François d'aller deuers Thunes. Quand le Roy de Thunes & ses Sarrazins sceurent que le Roy saint Loys se parquoit illec en sa terre pour y se iourner, ilz le cuiderent empescher, & luy manda la bataille: & vindrent Sarrazins à si grand' & merueilleuse puissance qu'ilz estoient comme innombrables, & vindrent par diuerses batailles iusques au riuage de la mer, ou les nefz du Roy estoient, faignans de les vouloir enclore. Lors monseigneur Alphons, Comte de Poitiers, frere du Roy, avec vne bataille de François, & Pierre le Chābellan avec vne autre bataille cheuaucherent vers la mer, si auant qu'ilz encloyrent chacun vne bataille de Sarrazins, & les assaillirent si fermement & vaillamment qu'ilz en tuerent la pluspart, & les autres s'en fuyrēt: & prindrent les François toute ladiēte isle: toutesfois furent tuez en ladiēte assemblée le Chambellan de Beaucaire, & messire Iehan de Roussiliers. Le Roy feit retirer ses gens: car il ne trouuoit pas par conseil qu'il deust tirer plus auant iusques à ce que son frere le Roy Charles de Cecille fust venu, & luy vindrēt nouuelles qu'il deuoit arriuer la, dedans quatre iours: pendāt lequel temps aduint q̄ mōseigneur Iehan Tristan, filz de saint Loys, qui estoit Comte de Neuers, à cause de madame Yolant sa femme, qui fille estoit d'Ode Duc de Bourgongne, fut frappé d'une maladie, & fut porté en sa nef, & la mourut tantost. Ladiēte dame Yolant fut apres femme de Robert, aîné filz du Comte de de Flandres, qui fut Comte de Neuers, à cause d'elle. Aussi mourut semblablement le Legat, & plusieurs autres Barōs, Cheualiers, & autres, pour le mauuais aer dōt ilz estoient enuironnez, & pour les mauuaises caues qu'ilz auoyent beues. Semblablement print au Roy vne maladie de flux de ventre avec fiebure, & sentit bien en luy qu'il luy conuenoit payer le tribut de nature: si feit appeler mōseigneur Philippe sō aîné filz, qui deuoit regner apres luy, auquel, en la presēce de plusieurs Barōs, il feit & dist plusieurs beaulx enseignemēs, en disāt.

*La mort de
Iehan Tri-
stan filz de
saint Loys,
& Comte
de Neuers.*

Les beaulx enseignemens que le Roy saint Loys feit a son filz, auant sa mort.



*Les belles
& fructu-
euses doctri-
nes & en-
seignemens
que le Roy
S. Loys don-
na a son filz
deuant que
redre l'ame*

Her filz, moy qui suis ton pere naturel, cōgnoissant ma fragilité, & qu'il me fault de bref mourir, & que de moy tu ne pourras plus auoir aucun enseignement, auāt ma mort en ensuyuant le vouloir & commandement de Dieu le createur, qui est ton pere & le mien, eternal, spirituel & temporel, ie te cōmande & charge que tu aymes & craignes Dieu de tout ton pouoir & de toute ta force, & te garde de faire chose qui soit contre son commandement, pour quelque chose qui t'en aduienne. Garde de toy, & faiz garder tes subiectz de villains sermens. Si Dieu t'enuoye quelque aduersité, prens la patiemment, & congnois que ce te vient par tes deffaulx. S'il te vient aucune bonne fortune, donne luy en la gloire, & congnois que ce ne vient pas de tes merites, mais seulement par sa bonté. Confesse souuent tes pechez, & esliz confesseurs preud'hommes, qui sachēt discerner & corriger la grauité de tes deffaulx, & te remettre en la voye de bien faire. Oy volontiers & deuotement le seruice de sainte Eglise. Ayes le cœur piteux & charitable aux pauvres gens, & les conforte & ayde de tes biens. Fais garder les bonnes loix & coustumes de tō royaume. Ne prens point tailles n'aydes sur tes subiectz, si vrgente necessité & euidente vtilité ne

lité ne le te fait faire, & pour iuste cause, non pas volontairement : car si tu le fais autrement tu ne seras pas réputé pour Roy, mais tenu & réputé pour Tyrā. Garde sus toutes choses que ayes sages Conseilliers & d'aage meur, & que tes seruiteurs soyent prudens gens, secretz & paisibles, & qu'en autres choses ilz ne soyent point auaricieux, ne facent ou disent villennie à autrui : car comme dit Senèque: *Ex claritate seruientium fama consuevit crescere dominorum*. S'il en y a aucuns rioteux garde qu'incontinent tu les enuoyes hors de ta maison: car ilz pouroyent gaster les autres, & estre cause d'y faire scandales. Fais & gardé iustice sur toutes choses aux pauvres comme aux riches, aux estrangers comme aux priuez, sans auoir acception de personnes: car iustice est celle par qui les Roys regnent. Ayes bons Iuges, Baillifz, & Seneschaulx, & leur cōmande que toy ne tes Procureurs en tes faitz ne soyent pas fauorisez autremēt que la raison le veult, plus que seroit vn autre. Enquiers souuent si lefdictz Iuges, Baillifz & Seneschaulx font aucunes faultes & abuz: & filz les font faiz les punir sans dissimulation: car ilz sont plus punissables qu'autres gens. Trauaille & metz toute ta cure que tes subiectz viuent soubz toy en paix & en tranquillité, & leur garde leurs statuz & priuileges, dont ilz ont raisonnablemēt iouy par l'octroy de tes deuanciers. Ayme & honore l'Eglise & les ministres d'icelle, & ne faiz nulle exaction sur iceulx. Donne les benefices qui sont en ta collation par le conseil de preud'hommes, à gens de bonne vie & pure conscience, qui ne soyent point luxurieux, n'auaricieux, & qui n'ayent point d'autre benefice: car autrement tu les rendrois mauuais & vicieux, & participerois en leur mal & peché. Garde toy de prendre guerre contre nul Chrestien, fil ne ta forment meffait: & fil vient à toy à mercy, tu luy doys pardonner, en prenant amēde raisonnable & moderée. Mō filz si tu faiz ces choses tu auras en ce monde Dieu fauorable: & pour toy en tes affaires, & seras cause de dōner bō exemple à tous tes subiectz: car les Roys Princes, Prelatz, & autres qui sont constituez es haulx estatz & dignitez, sont comparez au soleil, par lequel toutes choses sont enluminées: car tous leurs subiectz ont regard à leurs faitz & dictz: & quand ilz les voyent de bon zele & de bonnes mœurs, cela les incline à bien faire: & trouue l'on souuent que les bonnes mœurs des Princes & des Prelatz ont edifié & incliné plus de gens à bien faire & bien viure, que leurs preschemens & parolles. Entre autres choses ie te conseille que tu aymes, serues & honores ta mere, tāt comme elle viura, & entretiens tes parens en'amour: & si ainsi le faiz tu en viuras plus longuemēt, & en seureté de ta seigneurie, & en la fin de tes iours Dieu t'en retribuera en sa gloire eternelle.

Iustice est celle par qui les roys regnent.

A quelles gens doiuent estre dōnez & cōferrez les benefices ecclesiastiques.

Du trespassement du bon Roy saint Loys.



Pres ces belles parolles & enseignemens, ainsi proferez par mondict seigneur saint Loys audiēt Philippe son filz, sentant que la maladie le greuoit, & que sa mort approchoit tellement que plus ne pouoit soustenir le mal sans mourir, il cōmanda qu'on luy baillast tous ses derniers sacremens. ce qu'on feit, & les receut en grand' reuerence & deuotion: & quand on faisoit deuant luy le seruice il respondoit à tous les vers aux Prelatz qui luy administroyent, ayāt tousiours la croix en la main & les yeulx vers le ciel. Puis appeloit en son ayde Dieu & tous les saintz de Paradis, ausquelz il auoit en son viuant eu sa singuliere affection & deuotion: & mesmement au glorieux martyr saint Denis, saint Iaques, & autres, & disoit moult de belles oraisons, & entre autres *Tribue nobis quasumus domine prospera mundi despicere*, & en priant pour le peuple qu'il auoit mené avec luy disoit: *esto domine plebi tuae sanctificator & custos, &c.* Et en regardant au ciel disoit: *Introibo in domum tuā, adorabo ad templum sanctum tuum, & confitebor nomini tuo*: & quand le glorieux Roy & amy de Dieu sentit la mort qui approchoit, il se feit leuer du liēt ou il estoit couché, & se feit mettre à terre sur vn liēt de cendre: puis meit ses mains en croix sur son piz, & leua ses yeulx en hault au ciel, & *obdormiuit in domino*, à icelle heure que Iesus Christ mourut en l'arbre de la croix pour la redemption de nature humaine, le iour de la feste saint Barthelemy au moys d'Aoust, mil deux cens septante. Digne & deuote chose est raconter la vie & les faitz que le glorieux Roy S. Loys à faitz durāt ce qu'il a esté sur terre, & encores plus sa maniere de mourir, qui fut si catholique: & bien heureux est le royaume François, & les habitans d'iceluy, d'auoir eu vn tel Roy, qui en sa maniere de viure & mourir, a esté miroet & exemplaire à ses successeurs de bien scauoir viure & gouverner leurs subiectz, en l'amour & crainte de Dieu, & en paix & tranquillité, si à eulx ne tient: car durant sa vie, oultre ce que dict est cy dessus de luy, il feit & redigea par escript moult de beaulx status & ordonnances royaulx: lesquelz sont inscriptz & enregistrez es cours de Parlement, & chambres des Comptes à Paris, & qui les voudroit ensuyuir, on ne pourroit faillir à bien faire.

Les belles & deuotieuses parolles que le Roy saint Loys proferoit auant que rendre l'esprit.

Mort de saint Loys.

Le Roy saint Loys a esté le miroet & exemplaire de bien viure & mourir à tous les autres Roys & ses successeurs.

Comment monseigneur Charles, Roy de Cecille, frere de saint Loys, arriua à Thunes, à l'heure du trespas dudit saint Loys.

D Roïtemēt à l'heure que monseigneur saint Loys labouroit à la fin, & qu'il estoit *in agone mortis*, arriua par mer mondict seigneur Charles son frere, Roy de Cecille, Comte d'Aniou & de Prouence: lequel, quand il approcha du port de Thunes, ou estoit l'armée des Frâçoys, & qui ne sçauoit encores riens de la maladie de son frere saint Loys, commanda à ses gens, que pour esiouyr l'ost des Chrestiens, & donner terreur & esbahissement aux ennemys, on feist par toutes ses fustes & galeres sonner trompettes & clairons, tirer canons & bombardes, & autres signes de demonstration de ioye: mais les pauures François qui estoient moult douloureux de leur Roy, de sen esiouyrent gueres. Toutesfois ilz le receurent le plus honnorablement qu'ilz peurēt: car si ne fust sa venue les François fussent demourez bien desolez & esbahis, par ce que l'ost ne France estoit ia fort diminué, tant pour les batailles qu'ilz auoyent eues contre les Sarrazins, que pour la grand' mortalité qui s'estoit mise en leur ost. Si alla ledict Roy de Cecille, quand il eut mis pied à terre, droit à la tente dudit Roy saint Loys son frere, & trouua qu'il auoit rendu l'esprit: & luy tasta les mains qu'il auoit encores toutes chaudes. Son corps fut honnestement ensepuely en baulme, & mis en vn sercueil de plomb, pour l'apporter en France.

De plusieurs miracles que fait saint Loys.

L E bon Roy S. Loys à tant aymé les François que non pas seulement en sa vie il les a aydez & secouruz: mais aussi il les a secouruz & aydez depuis sa mort, & ceulx qui ont eu leur recours à luy, & qui de bon cœur l'ont requis pour aucunes necessitez: & a fait Dieu à son intercession plusieurs beaulx & euidens miracles, ainsi que ce fut, & a esté monstré & deuement verifié lors que le corps de mondict seigneur saint Loys, à la requeste & poursuyte du Roy Philippe, son successeur, fut esleué de terre, canonizé & inscrip au catalogue des saintz. Et pour en reciter aucuns qui sont dignes de memoire, il est vray qu'en vne ille, qui est en la riuere de Seine, demouroit vne femme nommée Tiphaine, laquelle lon temps parauant, & des le temps de sa ieunesse, ainsi qu'elle gardoit les bestes avec vn sié frere, s'endormit accoustée sus le bras: & quand elle s'esueilla elle se trouua griesuemēt malade, tellemēt que la teste, les bras, les iambes, le nez & leures, & tous les autres membres du corps luy trembloient merueilleusement fort: & quand elle estoit debout, il sembloit qu'elle fust grosse, & quand elle estoit couchée, il sembloit que le vêtre luy tint au dos: & en c'est estat & misere veiquit la pauvre femme. *xlviij. ans.* Ceste Tiphaine oyant la nouuelle qui couroit par le pays qu'en l'eglise de saint Denis, au lieu ou auoit esté enterré le bō Roy saint Loys, se faisoient plusieurs miracles, eut propos & affection de l'aller visiter, & en grand' deuotion sy fait amener, & illec fit ses prieres & oraisons par aucuns iours: & tantost apres ladiète Tiphaine, qui si longuement auoit esté malade de si griesue maladie, en sorte que medecins ne lay auoyent sceu donner remede, s'en retourna en sa maison toute saine & guerye.

*Miracle
d'une femme,
qui auoit
e. xlvij.
ans malade,
laquelle
fut guerye
par les
merites de
saint Loys*

Autre miracle.

E mblablement vne ieune fille de bouchier, qui demouroit à Grolay, ayant à sa natiuité apporté du ventre de sa mere vne tache, aupres du bout de l'oeil, large comme vn petit tournois (laquelle tache ainsi que ladiète fille croissoit engrossissoit, tellement que quand elle eut l'aage d'un an & neuf mois, elle estoit grosse comme vn oeuf de geline, & occupoit presque tout l'oeil de ladiète fille) fut par ses parens apportée à saint Denis, au tombeau dudit saint Loys: & quand ilz eurent fait leurs oraisons & offrâdes, tâtost ladiète tache, qui estoit grosse & endurcie comme chair, tomba à terre, & se separa d'elle mesmes sans qu'on y touchast.

Autre miracle.

Vn homme



N homme demourant à Paris, nommé Guillaume, lequel auoit vne fistulle en la iambe auprès de la cheuille du pied, dont il auoit esté malade par trois ans, si grief uement qu'à cause de la putrefaction de la maladie il auoit neuf grands pertuys, par ou on eust bien passé la main tout au trauers de la iambe, dont les os luy choyoient par pourriture, voyant que medecins ne cirrugiens ne luy auoyent sceu donner remede, oyant la grand' renommée des miracles de saint Loys, se feit mener en vne charrette, à son tombeau, en ladicte eglise saint Denis, & la feit sa neufueine, & ses offrandes: & auât icelle parfaicte, il se trouua tout guéry nettement de ladicte maladie, que chacun disoit incurable: & s'en retourna en sa maison, tout à pied, & sans ayde.

*D'un autre
beau miracle
qu'il monseigneur
saint Loys.*

Autre miracle.



Vssi vne bonne femme, nommée Amelot de Chambly, qui demouroit en la ville de saint Denis, auoit esté moult griefuement malade par trois ans: & tellement que par la griefueté de sa maladie, tous les nerfs luy estoient restrainctz, en maniere que quand elle vouloit aller & marcher elle estoit toute courbée, & auoit la teste iusques à demy pied pres de terre, & les rains plus haults que la teste: & faidoit d'un petit baston qu'elle portoit en ses mains, enuiron de pied & demy de long, voyant le grand apport & les malades qui affluoyent à la sepulture de mondict seigneur saint Loys, qui y recouroyent guerison de toutes maladies diuerses, y alla semblablement faire sa neufueine & oraison: & aucun peu de temps apres elle fut toute guerrie de ladicte maladie, & de là en auant alla aussi droict qu'elle auoit iamais fait.

*Autre beau
miracle fait
par ledict
seigneur s.
Loys.*

Autre miracle.



T aduint aussi qu'il y auoit vne ieune fille d'un Bourgeois de Paris, moult belle, de l'age de neuf ans ou enuiron, laquelle estoit malade d'Epilepsie, qui est maladie caduque, tellement que souuentefois selon ses saisons elle tomboit de ladicte maladie, huyt neuf, douze, ou vingt fois par iour: & quand ladicte maladie la tenoit, elle escumoit, elle estraignoit les dens, & cryoit horriblement, en destordant ses membres & le corps: & d'icelle maladie fut trauaillée l'espace de deux ans. Sa mere l'aduissa & l'enuoya au sepulchre de mondict seigneur saint Loys, deuant lequel en peu d'espace elle tomba, & fut par deux fois malade de ladicte maladie, en la presence de plusieurs: mais par l'intercession dudit S. Loys, aucuns peu de iours apres elle fut guerrie d'icelle maladie, & s'en retourna toute saine, & depuis n'en fut malade.

Autre miracle.



Vltre plus il est vray qu'au temps qu'on apportoit le corps du glorieux Roy mon seigneur saint Loys, des marches d'Afrique, ou il estoit decédé, pour le mettre en l'eglise saint Denis, ou il auoit esleu sa sepulture, il y auoit vne bonne femme de village, qui auoit vn enfant, lequel estoit malade, & auoit vne grosse apostume au dessoubz de l'oreille, aussi grosse comme vn oeuf d'oye, ou de paon, & n'en auoit point trouué remede de guerison, par l'espace de deux ans, que ledict enfant auoit esté malade: leq̃l enfant sa mere auoit porté en voyage à monseigneur saint Eloy, & autres saintz, mais riens n'auoit profité, car Dieu luy auoit reserué vn autre medecin. La pauvre femme cherchant la voye par ou ledict saint Loys deuoit passer, l'alla attendre soubz vn orme, qui estoit emmy la voye d'entre Boyssi & Creteil, pres Paris: & quād elle veit venir le saint corps, elle s'agenouilla en grand' deuotion, & pria à ceulx qui portoyent la litiere qu'ilz voulussent arrester, & souffrir que son enfant baisast ladicte litiere, & ilz arresterent: & lors y eut vn des gentilz hommes qui estoit en la compaignie, qui descendit de dessus son cheual, & print ledict enfant malade par dessoubz le bras, & luy feit baiser & toucher à l'endroit de ladicte maladie à la fierte ou estoit ledict corps saint Loys, & incontinent subitement toute l'apostume se creua, & en yssit merueilleusement grand' quantité de boue & d'ordure, dont plusieurs furent esbahys. Si s'agenouillerent tous ceulx qui la estoient presens en louant Dieu, pour vn si grand miracle. Plusieurs autres miracles sont aduenuz à l'intercession de mondict seigneur saint Loys, & par ses merites, au lieu de son tombeau, qui ailleurs se pourrōt reciter: lesquelz ie laisse pour cause de briefueté.

*D'un autre
beau miracle
fait par
ledict saint
Loys en
l'apportat
à saint Denis
en France.*

Du Roy Philippe le Hardy, filz de saint Loys.

Mil. cc. lxx.



Philippe, troisieme de ce nom, qui est appelé & surnommé le Hardy, filz de saint Loys, commença à regner l'an mil deux cens septante, & regna quinze ans entiers, & trespassa l'an mil deux cens quatre vingtz & cinq. Cestuy eut deux femmes: la premiere, qu'il espousa du viuant de son pere, fut Isabel, fille du Roy d'Arragon, & en eut trois filz: c'est à sçauoir Loys, qui mourut ieune, Philippe qui fut Roy, & surnommé le Bel, & Charles Comte de Valloys, d'Alencô & du Perche, qui fut pere du Roy Philippe sixieme, nommé Philippe de Valloys. Sa seconde femme fut Marie, fille du Duc de Braban, &

† il s'enrêd
apres Guil-
laume le
Bastard.

en eut vn filz & deux filles: c'est à sçauoir Loys, premier Comte d'Eureux, Marguerite, qui fut mariée au Roy Edouard d'Angleterre, † premier de ce nom, & Blâche, qui fut Duchesse d'Autriche.

De la desconfiture que feirent Chrestiens sur Sarrazins, apres la mort de saint Loys: & comment le Roy de Thunes fut faict tributaire.

La desconfi-
ture des Sar-
razins pres
Thunes.



Le lendemain de la mort dudit Roy saint Loys, & que ledit Charles son frere & ses gens furent arriuez en l'ost des Chrestiens, ilz eurent bataille cōtre les Sarrazins, & en tuerent moult grand nombre. Le Roy de Thunes, avec grand nombre de Sarrazins veint en bataille contre les Chrestiens: mais tous les Sarrazins furent desconfitz & mis en fuyte: & prindrent les Chrestiens tous les biens desdictz Sarrazins, & bruslerent leurs heberges & tentes: & fut ledit Roy

Des Chrestiens
qui par
orages &
tēpestes fu-
rent noyez.

† autres le
nōment Dre-
pani.

† P. Emil.
dit Henry
son frere.

L'an mil cc.
septante.

de Thunes prins prisonnier, & faict tributaire au Roy de Cecille. puis fut faict appoinctement & trefues iusques à deux ans, & accordé que le Roy de Thunes rendroit au Roy de Frâce, en fin or, tous les despens qu'ilz auoyent faictz au voyage: & que les marchans, qui par de la viēdroient, passeroient franchement (car parauant ledit Roy de Thunes faisoit de merueilleuses exactions sur les marchans) & eurent les Prescheurs liberté de prescher au royaume de Thunes, & y faire le diuin seruice par toute la terre: & fut dict que ceulx qui voudroient estre baptisez le seroyent. Tantost apres plusieurs grandes & merueilleuses maladies se meirent en l'ost des Chrestiens, pour les trauaulx qu'ilz auoyent euz, & estoit leur ost moult affoibly: par quoy voyans les Chrestiens que bonnement ne pourroyent passer oultre, ne la demourer longuement, ilz delibererēt eulx en retourner, en faisant toutesfois sermēt de retourner en la terre Sarrazine, pour icelle expugner, & se meirent en mer pour retourner: mais eulx estans en mer furent moult trauaillez d'orages & de tourmens, & tellement que dixhuyt de leurs grādes nauires furent cassées & peries, sans les petites qui estoient pleines de seruiteurs & de cheualx, & y eut bien quatre mil hōmes noyez pres d'un port nommé † Trappes. Le Roy Charles de Cecille print illec terre pour seiourner son ost: & y mourut Thibault le Roy de Nauarre, qui estoit Côte Palatin, de Champaigne & de Brie, & qui auoit espousé la fille dudit saint Loys, lequel estoit moult sage & vaillant Prince, & luy succeda † Thibault son filz. Son corps fut apporté avec les corps saint Loys, & monseigneur Jehan Tristan, en France: & la femme dudit Roy de Nauarre mourut à Marseille, & fut aussi son corps apporté avec celui de son feu mary en France. Apres s'en vint l'ost des François en Cecille: & en cheuauchāt madame Ysabeau, femme dudit Roy Philippe, & fille du Roy d'Arragon, qui estoit enceinte, tomba de dessus son cheual, & se froissa le corps, tellement qu'elle mourut le Mecredy deuant la purification nostre Dame, mil deux cens septante, & fut la enterrée: mais depuis ont esté ses os apportez à saint Denis en France. puis apres s'en vindrent le Roy & les François à Romme, & de la à Viterbe, ou ilz trouuerent les Cardinaulx qui estoient en grand discord, pour faire eslire vn Pape, & ne se pouoyent accorder. A la parfin ilz esleurent vn nommé Gregoire, qui estoit seulement soubdiacre, & estoit absent: car il estoit allé oultre mer, par deuotion.

De la guerre que feiz le Prince de Galles oultre mer.



Edouard aux lōgues iambes, filz du Roy Henry d'Angleterre, qui estoit allé oultre mer, au siege de Thunes plus tard que les autres, arriua apres le trespas de saint Loys, & ne s'en voulut pas retoutner sans riens faire. Si s'en alla en la cité d'Acre, pour la deffendre contre les Sarrazins, & fut bien vn an dedans, par l'ayde de ceulx dela

de la ville & des Templiers : & ce pendant vint vn messagier Sarrazin Arfacide ; qui requist qu'on le feist parler audict Edouard, lequel fut mené en sa chambre : & quand il y fut, secrette- *Grosse teme- rité d'un sar- razin.* mēt tira vn couteau, & en cuyda frapper ledict Edouard droit au cœur : mais iceluy Edouard tint le coup, & tua ledict Sarrazin : toutesfois fut il blecé au costé, & en fut longuement mala- de. Apres luy vindrent nouuelles que ledict Roy Héry d'Angleterre, t quatrième de ce nom, t *P. Verg. ne le fait que 3* son pere, lequel auoit regné lvi. ans, estoit mespassé : & pour ceste cause se meir en mer pour s'en retourner, & passa par Cecille, ou le Roy Charles de Cecille le receut honnorablement, & luy feit de grāds presens, & apres s'en vint en Gascongne, qu'il tenoit en fief du Roy de Frā- ce. Puis s'en alla en Angleterre, & se feit couronner Roy : iāçoit ce qu'il eust vn frere aisné, qui estoit appelé t Aymond, au dos courbé, par ce qu'il estoit bossu. Cestuy Edouard aux lon- *t Edmund P. Verg. t P. Verg. nō- me ces mas- les autres mēt.* gues iambes, print à fēme dame Alienor, & eut d'elle Edouard Carmenean, qui regha apres luy, le Comte t Marc, Emōd Comte de Kent, & la Comtesse de Clocestre : & apres eut pour seconde femme Marguerite, fille du Roy Philippe le Bel. Il conquist Escocce, & feit de grandes guerres en France.

Du retour du Roy Philippe apres le trespas de son pere. & de la mort de monseigneur Alphonse, Comte de Poitiers & de Toulouze, & de sa femme.

Quand le Roy de Frāce fut party de Rome, luy & sa compaignie, ilz cheuauche- rent tant qu'ilz passerent les Alpes, & vindrent à Boulongne la Grasse, qui est par- deça. A la fin desdictz montz se reposerent : mais monseigneur Alphonse, Comte de Poitiers & sa femme, par laquelle il estoit Comte de Toulouze, & la pluspart de ses gens demourerent malades en vn chastel, qui est à la fin des Alpes de Boulongne, nommé Coruet, & la moururent luy & sa femme : & furent apportez leurs corps en France, & luy en- terré à saint Denis : & ladicte femme en l'Abbaye de Gercy, pres Melun, ou elle esleut sa sepul- ture : & pource qu'ilz n'auoyent nulz hoirs, lesdictes Comtez de Poitiers & de Toulouze re- vindrent audict Roy Philippe. Le Roy & sa compaignie passerent par Millan, & par toute la plaine de Lombardie, ou ilz furent par tout honnorablement receuz, reserué en vne cité, qui a nom Cremonne, ou les habitans de la ville, qui sont orgueilleux & villains, & de toute an- *Citez de Cre- monne, de toute ancie- neté hayent les Francoys.* cienneté hayent les François, refuserent l'entrée de ladicte ville, & de leur bailler logis ne vi- ures, voire mesmement pour la personne du Roy : & luy conuint loger au couuent des freres Mineurs, hors ladicte ville. Puis cheuaucherent le Roy & sa compaignie, tant qu'ilz vindrent iusques à Lyon, & s'en passerent par Bourgongne & Champaigne, & vindrent à Paris. En l'eglise nostre Dame feit le Roy apporter les corps saint Loys, son pere, & Iehan Tristan, son frere, Comte de Neuers, & des autres qui estoient mors : & le lendemain furent portez enter- rer en l'eglise saint Denis, en grand solennité.

Du sacre du Roy Philippe, filz du Roy saint Loys, & de la guerre qu'il feit au Comte de Foix.

Quand les obseques & funerailles furent accomplies, ledict Roy Philippe fut me- né à Reims, & illec couronné Roy de France, le lendemain de la decollation saint Iehan, au moys d'Aoust, l'an mil deux cēs septante & vn, presens les Prin- ces & Seigneurs de France en grand nombre. & en grand triumphe. Apres ce qu'il fut couronné, il n'oublia pas ce que son pere luy auoit enchargé & cōman- dé. Il festudia à ensuyure les bonnes mœurs & vertus de sondict pere tant qu'il peut, & fai- soit administrer iustice à ses subiectz : & pource qu'il estoit veufue, & n'auoit pas lors de fem- me, il faisoit moult d'abstinence, & comme l'on dit, souuent vestoit la haire. Il estoit plein de belles parolles, si que chacun s'en alloit content de deuant luy, sans bombans & sans orgueil : & pour les bonnes vertus qui estoient en luy, il tint son royaume en bonne paix & trāquilli- té tous les iours de sa vie. Audiēt an mil deux cēs septante & vn mourut t Thibault, Roy de *t Aucuns ne font qu'un de cestuy cy, & de l'autre qu'il a mis en la page pre- cedente. L'an mil cc. lxxii.* Navarre, Comte Palatin de Champaigne & de Brie, & fut enterré son corps à Prouins : & luy succeda esdictz royaume & Comtez Henry son frere, qui espousa la soeur de Robert, Comte d'Artois, niepce du feu Roy saint Loys : en laquelle il engēdra Iehanne, qui depuis fut Roy- ne de France, & femme de Philippe le Bel. En l'an mil deux cēs septante & deux ledict Roy Philippe fut aduertiy q Raymond Bernard, Côte de Foix, son subiect, auoit fait plusieurs excès & desobeyssances à aucūs de ses subiectz, ou officiers du Comte de Toulouze : si assem- bla son armée & alla sur luy, mais quād le Côte de Foix le sceut il vint à mercy. Le Roy par la deliberation de son conseil le feit prendre prisonnier, & mener à Beaucaire, ou il fut vn an :

† autres Ga & fut sa terre, la femme & ses enfans mis en la main du Roy. † Gâscon, vn puissant Baron de
 son, & le Berry, qui auoit espousé la fille dudit Comte de Foix, fut aduertý qu'on l'auoit accusé vers le
 disent de Roy qu'il estoit cause q' ledit Comte s'estoit esleué: si s'en vint incontínét vers le Roy, & luy
 Biard, & que le Côté pria à genoulx, & les mains ioinctes, qu'il ne le voulüst pas ainsi croire, & offroit à s'en pur-
 de Foix, & ger par son corps, à l'espée & à la lance, ou autrement, ainsi que le plaisir du Roy & de son
 uoit espou- conseil seroit, & feit tant que le Roy luy pardonna, & en osta son imagination: & apres l'an
 se sa fille. passé, & qu'on veit que ledit Comte de Foix recongnoissoit sa faulte, le Roy de sa miséricor-
 de le deliura, & luy rendit sa terre, le feit Cheualier, & s'en seruit de luy en sa court. Audiet
 an mil deux cens lxxij. monseigneur Pierre, Comte d'Alençon, filz de saint Loys, & frere du
 Roy Philippe, fut marié avec Iehanne, fille de Iehan, Comte de Bloys. En l'an mil deux cēs
 lxxiiij. le pape Gregoire vint en France, & assembla & tint vn Concile solennel en la cité de
 Lyon, ou le Roy l'alla veoir, & s'entreferirent de grands honneurs, & parlerent de plusieurs
 matieres: puis le Pape luy donna sa benediction, & le Roy s'en retourna en France, & laissa le
 Pape, pource qu'il auoit à tenir son Cōcile: & pour la garde & seureté de sa personne luy bail-
 la & laissa grand' compaignie de Cheualiers & Sergens d'armes: & luy feit bailler trois de
 ses chasteaux & fortes places pour se retraire si besoing estoit. Audiet Concile estoýent cin-
 quante Euesques, soixante grâds Abbez, & enuiron mil autres metiuz Prelatz, & en ce Con-
 cile enuoyerēt les Grecz & Tartarins, & confesserent ce qu'ilz n'auoyēt encores iamais con-
 fessé: c'est à sçauoir le saint Esperit proceder du Pere & du Filz: & en signe de ce chanterēt au
 Concile, avec les autres, le Symbole d'Athanaise: *Quicumque uult saluus esse, &c.* & furent abolies
 aucunes des ordres de Mendians: & fut dict que les Bigames ne porteroýēt plus *signum clericale*,
 ne ne iouyroýent du priuilege de clericature. Aussi fut ordonné que deslors en auant le Pape
 fust esleu des Cardinaux en peu de temps, ou qu'on les meist en prison fermée, & qu'on leur
 donnast peu de viandes, iusques à ce qu'ilz se fussent accordez, & fait election.

*Du second mariage du Roy Philippe: & de la mort du Roy de Nauarre,
 Comte Palatin de Champaigne.*

¶ L'an mil cē. lxxiiij. V dict an mil deux cens lxxiiij. ledit Roy Philippe, du conseil des Princes & Sei-
 gneurs de France, print à seconde femme madame Marie, fille du Duc de Braban:
 laquelle, le iour de la feste saint Iehā Baptiste, fut courōnée & oingte Roýne en la
 chapelle du Roy, à Paris, par Pierre Archeuesque de Reims: dont Gille Archeues-
 que de Sens, ne fut pas content, & s'en plaignoit, disant, que c'estoit au grand preiudice de
 son Eglise, par ce que c'estoit en sa prouince, & qu'audit Archeuesque n'appartenoit point
 l'onction des Roys, ne des Roynes de France, hors la prouince, qui est dictē & appelée la pro-
 uince de Belge. Surquoy fut allegué de la partie du Roy de Frâce, que ledit Archeuesque de
 Sens ne se deuoit point plaindre de chose qui eust esté faicte, & que la chapelle & maison
 du Roy estoit exempte de luy, & que par ce, à cause du lieu, l'onction appartenoit audit Ar-
 cheuesque de Reims. De ladiete Roýne Marie le Roy eut Loys, qui fut premier Comte d'E-
 ureux (lequel espousa Marguerite, fille de Philippe d'Artois: au moyen de laquelle luy vindrēt
 les seigneuries de Conches, Dāpfront, & de Mehun sur Yeure) & si eut semblablement vne
 fille, nommée Marguerite, qui fut mariée à Edouard, Roy d'Angleterre. En celle année
 mil deux cens septante & quatre, mourut en la cité de Pampelune Henry, Roy de Nauarre,
 Comte Palatin de Champaigne, & de Brie. Sa femme, qui pour tous enfans en auoit vne pe-
 tite fille, nommée Iehanne, qui estoit à mammelle, pour la doubte des Nauarrois, qui luy fai-
 soýent plusieurs griefz, s'en vint en France: & amena sa fille en la garde dudit Roy Philippe,
 son cousin germain, qui la feit nourrir honnorablement & en grand' douceur, ainsi que ses
 propres enfans: & enuoya en Nauarre messire Eustace de Beaumarez, Cheualier, pour gar-
 der & gouverner le pays en paix: mais pource qu'il voulut changer aucunes des coustumes
 du pays, ceulx du pays s'esleuerent contre luy, & l'assiégerent au chasteil de Pampelune: par-
 quoy pour le deliurer le Roy y enuoya monseigneur Robert, Comte d'Artois, son cousin, a-
 uec grand' armée, qui le deliura: & punit & corrigea ceulx qui estoýent cause de ladiete emo-
 tion, & receut les hommages des Barons de Nauarre. Ledit Côte d'Artois estant audit pays
 de Nauarre, le Roy d'Espaigne, qui auoit guerre au Roy Philippe, pour le douaire de sa soeur,
 le manda pour parler à luy. Iceluy Comte, du congé du Roy, son cousin, y alla. Ainsi qu'il fut
 la, vindrent messagiers de France au Roy d'Espaigne, & dist ledit Roy d'Espaigne audit
 Côte, qu'il auoit de bons amys en la court du Roy de France, qui luy faisoýent sçauoir de tou-
 tes nouuelles de ses affaires, dont ledit Comte fut esbahy, & doubta q' ce ne fust Pierre la Bre-
 che, qui estoit principal Conseiller du Roy.

De la

De la trahyson de Pierre la Breche, premier Chambellan du Roy.

L'an mil deux cens septante & six mourut Loys, premier filz dudit Roy Philippe, & d'Ysabeau d'Arragon, sa première femme: & disoit on qu'il auoit esté empoisonné, & en sousspeçonnoit on ledit Pierre de la Breche, premier Châbellan du Roy: lequel, pour se descharger, dist que c'auoit fait la Roynne Marie, lors femme du Roy, fille du Duc de Braban, & qu'elle auoit intétion de faire mourir tous les autres enfans du premier mariage du Roy, affin de faire regner les siens: mais toutes fois ladicte Roynne s'en excusa & purgea honnestement. Aucun tēps apres vn messager, qui portoit vnes lettres, accoucha malade en vne Abbaye, & luy cōuint mourir: mais auāt il bailla ses lettres à ceulx de l'Abbaye, & leur feit promettre qu'ilz ne les bailleroient pour riens à autre qu'au Roy de France. Apres qu'il fut mort l'Abbé les enuoya à Melun. les lettres ouurit le Roy, & trouua que c'estoyēt lettres que ledit Pierre la Breche, qui sçauoit tous ses secretz, escriuoit à aucuns des ennemys & mal vueillans du Roy, & mesmemēt au Roy d'Espaigne: & estoit ledit la Breche grand Chambellan du Roy, & gouverneur des finances, & de tous les faitz & affaires dudit Roy, & dudit royaume, & ne se faisoit riēs en France que par luy. Si faisoit iceluy la Breche sçauoir aux aduersaires du Roy toute sa volūtē & affaires, en les aduertissant de ce qu'ilz deuoyēt faire au contraire. Lors se partit le Roy de Melun, & vint à Paris. Pierre la Breche fut prins prisonnier, & par iugement condamné à estre pendu & estranglé, au commun gibet des larrons, dont les grāds Princes & Seigneurs de France furēt moult ioyeux. Car ilz auoyent grand' enuie sur luy, par ce qu'a cause de luy, il n'auoyēt nulle autorité aupres du Roy: & quand ilz vouloyēt faire, ou impetrer aucune chose vers le Roy, il cōuenoit qu'ilz s'adressassent vers ledit de la Breche, & luy feissent de grands dons. Pour le veoir pendre allerēt iusques au gibet les Ducs de de Bourgongne & de Braban, le Comte d'Artois, & plusieurs autres, cōme ceulx qui en estoyēt ioyeux. Si ne se fie nul à dame fortune, ne n'entreprenne plus grand' autorité, qu'a luy n'affiert autour des Princes.

L'an mil.cc. lxxvi.

† Autres disent de la Breche.

Icy appert qu'il ne se fait pas bon trop fier à fortune, ne trop entreprendre d'autorité autour du Prince.

De la question qui fut entre les Roys de France & d'Espaigne.

Ferrand, aîné filz d'Alphons Roy d'Espaigne, qui auoit espousé madame Ysabeau de France, fille de saint Loys, & soeur dudit Roy Philippe, en ladicte année mil deux cens septante & six alla de vie à trespassemēt, & laissa deux filz: mais combien que par le traité de leur mariage eust esté expressement accordé entre le feu Roy saint Loys & ledit Alphons, que si dudit mariage venoyent enfans, & ledit Ferrand mouroit auant ledit Alphons, son pere, lesdictz enfans succederoyent audit royaume d'Espaigne, auquel ledit feu Roy S. Loys auoit droit de par sa mere, qui estoit fille d'Espaigne, ce neantmoins ledit Roy Alphons, qui encores viuoit, en venant contre la promesse qu'il auoit faicte, du conseil & consentement expres de ses Barōs & Prelatz, ne la voulut pas entretenir: ains priua lesdictz deux ieunes enfans de sa succession, & feit couronner Roy d'Espaigne vn autre sien filz, nommé † Saussé: & qui plus est traictoit tresmal & deshonnestement madame Ysabeau de France, veufue dudit feu Ferrand, & ses enfans, & ne luy vouloit assigner douaire, ne bailler ses necessitez. A ceste cause le Roy Philippe enuoya querir sa sœur & ses enfans: mais ledit Alphons retint lesdictz enfans, & renuoya seulement ladicte dame Ysabeau, en bien pauvre estat & cōpaignie. Aucuns des Barons d'Espaigne, qui à tenir ledit traité s'estoyēt obligez, & en auoyent baillé leurs sigilles, ne furent pas contens de ce q le Roy faulsoit ses promesses qu'il auoit faictes au traité du mariage dudit Ferrand, son premier filz, & s'en vindrent en France, avec ladicte Roynne Ysabeau, & aussi pource qu'ilz ne vouloyent pas adouuer ledit Saussé, que son pere vouloit faire Roy: car il estoit homme de mauuaise vie, & auoit tiré vne Nonnain de son Abbaye, & l'auoit espousée, & d'elle eut deux enfans. A ceste cause ledit Roy Philippe assemble grand nombre de gens d'armes, & alla iusques à vne ville qui est es landes en Gascongne, appelée le mont de Marsan: & le Roy d'Espaigne vint semblablement avec grād' armée iusques à Bayōne, & cuyderēt auoir grand' guerre: mais le Pape leur mada par vn Legat qu'ilz feissent paix: parquoy la guerre cessa. En l'an mil deux septante & neuf mourut Baudouyn l'Empereur de Constantinoble & Roy de Hierusalem, qui comme a esté dict auoit esté deicté de Constantinoble: lequel auoit à femme † la fille de Charles Roy de Cecille, frere de saint Loys, & de laquelle il auoit engendré vne seule fille, nommée Katherine: laquelle bailla & transporta audit Roy de Cecille le droit qu'elle auoit audit royaume de Hierusalē, soubz condition qu'il luy assigneroit quatre mil de rēte sur sa Comté d'Aniou, pour son viure, car elle s'en

Mil deux cēs septante et six

† Autres disent Saussé.

D'un filz de Espaigne qui tira vne Nonnain hors de religion & l'espousa.

L'an mil.cc. septante neuf.

† Les autres parlēt diuersement de tout cecy.

Acquisitiōs
du Roy Phi-
lippe le
Hardy.

seine des-
bordée.

estoit venue en France. Audiēt an mil deux cens septante & neuf, Philippe & la Royne sa femme, acquirēt de Gaucher de Crecy le Chastel ville & chastellenie de Crecy en Brie, & luy baillerent en eschange la Seigneurie de Chastillon sur Marne. Item acquist de messire Baudouyn de Mortaigne la terre de Mortaigne, Tournay & Tournesis, qui estoient tenus en hommage de l'Euesque dudit Tournay, lequel hommage il achapta dudit Euesque.

En l'an mil deux cens quatre vingtz fut la riuere de Seine si grande que du costé de la porte saint Denis on ne pouoit entrer dedans, que par basteaux. En l'an mil deux cens quatre vingtz Pierre, Roy d'Arragon, appareilla grandes nauires pour aller contre Charles, le Roy de Cecille, par l'admonestement des Cecilliens, & de sa femme, qui fille auoit esté de Mainfroy, vsurpateur dudit royaume de Cecille: & affin qu'il ne fust apperceu de sa malle volonté, il enuoya solennelz messages deuers le Pape, luy signifier qu'en grand appareil il vouloit aller au seruice de l'Eglise à l'exaltation de la foy Chrestienne, vers Afrique, contre les Barbarins: mais quand son appareil fut prest il alla audiēt royaume de Cecille, ou il fut receu par plusieurs Seigneurs & habitans, qui auoyent fait ceste conspiration, & le feirent couronner Roy, contre la deffence du Pape.

Comment ceulx du royaume de Cecille tuerent en vne nuyt tous les Francoys qui y estoient, & feirent plusieurs inhumanitez.

L'an mil cc.
iii. vingtz
& un.

Les François
estans en Ce-
cille furent
tous tuez à
cause de
leurs luxu-
res.



An mil deux cens quatre vingtz & vn, ceulx des citez de Palerme, de Messine, & autres de Cecille, pour enuie & maltalent qu'ilz auoyent contre ledit Roy Charles de Cecille, frere du Roy saint Loys, & oncle dudit Roy Philippe, occirent tous les François qu'ilz trouuerent audiēt royaume de Cecille, hommes & femmes, ieunes & vieulx: & qui pis est, ouurirent les costez des femmes, qu'on disoit estre encceintes du fait des François, pour en faire mourir le fruit. La principale cause de leur mouuement fut par la luxure desdictz François, dont grand guerre sourdit entre lesdictz Roy Charles de Cecille, & le Roy Pierre d'Arragon, qui ce auoit fait faire. Ceste chose venue à la congnoissance dudit Charles, Roy de Cecille, il fut biē courroucé, & enuoya en Frâce son filz Charles, Prince de Salerne, pour requerir ayde: & à son ayde allerent Pierre Comte d'Alençon, frere du Roy Robert, Comte d'Artois, son neveu, le Comte de Boulongne, Jehan Comte de Dampmartin, & Helin Comte de Bourgongne, le Comte de Iigny, & plusieurs autres Nobles, & grād multitude de gens de guerre François. Quand ilz furent en Calabre ledit Prince de Salerne laissa Lieutenant dudit pays ledit Robert, Comte d'Artois, & se meit sur mer pour faire guerre aux aduersaires de sondict pere, mais il fut combattu & prins prisonnier. Semblablement mourut en la Pouille, Pierre Comte d'Alençon, frere du Roy, & fut son corps enterré audiēt pays, en l'Abbaye de Montreal, & ses os apportez aux freres Mineurs de Paris, & demoura veufue madame Jehanne Comtesse de Bloys, sa femme. En l'année ensuyuant ledit Charles Roy de Cecille mou-

† L'histoire
de Naples
dit le septie-
me de Feb-
urier,
1284.

Le royaume
d'Arragon
donné
par iherosme
à Charles
de Vallois.
† N'est-cez
pas de celle
d'Italie.

rut, le 7. sixieme iour de Ianuier: & apres son trespas le Pape Martin bailla à Messire Robert, Comte d'Artois, la charge & deffence dudit royaume de Cecille, & la tuition des enfans, par ce que le Prince de Salerne estoit prisonnier. Quand ledit Robert, Comte d'Artois, eut longuemēt esté en Calabre, il luy print volonté de s'en retourner en France. Il passa par Rome pour veoir & visiter les saintz Apostres, & veoir le Pape. La print vne maladie à sa femme, dont elle mourut, & fut enterrée en l'Eglise saint Pierre de Romme: de la mort de laquelle le Comte fut moult courroucé, car elle estoit bonne dame, & de grand lignage. Deux enfans laissa audiēt Comte, vn masle, nommé Philippe, & vne fille, qui depuis fut femme d'Orhelin, Comte de Bourgongne. Auant le retour dudit Comte Robert d'Artois, le Roy Philippe fit le mariage de la soeur d'iceluy Robert, veufue de feu Héry, Roy de Nauarre, Comte de Champagne, avec Aymond, frere du Roy d'Angleterre Edouard, dont ledit Comte ne fut pas content. Pendant que ces choses se faisoient les Ceciliens, qui contre la deffence du Pape auoyēt fait couronner Roy de Cecille Pierre, Roy d'Arragon, pour ceste cause furent excommuniez par le pape Martin, & le Roy, & sa mere, & son frere aussi, & sa terre d'Arragon interdicte, & luy priué d'icelle: laquelle terre & royaume d'Arragon par l'Eglise de Rome fut donnée au frere dudit Roy Philippe de France, nommé Charles, Comte de Vallois: & à ceste cause le Roy de France tira vers Bordeaux, & de la s'en alla en Arragon pour conquerir le royaume, & print le pays de Roussillon. puis s'en alla à 7. Gennes, que le Roy d'Arragon auoit ostée au Roy de Maillorque, qui tenoit le party du Roy de France: & fut ladicte cité prinse d'assault, pillée & destruite, & tous les gēs de guerre, qui estoient dedans, tuez, reserué vn, appelé le Bastard de Roussillon, qui se retrahit au clocher de l'Eglise, & se deffendit vaillamment,

vaillamment, tellement que le Roy le fait respiter de mort, moyennant qu'il luy fait le serment. Apres ce le Roy passa les montz Pirenés, & alla tirant vers Gyronne, ou il tint le siege trois moys. Quand le Roy d'Arragon, qui estoit en Cecille, en sceut les nouuelles, il s'en vint en Arragon, pour deffendre sa terre, & fait amener soubz bonnes gardes le Prince de Salerne, filz dudit feu Roy Charles de Cecille, qui estoit son prisonnier: & fut ledict Roy Pierre d'Arragon tué à vne course, ou il estoit venu en habit dissimulé, avec cinq cens hommes de cheval, pour cuyder surprendre les François, durant qu'ilz tenoyent le siege deuant Gironne, & qu'ilz estoient allés querir des viures au port de Roses, ou estoit le nauires du Roy: & luy succeda son filz Alphons au royaume d'Arragon, & Jaques son autre filz, & Constance sa mere, occuperent le royaume de Cecille, & s'en fait couronner Roy contre le commandement du Pape, qui pour ceste cause l'excommunia. En l'an mil deux cens quatre vingtz & quatre ledict Roy Philippe fait monseigneur Philippe, son aîné filz, Cheualier nouveau, le iour de la feste de l'Assumption nostre Dame, & luy fait espouser madame Jehanne, fille du feu Roy de Nauarre, Comte Palatin de Châpaigne & de Brie, & de par elle luy vindrent ledictz royaume & Comtez. En l'an mil deux cens quatre vingtz & cinq trespassa le pape Martin, & luy succeda le pape Honoré, qui cōferma la sentēce proferée contre Pierre Roy d'Arragon, sa mere, & son frere. Iceluy pape Honoré t̄ vesquit iusques à Pasques seulement: & luy succeda Nicolas, quatrieme de ce nom.

Le Roy de
Arragō fut
tué par les
François, avec
cinq cēs
hommes de
cheual.

† Plat. dit
qu'il tint le
siege 2. ans
sept iours.

De la mort du Roy Philippe le Hardy.



Antoist apres vne maladie print audict Roy Philippe: parquoy, & aussi que la saison d'yuer s'approchoit, il fut contrainct s'en retourner en Frâce, & se mit à chemin & tira vers Narbonne. Si tost qu'il fut party ceulx de Gironne se remeierēt es mains du Roy d'Arragon. Quand le Roy fut venu à Parpignan, il fut si pressé de sa maladie qu'il trespassa au moys d'Octobre, mil cc.iiij.xx. & cinq, au quinziesme an de son regne entier, & le xl. de son aage, ou enuiron. Sa chair & ses entrailles furent enterrees en la grand' eglise de Narbonne, & ses os furent apportez & enterrez à saint Denis en France, & son coeur mis es Iacobins de Paris: & ladicte Royne Marie sa derniere femme demoura & vescut veufue apres luy trēte & six ans. Il laissa deux filz: c'est à sçauoir Philippe le Bel, qui fut Roy, & Charles Comte de Valloys, & de sa premiere vne fille, mariée au Duc de Autriche: & de ceste derniere Loys Comte d'Eureux, & Marguerite Royne d'Angleterre.

En ce temps estoient Jehan l'Escot & Jehan André, deux grands Docteurs, à Boulongne la Grasse. Lors furēt instituées les festes des quatre Docteurs de sainte eglise, saint Hierosme, Augustin, Ambroise & Gregoire. Enuiron ce temps les Carmes laisserent les Manteaux qu'ilz portoyent, barrez de diuerses couleurs, & prindrent chappes blanches. En l'an mil deux cens quatre vingtz & cinq frere Gilles de Romme, de l'ordre des Augustins, fut fait Archeuesque de Bourges, & estoit iceluy frere Gilles vn grand & solennel Clerc, homme de sainte vie, & fait & composa plusieurs volumes de liures, tant sur la sainte escripture, qu'en Philosophie.

L'institutio
des festes
des quatre
Docteurs de
l'Eglise.

Du Roy Philippe le Bel.



L'an mil.cc.
quatre uingt
et six.
tal. Fōtai
nebleau.

Philippe, quatrieme de ce nom, diēt le Bel, filz de Philippe troisieme, diēt le Hardy, commença son regne entier de France & de Nauarre, l'an mil deux cens quatre vingtz & six, & trespasla le vingthuyetieme an de son regne, à Fontainebelland en Gastinois, ou il auoit esté nay : & gist son corps à saint Denis en France, & son coeur en l'eglise des Nonnains de Poissy, qu'il feist edifier de neuf.

La fondatiō
du College
de Nauarre.

Cestuy Roy Philippe le Bel fut moult vaillant, preux & hardy. Il eut à femme Iehanne, seule fille & heritiere de Henry, Roy de Nauarre, Comte Palatin de Champaigne & de Brie, que son pere Philippe troisieme auoit fait nourrir depuis le temps que sa mere, veufue, l'auoit apportée en France ieune enfant : & par ladiēte Iehanne vindrēt audiēt Philippe le Bel lesdiētz royaume de Nauarre & Comtez de Champaigne & Brie : & fonda icelle Royne Iehanne, du congé & vouloir dudiēt Roy Philippe le Bel, son mary, le College de Chāpaigne, diēt de Nauarre, à Paris : & y donna grandes rentes sur son domaine de Chāpaigne. qui est contre l'erreur du commun prouerbe d'aucuns, qui en deuissant dient : Prions pour la Royne Blāche qui fonda Nauarre : car lors icelle Royne n'estoit pas veufue, ains estoit fēme dudiēt Roy Philippe le Bel : pquoy ell ne s'appeloit pas la Royne Blāche. Lediēt Roy Philippe le Bel engēdra en la diēte Iehāne trois filz, & vne fille. Lesdiētz trois filz furēt tous trois subsecutiuelement Roys de Frāce & de Nauarre. Le p̄mier fut Loys Hutin, q̄ lediēt Philippe, en son viuāt, feist couronner Roy de Nauarre. Le secōd fut Philippe le Long, qui fut Côte de Poitou, & apres Roy. Letiers fut Charles le Bel, qui fut Côte de la Marche, & depuis Roy, & moururēt tous trois sās hoirs masles, & ne durerēt qu'enuirō xij. ans. La fille fut nōmée Ysabeau, & fut mariée à Edouard, Roy

Roy d'Angleterre, furnomé † de Carmanan ij: de ce nom, filz d'Edouard aux lōgues iambes: † parauant
à cause de laquelle Ysabel Edouard de Vvidepie son filz, Roy d'Angleterre, apres le trespas des
dictz trois Roys ses freres, voulut pretendre droit à la couronne de France, cōme sera veu cy
apres. L'an mil deux cens quatre vingtz & six, qui fut le premier an du regne du Roy Phi-
lippe le Bel, Edouard, le vieil Roy d'Angleterre vint en Frâce, & feit hommage au Roy pour
la Duché d'Aquitaine, & autres terres qu'il tenoit de luy: & à son retour alla à Bordeaulx, ou
il tint grād Parlement & assemblée: & la luy vindrent plusieurs messagers & Ambassadeurs,
& entre autres les messagers des Roys Alphons d'Arragō, & Iaques de Cecille, & aussi d'Es-
paigne. Pour laq̃lle cause, ioinctes aucunes presumpciōs, on doubtoit qu'il deust machiner au-
cune chose contre le Roy, & le royaume de France: toutesfois il procura la deliurance du
Prince de Salerne prisonnier dudit Roy d'Arragō, qui estoit son cousin. Ledit Alphōs, Roy
d'Arragon, cōmença à regner audit royaume d'Arragon, & Iaques en Cecille, apres la mort
d'Alphons son pere, & occupa † Cecille, & la terre de l'Eglise, que le Pape Martin auoit don-
née à monseigneur Charles, frere du Roy Philippe le Hardy: pour laquelle cause Pape Hono-
ré, qui fut esleu apres ledit Martin, conferma la sentence d'excommuniment proferée contre
Pierre d'Arragon, Alphons & Iaques ses enfans, & Constance leur mere. L'année ensuy-
uant mil deux cens quatre vingtz sept apres le trespas de Charles, Roy de Cecille, le Roy de
Cypre print la cité d'Acre, & se feit couronner Roy de Hierusalem, au preiudice de monsei-
gneur Charles de Cecille, cousin dudit Roy Philippe le Bel: & pource que les Tēpliers, qui
estoyent en l'isle de Rhodes, furent à ce consentans & aydans, ledit Roy de Cecille feit saisir
tous les biens qu'iceulx Templiers auoyent en son royaume, par ce qu'ilz auoyent souffert,
permis, & adheré à la prinse de sondit royaume, comme on disoit: & semblablement ledit
Roy Philippe le Bel, son cousin, en conceut grand' hayne contre lesdictz Templiers, comme
il leur monstra bien apres. En ladiete année le Comte d'Artoys, qui estoit gouuerneur au
royaume de Cecille de par le Pape, & tuteur des enfans du feu Roy Charles de Cecille, feit
faire grands appareilz pour faire guerre audit Alphons, Roy d'Arragon, & à Iaques son fre-
re, & enuoya à Venize & ailleurs, pour auoir plusieurs nauires: mais culx cuydans obtenir
absolution du Pape, s'enuoyerent excuser, & feirent proposer deuant luy plusieurs choses fru-
stratoires: ausquelles le Pape n'adiousta nulle foy, par ce qu'il scauoit bien le contraire estre
vray. Audit an vn des Cheualiers de messire Robert d'Artoys, avec grands nauires, sen
alla descendre à vn port pres de Naples, & print la cité de † Cachine, & la garnist de gens, &
réuoya ses nauires. Tantost les gens du Roy d'Arragon le voulurent assieger: A son ayde vou-
lurent aller messire Guy de Mōtfort, Comte de Vienne, Philippe filz du Comte de Flandres,
& autres, lesquelz furēt prins sur mer par messire Rogier de † Laure, Cheualier du party d'Ar-
ragon: mais aucun temps apres ilz furent deliurez, moyennant grād' rançon, & n'y demoura
que ledit Guy de Montfort, que le Roy d'Angleterre son aduersaire & hayneux feit estroite-
ment garder par ledit Roy d'Arragon. En ladiete année mil. cc. iij. xx. & .vij. mourut Ie-
hā, Comte de Bretagne, nommé le Comte Roux, filz de Pierre de Dreux, dict Mauclerc, qui
auoit tenu † la Duché quarante neuf ans, & auoit eu à femme Blanche, fille de Thibault de
Nauarre, Comte de Champagne & de Brie, & Ysabeau, fille du Roy sainct Loys: de laquelle
il eut six filz, Iehan, Pierre, Thibault, & Thibault, Nicolas & Robert, & deux filles, Aelis, &
Alienor. Alienor mourut ieune, Aelis fut mariée au Comte de Bloys, & fonda l'Abbaye de
la Guiche, pres Bloys. Apres son trespas fut Comte de Bretagne son aîné filz, Comte de Ri-
chemōt, qui auoit à femme Biétris, fille du Roy Henry d'Angleterre: de laquelle il eut Artus,
qui fut Comte apres luy, & Iehan, Comte de Richemont. En l'année mil. cc. iij. xx. vij.
Charles, Prince de Salerne, filz du feu Roy Charles de Cecille, fut deliuré de la prison du Roy
d'Arragō, moyennant grand' fināce qu'il paya, & aussi qu'il promist procurer & faire la paix
dudit Roy d'Arragon, entre le Pape & le Roy de France, & fil ne la faisoit il seroit tenu de
foy rēdre & retourner prisonnier dedās trois ans: & ainsi le iura faire, & en bailla ostage trois
de ses enfans, & dix des plus nobles de sa compaignie: & quand il fut à Rōme le Pape le cou-
ronna Roy de Cecille, & le dispensa du serment qu'il auoit fait. En l'an mil. cc. iij. & x.
fut fait certain appoinctement entre lesdictz Roys de Cecille & d'Arragon, par lequel mon-
seigneur Charles Comte de Valloys, frere du Roy Philippe le Bel, à la requeste dudit Roy
Charles de Cecille quitta le droit qu'il auoit es royaumes d'Arragō & Valēce, qui luy auoit
esté donné par le Pape: & espousa ledit Comte de Valloys vne des filles du Roy Charles de
Cecille: lequel à ce moyen luy donna & trāsporta les Comtez d'Aniou, & du Maine. En
l'année ensuyuāt, mil deux cens quatre vingtz & vnze, mourut Iehanne Comtesse de Bloys:
& luy succederent Hugues Comte de saint Paul, & ses freres, & Gautier Seigneur de Cha-
stillō ses cousins, & eut ledit Hugues à sa portion ladiete Comté de Bloys, moyennant qu'il

† parauant
dit Carman-
ne à simple-
ment.

† n'entend
que l'isle.

L'an mil. cc.
iij. xx. &
vij.

Le Roy de
Cypre se
feit couron-
ner Roy de
Hierusalem

† Catania
se nōme au
langage du
pays.

† Loria se
nommoit.

† parlāt de
Bretagne il
la fait
Duché
Comté sans
difference.

L'an mil. cc.
iij. xx. &
vij.

L'an mil. cc.
iij. xx. &
x.

L'an mil
cc. iij. &
xi.

L'an mil laissa à Guy son frere la Comté de saint Paul. L'an mil deux cens quatre vingtz. & douze
 cc. iiii. xx. Edouard, Roy d'Angleterre, d'une malice la pieça conceue, comme l'on disoit, combien qu'il
 c. xii. eust fait au Roy hommage & serment de fidelité, feit grâd appareil de nauires tant à Bayonne
 qu'en Angleterre, soubz vmbre qu'il donnoit à entendre à ses subiectz qu'il vouloit aller
 oultre mer sur les Sarrazins : mais il feit bien autrement, car il descendit en France en diuers
 cruauté lieux : c'est à sçauoir, à Bayonne, à la Hogue saint Vvast, & autres lieux en Normandie, à la
 du Roy Rochelle, & firent les gens plusieurs maulx, & innombrables, en rauissant les biens, bruslât
 d'Angleterre villes & villages : tuant & captiuant par feu, par glaiue, & par prison hommes, femmes & en-
 re descendu fants. Apres s'en retourna en Angleterre, souillé de sang humain, & chargé de la proye du lar-
 en France. recin qu'il auoit fait : & pource que ledict Roy Anglois n'en voulut faire reparation, apres
 deue sommation le Roy feit par messire Raoul de Nelle, son Connestable, saisir toute Gascogne,
 & adiourner ledict Edouard à comparoir en son Parlemēt : mais ledict Roy d'Angleterre
 l'année ensuyuant, meut de fier & orgueilleux courage, selon la nature du pays, manda au-
 di dict Roy de France par grand desdaing, qu'il renonçoit, & luyquistoit entierement toutes ses
 seigneuries & droictz qu'il tenoit de luy & de la courōne de France, en hommage, & que son
 intention estoit en briefs les reconquister par armes avec d'autres au royaume de France, sans
 ce qu'il d'aignast riens tenir de luy : & deslors luy feit signifier deffiances, non point de iuste
 guerre, mais de depopuler son pays, y raurir tout ce qu'il pourroit, brusler villes & chāps, & d'y
 exercer toute maniere de guetie à feu & à sang.

*Exclamation contre le Roy d'Angleterre: & des beaulx & fructueux propos pro-
 posez par l'auteur de ce liure.*



Ruelle felonnie d'Angleterre. O rebellion damnable, faicte de subiect à son na-
 turel & souuerain Seigneur en abomination de Dieu & des hommes quelle res-
 uerie te meut de te vouloir par desobeissance despouiller de si riches seigneuries
 que tu tenois en paix, & sans debat, pour les cuider recouurer par fureur de glai-
 ue, en piteuse subuersion de la chose publique ? O presumption intolérable, ay-
 mes tu mieulx te soubzmettre aux perilleux dangiers de guerre, & perilleuse perdition de ton
 ame, & abandonnement de ton hōneur, que de garder par vraye obeissance plaisante à Dieu
 la foy & loyauté que tu as volontairement iurée & promise ? O cruel Tyran, à ceste fois tu
 te despouillas de la belle robe de iustice, & bannis ton cœur de toute pitié quand sans raison
 rompis l'alliance que tu deuoyes entretenir avec ton souuerain Prince, & luy denias rendre
 l'obeissance que iurée luy auoyes : & qui plus est, tu as plus tost choisy à toy exposer à perdre
 corps & ame, avec tous les autres biens, que d'accomplir le deuoir de ton obligation, par la-
 quelle tu estois tenu de deffendre l'honneur & la vie de celuy, dont sans le t'auoir desseruy
 tu t'es entrahys en constitué persecuteur. Soyes certain que de ce ne se tairont pas les liures
 qui en parleront apres tes iours, en ton ignominieux opprobre & reproche perpetuelle de
 toy & des tiens. Je te demande Edouard, qui reparera les dommages que ta cruauté à fait
 en empeschant, rompant, & retardant le recouurement de la terre sainte, & la reduction d'un
 peuple infiny à la sainte foy de Iesus Christ ? Certes il n'est pas à croire que Dieu voulsist
 souffrir tant de maulx longuement impuniz : & pource, quiconques deormais se constituera
 aduersaire de toy & des tiens pour punir soubz la puissance diuine tes malices, & afin que les
 pays que tu as opprimez puissent demourer en paix, sera digne de loyer souuerain. Car il
 n'est riens plus salutaire aux hommes ne plus acceptable à Dieu, que de persecuter un Tyran
 comme toy Edouard, qui t'es constitué pirate de mer, gasteur de pays, rauisseur public, vio-
 lateur d'eglises, depopulateur des champs, embraseur des villes & des Chasteaux, meurdrier
 cruel, & captiueur des gens, sans mercy. Que feis tu en Normandie ? que feis tu vers la
 Rochelle ? que feis tu vers l'Isle de Re, prochaine d'illecques que tu bruslas & emportas
 les biens ? que feis tu à Bayonne, & en plusieurs autres lieux, dont les rapines & dommages
 que tu y perpetras furent innombrables ? Et que sensuyuit il ? Certes le Roy Philippe, affin de
 deffendre les subiectz desdictes tyrannies, fut contrainct imposer certain tribut : c'est à sçauoir
 pour la premiere fois le centieme, & puis apres le cinquantieme de tous les biens, tant du
 clergé que de son autre peuple, indifferemment : dont le peuple pour si grand charge fut
 seduit, & de fait s'esleua, & tua à Paris, à Rouen, à Orleans, ceulx qui y cueilloient
 les impostz, dont les aucuns furent capitallement puniz. Iceluy Roy Philippe le Bel
 fut mal content de ce que le Pape Boniface ne luy voulut donner auctorité de leuer ledict
 impost sur le clergé : & pource fut iceluy Pape tenu en Frâce pour suspect d'heresie & simonie :

*Da gros tri-
 but que le
 Roy de Frā-
 ce fut con-
 trainct d'im-
 poser sur le
 peuple de
 France.*

& en

& en l'assemblée des Prelatz & des Nobles de France, fut il aussi reputé pour coupable de la mort de ceulx qui en cueillant lesdictz impostz auoyent esté tuez, comme dict est : & en icelle assemblée fut conclud qu'on n'obeiroit plus aux mandemens d'iceluy Pape, iusques à tât qu'il se fust purgé au Concile general de l'Eglise militante, des crimes qui luy estoient imposez. Auec ce ledict Roy Philippe le Bel & ses Prelatz de son royaume, craignans qu'iceluy Pape ne les voulsist greuer par censures iniustes, & affin qu'il ne le feist, appelerent de luy au saint Cōcille aduenir: mais ledict pape Boniface, craignant l'impetuosité des Cardinaulx de la Coulonne, & d'aucuns autres, lors ses ennemys capitaulx, ne voulut pas conuoquer ledict general Concile, ainçois quand il sceut que ledict Roy & seldictz Prelatz estoient indignez contre luy, il enuoya vn Legat, affin qu'il excommuniast les desobeissans à luy, & qu'il meist l'interdict ecclesiastique au royaume de Frâce: lequel Legat, venu à Troye en Champaigne, fut em- vn Legat
du Pape pré
sonnier à
Troye. prisonné durement par les officiers du Roy, & tellement iniurié qu'il en deuint frenatique, dont iceluy Pape mourut de courroux au chastel de saint Ange à Romme: & fut Benoist, vn-
zieme, son successeur, qui declaira par sentence ledict Roy & ses adherens n'estre point coul-
pables: mais en tant que mestier estoit leur donna le benefice d'absolution, à l'humble requê-
ste d'iceluy Roy.

Ledict pape Benoist vnzieme ne dura que huyt mois & quelques iours au siege: & apres sa mort que le siege eut vaqué enuiron vn mois, fut esleu l'Archeuesque de Bordeaux, & nom-
mé Clement cinquieme.

Du Comte de Henault, qui se leua contre le Roy.

En ce temps le Comte de Henault infestoit & faisoit aucuns excès & molestes sur les subiectz & terres du Roy à luy voy fines, & aux eglises qui estoient en la garde du Roy, & n'en vouloit faire reparation par les prieres ne mandement du Roy: parquoy tantost apres ledict Roy enuoya contre luy son frere monseigneur Charles de Valloys, qui alla iusques à saint Quentin en Vermandois, avec grand ost. Et quand ledict Comte de Henault sceut la nouuelle de la grand' puissance du Roy, il vint deuers mondict seigneur Charles, sans armeures, audict saint Quentin: & de la ledict Charles l'amena à Paris deuers le Roy, & à son plaisir amenda ce qu'il auoit meffait. En l'an mil l'an mil. cc.
iii. xx. xiiii deux cens quatre vingtz & quatorze, le Pape Celestin, qui fut apres Pape Nicolas quatrieme, & lequel parauant auoit vescu comme hermite, apres que le siege eut vaqué deux ans trois mois, par ce que les Cardinaulx ne se pouuoient accorder, en fin fut esleu: mais enuiron six mois apres audict an, en plain consistoire, *nescio quo spiritu ductus*, resigna la Papaulté: & au lieu de luy fut mis Boniface huytieme. Ledict Celestin s'en voulut aller & retourner au lieu dont il estoit venu, mais ledict Boniface ne le voulut pas souffrir, mais le fait garder en vn lieu seur. En celle mesme année, au mois de Feburier, monseigneur Ote, Comte de Bourgon La Comté
de Bourgon
gne & de
Salins fu-
rent trans-
portées au
Roy Philip-
pe le Bel. gne, & depuis d'Artois, Seigneur de Salins, ceda & transporta audict Roy Philippe le Bel lesdictz Comtez de Bourgogne & de Salins, soubz certaines pactions: & mesmement que l'un des filz du Roy espouseroit Ichanne, fille dudit Ote & de Mahault sa femme, par laquelle il fut Côte d'Artois, & moyennât la somme de cinquante cinq mil liures, dont le Roy luy paya trente mil liures, & l'aquistâ enuers aucuns ses crediters de vingt & cinq mil liures: & moyennant cestuy transport & appoinctement ladicte Ichâne, fille desdictz Comte & Comtesse, fut depuis mariée à Philippe, second filz dudit Roy Philippe le Bel: lequel traité & appoinctement fut apres confirmé & approuué par ladicte Comtesse Mahault, mere de ladicte Ichâne, & par Robert son filz, & aussi apres par madame Blanche sa fille, qui mariée fut à monseigneur Charles, Comte de la Marche, tiers filz du Roy Philippe le Bel.

De la descente que firent les Anglois en France, & d'une grand' desconfiture que fait sur eulx monseigneur Charles de Valloys.

En l'an mil deux cens. iiii. xx. & xiiii. le Roy d'Angleterre de rechef vint en Frâce à grand' puissance par mer & par terre. La Rochelle prindrent les Anglois, & la destruisirent par feu & par glaue. De la tirerent deuers Bordeaux. les Chasteaulx de Blaye, Bourg, & autres places, qui sont sur les riuieres de Gyrôde & Dordonne, prindrent, & en chacerent les François: mais à Bordeaulx ne peurent ilz entrer, pour la resistance qu'y fait messire Guy Comte de Neelle, Connestable de France, qui estoit dedans: parquoy lesdictz Anglois allerent & tirerent deuers Bayonne, qui par la trahy son d'aucuns des habitâs leur fut baillée: mais ce neantmoins les gens de guerre tindrent apres

long temps le chastel, puis s'en departirent & s'en allerent par mer : & par ce ledict Roy Philippe, monseigneur Charles de Valloys, avec plusieurs gens d'armes, allerent en Gascongne, ou ilz prindrent plusieurs places. Iceluy monseigneur Charles de Vallois meit le siege deuant vne forte place, qui a nom la Reolle sur Gironde, & y fut huyt iours sans le pouoir prendre : parquoy ledict Connestable alla à son ayde. Ceulx de dedans, qui estoient grand nombre d'Anglois & Gascons, se deffendoient moult fierement. A la fin fut faicte composition que les Anglois bailleroyent la ville, & s'en iroyent leurs vies sauues : mais ledict messire Charles feit pendre tous les Gascons.

L'an mil
cc. iiii. xx.
c. xv.

En l'année ensuyuant mil deux cens quatre vingtz & quinze ledict monseigneur Charles de Valloys alla de rechef avec grand armée en Gascongne contre les Anglois : & meit le siege deuant la Reolle sur Gironde, qui s'estoit remise en l'obeissance des Anglois : & dedans la place estoient pour la deffendre Iehan de saint Iehan, & Iehan de Bretagne, & grand nombre d'Anglois & Gascons, & tint longuement ledict siege. Apres luy alla à son ayde monseigneur Raoul de Neelle Connestable de France : lequel en allant meit le siege deuant la place de Podanfac sur Dordonne, & la print par composition que ceulx de dedans auroient la vie sauue. Apres la prinse, la place fut demolie, & s'en alla ledict Connestable deuers mondict seigneur Charles de Valloys, au siege de la Reolle, & mena avec luy quarante desdictz Anglois prins dedans Podanfac, à sa volonté, des principaulx : & pource que ceulx de dedans la Reolle ne vouloyent rendre ladicte place, mondict seigneur de Vallois feit tous pèdre lesdictz quarante Anglois : & tost apres ceulx de la ville de la Reolle eurent debat contre les Anglois, parce qu'ilz n'auoyent plus de viures : & eulx voyans desesperez de secours ledict de saint Iehan & Iehan de Bretagne s'en saillirent de nuyt secrettement, & s'en allerent par la riuere de Gironde. Le lendemain fut donné l'assault à ladicte ville, & fut prinse par les François : & apres mondict seigneur Charles de Valloys, & son armée, passa la Gironde, & alla mettre le siege deuant la ville de saint Seuer, qu'il print par composition, apres qu'il l'eut longuement tenue assiegée, puis s'en retourna en France : mais apres ce qu'il s'en fut retourné ceulx de ladicte ville de saint Seuer, en reprenant l'esprit de rebellion, se meirent de rechef es mains des Anglois. Durant ledict siege de saint Seuer iceluy monseigneur Charles de Valloys, avec plusieurs François, feit vne course sur les Anglois, qui vouloyent aller aitailler Bayonne, & autres places d'environ : & pour conduire leurs chariotz & viures estoient bien sept cens homes de cheual, & cinq mil homes de pied Anglois & Gascons. En ladicte course fut tué Emond au dos courbe, frere dudit Roy d'Angleterre, & plusieurs autres prins, & chacez le Côte de Lincolle & Iehan de Bretagne : & aussi y furent prins prisonniers Iehan de saint Iehan, & Guillaume de Mortemer, & plusieurs autres seigneurs d'Angleterre, qui furent enuoyez en France : & ne fust la nuit qui entreuint, il n'y fust nul demouré : mais il s'en sauua es boys plusieurs, & furent tous leurs viures, chariotz & habillemens prins : & par ce cessa l'esmotion desdictz Anglois pour celle fois. En celle année fut par le Pape Boniface fait Archeuesque de Bourges frere Gilles de Romme, de l'ordre des Augustins : lequel feit plusieurs beaulx liures & escriptz, tant sur la sainte escripture que sur Philosophie.

† autres di
sent qu'il
mourut de
sa mort na-
turelle,
1296.

† autres 15

Charles de
Valloys des-
cend en An-
gleterre.

† autres di
sent l'an de
uant.



EN l'année mil. cc. iiii. xx. † xvj. ledict Charles de Valloys avec grand nombre de nauires feit vne course en Angleterre, & destruisit la ville de Doure, & le pays d'environ : & si fust bien allé plus auant, qu'il l'eust voulu croire, mais il en fut desconseillé par Matthieu seigneur de Montmorency, & Iehan de Harecourt, qui estoient Admiraulx en celle armée. En ladicte année les Escossois, qui estoient alliez au Roy de France, firent plusieurs courses en Angleterre & destruisirent grands pays : & ainsi qu'ilz s'en retournoyent Iehan leur Roy par trahison & prodicion d'aucuns de ses gens fut prins, & mené prisonnier au Roy d'Angleterre. † En celle mesme année mourut madame Marguerite, Roine de France, qui auoit esté femme de saint Loys, & fut honorablement enterrée en l'eglise de saint Denis, aupres de son mary. En icelle année Alphons & Ferrand, enfans de feu madame Blanche de France, fille du Roy saint Loys, & de Ferrad, aîné filz du Roy Alphons d'Espaigne, estans lors en France, par ce que ledict vieil Alphons leur grand pere, les auoit deictez du droit qui leur deuoit appartenir, à cause de leur pere, assemblerent gens, & par son moyen & intelligence entrèrent en Espaigne, & firent alliance avecques Jaques Roy d'Arragon, & tant firent qu'ilz prindrent le royaume de Leon : lequel ledict ieune Alphons bailla à vn sien oncle, nommé Iehan, à le tenir en fage de luy, lequel tantost apres le trahyt & fallia audit Roy Sauffe leur oncle. En icelle année eut grand trouble en l'eglise de Romme, par ce que le Pape Celestin mourut, lequel auoit esté parauant depesé, & en son lieu mis Boniface huytieme, qui auoit fait garder ledict Celestin estroitement en vn

en vn chastel: & Pierre & Jaques de Coulonne, Cardinaux, affermerent que la deposition dudit Celestin auoit esté faicte indeuement, & que l'election dudit Boniface estoit iniuste: & par cetenoient la court de Romme estre en erreur: & pour ceste cause ledit Pape Boniface cōceut grand' hayne contre eulx, & les depōsa de la dignité d'estre Cardinaulx. Tantost apres le Pape Boniface enuoya à Paris deux Cardinaulx, pour traicter paix entre les François & les Angloys. Iceluy Pape Boniface aussi contre la volonté du Roy separa la cité de Palmiers de l'Archeuesché de Toulouze, & y feit & meit vn nouuel Euesque: lequel quand il se veit eleué en la dignité Episcopale, fut moult orgueilleux, & dist & proposa plusieurs malles, contumelieuses & iniurieuses parolles de la personne dudit Roy Philippe le Bel, à la grād' charge de son honneur: & feit, comme l'on dit, contre luy plusieurs conspirations: & disoit iceluy Euesque qu'il ne tenoit rien du Roy, mais estoit nuement subiect au Pape *in spiritualibus & temporalibus*: parquoy le Roy feit saisir son temporel, & le feit appeler pour s'en purger, & pour faire le serment de fidelité au Roy: & combien qu'il fust trouué chargé & coupable, & que le Roy fust incité par plusieurs fois d'en faire rigoureuse punition, toutesfois il ne voulut point qu'il fust molesté en sa personne, sachant & disant que plus glorieuse chose est à vn Prince de magnanime courage de pardonner à ceulx dont il se pourroit bien venger que ce n'est de prendre vengeance contre eulx: mais bien fut iceluy Euesque de son consentement arresté, & mis en la garde de l'Archeuesque de Narbonne. En ce temps fut faicte par le royaume de France, pour le faict de la guerre contre les Anglois, vne grande exaction non accoustumée, qu'on appelle Malletoste, premierement sur les marchans & gens lays seulement, & apres sur le centieme & puis le cinquantieme de tous les biens, tant des lays que des clercs: mais ledit Pape Boniface ne voulut consentir qu'on la leuast sur les clercs & gens d'Eglise: & feit vn Decret cōtre tous les Roys & Princes terriens de Chrestienté, qui leueroient aucunes exactions sur gens d'Eglise, qu'ilz encourroyent sentence d'excommuniment *ipso facto*: de laquelle sentence ilz ne pourroyent estre absoubz, *nisi in mortis articulo*, sinon par le Pape, *uel mandato ipsius specialis*: & à ceste occasion sourdit grand different entre le Pape & le Roy.

L'Eglise de Palmiers fut erigée en Euesché.

La malletoste qui fut leuée en France.

Comment les Comtes de Flandres & de Bar, & autres, s'esleuerent contre le Roy, qui leur feit guerre.

EN celle mesme année mil deux cens quatre vingtz & seize, Guy Comte de Flandres, s'allia au Roy d'Angleterre, par l'enhortement de Robert son filz, toutesfois il vint à Paris, ou il amena sa fille qu'il vouloit secrettement enuoyer pour espouser avec ledit Roy d'Angleterre: mais le Roy, qui fut aduertý de sa machinatioñ, le feit arrester, & detenir en garde: & apres ce la fille demoura, & fut nourrie avec les enfans du Roy: & ledit Comte assez tost apres fut deliuré, & s'en retourna en Flandres: & aucun temps apres ledit Comte de Flandres, par l'enhortement dudit Robert son filz, en la faueur dudit Roy d'Angleterre, s'esleua de rechef cōtre le Roy, & luy māda qu'il le desaduouit à Seigneur, & tenir aucune chose de luy. Aussi † Raoul Empereur l'Allemagne, s'allia audict Roy d'Angleterre, moyennant certaines grands sommes de deniers qu'il luy promit: & enuoya iceluy Empereur lettres de deffiance au Roy de France, qu'il receut: & apres icelles veues, le Roy, par deliberation de son conseil bailla au messagier vne fueille de papier close en forme de lettre, en laquelle n'auoit riens escript. Apres ce que le Roy luy eut fait quelque gracieux present, il porta à son seigneur l'Empereur lesdictes lettres closes, comme si le Roy eust voulu dire qu'a folle demande ne fault point de responce. Ledit Empereur, par defaulte d'argēt, ne peut lors finer de gens d'armes, & par ce ne feit nulle guerre au Roy, & aucun tēps apres s'allia à luy. Semblablement s'esleua contre le Roy de France Henry Duc de Bar, qui auoit espousé la fille du Roy d'Angleterre: & avec grande multitude des gens d'armes il entra en la Comté de Champagne, qui appartenoit au Roy de France, à cause de sa femme, gastant & destruisant le pays. Si tost que le Roy le sceut il y enuoya messire Gaultier de Crecy, Cheualier, seigneur de Chastillon, avec l'armée des Champenois, qui entrerent en Barrois, ou ilz feirent de grands maulx par feu & par glaiue: parquoy ledit Comte de Bar fut contrainct de laisser sa prinse, & d'abandonner Champagne, pour aller garder son pays.

L'an mil cc. iiii. xx. & xvi.

† autres le nommēt A. dulphe.

En celle année, vers la fin, fut la riuere de Seine si grande que toute la cité de Paris en fut couuerte, & la ville circuyte de tous pars, tellement que du costé des portes sainct Anthoine, sainct Martin, sainct Denis & sainct Honoré, on n'y eust sceu entrer sans bateau. L'an mil deux cens quatre vingtz dixsept, le Roy assembla ses estatz à Cōpiégne: & illec feit plusieurs Cheualiers: c'est à sçauoir monseigneur Loys son frere, Comte d'Eureux, & Loys, aîné filz de Robert, Comte de Clermont (duquel sont descenduz les Ducz de Bourbon) & plusieurs

La riuere de Seine qui fut si grande, de qu'elle circuit & enuironna quasi toute la ville de Paris.

autres, iusques au nombre de six vingtz: & apres ce, du conseil de ses Barons, alla avec grand armée contre ledict Guy de Flandres, qui de la feaulré festoit departy, & entra au pays de Flā dres par diuers lieux. Messire Guy Comte de saint Paul, messire Raoul Côte de Neelle, Cō nestable de France, & son frere, à vne rencontre pres la ville de Commynes, tuerent & descon firent. v. c. Flamens, & plus: & prindrent plusieurs Cheualiers & grands Seigneurs d'Allema gne, qui à leur ayde estoient venuz, & en amenerent au Roy iusques au nombre de cinquante Cheualiers. En l'ost du Roy de France, qui tenoit le siege deuant l'Isle, arriua lors monsei gneur Robert Comte d'Artoys, cousin du Roy: lequel venoit de Gascongne, de faire la guer re aux Anglois: & tantost apres son arriuée, il inuada la terre de Flandres, du costé d'Artoys.

La desconfi ture des Fla mens faicte par le Com te d'Artoys

Quand le Comte de Flandres le sceut il enuoya contre luy six cens hommes de cheual, & sei ze mil hommes de pied, lesquelz le gentil Comte d'Artoys desconfit aupres de la ville de Fur nes, & furent tous mors ou prins. Il print ladiete ville de Furnes, & semblablement la ville & toute la vallée de Cassel: & furēt enuoyez en France à grāds charrettes plusieurs Cheualiers, Seigneurs, & autres prisonniers à Paris, & ailleurs: entre lesquelz furēt Guillaume, Comte de Iulliers, & Héry Albimond, Comte en Allemagne, & portoit l'on deuant eulx la baniere du dict Robert, Comte d'Artoys. Ce voyans les Bourgeois de la ville de l'Isle, qui auoyent avec eulx au chasteil Robert, filz dudiect Comte de Flā dres, se rēdirent en l'obeissance du Roy, moyennant qu'ilz auroyent leurs vies & biens saufz: & ledict Robert de Flandres s'en alla à peu de gēs deuers ledict Comte de Flandres son pere, qui estoit à Bruges.

L'Isle en Flandres se rēdit en l'obeissance du Roy Philippe le Bel.

Avec luy trouua le Roy d'Angleterre, qui estoit la venu à son ayde, par ce qu'il luy auoit mandé contre verité, qu'il auoit prins & tenoit prisonniers Robert Côte d'Artoys, & monseigneur Charles de Valloys, frere du Roy. Quand le Roy de France sceut que le Roy d'Angleterre estoit à Bruges, il meit bonne garnison à l'Isle, & alla deuant Courtray & le print: puis s'en partit pour aller mettre le siege à Bruges: mais lesdictz Roy d'Angleterre & Comte de Flandres, quand ilz sceurent sa venue, habandonnerent la ville de Bruges, & s'en allerent à Gand. Parquoy ceulx de Bruges, voyans que ceulx qui les deuoyent garder s'en estoient fuyz, ilz enuoyerent messages deuers le Roy de France en grād' hmité, & se meirent en sa puifface & subiectiō: & incōtinētle Roy, avec son armée, entra en ladiete ville de Bruges, & y seiourna aucuns iours pour rafreschir ses gens: & apres s'en partit pour aller mettre le siege à Gand: mais en y allant yindrent mes sagiers de par le Roy d'Angleterre, pour requérir & demander trefues pour luy & pour ledict Comte: lesquelles, tant à l'occasion de la saison d'yuer qui s'approchoit (car c'estoit vers la Toussainctz) qu'aussi pource que le Roy de Cecille son parent venoit en France deuers luy, il leur octroya pour deux ans: & de toute la question lesdictz Roy de France & d'Angleterre & le Comte de Flandres, se soubzmeirent au dict & ordōnance du pape Boniface, qui estoit lors: & ce faict ledict Roy Philippe le Bel s'en retourna en France. Apres le retour du Roy à Paris, il feit assembler audiect Paris les Prelatz de France, & leur monstra lettres & bulles, par lesquelles le Pape octroya à luy & à son filz aîné, qu'ilz peussent prendre & leuer vn decime sur tous les benefices du royaume, toutes les fois q leur cōsciēce iugeroit qu'il en seroit besoing: & aussi qu'ilz peussent prédre & leuer deuant leurs guerres toutes les rentes des eglises d'un an apres la vacation, qu'on appelle la Regalle. En celle année ledict Pape Boniface aucto rifa & feit publier le sixieme liure des Decretales.

Publication du sixieme liure des Decretales.

L'an mil deux cēs quatre vīgtz dixhuyt, mourut Philippe, filz seul de Robert, Comte d'Ar toys, q auoit espousé Blāche, fille de Ichā Duc de Bretagne, & laissa deux filz & deux filles. L'v ne des filles fut mariée à Loys Comte d'Eureux, frere du Roy, & l'autre à Gascon, filz de Remond Bernard, Comte de Foix. En celle année ledict Robert, Comte d'Artoys, espousa sa tierce femme, la fille de Ichā, Comte de Henault. En celle mesme année † Cassin, le Roy des Tartares, que nous appelons le grand Cam, miraculeusement luy, & sa gent, se feit Chrestie, à l'instigation de sa femme, qui fille estoit du Roy d'Armenie: & tantost assembla grand armée, de laquelle il feit Connestable le Roy d'Armenie, & courut sus aux Sarrazins, & prindrent premieremēt les citez de Halappe & Camila, & tous les pays d'environ: puis vint à Damas, ou estoit le Souldan, & son armée, qu'ilz cōbatirent, & tuerent bien cent mil Sarrazins & plus. Le Souldan eschapa, & s'en fuyt en Babylone, & ainsi fut tout le royaume de Syrie & la cité de Hierusalem deliurée: & à la feste de Pasques ensuyuant fut faict & celebré par les Chrestie, le diuin seruice en ladiete cité de Hierusalem: mais l'année ensuyuant ledict Souldan, *resumptris viribus*, reprint ladiete cité de Hierusalē, & ledict royaume de Syrie. En celle dicte année mon seigneur Loys Comte d'Eureux, frere du Roy, espousa Marguerite, arriere fille de Robert Côte d'Artoys, & furent les nopces à Pontoise. En celle mesme année le priuilege, qui auoit esté donné aux freres Prescheurs d'ouyr les cōfessiōs, & absouldre, fut irrité & aboly par ledict Pape Boniface: & ordōna que ceulx qui se feroyēt confessez à eulx, se confessassent de rechef à leurs

† Autres Cassahan. Du grand Cam & sa femme, lesquelz miraculeusement se firent Chrestiens.

à leurs Curez ou Vicaires: L'an mil deux cens quatre vingtz xix. fut fait certain traité & ap poinctemēt de paix entre les Roys Philippe de France, & Edouard d'Angleterre: & moy-
 ennant iceluy ledict Edouard espousa en l'eglise de Cātorbie, madame Marguerite, soeur du-
 dict Roy Philippe: de laquelle il eut vn filz l'année ensuyuant, qui eut nom Thomas. Audict
 an, à la requeste & poursuyte dudit Roy Philippe le Bel, ledict pape Boniface feit esleuer le
 corps de monseigneur saint Loys, qui en l'année de deuant auoit esté canonizé & inscript au
 Catalogue des benoistz Saintz. En ladicte année mil deux cens quatre vingtz dixneuf,
 Albert Empereur d'Allemagne, qui auoit espousé la soeur du Roy d'Angleterre, & Philippe
 le Bel Roy de France, s'assemblerent pour parler ensemble en la ville de Vaucouleur, & feirēt
 appointement, & confermerent les anciēnes alliances, qui autresfois auoyēt esté faites en-
 tre leursdictz royaumes & seigneuries: & ledict Albert, du cōsentemēt de ses Barons, octroya
 audit Roy Philippe le Bel, que les termes, puissance, & dition du royaume de France, qui lors
 ne s'estendoyent que iusques au fleuue de Meuze, s'estendissent dorensuuant iusques au fleu-
 ue du Rin: & la ledict Roy Philippe continua & prorogea, trefues audit Comte de Bar, qui
 estoit de l'alliance d'Angleterre, iusques à vn an. En l'année ensuyuā mil trois cēs, Raoul,
 Duc d'Austriche, filz dudit Empereur Albert, vint en France, & en l'Eglise de Paris espousa
 madame Blanche de France, soeur dudit Roy Philippe le Bel. En celle mesme année Fer-
 ry Euesque d'Orleans, fut tué par vn Cheualier, *cuius filiam puellam corruperat.*

L'an mil cc.
 iiii. xx. xix.

s. Loys fūe
 inscript au
 Catalogue
 des saintz.

L'an mil cc.

Du discord qui fus entre le pape Boniface huyetieme, & le Roy Philippe le Bel.



Our raison dudit Euesque de Palmiers, dont dessus a esté parlé, se meut grand'
 controuersie & dissention entre ledict pape Boniface & le Roy Philippe le Bel.
 Car le Pape enuoya l'Archediacre de Narbonne deuers le Roy, & luy enuoya
 vn rescript, par lequel il demādoit au Roy s'il ne se tenoit pas & reputoit subiect
 de luy *tam in spiritualibus quam in temporalibus*: luy deffendant que deslors en auant il
 ne print ne leuast aucune chose des Regales des eglises de son royaume, *quauis haberet custodiā ca-*
tundē: & reuquoit ledict Pape toutes graces & indulgēces, & octroys qu'il auoit faitz en la
 faueur du Roy, pour la cōduyte de ses guerres: & s'il aduenoit par apres qu'il feist le contrai-
 re, le Pape decernoit le tout nul, irrite, & inane, ainsi qu'il estoit cōtenu par sa bulle, dont la te-
 neur, sensuyt. *Bonifacius Episcopus, seruus seruorum Dei, Philippo Francorum regi, Deum time, & mandata ei-*
us obserua. Scire te uolumus quod in spiritualibus & temporalibus nobis subes: beneficiorum & prebendarum ad te col-
latio, nulla spectat: & si aliquorum uacantem custodiam habeas, usum fructum eorum successoribus reserues: & si qua
contulisti, collationem haberi irritam detreuiamus, & quatinus processerit reuocamus. Aliud credentes fatuos reputamus.
Datum Laterani quarto nonas Decembris, pontificatus nostri anno sexto. Et cita ledict Archediacre de Nar-
 bonne, meslagier du Pape, tous les Prelatz, Euesques, & maistres, tant en Theologie que
 en droit Canon & Ciuil, à comparoir en personnes par deuant ledict Pape es Calendes du
 moys de Nouembre ensuyuant. Apres ce que le Roy & ses Prelatz eurent veu & ouy le mes-
 sage du Pape, le Roy, qui ne vouloit point mettre la main seculiere à la personne dudit E-
 uesque de Palmiers, le feit bailler audit Archediacre, & luy commanda qu'incontinent il
 partist, & sen allast hors du royaume: & escripuit le Roy audit pape Boniface vnes lettres
 responsiues à sa bulle, desquelles la teneur sensuyt. *Philippus, Dei gratia Francorum Rex, Bonifa-*
cio se gerenti pro summo pontifice, salutem modicam, siue nullam. sciat tua maxima fatuitas in temporalibus nos alicui non
subesse: aliquarum ecclesiarum & prebendarum uacantem collationem ad nos iure regio pertinere, & percipere fructus ca-
tum, contra omnes possesores utiliter nos tueri: secus autem credentes fatuos reputamus atque dementes. Datum & cetera.
 Puis les Prelatz de France, qui tous estoyent citez à Romme, regarderent qu'ilz n'y pouoyēt
 aller, tant pour la guerre de Flandres que pour ce qu'il estoit prohibé de ne porter or n'argent
 hors du royaume: toutesfois, affin qu'ilz ne fussent reprins de desobeyssance, ilz enuoyerent
 vers le Pape trois Euesques, pour les excuser: & semblablement le Roy escripuit au Pape par
 l'Euesque d'Auxerre, qu'il surseist la besongne desdictz Prelatz: parquoy le Pape n'osa riens
 ordonner pour ceste heure, de ce qu'il auoit en pensée de faire: mais enuoya Iehan le Moy-
 ne Prebstre, Cardinal de Romme, qui vint à Paris au commencement du Karesme: & feit
 assembler vn Conseil d'Euesques, à sa poste, ausquelz il parla secrettement, & escripuit au
 Pape ce qu'il auoit ouy d'eulx, & demoura en France iusques à ce qu'il peust ouyr nouuelles
 du Pape: & ce pendant ledict Cardinal alla en voyage à saint Martin de Tours. Iceluy pape
 Boniface fut le premier qui voulut empescher les elections & collations des benefices de ce
 royaume, par reseruations & graces expectatiues, & fut le premier qui commença à ve-
 nir contre les saintz Canons. & ordonnances: aussi fina il ses iours miserablement, com-
 me sera veu cy apres. Pour auoir vn Conseil des choses dessusdictes le Roy feit assembler à

l'aucū met
 tent ce dis-
 cord en l'an
 1302. &
 mieulx.

Renocatio
 du droit de
 Regale oc-
 troyé au
 Roy.

Lettres en-
 uoyées au
 pape Bonifa-
 ce par le
 Roy Philip-
 pe le Bel.

Le Cardinal
 le Moynē e-
 uoyé en Fra-
 nce par le pa-
 pe Bonifa-
 ce viii.

Deffences de
ne porter mar
chandise hors
du royaume
de France.

Paris vn Conseil general des Barons & Prelatz de son royaume: & en la presence du Roy & desdictz Barons & Prelatz, ledict pape Boniface fut chargé, accusé, & diffamé de plusieurs crimes: c'est à sçauoir d'heresie & symonie, d'homicide, & autres plusieurs crimes: & pource qu'a vn Pape heretique, selon les saintz Canons, on ne doit point obeyr, il fut dict qu'on ne luy obeyroit point, iusques à ce qu'il fust tout purgé. Apres ladiete conclusion le Roy, qui à cause de ce q luy auoit mandé le Pape, doubtoit que le Pape voulsist dire & maintenir q le royaume de France fust tenu & subiect à hommage de l'Eglise de Rome (ce qui n'auoit iamais esté fait parauant deses predecesseurs) il demanda ausdictz Prelatz, gens d'Eglise & Barons de qui ilz renoyét leur téporalité: lesquelz tous respondirét qu'ilz l'auoyét tousiours tenue des Roys de France, & la renoyét & vouloyent tenir de luy: dont le Roy les mercia, & promist & iura qu'il employeroit le corps & les biens pour la liberté & deffence des droitz de son royaume, selon la maniere accoustumée. Semblablement le dirent les Prelatz, Barons, & Cheualiers, & autres qui la estoient assemblez: & par la bouche de messire Robert d'Artois fut prohibé & deffendu, que nul or n'argét, ne marchandises ne fussent transportées hors le royaume, sur peine de confiscation & amende arbitraire: & fait lon garder les places estroitement. Quand ledict Cardinal le Moine, qui estoit à Tours, sceut ces choses, il doubta, & le plus tost qu'il peut il yssit hors du royaume, & s'en alla: & en ces entrefaictes furét pris p les officiers du Roy, à Troyes, l'Archediacre de Constances & vn autre, qui estoient messagers du Pape: lesquelz il enuoyoit pour interdire le royaume.

De la mort du pape Boniface.



Vand ledict pape Boniface sceut les cas dont il auoit esté chargé & appelé au Conseil en France, il se doubta, & proposa d'assembler vn Conseil pour y remedier: & affin que les parens des Cardinaux de la Coulonne, qu'il auoit deposez, & fait raser & abatre leurs maisons, & places, ne luy feissent iniure ou aucun moleste, il s'en alla en la cité d'Ananie, ou nasquit Origenes, pour tenir son Conseil: & se meit en la garde de ceulx de la cité, en laquelle ses aduersaires l'assiégerent. parquoy les habitants, qui n'estoyent point puissans de resister, manderent aux Rommains qu'ilz veinssent recevoir leur Pape: & si tost qu'ilz arriuerent ilz leur liurerent: & par deux fois cuyda le Pape estre tué, par vn Cheualier de ceulx de la Coulonne, si ne fust qu'on le destourna: toutesfois il le frappa de la main armée du gantelet sur le visaige, iusques à grand' effusion de sang: & fut ledict Pape conduyt & mené à Romme par messire Guillaume de Nogaret, François, que le Roy auoit la enuoyé pour le secourir & deliurer: lequel de Nogaret, quand il l'eut conduyt à Romme, dist au Pape telles parolles, ou semblables en substance: Considere la bonté & puissance du bon & Noble Roy de France, qui est si loing de toy, & par moy t'a fait deliurer, garder & deffendre de tes ennemys, ainsi que ses predecesseurs ont tousiours gardé & deffendu les tiens: lequel Pape comemit la besongne du debat du Roy de France & de luy, à Matthieu le Roux Cardinal, & qu'il en ordonast & feist à sa volonté. Puis ledict Pape se meit dedās le chastel saint Ange, à Romme, & luy print vn flux de vêtre, & comme l'on dit entra

Le pape Boni
face à la fin
de ses iours
rongeoit &
mangeoit ses
mains cōme
enragé.
Renocation
des graces
expectatiues

en frenaisie si cruelle & vehemente qu'il rongea & mengea ses mains, & mourut piteusement: & à l'heure de sa mort furent ouyes fouldres & répestes terribles audict chastel saint Ange. Apres la mort dudiect Boniface les Cardinaulx, Euesques & Prelatz s'en retournerent à Romme: & est celuy Pape dont on dit: *Intrauit ut uulpes, regnauit ut leo, moritur ut canis.* Apres ledict Boniface fut pape Benoist vnzieme de ce nom, qui ne le fut que huyt moys & quelques iours. Iceluy pape Benoist reuoqua les reseruatiōs & graces expectatiues que ledict Boniface auoit octroyées, contraires aux saintz Decretz: & voulut que les elections, confirmatiōs, & autres dispositiōs des benefices de ce royaume, eussent lieu, & que ceulx à qui ce appartenoit en vlassent comme parauant: & sur ce octroya ledict Benoist ses bulles & lettres Apostoliques, qu'il enuoya au Roy de France, desquelles la teneur s'ensuyt. *Benedictus apostolicus, seruus seruorum Dei, charissimo in Christo filio Philippo, Regi Francie illustri, salutem et Apostolicam benedictionem. Ut eo magis erga Deum et Apostolicam sedem regalis deuotionis exerceat affectus, quo sibi gratiosam sedem reperire supradictam, uotis tuis annuentes, tuas petitiones, quantum possumus, fauorabiliter exaudimus. Dudum siquidem Bonifacius papa octauus, predecessor noster, certis ex causis prouisionem omnium cathedralium ecclesiarum et regularium tunc in regno uacantium, uel quas tunc uacare contingeret, dicta sedis dispositioni reseruare duxit, districtius inhibens omnibus, ad quos ius eligendi et postulandi prelatos in ipsis ecclesiis, aut confirmandi electiones uel admittendi postulationes, uel alias earundem ecclesiarum prouisio, uel quacumque alia dispositio pertineret, in huiusmodi dispositionibus dictarum ecclesiarum se inuicem promittere, huiusmodi reseruatiōe durante, quoquomodo præsumerent: ac decetero decreuit extunc irritum et inane, si secus super hoc. à quoquam fuerit scienter uel ignoranter attentatum. Nos autem celsitudinis regalis obrentu, pro cuius parte su-*
per hoc

per hoc nobis extitit supplicatum, reservationem, inhibitionem, & decretum huiusmodi, Apostolica autoritate reuocamus, nolentes ut predicti omnes huiusmodi iure illis competente, cum tempus ingruerit, utantur liberè, sicut prius: & nihilominus prouisiones & confirmationes electionum factæ post reservationem, inhibitionem, & decretum prædictum in dictis ecclesiis (dummodo alias canonicè fuerint) plenam obtineant firmitatem, nec electiones aut postulationes factæ postmodum in prædictis ecclesiis, ex eisdem reservatione, inhibitione ac decreto, quin debitum sortiantur effectum possint quomodolibet impediri. Datum Viterbii xiii. Calendas Maii, pontificatus nostri anno primo.

En ce temps viuoyent en France deux bonnes dames Roynes veufues: c'est à sçauoir Blanche fille de saint Loys, *in sancta conuersatione Deo uacans*: & Marguerite seconde femme de feu Charles Roy de Cecille: laquelle se tenoit en l'hostel Dieu, au mosniere de Tornuz, en Bourgongne, qu'elle fait faire & edifier à ses despens: & illec seruoit & administroit de ses propres mains, sans le faire faire par ses seruiteurs, les necessitez des pauvres passans: leur lauait leurs piedz, guerissoit leurs playes, & habilloit & cousoit leurs vestemens, & tous autres menuz seruices.

De deux bonnes Roynes veufues.

Comment le Roy fait mettre prisonnier le Comte de Flandres & ses deux filz



Pres que le terme des trefues octroyées par le Roy au Comte de Flandres fut finé, le Roy enuoya de rechef monseigneur Charles, Comte de Valloys, son frere, avec grand' armée en Flātres, & d'arriuée print les villes de Douay & Bethune: puis tirerent vers Bruges, & prindrent la ville du Dan, & autres places. Robert, filz dudit Comte de Flandres, vint contre luy avec grand' armée: mais les Flamens furent desconfitz, & se retrayrent à Gand ceulx qui peurēt eschaper, ou ledict Comte de Valloys le voulut aller assieger: mais quād ledict Côte en fut aduerty, ayāt congnoissance de son grand orgueil & outrecuydance, & voyant qu'il ne pouoit resister à la puissance du Roy, s'en vint avec ses deux filz Robert & Guillaume deuers ledict monseigneur Charles de Valloys, frere du Roy, qui les amena à Paris: & requierent pardon au Roy, lequel les fait mettre & detēir prisonniers: c'est à sçauoir ledict Guy, Côte, à Compiègne, soubz bonne garde, & ses filz en autres prisons. Puis alla le Roy par toutes les villes de Flandres, & print les sermens & homages des Nobles, & meit garnison es places: & laissa gardien & gouuerneur dudit pays de Flandres messire Charles, Comte de saint Paul. Tantost apres ledict monseigneur Charles, Comte de Valloys, quand sa premiere femme fut morte, il print à femme madame Catherine, fille de Philippe, filz de feu Baudouyn iadis Empereur de Grece, qui en auoit esté expellé & debouté: à laquelle Catherine appartenoit par droit heritage le droit dudit Empire de Grece & de Constantinoble. Apres ledict mariage, ledict Charles de Valloys, & plusieurs des Nobles de France, du vouloir & congé du Roy, allerent à Romme, pour deliberer de faire la guerre, & conquerir ledict Empire de Constantinoble, si le Pape le conseilloit. Quand ledict Charles fut là, le Pape & les Cardinaulx le receurent en grand honneur, & le feirēt Vicaire & deffenseur de toutes les terres de l'Eglise de Romme: & toute icelle année il fait guerre pour le Pape en Tuscanie & ailleurs, contre les aduersaires de l'Eglise. En celle année, auant que les trefues octroyées audit Comte de Bar fussent expirées, il recongnt sa faulte, & demanda pardon au Roy de ce qu'il festoit allié contre luy avec le Roy d'Angleterre: & pour l'amende il offrit au Roy d'aller seruir mondiēt seigneur Charles de Valloys, son frere, & luy ayder à conquerir ledict Empire de Constantinoble, & de luy souldoyer deux cens lances à ses despens, l'espace de deux ans, ou tel autre temps qu'il plairoit au Roy. En l'an mil trois cens & vn Loys, Côte d'Eureux, frere dudit Roy Philippe le Bel, espousa, en la ville de Pontoise, la fille de Philippe, filz de Robert Comte d'Artois.

Le Roy Philippe le Bel conquiest entièrement toutes les villes et places de la Côte de Flandres.

Mil trois cens & un.

De la bataille de Courtray contre les Flamens, & de la trahyson de ceulx de Bruges.



EN l'an mil trois cens & deux, pource que Charles, Comte de saint Paul, q le Roy auoit commis & laissé gardien de Flandres, faisoit leuer aucunes nouuelles malletoistes, contre la coustume dudit pays de Flandres, sur les nauires qui arriuoyent à Courtray, & autres haures de mer, le peuple dudit pays de Flātres enuoya à plaindre deuers le Roy, pour les faire rabatre: mais ilz ne peurent auoir audience, par ce que les parens dudit Comte de saint Paul l'empescherent. A ceste cause ilz s'assemblerēt au marché de Bruges, & seismeurent contre les gens dudit Comte, & y eut bataille, ou il mourut tresgrand quantité de peuple desdiēt Flamens. Apres ledict Charles, Comte de saint Paul, avec bien mil hommes Nobles, & autant de gens d'armes, allerent en ladicte ville de Bruges: ou ceulx de la ville les receurent par crainte en grand' reuerence, en disant qu'ilz estoient prestz & de-

† P. Emile nomme Jacques, et plusieurs autres aussi.

LES CRONIQVES ET ANNALES DE FRANCE.

*De la trahy
son de ceulx
de la ville
de Bruges.*

liberez d'obeir à son commandement: mais iceluy mesme iour, quand ilz furent logez, & couchez par nuyt, lors qu'ilz dormoyent en leurs lietz, comme ceulx qui cuydoient estre à sauueté, & qui de riens aucunement ne se doubtoient, ceulx de ladiete ville de Bruges (qui auoyent machiné & fait conspiration, par ce qu'ilz auoyent entendu que ledict Charles de saint Paul estoit la venu pour le lendemain en faire pēdre plusieurs des plus grands de ladiete ville) comme tous desesperez tuerent par grand' trahyson presque tous les François, qui estoient entrez en ladiete ville de Bruges: toutesfois ledict Charles, Côte de saint Paul, s'eschapa, & s'enfuyt à tout petite compaignie. Apres, ceulx de ladiete ville de Bruges, & du pays, se meirent sus en grand nombre, & quisrent & pourchacerent ayde & alliance de toutes pars contre le Roy, & feirent leur Seigneur, gardian, & deffenseur Guy, Comte de Namur, filz de leur Comte Guy. Tantost apres ceulx de la ville du Dan, & autres de Flandres, enchacerent les gens du Roy, qui estoient dedans les villes. Ces choses venues à la congnoissance du Roy, il enuoya Robert, Comte d'Artois, avec grand nombre de gens de cheual & de gens de pied contre lesdictz Flamens: & tant allerent les François qu'ilz tendirent leurs pavillons entre Bruges & Courtray (car ilz ne peurent passer la riuere del'Escau, pour vn empeschement que les Flamens auoyent fait) & fut iour de batailler prins & assigné entre eulx, auant lequel iour lesdictz Flamens se confesserent, & receurent le corps de Iesus Christ, comme ceulx qui estoient deliberez de mourir pour iustice, & pour deffendre la liberté du pays, & feirent porter en leur compaignie plusieurs reliquaires & corps saintz. Les Seigneurs & Cheualiers de France, qui se confioient en la grand' quantité & nombre de gens qu'ilz estoient, auoyent despit de ce que plusieurs menuz gens de pied, comme foulons, tisserans, & d'autres mestiers mecaniques alloient deuant eulx en l'auantgarde: si les feirent reculer, & sans tenir ordre de bataille assaillirent lesdictz Flamens: lesquels avec grand' quantité de piques se meirent en bel ordre, & vindrent contre lesdictz François, lesquels tantost se meirent en desarray & confusion: & y eut plusieurs grands Princes, Barons, Seigneurs, Cheualiers, & autres du party du Roy, mors: comme Robert le noble & vaillant Comte d'Artois, son cousin, Godefroy de Braban, & son filz seigneur de Viezon, les Côtes d'Aunalle, & d'Auge, Jehan filz au Comte de Henault, Raoul seigneur de Neelle, Connestable de France, Guy son frere, Mareschal de l'ost, le Comte de Tancarville, Jaques de saint Paul, Regnault de Trie, Cheualier, Emery le grand Chambellan, Pierre flote, & bien deux cens autres Cheualiers, & plusieurs gens d'armes & autres. De ceste desconfiture fut moult esiouy ledict Guy de Namur, que les Flamens auoyent esleu sur eulx: & tantost apres s'efforça de se vouloir ensaisiner de tout ledict pays de Flādres, & en print plusieurs villes & places, les vnes par force, les autres par emblee & composition, & vindrent les coureurs iusques à l'Abbaye du mont saint Eloy, pres Arras. La chose venue à la congnoissance du Roy, il fut moult desplaisant: & assembla merueilleusement grand nombre de gens d'armes, plus qu'onquesmais de memoire d'homme on n'auoit veu, & alla à Arras. La apres fait tendre ses pavillons, & tenoyent les gens & son ost deux lieues de long, & autant de large: mais, ne scay par quel conseil, il ne voulut onques que les gens feissent courtes n'entreprinles sur ses ennemys, & se tint la emparqué bien deux moys ou plus, & puis donna trefues ausdictz Flamens, & s'en retourna sans autre chose faire. parquoy ceulx de Flandres attirerent à eulx les villes prochaines, & gasterent le pays d'Artois: & disoit on que le Roy Pilippe le Bel fut craintif de les guerroyer, par ce que le Roy d'Angleterre, qui à celle heure faignoit estre son amy, auoit dit en la presence de sa femme, qui estoit soeur dudit Roy Pilippe le Bel, affin qu'elle luy mandast, qu'il scauoit bien que le Roy seroit liuré es mains des Flamens s'il auoit bataille contre eulx: laquelle chose la Roine d'Angleterre, cuydāt que ce fust voir, en aduertit le Roy de France son frere, pour le garder de l'inconuenient: toutesfois, auant que le Roy partist de Arras, il meit garnison es villes & places du pays, pour faire la guerre ausdictz Flamens. puis saisit & meit en possession Othelin, le Comte de Bourgogne, de la Comté & seigneurie d'Artois, qui luy appartenoit à cause de Mahault sa femme, qui estoit fille dudit feu Robert Comte d'Artois, qui auoit esté tué, sauf le droit que pretendoyent en ladiete Comté les enfans de feu Pilippe son frere: lequel Othelin mourut l'année ensuyant.

*De la desconfiture des
François faite par les
Flamens à
Courtray.*

*D'une grand' desconfiture de Flamens, pres la ville de saint Omer, &c
ailleurs.*

Mil.ccc.ii.



Vdict an mil trois cens & deux, quand ceulx de Bordeaux, qui iusques à lors festoyent tenus soubz la puissance du Roy de France, sceurent la nouuelle de la desconfiture que les Flamens auoyent faite sur les François, ilz meirent hors de ladiete ville ceulx que le Roy auoit commis à les garder, & tindrent pour

pour le Roy d'Angleterre : & aucun temps apres ledict Roy Philippe le Bel, pour garder que le Roy d'Angleterre n'aydast ausdictz Flamens, feit certain appoinctement de paix avec luy, & luy restitua les terres qu'il auoit prinſes ſur luy en Gascongne. puis alla le Roy viſiter ſes pays de Gascongne es parties de Toulouze & d'Albigéois, & attrahit à luy les courages des Barons, Cheualiers & populaires desdictz pays, qui eſtoyent incitez cōtre luy par mauuais conſeil, & ſe vouloyent eſleuer contre luy. En celle meſme année le ieudy de la ſemaine Sainte, vne bēde de gens du Roy, qui eſtoyent en Artois, eurent bataille contre les Flamens pres de la ville de ſainct Omer, ou ilz en tuerent quinze mil : & auſſi le ieudy apres Quasimodo ceulx de Tournay deſconfirent aupres de la ville de l'Isle, en Flandres, deux cens hommes de cheual, & trois cens hommes de pied tous Flamens, qui couroyent à vne entreprinſe qu'ilz auoyent ſecretement faiſte : & feirent les gēs du Roy diuerſes courſes, & par tout ou ilz trouoyent leſdictz Flamens ilz les tuoient. En ce temps Iſabel, fille du Roy Philippe le Bel, fut promiſe & fiancée à Edouard, filz du Roy Edouard d'Angleterre, qui fut Roy d'Angleterre apres ſon pere. En l'année enſuyuant ledict Roy Philippe le Bel aſſembla de rechef grand oſt, pour aller ſur les Flamens, & alla iuſques à Peronne, ou il ſeiourna par aucun temps. Aucuns Flamens ſe meirent ſur les champs, & vindrent deuant ſainct Omer : mais les gens du Roy, qui eſtoyent dedans, en tuerent bien quatre mil : parquoy ilz tirerent vers Therouenne, & le prindrent & bruſlerent : & toſt apres par l'admonneſtement & circonuention, comme on diſoit, du Duc de Sauoye, donna le Roy trefues ausdictz Flamens, puis ſ'en retourna en France. L'an mil trois cens & trois mourut Guy, Comte de la Marche : lequel donna & laiffa audict Roy Philippe le Bel la Comté d'Angoulefme. En celle année Guy Comte de Flandres, & Guillaume ſon filz, que le Roy faiſoit tenir & garder priſonniers, furent eſlargis & enuoyez en Flandres de par le Roy, pour eſſayer filz pourroyent appaiſer le peuple d'ice-luy pays, & le reduyre en l'obeyſſance du Roy : mais pource qu'en hayne des François la ſotie & orgueil des Flamens montoit touſiours, ilz n'y peurent riens faire : parquoy ilz ſ'en retournerent, & furent remis en leurs priſons, & gardez. Quand monſeigneur Charles de Vallois, qui eſtoit en Cecille, faiſant guerre pour le Pape, ſceut la deſconfiture qui auoit eſté faiſte l'année precedente ſur les François, & la mort de ſes amys, il fut moult courroucé : ſi feit appoinctement avec Federic, ſon aduerſaire, & luy permit que ſa vie durant il peuſt iouyr de l'Isle de Cecille, ſans toutesſois qu'il en portast nom de Roy, & ſ'en vint en France deuers le Roy pour le ſecourir. En celle meſme année Guillaume, filz du Côte de Henault, & Guy, Eueſque du Treſt, ſon oncle, en la faueur du Roy aſſemblerent grand' armée, & coururent contre les Flamens, es Marches de Zelande, & en meirent à mort grand nombre : toutesſois à la premiere courſe fut tué ledict Eueſque du Treſt, & ledict Guillaume ſe ſauua par fuyte, & depuis en prenant courage par trois fois les combatit & vainquit. En celle année, le Dimēche auant la feſte ſainct Iehan Baptiſte, ledict Roy Philippe le Bel meit Nonnains de l'ordre ſainct Dominique, au monaſtere de Poiſſy, au dioceſe de Chartres : lequel monaſtere il auoit fait conſtruire & edifier de neuf, en l'honneur du bon Roy ſainct Loys, ſon ayeul, comme bien que parauant il y euſt eglise, que Conſtance, femme du feu Roy Robert, auoit fait faire & fonder en l'honneur de noſtre Dame, & en icelle mis religieuſes de l'ordre ſainct Benoift.

L'an mil
ccc. & iij.

Du monaſte
re de Poiſſy
qui fut con
ſtruit de
nouveau p
le Roy Phi
lippe le Bel

*Comment le Roy Philippe le Bel retourna contre les Flamens, pour la tierce fois :
& de la grand' deſconfiture qu'il en feit à Mons en Pouille.*



L'An mil trois cēs & quatre ledict Roy Philippe aſſembla de rechef grād oſt, pour aller contre les Flamens, & diſoit on qu'il auoit bien quatre cens mil hommes armez : & y eut bataille assignée à Mons, en Pouille : & au lieu ou deuoit eſtre la bataille, les Flamens, qui eſtoyent en grand nombre, ſe parquerent & enuironnerent de toutes pars, preſtz à combattre : mais au moyen d'aucun parlement ilz ſe tindrent de frapper iuſques au veſpre, & cuydoit on que la paix fuſt faiſte. Leſdictz Flamens aperceuās le Roy, qui eſtoit à leſcart tout deſarmé, attendant qu'ilz veinſſent vers luy à mercy, comme ilz auoyent parlementé & promis, voyans auſſi que les François, qui ne cuydoient point batailler, à cauſe desdictz parlemens, ſ'eſtoyent eſpanduz ça & la, & ſe pourmenoyent vacabondans, vne grand' compaignie desdictz Flamens accourut ſubitement au lieu ou eſtoit le Roy, tellemēt qu'ilz le ſurprindrēt ſans armeures, & vindrēt tuer iuſques aupres de luy, meſſire Hue de Boulhe, Cheualier, & vn nommé Iaques Gencien, Bourgeois de Paris, qui portoit ſa cōtte d'armes, & pluſieurs autres qui deſſendoyent le Roy, pēdant qu'il ſarmoit : & à peine eut le Roy loyſir de monter à cheual : mais quand il fut monté il feit merueilleuſement grand

Mil. ccc. iij.

La desconfi-
ture des Fla-
mens par le
Roy Philip-
pe le Bel.

deuoir de combattre, de rassembler, adreſſer & renger ſes gens, qui ia eſtoient en deſordre, ſi n'eult eſté la grand' diligence qu'il en feit. En ſa compagnie eſtoient ſes freres: c'eſt à ſçauoir monſeigneur Charles, Comte de Vallois, qui eſtoit retourné de Romme, & monſeigneur Loys, Comte d'Eureux, Guy, Comte de ſainct Paul, & Iehan, Comte de Dâpmartin: leſquelz feirent ſi bien & vaillamment, que finalement leſdictz Flamens, par la vaillance & diligence dudit Roy, furent deſconfitz, & y en demoura de mors bien trente ſix mil, & pluſieurs qui furent prins priſonniers. En ladiſte bataille le Comte d'Auxerre, qui eſtoit vn vaillât Cheualier, & pluſieurs autres, furent eſtains de ſoiſ, pour la grand' chaleur qui eſtoit. En vne autre bataille en fut tué ſix mil, aupres de l'Isle, & pluſieurs prins priſonniers, & les autres en fuyte. Apres ladiſte bataille pluſieurs villes ſe remeirēt en l'obeiſſance du Roy: & pour la ſaiſon d'yuer qui ſ'approchoit, le Roy oſtroya trefues auſdictz Flamens, & ſ'en retourna en France à grand' victoire, enuiron la feſte ſainct Denis: & auant ſon partement meit garniſons par les places, qui toute la ſaiſon gaſterent & deſtruiſirent tous les pays de Flandres, & chacerent le Comte de Henault iuſques en Zelande, & prindrent priſonnier Guy, Comte de Namur, & pluſieurs autres qu'ilz emmenerēt à Paris. Le Noel enſuyuant fut tenu vn Parlemēt, pour cuyder faire la paix du Roy & deſdictz Flamens: mais riens n'y fut conclud. En celle année ſeſmeut grand' diſcētion entre les Recteurs, Maiſtres & Eſcoliers de l'Vniuerſité de Paris, & le Preuoſt dudit lieu, par ce que ledit Preuoſt auoit fait pendre vn Clerc de ladiſte vniuerſité, nommé Pierre le Iumel. Adonc ceſſa la lecture de toutes Facultez, iuſques à tant que ledit Preuoſt l'amenda, & repara grandemēt l'offence: & entre autre choſes fut condanné ledit Preuoſt à le deſpendre, & baiſer: & conuint que ledit Preuoſt allaſt en Auignon, vers le Pape, pour ſoy faire abſouldre. Au Kareſme enſuyuant, le ſecond iour d'Auril, mourut la Royne Iehanne, femme dudit Roy Philippe le Bel, au boys de Vincēnes, & fut enterrée aux Cordeliers de Paris, ou elle eſleut ſa ſepulture, par l'enhortement de ſon confeſſeur, qui eſtoit Cordelier: le quel luy feit vn teſtamēt qu'on diſoit eſtre faulx. En celle année les Bourgeois & la commune de Beauuais ſeſleuerent contre leur Eueſque, qui eſt leur Seigneur temporel, & la commune de Beauuais ſeſleuerent contre leur Eueſque, qui eſt leur Seigneur temporel, & n'oſoit aller ledit Eueſque, ne cōuerſer en ladiſte ville, & bruſlerēt les faulxbours: & apres ce les gēs de la iuſtice dudit Eueſque en feirent pendre pluſieurs, & les autres punir de diuerſes peines & amendes.

Diſſention
entre l'Vni-
uerſité et le
Preuoſt de
Paris, pour
un Eſcolier
qu'il auoit
fait pendre.

La cōmune
de Beauuais
qui ſ'eſleua
contre l'E-
ueſque du-
dict lieu.

*De la mort du Comte de Flandres: & du mariage de la fille du Roy, au ieune
Edouard, d'Angleterre, & ſoubz quelles conditions.*

L'an mil
ccc.iii.



En ladiſte année mil trois cens & quatre ledit Guy, Côte de Flâdres, qui long temps auoit eſté priſonnier à Compiegne, fut mené au chaſtel de Pontoife, avec ſes trois filz, Robert, Guillaume, & Guy de Namur: & y mourut le huyſieme iour de Mars, & fut enterré au conuent des freres Mineurs dudit lieu de Pontoife, & depuis du congé du Roy fut emporté ſon corps en Flandres, avec ſes predeceſſeurs. En ce tēps auſſi le vieil Edouard, Roy d'Angleterre, premier de ce nom, qui fut ſurnommé aux longues iambes, feit le traité du mariage encomencé, entre Edouard de Carmenan, ſon filz, & madame Yſabeau de France, fille du Roy Philippes le Bel: & en faiſant ledit mariage, le Roy donna à ſadiſte fille, & reſtitua la Duché de Guyēne qu'il auoit cōquiſe ſur ſon pere, par ce qu'il en auoit denié l'hōmage: & par iceluy traité ledit Edouard par ſinguliere conuention ceda & quitta tout le droit qu'il pretendoit ou pouoir auoir en la couronne de France, en la Duché de Normandie, & es Comtez d'Aniou, du Maine, de Touraine, & Poitou: & conferma l'appoinctemēt que ſon pere auoit fait avec le Roy ſainct Loys. Et par ainſi appert euidentement que les Anglois, ne peuuent plus pretendre, ne iamais auoir droit au royaume, n'eſdictes Duchez & Comtez.

Renoncia-
tiō de l'An-
glois au
droit du
royaume
de France.

*D'vne aſſemblée que le Roy feu à Paris des Eueſques & Prelatz de France,
pour auoir vn dixieme, que le Pape luy auoit oſtroyé.*



En ce temps le Roy eſtant à Paris feit aſſembler en l'eglise noſtre Dame pluſieurs Eueſques, Abbez, Barons & Cheualiers, & leur monſtra vn reſcript que le pape Benoift, qui auoit eſté eſleu apres Boniface, luy auoit enuoyé, lequel il feit lire: & par iceluy ledit Pape abſoluoit le Roy, la Royne, ſes enfans & ſon royaume, de la ſentēce d'excōmuniment q le pape Boniface huyſieme, auoit prononcée contre eulx, combien que le Roy n'eult de ce fait aucune pourſuyte, ainſi que le Pape l'atteſtoit par leſdictes lettres. Et pour faire ayde au Roy, affin qu'il peult reduyre ſa monnoye à la ualeur ancienne, il luy oſtroya

oſtroya le reuenu d'un an des prebendes de ceulx qui mourroyent en ſon royaume, & les diſmes des benefices de deux années: & excōmunia tous les aduerſaires dudiſt Roy & de ſon roy aume: & avec ce reſtituoit au Chancelier de Paris, la faculté de la licence de tous les maiſtres de Theologie & Decret: laquelle faculté lediſt feu Pape Boniface luy auoit oſtée, & icelle re-
La Chancel-
lerie de Pa-
ris fut reſti-
tuée.

De l'appointement fait avec les Flamens, & de l'eleſtion du Pape Clement, qui fut ſacré à Lyon, preſent le Roy, ſes freres & autres, ou mourut par accident le Duc de Bretagne.

EN celle année fut faite certaine compoſition & appointement entre le Roy & les Flamens, & moyennant icelle Robert de Bethune & Guillaume ſon frere, enfans de feu Guy, Comte de Flandres (qui eſtoit mort l'année precedente en la priſon du Roy) leſquelz le Roy tenoit encores priſonniers, deuoyent eſtre mis hors deſdictes priſons, & eulx en aller en Flandres: & par iceluy appointement les Flamens deuoyent assigner au Roy en la Comté de Rethel, & lieux voyſins vingt mil liures de rente, & luy payer quatre cent mil liures en deniers, en quatre années, chacun an cent mil.

Appointe-
ment entre
le Roy de
France &
les Flamens.

Item luy fournir & ſouldoyer durant vne année ſix cens hommes d'armes, pour le ſeruir en ſes guerres, ou bon luy ſembleroit. Item fut ordonné que le Roy pourroit punir quatre mil perſonnes de la ville de Bruges les pl^s coupables des meſfaitz paſſez, en les enuoyât en voyage & pellerinage: c'eſt à ſçauoir les mille oultre mer, & les deux mil de deçà la mer, iuſques à tel temps qu'il luy plairoit. Item que le Roy pourroit faire abatre aux deſpens deſdictz Flamens les fortereſſes de Douay, l'Isle, Ypre, Bruges & Gand, ſans iamais eſtre reſaites, & pluſieurs autres grandes reparations & amendes. Pour leſquelles accomplir tous les Barons, Seigneurs & communaultez deſdictes villes de Flandres, ſe ſubmeirent par cenſures, fulminatiōs & interdictz eccleſiaſtiques: & de ce furēt iuges & executeurs les Eueſques de Therouēne & de Tournay. En enſuyuant le quel appointement le Comte de Flādres, par certain autre traité fait l'an mil trois cens & douze, par ſes lettres données à Pontoife, le vnzième jour de Iuillet, pour assignation de deux mil liures de rente, faiſant partie deſdictz vingt mil liures de rēte, transporta au Roy les villes, chaſteaulx, chaſtellenies & ſeigneururies de l'Isle, Douay & Bethune & leurs appartenances.

En l'an mil trois cēs & cinq, à la pourſuyte dudiſt Roy Philippe le Bel, meſſire Bertrād Archeueſque de Bordeaux, qui eſtoit natif de Lymoſin, apres le treſpas du Pape Benedic, ou Benoist, qui eſtoit mort en Auignō, & n'auoit duré q̄ huyēt moys, fut eſleu Pape en la ville de Peruſe: & pource q̄ les Cardinaux ne vouloyent entēdre à eſlire Pape, en enſuyant les cōſtitutiōs du Pape Gregoire, ilz furent enclos iuſques à ce qu'ilz en euſſent eſleu vn. Apres ladiſte eleſtion, lediſt meſſire Bertrand ſe diſpoſa de venir à Lyon, & y vint avec pluſieurs des Cardinaux: & illec, en la preſence du Roy, & de ſes freres les Comtes de Valloys & d'Eureux, de Iehan, Comte de Bretagne, & moult d'autres Seigneurs & Prelatz, qui allerēt en ladiſte ville de Lyon, fut couronné & ſacré lediſt Pape: & fut nommé Clement cinquieme, en l'eglīſe ſainct Iuſt, au mont de la ville: & apres ladiſte conſecration lediſt Pape deſcendit en la ville à cheual. Le Roy eſtoit aupres de luy & ſes deux freres, tenans les reſnes du cheual ou hacquenée du Pape, à pied, eſtans en proceſſion à grand' aſſemblée de peuple. Il aduint que pour la grand' multitude de gens, qui eſtoient montez ſur vn vieil mur, pour veoir cheuaucher lediſt Pape, par ladiſte ville de Lyon, le mur tomba, & fut le Pape blecé au pied, & luy tomba la couronne de la teſte. Semblablement furent blecez les deux freres du Roy, & pluſieurs tuez: entre leſquelz fut Iehan Comte de Bretagne, qui auoit tenu la ſeigneurie dixſept ans: & auoit eu eſpouſée la fille du Roy Henry d'Angleterre, nommée Bietris, de laquelle il eut deux filz, Artus & Iehan, & vne fille nommée Blanche, qui fut femme de Robert Comte d'Artois. Audiſt Iehan, Comte de Bretagne, ſucceda lediſt Artus ſon filz, qui eut femme Aelis, fille du Vicomte de Lymoges, Dame Dauennes, & d'elle eut trois filz, Iehan, Guy & Pierre. Apres le treſpas de ladiſte Bietris, lediſt Iehan print à femme Yolant, Comteſſe de Montfort, dont il eut vn filz nommé Iehan, & quatre filles. Apres ladiſte conſecration le Roy fut long temps à Lyō avecques le Pape, & parloyent tous les iours familièrement enſemble, & prindrent entre eulx grand' intelligence, tellement que lediſt Pape faiſoit de la en apres tout ce que le Roy pouoit ou vouloit demander. Iceluy Pape oſtroya au Roy qu'il peuſt faire apporter le chef ſainct Loys, qui eſtoit à ſainct Denis avecques le corps, pour mettre en ſa ſaincte chapelle du Palais, à Paris: ou il fut apporté en grād' ſolennité, & auſſi vne coſte, qui fut miſe en l'eglīſe noſtre Dame de Paris: & ſi luy oſtroya avecques, pour la recompēſe de la deſpēce qu'il auoit

L'an mil
ccc. & v.
Bertran Ar-
cheueſque
de Bordeaux
fut eſ-
leu Pape de
Rome.

Mort Caſu-
elle de Iehan
de Bretagne.

Translatiō
du chef s.
Loys.

faicte pour la guerre de Flandres, la decime des benefices, & les annuelz de trois ans, & que luy & ses successeurs peussent pourueoir leurs chapelins des benefices qui seroyent vacquans au royaume. Apres ce ledict Pape feit douze Cardinaulx, oultre le nombre ancien, & en enuoya deux à Romme, pour garder de par luy la dignité Senatoire: & restitua les Cardinaulx de la Coulombe, que pape Boniface auoit priuez: puis s'en partit de Lyon, & alla vers Bordeaux, dont il estoit natif, & par luy & par ses ministres furent faictz (comme l'on dit) moult de griefz tant à gens layz comme d'Eglise: & entre autres choses iceluy Pape Clement suspendit Gaultier, Euesque de Poitiers, en hayne de ce que ledict Pape estant Archeuesque de Bordeaux, iceluy Gaultier l'auoit excommunié, par vn mādāt de l'Archeuesque de Bourges, cōme Primat d'Aquitaine: & fut mis (comme l'on dit) frere Milles l'Augustin, Archeuesque de Bourges, pour ladiēte cause, en telle necessité qu'il n'auoit autre chose dequoy viure, que les distributions quotidianes, comme vn simple Chanoine de ladiēte Eglise.

† P. Verg.
Et autres
disent qu'il
mourut l'an
1370. sans
parler de ce
ste maniere
de mort.



V dict an le vieil Edouard, Roy d'Angleterre, qui à cause de son anciē aage se faisoit porter en vne litiere, en entrant en vne ville acourut grand' multitude de peuple pour le veoir: & pource qu'il ne se monstroir point, le peuple commença à murmurer, & dire qu'il estoit mort: & à ceste cause ledict Edouard pour se monstre vis, feit amener vn cheual, & monta dessus, & du trauail qu'il en print tantost apres alla de vie à trespas, & luy succeda Edouard, son aîné filz. En celle diēte année mourut soudainement Pierre, Euesque d'Auxerre, Confesseur du Roy: & disoit on que c'estoit pource qu'il auoit conseillé au Roy faire translater le cheffainct Loys. Semblablement en chaceant le Roy tomba, & se blessa & froissa vne iambe, tantost apres ladiēte translation.

En celle année Loys Hutin, aîné filz du Roy, en la ville de Vernon espousa Marguerite, aînée fille de Robert, Duc de Bourgogne: lequel Robert mourut tantost apres en ladiēte ville de Vernon: & fut son corps porté en Bourgongne. En l'année d'apres en la ville de Corbeil, Philippe le Lōg, Côte de Poitiers, frere dudit Loys, espousa Ichāne, fille de feu Othelin, Comte de Bourgongne, & de Mahault, fille de feu Robert, Comte d'Artoys: & aucun tēps apres Charles, Comte de la Marche, puisné filz du Roy, espousa l'autre fille dudit Othelin, Comte de Bourgongne, & de ladiēte Mahault, nommée † Blanche.

† P. Emi. la
nōme Blāde

Des abus que faisoient aucuns Iacobins, qui estoient vers Toulouze & Albigeois, touchant le faict des heresies.



Q N rapporta au Roy qu'aucuns religieux de l'ordre des freres Prescheurs, qui auoyēt esté enuoyez es marches de Toulouze, pour abatre l'erreur des Albigeois, faisoient plusieurs abus: & qu'ilz faisoient accuser & accusoyent souuentefois aucuns Nobles & autres du pays, disans qu'ilz estoient entachez de ladiēte heresie, & d'eulx prenoient & exigeoyent grand' sommes de deniers. De ce cas le Roy commit la charge au Vidame d'Amiens, seigneur de Piquigny, pour en faire la reparation: lequel en feit prendre & emprisonner aucuns: mais iceulx religieux le poursuyrirent en court d'Eglise, & le feirent publier excommunié à Paris & ailleurs, dont il appela à Romme: mais en allant poursuyure son appellation deuers le Pape, il mourut. En ladiēte année ledict Roy Philippe le Bel, qui auoit plusieurs plainctes des maulx que faisoient les Iuifz, qui demouroient au royaume de France, & des grands vsuses qu'ilz vsurpoyent, ordonna que les gaiges qu'ilz auoyent des Chrestiens fussent renduz en payant le sort principal, & meit en sa main tous leurs biens. En celle mesme année vindrent deuers le Pape & deuers le Roy, les Ambassadeurs du Roy d'Armenie, pour requerer ayde contre les Sarrazins, qui ia auoyēt fait faire plusieurs entreprinſes sur la Chrestienté. Tantost apres le Pape enuoya trois Cardinaulx, pour moyenner appointement entre lesdictz Roys de France & d'Angleterre, qui auoyent encores quelque peu de discord, pour raison des limites du pays de Gascongne: aussi pource q̄ les Prelatz de France se plaignoyent & murmuroient cōtre ledict Pape, pour les extorsions qu'il faisoit: & feirent lesdictz Cardinaulx plusieurs assemblées & Parlemens: & puis s'en retournerent les deux, & le troysieme, qui estoit Espagnol, alla en Angleterre.

Confiscatio
des biens
des Iuifz
usuriers es
sans en Fra
ce.

D'vne grande commotion de peuple de Paris, pour la mutation des monnoyes.

L'an mil
ccc. & vi.



E N l'annē mil'trois cens & six eut vne grande commotion du menu peuple à Paris, à l'occasion des mōnoyes que le Roy auoit chāgées & affoiblies, & pillerēt les maisons de ceulx qu'on disoit qui en estoient cause, & qui l'auoyent cōseillé: & mesmemēt la maison d'un nommé Estienne Barbette, qu'il auoit au lieu dict la Courtille pres Paris, qu'ilz bruslerent & abatirent, & copperēt les arbres fruitiers

Etiers des iardins, les seps des vignes & autres choses, tellement qu'ilz n'y laisserēt riens. apres allerent en la maison dudiēt Barbette en la rue sainct Martin à Paris, & rompirent les portes, huys, fenestres & coffres, pillerent les meubles, geēt rēt la plume des liēz au vent, deffoncèrent les vins escaues, descourirent la maison, & feirent plusieurs autres dommages. puis s'en allerēt deuant la maison du Temple, ou estoit logē le Roy: & illecques se tindrent tout le iour en grand nōbre, comme filz l'eussent voulu assieger, voire en si grand' fureur que le Roy mesmes ne nulz de ses officiers n'osoyent saillir hors, n'entrer dedans lediēt hostel du Temple. Et ainsi qu'aucun des officiers & seruiteurs du Roy apportoyent la viande pour son manger, lediēt populaire de folie & par desdaing la prenoit & icētoit en la boue, en mettant les piedz dessus: & feirent beaucoup d'autres insolences, que le Roy, comme saige, dissimula pour l'heure: mais trois ou quatre iours apres que lediēt populaire fut retraiēt & apaisē, apres informatiōs faictes, en furent par le Preuost de Paris prins, & apres leurs proces deuement faictz en furent plusieurs pēduz deuant leurs maisons, les autres es portes de Paris, iusques au nōbre de xxviij. afin que ceulx qui viendroyent à Paris de diuerses Prouinces, la peine d'un tel crime les espoventast. Audiēt an le Pape Clement & les Cardinaulx allerent à Poitiers, & y tindrent leur siege bien seize moys: & alla deuers luy le Roy Philippe le Bel, & la furēt ordōnées plusieurs choses, & entre autres du faict des Templiers: & manda iceluy Pape au grand Maistre du Temple, qui estoit oultre mer, qu'il vint, & se comparust deuant luy à certain iour: mais il estoit empesché au siege de Rodas, si s'enuoya excuser: & tātost apres l'isle de Rodas fut prinse & recourée. Adonc vint lediēt grand Maistre deuers le Pape.

D'estienne
Barbette,
qui fut pillē
par le menh
peuple de
Paris.

Philippe le
Bel tenu cō
me assiege
le peuple de
Paris au Tē
ple.

Comment Loys Hutin, filz de Philippe le Bel, fut couronné Roy de Nauarre: & des Templiers qui furent ars & bruslez, pour les detestables car par eulx commis.



An de grace mil trois trois cēs & sept le Roy enuoya son aîné filz Loys, surnōmé Hutin, en Nauarre, & en fut courōné Roy en la cité de Pampelune: lequel royaume luy appartenoit à cause de madame Ichanne sa mere, fille du feu Roy de Nauarre: & mena lediēt Loys Hutin en sa cōpaignie le Cōte de Boulongne, & messire Gaultier de Chastillon, Conestable de France, & grand cōpaignie de Nobles & gēs de guerre: car il y auoit vn nommé Fortin, qui s'en vouloit dire & faire Roy & seigneur: mais il en fut dechacē & mis en subiection. En celuy an au moys d'Octobre, du commandemēt dudiēt Roy Philippe, & du consentement dudiēt Pape Clemēt, qui estoit lors à Poitiers, furent prins prisonniers tous les Templiers, qui estoient en ce royaume, & en diuerses prisons emprisonnez, au pain & à l'eau: & fut ordonné par le Pape & les Cardinaulx, que le Roy ne procederoit à leur relaxation, n'à leur punition, sans mandement ou licence du siege Apostolique. Aucun temps apres furent lesdiētz Templiers tous bruslez: les aucuns à Paris, les autres à Senlis, pour aucuns horribles, detestables, & énormes cas, dont ilz furent accusez, comme de Sodomye, Heresie, & Idolatrie (desquelz cas toutesfoiz Ichā Bocace, Poeta Laureatus, Florentin, au vingtyvieme chapitre de son dernier liure des cas des Nobles infortunez, s'efforce de les excuser, à la charge de l'honneur du Pape, & dudiēt Roy Philippe le Bel) & manda lediēt Pape au Roy, par deux Cardinaulx, qu'il print & disposast à son bon plaisir de tous les biens desdiētz Templiers: & par ce le Roy s'en faist, & establist le lieu de sa demourāce, en l'hostel du Temple, à Paris: & de la en auant il y tint son thresor, & toutes ses lettres, chartres, & registres. Lors trespassa madame Catherine, femme de Mō seigneur Charles de Valloys, Emperiere de Constantinoble, par heritage: & fut enterrée aux Iacobins à Paris: & fut le Roy à son enterrement en personne, & tous les grands Princes qui estoient en court. En l'an mil trois cens & huyēt, Aubert Roy & Empeur des Rōmains, fut tuē par vn sien nepueu: & apres luy fut faict Roy des Rommains Henry, Duc de Luxembourg: lequel tantost apres fut couronné Empeur à Aiz, ou auoit grand' Cheualerie: & fut son electiō approuuée par le Pape Clement, & ses Cardinaulx: & fut iceluy Henry moult hardy & cheualeureux: lequel apres ce qu'il eut regné cinq ans ou enuiron fut empoysōnnē, en prenant l'ostie sacrée, par vn Iacobin, & par vn nommé Bernardin de Montpellican, comme recite Fasciculus Temporum: mais toutesfoiz ceulx dudiēt ordre disent en estre excusē, par aucunes lettress testimoniales qu'ilz ont deuers eulx. Audiēt an mil trois cens & huyēt fut faict certain appoinctemēt entre les Roys Philippe de Frāce, & Edouard d'Angleterre, deuxieme de ce nom, surnommē de Carmenean, & selon le traictē de mariage qui auoit estē faict entre luy & madame Ysabeau, fille dudiēt Roy Philippe le Bel, & de Ichanne, Roine de Na-

Mil.cccc.vii

Les Templi
ers bruslez
en France.

Iehā Bocacē
ce poete Flo
rentin.

Le Temple
à Paris fut
ordōné &
estably pour
estre le lo
gis du Roy

L'Empe
reur Henry
fut empoz
sonē en pre
nant la sain
cte ostie.

uarre sa femme, avec iceluy Edouard, Roy d'Angleterre, fut conclud la luy enuoyer: & deuât son partemēt alla faire ses oblations, & prendre congé des martyrs saint Denis & ses cōpaignons: & fut ladiète Ysabeau honnorablement conduiète, & enuoyée audiēt Roy Anglois, & la conduysit le Roy Philippe le Bel son pere, iusques à Boulongne sur la mer.

*l'an mil
ccc.xi.*

En ce temps lediēt Pape s'en partit de Poitiers avec ses Cardinaulx, & s'en alla tenir son siege à Bordeaux. En celle année Guy, aîné filz du Comte de Bloys, espousa la fille de Charles, Comte de Valloys, frere dudiēt Roy Philippe le Bel, & estoit ladiète fille de petit age. En l'année mil trois cens & vnze, le Roy fut aduertie que l'Archeuesque de Lyon, nommé Pierre de Sauoye, auoit dit de luy & de ses enfans plusieurs parolles iniurieuses & mal sonnans, & auoit esmeu & esleue le peuple de ladiète ville contre le Roy, en si grand' tumulte qu'ilz s'en allerent à vn chasteau, nommé saint Iust, qu'ilz ardirent & destruisirent du tout. Quand le Roy le sceut il enuoya Loys Hutin, Roy de Nauarre, son aîné filz, avec grand' armée, qui assiegea la cité de Lyon, ou estoit lediēt Archeuesque, & fut huyt iours deuant: mais iceluy Archeuesque, voyant qu'il n'eust peu resister à sa puissance, s'en vint deuers lediēt Roy de Nauarre, qui l'amena à son pere, & repara ce qu'il auoit meffait. Enuirō ce temps les Anglois prindrent en indignation leur Roy, par ce qu'a l'appetit d'un Cheualier, nommé t Pierre de Gascongne, il faisoit aucunes nouuelles coustumes: & l'eussent priué de l'administration du royaume, si n'eust esté pour la crainte du Roy de France, duquel il auoit espousé la fille. En t celle année les Hospitaliers, avecques grand' compaignie de Cheualiers, passerent en l'isle de Rhodes, de laquelle isle les Chrestiens auoyent esté dechacez par les Sarrazins, & la conquerent, & feirent de beaulx faictz d'armes sur eulx (qui leur vint à tresgrand' louenge par toute Chrestienté) & l'ont tousiours tenue iusques à la derniere expulsion faicte par les Turcz, & la tiennent t encores lesdiēt Hospitaliers.

*t P. Verg.
dit Pierre
Ganefton.
t Antres
1309.*

*t Ilz l'ont
depuis per-
due, & la
tient encor
le grand
Turc Soli-
maën c'est
an 1549.*

*Institution
de l'vniuer-
ité d'Orle-
ans.*

*Les biens des
Templiers
furent don-
nez aux freres de l'Ho-
pital de
Rhodes.*

En l'an mil trois cens & douze eut aucune commotion de peuple en Flandres, dont Robert Comte de Flādres, fut soupçonné. Si fut appelé à Paris pour se purger du faict, & y vint, & Loys son filz, Comte de Neuers: lequel fut trouué chargé de la conspiration, & par ce fut prins prisonnier, & mené à Moret, & apres ramené à Paris en prison, dont il eschapa, par ce qu'il se doubtoit de punition: & pour ceste cause par le conseil des Nobles fut diēt qu'il estoit priué de sa Comté. En celle diète année le pape Clement octroya aux escoliers d'Orleans priuileges, pour illec establir Vniuersité, pourueu que le Roy s'y consentist: & pource que le Roy en feit difficulté, lesdiēt escoliers feirent cessations, & s'en allerent: mais apres il les feit rappeler, & les contenta, & leur donna beaulx priuileges: parquoy ilz retournerent.

Audiēt an le Pape fait assembler Concile à Vienne au Dauphiné, ou il vint en personne: & y allerent le Roy, ses freres, & ses filz, & grand nombre de Princes & Barons: & fut le Roy assis à la dextre du Pape, vn peu plus bas que luy, & la fut parlé de plusieurs choses, & entre autres du voyage d'oultre mer, pour l'ayde de la Chrestienté: & octroya le Pape au Roy, qui promit y aller, pour luy ayder & supporter les fraiz dudiēt voyage, la disme des eglises iusques à six ans. Auant le partement du Pape, le Roy & les Prelatz, estans audiēt Concile, consentirent que les biens des Templiers fussent deuoluez aux freres de l'Hopital de saint Iehan de Rhodes, à ce qu'ilz fussent plus puissans à la sainte terre recouurer & deffendre. Iceluy pape Clement, cinquieme de ce nom, compila le liure des Decretales, qu'on appelle les Clementines, que Pape Iehan, son successeur, feit publier par les Vniuersitez. Apres lediēt Concile paracheué, le Roy s'en retourna en France.

*t la Cron.
Bret. met
Pierre pour
le 3. & mon-
tut ienne.*

Audiēt an mil trois cens & douze trespassa Artus, Duc de Bretagne, apres ce qu'il eut tenu la seigneurie six ans: & gist aux Cordeliers de Vennes. Il fut marié en premieres nopces à Biatrix fille du Vicomte de Lymoges, dame d'Auennes en Haynault, de l'Egle & de Noyō, & en eut t deux enfans: Iehan qui fut Duc, & Guy. Apres fut lediēt Artus marié en secondes nopces à Yolant, Comtesse de Montfort, qui auoit espousé le Roy de Syrie: & l'espousa lediēt Artus en Angleterre, apres ce qu'on eut rapporté que lediēt Roy de Syrie estoit mort au voyage d'oultre mer: & l'amena en Bretagne: & d'eulx issit Iehan, tiers filz dudiēt Duc, lequel fut Comte de Montfort, & espousa vne fille de Flandres: & lediēt Guy lequel fut Comte de Ponthieure, fut marié à la dame de Dauaugourt, & de Gouttelou: & eurent vne fille seulement, qui fut boyteuse: laquelle fut mariée à Charles, Comte de Bloys, filz de Marguerite, sœur d'iceluy Roy Philippe de Valloys: & recongnut lediēt Iehan sa niepce son heritiere audiēt Duché, en reiettant lediēt Iehan, Comte de Montfort.

Comment

Comment le Roy Philippe le Bel, deux de ses filz, plusieurs grands Seigneurs, & autres de France se croysèrent pour aller oultre mer.



L'année ensuyuant mil trois cens & xiiij. fut par le Pape enuoyé en Frâce vn Cardinal Legat, nommé Nicolas, pour prescher la croysée pour aller oultre mer, cōtre les Sarrazins : & le iour de la feste de Penthecouste le Roy assembla grand' noblesse à Paris : & en l'eglise nostre Dame, en la presence du Roy d'Angleterre son gendre, & de sa femme, qui estyent venuz en France, feit Cheualiers ses trois enfans, & plusieurs autres. parquoy semble que ce soit erreur ce q̄ plu-

sieurs dient communement, que les enfans des Roys soyent Cheualiers des leur naissance. Le mecredy ensuyuant ledict Roy Philippe & ses deux ieunes filz, Philippe & Charles, ledict Roy d'Angleterre, & plusieurs Seigneurs, Barons, Cheualiers, desdictz royaumes, se croysèrent pour aller oultre mer contre les Sarrazins : & pour ceste cause, & affin de publier ledict voyage d'oultre mer, fut fait vn preschement en l'isle nostre Dame à Paris, en la presence dudit Cardinal à ce deputé : & pour entrer en ladicte isle fut fait vn pont sur bastaulx, pour la multitude du peuple qui y affluoit : & toute la sepmaine des feriers de Pēthecouste fut faite moult grād' ioye & feste à Paris, & fut toute la ville tendue de tapisserie iour & nuict : & tous les gēs de mestier de Paris habillez de diuerfes liurées chacun : & fut la feste tenue au Palais de Paris, que ledict Roy Philippe auoit de nouuel fait edifier de tresbel & sumptueux oeuure, par vn Cheualier Normāt, qui estoit Côte de Lōgueuille, nommé messire Enguerrād de Marigny, sainege Cheualier, qui estoit du tout son gouuerneur, & auoit la charge de ses finances & grāds affaires du royaume : & estoiet en ladicte feste lesdictz trois Roys, de France, d'Angleterre, & de Nauarre.

En celle mesme année fut faite la paix des Flamens en la ville de Courtray, par telle maniere que lesdictz Flamens satisferoyent au Roy d'vne bien grand' somme d'argent, & qu'ilz feroiet abbatre leurs fortresses à leurs despens (qui leur fut chose griefue à porter) & feroient commencer à Bruges & à Gand, & de ce faire bailleroient ostages : & oultre fut appoincté qu'ilz rendroyent à Robert, Comte de Flandres, toute la chastellenie de Courtray, & ses appartenances, que tenoyent lesdictz Flamens. Tantost apres Ichā, Duc de Braban, qui estoit de l'aliance des Flamens, vint deuers le Roy, & se reconcilia avec luy : lequel Ichā mourut tantost apres, & luy succeda Guillaume son filz, qui espousa vne des filles de Charles de Valloys, frere du Roy. En ce mesme temps, soubz vmbre de la guerre que le Roy auoit cue, on voulut mettre vne exaction de six deniers pour liure, de toutes denrées vēdues : ce que iamais n'auoit esté fait. Ceulx de Normādie & de Picardie iurerent les vns aux autres qu'ilz ne le souffriroyent point, & deffendroyent qu'elle ne fust leuée iusques à la mort inclusiuement : parquoy le Roy manda qu'on cessast de plus la leuer.

L'an mil.ccc.& xiiij. deux Cheualiers, l'vn nommé Gaultier d'Aunoy, & l'autre Philippe d'Aunoy, vn premier iour de May, en l'Abbaye de Maubuisson pres Pōtoise, furent trouuez en adultere, l'vn avecques Marguerite, femme de Loys Hutin, Roy de Nauarre, & ainsé filz du Roy (laquelle estoit fille de Robert Duc de Bourgongne) & l'autre avec Blanche, femme de Charles le Bel, Comte de la Marche, aussi filz du Roy : laquelle Blanche estoit fille de feu Othelin Comte de Bourgongne & d'Artoys. Pour lequel crime lesdictz deux Cheualiers eurent premierement les genitoires coppez : puis furent tous vifz escorchez, & apres trainez & penduz. Semblablement fut pendu au gibet de Pōtoise l'huissier de ladicte Marguerite, Roynne de Nauarre, qui le sçauoit biē : & au regard de deusx dames : c'est à sçauoir Marguerite, femme de Loys Hutin Roy de Nauarre, & Blāche, femme de Charles Comte de la Marche, pour tāt qu'elles furent trouuées coupables, elles furent condampnées à perpetuelle prison au Chasteaugailard d'Andely, ou elles furent menées. Quant au regard de Ichāne, femme de Philippe Comte de Poitiers, qu'on disoit aussi estre coupable, elle fut emprisonnée au chastel de Dourdan : & apres deue inquisition faite, & qu'elle ne fut point trouuée chargée : elle fut rendue à son mary : duquel cas fortunable le Roy & sesdictz enfans furent moult troublez & scandalisez. Enuiron ce temps mourut le Pape Clement, & y eut grand' discention entre les Cardinaulx qui estoient assemblez en la ville de Carpantras, pour eslire vn autre Pape : mais le feu fut mis en ladicte ville : parquoy ilz se partirent : & vacqua le siege Apostolique deux ans & troys moys.

L'an mil
ccc. & xiiij.

Du beau ser
mon qui fut
fait en l'is-
le nostre Da
me à Paris
touchant la
croysade.

Bastimēt du
Palais de
Paris.

L'an milccc.
& xiiij.

Punitiō de
deux Che-
ualiers trou-
uez en adul-
tere avec
deux gran-
des dames.

D'vne grande

D'une grand' taille qui fut mise au royaume de France, par l'enhortement d'Enguerrand de Marigny.

Mil trois
cēs quator-
ze.
Enguerrād
de Marigny
Cheualier
Normant.



An mil trois cēs & quatorze lediēt Roy Philippe le Bel assembla plusieurs Princes, Seigneurs, Barons, & populaire des villes de son royaume, à Paris: & illec en la court de son Palais feit dresser vn eschaffault ou il monta: & par lediēt Enguerrand de Marigny, Cheualier Normant, son principal Conseiller, & gouverneur de toutes ses finances, estant debout aupres de luy, feit remonstrer les grādes despences qu'il auoit faiçtes, à l'occasion des guerres & autrement: & qu'encores luy conuenoit faire, par ce que le Comte de Flandres & les Flamens ne vouloyent entretenir n'acomplir le contenu ou traité & appointement qu'ilz auoyent juré & prōmis: & leur requist qu'ilz luy voulsissent ayder. Adonc Estienne Barbetre, Bourgeois de Paris, se leua, & parla pour ladiçte ville, & dist qu'ilz estoient tous prestz & appareillez de luy ayder de corps & de biens, en tout ce qu'ilz pourroyent. Apres lesdites parolles semblable responce feirent tous les autres deleguez & enuoyez à ladiçte assemblée par les bonnes villes du royaume: & soubz vmbre de ladiçte responce, qui estoit en termes generaulx, tantost apres le departement de ladiçte assemblée, fut faiçte & imposée par tout le royaume vne grande & excessiue taille, dont le royaume fut fort adommagé & pauury: & de ce donna l'on toute la charge & la coulpe audiēt Enguerrand de Marigny: pour laquelle chose il cheut en grand' hayne enuers le peuple de France: & disoit on qu'il auoit imposé plus grand' somme qu'on n'entendoit, & qu'il n'auoit esté oītoyé.

Du quatrieme voyage que le Roy Philippe le Bel feit en Flandres, & de son trespas à Fontainebleau.

L'an mil ccc.
& xiiii.



Vdiēt an mil trois cens & quatorze, pource que le Comte de Flandres & les Flamens ne vouloyent tenir les conuenances qu'ilz auoyent iurées, & festoyent leuez & rebellez contre le Roy pour la quatrieme fois, il assembla grand' armée, en laquelle il alla en personne, & ses trois filz, & son frere Charles de Valloys, le Comte d'Eureux, le Comte de saint Paul, Enguerrād de Marigny, & plusieurs autres Princes & Seigneurs, & feirent marcher l'armée iusques à Lille: & estoient si grand nombre qu'en brief temps peussent auoir conquesté ladiçte Comté de Flandres, s'ilz se fussent à droict gouuernez & conduitz: mais par lediēt Enguerrand de Marigny, qui auoit intelligēce secrete, comme on disoit, au Comte de Flandres & aux Flamens, & aussi par le Comte de Neuers, qui filz estoit dudiēt Comte de Flādres, ilz furent tellement abusez de parolles qu'ilz ne combatièrent point: & apres qu'ilz eurent la esté aucun temps, ilz s'en retournerent sans riēs faire. Apres leur retour au moys de Novembre audiēt an lediēt Roy Philippe le Bel, estant à Fontainebellant, en Gastinois, ou il estoit allé pour soy deporter & esbatre es chaces, par ce qu'il aymoit le lieu, pource qu'il y auoit esté nay, luy print vne maladie, de laquelle il alla de vie à trespas, au vingtzhuyetieme an de son regne: & fut son corps mené en l'eglise saint Denis en France, & illec enterré en grand honneur & reuerence, & son cœur porté au conuent de Poissy. Aucun peu de temps auant son trespas mourut Marguerite, femme de Loys Hutin son aîné filz, Roy de Nauarre: laquelle estoit prisonniere au Chasteaugailard, pour la cause dessusdite, & fut enterrée en l'Abbaye de Maubuisson.

Le Roy Phi-
lippe le Bel
fut nay à
Fontainebel-
lant, en ble-
au, ou il de-
ceda.

Comment & parquoy Enguerrand de Marigny fut pendu & estranglé au gibet de Paris.



Ncontinent apres le trespas dudiēt Roy Philippe le Bel, lediēt Enguerrand de Marigny, Comte de Lōgueville, qui fort estoit enuie des Princes & Seigneurs de France, & principalement dudiēt Charles, Comte de Valloys, frere du feu Roy Philippe le Bel, du Côte de saint Paul, & de messire Ferry de Piquigny, & autres, à l'occasiō de la grand' autorité qu'il auoit prinse & eue, tant enuers le Pape qu'enuers lediēt feu Roy, & aussi qu'il estoit fort en la hayne du menu peuple (car du temps d'iceluy feu Roy Philippe le Bel, il faisoit des affaires & finances du royaume du tout à son plaisir, & autre chose ne s'en faisoit sinon ce qu'il en ordonnoit: & auoit si grand' autorité qu'il auoit fait vn de ses freres Euesque de Cambrai, & l'autre Euesque de Beauuais, Per de Frāce, & vn sien cousin auoit il aussi fait Cardinal: & estoient tous les officiers du royaume mis

me mis sa poste, car il auoit esté cause de les mettre en leurs offices) fut mādē venir en la maison nouveau Roy Loys Hutin, au fossez S. Germain, ou est de present l'hostel de Bourbon. Et en la presence du Roy & de ses deux freres, & plusieurs autres, luy fut demādē ou estoient le thresor & les grandes richesses du Roy Philippe (car il n'y auoit riens esté trouuē) lequel Enguerrand feit responce qu'il en respondroit & rendroit bon compte quand besoing en seroit: & lors ledict Charles de Valloys luy dist: Rēdez le doncques maintenant: & il dist que voluntiers: Mais à vous, monseigneur de Valloys, ie vous en ay baillé la plus grand' partie, & le demourant i'ay mis au payement des debtes du feu Roy vostre frere; & des affaires du royaume: desquelles parolles ledict Charles de Valloys fut irritē, & luy dist qu'il le chargeoit de son honneur, & qu'il auoit menty: & ledict Enguerrand luy dist, par Dieu monseigneur, mais vous: & lors ledict de Valloys fut esmeu, & faillit contre ledict Enguerrand; & le cuyda prendre & frapper d'une dague, & comme l'on dir, l'eust deslors tuē ou fait tuer par ses gens: mais aucuns illec presens le destournerent, & fut ledict Enguerrand prins, & menē prisonnier au chasteau du Loure. Apres ce ledict Comte de Valloys feit crier & publier que s'il y auoit nul qui se voulsist plaindre dudit Enguerrand, qu'il vint auant & qu'on luy en feroit raison: & pource que ledict Enguerrand estoit Capitaine dudit chasteau du Loure, ledict de Valloys le feit mener en la tour du Temple, & en le menant alloit moult de peuple apres luy pour le veoir. Le samedy de Pasques flories fut iceluy Enguerrand menē deuers le Roy au boys de Vincennes: & en sa presence furent proposēes contre luy plusieurs charges: & entre autres, qu'il auoit desrobē le thresor dudit Roy Philippe le Bel, durant ce qu'il estoit au liēt de la mort. Item qu'il auoit esté cause de la grand' taille qui auoit esté mise sus au royaume, dont le peuple en estoit moult apauury, & en auoit appliqué à luy la pluspart des deniers. Item que ledict feu Roy Philippe auoit dit que ledict Enguerrand l'auoit plusieurs fois deceu, & par ce ne l'auoit il point voulu faire son executeur. Item que le Roy auoit enuoyē par luy au Pape trente mil escus, qu'il ne luy auoit point baillez, & les auoit retenuz. Item aussi quinze mil florins que le Roy enuoyoit à messire Edmond Goth: lequel il trouua mort, & ne les restitua point au Roy. Item que le Roy luy donna à deux fois quarante mil liures de deniers du decime que le Pape auoit octroyē, dont ledict Enguerrand auoit fait la poursuyte. Itē qu'il festoit fait donner & desmēbrer le domaine du Roy. Item qu'il auoit fait sceller au Chancelier huyt paires de lettres en blanc, & ne scauoit on qu'il en auoit fait: & plusieurs autres charges furent alleguēes à l'encontre de luy: mais il ne luy fut point donné d'audience pour soy iustifier, fors que son frere, Euesque de Beauuais, demāda la coppie desdictz articles pour y respondre: & apres ce fut amenē ledict Enguerrand en ladicte tour du Loure prisonnier: & combien que ledict nouveau Roy Loys n'eust point droitement vouloir de faire mourir ledict Enguerrand, toutesfois pource qu'on luy dist que la femme d'iceluy Enguerrand & autres auoyent fait aucuns veux & charmes pour l'ensorceler, il consentit qu'on en feist ce que on vouldroit. Parquoy par la diligence & poursuyte dudit Charles de Valloys, qui l'auoit merueilleusement en grand' hayne, & le chaceoit & poursuyuoit tant qu'il pouoit, le Mercredy deuant l'Ascension nostre Seigneur ensuyuant, mil trois cens & quinze, par le iugement d'aucuns Seigneurs & Conseillers assemblez au boys de Vincennes, iceluy Enguerrand fut pendu & estranglé au gibet de Paris.

Emprisonnement d'Enguerrand de Marigny.

De plusieurs articles dont Enguerrand de Marigny estoit chargé & accusé vers le Roy.

L'an mil ccc. quinze.

Du Roy Loys Hutin, dixieme du nom, filz du Roy Philippe le Bel.



LOys, dixieme de ce nom, dict Hutin, aîné filz de Philippe le Bel, commēça à regner Roy de France & de Nauarre, l'an mil trois cens t. & xv. & trespassa au boys de Vincennes, au deuxieme an de son regne, l'an mil trois cens feize. Cestuy fut homme courageux, hardy, & cheualereux de sa personne: mais il ne dura guerres. Tantost apres le trespas de son pere il rappela les Iuifz, que son dict pere auoit chacez & banis du royaume. Il eut au commencement à femme Marguerite, fille de Robert, Duc de Bourgogne, Per & Chambrier de France, & de dame Agnēs, fille de monseigneur saint Loys, sa compaigne: de laquelle Marguerite il eut une fille, nommée Iehanne, laquelle fut mariée à t. Philippe, filz de Loys premier Comte d'Eureux, frere de Philippe le Bel: & mourut icelle Marguerite estant prisonniere pour la cause dessusdictē, à Chasteaugailard. Tantost apres le trespas d'icelle il print à femme madame Clemence, fille du Roy de Hongrie. Audiēt an le Dimenche apres la Myaoust fut oingt & sacré

t. P. E. G. G. & autres disent 14. & que son pere mourut 1313. et luy l'an 1315.

t. P. Emil. dit à Loys mesme.

Roy lediēt Hutin, & ladiēte Clemence couronnée Roynē en l'eglise de Reims, en grand' solennité, presens les grands Princes, Seigneurs, Barons & Cheualiers du royaume. En celle mesme année enuoya lediēt Roy Loys Girard, Euesque de Soissons, le Comte de Bourgogne, & Pierre de Blaine, ses Ambassadeurs, par deuers les Cardinaulx à ce qu'ilz procedassent à l'election d'un Pape, par ce que le siege auoit ia esté longuement vacquant, par le trespas du Pape Clement. Tantost apres le Sacre dudiēt Roy, pource que Robert, Comte de Flandres, & les Flamens ne vouloyent pas approuuer & tenir les conuenances qu'ilz auoyēt promises au feu Roy Philippe le Bel, iceluy Roy Loys assemblea grand' armée, & alla acompaigné deses deux freres, Philippe & Charles, & de ses oncles, les Côtes de Valloys, & d'Eureux le Marquis Damptonne, le Duc de Bretaigne, & plusieurs autres, iusques à Courtray, sur la riuiere du Liz: mais à l'occasion des grands pluys & inundations des euaes, qui furent celle année, il ne peut passer, & luy conuint s'en retourner sans riens faire: dont il fut moult desplaisant, en disant que s'il viuoit iusques à l'esté ensuyuant, iamais Flamens n'auroyent appointement à luy, s'ilz ne se submettoyent à sa volonté: mais ce pendant vindrent à Paris tantost apres aucuns messages de Flandres, avec lesquelz fut fait certain appointement, qu'ilz promirent faire ratifier par lesdiētz Flamens.

En celle mesme année le Roy Loys enuoya de rechef deuers les Cardinaulx, monseigneur Philippe de Poitiers, son frere, & monseigneur Charles, Comte de Valloys son oncle, en Auignō, pour iceulx Cardinaulx faire assembler, qui encore depuis le trespas de Clemēt n'auoyēt point esleu de Pape, & estoient refusans & delayans de ce faire: & estans lesdiētz Philippe Comte de Poitiers, & Charles de Valloys en Auignon, ilz parlerent ausdiētz Cardinaulx, & firent tant qu'ilz vindrent & s'assemblerent à Lyon, & tant pourchacerent vers eulx que le han Cardinal, Euesque d'Auignon, fut esleu Pape, & fut sacré à Lyon, & nommé Ichā, i vingt deuxieme, presens lesdiētz Comtes de Poitiers, & de la Marche, & leurs oncles, Charles de Valloys, & Loys, Comte d'Eureux.

Du trespassement dudiēt Roy Loys Hutin.

Mill. ccc. xvi **E**N l'an de grace mil trois cens & seize, au moys de Iuin, lediēt Roy Loys estant au boys de Vincennes, luy print vne maladie soubdaine, dont il trespassa le lendemain qu'elle l'eut pris, qui fut le iour de la Trinité: & fut son corps enterré en l'eglise saint Denis, honnorablement, comme il appartenoit. Au temps du trespas dudiēt Roy Loys, lesdiētz Philippe, Comte de Poitiers son frere, & Charles de Valloys, son oncle, estoient encores à Lyon, pour l'election du Pape. Quand ilz sceurent les nouuelles de la mort dudiēt Roy Loys, ilz s'en reuindrent hastiement à Paris, ouledict Charles fut grandement & honnorablement receu: & pource que la Roynē Clemence, veufue dudiēt feu Roy Loys, qui fille estoit du Roy de Hongrie, estoit demourée grosse, lediēt Comte de Poitiers eut le gouuernement du royaume, & se porta & nomma Regent: & durāt la grosseffe de ladiēte Roynē Clemence, elle fut malade de fieures quartes. Quand vint au terme elle accoucha d'un filz, qui eut nom Ichā, & ne vescu que huyēt iours: parquoy icy n'en est faicte autre mention. Apres le trespas d'iceluy Ichā les Princes, Seigneurs, Barons, & Prelatz du royaume, & les habitans de Paris, & de l'Vniuersité firent couronner Roy lediēt Philippe le Long, parauant Comte de Poitiers: car il y auoit le Duc de Bourgongne, & aucuns autres, qui vouloyent soustenir que Ichāne, fille dudiēt Loys Hutin, & de Marguerite, sa premiere femme, niepce dudiēt Duc de Bourgongne, deuoit venir au royaume: mais en vain y traouillerent (car il ne se peut ne doit faire par la loy de France) & fut ladiēte Ichāne deboutée: & fut lediēt couronnement approuué en vne assemblée faicte à Paris: en la presēce d'un Cardinal, pour ceste cause enuoyé par le Pape: & firent tous les Barons du royaume homage audict nouveau Roy, Philippe le Long. En celle année messire Robert d'Artois, qui fut filz de Philippe, filz du vaillant Robert, Comte d'Artois, qui mourut à Courtray, avec grand' compaignie de Cheualiers, & autres ses alliez, entra en la ville d'Arras: & pays d'Artois, prenant & voulant vsurper par force & violence la Comté d'Artois, au preiudice de madame Mahault, Comtesse de Bourgongne & d'Artois, mere de Ichāne, femme dudiēt Roy Philippo le Long.

elles ne succedent poir, & ne doient succeder à la courōne de France.

Du Roy

Du Roy Pilippe le Long, cinquieme de ce nom, filz du Roy Philippe le Bel.



Philippe, cinquieme, dict le Long, Roy de France & de Navarre, & parauant Côte de Poitiers, frere du feu Roy Loys Hutin, prochain precedent, cōmença à regner audict an mil *L'an mil ccc. & seize.* ccc. xvj. & trespasça au vj. an de son regne. Cestuy en premieres nopces eut à femme madame Ichane, fille d'Othelin, Côte de Bourgongne, & de madame Mahault, Comtesse d'Artois, qui succeda à sa mere audict Comté d'Artois: de laquelle Ichanne il eut quatre filles: c'est à sçauoir la premiere, nommée Ichanne, qui fut femme au Duc de Bourgongne: la seconde, nommée Marguerite, qui fut femme au Comte de Neuers, nom-

mé Loys, filz aîné du Comte de Flandres: la tierce, nommée Marie, qui fut femme du Daulphin de Viennois: la quatrieme fille, nommée Blanche, fut donnée & vouée à S. François, & depuis reuestue religieuse au monastere de l'humilité nostre Dame, appelé Longchâp, pres Paris. Ledit Philippe, apres le trespas de Loys Hutin, son frere, par ce que la Royne Clemence, veufue d'iceluy, estoit demourée enceinte, gouerna les royaumes de France & de Navarre, cōme Regent: & apres que la Royne fut accouchée, & que son enfant fut trespasé, il s'enfaisina desdictz royaumes de France & de Navarre, comme à luy appartenans: à quoy luy vouloit contrarier Robert, Duc de Bourgongne, & sa mere, disant que la fille dudit feu Loys Hutin, & de sa premiere femme, sœur dudit Duc de Bourgongne, deuoit heriter au royaume: mais il fut dict que femme n'heritoit pas à la couronne de France: & pour ceste cause ledit Philippe conceut grand hayne cōtre ledit Duc de Bourgongne, & le fait tenir prisonnier, & malgré luy fut ledit Philippe couronné Roy de France & de Navarre. Tantost apres son couronnement il fait sommer les Flamens de confermer leurs articles qu'ilz auoyent accordez par l'appoinctement qui fut fait avec le feu Roy Philippe le Bel, son pere. ce qu'ilz ne vouloyent faire, dōt ledit Roy enuoya à plainte au Pape, qui y enuoya ses Legatz & messagiers: & pour ce que lesdictz Flamens ne se voulurent condescendre à la raison, le pays de Flandres fut interdict & excommunié. En celle mesme année le Roy fait appeler à son Parlement messire Robert d'Artois, qui par force vouloit vsurper la Côte d'Artois, & en icelle s'estoit intruz sans autorité de iustice, par voye de fait: & fut iceluy messire Robert constitué prisonnier, & puis sur la question fut fait appoinctement, par lequel ledit messire Robert renonçoit au droit qu'il pretendoit en ladicte Comté d'Artois, moyenant qu'on luy donnast la Comté de Beaumont, en Normandie: & furent trefues prolongées aux Flamens iusques à vn an. Apres ce le Roy, à l'humble priere des parens de feu Enguerrand de Marigny, octroya que son corps fust despēdu du gibet, & fut enterré premieremēt en l'eglise des Chartreux, avec le feu Archeuesque de Sens, son frere: & depuis fut ledit corps porté en l'eglise nostre Dame d'Escouys, en Normadie, qu'il auoit fondée & fait edifier, & en icelle mis rétes & chanoines. En l'an mil ccc. xvij. le Roy fait appeler à son Parlemēt de Paris, le Comte de Neuers, tant pour luy venir faire hommage des Comtez de Rhetel, & Baronnie de Douzy le pré, comme pour plusieurs cas, dont on l'accusoit: lequel Comte s'estoit tourné en rebellion, & allié au Comte de Flandres: parquoy le Roy fait saisir ses terres en sa main: mais par le moyen dudit Duc de Bourgongne, ledit Comte de Neuers vint deuers le Roy à Gisors, & se reconcilia enuers le Roy, qui luy pardonna, & rendit ses terres.

Longchâp est appelé le monastere de l'humilité nostre Dame.

Robert d'Artois fut nommé Odo.

Ordonné fut que sēme ne succederoit point à la couronne de France.

Enguerrand de Marigny, fondateur de nostre Dame d'Escouys.

En ce temps la Royne Clemence, veufue du feu Roy Loys Hutin, partit de France, & alla en Auignon, cuidāt trouuer son oncle, le Roy de Cecille, mais il n'y estoit pas: parquoy elle s'en alla saluer le Pape, qui la estoit: & esleut ladicte Royne son domicile en l'hostel des sœurs de saint Dominique, audict lieu d'Auignon, & illec demoura.

De l'appoinctement fait entre le Roy & les Flamens.



En l'an mil trois cens dixneuf le Pape enuoya vn Cardinal, nommé Isoferan, Legat, pour traicter la paix du Roy & des Flamens. Quand il fut à Paris il fait l'obsequie de Loys, frere de Philippe le Bel, Comte d'Eureux, qui estoit trespasé: & l'enterra en l'eglise des Iacobins, aupres de sa femme. Apres ce que ledit Cardinal eut ce fait, il alla vers Tournay, & manda à l'Euesque de Tournay qu'il feist sçauoir sa venue aux Flamens: mais ledit Euesque n'y osa aller. Si enuoya deux freres Prescheurs, qui furent emprisonnez, par le commandement du Comte de Flandres, qui s'appareilloit pour venir en armes contre le Roy, & assieger l'Isle: & auoit avecques luy gens du commun

L'an mil ccc. dixneuf.

L'an mil
ccc. & xx.

La paix fut
conclue en-
tre le Roy
de France
Philippe le
Long, & le
Comte de
Flandres, à
Paris.

de Gand, qui le conduysirent iusques à la riuere du Liz : mais quand ilz furent là, ilz luy dirēt qu'ilz auoyent iuré de garder les trefues faictes entre le Roy & luy, & qu'ilz ne le suyuroyent point plus auāt: parquoy lediēt Comte fut moult courroucé, & condāna ceulx de ladiēte ville de Gand à grand' somme d'argent, laquelle ilz ne voulurēt payer: & par ce feit garder les pas- sages, si q nul n'y pouoit entrer, ne sortir de la ville de Gand. Lediēt Cardinal pourchāça tant que lediēt Comte de Flandres & son filz vindrent parler à luy, & aux messagiers du Roy, à Tournay: & fut ordonné q lediēt Comte viendroit à Paris deuers le Roy, & luy feroit hōma- ge, & seroyēt confermez les cōditions de la paix: mais lediēt Comte n'y vint point, & trouua triuolles excusations: toutesfois en l'an mil ccc. xx. apres plusieurs allées & venues dudiēt Car- dinal, lediēt Comte de Flandres vint à Paris deuers le Roy, & luy feit hōmage. Et pource que les procureurs de la communaulté de Flandres dirent qu'ilz n'auoyent point pouoir de con- fermer les conditions de l'appoinctement, que le Roy demandoit, fut assigné iournée pour ce faire: à laquelle iournée lediēt Comte dist qu'il n'en feroit riens, sinon qu'on luy rendist les villes, chasteaux, & chastellenies de l'Isle, Bethune, & Douay, que son pere auoit baillez au feu Philippe le Bel, en attendant qu'il eust assigné douze mil liures, es terres qu'il luy auoie promises: lequel bail sondiēt pere auoit fait soubz vmbre de ce qu'Enguerrand de Marigny luy dist & promist qu'il les luy feroit apres restituer par lediēt Roy Philippe le Bel, dont il n'a- uoit riens fait. Quand le Roy veit ce, il iura, & feit iurer à son oncle Charles de Valloys, & à son frere, que lediēt Comte n'auroit iamais lesdiētes chastellenies: & quand le Comte sceue lediēt serment, il s'en partit de Paris pour s'en retourner: mais les procureurs des communau- tez de Flandres ne s'en voulurent pas aller, & enuoyerent apres, disant que iamais ne parti- roient de Paris, que l'appoinctement ne fust conclud: car ilz scauoyēt bien la volunté des vil- les de Flandres, & que filz s'en alloient sans faire la paix, on leur copperoit à tous les testes. Quand le Comte entendit ces choses, sachant qu'il ne pourroit riens faire si ceulx des villes de ses pays n'estoyent auecques luy, il retourna à Paris, & fut la paix faicte & conclue: & fut faict le mariage de madame Marguerite seconde fille du Roy, auec Loys, Comte de Neuers, filz dudiēt Comte de Flandres, qui parauāt auoit fiancé la fille de feu Loys, Comte d'Eureux.

D'un Preuost de Paris, qui fut pendu & estranglé.

EN ce temps auoit vn Preuost de Paris, nommé Hēry Capperel, nay de Picardie, qui detenoit es prisons de Chastelet vn riche homme, digne de mort, & qui estoit con- damné à mourir. Quand le iour approcha qu'on deuoit faire l'execution dudiēt ri- che homme, lediēt Preuost, moyennant grands dons & promesses qui luy furent faictz, feit prēdre dedans les prisons de ce Chastelet vn pauvre homme, qui y estoit detenu pri- sonnier, & luy supposa le nom dudiēt riche homme, & feit deliurer le riche homme, soubz le nom du pauvre innocent: duquel cas lediēt Preuost fut accusé & conuaincu: & pour ceste cau- se fut pendu & estranglé.

De l'esmeute des Pastoureux: & comment tous les messeaulx & ladres furent bruslez: & des Iuifz qui furent consturnez prisonniers, dont il y en eut qua- rante qui s'entretuerent en prison.

D'une mer-
ueilleuse en-
treprise que
feirent les
Iuifz à Vi-
try en Par-
toys.

EN ce mesme temps le Roy Philippe feit brusler & mourir tous les messeaulx qui estoient en ce royaume, par ce qu'il fut sceu & trouué qu'ilz auoyent entrepris d'empoisonner tous les puis & fontaines: & ce faisoient ilz (comme on disoit) par l'enhortement des Iuifz, qui leur auoyent baillé poisons pour ce faire: par- quoy plusieurs Iuifz furēt à ceste cause emprisonnez & bannis, & leurs biens con- fisquez au Roy, & moult en fut ars: & aduint vne merueilleuse aduēture à Vitry en Partoys: car comme il y auoit quarante desdiētz Iuifz emprisonnez pour ladiēte cause, lesquelz enten- dirent bien que briefuement deuoient mourir, ilz appoincterent entre eulx, par telle maniere que l'un d'eulx tueroit tous les autres, affin qu'ilz ne fussent mis à mort par la main des Chre- stiens: & ordonnerent que le plus ancien feroit l'execution: mais il ne sy voulut accorder fil n'auoit vn des ieunes Iuifz auec luy. Ainsi les deux tuerēt tous les autres: & apres le vieil fēt tāt au ieune qu'il le meit à mort, & demoura le ieune seul: leq̄l apres qu'il eut fait ladiēte execu- tion, & qu'il se veit seul, il essaya à eschaper par vne fenestre le long d'une corde: mais ladiēte corde rompit, par ce qu'il auoit prins sur luy tout l'or & l'argēt de ses compaignons, & tomba es fossez, & se rompit la iambe. Quand il fut apperceu, il fut prins & mené à la iustice, qui le cōdamna à mourir & estre bruslé, & tous les autres corps des Iuifz furent pareillemēt bruslez.

Comment

Comment par mauuais Conseillers le Roy voulut faire de grandes exactions au royaume de France.



An mil trois cens vingt le Roy Philippe le Long, cōbien qu'il fust homme frāc & debonnaire, toutesfois par l'enhortement des mauuais Conseillers & auaricieux qui estoient autour de luy, il voulut faire grosses exactions sur le peuple de son royaume: car il vouloit auoir le quint denier du vaillant de chacun de ses subiectz: mais le peuple ne voulut pas endurer ceste chose, ains demandoit le peuple de France audacieusement au Roy qu'estoyent deuenues les rétes & groz reuenuz du royaume, dont ses predecesseurs auoyent grandement & honnorablement vescu, & aussi l'argēt qu'il auoit eu des dîmes & des annuelz des benefices & gēs d'Eglise qu'il auoit leuēz, & les biens des confiscations des Lombars, des Iuifz, dont il auoit leuēes grandes sommes, & si ne payoit point ses officiers, ne les fiefz & aumosnes assignēes par ses predecesseurs sur le thresor, aux gens d'Eglise & de religion, dont il estoit moult à blasmer. Oultre disoit le peuple que ceulx qui estoient entour luy, en auoyent emboursē les deniers, car il n'auoit point eu de guerres, ne fait cheuauchēes, ne grand' despense, cōme auoit fait son pere: & encore soubz vmbre du passage d'oultre mer, il auoit requis au Pape le dixieme des benefices, qui le luy auoit accordē, pourueu que les Prelatz sy consentissent: lesquelz Prelatz apres ce qu'ilz eurent assemblē les gens d'Eglise de leurs diocēses, feirent response que le passage d'oultre mer n'estoit pas si prest que l'on deust leuer ledict dixieme, & que quād ilz verroyent q̄ besoing en seroit, ilz octroyeroient volūtiers ledict dixieme, ou iroyent en personne avec luy, & soubz celle dissimulation ne fut point leuē. En ce temps Loys le Comte de Neuers, qui auoit espousē la fille du Roy, fut accusē enuers le Comte de Flādres, son pere: & disoit on que Ferry de Piquegny auoit enuoyē à sondict pere vn garson, qui luy dist: Sire vostre filz de Neuers m'a cōmandē que ie feisse ce que frere Gaultier, son confesseur, me diroit: lequel m'a baillé poisons pour mettre sur vostre viande, ie ne l'ay pas voulu faire. Si fut ledict frere Gaultier prins prisonnier & gehainē, mais il ne voulut riens confesser. Sondict pere meit garde sur ledict Comte de Neuers, & fut prins & mis prisonnier en vn chastel, vers les marches d'Allemaigne, en la garde du seigneur de Fiennes, de Ferry de Piquegny, & du seigneur de Roucy, par le commandement de sondict pere, & de Robert, son frere: auquel Robert ledict pere vouloit deslors dōner ladicte Cōtē de Neuers. Quand le Roy de France sceut qu'il estoit prisonnier, il enuoya deuers le Comte de Flandres, luy dire qu'il le feist deliurer: mais il feit response qu'il auroit sur ce conseil: & ainsi n'en fut plus fait pour celle fois, car ses gardes ne le vouloyent deliurer: toutesfois à la parfin sesdictes gardes le meirent à son liberal arbitre, moyennant qu'il leur pardonnast son emprisonnement, & promist non iamais leur en faire, ne faire faire dommage ne desplaisir.

mil ccc.xx.

De la plainte que feirent les Français au Roy, qui les vouloit fouler par intolérable exaction.

En ce mesme temps le Roy eut en pēsee d'ordonner que par tout son royaume n'auroit que vn poys, vne aulne, vne mesure, & vne monnoye: laquelle monnoye tant d'or que d'argent seroit mise à pris si egal que l'or acheteroit l'argēt, & l'argēt l'or: qui eust esté & seroit oeuvre moult profitable au Roy, & à toute la chose publique du royaume: mais il ne se peut parfaire, par ce qu'une maladie de fiebre quarte & flux de ventre le surprint, de laquelle il alla de vie à trespas, le iij. iour de Ianuier, l'an mil trois cens vingt & vn: & fut son corps enterrē en l'Eglise saint Denis, avec les autres Roys, & son coeur mis es freres Mineurs de Paris, & les entrailles aux freres Prescheurs, & ne laissa nul hoir male de son corps: & par ce aduindrent lesdictz deux royaumes de France & de Nauarre à Charles, pour lors Cōte de Poitiers, son frere.

Bonne ordonnance s'elle fust gardée & observée.

De plusieurs Seigneurs d'Angleterre qui furent decapitez par le moyen de Hue le Despensier.



An mil trois cens vingt & vn, pource que le Roy Edouard d'Angleterre, deuxième de ce nom, gouuernoit diuersement son royaume, par le conseil d'un Cheualier, nommé Hue le Despensier, qui estoit son principal Gouverneur & Conseiller, & qu'il faisoit moult de griefz aux Seigneurs & au peuple d'Angleterre, & vouloit faire aucunes nouvelles constitutions contre la coustume du pays, plusieurs desdictz Seigneurs d'Angleterre felleuerent contre luy: parquoy ledict Roy soubz vmbre d'y vouloir donner ordre & prouision fait par le conseil dudit Hue le Despensier assembler vn Parlement à Londres des grands Barons du royaume: auquel Parlement il feit prendre tous lesdictz Seigneurs qui estoient ses aduersaires, & en feit decoler iusques au nombre de vingt & deux, dont le Comte de Lancastre fut le premier, & plusieurs autres en feit pendre & estrangler.

L'an mil trois cens vingt et un

L'an mil ccc.
xxi.



Charles, quatrieme de ce nom, filz de Philippe le Bel, & frere desdictz Roys Loys Hutin & Philippe le Long, comença à regner l'an mil trois cens vingt & vn, & trespassa sans hoir masse, au septieme an de son regne l'an mil trois cens vingt & sept, & gist à saint Denis en France. Cestuy Charles eut pour premiere femme Blanche, fille d'Othelin Côte de Bourgongne, & de Mahault Comtesse d'Artois: laquelle Blanche estoit vne des plus belles dames du monde. Elle se forfit en son mariage auant que ledict Charles fust Roy, & fut long temps prisonniere au Chasteaugailard: & depuis fut de luy par le Pape separée, à cause de cognation spirituelle, com

† P. Emi. dit
que Charles
auoit tenu
sur sons sadi
de femme.

me fut declairé en plain consistoire: car ladicte Mahault, mere de ladicte Blanche, auoit leuéd ledict Charles sur sons de baptesme, & de ce n'auoit obtenu dispense: & au temps de ladicte separation estoit encores icelle Blanche prisonniere au Chasteaugailard, pour la cause qui a esté dicte icy deuant. Apres ladicte separation ledict Charles espousa Marie, fille de Henry de Luxembourg, iadis Empereur de Romme, & soeur de Charles Roy de Boesme: de laquelle il eut vn filz, lequel tãtost apres qu'il fut baptisé mourut, & aucuns iours apres l'accouchemēt d'icelle Marie elle mourut aussi, en la ville d'Issoudun, ainsi q le Roy s'en retournoit des marches de Languedoc: dont aucuns furent soupsonnez, & fut son corps enterré au monastere des Nonnains, pres Montargis, ou elle auoit esleu sa sepulture: & depuis ce ledict Roy espousa par dispense du Pape, madame Iehanne, fille de feu monseigneur Loys, premier Comte d'Eureux, frere du feu Roy Philippe le Bel, & estoit icelle Iehanne, sa cousine Germaine: laquelle Iehanne au temps du trespas dudiect Charles le Bel demoura grosse d'vne fille qu'elle enfanta auant le temps de son terme. Apres le trespas dudiect Roy Philippe le Long, ledict Charles le Bel, son frere, luy succeda, comme dict est dessus, ausdictz deux royaumes de France & de Navarre, & fut couronné Roy paisiblement & sans contredict.

Comment la Comté de Flandres fut adiugée au Comte de Neuers, gendre du feu Roy Philippe le Long.

EN ce temps estoit procès en la court de Parlement à Paris, pour raison de la Comté de Flādres, entre Loys, Comte de Neuers, gēdre du feu Roy Philippe le Long, d'vne part, & son oncle messire Robert de Flandres d'autre: laquelle Comté par arrest fut adiugée audiect Loys Comte de Neuers, & d'icelle le Roy le receut en hommage, & fut mis en possession, & fut honnorablemēt receu en Flandres: toutesfois les Flamens ne furent pas contens de ce que ledict Comte n'vsoit du conseil de ceulx du pays, & qu'il se gouuernoit du tout par le cōseil de l'Abbé de Vezelay, qui estoit filz de feu messire Pierre Flotte, qui estoit mort en guerre contre les Flamens, avec le Comte d'Artois, deuant Courtray: & reputoyent ledict Abbé ennemy du pays, tellemēt que ledict Comte fut contrainct de le r'enuoyer viure en ladicte Abbaye. Tantoit apres, pource que ledict Comte feit mettre sus au pays vne taille plus grand' qu'il ne luy auoit esté octroyé, ceulx du plat pays s'esleuerent, & entrèrent dedans Bruges, ou estoit ledict Comte, & tuerent plusieurs de ses principaulx officiers. Lediect Roy Charles par mauuais conseil feit mutation de sa monnoye, & la mua de forte à foible, ainsi qu'auoit fait son pere, dont plusieurs dommaiges s'en ensuyrirent au royaume.

De Iourdain de l'Isle, qui fut pendu au gibet de Paris: lequel auoit espousé la mere du Pape Iehan vingtdeuxieme de ce nom.

L'an mil
trois cens
vingt &
quatre.



A l'an mil trois cens vingt & quatre vn des plus grands Seigneurs de Gascongne, & du plus grand lignage, nommé Iourdain de l'Isle, auquel pape Iehan, pour la haultesse de la Noblesse de son lignage, auoit donné sa mere en mariage, fut accusé deuers le Roy de plusieurs crimes, homicides, larrecins, efforcemens de femmes, vierges & pucelles, & d'estre rebelle & desobeissant au Roy, & à ses officiers, (car mesmement vn sergēt d'armes, du Roy, qui portoit vne masse aux armes du Roy, faisant aucun exploit cōtre luy, il l'auoit tué & mis à mort de sa mesme masse) & aussi par ce qu'il entretenoit avec luy grād nombre de mauuais garçons, larrōs & meurdriers: & auquel Iourdain le Roy, à la requeste du pape Iehan, auoit parauāt donné grace de dixhuyt cas & articles, dōc il auoit

il auoit esté attainct, pour chacun desquelz il auoit defferuy la mort. Ce neantmoins, apres ladiete grace ainsi à luy faicte par le Roy, il ne se peut abstenir de sa mauuaise & damnée accoustumance, ains feit pis que deuant. A l'occasion dequoy il fut adiourné à comparoir en personne deuant le Roy, en son Parlement à Paris, pour soy venir purger, lequel y vint à grand orgueil & compaignie: & avec luy vindrent plusieurs Comtes & Barons, qui le supportoyent & l'excusoient enuers le Roy tant qu'ilz pouoyent: & la se trouuerent le Marquis d'Amptōne, qui estoit nepueu du feu pape Clement, & plusieurs autres, qui proposerent plusieurs tords faictz & maluersations contre ledict Iourdain: lequel pour toute responce dist que le Roy luy auoit tout pardonné: mais pource qu'il fut trouué contre luy qu'il auoit commis plusieurs cas depuis la grace & remissio que le Roy luy auoit faicte, il fut enuoyé au Preuost de Paris pour luy faire son proces, & fut mis prisonnier dedans le Chastelet, & tellement contre luy procedé que par sentence dudit Preuost de Paris, il fut condamné à estre trayné, & apres pendu & estranglé, dont il appela en Parlement: & par la court de Parlement fut dict qu'il auoit esté bien iugé mal appelé: & fut renuoyé ledict Iourdain audit Preuost, pour excuter la sentence: lequel le feit trayner & pendre au plus hault du gibet de Paris.

En celle mesme année fut canonizé saint Thomas d'Aquin, de l'ordre des freres Prescheurs, & incript au cathalogue des Sainctz, & sa feste ordonnée estre solennizée le quinziesme iour de Iuillet: & gist son corps au conuent des freres Prescheurs à Toulouze. En ce temps le seigneur de Partenay fut accusé d'heresie enuers le Roy, par vn frere Prescheur, nommé maistre Morice, lequel se disoit inquisiteur de la Foy. Le Roy le feit prendre prisonnier, & proposa ledict frere contre luy plusieurs cas d'heresie, ausquelz ledict Seigneur de Partenay ne voulut respondre deuant la iustice laye, & au contraire proposa plusieurs autres cas contre ledict frere Morice, & qu'il n'estoit pas digne d'exercer ledict office d'inquisiteur: si fut la cause renuoyée à Romme, ou le Roy feit mener ledict Seigneur de Partenay, soubz bonne garde, & là demoura la cause.

s. Thomas
d'Aquin fut
canonizé en
viron l'an
mil.ccc.
xxiiii.

Comment le Roy Charles le Bel esmeus guerre contre le Roy d'Angleterre, pour occasion de la place de Montpesat.

EN ce temps monseigneur de Montpesat, en Gascongne, voulut faire fermer & fortifier vn sien chastel, qui estoit assis en la limite & separation des pays & terre des Roys de France & d'Angleterre: & pource qu'il estoit question de ladiete limite entre les officiers desdictz deux Roys, les officiers du Roy de France empescherent que ledict Montpesat ne feist ladiete fortification: & sur ladiete question fut donnée sentence, & fut appliquée ladiete place au profit du Roy de France, qui la garnist de gens pour la garder & deffendre: mais ledict seigneur de Montpesat, de ce courroucé, se tira vers Bordeaux deuers le Seneschal dudit Roy d'Angleterre, qui vint à son ayde avec plusieurs gens de guerre: & assaillirent la place, & la prindrent par force, & l'abbatirent & ruerent par terre, & tuerent tous ceulx qui auoyent esté mis dedans pour la garder pour le Roy de France. Ce venu à la congnoissance du Roy, combien qu'il se fust bien peu venger par voye de faict & par puissance d'armes: neantmoins manda doucement au Roy d'Angleterre qu'il feist faire reparatio de l'exces & iniure qui luy auoit esté faicte, & à ses gens & officiers. Le Roy d'Angleterre, apres ce qu'il eut ouy la nouuelle, enuoya en France vn sien frere, nommé t Aymé, qui estoit cousin germain du Roy de France, de par sa mere, & luy donna pouoir de traicter & appoincter de ceste matiere avec le Roy. Quand ledict Aymé & ceulx de sa compaignie furent venuz, le Roy persista en sa demande, requerant que ledict seigneur de Montpesat avec le Seneschal de Bordeaux, & autres qui luy auoyent fait l'exces, luy fussent baillez, & que le chasteau luy fust rendu: & quand les Anglois veirent que le Roy estoit si ferme en son propos sans s'en vouloir desmouuoir, ilz s'accorderent fainctement à sa volonté. Quand ilz s'en voulurent retourner le Roy leur bailla vn Cheualier, nommé messire Iehan d'Arablay, pour les conuoyer & voir faire en sa presence l'execution & reparation de ladiete amende & exces: mais quand lesdictz Anglois veirent qu'ilz furent pres de leur terre, & hors de la subiectio du Roy, ilz dirent audit d'Arablay qu'il s'en retournast, s'il ne vouloit auoir mauuaise compaignie, & perdre la teste: lequel incontinent s'en retourna en grand' craincte, & compta le cas au Roy: & luy dist comment les Anglois l'auoyent moqué, & qu'ilz se preparoyent de tout leur pouoir de luy faire guerre. Les choses ouyes le Roy reputa Gascongne, & les terres que tenoit de luy à hommage le Roy d'Angleterre, à luy acquises & confisquées: & par ce enuoya monseigneur Charles Comte de Valloys, son oncle, avec Philippe & Charles enfans dudit

t P. Em. le
nomme Al-
meric.

Thrahysen
des Anglois

Montpessar
en Gascon-
gne fut pris
& rasé sur
les Anglois

Le pays de
Gascongne
fut mis es
mains du
Roy de Frā
ce, reseruées
aucunes vil
les.

† parauant
le nōme V-
uidepic.

Comte, ses cousins, les Comtes d'Artoys & Beaumont, & Roger, frere du Comte de Henault, avec grand' armée en Gascongne, & tirerent droit en Agenois. A eulx se rendit tantost la cité d'Agen sans guerre, combien que lediēt Aymé, frere du Roy d'Angleterre, qui estoit allé en ladiēte cité, les eust fort persuadez & encouragez à eulx tenir contre le Roy: & ce feirent ilz pource qu'il s'en partit mal content d'eulx, pour deux causes: l'une, car il auoit leuē vne grand' taille en la cité: l'autre, car il auoit prins & emmenē vne moult belle fille & gracieuse de la ville, & de bon parenté contre le gré d'elle & de ses amys. Apres ladiēte prinse d'Agen tira mondiēt seigneur Charles, Comte de Valloys, & son armée, audiēt chastel de Montpessar, & le prit, & le feit abatre & raser: dont tantost apres le seigneur mourut de dueil. puis s'en alla lediēt Côte d'Artoys vers la Reolle, ou festoit retirē lediēt Aymé, frere du Roy d'Angleterre, lequel quand il sceut sa venue s'en voulut aller, & partir de la ville: mais ceulx de ladiēte ville le retindrent, & fut dedans assiegē par les François, si vertueusement qu'il conuint audiēt Aymé, & à ceulx de la ville venir à composition: qui fut telle que la ville seroit mise es mains du Roy de Frāce, & que ce que lediēt Aymé auoit pmis au Roy pour faire faire la reparatiō desdiētz excès seroit fait & acomply, & ladiēte bastille, qui auoit esté abatur, refaite: & iroit lediēt Aymé en Angleterre deuers son frere, sçauoir s'il vouloit tenir l'appoinctement & le confermer, & s'il ne vouloit tenir lediēt Aymé retourneroit deuers lediēt monseigneur Charles de Valloys, qui le meneroit au Roy: & de ce faire bailla quatre Cheualiers Anglois en ostage, soubz condition que s'il ne retournoit on leur copperoit les testes: & fut toute la Gascongne deça les riuieres de Garonne & Gironde mise en la main du Roy de France, reserué Bordeaux, Bayonne & saint Seuer, & par ce moyen trefues furent par mondiēt seigneur Charles de Valloys données iusques à Pasques, ensuyuātes. Si s'en alla lediēt Aymé à Bordeaux, puis passa en Angleterre. Quād la feste de Pasques, de l'an q' l'on cōmēça à cōpter mil trois cēs vīgt cinq fut venue, iusques auquel iour trefues auoyent esté données entre François & Anglois, le Roy feit apprestier son ost, pour retourner en Gascongne: mais madame Ysabeau de France Royne d'Angleterre, vint en France, du commandement de son mary, & amena avec elle Edouard de V vindefore son filz aîné: & feit tant que lesdiētes trefues furent prolongées, soubz esperance d'appoinctement: & promit ladiēte Royne faire venir le Roy d'Angleterre, son mary, deuers le Roy dedans certain temps: & combien que lediēt Roy d'Angleterre mādast & promist par plusieurs fois qu'il viendroīt faire hommage au Roy, toutesfois par mauuais conseil il mua propos: & pour s'en exempter donna audiēt Edouard de V vindefore, son aîné filz, qui ia estoit en France avec sa mere, toutes les terres qu'il auoit en Aquitaine, Ponthieu, & autres deça la mer: lequel Edouard de V vindefore, à la requeste de sa mere, le Roy receut à hommage.

Comment la Royne d'Angleterre, soeur du Roy, qui estoit venue en France, y fut long temps, & ne s'en osoit retourner en Angleterre: & du Comte de Flandres, qui voulut faire tuer messire Robert son oncle.



Pres ces choses ladiēte Royne d'Angleterre fut aduertie que Hue le Despensier, qui estoit tout le gouuerneur & principal Conseiller de son mary le Roy d'Angleterre, auoit fait à son diēt mary aucuns mauuais rapports d'elle: parquoy elle ne s'en osoit retourner en Angleterre, & fut long temps en France, elle, son filz, & tous ceulx de sa compaignie, à grands fraiz, & aux despens du Roy son frere.

En ce temps Loys, Comte de Flandres, qui hayoit grandement messire Robert de Flandres, son oncle, pour cause du proces qu'il auoit eu contre luy, & l'auoit soupsonneux, feit faire vne lettres par lesquelles il mandoit aux habitans de la ville de Vvarescon, ou son diēt oncle estoit, pres de l'Isle, qu'incontinent ilz le meissent à mort, comme ennemy & aduersaire de luy & de ses pays: mais auant que lesdiētes lettres fussent seellées, le Chancelier dudiēt Comte en auertit lediēt messire Robert de Flandres, lequel incontinent s'absenta: parquoy lesdiētes lettres ne sortirent point d'effect. Lediēt Comte sceut que son diēt Chancelier auoit fait lediēt aduertissement, & descouuert son secret, & luy en demanda sa responce: & iceluy Chancelier feit responce: Voirement ie l'ay fait, affin que vostre honneur ne fust pery, & vous diffamé perpetuellement: mais nonobstant ladiēte responce, qui estoit vraye & honneste, lediēt Comte feit mettre son Chancelier en prison.

De la guerre

De la guerre d'entre le Comte de Flandres & les Flamens: & de la mort de monseigneur Charles de Valloys.

Asez tost apres ces choses faictes, pource que ceulx de Flandres estoient tenuz payer au Roy, par la composition faicte avec eulx, vne grand' somme d'argent, il la leur commit mettre sus: mais ledict Comte de Flandres en feit mettre & leuer beaucoup plus grand' somme qu'il n'en deuoyent, dont les Flamens furent mal contents, & aussi qu'il ne leur estoit point apparu qu'ilz en eussent esté acquitez enuers le Roy: si se meurent, & demâderent que ceulx qui auoyent fait les receptes de ladicte composition, rendissent compte, & lesdictz receueurs machinerent avec ledict Comte qu'il failloit rabatre ladicte commotion: & sachans qu'ilz seroyent en dangier, si leur cas estoit congnu, appoincterent: & fut ordonné qu'ilz yroyent rendre lesdictz comptes en la ville de Tournay: & delibererent lesdictz receueurs, avec le Comte de Flandres, de tuer tous ceulx qui y viendroyent de par les villes & communaultez: & affin qu'ilz peussent mieulx executer leur deliberation, ilz conclurent qu'ilz brusleroyent les faulxbourgs: ce qu'ilz feirent: mais avec ce la pluspart de la ville fut bruslée: laquelle chose voyans ceulx de ladicte ville, ilz s'allerent tous armer, & coururent sus au Comte de Flandres & à ses gens, & en tuerent plusieurs: & fut ledict Comte prins, & avec luy cinq Cheualiers, & autres gētilz hommes, lesquels furent baillez à ceulx de Bruges, qui les meirent en prison: & lors les plus grands de Bruges, & ceulx du pays d'environ, reseruez les Ganthois, se meirent sus, & esleuerent pour leur Seigneur & gouuerneur ledict messire Robert de Flandres, qui estoit oncle, & le plus grand ennemy dudit Comte: lequel, si tost qu'il eut la seigneurie de Flandres, meit hors de prison le Chancelier de sondict nepueu, & l'honora moult: car par luy il estoit eschapé de mort. Lesdictz Ganthois s'armerent contre ceulx de Bruges, qui tenoyent en prison ledict Comte, & auoyēt avec eulx le communes de Flandres, & requeroient qu'il fust deliuré: & y en eut de ceulx de Bruges: biē cinq cens tuez: mais neantmoins ne fut pas le Comte deliuré: dont il aduint que le Roy enuoya grand' Ambassade deuers ceulx de Bruges, affin qu'ilz deliurassent ledict Comte, mais non pourtant n'en feirent riens.

Le Cōte de
Flādrēs pri
sonnier.

En celle année fut l'yuer moult lōg & diuers, & fut la riuierē de Seine tellemēt glacée, que chariotz & charettes passoyent p dessus la glace, & au degel les glaçons rōpirent les deux pōtz de Paris: en quoy plusieurs eurent grand dommage. En celle année, enuiron la feste de la Magdaleine, print vne griefue maladie à monseigneur Charles Comte de Valloys, oncle du Roy, & perdit la moytiē de luy, de laquelle il mourut à Paray pres Chartres, enuiron dix iours deuant Noel: & fut son corps apporté, & enterré aux freres Prestheurs à Paris, & son cœur mis aux Cordeliers: & veult on dire qu'il feit scrupule de conscience de la mort de feu maistre Enguerrand de Marigny, qui auoit esté pendu à sa poursuyte, par ce que durant sa maladie il feit faire vne aumosne generale parmy la ville de Paris, à tous ceulx qui la vouldroyēt prédre: & disoyent ceulx qui la distribuoyent: Priez Dieu pour l'ame de feu monseigneur Enguerrand de Marigny, & pour la santé de monseigneur Charles de Valloys, & nommoient ledict de Marigny le premier.

Charles Cō
te de Val
loys à sa
mort feit
scrupule d'a
uoir fait pē
dre Enguer
rand de Ma
rigny.

Du retour de la Roynie d'Angleterre audict pays d'Angleterre: & comment elle print prisonnier son mary, & feit couronner son filz Roy d'Angleterre.

En mil trois cens vingt six, madame Iehan̄ne d'Eureux, Roynie de France, fut couronnée moult solennellement à grand honneur, en la sainte chapelle du Palais à Paris. En celle année fut rapporté au Roy, que le Roy d'Angleterre auoit fait prendre tous les François qui estoient en Angleterre, & confisquer tous leurs biens: parquoy le Roy commanda ainsi estre fait des Angloys qui estoient en France: mais depuis fut sceu que de ce n'auoit esté riens en Angleterre, & qu'on auoit mal rapporté, & qu'aucuns qui auoyent fait ledict rapport, l'auoyent fait affin qu'ilz eussent occasion de prendre les biens desdictz Angloys, qui fut mal fait: car leurs dictz biens ne leur furent pas rendus, dont les preud'hommes, principalement les marchāds du royaume, furent courroucez. En ladicte année ladicte Isabel, Roynie d'Angleterre, fille de Philippe le Bel, sœur dudit Roy Charles de France, doubra que si elle demouroit plus lōgue ment en France, qu'elle encourust l'indignation de son seigneur & mary: parquoy elle print congé du Roy son frere, & s'en partit de Paris, & alla iusques à la Comté de Ponthieu qu'elle

Mil ccc.
xxvi.

possedit lors (car elle luy auoit esté baillée en mariage) & illec seiourna, attendant auoir des nouuelles du Roy d'Angleterre son mary: mais elle sceut que messire Hue le Despensier, gouuerneur de sondict mary, luy auoit fait aucuns mauuais rapportz d'elle, & qu'il estoit tellemēt mal meu contre elle & son filz, qu'il faisoit garder les portz d'Angleterre, pour la prendre prisonniere. Elle venoit. Plusieurs des Barons d'Angleterre, ennuyez du gouuernement de leur Roy, & dudit Hue le Despensier, manderent à la Roynne qu'elle s'en allast hardiment en Angleterre, & menait son filz, & qu'ilz luy ayderoyent. Ces nouuelles ouyes, elle s'en partit, & en sa compaignie messire Iehan de Henault, seigneur de Beaumont, qui frere estoit de Guillaume Comte de Henault, qui auoit espousé madame Iehanne, fille de Charles de Valloys, oncle du Roy: lequel Iehan de Henault ledict Roy Charles son frere luy bailla, avec trois cēs hommes d'armes pour l'accompaigner, & arriuerent à vn port d'Angleterre. Ceulx qui gardoyent ledict port voulurent faire secretement ce que leur seigneur leur auoit mandé; mais la Roynne, qui estoit subtile, les appaisa de belles parolles, & leur manda qu'ilz veinssent parler à elle. Quand il furent venus, elle print son filz Edouard entre ses bras en leur montrant, & dist: Beaulx seigneurs voyez c'est enfant, il est pour estre vostre seigneur si Dieu plaist: ne cuydez pas que ie viēne avec gēs d'armes pour greuer monseigneur le Roy ne le royaume d'Angleterre, mais viens pour le bien d'iceluy, & pour extirper aucuns mauuais conseilliers qu'il a autour de luy. Ce venu à la congnoissance du Roy d'Angleterre, il manda à la Roynne qu'elle luy desplaisoit en toute maniere d'estre entrée en Angleterre avec gens d'armes: si se print la Roynne garde de son fait, & tascha à gaigner de son costé les Barons, & populaires, & espēcialement ceulx de Londres: & tellement feit qu'elle les gaigna & attrahit, & s'armerēt pour elle, & allerent avec ledict messire Iehan de Henault contre le Roy Edouard d'Angleterre, le combattirent, & fut prins ledict Hue le Despensier: & le Roy s'en alla, & sauua par fuyte à peu de compaignie, & se vouloit retraire en vn chastel es marches de Galles: mais en chemin il fut prins dague par aucuns Barons, qui le baillerent au frere du Comte de Lancastre, que ledict Roy auoit fait decapiter: lequel le garda en prison iusques à la mort. Le Roy ainsi prins, & mis en prison, assemblée se feit à Lōdres des gens des trois estatz d'Angleterre: & de cōmun assentemēt fut ledict Roy Edouard, le vieil, priuē de la dignité royale, & fut son filz le ieune Edouard, surnommé de Vvindefore, aagé de seize ans ou enuiron, couronné le iour de Noel au Palais de Vvestmonstier: & par l'ayde & conduicte de messire Iehan de Henault gouuerna ledict royaume d'Angleterre avec sa mere: laquelle vsoit fort du conseil d'un Cheualier, nōmé

Hue le Despensier, gouuerneur du Roy d'Angleterre, fut cruellement mis à mort.

messire Roger de Mortemer. Puis fut prins Hue le Despensier l'aisné, aagé de quatre vingtz dix ans, & au moys d'Octobre, deuant le chastel de Bristo, fut tout vif ouuert comme vn pour ceau, & ses entrailles bruslées deuant luy, & les voyāt. Puis eut la teste coppée, & mis en quartiers, & plusieurs autres de ses complices faitz mourir en diuerses manieres: & entre autres vn Eueque, qui estoit coupable de la mauuaistiē dudit Hue, eut la teste coppée. Iceluy vieil Edouard Roy d'Angleterre estant prisonnier, fut fait le mariage d'une de ses filles à Dauid Roy d'Escocce: & aucun tēps apres mourut iceluy vieil Edouard, depōsé d'estat de Roy d'Angleterre, en prisō: & disoit on q' ledict messire Roger de Mortemer, Cheualier, l'auoit fait tuer, & par ce fut prins prisonnier: rāt à ceste cause qu'aussi pource que ladiēte Ysabel, Roynne d'Angleterre, estoit moult diffamée de la grande familiarité qu'elle luy monstroie deuant tous: lequel de Mortemer confessa qu'il auoit procuré la mort dudit feu Roy Edouard: & par ce fut trainé, pendu, & estranglé, & la Roynne, du commandement de son filz, ieune Roy, fut enserree en vn chastel soubz bonnes gardes. En celle année ceulx de Bruges, qui tenoyent le Cōte de Flandres, leur seigneur, prisonnier, par les pourfuytes des Gantois le deliurerent, moyennant qu'il iura les tenir en leurs libertez, & que pour occasion de sa detention & prison ne feroit mal à eulx n'a autres, & qu'il feroit doreinauant les grosses besongnes par leur conseil.

Appointement fait entre les Roys Chrestiens.

Audit an mil trois cens vingt & six fut accordé, entre tous les Roys Chrestiens, que de royaume à autre on pourroit seurement & sans saufconduit porter toutes manieres de marchandises, & fut crié & publié par tous royaumes.

De la mort dudit Roy Charles le Bel: & comment sa femme demoura grosse, par quoy Philippe de Valloys print la regence & gouuernement du royaume.

L'an mil ccc. & xxvii.



N l'an de grace mil trois cens vingtsept ledict Roy Charles le Bel, manda au ieune Edouard, nouveau Roy d'Angleterre, son nepueu, qu'il luy vint faire hommage de la Duché d'Aquitaine & autres terres qu'il tenoit de luy: lequel s'excusa sur la mort de son pere. Enuiron ce temps le Pape, qui estoit fort appauury d'argent, à l'occasion d'une

tion d'une guerre, qu'il auoit longuement menée en Lombardie cōtre les Guibelins, enuoya en France, afin que les gens d'Eglise luy feissent ayde pour soustenir sa guerre: mais le Roy de prime face ne le voulut souffrir ne conseiller, disant que iamaiz n'auoit esté fait en son roy aume: parquoy le Pape luy escriuit lettres gracieuses, & luy oūtroya le decime des eglises iusques à deux ans ensuyuans, & par ce moyen le Roy donna son consentement: & ainli fut dict *Le Roy de France permit au Pape de lever une decime afin que luy mesmes en leuast un autre.* Dōne men iet'en donneray. En celle année le iour de Noel, à heure de minuyt, print vne grieve maladie audit Roy Charles le Bel, dont il s'accoucha au liēt: & fut si pressé que la veil le de la Chandeleur ensuyuant il trespassa au chastel du boys de Vincennes, & fut son corps enterré en l'eglise saint Denis, auprès de son pere & freres. Autemps du trespas d'iceluy Roy Charles madame Jehanne d'Eureux, sa femme, demoura enceinte: parquoy Philippe de Valloys, filz dudit feu messire Charles, Côte de Valloys, & cousin germain desdictz trois Roys, prochains precedens, c'est à sçauoir Loys Hutin, Philippe le Long, & Charles le Bel, print le gouvernement de ladicte Roïne & des royaumes de France & de Nauarre, comme regent, & s'en acquitta grandement & honnorablement iusques au terme d'enfanter, que ladicte Roïne estoit au Chasteauneuf sur Loyre pres Orleans: & le Vendredy, premier iour d'Auril, eut vne fille, qui fut appelée Blanche: parquoy lors ledit Philippe de Valloys, comme plus prochain heritier desdictz Roys en ligne masculine, se porta & nomma Roy de France.

De la mort de Pierre Remy, gouverneur des finances de France, qui fut pendu & estranglé.

EN ce temps Pierre Remy, qui du temps dudit Roy Charles le Bel estoit principal gouverneur, conseiller & administrateur des finances de France, fut traîné, pendu & estranglé au gibet de Paris (que luy mesmes auoit fait réedifier de neuf) par ce qu'il fut trouué qu'il n'auoit pas bien administré lesdictes finances, & n'en sçauoit rendre bon compte, & qu'il n'auoit pas fait payer le fief, aumosnes & gages des officiers de sa charge, & s'estoit fait donner les deniers qu'il en auoit retenuz & recueilliz: & fut trouué que la valeur de ses biens montoit à trois cens mil francs & plus.

Enuiron ce temps, c'est à sçauoir l'an mil trois cens trente, fut maistre Nicole de Lira, docteur en Theologie, de l'ordre des freres Mineurs à Paris: lequel glosa & commenta sur la Bible, & feit plusieurs autres belles escriptures à l'introduction des Chrestiens. Les aucuns diēt qu'il estoit Hebrieu, & qu'il fut de la nation des Iuifz, & puis conuertý à la foy. Les autres diēt qu'il fut Brabançon, & de parens Chrestiens, & que pource qu'il estoit pauvre, il cōuersa aux escolles des Iuifz, ou il apprint la langue Hebrique. Car en ce temps en ce royaume les Iuifz conuersoyent communement avec les Chrestiens, & les Chrestiens avec les Iuifz.

*L'an mil
ccc. trente.*

*De maistre
Nicole de li
re, glosateur
de la sainte
Bible.*

*Fin du premier volume des Annales & Croniques de France, reuenues
& corrigées oultre les precedentes Impressions.*



